





1946 3328

37
36. A





R. P. ADAMI HUTH

J U S

CANONICUM

AD LIBROS V.

DECRETALIUM.

1877

1878

1879

1880

1881

1882

1883

1884

1885

1886

JUS CANONICUM
AD LIBROS V.
DECRETALIU
GREGORII IX.

EXPLICATUM,

*Et per Quaestiones, ac Responſa in methodum
breveſ, & claram redactum.*

AUTHORE

R. P. ADAMO HUTH

E SOCIETATE JESU

*Sacrorum Canonum Doctore, eorumque in Alma Ele-
ctorali Univerſitate Heidelbergensi Professore
Publico, & Ordinario.*



RAVENNAE, MDCCLVIII

Sed proſtant

V E N E T I I S

Apud Nicolaum Pezzana.

And a sum of money by the author of the

THE
FEDERAL
BUREAU OF
INVESTIGATION
UNITED STATES DEPARTMENT OF JUSTICE
WASHINGTON, D. C.

REPORT OF THE
FEDERAL BUREAU OF INVESTIGATION
ON THE
ACTIVITIES OF THE
COMMUNIST PARTY, U. S. A.


444

REPORT OF THE
FEDERAL BUREAU OF INVESTIGATION
ON THE
ACTIVITIES OF THE
COMMUNIST PARTY, U. S. A.

F A C U L T A S

R. P. PROVINCIALIS

Cum Privilegiò Cæsareo.

UM Dominus Mathias VVolf
Bibliopola Augustanus Jus
Canonicum ad Libros V.
Decretalium Gregorii IX. a
R. P. Adamo Huth e Societate JESU
SS. Canonum Doctore, eorum-
que in Alma Electorali Universitate
Heidelbergensi Professore Publico &
Ordinario explicatum, & per quæstio-
nes ac responsa in methodum brevem
& claram redactum, atque a deputa-
tis Societatis nostræ Patribus lectum,
& approbatum typis mandare velit:
Ego infra scriptus per Provinciam
Rheni Superioris Societatis JESU
Præpositus Provincialis, potestate ab
admodum Reverendo Patre Fran-
cisco Retz Vicario Generali Societa-
tis JESU mihi concessa, eidem Do-
mino ad decennium facultatem con-
cedo, simulque communico Privile-
gium Cæsareum, quo aliis Bibliopolis
& Typographis interdicitur, ne di-
ctum

Etum librum citra consensum Superiorum recudere, vel intra fines Romani Imperii, & hæreditarias Sacræ Cæsareæ & Catholicæ Majestatis Provincias inferre, aut vendere præsumant. In cujus rei fidem has literas Chirographo meo, & consueto Officii Sigillo munitas dedi. Moguntiaë
II. Septemb. Ann. 1730.

(L. S.)

JOANNES HARTUNG.

APPRO-

APPROBATIO THEOLOGICA.



Pus hoc paucis ab hinc annis divisum ,
& per partes publicis typis evulgatum
tanta litterarii orbis approbatione ex-
ceptum fuit , ut multorum vota illud
recudi denuo expetierint . Jure igitur
de novo publicam lucem subit , ut in quo , cum
fidei orthodoxæ dogmatis & bonis moribus pu-
gnans nihil , sed totius Sacræ jurisprudentiæ placi-
ta concinno ordine per quæstiones digesta , solidis
responsionibus & momentis explanata , ac perspi-
cua brevitate in talem contracta sint epitomen ,
quæ studentium commoditati mirifice serviat , &
paucissimis verbis dicat plurima . Ita censet .

Heidelbergæ calend. Augusti 1730.

(L. S.)

FRANCISCUS SCHVVARTZ S. J.
SS. Theol. Doctor, ejusdemque in
Universitate Heidelbergensi Profes-
sor Publicus , & Ordinarius , Sa-
cræ Facultatis ex parte Catholi-
corum p. t. Decanus.

a 4

APPRO-

APPROBATIO JURIDICA.



OS Decanus, Senior, alique Doctores
Professores Facultatis Juridicæ in hac
alma & perantiqua Electorali Palatinæ
Universitate Heidelbergensi legimus &
perpendimus Tractatum R. & Clar. P.
Adami Huth Societat. JESU, SS. Canonum Do-
ctoris ac Professoris Publici & Ordinarii, Collegæ
nostri æstimatissimi ad quinque Libros Decretalium
per Quæstiones ac Responfa in methodum brevem
& claram redactum; in quo, cum nihil in Leges,
nec Imperii Constitutiones militans deprehenderi-
mus, ipsum prelo committi & ad majorem Au-
dientium utilitatem in lucem bene edi posse judi-
cavimus. In cujus rei fidem Sigillum Facultatis
nostræ apprimi fecimus. Heidelbergæ die tertia
Julii 1730.

(L. S.)

CAROLUS OTTO THYLLIUS, J. U.
D. Sacr. Imp. Palat. Comes, Status
Regim. & Supremi Appellationum Ju-
dicii Electoralis Palatin. Consiliarius
nec non Curix Matrimonialis Dire-
ctor, & Prof. Primar. in Univers. Hei-
delb. Facult. Jurid. p. t. Decanus.

ELEN-

ELENCHUS TITULORUM.

T I T U L I

L I B R I I.

DECRETALIUM:

1	D E Summa Trinitate & Fide Catholica: p ^a gina	10
2	De Constitutionibus.	12
3	De Rescriptis.	25
4	De Consuetudine.	32
5	De Postulatione Prælatorum.	40
6	De Electione & Electi potestate.	43
7	De Translatione Episcopi.	53
8	De autoritate & usu pallii.	55
9	De renuntiatione.	57
10	De supplenda negligentia Prælatorum.	60
11	De temporibus ordinationum & qualitatibus ordinandorum.	62
12	De Scrutinio in ordine faciendo.	68
13	De ordinatis ab Episcopo, qui renuntiavit Episcopatu, vel ab excommunicato.	70
14	De ætate & qualitate, & ordine præficiendorum, h. e. promovendorum ad dignitates & beneficia Ecclesiastica.	72
15	De Sacra Unctione.	74
16	De Sacramentis non iterandis.	76
17	De Filiis Presbyterorum ordinandis vel non.	77
18	De Servis non ordinandis & eorum manumissione.	79
	19 De	

E L E N Q U S

19	De obligatis ad ratiocinia ordinandis vel non.	81
20	De corpore Vitiatis ordinandis vel non.	82
21	De bigamis non ordinandis.	84
22	De Clericis peregrinis.	86
23	De Officio Archi-Diaconi.	87
24	De Officio Archi-Presbyteri.	89
25 26 27	De Officio Primicerii, Sacristæ & Custodis.	90
28	De Officio Vicarii.	91
29	De Officio & potestate judicis delegati.	95
30	De Officio Legati.	100
31	De Officio judicis ordinarii.	103
32	De Officio judicis.	110
33	De Majoritate & obedientia.	113
34	De tregua & pace.	116
35	De pactis.	118
36	De transactionibus.	122
37	De postulando.	125
38	De Procuratoribus.	128
39	De Syndico.	134
40	De his, quæ vi metusve causa fiunt.	136
41	De in integrum restitutione.	140
42	De alienatione judicii mutandi causa facta.	146
43	De arbitris.	148

T I T U L I

L I B R I II.

D E C R E T A L I U M.

1	DE judiciis.	pag. 153
2	De foro competente.	161
3	De oblatione libelli.	172
4	De mutuis petitionibus.	178
5	De litis contestatione.	181
6	Ut lite non contestata non procedatur ad testium	

TITULORUM.

stium receptionem vel ad Sententiam definiti-	183
7 De juramento Calumniæ.	185
8 De dilationibus.	188
9 De feriis.	191
10 De ordine cognitionum.	193
11 De plus petitionibus.	195
12 De causa possessionis & proprietatis.	197
13 De restitutione Spoliatorum.	205
14 De dolo & contumacia.	209
15 De eo, qui mittitur in possessionem causa rei ser-	214
vandæ.	216
16 Ut lite pendente nihil innovetur.	219
17 De sequestratione possessionum & fructuum.	222
18 De confessis.	227
19 De probationibus.	231
20 & 21. De testibus & attestationibus & de testibus	239
cogendis.	244
22 De fide instrumentorum.	247
23 De præsumptionibus.	254
24 De jurejurando.	257
25 De exceptionibus.	258
26 De præscriptionibus.	276
27 De sententia & re judicata.	290
28 De appellationibus, recusationibus, & relationi-	291
bus.	
29 De Clericis peregrinantibus.	
30 De Confirmatione utili & inutili.	

E L E N C H U S

T I T U L I

L I B R I III.

D E C R E T A L I U M.

1	D E vita & honestate Clericorum.	pag. 294
2	De Cohabitatione Clericorum & mulierum.	299
3	De Clericis conjugatis.	301
4	De Clericis non residentibus in Ecclesia vel præbenda.	304
5	De præbendis & dignitatibus.	310
6	De Clerico ægrotante vel debilitato.	326
7	De institutionibus.	328
8	De Concessione præbendæ & Ecclesiæ non vacantis.	331
9	Ne sede vacante aliquid innovetur.	334
10	De his, quæ fiunt a Prælato sine consensu Capituli.	336
11	De his, quæ fiunt a majore parte Capituli.	337
12	Ut Ecclesiastica beneficia sine diminutione conferantur.	341
13	De rebus Ecclesiæ alienandis vel non.	342
14	De precariis.	348
15	De commodato.	350
16	De deposito.	353
17	De emptione & venditione.	355
18	De locato & conducto.	361
19	De rerum permutatione.	368
20	De feudis.	369
21	De pignoribus & aliis cautionibus.	374
22	De fidejussoribus.	377
23	De Solutionibus.	381
24	De Donationibus.	384
25	De peculio Clericorum.	387
26	De testamentis & ultimis voluntatibus.	389

T I T U L O R U M.

27 De ſucceſſionibus ab inteſtato.	398
28 De Sepulturis.	402
29 De parochiis & alienis parochianis.	406
30 De decimis primitiis, & oblationibus.	407
31 De regularibus & tranſeuntibus ad religionem.	414
32 De ⁴¹⁴ conſeſſione Conjugatorum, id eſt, de tranſeuntibus ad religionem poſt matrimonium contractum.	419
33 De conſeſſione infidelium.	420
34 De voto & voti redemptione.	421
35 De Statu Monachorum & Canonicorum regularium.	425
36 De Religioſis domibus, ut Epifcopo ſint ſubjectæ.	428
37 De Capellis Monachorum & aliorum religioſorum.	430
38 De jure Patronatus.	431
39 De cenſibus, exactionibus, & procurationibus.	437
40 De Conſecratione Eccleſiæ vel altaris.	440
41 De celebratione Miſſarum, & Sacramento Eucharistiæ & diviniſ officiis.	444
42 De baptiſmo & ejus effectu.	447
43 De Presbytero non baptizato.	448
44 De cuſtodia Eucharistiæ, Chriſmatis & aliorum Sacramentorum.	449
45 De reliquiis & veneratione Sanctorum.	450
46 De obſervatione jejuniorum.	ibid.
47 De purificatione poſt partum.	452
48 De Eccleſiis ædificandis & reparandis.	453
49 De Immunitate Eccleſiarum, Cæmeterii & rerum ad eas pertinentium.	454
60 Ne Clerici vel Monachi ſæcularibus negotiis ſe immiſceant.	461

E L E N C H U S
T I T U L I
L I B R I IV.

D E C R E T A L I U M.

1	D E Sponsalibus & Matrimonio.	pag. 465
2	De desponsatione impuberum.	479
3	<u>De clandestina desponsatione.</u>	<u>481</u>
4	De sponsa duorum.	486
5	De conditionibus apposis in desponsatione aliis- que contractibus.	488
6	<u>Qui Clerici vel voventes matrimonium contrahere possunt.</u>	<u>491</u>
7	<u>De eo, qui duxit in matrimonium, quam polluit per adulterium.</u>	<u>493</u>
8	De Conjugio leproforum.	495
9	De conjugio servorum.	496
10	De natis ex libero ventre.	498
11	De Cognatione spiritali.	499
12	De Cognatione legali.	502
13	<u>De eo, qui cognovit consanguineam uxoris seu sponsæ.</u>	<u>505</u>
14	De consanguinitate & affinitate.	ibid.
15	De frigidis & maleficiatis, & impotentia coe- undi.	511
16	De matrimonio contracto contra interdictum Ec- clesiæ.	513
17	<u>Qui filii sint legitimi.</u>	<u>517</u>
18	<u>Qui matrimonium accusare possunt vel contra illud testificari.</u>	<u>521</u>
19	<u>De divortiis.</u>	<u>524</u>
20	De donationibus inter virum & uxorem, & de do- te post divortium restituenda.	532
21	<u>De secundis nuptiis.</u>	<u>535</u>

TITULORUM.

TITULI

LIBRI V.

DECRETALIUM.

1	DE accusationibus, inquisitionibus & denuntiationibus.	pag. 541
2	De calumniatoribus.	548
3	De Simonia, & ne aliquid pro spiritualibus exigatur vel promittatur.	549
4	Ne Prælati vices suas vel Ecclesias sub annuo censu concedant.	557
5	De Magistris, & ne aliquid exigatur pro licentia docendi.	559
6	De Judæis Sarracenis & eorum servis.	560
7	De Hæreticis.	564
8	De Schismaticis & ordinatis ab eis.	567
9	De Apostatis & reiterantibus baptisma.	568
10	De his qui filios occiderunt.	570
11	De infantibus & languidis expositis.	571
12	De homicidio voluntario vel casuali.	573
13	De torneamentis.	578
14	De Clericis pugnantis in duello.	579
15	De Sagittariis.	582
16	De adulterio & stupro.	583
17	De raptoribus, incendiariis & violatoribus Ecclesiarum.	588
18	De furtis.	591
19	De usuris.	594
20	De crimine falsi.	601
21	De Sortilegiis.	603
22	De Collusione detegenda.	605
23	De Delictis puerorum.	606
24	De Clerico venatore.	607
25	De Clerico percussore.	608
26	De maledicis.	609

ELENCHUS TITULORUM.

27 De Clerico excommunicato, deposito vel interdicto ministrante.	610
28 De Clerico non ordinato ministrante.	611
29 De Clerico per saltum promot.	612
30 De eo qui furtive ordinem suscepit.	ibid.
31 De excessibus prælatorum & subditorum.	613
32 De novi operis nuntiatione.	614
33 De privilegiis & excessibus privilegiatorum.	616
34 & 35 De purgatione canonica & vulgari.	621
36 De injuriis & damno dato.	623
37 De pœnis.	626
38 De pœnitentiis & remissionibus.	629
39 De sententia excommunicationis, suspensionis & interdicti.	632
40 De verborum significatione.	640
41 Et ultimus, de regulis juris.	641



LIBER



LIBER PRIMUS

DECRETALIUM

GREGORII IX.

D E

JUDICE ECCLESIASTICO.

QUÆSTIONES PROOEMIALES

I N

IUS CANONICUM.



Quest. 1. Quid importet, sive pro quo supponat vocabulum IUS? Resp. Accipitur varie: 1. pro æquo & justo accepto generatim, sive pro omni eo, quod dictamini rationis, Legi divinæ & humanæ conforme est. 2. Pro eo specialiter, quod alteri debitum est ex justitia strictè sumpta. 3. Pro sententia judicis. 4. Pro loco, in quo causæ deciduntur. L. 11. ff. de J. & J. 5. Pro potestate morali & legitima aliquid agendi vel omittendi, vel obligandi alterum ad aliquid faciendum aut omittendum. 6. Pro ipsis legibus & constitutionibus. 7. Pro libro, in quo leges descriptæ continentur: ita dicitur Corpus Juris. 8. Pro Legum & Canonum scientia sive notitia. L. 1. ff. de J. & J.

Q. 2. Qualiter Jus dividatur? Resp. 1. Jus pro potestate morali agendi aliquid vel omittendi acceptum divi-

P. Adami Huth.

A

ditur

ditur in *Jus proprietatis*, quod est potestas, sive facultas aliquid agendi vel omittendi, aut etiam obligandi alterum ad actionem vel omissionem principaliter in bonum proprium obligantis; & in *Jus Jurisdictionis*, quod est potestas publica principaliter & directe ordinata in totius Communitatis, aut etiam privatorum bonum, obligandi alium ad aliquid faciendum vel omittendum. *Jus proprietatis* subdividitur in *jus in re*; *jus ad rem*, & secundum multos in *jus mixtum*. *Jus in re* est facultas in ipsam rem nobis immediate obligatam competens, vi cujus regulariter agere possumus contra quemcumque possessorem; ejus quinque sunt species, *dominium perfectum*, *servitus*; *jus hereditarium*, *pignus*, *possessio*. *Jus ad rem* est, quod quis habet ad actum futurum, vel ad rem debitam necdum obtentam; dicitur etiam *jus personale*, ut plurimum personam nobis immediate obligatam respiciens. *Jus mixtum* juxta AA. multos est, quod participat aliquid ex utroque jure, nimirum jure in re & ad rem, paritque actionem quasi mixtam ex reali & personali. §. *quædam* 20. *Instit. de action.* Harum actionem assignant 4. *finium regundorum*, *familie herciscundæ*, *communi dividundo*, *ad exhibendum*. *Jus proprietatis* varias patitur subdivisiones, sed levioris momenti.

Resp. 2. *Jus acceptum pro ipsa Lege*, minus apte ad regulas bonæ divisionis L. 1. ff. de J. & J. dividitur in *Jus naturale*, gentium, civile. Ratio, quia hac divisione non comprehenduntur multæ Leges divinæ, saltem V. T. item multæ Leges Canonice; dividitur melius a TT. in *Jus naturale* & *positivum*; hoc in *divinum* & *humanum*, *humanum* in *jus gentium*, *Civile* & *Canonicum*.

Q. 3. *Quid sit jus naturale?* Resp. Est voluntas DEI necessario obligantis, intimata nobis per lumen rationis a DEO auctore naturæ omnibus insitum, quo agnoscimus, aliqua esse necessario facienda, quia intrinsece bona; v. g. *colere Deum*, *facere proximo*, quod quis sibi vult fieri; aliqua esse necessario omittenda, quia intrinsece mala; v. gr. *blasphemare DEUM*, *pejorare*, *mentiri*. Hoc jus non afficit bruta, sed homines tantum; quia omnis lex supponit creaturam usu rationis

præditam, & obligationis capacem: non ostendit solum actuum quorundam turpitudinem, sed & eorum nullitatem: qualis actus jure naturæ nullus foret matrimonium initum in primo gradu consanguinitatis lineæ rectæ: Hoc jus naturale non patitur mutationem, nisi improprie, materia scil. & objecto circa quod versatur, mutato per certas circumstantias aut condiciones, a quibus dependet.

Q. 4. *Quid sit jus positivum?* Resp. Est ordinatio rationis siue lex libera DEI aut hominis aliquid præcipientis vel prohibentis voluntate inducta. *Jus positivum divinum* constituunt præcepta tum N. tum V. T. in quo erant triplicis generis, nimirum, *cereimonialia*, *judicialia*, *moralia*. *Jus positivum humanum* est, quod immediate ab hominibus, potestate ad hoc a DEO accepta pollentibus est conditum.

Q. 5. *Quid sit jus gentium?* Resp. Jus gentium, non *primarium*, uti sumitur in quibusdam LL. & coincidit cum jure naturali, sed jus gentium proprie sumptum est, quod quidem rationi naturali conforme est, & in ea fundatur ac profluit, non tamen necessario ac simpliciter solo naturæ instinctu est inditum nobis; neque etiam a determinato Principe vel regno ortum habet, sed supposita humana societate & communicatione politica, necessitate hujus convictus sic exigente, inter omnes vel fere omnes gentes, non scriptura, sed moribus est constitutum, vel per modum legis præceptivæ, aut prohibitivæ, vel per modum potestatis permissivæ. Hoc jus respicit homines ut sunt cives & membra totius Communitatis humanæ: quædam, quæ juris gentium supponuntur esse, enumerantur *c. jus gentium*, 9. dist. 1. L. 5. ff. de J. & J.

Q. 6. *Quid sit Jus Civile?* Resp. Est jus positivum auctoritate Principis vel Magistratus sæcularis conditum, & ad rectam Reip. civilis gubernationem, pacem, & salutem temporalem immediate ordinatum, §. 1. *Inst. de J. N. G. C.* Dividitur in jus Civile *commune* & *particulare*, in *publicum* & *privatum*, *scriptum* & *non scriptum*. Hodie nomine Juris Civilis simpliciter prolato venit Jus Romanum siue Cæsareum, vel Leges illæ, quæ studio & opera Justiniani Imperatoris circa annum

4 *Quæstiones Proæmiales*
Christi 530. in ordinem digestæ, & in unum Corpus
sunt collectæ.

Q. 7. *Quæ sint partes Juris Cæsariæ communis scri-
pti?* Resp. 1. Jus hoc, sive Corpus Juris Civilis prout
modo extat 4. partes complectitur, nempe *Institutiones*,
Digesta, sive *Pandectas*, *Codicem*, *Novellas*.

Resp. 2. *Institutiones* sunt quasi compendium Juris,
& prima elementa, robore tamen constitutionum Im-
perialium plenissime instructæ, §. *quas ex omnibus Inst.*
proæm. Dividuntur in 4. libros, hi in titulos, tituli in
§. citantur ita §. *inter eas Inst. de nuptiis*, vel §. *inter*
eas, 2. *Inst. de nupt. vel §. 2. I. de nupt.*

Resp. 3. *Digesta*, græce *Pandecta a Πάντ* omne, &
δίκη *μῦθος* contineo: dicuntur, eo quod omnem juris do-
ctrinam e bis mille libris veterum Jurisprudentum ex-
tractam contineant: constant libris 50. quorum primi
24. sunt *Digestum vetus*; 14. sequentes, *Infortiatum*,
forte quia in iis agitur de ultimis voluntatibus, quæ
Leges sunt *fortissimæ*, vel quia versatur eorum mate-
ria circa *fortuitas* successiones: Reliqui 12. *Digestum*
novum. Dividuntur hi libri in titulos, tituli in LL. hæ
subinde in §. citantur; L. *Jus publicum*, ff. *de pact.*
vel L. Jus publicum, 38. ff. *de pactis*, vel L. 38. ff. *de*
pact. nimirum Latinum D. & græcum Π (quo modo
olim fiebat citatio) per incuriam & celeritatem scriben-
di in ff. conversum est.

Resp. 4. *Codex* moderno Corpore Juris clausus non
est primæ Lectionis, de quo §. *Et cum 2. Inst. proæm.*
sed secundæ Lectionis, quem Justinianus Pandectis &
Institutionibus jam editis, detractis ex priori nonnul-
lis, & novis, suisque Constitutionibus auctum, & in
12. Libros divisum sub nomine Codicis limati, emen-
datique, & repetitæ Prælectionis vulgavit 16. Cal. De-
cembr. An. Christi 534. ut videre est L. *un. §. 3. 4. Et*
fin. C. de emendat. Cod. citatur sicut & *Digesta*, nisi quod
loco D. aut ff. ponatur C. quo *Codex* denotatur.

Resp. 5. *Authenticæ* sive Liber Authenticorum, sic
dictus, quod ei veluti ipsi originali fides adhibeatur: vel
etiam *Novellæ*, quasi jus novissimum seu novæ Con-
stitutiones, post promulgatum jam repetitæ Lectionis
Codicem, ab ipso Justiniano ab anno Imperii sui 7. us-
que

que 38. ejusdem, Christi 165. & laudati Imperatoris extremum, eo, quo referuntur, ordine sunt editæ. Allegatio Novell. vetus erat: *Auth. de hered. ab intest. venient. Collat 9. Tit. 1. c. 2.* moderna & multo expeditior: *Nov. 118. c. 2. Vers. si autem.*

Resp. 6. Prædictis Juris Civilis partibus addita sunt seqq. 1. Justiniani edicta 13. Item Novellæ aliquot Constitutiones Justiniani, aliquot Tiberii, & adhuc aliquot Justiniani. 2. Novellæ Constitutiones 113. Leonis Imperatoris. 3. Consuetudines Fundales, seu Libri Feudorum, partim ex Constitutionibus Imperatorum post Justinum in Occidente imperantium, partim ex consuetudinibus a Gerardo Nigro & Oberto Orto collecti. Duo tantum feudorum Libri a plerisque habentur pro Authenticis, licet eorum passim 5. numerentur. 4. Extravagantes, & Liber de pace Constantiæ.

Resp. 7. Præter memorata volumina dantur adhuc aliæ Constitutiones vim Juris in Imperio obtinentes: Aurea Bulla Caroli IV. Carolinæ pœnalis Caroli V. Capitulationes Cæsareæ. Pax profana. Pax Religiosa. Ordinatio judicii Cameræ Imperialis & Judicii Aulico-Imperialis. Recessus Imperii.

Q. 8. Quid sit Jus Canonicum? Resp. Est Jus positivum a summis Pontificibus Ecclesiæ traditum, constitutum, vel approbatum, actiones fidelium ad vitam æternam dirigens. Vel Jus Canonicum sunt Leges & Constitutiones a Pontificibus & Conciliis factæ. Harum Constitutionum 7. sunt species stricte loquendo. 1. *Canon* est Constitutio edita in Concilio. 2. *Decretum* est Constitutio edita a Pontifice ad nullius consultationem de consilio Cardinalium. 3. *Decretalis Epistola* idem est, quod *rescriptum*, dum Papa ad consultationem alterius quædam statuit: alii dicunt epistolam decretalem subinde dari motu proprio, & non ad petitionem alterius, & hinc inter rescriptum & epistolam decretalem faciendam esse differentiam. 4. *Dogma* est Constitutio de re ad fidem pertinente. 5. *Mandatum* est Constitutio Ecclesiastica ad mores & disciplinam pertinens, c. 6. de off. Archidiacon. 6. *Interdictum* (pro Constitutione, non pro Censura sumptum) est Constitutio prohibitiva, nulla adjecta pœna in transgressores. 7. *Sanctio* est Constitutio prohibitiva, di-

etans simul certam penam non obtemperantibus. Adjici his posset quid *Brevæ Apostolicum*, & quid sit *Bulla Apostolica*.

Q. 9. *Quot sint partes Juris Canonici?* Resp. Sex 1. Decretum Gratiani. 2. Quinque Libri Decretalium. 3. Sextus Decretalium. 4. Clementinæ 5. Extravagantes Joannis XXII. 6. Extravagantes Communes.

Resp. 1. *Decretum* dictum *Gratiani* ab Auctore suo Gratiano, Benedictino Professo in monasterio S. Proculi Bononiæ, continet varia dicta Pontificum, SS. PP. & CC. ab eodem circa annum 1151. collecta. Dividitur in 3. partes: *Prima* habet distinctiones 101. divisas in Canones sive Capitula: citatur hæc pars sic: *Can. Jus Gentium* 9. *dist.* 1. *Secunda* pars continet *Causas* 36. hæc dividuntur in quæstiones, & hæc in Canones: citatur sic: *c. constituit* 31. *caus.* 17. *q.* 4. vel *c. ipsa pietas* 24. XXIII. *q.* 4. vel *c. non potest.* 2. *q.* 7. ubi notandum, quod cifra litteram *q.* immediate præcedens semper *causam* significet. *Causæ* trigessimæ tertiæ *Quæst.* 3. insertus est Tractatus de Poenit. habens 7. Distinctiones: citatur sic: *c. cogitationis* 14. *dist.* 1. *de poenit.* subintelligitur, *caus.* 33. *q.* 3. *Tertia pars* Decreti, in qua agitur de Consecratione, constat 5. distinctionibus in Canones subdivisis, citatur sic: *can. relatum*, 11. *dist.* 2. *de Consecr.* Decreto hinc inde inspersa sunt capitula sub nomine *palea*, quæ non quidem nullius momenti quisquilæ sunt, sed *additiones* quædam vel ab ipso Gratiano vel ab alio in margine adjectæ: illud tamen in universum verum est, quæ in Decreto continentur, non habere majorem auctoritatem, quam habet Auctor, ex quo desumpta sunt.

Resp. 2. *Decretalium Libri* sunt Constitutiones & epistolæ Decretales Pontificum ad varia interrogata ex variis mundi partibus proposita missæ, & jussu ac auctoritate Gregorii IX. a S. Raymundo de Pennafort Ordinis S. Dominici, ejusdem Pontificis Penitentiario circa annum 1230. in 5. Libros collectæ & publicatæ. Dividuntur in titulos, tituli in capitula: citantur sic: *c. si diligenti* 12. *de for. compet.* olim sic; *c. Judæi.* 2. *de testib.* quæ nota *;* indicabat capitulum *extra* Decretum esse inquirendum.

Resp. 3. *Sextus Decretalium*, sic dictus, quia accessit Libris 5. Decretalium Gregorii IX. continet item varia

ria decreta Pontificum, & duorum Conciliorum generalium, Jussu Bonifacii VIII. circa Annum 1294. vel, ut alii, 1300. collecta. Dividitur hoc opus, sicut & Decretales Gregorii Noni, eodemque modo citatur, nisi quod addatur: *in 6. v. g. c. licet pater 4. de sepult. in 6.*

Resp. 4. *Clementinae* sunt Constitutiones ab Auctore Clemente V. nuncupatae, qui eas vel ante, vel in, vel post Concilium Viennense a se latas compilari jussit, sed cum morte preventus non vulgasset, publicavit eas Joannes XXII. An. 1317. Constant itidem 5. Libris, iisdemque *titulis*, licet paucioribus, quibus 5. Libri Decretalium: *tituli* dividuntur iterum in *Capitula*, & ita citantur: *Clement. ne Romani*, 2. *de elect.* vel *c. ne Romani de elect. in Clement.*

Resp. 1. *Extravagantes Joannis XXII.* sunt 20. Constitutiones editae a Joanne 22. dictae *Extravagantes*, quia diu extra Corpus Juris incerta quasi sede vagabantur. Habent 5. Libros in *titulos* vel de paucos & *Capitula* divisos, & ita citantur: *c. Execrabilis de prebend. & dignit. in Extravag. Joann. XXII.* vel *Extrav. Joann. XXII. Execrabilis, de prebend. & dignit.*

Resp. 6. *Extravagantes Communes* sunt Constitutiones, quae post priores omnes a diversis Pontificibus emanarunt, Dividuntur in 5. Libros, Libri in *titulos*, hi in *capita*. Citantur hoc modo: *c. Ambitiosae, de Reb. Eccles. non alien. inter Extrav. Comm. vel Extrav. Comm. Ambitiosae, de reb. Eccl. non alien.* Singuli horum voluminum textus dicisivi vim Legis obtinent; quia ab habente potestatem ferendi Leges sunt conditi.

Q. 10. *An non sint aliae Constitutiones Canonicae, non clausae Corpore Juris, quae tamen vim Legis obtineant?*
Resp. Affirmative 1. *Concilium Tridentinum*, quod quoad dogmata sive *Articulos Fidei* est infallibilis auctoritatis; quoad decreta morum, sive *Constitutiones* disciplinae Ecclesiasticae reformationem concernentes, habet auctoritatem & rationem Legis universalis, & Juris communis novissimi. Idem est de aliis Conciliis oecumenicis. 2. *Bullarium magnum* sive Liber diversas summorum Pontificum Constitutiones continens plus auctoritatis non habet, quam alii libri continentes vel Pontificum vel Imperatorum Constitutiones, eorum auctoritate non con-

firmati & publicati; hinc ut tales Bullæ juris auctoritatem obtineant, eas pro tota Ecclesia latas, rite promulgatas, usu receptas, & cum originali correspondere constare debet. 3. *Declarationes Cardinalium*, Concilii Trid. interpretum, vim legis universalis obtinent, si *primo* factæ sint consulto Pontifice; sic enim statuit Sixtus V. *deinde* si fuerint tantum *comprehensivæ*, non *extensivæ*, hoc est, si solum interpretentur, non extendant, seu legem novam non ponant. Demum si producantur in forma authentica. 4. *Decisiones Rotæ Romanæ* (Rota Rom. dicitur iudicium seu tribunal S. Pontificis, in quo cognoscuntur & deciduntur causæ litigiosæ fori Ecclesiastici ex toto orbe Catholico) vim legis universalis non habent, sed inter partes jus tantum faciunt, eamque præstant auctoritatem, quam sententia summa cum maturitate ab uno ex supremis totius orbis tribunalibus lata. 5. *Regulæ Cancellariæ*, quæ sunt Constitutiones Pontificiæ maxime causas beneficiales concernentes, die electionem Pontificis sequente ab ipso reassumi & publicari solitæ, ad vitam Papæ rationem habent Legum universalium, quatenus generaliter statuunt de reservationibus Apostolicis, resignationibus, dispensationibus &c. 6. His *Concordata Germaniæ* addi possunt.

Q. II. *Quid dicendum de rubricis, superscriptionibus, summariis capitulorum, & glossis?* Resp. 1. *Rubricæ*, quo nomine veniunt inscriptiones, scripti tituli, præfixi & superscripti Libris, Legibus, distinctionibus &c. exprimentes per verba generalia id, de quo agitur, sic dictæ, quia olim rubro caractere exprimebantur, maximæ sunt auctoritatis & authenticæ, ita ut rubrica faciens sensum perfectum possit dispositive allegari, v.g. *ne Clerici vel Monachi secularibus negotiis se immisceant*. Ratio, quia, ut Bonifacius VIII. in *proœm. ad 6. Decretal.* ait: *textus sub debitis titulis* (hoc est, rubricis) *sunt confirmati*.

Resp. 2. *Superscriptiones Capitulorum* (qualis est: *Innoc. III. Eliensi Episcopo*, perscriptio, *cap. 14. de rescriptis*, quæ uti & aliæ omnes distinguuntur a summariis capitulorum) positæ in Decretalibus sunt authenticæ; eo quod relictis omnibus superfluis, hæ relictæ, & approbato toto volumine, sint approbatæ.

Resp.

Resp. 3. *Summaria*, quibus capitula summantur, & dicta in iis velut compendio proponuntur, etsi sint doctrinalia magnæ æstimationis, quia confecta ex ipsis Canonibus, & Legibus, non tamen sunt de textu, nec vim decisivam habent, nisi in quantum concordant cum textu subsequente, adeoque longe minorem rubricis auctoritatem habent, & vix majorem, quam quæ a suis Auctoribus vel usu DD. conferri potuit. Idem dicendum de *Glossa*, quod magna quidem sit ejus auctoritas in juris interpretatione, & præferenda alterius Doctoris sententiæ, non tamen vim Legis habeat. Est autem *Glossa* uberior explanatio canonum & textuum in margine apposita, & facta ab Accursio, antiquo Juris Canonici Glossatore.

Q. 12. *Quis & quando sit usus utriusque Juris in utroque foro?* Resp. De hoc sequentes regulæ possunt statui. 1. Cum de Ecclesiis rebusque Ecclesiasticis & spiritualibus agitur, in utroque foro Jus Canonicum est observandum; quia extra limites jurisdictionis sæcularis sunt personæ & res Ecclesiasticæ. 2. Si dispositio Juris Civilis est mere favorabilis Ecclesiæ, nec ullam affert obligationem personis Ecclesiasticis, deficiente dispositione Canonica in utroque foro observatur. Vide *Auct. quas actiones*, & *Auct. Ingressi. C. 55. Eccles.* 3. Si de conscientia & peccato agitur, & inter Jus utrumque est differentia, tenendum est Jus Canonicum, etiam in terris Imperii, & foro Civili. Exempla sunt in *c. fin. de præscript. c. fin. de sepultur. Trid. sess. 24. c. 8. de reform. matr.* & *sess. 25. c. 24.* 4. In materia profana & animarum salutem non concernente, si inter utrumque Jus non conveniat, quodlibet in suo foro tenendum. Ratio, quia in materia profana nec potestas sæcularis Ecclesiasticæ, neque hæc illi est subordinata. 5. Si in materia profana decisio civilis dubia est, Canonica vero clara, huic etiam in foro Civili standum. *Nov. 83. cap. 1.* 6. Si quid in Jure Canonico dubium, v. g. circa contractus & pacta, tanquam materiam profanam, jure autem Civili clarum, etiam huic in foro Ecclesiastico locus est. *c. 1. & 2. de nov. oper. nuntiat.* quid de criminibus mixti fori dicendum, statuatur. *Libr. 2. Decretal. tit. 2.*

LIBER I. DECRETALIUM
GREGORII IX.

Quest. Un. *Quæ & quo ordine in Decretalibus continentur?* Resp. Licet multi Canonistæ non male Jus Canonicum juxta triplex Juris Objectum ad tria revocent capita, quemadmodum & Civilistæ facere consueverunt, omne Jus ad personas, res & actiones reducendo: relicta tamen tantisper hac dispositione immediatam magis Compilatoris digestionem sequimur, quam complectitur Glossa in præfixo Decretali Gregorian. præmio hoc versu:

Judex, Judicium, Clerus, sponsalia, crimen.

TITULUS I.

De Summa Trinitate, & Fide Catholica.

Quest. 1. *Quæ contineat hic titulus?* Resp. Duobus hic titulus capitulis absolvitur in Decretalibus Gregorii IX. In c. firmiter 1. b. 1. habetur doctrina Catholica de sanctissima Trinitate: asseritur, condita esse a DEO substantiam mere spiritualement, corpoream, & mixtam: proponitur symbolum, in quo tamen omisum *sepultus*: dicitur, unam esse Ecclesiam, extra quam nulla salus: agitur de sanctissimo Eucharistiæ Sacramento, quod vere in eo contineatur Corpus & Sanguis Christi Domini *sub speciebus* panis & vini, *transubstantiatis* pane & vino: Item de Baptismo & Pœnitentia. Ita Innoc. III. in Concil. General. Later. Anno 1215.

In cap. *damnamus*, 2. eod. tit. pergit idem Pontifex statuere, stabilire & explanare mysterium sanctissimæ Trinitatis, damnando errorem Joachimi Abbatis Florentis, qui negavit dari in DEO unam substantiam, essentiam, naturam, quæ sit vere ac proprie communis tribus Personis. Damnat insuper sub finem errores cujusdam Almarici Galli, patria Carnotensis, qui tamen non exprimuntur.

In c. *fidei unic.* b. 1. in 6. contra Græcos asstruitur, Spi-

Spiritum Sanctum a Patre & Filio procedere, non duabus, sed unica Spiratione, non tanquam a duobus, sed uno principio.

Clement. Fidei Catholica, b. 1. explicatur Filium DEI incarnatum ex Maria Vergine, passum & jam mortuum lancea perforatum: Reprobatur dein tanquam doctrina hæretica docentium, animam rationalem non esse vere & per se formam Corporis humani: asseritur demum confitendum unum Baptisma, & approbatur per illud conferri etiam parvulis gratiam ac virtutes.

Q. 2. *Quid observandum ratione secundæ partis hujus tituli, quæ inscribitur DE FIDE CATHOLICA?*
Resp. 1. Non agitur hic de fide, ut sumitur pro actu intellectus, quo assentimur firmissime veritatibus a DEO revelatis; neque pro habitu supernaturali, quo ejusmodi actus eliciuntur; sed pro summa & collectione articulorum fidei seu veritatum, quæ nobis a DEO per Ecclesiam credendæ proponuntur.

Resp. 2. Non sufficit fidem corde tantum tenere, sed eandem etiam exterius profiteri necessum est, quandoque jure divino, alias jure humano.

Jure divino, dum vel honor DEI, vel Religionis Catholicæ, vel salus proximi Professionem hanc exigat; juxta Matth. 10. Rom. 10.

Jure humano, vi nimirum Concilii Trid. ad externam fidei Professionem ab eodem Concil. præscriptam tenentur 1. *beneficium curatum* habentes, & provisi de Canonatu vel dignitate in Ecclesia Cathedrali: utrique intra duos menses a die adeptæ quietæ possessionis, ita ut si culpabiliter omittant vel per se, vel saltem per Procuratorem Professionem fidei, fructus non faciant suos, sed absque omni alia sententia, etiam declaratoria, fructus post elapsum bimestre perceptos teneantur erogare in pauperes, vel Ecclesiæ fabricæ applicare. Partim hæc clare deciduntur, partim arg. ex Trid. sess. 24. cap. 12. de reform. 2. Tenentur ad Professionem promovendi in Patriarchas, Prælates, Archiepiscopos, Episcopos; idque in prima Synodo Provinciali. Trid. sess. 25. cap. 2. de reform. §. idemque & Constit. Gregor. XIV. Onus Apostolicæ edic. 13. Martii.

1591. 5. Prælati Monasteriorum, Conventuum, domorum; aliorumque locorum Regularium quorumcumque. etiam Ordinum militarium, uti Trid. extendit Pius IV. Constit. *Injunctum nobis*. edit. idib. Nov. 1564. 4. Magistri, Regentes, & alii cujuscumque artis liberalis Professores, sive Clerici, sive Laici. Constit. Pii V. quæ incipit *In sacrosancta*, qua latæ sententiæ, sed non reservatæ Excommunicationis & privationis omnium dignitatum, beneficiorum, & officiorum, & ad eadem, aliaque beneficia impofterum obtinenda inhabilitatis pœna decernitur in eos, qui ad Cathedram, Gradusque litterarios promoverint aliquem sine prævia Professione: & Gradus ac promotio irritatur.

T I T U L U S II.

De Constitutionibus.

Quest. 1. *Qualiter Constitutio definienda?* Resp. Accepta generaliter & pro lege humana scripta, uti in hac rubrica sumitur, est *Ordinatio rationis ad bonum commune ab eo, qui curam habet Communitatis promulgata*. D. Thom. 1. 2. q. 90. a. 4. includit actum intellectus & voluntatis, & imperium, sive intimationem factam signo aliquo externo; Alii definiunt sic: *Lex est præceptum commune, justum, stabile, a Republ. vel homine Communitatis curam gerente latum & sufficienter promulgatum*.

Q. 2. *Quenam sit forma legis?* Resp. 1. Sunt verba vel alia signa externa, quibus Legislatoris legem condentis voluntas manifestatur Communitati: qualia sunt, *præcipimus, mandamus, jubemus, interdicimus, teneantur &c.* Resp. 2. Ad rationem & formam legis scriptura non requiritur: quia hæc ex natura legis non probatur esse necessaria; neque etiam stabilitas legis essentialis scripturam includit. Resp. 3. Sententia quoque a Principe lata non habet vim legis. L. 2. C. de LL. & c. 25. de sentent. & re judic. Ratio, quia sententia non respicit bonum commune, sed speciale, non casum futurum, sed præteritum &c. Aliud foret, si mentem suam Legislator sufficienter declararet, velle
fe

se sententiam quandam legis instar observari, mandando v. g. talem sententiam inferi Corpori Juris &c.

Q. 3. *An ad rationem Legis spectet promulgatio & qualis requiratur?* Resp. ad 1. aff. ita ut vera lex non sit, nec obliget ante promulgationem. L. 9. C. de LL. Ratio, quia Lex est regula non unius personæ, sed totius Communitatis, ergo debet esse rite proposita & sufficienter promulgata.

Resp. ad secundum. 1. Promulgatio debet esse publica, id est, in publico facta, nec sufficit, factam esse in consistorio Principis. *Can. 3. §. Leges dist. 4. & ratione ante data.*

Resp. ad secundum 2. Lex Civilis pro toto Imperio lata, in singulis Imperii provinciis jure positivo debet promulgari, & duo insuper a facta promulgatione menses concedi, usquedum subditi obligentur. *Nov. 65. rubr.*

Resp. ad secundum. 3. Ad legem Pontificiam, ut astringat omnes Christi fideles saltem in actu primo, probabilius sufficit promulgationem debite esse factam Romæ, nisi lex ipsa vel Pontifex aliud declaret. Ratio, quia plus nec ex natura Legis; nec ex jure positivo requiritur; & ita praxis Romana habet.

Q. 4. *An sicut promulgatio Legis, sic etiam acceptatio populi sit necessaria ad valorem Legis?* Resp. Negative extra statum Democraticum. Ratio. Vel enim 1. acceptatio sumitur pro consensu populi, quasi vero hic ad substantiam legis sit necessarius: & falsum est, cum quoad *Leges Civiles* ferendas populus absque ulla reservatione supremam potestatem & legislativam in Principem transtulerit. L. 1. ff. de *Constit. Princ.* quoad *Leges Ecclesiasticas* vero Pontifex independentem a populo immediate a Christo accepit potestatem. *Joan. 21. & Matth. 16.* Vel 2. acceptatio sumitur pro voluntate recipiendi in se obligationem legis jam conditam; ac si hæc voluntas per modum conditionis, ut lex obliget, sit necessaria, & incurritur propositio damnata ab Alex. VII. an. 1655. 24. Sept. Vel 3. sumitur acceptatio populi pro actuali legis observantia, ut absque hac neque stabilis in effectu sit lex, neque firma; & concedimus talem acceptationem requiri juxta L. 32. §. de LL. *& can. 3. dist. 4.* Sed talis acceptatio jam supponit legem in esse suo constitutam.

Q. 5. Quenam sit materia Legis? Resp. 1. Materia five objectum, circa quod lex versatur, sunt actiones & omissiones humanæ, quæ præcipi, prohiberi, permitti, puniri possunt. Arg. *L. 7. ff. de LL.* Hinc 1. Legis præceptive materia non potest esse res physice vel moraliter impossibilis; cum ad impossibile nemo obligetur: nec actus valde ardui virtutum. *Can. 2. dist. 4.* nec actus *per se inhonestus*; quia talis lex non esset rationabilis. 2. Nec Legis præceptive, prohibitive, vel punitivæ materia esse potest actus præteritus, quomodo enim istæ Leges ad actus præteritos se extendent? id tamen convenit Legi irritanti & declaratoriae, c. cum tu de usur. c. fin. de sponsal. 3. Legis prohibitive materia sunt non tantum mala in se, sed & actiones ex natura sua honestæ, in quantum bono publico vel certo fini disconvenientes sunt; sic die festo prohibetur labor servilis. 4. Lex permissiva non modo actiones ex se indifferentes indulget, sed & subinde inhonestas, non approbando sed tolerando. 5. Lex punitiva persequitur actiones Legum violativas.

Resp. 2. Materia Legis humanæ sunt regulariter actus externi & occulti tantum *per accidens*. Deinde actus mere interni & *per se* occulti sunt materia legis humanæ saltem indirecte, quia potest præcipere actum externum, v. g. auditionem sacri, ad cujus positionem necessarii sunt actus interni. Denique actus mere interni possunt etiam esse materia directa Legis humanæ Ecclesiasticæ. Ita Lacroix. *L. 1. n. 552.* Ratio, quia potestas pascendi fideles, item solvendi & ligandi a Christo data est generaliter sine restrictione ad actus externos, ergo & generaliter intelligi debet. 2. Ecclesia de facto varias Leges de actibus mere internis edidit: sic *Trid. sess. 13. in decreto de Sanctiss. Euchar.* prohibet aliter credere; NB. de Eucharistia, quam præsentis decreto explicatum. Videantur damnatæ ab Alexandro VII. & Innoc. XI. 3. Unde habetur, quod potestas legislativa necessario conjuncta sit cum coactiva? &c.

Q. 6. Quæ sit causa finalis Legis? Resp. Causa finalis seu finis legis est bonum commune Reipub. *Canon. 2. distinct.* 4. *L. 1. ff. de LL.* Et hoc bonum commune necessario omnis Lex respicere debet, & dum desi-

definit esse utilis Communitati , & ipsa cessat .

Q. 7. *Quenam sit causa efficiens Legum Ecclesiasticarum , sive , quinam possint Leges Ecclesiasticas condere ?* Resp. 1. *Leges universales Ecclesiasticas* solus potest ferre summus Pontifex , etiam sine consensu aut consilio Cardinalium , vel Concilii Generalis. Ratio , quia in D. Petro potestas a Christo data est Papæ in totam Ecclesiam , ex qua etiam inferiorum respectu sui potestatem legislativam limitare , suspendere vel omnino auferre potest.

Resp. 2. *Leges Ecclesiasticas particulares* varii pro suo territorio ferre possunt , v. g. Episcopi etiam non consecrati pro tota diœcesi , c. 2. *de Constit. in 6.* Cardinales respectu Ecclesiarum sui tituli , c. 11. *de major. & obed.* Prælati Episcopo inferiores tam exempti habentes territorium , quam Prælati Ordinum Regularium , utpote qui habent respectu Religiosorum suorum jurisdictionem quasi Episcopalem , & potestatem gubernativam , Abbatissæ tamen hanc non habent.

Resp. 3. Variæ item Communitates Ecclesiasticæ leges condere possunt ; v. g. Concilium Generale accedente Pontificis auctoritate pro tota Ecclesia : Concilia Nationalia , Provincialia , Diœcesana : Capitulum *Cathedrale* Sede vacante c. 16. *de major. & obed.* quod tamen nec juri Episcopali quæsito , nec competentibus Episcopo jure speciali præjudicare potest. Similis potestas ferendi Leges non competit Cardinalibus Sede Papali vacante , c. 3. *de elect. in 6.*

Resp. 4. Nec Imperator , nec alius Princeps sæcularis ferre potest leges concernentes Ecclesiam , rem sacram & spirituales , vel personas Ecclesiasticas , præsertim si Ecclesiis vel personis Ecclesiasticis sint onerosæ. Similes leges sunt imponentes Ecclesiis & personis sacris vestigalia , gabellas , collectas : excludentes a paterna successione in Religionem ingressos : prohibentes , ne bona immobilia vendantur , aut alio modo in Ecclesias alienentur , c. 7. 10. b. 1. c. 49. *de sentent. Excomm. Bulla Cane casu* 18. & ratio est defectus jurisdictionis in Laicis respectu Clericorum , a qua jure optimo exempti sunt Ecclesiastici juxta Trid. sess. 25. cap. 20. *de reform.*

Q. 8. *Penes quem sit potestas condendi Leges Civiles?*

Resp. 1. Pontifex pro subjectis jurisdictioni suæ temporali Leges Civiles condere potest, ut alius *Princeps secularis superiorem non recognoscens*; ultra territorium potestas illa legislativa *per se & directe* se non extendit. Ratio: quia nec ex Scriptura, nec ex aliis historiis id potest probari. Deinde potestas legislativa respicit essentialiter subditos, in civilibus vero & temporalibus fideles extra territorium Papæ existentes subditi ejus non sunt. Demum ex ipsa Pontificum confessione assertio patet, *can. 8. dist. 10. can. 6. dist. 96.*

Resp. 2. Imperator in regnis pleno jure sibi subjectis plenam habet potestatem condendi Leges Civiles, ut patet: in Imperio hodie cum consensu statuum. Ita habetur ex variis Imperii Recessibus & Imperatorum Capitulationibus.

Resp. 3. Principes & Status Imperii pro territoriis suis possunt ferre Leges particulares. *L. 9. ff. de J. & J.* etiam contrarias juri communi, idque vel ex concessione Imperatoris vel ex consuetudine: non possunt tamen Episcopi in suis diocesis ferre Leges Ecclesiasticas Juri Canonico communi contrarias ob ingens, quod intercurreret, animarum periculum in tali abrogatione Juris communis Ecclesiastici.

Q. 9. *Ad quæ se extendat potestas humana Legislativa.* Resp. 1. Nullus Legislatur humanus sive Ecclesiasticus, sive Civilis potest Leges condere contra jus naturale vel divinum præceptivum. Ratio, quia sic inferior abrogaret vel relaxaret Legem Superioris, quod fieri nequit: dum itaque dispensatur v. g. in votis, non immutatur directe Lex divina, præcipiens, vota esse servanda; sed talis dispensatio vel fit potestate aliqua non mere humana: vel quia vota dependenter a voluntate humana obligant, hac per Superiores, quibus subjacet, immutata, per consequens & indirecte votum tollitur: vel denique quia vota aliter a DEO non acceptantur, quam prout ab Ecclesia sunt approbata.

Resp. 2. Jus naturale permissivum immutari potest a potestate Legislativa humana, v. gr. illi addendo aliquid; uti enim ars naturam, ita Lex positiva perficit naturalem.

Resp.

Resp. 3. Non potest Princeps cum præjudicio & diminutione juris subditorum *absque justa causa* aliquid statuere. Ratio; quia Princeps constitutus est a DEO non ut pro libito agat; sed ut justiciam colat. Vide *Ezech. c. 46. vers. 18. & 4. Reg. 10.*

Resp. 4. Pontifex habet quidem facultatem liberam disponendi de beneficiis Ecclesiasticis, *c. 2. de præb. in 6.* Non tamen res & jura locis & personis Ecclesiasticis quæ sita pro arbitrio potest auferre, quia non est absolutus horum Dominus, sed tantum administrator. Plura habet Laur. *in for. benef. p. 2. q. 512.*

Q. 10. *An leges humane obligare possint & obligent in conscientia?* Resp. 1. aff. Ratio, quia Legislator humanus fert Leges nomine & auctoritate DEI, cujus vices gerit; ipsum etiam lumen naturæ dicat esse obtemperandum justa præcipienti; insuper posse obligare in conscientia, necessarium omnino est ad rectam Reip. gubernationem. Textus ex Scriptura sunt *Rom. 13. Hebr. 13. 1. Petri 2.* Illud tamen observandum, quod Leges humanæ *in re levi* non possint sub gravi culpa ex intentione Legislatoris obligare; quia intentio hæc Legislatoris esset iniqua, possunt tamen Leges humanæ in re gravi obligare sub veniali ex voluntate Legislatoris; quia hoc nec ratione materiæ gravis, neque ex voluntate Legislatoris, neque ex parte jurisdictionis repugnat.

Resp. ad 2. Omnis lex humana proprie talis semper in conscientia obligat saltem ad aliquid. Ratio, quia obligatio est de essentia Legis, ita ut Lex *pœnalis*, Lex *permissiva*, Lex *irritans*, Lex *fundata in præsumptione*, si maneat vera Lex, in conscientia obliget.

Q. 11. *An & quando Lex pœnalis obliget in conscientia?* Resp. 1. Datur Lex *mere pœnalis* quæ obligat ad pœnam tantum *temporalem* in conscientia, non ad ipsum actum vel omissionem actus; talis est, quæ vel facit mentionem solius pœnæ, v. g. *qui exportaverit frumentum, 50. fl. mulcabitur*; vel quæ prohibet actum, simulque minatur pœnam *sub disjunctione*, dicendo v. g. *vel nemo exportet frumentum, aut qui exportaverit 50. fl. mulcabitur*. Ratio assertionis, quia in arbitrio Legislatoris est, vel ad actum & pœnam simul, vel ad pœnam tantum obligare, si ergouitur ver-

bis mere poenalibus, recte censetur velle tantum ad poenam obligare.

Resp. 2. Si Lex poenalis sit *conjunctiva mixta*, prohibendo actum & simul minando poenam, v.g. *nemo frumentum evehat, & qui evehentis, 50. ff. muliabitur*, ad ipsum actum & simul ad poenam obligat, nisi aliunde constet de mente Legislatoris. Ratio, quia Legislator dum utitur verbis præceptivis vel prohibitionis, censendus est, utri potest, obligare ad actum ejusve omissionem. Sequitur hinc, quod Leges tributorum & vestigialium *per se loquendo* in conscientia obligent; & probatur tum ex Scriptura *Luc. 20. & Rom. 13.* tum ex ratione, quia Lege naturæ tenentur subditi ad alimenta Principi subministranda, sed tributa ad sustentationem Principis pertinent, ergo.

Q. 12. Quid de Lege irritante dicendum? Resp. 1. Non eo ipso, quod Lex prohibeat actum, etiam irritat illum, c. 15. de Regular. c. un. de vot. in 6. Ratio, quia hæc duo sunt valde distincta prohibere & irritare.

Resp. 2. Nec eo ipso, quod Lex irritet actum, etiam illum prohibet, ut quis in conscientia illum omittere teneatur: patet in testamento absque solemnitatibus facto, quod ita faciens non peccat; subinde tamen peccari potest ponendo actum irritum non vi legis irritantis, sed aliunde: sic, v. gr. emittens Professionem nullam non servata forma peccat, obligatione orta ex Lege naturali, qua quis tenetur actus Religionis valide præstare.

Resp. 3. Si lex irritans sit poenalis, id est, inducat nullitatem in poenam delicti, actus tali Legi contrarius *regulariter* non est irritus ante sententiam Judicis. Ratio, quia poena ordinarie non incurritur ante sententiam.

Resp. 4. Si irritatio non est poenalis, incurritur ante sententiam Judicis saltem in foro externo, sive actus Legi irritanti non poenali contrarius nullus est in foro externo, est communis DD.

Resp. 5. Actus a Lege humana irritatus simpliciter, non hoc ipso irritus est in foro conscientiae, sed in hoc parit obligationem; v.g. testamentum solemnitatibus destitutum in foro conscientiae tenet, si constet certo de voluntate defuncti, ut hæres ex tali testamento capere possit. Rationes multæ afferri possunt; una est hæc: Lex irri-

irritans actum ipso jure est correctoria juris & valde odiosa, ergo si irritet actum simpliciter tantum, quia exprimat satis, quod etiam velit irritare in conscientia, id non est asserendum &c. Posse tamen etiam quoad forum internum irritari actum debitis solemnitatibus destitutum, patet in Trid. annullante contractum matrimonii absque Parocho & testibus celebratum.

Q. 13. An & qualiter Lex fundata in presumptione obliget? Resp. 1. Dum lex vel præceptum fertur ob præsumptionem aliquam facti particularis, si præsumptio falsa est, talis Lex seu præceptum non obligat. Ratio, quia cessat adæquatus finis legis & præcepti. Exempla habentur in *c. 13. de restit. spoliat.* & *c. 44. de sent. Excomm.*

Resp. 2. Dum Lex fundatur in presumptione fraudis, damnificationis, vel alterius culpæ in quolibet simili actu particulari intercedentis, si constat de falsitate præsumptionis, non obligat Lex in conscientia. Ratio, quia præsumptio cedit veritati. *L. si Imperatores 29. ff. de probat.* Sic jus præsumit, quemcunque post quinquennium Professionis, eam alias invalide emissam ratificasse, & hinc Trid. *sess. 25. c. 9. de reform.* non permittit a Religione recedere, & tamen hac lege non tenetur, qui certo scit, se nunquam habuisse animum, illam ratificandi. Similes casus plures affert Leur. ad hunc tit. *Q. 96. num. 3.*

Resp. 3. Dum Lex seu præceptum fundatur non in presumptione facti alicujus, v. gr. fraudis, negligentie, damnificationis intervenientis in particulari aliquo casu, vel etiam in quovis casu particulari, sed in universali periculo multarum fraudum &c. plerumque secutararum, nisi certa legis cautio adhibeatur; talis, inquam, Lex non cessat obligare in utroque foro, licet hic & nunc in casu particulari constet, fraudem non intervenisse; sic matrimonium clandestinum, Professio ante decimum sextum annum edita, contractus pupilli sine tutore initi, &c. sunt & manent invalida. Quando autem Lex fundatur in presumptione periculi ejusmodi communis, variant AA. nec regula satis certa datur.

Q. 14. Lex fundata in fictione juris an obliget in conscientia? Resp. Aff. Ratio, quia fundatur in naturali æquitate, ob quam aliquid disponitur in casu ficto, quod

observaretur in vero. Sic Canonicus v. gr. causa infirmitatis absens per fictionem juris præsens censetur in ordine ad percipiendos fructus beneficii, idque ob æquitatem naturalem, ne Clericus infirmus destituatur vitæ necessariis, & ne afflicto addatur afflictio, aut alii a statu Clericali suscipiendo deterreantur, c. 1. & seq. de Cleric. egrot.

Q. 15. Quinam obligentur Legibus Ecclesiasticis? R. 1. Ecclesiasticis universalibus omnes baptizati adulti, rationis compotes, cujuscunque fuerint conditionis, c. 1. de Constit. c. 4. de major. & obed. c. 13. de Judic. Sequitur hinc, quod & Acatolici per se loquendo omnibus Legibus Ecclesiasticis teneantur, quia dum ingressi sunt Ecclesiam per baptismum, Christo ejusque Vicario sunt subjecti; secus tamen est de infidelibus, Judæis, Sarcenis, Mahometanis; &c. quia in hos utpote nunquam subjectos deficit jurisdictio.

Resp. 2. Legibus Episcoporum seu Synodalibus tenentur omnes, qui ibi domicilium, vel quasi habent. Ratio, quia Episcopus est generalis pastor respectu suæ diocesis. Exemptos tamen Regulares non stringunt Leges Episcoporum, nisi in casibus a Jure expressis. Ratio, quia exempti censentur esse extra territorium. Arg. c. 1. de privileg. in 5.

Resp. 3. Legislātor, adeoque S. Pontifex nec *vi coactiva*, nec *directiva directe*, seu *vi legum suarum* obligatur LL. Ecclesiasticis; *non primum*, quia summa fides a nemine judicatur, can. 7. dist. 21. nec à seipso quis proprie cogitur. *Non secundum*, quia nemo in seipsum exercet proprie jurisdictionem; obligatur tamen Princeps ex quadam decentia & vi juris naturalis suis etiam Legibus, materiam communem & Legislatori æque ac subditis convenientem spectantibus, quæ tamen obligatio non statim est gravis, juxta Less. L. 2. c. 35. dubit. 5. &c. etsi materia gravis sit, quia ex deordinatione & perturbatione Reip. gravitas est desumenda, quæ per se loquendo hic non est.

Resp. 4. Pueri & puellæ post annum septimum ætatis completum regulariter obligantur Legibus humanis quoad culpam, non quoad pœnam. Ratio, quia tunc censentur habere usum rationis, ergo sicut Lego naturali obli-

obligatur, qui est rationis compos, sic & humana, nisi excipiat, aut certum tempus obligationis, sicut in jejuniis, determinetur: quod poenam ordinariam saltem, non incurrant ante annos pubertatis, habetur c. 1. & 2. de delict. puer.

Resp. 5. Peregrini neque tenentur Legibus patriæ, a qua absunt; quia extra territorium jus dicenti impune non paretur, c. 2. Constit. in 6. neque regulariter Legibus particularibus loci, in quo ad breve tempus morantur; quia peregrini non sunt subditi, nisi in casibus a jure expressis arg. c. nam & ego 3. de V. S. & L. 18. §. proinde ff. de judic. eadem procedunt de vagis.

Q. 16. Quinam obligentur LL. civilibus, & præcipue quid de Clericis dicendum? Resp. 1. Uti S. Pontifex, ita & Legislatores Princeps non tenetur Legibus suis, nisi ex quadam decentia L. 23. ff. de Legat. 3.

Resp. 2. Licet juxta dictum supra h. 1. Q. 7. Resp. 4. Clerici (idem est de Religiosis) non ligentur LL. civilibus, quibus sive directe, sive indirecte tantum immunitas Ecclesiastica læditur; iis tamen Legibus Civilibus vi directiva tenentur, quæ generaliter feruntur civibus, abstrahendo a Clericis vel Laicis, ac disponunt de re temporali omnibus communi, ac ad eorum mutuam societatem & conformitatem pertinente. Ratio, quia id exigit communio membrorum & tranquillitas. Resp. Leges ejusmodi sunt statuentes formam contractibus, taxam mercibus, valorem pecuniæ. Oritur autem hæc obligatio vi juris naturalis & Canonum Leges has civiles recipientium & quoad Clericos approbantiam.

Q. 17. An & quando metus excuset ab observatione Legis? Resp. 1. Si exigit bonum commune & necessitas. Resp. v.g. ut inserviat pestiferis habeantur vigilæ &c. non excusat etiam metus gravis & periculum mortis a transgressione Legis, etiam humanæ tantum. Ratio, quia in tali casualiter consuli non potest bono communi.

Resp. 2. Nullius mali, etiam mortis, metus excusat a transgressione præcepti naturalis prohibentis intrinsece malum: sic etsi te moriturum propterea scias, non licet mentiri, fornicari, occidere directe innocentem; vel etiam violare jejuniū, si id in contemptum Religionis peteretur.

Resp. 3. Si actiones solo jure positivo, divino vel humano præceptæ vel prohibitæ speciales sunt, v. gr. communicatio cum excommunicato, auditio sacri, recitatio horarum, integritas confessionis, *regulariter* excusat metus & jactura gravis. Nota *regulariter*, quia & tales leges obligant, dum vel earum observantia hic & nunc est necessaria ad bonum publicum, vel cederet in contemptum Religionis, potestatis clavium &c.

Resp. 4. Si vel præcipiuntur vel prohibentur a Lege divina aut humana pertinentia ad bonum commune vel necessitatem Reip. vel spectantia ad communem ritum Sacramentorum, quicumque demum metus incutiat, a transgressione non excusat; sic quocumque metu proposito teneor consecrare sub utraque specie, in pane azy, mo in Ecclesia latina, in vestibus sacris; quia bonum commune cuilibet speciali est præferendum.

Q. 18. *Quæ & qualis ignorantia excuset a Legis observatione?* Resp. 1. Ignorantia *invincibilis* Legis ignorantem in foro interno excusat a culpa & pœna: ideo a culpa, quia ignorantia tollit voluntarium, & præcepto, quod nescio, parere non possum: a pœna; quia cessante culpa pœna pariter cessare debet, juxta Reg. jur. 23. in 6.

Resp. 2. Qui legem quidem scivit, pœnam tamen adjectam nescivit, eam non incurrit; si sit *medicinalis*, v. gr. excommunicatio, vel alia censura; quia ad hanc incurrendam requiritur contumacia, & virtualis saltem contemptus; secus, si sit *vindicativa*.

Resp. 3. Si lex sit vere pœnalis, & pœnam intendat principaliter in eum finem; ut puniatur delictum, & homines intuitu hujus pœnæ absterreantur a delictis hujusmodi perpetrandis, probabiliter non incurritur pœna, quæ ignoratur annexa esse delicto, contra legem humanam commisso. Ratio, quia alias delictum inæquale, nimirum scientis legem & pœnam, & scientis legem tantum æqualiter puniretur, quod non. Vide Sanch. Libr. 3. diff. 19. nu. 9. & 11.

Q. 19. *Quid circa interpretationem Legum notandum?* Resp. 1. Interpretatio legis est ejus declaratio, qua declaratur, legem ad hunc vel illum casum esse extensam, vel non extensam. Authentica est, quæ fit per aliam legem

gem ad declarandam priorem latam, vel ab ipso Legislatore, vel ab ejus successore. *Usualis*, quæ per usum & consuetudinem est introducta. *Doctrinalis*, quæ fit arte & peritia Interpretum & DD. & subdividitur in *declarativam*; *extensivam pure vel comprehensivam tantum*, ac in *restrictivam*, quæ est cum interpretamur aliquem casum particularem propter suas circumstantias in lege universaliter lata non comprehendi, & hæc dicitur *Epykia*.

Resp. 2. Per interpretationem lex extendi debet ad casus similes (modo late & aliquo modo significantur per verba legis) si in iis reperiatur eadem ratio, sive identitas rationis, ita ex L. 9. §. 2. ff. de edendo. & L. 32. ff. ad L. Aquiliam habet deductum axioma, *ubi eadem est ratio, eadem est legis dispositio*. Paret etiam ex Nov. 115. ubi quod committens filius incestum cum Noverca exheredari possit, dicitur: quæ Lex ob rationem datam extenditur ad filium cum matre incestum committentem. Assertio regulariter non procedit in exorbitantibus & odiosis, nisi detur inter personas correlatio, vel talis connexio, ut unum in altera contineatur tanquam pars in toto, vel alias sequeretur absurdum.

Resp. 3. Judices in judicando possunt ac debent legem extendere ad casus similes, ubi reperitur etiam tantum paritas rationis. L. 10. 12. & 13. ff. de LL. ubi ratio datur, quia non possunt omnes casus figillatim in legibus exprimi.

Resp. 4. Per Epykiam licite restringitur lex, si 1. alias lex in casu particulari fieret iniqua; sic lex præcipiens reddi depositum, non vult, ut furioso gladius depositus reddatur. 2. Si lex in casu quodam particulari præciperet quid nimis arduum. Sic lex jejunii non obligat in casu gravis infirmitatis. 3. Si prudenter credi possit, noluisse Legislatorem in hoc vel illo casu obligare. *Proceditque* hoc non tantum in Lege humana, sed & in aliquibus Legibus divinis & naturalibus. Exempla sunt Jud. 11. & Matth. 12. Non tamen procedit in Legibus irritantibus: ita dicitur, matrimonium clandestinum nullum esse ob quamcunque etiam urgentem causam præsentia Parochi & testium defuerit. Ratio, quia leges irritantes non attendunt ad casus particulares, sed ad rationem tantum communem. Deinde nulla res potest subsistere sine forma

substantiali, ergo in nullo casu absque dispensatione potest irritatio cessare, quæ oritur ex defectu talis formæ.

Q. 20. *Quot modis Lex cesset?* Resp. 1. In genere: tribus; cessatione finis, abrogatione, dispensatione.

Resp. 2. In specie; cessat Lex cessante *sine Legis intrinseco & adequato*. Ratio, quia ita cessat essenziale constitutivum Legis, ergo & ipsa Lex.

Resp. 3. *Abrogatione* [quæ est totalis cessatio & sublatio Legis, cum derogatio sit particularis Legis imminutio] cessat Lex; si vel contraria priori Legi introducatur consuetudo; vel Legem latam revocet Legislator, ejus Successor, aut Superior: Inferior non potest, nisi forte ex privilegio vel præscripta consuetudine, abrogare Legem Superioris, c. 7. & c. 16. *de majorit. & obed.* Potest tamen Legem propriam vel statutum a Superiore confirmatum confirmatione simplici & concernens favorem non publicum, sed proprium abrogare. Ratio, quia non debet judicari, velle superiorem beneficium invito obtrudere, & ad favorem recipiendum obligare nolentem.

Resp. 4. *Dispensatione* [quæ definitur esse relaxatio alicujus juris, seu exemptio alicujus ab obligatione] cessat Lex, dum ii, qui possunt, in casu aliquo particulari relaxant Legem, v. g. Legislator ipse, Successor, Superior, & cui vel tacite vel expresse potestatem dispensandi delegavit. Hinc 1. S. Pontifex potest dispensare in omni lege *Ecclesiastica* utpote Superior. 2. Episcopi extra casus expresse vel tacite ipsis permisos in Lege Ecclesiæ universali dispensare non possunt, c. 16. *de major. & obed. Clemen. ne Romani. 2. de elect.* 3. Circa quos exercetur dispensatio, debent esse subditi, potest tamen habens facultatem dispensandi secum ipso dispensare. Ratio, quia dispensatio est actus jurisdictionis voluntariæ, quæ distinctionem personarum non requirit; 4. Absque justa causa *valide* dispensat Legislator; quia ex voluntate ejus integre Lex pendet, non tamen licite. *Trid. sess. c. 18.* Ratio, quia talis Legislator imprudenter abutitur sua potestate; committit aliquo modo crimen acceptionis personarum; ansam præbet querelis aliorum, vel etiam contemptui Legum, quæ omnia sunt contra rationem. Ergo.

TITULUS III.

De Rescriptis.

Q. 1. *Quid sit rescriptum & quoduplex?* Resp. ad 1. Rescriptum *generice* sumptum est responsum vel a Principe vel ab alio datum in scriptis ad alterius consultationem, relationem, supplicationem. *Specifice* acceptum restringitur ad responsa scripto data a Principe. Si responsiones a Principe dentur *secundum jus*, dicuntur rescripta *specifice* sumpta, & quidem *stricte* talia, cum ita excludatur *privilegium & dispensatio*. Si vero comprehendant, ut fit in hoc titulo, omnia rescripta *secundum, præter, & contra jus*, dicuntur rescripta pariter *specificè* accepta, sed *late*. Sumptum tamen hoc etiam secundo modo rescriptum differt a *vive vocis oraculo*, ab *epistola decretali* secundum dicta q. 8. *proœm. a Brevis Apostolico*, sed nonnisi accidentaliter, cum hoc sit compendiosum paucisque verbis expeditum rescriptum, exprimens in cera rubra sigillum Papæ cum subscriptione, datum sub annulo Piscatoris, a *Constitutione*, quod hæc feratur in genere, ut exinde casus particulares deduci queant; rescriptum vero detur ad instantiam partium, ut a paritate tantum rationis liceat argumentari. Rescripto non absimile est *præjudicium*, quod desumitur ex sententia Judicis.

Resp. ad 2. Celebrior rescriptorum divisio est in rescripta gratiæ & iustitiæ. *Rescripta iustitiæ* sunt, quæ dantur ad delegationem & decisionem causarum, c. 22. h. 1. *Rescripta gratiæ*, quæ ex gratia & liberalitate Principis procedunt, sive conceduntur ad obtinendam aliquam gratiam aut beneficium. Dicuntur *beneficialia*, vel *litteræ beneficiales*, *mandata Apostolica de providendo*, *gratiæ expectativæ*, quæ versantur circa collationes, resignationes, aliasque dispositiones circa beneficia. Quid de expectativis statuatur Trid. sess. 24. c. 19. de refor. vide. His addi possunt rescripta mixta.

Q. 2. *Quis concedere rescriptum possit, in qua materia, contra quem?* Resp. ad 1. Solus & omnis Princeps superiorem non recognoscens, qualis v. g. est S. Pontifex in

in spiritualibus, Imperator, Rex, eorumque Cancellarii, c. 10. b. t. Inferiorum ad aliorum instantiam factæ concessionibus rectius vocantur litteræ commissionis, restitutionis, excommunicationis, citatoriar, inhibitoriar; ut ex c. 25. b. t. notat Vallens.

Resp. ad 2. Rescriptum impetrari potest super rebus omnibus, quæ in iudicium deducuntur, quæve ex officio vel gratia concedi possunt. Vallens, h. §. 4. num. 3. Procedit responsio, quod cum limitatione ad certos debitoribus & creditores juxta *Rescriptum Imper.* de an. 1548. & 1577. possint impetrari, adeoque & concedi *rescripta moratoria*, vi quorum debitores non teneantur satisfacere creditoribus ad certum tempus, quod est quinquennium, L. 4. cod. de prec. Imper. offer. L. fin. cod. qui bon. cedere.

Resp. ad 3. Contra quemcunque impetrari potest rescriptum, modo sit subiectus jurisdictioni concedentis. Sæ tamen in rescripto addita sit clausula: *En quidam alii. It. res aliæ*, vi talis rescripti conveniri non possunt personæ digniores, neque negotia expressis graviora, c. 15. b. t.

Q. 3. A quo possit impetrari rescriptum? Resp. a quocunque specialiter non prohibito, juxta vulgatum axioma: *concessum intelligitur, quod expresse non prohibetur*; quod procedit in materia communiter non prohibita, qualis est hæc. Prohibentur autem 1. servi. L. 1. cod. de prec. Imper. off. sub certis tamen limitationibus. 2. Falsi vel jam revocati Procuratores, c. 33. b. t. 3. Hæretici. L. 2. cod. de SS. Trin. Quod tamen in foro seculari, in quo tolerantur, non amplius procedit. 4. Excommunicati excommunicatione *majori* v. 26. b. t. etiamsi sint occulti tantum, impetrare non possunt rescriptum, ita quidem ut ab ejusmodi excommunicato impetratum ipso jure sit nullum citra omnem exceptionem c. ipso jure 1. b. t. in 6. Ratio, quia excommunicatio secum trahit executionem, & Leges, quæ privativum effectum habent, aut simpliciter inhabilitatem in actum inducunt, statim absque omni sententia obligant. Valet tamen impetratio rescripti ab excommunicato super ipsa causa excommunicationis, cit. c. 1. b. t. in 5. Item si excommunicatio sit minor, aut conditionata: si Papa excommunicationis conscius rescripsit: si rescriptum ab Episcopo vel alio

alio Papa inferiore concessum; cum nomine rescripti absolute prolati non veniant litteræ ab inferioribus concessæ: si excommunicatus rescriptum impetravit ab Imperatore vel alio Principe seculari; quia in presenti titulo sermo maxime est de rescriptis Papalibus.

Q. 4. An quis non tantum pro se, sed et pro alio rescriptum impetrare possit? Resp. 1. De rescriptis gratiæ aff. etiam si petens mandatum petendi non habeat. L. 6. *cod. de prec. Imper. offer.* Nemo tamen pro absente vel ignorante beneficium potest acceptare, quia acceptatio est actus personalis, ab eo, cui facta est gratia, præstandus, c. 17. *de præb. in 6.* Sufficit tamen ratihabitio.

Resp. 2. De rescriptis iustitiæ neg. c. 28. §. sunt et alii c. 33. *h. t.* adeo ut tale rescriptum sit ipso jure irritum. L. 24. *C. de Procurat.* Si tamen vel personæ conjunctæ sint, dummodo de rato caveant, vel Procurator generalis ad lites constitutus nomine proprio impetrare velit rescriptum, vel si consuetudo alicubi sit, prout Pirh. esse testatur in Curia Romana, poterunt a quibuslibet extraneis personis rescripta etiam ad lites sine speciali mandato impetrari.

Q. 5. Quæ sit forma rescripti? Resp. Hæc in legitima ejusdem expeditione consistit, ad quam requiritur 1. ut nomen Pontificis vel Imperatoris, annus Incarnationis, Pontificatus (si sit Rescriptum Pontificium) vel Imperii (si Imperatoris) dies expeditionis exprimat, c. 7. *h. t.* c. 6. *de fide Instrum.* 2. Ut observetur stylus Curie, quo Pontifex Patriarchas, Archi-Episcopos Fratres, Laicos autem, quicumque sint, Filios appellat. 3. Ut rescripta gratiæ bullentur cum filo serico rubro & croceo, iustitiæ cum filo cannabis, in quo pendeat plumbum, c. 6. *de crim. falsi.* 4. Ut de Jure communi imperiale rescriptum scribatur scriptura purpurea, &c. juxta L. 6. *cod. h. t.* sed hæc forma abiit in desuetudinem. 5. Ut quodlibet rescriptum interinetur seu approbetur ab Ordinariis seu Commissariis, num petita sint vera. Ratio, quia in omni rescripto Pontificio subintelligitur clausula: *si preces veritate nitantur*, vel *si ita est*: quam rescripta Imperialia, ut valeant, expressam habere debent.

Q. 6. Quid de narratione et conclusione rescripti observandum? Resp. 1. Quodlibet rescriptum constat nar-

ratio

ratione, supplicatione & conclusionē. Narratio facta a supplicante est propositio eorum, ob quæ quis nititur obtinere rescriptum; hæc, si exigatur probari debet. *L. 5. C. de fide Instrum.* facta a rescribente est vel summaria repetitio narrationis a supplicante posita, vel nova expressio rerum, quas incidenter commemorat rescribens. Hæc narrata itidem nihil probant, nisi vel rescribens intentionem suam in iis fundaverit, vel aliquid faciant ad causam principalem rescripti. *Clem. un. de probat. c. 10. de privil. in 6.*

Resp. 2. Conclusio, quæ & a Practicis *dispositiva* dicitur, est præcipua pars rescripti, in qua rescribens mentem suam cum debitis clausulis exprimit: hic ipse ordo verborum est de forma substantiali rescripti, ut si in rescripto mandentur plura, id prius sit expediendum, quod prius præcipitur; secus gestum est ipso jure irritum *c. 22. b. t.* Item si modus procedendi *de novo* a delegante præscribitur, sive alius, quam a jure communi requiratur, talis forma non servata actus est irritus *c. cit.* Ratio, quia cum delegatus non aliam habeat facultatem, quam quæ ei a delegante conceditur, censetur delegans non aliam huic facere potestatem, quam sub isto modo vel conditione.

Q. 7. Quenam sint exprimenda in petendis rescriptis justitiæ? *Resp. seqq.* Rescriptum jam prius obtentum in eadem causa *c. 3. b.* distantia ultra unam dietam, si ultra hanc reus ex propria diocesi extrahatur, *c. 11. b. t. in 6.* conditio personæ privilegiatæ, si contra talem impetretur rescriptum *c. 38. de off. jud. delegat.* lis pendens, & multo magis sententia lata vel appellatio interposita *c. 12. b. t.* transactio vel pronunciatio arbitri, si alterutro modo jam causa finita sit. Demum diffamatio vel æquivalentia huic indicia, *c. 21. §. tertie c. 24. de accusat.* si nimirum in rescripto præcipiatur inquisitio specialis contra aliquem.

Q. 8. Quanam sint exprimenda in rescriptis beneficiis petendis? *Resp. 1.* Beneficium prius obtentum, *c. 17. b. t.* etiam tenue, *c. 42. b.* etiam Vicaria perpetua, *c. 27. eod.* imo & pensio in titulum beneficii data, quia succedit in locum beneficii. 2. Qualitas beneficii antea obtenti, v. gr. an sit Dignitas vel personatus, *c. 8. b. t.* an curatum, *c. 16. de prob. in 6. l. c.* 3. Valor seu quantitas reddituum beneficii juxta stylum Curie Romanæ, juxta quem ta-

men omnes Canonici Germaniæ non excedunt 24 Ducatos, ut evitentur Annatæ. 4. Modus, quo vacat beneficium, c. 6. b. t. in 6. 5. Jus vel ad vel in beneficio tertio cuidam forte competens, imo & possessio colorata; c. 6. de concess. præb. 6. Rescriptum alterius vel a petente vel a tertio impetratum, c. 31. b. t. 7. Patrimonium quod habet petens, si in forma pauperum petatur. 8. Si petatur rescriptum sub forma gratiosa, habitas vel potius defectus, quo absque dispensatione redditur incapax beneficii.

Q. 9. Quibus modis vitientur rescripta? Resp. Non tantum, quando dicta in quatuor præced. qq. non observantur, sed & 1. Dum aperte peccatur graviter in latinitatem, c. 11. b. t. 2. Si contineat rescriptum rasuram in parte quadam substantiali, c. 6. de fide Instrum. 3. Si mandatur aliquid nimis durum, aut a recta ratione alienum, c. 5. b. t. 4. Si omnes causæ, præsentis & futuræ per rescriptum uni alicui, vel certis quibusdam iudicibus committerentur, c. 10. b. t. exceptis tamen iudicibus Conservatoribus. Vel si Iudex incertus & ad arbitrium impetrantis eligendus daretur, non addita clausula: *ex certa scientia*. 5. Si sit contra jus commune, contra præjudicium tertii, vel derogans juri aut privilegiis alienis, nec faciens expressam de iis mentionem &c. 6. Præcipue vitiantur rescripta per *obreptionem*, quæ proprie committitur per narrationem vel expressionem falsi; & per *subreptionem*, quæ fit per reticentiam sive suppressionem veri, quod nimirum intrinsece ad negotium pertinet, & exprimi debeat juxta Q. 7. & 8.

Q. 10. Qua ratione per ob- & subreptionem vitientur rescripta? Resp. 1. Rescriptum gratiæ æque ac justitiæ ob-vel subreptitæ per dolum, fraudem, & malitiam obtentum est ipso jure nullum, c. 15. & 20. b. t. etiamsi expressio falsi vel suppressio veri non fuerit causa finalis concessi rescripti, modo pertineat ad substantiam rei petitiæ. Arg. ex cit. tex. qui non distinguunt, an dolus habeat rationem causæ finalis, an impulsivæ.

Resp. 2. Rescriptum tam justitiæ quam gratiæ nullum est, si suppressa, etiam absque dolo, veritas, aut expressa falsitas talis sit, ut ea cognita Pontifex negaturus fuisset rescriptum. De rescripto justitiæ habetur ex c. 20.

b. t. de rescriptis gratiæ arg. ex cap. 19. eod. est tamen distinctio hoc casu inter nullitatem utriusque rescripti facienda.

Resp. 3. Si suppressa veritas aut expressa falsitas non ex dolo, sed ignorantia aut simplicitate talis sit, ut adhuc ea cognita Pontifex rescriptum concessurus fuisset, rescriptum *justitiæ* non vitiatur, sed poterit & debet eo casu Iudex delegatus procedere, non quidem secundum formam præscriptam, sed ordinariam. Arg. ex c. 20. cit. Idem obtinet in rescriptis *gratiæ* c. 14. §. nos igitur de præbend. in 6. nisi expressio veritatis vel ex stylo Curie vel jure communi tanquam forma requirantur, ut in c. 23. de præb. in 6.

Q. 11. An vitiata una parte rescripti ob dolosam subvel obreptionem totum rescriptum vitiatur? Resp. Valde probabiliter cum Pichler defenditur affirmativa, etiam si partes rescripti ceteræ connexæ non sint cum parte obvel subreptionem continente. Ratio ob verba c. 20. b. t. nullum ex illis litteris commodum consequantur, ubi *quod* nullum includit negationem universalem, c. 15. eod. mendax precatior penitus NB. careat impetratis.

Q. 12. Intra quod tempus præsentanda sint rescripta? Resp. 1. Rescripta *justitiæ* tamdiu durant, quamdiu & actio durat, & de se sunt perpetua. L. 2. C. de divers. rescriptis. non obstat c. 9. & 23. b. t. dum enim ibi ponitur tempus unius anni, intra quem præsentandum rescriptum, intelligitur de casu impetrati ab adversario secundi rescripti.

Resp. 2. Rescriptis etiam gratiæ ad beneficia de jure communi tempus certum statutum non est; unde ne quidem morte concedentis expirant, cap. 9. de offic. delegat. in 6. Si tamen præfixum sit certum tempus, illud servandum. Vide Constitutionem Gregorii XIII. Humano, editam anno 1583. & Concordata Germaniæ §. De ceteris.

Q. 13. Quodnam tempus inspiciendum in rescriptis? Resp. 1. In rescriptis *justitiæ* in ordine, ut delegato conferatur jurisdictio, vel ab eo auferatur, attendendum est tempus *præsentatiæ*, id est tempus, quo tales litteræ delegato sunt præsentatæ: dum autem quæritur, utrum valide sit impetratum rescriptum; vel dum dubitatur, ad

quas causas se extendat, inspiciendum tempus *datæ*; hoc est, tempus, quo litteræ Apostolicæ in Curia Romana sunt expeditæ. *Clement. fin. h. t.*

Resp. 2. In rescriptis gratiæ regulariter inspiciendum est tempus *datæ* c. 7. h. t. & c. 9. eod. in 6. Exceptiones vide apud Schmalzgrueber h. t. num. 23.

Q. 14. Qualis interpretatio facienda in rescriptis? Resp. 1. Rescripta omnia juxta intentionem concedentis, colligi solitam tum ex verbis, tum ex praxi Curiae, sunt accipienda.

Resp. 2. Si perpensis omnibus mens rescribentis maneat dubia, rescripta *justitiæ* explicari debent secundum jus commune, etiamsi verba debeant aliquo modo improprie sumi, c. 18. h. t. Deinde debent utpote odiosa & detrahentia jurisdictioni Ordinarii stricte sumi, ut a persona ad personam in rescripto non expressam, &c. non expendantur, c. 32. & 40. de off. deleg.

Resp. 3. Rescripta gratiæ sive ad beneficia pariter sunt strictæ interpretationis, cap. 4. de præb. in 6. Ratio, quia impetratio talis per ambitionem fieri solet. Hinc qui impetravit rescriptum ad beneficium proxime vacaturum, vi hujus rescripti non impetrabit beneficium, quod modo post datum rescriptum est erectum. *Clem. fin. h. t.* Similia vide in c. 4. de præb. in 6. & c. 6. h. t. in 6. Si tamen litteræ beneficiales vel sint concessæ motu proprio, vel in compensationem damni, forte occasione Ecclesiæ perpeffi, patet, quod aliquando majorem mereantur favorem, quam si ad alicujus instantiam fuissent impetratæ.

Resp. 4. Etiam dispensationes sunt strictæ interpretationis. *Reg. jur. 141. ff. & 28. in 6.* Ratio, quia dispensatio est relaxatio juris communis & contra jus. Præterquam autem, quod varie limitetur responsio, illud communiter receptum est, facultatem ad dispensandum datam esse late interpretandam. Ratio, quia talis concessio meram continet gratiam, quæ nec juri communi, nec privatorum præjudicat.

Q. 15. Quinam possint ac debeant esse executores rescriptorum? Resp. Si sint rescripta emanata a Sede Apostolica, ejusve Legatis (in Ordinariorum rescriptis id observandum non est) item si rescripta causæ cognitionem

nem

nem & jurisdictionem in foro externo requirant, siue deinde sint rescripta justitiæ, siue gratiæ, executio de Jure communi dari non potest, nisi personis dignitatem Ecclesiasticam aut personatum obtinentibus, vel Cathedralium Ecclesiarum Canonicis, cap. statutum, 11. §. sancimus, b. t. in 6. Qui tamen rescripta gratiæ intra 30. dies numerandos a facta præsentatione executioni mandare debent, nisi obstat legitimum aliquod impedimentum; si ulterius differant, impetrans propter hoc gravamen ad delegantem poterit appellare, cap. 26. §. ult. de off. deleg.

Q. 16. Qualiter expirent rescripta? Resp. Vel renunciatione? quia quilibet rescripto in solius sui favorem concesso renunciare potest. Vel revocatione concedentis, cujus revocationis exemplum habetur in cap. fin. b. t. in 6. & potest Princeps vel Judex Ordinarius etiam inferior jurisdictionem per rescriptum concessam revocare, si revocatio non fiat in damnum tertii vel mandatarii, etiam re non amplius integra. L. 58. ff. de jud. Vel morte concedentis; ubi tamen inter rescripta justitiæ & gratiæ discrimen faciendum; illa, si rescribens re adhuc integra moriatur, expirent c. 20. & 30. de off. deleg. hæc scil. rescripta gratiæ jam factæ non expirent morte concedentis, v. gr. Papæ, c. 9. de off. deleg. in 6.

T I T U L U S IV.

De Consuetudine.

Q 1. *Quid sit consuetudo, quotuplex, & quæ ejus ab aliis differentia?* Resp. ad 1. Consuetudo est jus non scriptum diuturnis populi moribus cum aliquo Legislatoris consensu introductum. Et ita definitur consuetudo juris. Consuetudo facti est ipse frequens usus seu actus frequentari & soliti fieri ab aliqua Communitate, ejusve majori parte.

Resp. ad 2. Præter divisiones alias, quod v. g. alia sit consuetudo Canonica, alia Civilis; alia generalissima, generalis, & alia specifica, dividitur præcipue in consuetudinem secundum Legem, quæ Legem scriptam supponit,

nit, & observando confirmat: & in consuetudinem præter legem, quæ inducit jus, ubi lex necdum erat: & contra legem, sive quæ est Legi contraria. Differt consuetudo 1. a Traditione, quod consuetudo ab usu ortum habeat, traditio autem ab institutione alicujus potestatem habentis, ab eoque per modum regulæ data sit & promulgata tunc præsentibus, & deinceps velut per manus posterorum ac successorum tradita usque nunc perseveret. 2. a stylo Curie, & fori tanquam includens ab incluso, vel tanquam genus a specie. 3. a Lege, quia Lex ex publicæ potestatis expressa & publice promulgata ordinatione vim habet, consuetudo ex usu tacite approbato a Legislatore. 4. a præscriptione, nam hæc respicit personas privatas, vel si procedat contra Communitatem, hanc tanquam personam particularem considerat: consuetudo respicit communitatem qua talem, quam obligat: consuetudo parit Legem: præscriptio dominium: consuetudo requirit consensum Principis solum tacitum; præscriptio non requirit consensum ejus, contra quem præscribitur: in præscriptione requiritur b. f. & titulus; non in consuetudine, sed tacitus populi ac Principis consensus huic pro titulo est.

Q. 2. Quenam requirantur conditiones ad introducendam consuetudinem vim legis habentem? Resp. quatuor: 1. Ut sit rationabilis. 2. Ut duraverit tempore requisito. 3. Ut intercesserit debita actuum frequentia. 4. Ut adsit consensus Legislatoris.

Q. 3. An debeat & quomodo possit esse rationabilis consuetudo? Resp. ad 1. Debere consuetudinem esse rationabilem, patet tum ex L. 1. C. quæ sit longa consuet. L. 39. ff. de LL. c. fin. b. t. c. 2. eod. in 6. tum ex ratione: quia consuetudo obtinet vim legis, lex debet esse rationabilis; ergo.

Resp. ad secundum Consuetudinem etiam contrariam legi, si habet reliqua requisita, posse esse rationabilem, habetur c. fin. b. t. & ex paritate Legis posterioris contra priorem conditæ.

Resp. ad secundum. 2. Erit rationabilis consuetudo, si sit de re honesta & utili Resp. alii dicunt, tunc fore rationabilem, quando de re illa, de qua est con-

suetudo, iusta foret lex noviter condita, priore, si qua extabat, mutata, alii cum Reiffenstuel *b. t. nu. 34.* tunc rationabilem futuram consuetudinem ajunt, dum neque juri naturali, nec divino, neque rectæ rationi, aut bonis moribus adversatur: nec peccandi licentiam præbet, aut occasionem: sed vel coincidunt hæ explicationes cum nostris, vel longiores sunt, sed per viam remotionis procedunt.

Q. 4. An consuetudo sit hoc ipso irrationabilis, quod ei jus positivum resistat. Resp. 1. Aff. Si jus positivum consuetudinem penitus reprober ut corruptelam. Est communis ex *c. 7. & fin. b. t.*

Resp. 2. Si Lex simpliciter prohibeat introduci consuetudinem, non tamen eam damnet ut irrationabilem. Lauren. ait, *b. t. qu. 376. n. 2.* ad hunc finem censendam esse irrationabilem, ut contra legem ordinario tempore non possit induci: eo quod in tali casu desit consensus legalis ad valorem consuetudinis necessario requisitus, cum lex semper loquatur: dicit tamen *ibidem* contrarium æque esse probabile, scil. ordinario tempore posse introduci consuetudinem, quæ vetita sit introduci: rationem reddit, posse talem consuetudinem nec directe, nec indirecte, contrariam esse Legi divinæ, aut naturali: posse item intra ordinarium tempus evadere non nocivam, sed utilem Reip. ergo.

Resp. 3. Dum Lex derogatoria consuetudinis utitur clausula: *non obstante consuetudine quacunque contraria*, extendi solum debet ad consuetudines tempore Legis existentes, non ad futuras: adeoque potest de novo introduci consuetudo contra talem Legem. Ratio, quia, cum clausula dicta commode intelligi possit de consuetudinibus tunc existentibus, de iis tantum intelligi debet, cum correctoria legis velut odiosa non sint extendenda.

Q. 5. Quodnam tempus requiratur ad consuetudinem? Resp. Tempus in omni consuetudine pure tali, siue per illam abrogetur Lex, siue nova constituatur, siue consuetudo civilis, siue Ecclesiastica sit, siue Princeps sit præsens, siue absens, est decennium. Ratio, Jura requirunt ad consuetudinem tempus longum; tale est decennium. *L. ult. cod. de præscript. long. tempor. §. 1.*

Inst.

Inst. de usucap. c. ult. b. t. ergo. Decennium verò illud debet esse continuum; quia si interruptitur, jam non durat decennio. Alii æque probabiliter tempus ad consuetudinem requisitum arbitrio iudicis relinquunt, quia jus nullibi satis certum tempus determinat. Ubi & nota consuetudinem præscribi nihil esse aliud, quam eam (scil. *consuetudinem facti*, sive actus, per quos nascitur *consuetudo juris*) continuari tempore ad præscriptionem requisito, & consuetudinem scil. *juris*, esse præscriptam, significare eam esse obtentam per cursum temporis requisiti ad præscriptionem.

Q. 6. *Quales possint, aut debeant esse actus, per quos introducitur consuetudo?* Resp. 1. Per actus etiam malos & lege humana prohibitos introduci potest consuetudo. Ratio, quia illi actus non concurrunt tanquam causa ad introducendam consuetudinem legis abrogativam, sed ut indicium voluntatis populi, obligationem legis excutere volentis. Arg. etiam ex l. 32. §. 1. ff. de LL. Demum ad consuetudinem contra legem requiritur, ut frequententur actus animo abrogandi legem, ut *respons. seq.* dicetur, sed hic animus haberi non potest sine scientia legis & consequenter m. f. ergo.

Resp. 2. Debent actus esse voluntarii, sine ignorantia, errore, metu, sed populus scire debet, quod lex sit lata, ut illa per consuetudinem abrogetur, vel quod nulla adhuc lex extet, ut circa rem illam consuetudo vim legis habens constituatur. Ratio; quia nullus actus nisi voluntarius consensum populi, per quem exurgit consuetudo, indicat.

Resp. 3. Actus debent procedere *ex intentione inducendi obligationem*; quia actus non operantur ultra intentionem agentium. L. 19. ff. de R. C. Dum consuetudo est *præter legem* & tendit *ad obligationem*, in dubio non præsumitur animus consuetudinem introducendi; nisi vel 1. res ardua uniformiter a Communitate observetur, quia difficilia a multis non solent circa obligationem observari: vel nisi 2. res sit valde utilis bono communi: vel 3. nisi populus ex transgressione scandalizetur, & similes causæ sunt, ob quas jam olim præsumebatur introducta consuetudo recitandi Breviarium, nulla adhuc lege extante.

Resp. 4. Actus debent esse *externi*, cum agatur de consuetudine externa, & *publici*, non tamen *judiciales*; quia per actus publicos, licet extrajudiciales, satis manifestatur consensus populi, qui est anima consuetudinis.

Resp. 5. Actus debent esse *uniformes*, hoc est, a majori saltem parte Communitatis observari & practiciari; quia ex actibus difformiter exercitis & continuatis non intelligitur, quid populus servari velit.

Resp. 6. Actus debent esse *frequentes*, ut patet ex ipsa definitione consuetudinis; certus tamen numerus relinquitur arbitrio iudicis, cum is a jure præscriptus non sit.

Q. 7. An & qualis consensus Principis requiratur ad consuetudinem? Resp. ad 1. Aliquis Principis consensus extra statum popularem requiritur, eo quod consuetudo habeat vim legis.

Resp. ad 2. Quod non requiratur consensus Principis personalis & particularis ad consuetudinem proprie dictam, quo is vel expresse, vel tacite contentiat, sciens populi mores; sed quod sufficiat legalis & juridicus, qui datus est per jus scriptum, quo generaliter omnis consuetudo debitis affecta conditionibus approbatur; Ratio est partim negativa, quia nullibi consensus personalis requiritur; partim, quia si accederet consensus iste particularis Principis, valentis legem vel ferre, vel abrogare, non tam per consuetudinem & mores populi, quam per voluntatem Legislatoris lex abrogaretur.

Q. 8. Quinam possint introducere consuetudinem vim legis habentem? Resp. 1. Non potest una persona, etiamsi potestatem habeat legislativam, quia consuetudo requirit consensum plurium & convenientiam in actibus. 2. Nec communitas imperfecta, v. g. privata familia consuetudinem legalem introducere potest: quia non est capax ferendæ legis (qualis est consuetudo) utpote quæ est præceptum commune perpetuum, durans etiam post mortem Legislatoris, L. 32. & 35. ff. de LL. 3. Communitas autem perfecta non recognoscens Superiorem, v. g. regnum, Resp. utpote potens ferre legem scriptam, consuetudinem quoque vim legis habentem introducere potest; quia nihil refert, an suffragio, an re ipsa voluntatem suam declarat. 4. Communitas perfecta, licet recognoscat

scat superiorem, consuetudinem, legalem etiam, introducere potest; v. gr. Clerici contra Canones, Ratio, quia licet actu non habeat Communitas talis facultatem leges condendi, est tamen capax de se potestatis accedente legali Principis consensu.

Q. 9. *Quinam sint effectus consuetudinis?* Resp. 1. Consuetudo secundum legem interpretatur legem præexistentem, etiam authentice; si sit consuetudo juris. L. 39. ff. de LL.

Resp. 2. Consuetudo contra legem, abrogare potest legem priorem prohibentem tantum aut præcipientem, ut ejus obligationem tollat. c. fin. h. t. & L. 32. & 35. ff. de LL. Item Legem penalem tantum & penalem mixtam, tollendo scil. simul obligationem ad culpam & obligationem ad penam; vel etiam tollendo solum obligationem ad penam remanente obligatione quoad culpam, ut probabile est ex Extr. 1. de reb. Eccl. non alien. & Clem. 2. eod. Insuper consuetudo abrogare potest legem irritantem actus & contraactus; potest enim id fieri per legem, ergo & per consuetudinem.

Resp. 3. Consuetudo præter legem introducit obligationem; sive novam legem: & universim loquendo consuetudo legitima prohibens aut præcipiens aliquid, utpote quæ pro Lege recipitur & facit, ius non scriptum, non secus ac lex scripta obligare potest vel ad culpam gravem vel levem pro materia qualitate, vel etiam ad penam tantum.

Q. 10. *An ab allegante, & quomodo sit probanda consuetudo?* Resp. 1. Consuetudinem alleganti incumbit probatio; quia ratione introductionis est res, facti; quod probari debet. L. 1. C. de prob. nisi tamen sit consuetudo notoria, tunc enim sufficit eam allegare; vel nisi respiciat modum procedendi ordinarium in iudicio; talis enim (uti & stylus fori ac Curia) aliunde nota sit iudici oportet; sique de ea dubius sit, ipse se tenetur informare.

Resp. 2. Si causæ decisio ex consuetudine allegata pender, probanda est plene: fit autem plena probatio per duos testes deponentes de usu majoris partis populi, frequentia actuum, & diuturnitate temporis, quo hi exerciti; vel ex eo, quod consuetudo successu tem-

poris redacta sit in scripturam, ut contingit in usibus & consuetudinibus feudorum: vel ex eo, quod jam semel obrenta fuerit in iudicio contradictorio, &c.

Q. 11. *An consuetudo sit extendenda a communitate in communitatem*, v.g. a tribu mercatorum ad tribum opificum: *vel a casu ad casum*, v. g. a venatione ad piscationem: *vel a loco ad locum*, v. gr. a civitate ad civitatem? Resp. Neg. de consuetudine *contra legem*; quia hoc ipso, quod contra jus sit, eique derogat, odiosa est & stricti juris; tantumque de potentia sive jure habet; quantum de actu & usu, ut Bald. ait in *Auth. que rem C. deff. Eccles.* quæ ultima ratio etiam procedit in consuetudine *preter legem*. Consuetudo tamen *preter legem* subinde extenditur, dum id ratio æquitatis vel convenientiæ suadet; v. gr. dum deficit in certo loco particularis consuetudo, ad viciniorem recurrendum, juxta *c. 22. de censib.* & *cap. 3. de cognat.* non quidem ex obligatione, cum consuetudo unius Communitatis ad aliam authenticæ non extendatur, sed tantum ex æquitate; neque plus *cit. c. 3.* requirit.

Q. 12. *An quando possit abrogari consuetudo?* Resp. 1. Quod possit rursus tolli consuetudo ex paritate cum lege scripta certum est.

Resp. 2. Consuetudo abrogatur 1. *per legem*, ut constet ex *c. 1. de Constit. in 6. c. 9. b. t.* Lex tamen abrogans consuetudinem, debet eidem esse *e diametro opposita*; quia consuetudo legitime inducta jus quoddam est, cujus correctio est vitanda. Deinde lex universalis abrogat consuetudinem neque universalem, ex *c. 1. de Constit. in 6.* ubi tantum singularem consuetudines dicuntur non abrogari per legem generalem. 3. Lege universali non censetur abrogata consuetudo particularis alicujus loci, nisi vel expressam hujus mentionem fecerit, vel addita sit clausula generalis derogans cuicunque consuetudini, v. g. hæc: *non obstant quacunque consuetudine*. Ipsa tamen illa lex abrogans consuetudinem potest per contrariam consuetudinem abrogari. Ratio, quia lex prohibens consuetudinem est lex humana, quæ per contrariam consuetudinem potest aboleri.

Resp. 3. Consuetudo abrogatur etiam per aliam consuetudinem. Ratio, quia consuetudo habet omnes effectus

ctus legis, ergo. Ut tamen effectum hunc habeat, debet esse contraria priori; hinc universalis abrogat universalem, particularis non potest abrogare universalem, sed tantum derogat.

Q. 13. An idem sit reprobare consuetudinem ac abrogare vel prohibere: & quæ consuetudo possit reprobari? Resp. 1. Omnino diversa sunt; nam lex dicitur abrogare consuetudinem, dum eam præexistentem tollit; prohibere dicitur, quando non tantum tollit, sed etiam impedit, aut prævenit, ne futura introducatur, vel ne introduci cepta vigorem legis acquirat: reprobare dicitur, quando non solum revocat aut prohibet consuetudinem, sed per expressa verba irrationabilem declarat.

Resp. 2. Non est necesse, ut consuetudo, quæ reprobat, sit contra jus divinum vel naturale; sed potest aliqua consuetudo ex eo solum capite reprobari, quia involvit aliquam notabilem indecentiam, vel incommodum Communitatis: exemplum hujus est in c. 5. b. t.

Q. 14. Quæ in specie consuetudines reprobantur? Resp. Consuetudo retinendi plura beneficia, majora maxime, citra dispensationem, c. 1. b. t. in 6. c. 28. de præb. & dign. Trid. Sess. 7. c. 2. & 4. de reform. 2. Accipiendi distributiones quotidianas, quavis etiam absentia non obstante c. un. de Cler. non resid. 3. Dimittendi dignitatem sine Superioris licentiæ, aut administrandi vi g. Episcopatum absque confirmatione c. 7. b. t. 4. Nominandi ad beneficia vacatura; c. 2. de concess. præb. 5. Imminuendi aut tollendi immunitatem Ecclesiasticam tam realem, quam personalem. Præter plura cap. Trid. Sess. 25. c. 20. de reform. 6. Quæ præterea in materia jurisdictionis reprobari sint consuetudines, vide in c. 4. b. t. c. 2. b. t. in 6. c. 4. de offic. Archidiacon. 7. In materia judiciorum reprobat consuetudo, accusatis de crimine capitali non permittendi advocatum: bona eorum, qui sibi mortem consciscunt, cum liberorum præjudicio tribuendi fisco; reos criminum capitalium vel omnino non, vel civiliter tantum puniendi, qualis olim in Polonia consuetudo fuisse dicitur abrogata a Sigismundo: res furto ablatas Magistratibus concedendi cum maximo damno legitimi Domini &c. 8. Dantur præterea reprobatæ consuetudines in materia mutui, & venationis, in

ut Superior electionem debeat confirmare. Laym. in *en. de postul. in 6.* Imo postulatio licet publicata & postulatio presentata revocari potest a postulantibus, modo necdum intimata fuerit superiori. Ratio, quia postulatio, etiam si a postulato acceptata, nullum ei jus tribuit, habetque se tantum consensus postulati ut conditio sine qua non *c. 4. h. t.*

Q. 2. Quinam postulari possint vel non possint? Resp. 1. In genere. si solum postulari possunt *solemniter*, qui ob impedimentum Canonicum, quod potest & solet dispensari, non possunt eligi. Ratio, quia postulatio est introducta in subsidium electionis; frustra autem peteretur, ut ex gratia ad Prælaturam admittatur is, qui sine illa ad eam promoveri potest.

Resp. 2. In specie postulari possunt & debent laborantes defectu natalium *c. 20. de elect. etatis legitimæ, c. 19. eod. Ordinis, c. 22. eod. Professionis Religiosæ, c. 13. eod.* Item postulari possunt & debent vinculo spiritualis matrimonii Ecclesiis suis adstricti, quales quia non sunt Prælati Episcopis inferiores, nec Cardinales Diaconi aut Presbyteri, *simpliciter*, non tamen *solemniter* postulatur; cum e contra ob spirituale conjugium Archi-Episcopi, Episcopi etiam titulares tantum, utrique tamen confirmati, non eligi, sed possint & debeant *solemniter* postulari.

Resp. 3. Non possunt postulari omnes ii, qui impedimento laborant, in quo Superior vel non potest vel non solet dispensare: tales sunt, qui jure vel nature vel divino sunt inhabiles, v. g. infantes, amentes, omnino rudes: item bigami & spurii, vel ex damnato coitu nati: *c. 10. de renunt. temerarii, violatores, interdicti c. 1. h. t. falsarii c. 7. de crim. fals. &c.* cum quibus non solet dispensari.

Q. 3. Quinam postulare possint, & apud quem debeant postulationem interponere? Resp. ad 1. Possunt omnes postulare, qui possunt eligere, arg. *c. 4. W. ceterum h. titul.* adeo ut licet quis extraneus vel per privilegium, vel per præscriptionem obtinuerit jus eligendi ad prælaturam, illi etiam hoc ipso competat jus postulandi. Ratio, quia postulatio est accessoria ad electionem, eique necessario connexa; ideoque licet privilegium & præ-

& præscriptio sint stricti juris, huc tamen debeant extendi.

Resp. ad 2. Postulatio *simplex* fieri debet apud illum Superiorem, cui postulatus immediate subest, v. g. ut filius familias eligatur, postulatio fieri debet a patre. Postulatio *solemnis* fieri debet apud eum, ad quem spectat Prælati, si electus fuisset, confirmatio modo ille super impedimento, quod postulandus habet, dispensare possit. Ratio, quia postulationis admissio vim confirmationis habet, ergo. Hinc postulationis admissio ad Episcopatus Germaniæ petenda est a S. Pontifice; ad Ecclesias inferiores, si non exemptæ sint, ab Episcopis. Superior talis licet non obligetur ex iustitia strictè tali postulationem admittere, c. 5. b. 1. tenetur tamen firmiter ex debito officii, si urgens causa publicæ utilitatis aut necessitatis subsit.

Q. 4. *Quenam sint pœne scienter postulandum indignum ob impedimentum vel defectum absolute indispensabilem?* Resp. Privantur ipso facto, & ante sententiam condemnatoriam pro illa vice jure seu potestate postulandi & eligendi. Arg. c. 1. & 2. b. 1. Ratio, quia ita statutum est de eligentibus scienter indignum c. 7. §. fin. de elect. Neque obstat, quod hæc constitutio sit pœnalis, adeoque non extendenda; quia etiam in pœnalibus, quando duo in jure æquiparantur, quod de uno eorum est dispositum, de altero pariter dispositum esse censetur. Pro illa autem vice devolvitur jus providendi, seu postulandi vel eligendi in Capitulares, si qui adsint innocentes, id est expresse contradicentes tali postulationi, licet ii sint numero pauciores, c. 2. b. 2. Ratio, quia delictum suos tantum auctores tenere debet; neque in delictis censetur factum ab omnibus; quod a majori parte perperam est gestum. De aliis, qui in materia postulationis similes incurrunt pœnas, vide c. 2. b. 2. & c. 20. de elect. & c. 1. & 2. de fil. presb. in 5.

Q. 5. *Quenam sint circa formam postulationis observanda?* Resp. 1. Non tantum in postulatione non *solemni*, utpote quæ verà electio est, sed etiam in *solemni* observanda est forma & solemnitates, quæ pro faciendâ electione in c. 42. de elect. sunt præscriptæ, nisi jus speciale aliud permittat. Ratio, quia postulatio, & electio

titio æquiparantur; tantaque connexio est, ut postulatio sit quasi pars electionis; & huic subrogata, vel ei accessoria; ergo.

Resp. 2. Non potest eadem persona simul eligi & postulari, siue non valent formulæ, *eligo postulando*, *postulo eligendo*, ex claro textu *c. un. h. t. in 6.* nec etiam juxta idem cap. valet formula: *eligo & postulo*, prout de jure melius fieri potest: excipitur casus quando probabiliter dubitatur, utrum quis sit eligendus vel potius postulandus.

Resp. 3. Si postulatio concurrat cum postulatione, id est, si omnes Capitulares postulent, sed diversi diversum, requiritur & sufficit conspiratio absolute majoris partis Capituli. Ratio, quia ordinarie, quod majoris partis consensu fit, pro eo habetur, ac si omnium consensu fieret, *c. 1. de his, que a maj. part. & l. 19. ff. ad municipal.*

Resp. 4. Si postulatio concurrat cum electione, id est, si una Capitularium pars postulet Titium aliquo impedimento laborantem, altera Capum eligat, ut postulatio unius alterius electioni prævaleat, requiritur, ut in postulandum consentiant duæ partes, v. g. si sint Capitulares 15. qui ferant suffragia, debet postulandus ad minimum ferre 10. suffragia; & contra si eligendus pro se habeat plus quam tertiam partem suffragiorum prævalebit postulationi electio; v. g. in casu posito ex 15. eligendo sufficiunt 6. suffragia, *c. 40. de elect.* Ratio, quia electio est via ordinaria, postulatio extraordinaria perveniendi ad Prælaturas; ergo istam præ hac oportet magis esse expeditam.

TITULUS VI.

De Electione & Electi Potestate.

Q 1. Quid sit electio, & quæ ejus differentia; Resp. ad 1. Est personæ idoneæ ad Prælaturam vacantem per vota legitimorum electorum Canonica vocatio, auctoritate Superioris confirmanda, ita desumitur ex *c. 7. & 42. h. t.*

Resp. ad 2. Quomodo a nominatione & postulatione dif-

differt, dictum est *præc. Tit. q. 1. Resp. 3.* Deinde a *col-latione, institutione, commenda præsentatione* in eo præci-
pue differt, quod electio fiat per *vota eligentium*. Et
hæc sunt duplicia; *activa*, illorum sc. qui possunt eli-
gere, & *passiva*, illorum, qui possunt eligi.

Q. 2. Quinam possint eligere? Resp. 1. Ut nihil dicam
de diversa diversis temporibus praxi observari solita,
nunc de *jure communi* jus eligendi Prælatum competit
solis Ecclesiæ vacantis Capitularibus, c. 1. & 14. b. t. id
est, illis, qui sunt membra illius Collegii, quod jus ha-
bet eligendi. Illud tamen verum est, sufficere ad jus
eligendi habendum, si quis b. f. possideat beneficium,
cui jus tale annexum, licet revera ejus Dominus non
sit: c. 29. b. p. c. 9. de *jure Patron.* etiam lite de proprie-
tate jam mota. Ratio, quia pendente lite nihil inno-
vandam.

Resp. 2. Non omnes Capitulares Ecclesiæ vacantis pos-
sunt semper eligere; nam 1. sunt a *jure inhabilitati* im-
puberes. Trid. sess. 22. c. 12. de *reform. matr.* ubi, ut cæ-
pax vocis activæ non sit, qui Ordine Subdiaconatus ini-
tius non est. 2. Excommunicati excommunicatione
majori, c. 23. de *appell.* 3. Suspendi *ab officio* c. 16. §. fin.
b. t. 4. Personaliter interdicti c. 16. cit. & r. 18. §. *is*
vero de sent. excomm. in. 6. 5. Absentes sine legitimo im-
pedimento, c. 42. b. t. 6. Quilibet ad eligendum se ip-
sum, c. fin. de *Inst.* vel sui successorem, can. 3. & seq.
caus. 8. q. 1. 7. Novitii & fratres laici in ordine ad eli-
gendum Prælatum Religiosum, & Mendicantes, qui
transcunt etiam cum auctoritate Pontificis ad Ordinem
non Mendicantium.

Secundo *privantur* aliqui ipso jure, saltem una vice
potestate eligendi, de quibus tum dictum est *tit. præc.*
q. 4. tum habetur *Extrav. un. b. t. inter Com. c. 41. b.*
t. c. 7. x. & in. 6. b. t. c. 43. cum c. 56. eod.

Resp. 3. Jus eligendi Prælatum competere potest Cleri-
cis etiam extraneis. 1. *Privilegio Pontificia*, si enim Lai-
ci, ut *in seq.* dicitur possunt habilitari, ergo a potiori.
2. *Fundatione* juxta c. 23. de *Jure Patr.* 3. *Consuetudine*
arg. c. 8. de consuet. 4. *Conventionem & consensu unani-*
mi Capitularium pro una saltem vice Clericis extraneis
jus eligendi potest communicari: *cap. 40. & c. 8. b. t.*

Resp.

Resp. 4. Laici sunt incapaces juris eligendi c. 2. 43. 51. b. t. Ratio, quia est jus spirituale, cujus possidendi sunt incapaces, quæ ratio etiam probat, non posse jus eligendi per *consuetudinem* vel *prescriptionem* a Laicis acquiri, c. 56. b. t. a summo tamen Pontifice habilitari possunt. Ratio, quia hic plenariam habet potestatem disponendi circa beneficia, & Laicos utpote non incapaces jure naturali vel Divino possessionis juris spiritualis, ad id potest habilitare; uti defacto ad jus Patronatus habilitavit.

Q. 3. *Quinam sint vel non sint eligibiles?* Resp. 1. Qualitates eligendorum (qui *regulariter* solent esse ex Capitulo Ecclesiæ viduata) exprimuntur in c. 7. & c. 7. & 37. b. t. in 6. & generaliter loquendo non tantum digni, sed & digniores esse debent, qui ad Prælaturas Ecclesiasticas eliguntur. Videatur Trid. sess. 24. c. 1. de reform. & c. 18. de promot. Paroch. Item *propositio* 47. ab Innoc. XI. damnata.

Resp. 2. Ineligibiles sunt ob *Impedimentum nature*: 1. Infantes, amentes, & qui requisitam ætatem necdum adepti sunt: c. 3. de æt. & qual. Trid. sess. 22. cap. 2. & sess. 24. c. 12. de ref. 2. Corpore vitiiati, ut vel omnino non vel non decenter munere suo fungi possint: *toto t. de corp. vit.* 3. Illegitime nati, c. 20. b. t. 4. Hæreticis parentibus orti: c. 15. de her. in 6. in Germania nostra, quia tolerantur hæretici, hæc dispositio non obtinet, &c.

Resp. 3. Ineligibiles sunt ob *crimen vel defectum morum* 1. Sacrilegi arg. c. 34. b. t. 2. Falsarii litterarum Apostolicarum c. 7. de crim. fals. 3. Usurarii manifesti: c. 11. de exces. Præl. 4. Perjuri, c. 10. de jurejur. 5. Ambitiosi: c. 46. b. t. 6. Sodomitæ habituari. Constit. Pii V. *Horrendum*, edit. 1568. 7. Plura beneficia incompatibilia retinentes: c. 51. §. *nos igitur* b. t. 8. Consentientes in electionem sui per abusum sæcularis potestatis factam, cap. 43. b. t. 9. Hæretici, eorumque fautores, c. 2. & 15. de heret. in 6. 10. Simoniaci, c. 23. 27. 33. & Extrav. 2. inter Com. de Sim. ubi & specialia circa electionem Simoniacæ factam statuuntur.

Resp. 4. Ineligibiles *ratione censurarum* sunt excommunicati; c. 7. de Cler. excomm. excommunicatione etiam minori tantum; cap. fin. eod. 2. Suspensi non tantum

ab officio, *c. c. fin.* fed etiam a beneficio tantum, *c. 8. de erat. & qual.* 3. Personaliter interdicti, *c. 8. de consuet.* 4. Irregulares quicunque, siue ex delicto, siue ex alio defectu. Ratio, quia beneficium datur propter officium, sed irregularis inhabilis est ad officium; ergo & ad beneficium, Ubi & nota: electionem indigni quandoque esse nullam *ipso jure*, dum v. gr. est inhabilis ob *impedimentum nature*; quia talis absolute est incapax; vel dum laborat impedimento Canonico; quia talis non potest *eligi*, sed *postulari* debet: quandoque esse irritandam tantum, v. g. indigni *propter delictum*, si irritatio electionis a jure non exprimitur. Cæterum ad illam Q. An electio ob impedimentum jure humano inductum nulla in foro externo, etiam in interno nulla sit, ut a taliter indigno in conscientia non possit acceptari dignitas & retineri. Resp. regulariter loquendo, neg. conformiter nostris principiis *Tit. 2. de Constit. Q. 12. Resp. 5.*

Q. 4. *Quenam in convocatione Electorum ad celebrandam electionem servanda?* Resp. 1. Mortuo & sepulto Prælato, habitoque tertio depositionis die, nisi aliud necessitas suadeat, Decanus, vel secundum locorum consuetudinem Senior Capitulares præsentem congregat; diem, locum & horam pro electione cum iis constituit; per literas aut Nuntium absentes monet, &c. Arg. *c. 24. de off. deleg.*

Resp. 2. Ad electionem ipsam vocandi sunt non tantum præsentem, qui jus suffragii habent, sed & absentes, qui debent, & volunt, & possunt commode interesse, *c. 42. b. 1.* Ratio, quia nemo privandus est jure suo invitatus & absque iusta causa.

Resp. 3. Electio, ad quam plures, quam tertia pars, ex contemptu non sunt vocati, v. g. si ex 12. habentibus jus suffragii contempti sunt 5. est ipso jure irrita. Ratio est non propter contemptum, sed ob defectum potestatis: quæ residet in duabus partibus habentium jus eligendi, qui debent, volunt, & possunt interesse: Si vero unus vel pauciores, quam tertia pars, non fuerint vocati, irrita non est electio *per se loquendo*, possunt hi tamen, si velint, agere de contemptu, & ad irritationem electionis, licet confirmatæ, *c. 28. b. 1.*

Resp. 4. Non omnibus Electoribus absentibus, sed illis
dun-

duntaxat, qui iusto impedimento prohibiti sunt venire; & qui in tali loco degunt, unde & possint & debeant vocari, concessum est, loco sui procuratorem constituere, *c. 42. §. illud autem h. t.* qui Procurator. 1. debet esse membrum Capituli, *cit. c. 2.* Jurare in animam Principalis, quo legitime sit impeditus. *Ibid. 3.* simpliciter constitutus unum, eundemque & suo & principalis nomine eligere &c.

Q. 5. Quo loco, tempore, quibus præviis celebranda electio? Resp. ad 1. Electio Episcopi juxta Constitutiones Canonicas, si fieri potest, peragi debet in Ecclesia viduata, *cap. 28. h. t.* celebrari autem in hac censetur, non solum si in choro aut navī, sed & si in Sacristia, loco capituli, aliove honesto intra ambitum Ecclesiæ contento celebretur.

Resp. ad 2. Electio in Ecclesiis Cathedralibus & Regularibus differri non debet ultra tres menses, *c. 41. h. t.* in aliis Prælaturis, dignitatibus & beneficiis non ultra 6. arg. *c. nulla 2. de concess. præb.* Ratio disp. est, quia in illis majus imminet periculum ob diuturnam vacationem, quam in his. Si differatur ultra, ea vice amittitur ipso jure citra sententiam, jus eligendi, & devolvitur ad proximum Superiorem de jure communi *c. 41. h. t.* Tempus tri-vel semestrale currit a die notæ vacationis, si ibi impedimentum non sit, alias a die remoti impedimenti, *cit. c.* Potest etiam regulariter tempus illud ab Electoribus restringi. Ratio, quia in ipsorum favorem statutum est.

Resp. ad 3. Aliqua præmittere decens est; v. g. indicare preces; per campanam die electionis convocare electores; celebrare sacrum de S. Spiritu, sub quo Electores communicent, recitare hymnum, *Veni Creator Spiritus &c.* Necessarium est, convocare Capitulares, observare tempus, intra quod electio facienda. Licitum est, præmittere tractatum tum super persona eligenda, tum super modo ac forma in electione servanda: licet præterea Capitulationem, ut vocant, præmittere, quæ nec in præjudicium Ecclesiæ, nec electi tendat, v. g. ut electus pravam in diocesi consuetudinem invalescentem tollat, Clerum reformet &c. quia per hujusmodi non infertur electo gravamen, sed tantum officii admonetur.

Q. 6. *Quæ sit forma substantialis electionis, & præcipue quæ forma scrutinii?* Resp. 1. Præmissis aliis solemnitatibus accidentalibus, de quibus in Resp. præc. devenitur ad ipsam formam electionis, quæ triplex est juxta Const. Innoc. XII. in Concil. Lateran. relato in c. 42. h. t. scil. vel 1. per *inspirationem divinam*, sive *vere* talem, uti electus fuit S. Mathias, S. Nicolaus; sive per *quasi inspirationem divinam*, quæ dari censetur, dum omnes Electores nullo præcedente tractatu, unanimiter absque dubitatione vel hæsitatione statim consentiunt & conclamant: vel 2. per *scrutinium*; vel 3. per *compromissum*.

Resp. 2. Scrutinium est collectio secreta votorum a tribus de collegio fide dignis sigillatim & in scriptis facta: hoc ut *valeat*, necessario observanda sunt, quæ in c. 42. h. t. præscribuntur. 1. Ut *capitulariter* electores congregentur; quia jus eligendi competit ipsis, non ut personis singularibus, sed ut constituunt Collegium. 2. Debent eligi tres scrutatores vel per scrutinium, vel per compromissum, vel alio modo; qui scrutatores sint viri fide digni, & ex ipso Capitulo, licet usus, quoad hoc in aliquibus Ecclesiis alius sit. 3. Scrutatores sic deputati omnium eligentium vota, quæ debent esse absoluta, *secreto*, *diligenter*, *ordinate* exquirere, & si voce tradita sint; scripto debent excipere. 4. Facta votorum collectione, illa nullo actu interveniente sunt publicanda, v. g. dicendo: Vota, quæ a Dominis Capitularibus exquisivimus, sunt universim. 24. vel prout consuetudo loci particularis habet; cujus publicationis effectus est, quod ea facta electores non possint variare, id est, votum suum revocare & alteri dare, si electio facta est in concordia c. 58. h. t. 5. Facienda est collatio votorum, scilicet juxta capit. 95. h. tit. *numeri ad numerum*, *Zeli ad Zelum*, *meriti ad meritum*; cum non tantum ab absolute majori, sed & *seniori* parte Capituli electio facta esse debeat; quæ tamen votorum sanitas hodie parum attenditur, sed defectus aliis mediis suppletur. 6. Denique facta collatione; ubi sufficientem quis votorum numerum est nactus, mox formari debet decretum communis electionis, id est, quæri debet ex Capitularibus; an placeat electum publicari? si respondeant: *placet*, communis electio est *decreta*, & electus vel in Capitulo vel etiam

etiam coram populo proclamandus, hac v. g. formula:
Ego nomine meo & omnium eligentium, mibique consentientium nomine in Episcopum hujus Ecclesie eligo, & electum pronuntio NN. in nomine Patris & Filii & Spiritus sancti, Amen.

Q. 7. *Quæ sit forma electionis per compromissum?* Resp. 1. Electio per compromissum fieri dicitur, quando Capitulares communi consensu facultatem eligendi Prælatorum committunt aliis viris idoneis, ut nomine omnium Ecclesie viduatæ provideant. c. 42. §. *vel saltem b. tit.* Sic delecti compromissarii vocantur.

Resp. 2. Compromissio fieri nequit, quamdiu vel unus dissentit *reg. 29. in 6. & c. 42. b. t.*

Resp. 3. Compromissarii debent esse viri idonei, non Laici, sed Clerici, sive sint de Capitulo, sive extranei; sive unus: sive plures. c. 8. & 40. *b. t.* Sic delecti compromissarii vocantur.

Resp. 4. Si compromissum sit *absolutum & simpliciter* tale, non *eligendi* tantum, sed & *postulandi* potestas data censetur. arg. c. 30. *b. t.* Deinde compromissarii in compromisso absoluto unum ex se ipsis possunt eligere, ne compromissarii munus ipsis damnosum fiat. Denum potest compromissarius sibi ipsi dare votum, non quidem directe, sed indirecte; dum videlicet aliorum compromissariorum votis in se directis accedit: sic si 3. compromissarii fuerint, quorum primus tertium compromissarium, secundus autem extraneum eligat, poterit tertius iste compromissarii vota accedere, & majora efficere. c. 33. *b. t.*

Resp. 5. Qui eligitur per compromissum, ad hoc ut valeat ejus electio, debet habere *absolute* majora. Ratio est a pari: in electione per scrutinium; it. in aliis actibus Capitularibus requiruntur vota absolute majora, ergo & in compromisso. Denum compromissum non tantum expirat per sacram electionem, verum etiam aliis modis, quos vide apud Engel *b. t. n. 43.*

Q. 8. *Quando teneantur Electores intimare electionem, & quando teneatur electus consentire?* Resp. ad 2. Tenentur quamprimum & saltem intra 8. dies electionem canonice sacram præsentare electo; si ultra octiduum distulerint, incurrunt poenas c. 16. §. *cæterum b. t. in 6.* statutas.

P. Adami Huth.

D

Resp.

Resp. ad 2. Electus potest quidem electionem de se sacram recusare, vel etiam, postquam acceptaverit, eadem renuntiare ante factam confirmationem, etiam sine superioris consensu. *reg. 69. ff. de R. J.* Si tamen acceptare volet, tenetur id facere intra mensem, numerandum a die præsentatæ sibi electionis; nisi omni jure per electionem sibi quæsito malit excidere. *c. 5. h. t. in 6.* Ratio, ne ob diuturnam vacationem damnis & periculis Ecclesia exponatur. Religiosis, quorum consensus a Superiorum licentia dependet, mensis prædictus a die datæ licentiæ primum incipit currere, ob generalitatem textus in *cit. c. 6.* Cæterum si electus acceptata a se electione præsens sit, sub pulsu campanarum processionaliter in Ecclesiam deducitur, ibique post decantatum Hymnum Ambrosianum in Episcopali Cathedra intronizatur.

Q. 9. Quodnam jus per electionem electo acquiratur? Resp. 1. Solum acquiritur per electionem, etiam acceptatam, jus ad rem. arg. *c. 16. de accus.* Deinde electio acceptata habet se, sicut sponsalia ad matrimonium, per quæ jus tantum ad rem acquiritur.

Resp. 2. Episcopi vel Prælati valde remoti, ver. gr. Episcopi Germaniæ respectu Pontificis Romæ residentis, si in concordia, id est, per majora & saniora suffragia Capitularium, electi sint, ante Confirmationem administrare possunt Episcopatum vel Prælaturam tam in spiritualibus, quam temporalibus sola alienatione excepta. *c. 44. §. cæterum. h. t.* Ratio, ne Ecclesia interim, dum Confirmatio petitur, patiatur damnum.

Q. 10. Quæ observanda circa Confirmationem, & iura confirmati? Resp. 1. Confirmatio, quæ est approbatio promoti ad dignitatem, formato prius electionis processu, & consideratis personæ electæ qualitatibus, a superiore legitimo facta; petenda est intra 3. menses. *c. 6. h. t. in 6.* Electi autem ad Cathedrales & Regulares Ecclesias, Sedi Apostolicæ immediate subjectas, intra unum mensem ab habita electionis suæ notitia pro petenda confirmatione ad Sedem Apostolicam iter arripere, vel si id commodè fieri nequit, personas idoneas cum toto electionis & examinis processu mittere tenentur. *c. 16. h. t. in 6.* Vide Bullam Gregor. XIV. *Onus Apostolicæ*. a Pirh. hic n. 319. allegatam.

Resp.

Resp. 2. Ordinarie petitur confirmatio a proximo seu immediato Superiore. *c. 32. h. t. nisi specialiter hujusmodi Confirmatio S. Pontifici reservata sit*, prout per Concordata Germaniæ in eadem reservata est Confirmatio Episcoporum.

Resp. 3. Ut valeat Confirmatio, requiritur, ut si in discordia facta sit electio, adversarius citetur; si in concordia, generaliter citentur omnes, qui se opponere volunt, idque sub pœna nullitatis, *c. fin. h. t. in 6.*

Resp. 4. Per confirmationem electus consequitur jus in re. Conjugium spirituale Prælatus inter & Ecclesiam fit ratum, quod per electionem erat inchoatum: acquirit plenam administrationem & exercitium *jurisdictionis* Ecclesiasticæ, acquirit jus petendi investituram, sive solemnem installationem & corporalem introductionem in possessionem Prælatuæ, nisi hæc solemnitas consuetudine sit abrogata: demum titulum *Episcopi Electi* consequitur una cum privilegio, vi *c. 4. de sent. Excom. in 6.* Episcopis competente.

Q. II. *Quid juris sit in Consecratione & Benedictione?*

Resp. 1. Consecratio est impositio manuum super caput electi & confirmati Episcopi sub certis verbis, inunctione Chrismatis ac aliis ceremoniis, facta a legitimo Consecratore tanquam Ministro. Si Episcopatus sit Sacramentum a Presbyteratu distinctum, *impositio manuum* habebit rationem *materiæ*, verba certa scil. *accipe Spiritum S. ratione forme.*

Resp. 2. Episcopi intra 3. menses a die factæ Confirmationis suscipere debent Consecrationem sub gravibus pœnis Trid. *sess. 23. c. 2. de reform.* expressis.

Resp. 3. De jure communi Consecratio fieri debet diei dominicæ hora tertia: quæ correspondet nostræ noctis. *can. 1. dist. 75.* In Ecclesia, ad quam quis promovetur. *Trid. cit.* a tribus Episcopis. *c. 2. dist. 66.* adeo ut a paucioribus facta invalida sit. *c. 1. dist. 66.* ex dispensatione tamen Pontificia ab uno Episcopo assistentibus duobus Abbatibus peragi potest. Arg. ex *can. 1. Apost. ex L. 7. Const. Clem. c. 27.* ex ratione negativa, quia trium Consecratorum necessitas non satis probatur.

Resp. 4. Consequitur per Consecrationem plenitudinem officii Episcopalis tam quoad exercitium jurisdictionis,

quam Ordinis *c. 15. b. t.* Archiepiscopus tamen prius pal-
lium debet accipere, ut dicitur *tit. 8.* Consecratione ma-
trimonium spirituale perficitur. *c. fin. de transl. Ep.* voca-
tur absolute Episcopus; vacant omnia beneficia ipso jure,
ut libere conferri possint, si electus in Episcopum sit
confirmatus, consecratus, & *bonorum Ecclesiasticorum ad-
ministrationem adeptus*; quia Episcopi titulares ob non ac-
ceptam Ecclesiarum suarum possessionem beneficia prius
possessa retinere, nova compatible obtinere possunt.

Resp. 5. Benedictio, quæ impenditur Prælati Epi-
scopo inferioribus, est instituta ad similitudinem Con-
secrationis: in multis differt a Consecratione juxta *can.*
1. dist. 69. c. 11. de etat. & qualit. c. 1. de suppl. negl. Prælat.
Cæterum quæ sint specialia in Electionibus Regularium,
vel ex cujusque S. Ordinis regulis, vel legitima consue-
tudine desumi debet: illud a Trid. *sess. 25. c. 6. de Reguli*
statusum, ut ad conservandam concordiam electio Super-
riorum quorumcumque, Abbatum temporalium, Prio-
rum, Provincialium Generalium, Abbatissarum fiat per
vota secreta; ut singulorum eligentium nomina nunquam
publicentur &c.

Q. 12. *Quanam specialia sint in electione S. Pontificis?*
Resp. Licet in multis conveniat electio S. Pontificis cum
electionibus aliorum, v. gr. quod Papa sibi non possit
substituere successorem: quod uti Capitularibus Episco-
pum, ita Cardinalibus solis modo jus eligendi Papam
competat: quod fieri possit vel per inspirationem, vel
per compromissum (quod quid speciale habet) vel per
scrutinium, in aliis tamen differt; sic. 1. juxta *c. 3. b. t.*
in 6. decem tantum dies ab obitu Pontificis expectantur,
quibus exactis electio a Cardinalibus inchoanda. 2. Car-
dinales absentes non vocantur. 3. Eligendo non obstat
censura, si ea foret irretitus. 4. Fieri debet in cubiculo
clauso, & nisi intra triduum electio fiat, *cit. c.* poenæ
dictantur Cardinalibus. 5. Ubi electio instituta per scru-
tinium, electus debet habere duas tertias, *c. 3. cit. Clem.*
2. b. t. Const. Clem. VII. Paul. IV. Pii V. Gregor. XV. & Urban.
VII. Potest tamen numerus requisitus per accessum com-
pleri arg. *c. 6. b. t.* 6. Eligere unum ex Collegio Cardina-
lium decens foret, possunt tamen Cardinales eligere
cuiuscunque Catholicum, etiam Laicum, c. 6. cit. 7. Qui
legi-

legitime electus fuit a Cardinalibus, statim post factam a se acceptationem administrationem plenam habet c. 1. *¶. electus dist. 23.* nec indiget confirmatione: si non fuerit legitima electio Cardinalium, utpote vel contra Canones, formam, aut libertatem electionis, jus nullum electo tribuit, sed acceptatio Ecclesiæ universalis requiritur, quæ defectum electionis invalidæ, si desit conditio *jure humano* requisita, sanabit, ut adeo fiat verus Pontifex. 8. Facta electione Papa electus collocatur in throno, ornatur annulo Piscatoris, nomen, quod velit assumere, exquiritur. 9. Si electus necdum fuit Episcopus, consecratur a Cardinali Ostiensi. 10. Tandem imponitur electo *Tri-Regnum*, seu triplex corona, forte in signum triplicis potestatis, scil. Ordinis, jurisdictionis supremæ spiritualis, jurisdictionis temporalis in suas ditiones terrenas.

TITULUS VII.

De Translatione Episcopi.

Q 1. *Quid sit translatio?* Resp. Translatio Ecclesiastica generice accepta est personæ alicujus Ecclesiasticæ, ob causam utilitatis vel necessitatis, auctoritate Superioris, ab una Ecclesia ad aliam facta mutatio. *DD. in can. 34. caus. 7. q. 1. Specificè* sumitur pro mutatione Episcopi.

Q 2. *An Prælati, sive Episcopi, sive illo superior aut inferior, auctoritate propria possit relinquere Ecclesiam suam?* Resp. 1. Episcopus (idem est de Prælato superiore, & multo magis de inferiore) ante confirmationem potest liberrime in manibus eligentium renunciare juri suo per electionem obtento ex *Responsione ad 2. præc. tit. de elect. Q. 8.* & ratio est, quia in tali casu Prælatum inter & Ecclesiam quasi Sponsalia tantum sunt inita.

Resp. 2. Etiam si petita, si necdum tamen obtenta fuerit Confirmatio. Episcopus adhuc libere potest renunciare. Ratio, quia hoc casu nihil libertatis aut juris amisit, nec plus acquisivit. Arg. a contrario ex c. 2. b. 1.

Resp. 3. Post Confirmationem aut admissam postulationem, licet necdum consecratus sit Episcopus, non

potest auctoritate propria ab Ecclesia sua recedere; quia sic factus est sponsus de presenti Ecclesie suae, c. 2. *fin. b. t.* Imo si ad aliam transeat, utramque amittit. c. 3. *b. t.* priorem, illam scilicet a qua recessit per sententiam condemnatoriam. Arg. *can. 31. caus. 7. q. 1.* ob verba, *carebit & propria*. in altera ad quam transiit, nullum omnino jus potuit obtinere. c. 3. *cit.* quia electio fuit nulla.

Q. 3. *Cujus auctoritate fieri debeat & possit translatio Praelati?* Resp. 1. Translatio Episcopi confirmati & multo magis consecrati fieri debet auctoritate Pontificis c. 1. *b. t.* Ratio, quia est inter causas magis arduas. Confirmatur utrumque ex c. 4. *b. t.*

Resp. 2. Est talis a Christo Pontifici potestas relicta, exigente utilitate vel necessitate matrimonium spirituale per Consecrationem consummatum dissolvendi. Ratio a multis datur hæc, quia matrimonium hoc spirituale non est institutum a Christo ad significandam indissolubilem unionem Christi cum Ecclesia, uti matrimonium carnale.

Resp. 3. Translatio inferioris Episcopo Praelati, nisi exemptus sit, potest fieri auctoritate proximi Superioris, sive Episcopi. *can. 8. caus. 18. q. 2.* quia hi in sensu tantum latiori Ecclesiarum suarum Sponsi dicuntur.

Q. 4. *An S. Pontifex possit Episcopum invitum transferre?* Resp. 1. Potest Pontifex urgente causa Episcopum invitum per censuras compellere ad assensum, ut ex nolente faciat volentem. *Can. 35. caus. 7. q. 1.*

Resp. 2. Potest etiam invitum absolvere a vinculo cum priore Ecclesia, ut Pirh. *hic n. 13.* ait.

Resp. 3. Potest insuper Episcopum invitum addicere ministerio cujusdam Ecclesie, quia in hoc nulla reperitur repugnantia.

Resp. 4. Non potest Episcopum non consentientem transferre ad aliam Ecclesiam, illumque tali Ecclesie copulare. Ratio, quia non minus ad valorem matrimonii hujus spiritualis, quam carnalis consensus requiritur. c. 21. *de elect.* & c. 2. *b. t.*

Q. 5. *Quomodo fiat translatio?* Resp. Regulariter a minore ad majorem dignitatem. arg. c. 1. *b. t.* Deinde transferendus prius absolvi debet a vinculo prioris Ecclesie ne remanens obstrictus tali impedimento vel eligere

geretur vel præsentaretur inhabilis; nisi forte vel privilegio retinendi priorem Ecclesiam cum alia, vel Brevi eligibilitatis instructus foret: si tamen via postulationis promoveretur, necesse non esset, prius solutum esse; quia tunc vel hoc ipso postulari non posset, utpote carens impedimento.

Q. 6. *Quis sit effectus translationis?* Resp. 1. Translatus liberatur a priori Ecclesia, alteri jungitur. c. 2. b. t. 2. Prior Ecclesia vacat ipso jure, quam primum translatus Episcopus consensit in translationem, eamque accepit, ne sit sponsus duarum Ecclesiarum: quæ ratio quia cessat in inferioribus Prælatibus, non vacant taliter translatorum beneficia ante obtentum jus plenum & possessionem in aliis. Textus c. 7. de elect. qui vult, ut prior Ecclesia non nisi obtenta possessione secundæ Ecclesiæ vacet, non loquitur de Episcopo translato sed noviter ordinato: secundum dicta præc. tit. Q. 11. Resp. 4.

Q. 7. *An & quos fructus Episcopus, Prælati vel alius beneficiatus secum ex redditibus prioris Ecclesiæ asportare possit?* Resp. 1. Potest perceptos, uti & bona ex redditibus prioris Ecclesiæ sibi comparata. Ratio, quia æquitas suadet, ut dati ob ministerium ab Episcopis, & aliis beneficiatis exhibitum fructus & redditus iis relinquantur. Deinde Clerici juxta probabiliorē sunt Domini fructuum perceptores, etiam superfluatorum, ergo.

Resp. 2. Fructus pendentes probabilius non lucratur translatus. Decisio Rotæ in caus. Pharens. pens. 19. Junii 1598. Ratio, quia beneficiati bonorum immobilium sunt tantum usufructuarii, qui fructus pendentes non acquirunt. L. 13. ff. quib. mod. usufr. amitt.

T I T U L U S · V I I I .

De auctoritate & usu Pallii.

Q. 1. *Quid hoc tit. nomine Pallii veniat?* Resp. Præcipuum Archi-Episcoporum (Patriarcharum etiam & Primatum) insigne & ornamentum de corpore divi Petri sumptum, quo Pontificalis officii plenitudo designatur. Dicitur 1. de corpore D. Petri sumptum; vel

D 4

quia

quia benedicitur super altari S. Petri; vel quia a S. Pontifice solo confertur; vel quia significat quasi particulam potestatis Ecclesiasticæ; derivatam ex plenitudine potestatis Pontificiæ in B. Petro ejusque successoribus residente. Dicitur 2. *Pontificalis officii plenitudinem per Pallium designari*; quia ante impetrationem Pallii nec vocatur *Archi-Episcopus*; nec licet sit consecratus, exercet licite actus majores, quos ut *Archi-Episcopus* facere censetur; quales sunt visitare Provinciam, Synodos convocare, consecrare Episcopos, dedicare Ecclesias, conferre Ordines in propria diœcesi.

Q. 2. *Quæ sit figura bujus Pallii, & quam antiquus usus?* Resp. ad 1. Est ex lana ovium alba contexta vestis in coronæ seu circuli modum, pectus & humeros circumiens, ac 4. nigris vel rubris crucibus distincta, anteriore parte nonnihil dependens.

Resp. ad 2. Usus illius antiquissimum testantur plures. Usos esse Pallio primis nascentis Ecclesiæ sæculis Rom. Pontifices, perhibet Polyd. Virgil. *L. 4. de invent. rer. c. 22.* a D. Petro missum esse S. Materno Trevirensium primo Episcopo, habet Rupertus Tuitiens. *L. de divin. off. c. 27.* a S. Marco Successore S. Sylvestri Episcopo Ostiensi concessum, ait Platina in *vita S. Marci &c.*

Q. 3. *Quinam utantur Pallio?* Resp. Jus utendi Pallio competit. 1. Pontifici. 2. Archi-Episcopis & his majoribus, si intra 3. menses a die Consecrationis petierint. *can. 2. dist. 100.* 3. Ex speciali privilegio quibusdam Episcopis, uti in Germania Episcopo Bambergeni, Quinque-Ecclesiensi in Hungaria, Ostiensi, Decano Collegii Cardinalium, a quo Pontifex consecratur &c. Sed cum differentia, Pontifex enim solus in omnibus missarum solemnibus semper & ubique Pallio utitur; cujus ratio in *c. 4. b. 1.* datur. Inferiores Papa diebus tantum solemnioribus in Bulla expressis, in Ecclesia tantum, & quidem in Diœcesi sua, non extra. *c. 1. 4. 5. 6. & 7. b. 1.*

TITULUS IX.

De Renuntiatione.

Q 1. Quid sit renuntiatio, & quotuplex? Resp. ad 1. Renuntiatio specificè sumpta, prout est huius loci, est spontanea & libera dimissio beneficii proprii, ex iusta causa facta coram legitimo Superiore eam acceptante.

Resp. ad 2. Est vel *tacita*, quæ non verbis, sed facto beneficii cessionem vel ex natura sua, vel ex interpretatione juris annexam habente, inducitur; v.g. si beneficiatus in Minoribus constitutus matrimonium contrahat: c. 1. & 3. de Cler. conjug. & ejusmodi facta in c. 4. de Regul. in 6. c. 28. & Extrav. Execrabilis. Joan. XXII. de prob. Regul. Cancell. de trien. poss. c. 3. de his, quæ sunt. Occurrunt. Vel *expressa* est, quæ beneficii dimittendi voluntas verbis aut scripto juxta formam a Jure præscriptam legitime declaratur: estque duplex, una *pura* seu *simplex*, quæ fit sine ulla pactione, conditione aut modo: altera *conditionalis* quæ fit vel *in favorem* certæ personæ & non alias, vel *cum reservatione fructuum* aut pensionis, vel *reservato regressu*, ingressu, aut accessu, vel quæ fit *ex causa permutationis*.

Q. 2. Quenam beneficia resignari possunt? Resp. Regulariter omnia, specialiter non prohibita alienari; qualiter prohibetur. 1. *beneficium titolare*. Trid. sess. 21. c. 2. de ref. 2. *Beneficium unitum* Collegio nequit in favorem resignari. 3. *Reservatum* Pontifici non in favorem tertii, nisi de Papæ consensu; nec *Patronatum*, vel *electivum*, nisi Patrono vel electoribus consentientibus, nec *litigiosum* in favorem tertii.

Q. 3. Quinam possint resignare beneficia sua? Resp. 1. Regulariter omnes, etiam Pontifex Papatum, ex ratione *super* Resp. data. Excipiuntur 1. Clericus ob crimen ipso jure privatus beneficio, vel eo privatus ob Professionem Religiosam, aut propter assecutionem alterius beneficii incompatibilis, quia resignatio est dimissio beneficii proprii & juris, quod quis habet in beneficio, quale talis Clericus non habet. 2. Novitius Religionis ante duos

duos ultimos menses Novitiatus *Trid. sess. 25. c. 16. de Regular. 3.* Clericus impubes, h. c. 14. annis minor sine auctoritate Tutoris & decreto Superioris, *c. fin. de Jud. in 6.* Aliud est de Clerico minoranni, egresso quidem annum 14. nondum tamen 25. 4. Qui non supervivit post factam & acceptatam resignationem 20. dies *Regul. 18. Cancellar. quæ ex can. plerique caus. 8. q. 1. & c. fin. b. t. in 6.* desumpta est. Ratio est, ut omnis species hæreditariæ successionis tolleretur. Schina z. ait, diem primum istorum viginti incipere a media nocte, excludendo residuum diei a computo, quo resignationi per Superiorem acceptatæ resignans consensum præstitit; idque confirmius esse *cit. reg.* Ultimus vero dies scilicet vigesimus debet esse completus. Ratio ex *reg. cit.* sumitur, quæ dicit, *si intra 20. dies* resignans decedat, non per resignationem, sed per obitum vacare beneficium; atqui qui vigesimo die nondum completo decedit, decedit intra 20. dies, ergo.

Q. 4. *Quenam ad resignationem requiratur?* Resp. 1. Debet esse libera: quia est actus humanus; metu gravi & injuste incusso facta venit irritanda, nullo autem juris textu irrita probatur; fraude vel dolo extorta, tum demum ipso jure erit irrita, si hic versetur circa ipsam substantiam: quia hoc casu tollit libertatem & consensum.

Resp. 2. Resignatio debet fieri pure, h. e. nulla pecunia, pretio, vel pactione Simoniaca interveniente, alias ipso jure erit irrita, nec, ut dicitur *c. 4. de his quæ vi. jramento* firmabitur.

Resp. 3. Non tantum cum consensu illorum in certis beneficiis, de quibus dictum in Q. 2. n. 3. *b. t.* sed & fieri debet regulariter cum consensu Superioris resignatio beneficii vere talis *c. 4. & c. 8. b. t.* excipitur casus *c. 18. de regular. c. 1. b. t. in 6.* Superior legitimus in simplici & pura resignatione est solus & omnis ille, penes quem est potestas instituendi & destituendi. Ratio, quia renuntiatio habet vim destitutionis; ergo; Resignatio in favorem certæ personæ, cum reservatione pensionis, regressus, ingressus accessus, de jure communi non coram Episcopo, sed solo summo Pontifice fieri potest, Ratio, quia jus commune prohibet tales resignationes, in quo solus Pontifex, non inferior dispensat. Resignatio ex
causa

causa permutationis, si fiat inter ipsos resignantes, fieri poterit, etiam coram Ordinario, *c. un. de rer. perm. in 6.* Secus si fiat inter alios a resignantibus distinctos, v. g. Si Titius resignet beneficium Sempronio, qui est consanguineus Caji, ea conditione, ut Cajus resignet beneficium Mævio, qui est consanguineus Titii. Ratio, quia hæc non est pura permutatio, sed mixta cum renuntiatione in favorem tertii. Item obtinet in renuntiationibus tri- & quadriangularibus.

Resp. 4. Resignatio, saltem ut fiat licite, requirit justam causam. Ratio, quia ob utilitatem publicam permixtum est renunciare beneficiis, ergo non licet, ut quisque pro suo arbitrio illa relinquat. Causæ resignandi Episcopatum recensentur in *cap. 10. b. t. junct. Bulla Pii V. Quanta Ecclesiæ & his versibus comprehenduntur.*

Debilis, ignarus, male conscius, irregularis,

Quem mala plebs odit, dans scandala, cedere possit.

Resp. 5. Per Regul. 34. Cancell. & Const. Pii V. incip. *Sanctissimus & Greg. XII.* incipientem *Humano*. Renuntiatio facta & a Superiore admissa publicari debet. Consuetudo tamen Germaniæ aliud obtinet.

Q. 7. *Quinam sint effectus renuntiationis?* Resp. 1. Effectus renuntiationis *purae & simplicis* a Superiore *admissæ* est, quod resignans amittat omne jus in beneficio, nec illud deinceps vi purioris tituli possit repetere *c. 3. & 6. b. t. 2.* Quod amittat etiam possessionem beneficii, nec ad nudam detentionem, quam forte habet, sit restituendus, si ea spoliatur; quia exceptio renuntiationis spontaneæ & defectus notorius Proprietatis impedit restitutionem. 3. Quod fructus non amplius juste percipiat, cum titulus eos percipiendi, extinctus sit. Dicitur, *admissa renuntiatione* hos sequi effectus, *re enim adhuc integra* poenitere *c. 12. b. t. & si quem ad resignandum constituerit Procuratorem*, mandatum Procuratoris poterit revocare, ita tamen ut hæc revocatio Procuratori intimetur ante Superioris acceptionem, alias valide Procurator ad resignationem procedet: *Clem. un. b. t.* invalida tamen erit resignatio, mortuo Principali, & Procuratore rei hujus ignaro ad resignationem procedente. Ratio disp. est. Quia post mortem Principalis nihil est amplius vel in ejus hæredum potestate, quod resi-

resignari posset, cum beneficium vacans statim devolvatur ad Ordinarii Collatoris potestatem.

Resp. 2. Resignatio *conditionalis* regulariter non consequitur effectum, adeoque nec per illam titulus aut possessio beneficii amittitur, nisi purificata fuerit conditio, sub qua facta est. Ratio, quia natura conditionis est, ut suspendat actum conditionalem in eventum vel defectum conditionis, qua impleta valebit actus, ea vero deficiente actus erit invalidus; *L. 213. ff. de V. S. L. 16. ff. de Condict. indeb.*

T I T U L U S X.

De supplenda negligentia Prælatorum.

Q 1. *Qualiter negligentia Prælatorum suppleatur?*
 Negligentia Prælatorum, id est omissio ejus, quod quælibet persona Ecclesiastica jurisdictionem exercens facere poterat & debebat, licet suppleatur nonnumquam ab ipso jure, uti in casu *c. 1. b. t.* interdum ab inferiore, uti in *c. 2. de Concess. præb.* & *c. 3. b. t.* subinde a superiore mediato juxta *c. 18. de elect. in 6.* ordinarie tamen suppletur per superiores gradatim ascendendo usque ad Papam, sic exigente Hierarchia Ecclesiastica, qua Superiores invigilare debent inferioribus; *c. 41. de elect. c. 6. de off. Ord.*

Q. 2. Ad quem existente in materia JURISDICTIONIS negligente Prælato jurisdictio devolvatur? Resp. 1. Non devolvitur jurisdictio Episcopi negligentis universaliter ad Metropolitanum: ut is citra viam appellationis in prima instantia de causis subditorum Episcopo suffraganeo cognoscere, eos ordinare, absolvere, condemnare valeat. Ratio; quia in materia generaliter prohibitoria, quod expresse non permittitur, prohibitum censetur *c. 2. de Transl. Episc. ca. 1. b. t. in 6.* sed Jure Canonico. *c. 11. de offic. Ordin. generaliter* prohibitum est Archi-Episcopo exercere Jurisdictionem in subditos suffraganeorum suorum, præterquam in casibus jure expressis; ergo. Casus expressi sunt *can. 3. casu 9. q. 3. c. 40. de sent. Excomm. c. 8. de offic. Ordin. cap. 1. §. sane de Censib. in 6.* in Bulla Pij V. *incon-*
feren-

ferendis &c. Remedium subito ab Episcopo oppresso ante judicium ceptum superest, ut recurrat ad Papam vel ad Archi-Episcopum, quod hic compellat Episcopum, utpote suffraganeum sibi immediate subiectum ad administrandam justitiam.

Resp. 2. Nec devolvitur ad Capitulum jurisdictio Episcopo existente negligente, ob eandem rationem si tamen vel Episcopus valde diu abesset, non constituto administratore, vel captivitate, amentia, similive causa a suo officio exercendo impediretur, Capitulum succedit in jurisdictionem Episcopalem, *ca. 3. b. t. in 6.* Ratio; quia tunc perinde censeretur, ac si Sedes vacaret.

Resp. 3. Episcopo existente excommunicato vel suspensio non suppletur defectus in administrando munere pastoralis per Metropolitanum, ob rationem Responsionis 1. alleg. & *c. 1. b. t. in 6.* Nec potest suppleri per ejus Vicarium. Ratio; quia unum idemque est tribunal Episcopi & Vicarii illius, ergo sicut per excommunicationem, vel suspensionem &c. suspenditur jurisdictio Episcopi, ita & illius Vicarii. Proinde nemo potest in tali diocesi jus reddere præter Papam, ad quem recurrendum, *c. 17. & seq. caus. 6. q. 3.*

Resp. 4. Judicis sæcularis negligentia suppleri potest per Judicem Ecclesiasticum *c. 6. 10. 11. de for. compet.* Ratio; quia licet distincta sit potestas sæcularis ab Ecclesiastica, hæc tamen illa sublimior, *c. 6. major. & ob.* simulque Ecclesia, saltem indirecte jurisdictionem exercet in bonis temporalia Christianorum per *c. 13. qui fir. lii sint legit.* Non tamen potest e contra etiam Judex Laicus Ecclesiastici negligentiam supplere, adeoque nec Clericum in casu negligentiae Judicis Ecclesiastici trahere ad forum laicale. Ratio, quia Judex sæcularis nullam habet jurisdictionem in Clericos; *c. 10. de Const.* imo est illius incapax, *c. 7. de præscr.* Adhuc inferior nonnisi in casibus in jure expressis supplebit negligentiam Superioris.

Q. 3. Quis suppleat negligentiam circa provisionem BENEFICIORUM? *Resp. 1.* Si patronus Laicus intra quadrimestre, vel Patronus Ecclesiasticus intra semestrem præsentare neglexerit, is ad quem pertinet præsen-

tentatum instituere, siue si Episcopus, siue alius, libere poterit beneficium conferre c. 3. & 27. de Jure Patronat.

Resp. 2. Eodem modo, sit beneficium sit *electivum*, & Electores neglexerint eligere intra tempus a jure vel statuto concessum, provisio devolvitur *de jure communi* ad immediatum superiorem, c. 41. de elect. idem est, si beneficium sit *collativum*, collator autem Episcopo inferior, ad Episcopum loci, in quo beneficium situm, jus conferendi devolvetur: Clem. un. h. t. Si Episcopus Abbatem non exemptum nolit benedicere, speciale quid statuitur in c. 1. h. t.

Q. 4. An valeat Electio vel collatio statim facta post lapsum temporis a jure definiti: Resp. neg. Ratio, quia post præfixum tempus Collatores, Electores &c. jam privati sunt jure conferendi & eligendi, proinde collatio talis aut electio fieret a non habentibus potestatem, quæ ipso jure est invalida.

T I T U L U S X I.

De temporibus Ordinationum & qualitatibus Ordinandorum.

Q. 1. Quæ sit natura & numerus Ordinum? Resp. 1. Ordo *active* sumptus, siue ipsa *ordinatio* est ceremonia sacra, qua alicui conceditur potestas spiritualis ad aliquod altaris officium seu ministerium stabiliter peragendum. Ordo *passive* sumptus est effectus Ordinationis, & certus gradus Ministrorum Ecclesiæ.

Resp. 2. Communiter numerantur 7. Ordines: 4. Minores: sc. *Ostiaratus*, *Lectoratus*, *Exorcistatus*, *Acolytatus*; & tres Majores: *Subdiaconatus*, *Diaconatus*, ac *Presbyteratus*. Posteriores etiam appellantur *sacri*, priores *non sacri*, non quod non etiam isti sint Sacramentum (nam reverè Sacramentum & illi sunt juxta communem doctrinam, quæ colligitur ex Trident. sess. 23. de Sacram. Ord. can. 3.) sed quod propius habilitent ad Sacramentum Altaris, & votum castitatis annexum habeant.

Resp. 3.

Resp. 3. Prima tonsura, quæ præmittitur collationi Ordinum, non est Ordo Ecclesiasticus proprie dictus, ut patet ex Trid. *sess. 23. c. 2. de Sacram. Ord. & c. 6. 10. 17. de reform.* Deinde per primam tonsuram non confertur ad specialem aliquam functionem sacram potestas quæ tamen per alium omnem Ordinem Ecclesiasticum conceditur; ergo.

Resp. 4. Probabilius nec Episcopatus est Ordo a Sacerdotio complete & adæquatæ distinctus. Flor. *sess. 25. in Decreto Eug. IV. §. sextum Sacramentum.* Trid. *sess. 23. c. 2. de Sac. Ord.* Ratio, quia Ordo Episcopalis essentialiter includit sacerdotium, ita ut sine illo valide conferri non possit; ergo.

Resp. 5. Materia & forma singulorum Ordinum quænam sit, videatur apud Busenbaum in *Medull. Theol. Mor. Tract. 5. Cap. 2.* ubi id notandum, quod, licet curandum sit, ut materia juxta ritum Ecclesiæ contingatur ab Ordinando, si tamen contacta non fuerit, dummodo per Episcopum exhibita, probabilius videatur Ordinem nihilominus recte collatum esse. Ratio, quia nec ex divina, neque ex humana lege habetur, contactum physicum ad substantiam Ordinis requiri.

Q. 2. Quid de temporibus, interstitiis & loco Ordinationum notandum? *Resp. ad 1. Prima tonsura* quolibet anni die & hora conferri potest. *Pontifical. Rom. Tit. de Ord. conf. 7. Clericatus.* Deinde Ordines *Minores* quovis die Dominico aut Festo manetamen. *Pontif. cit. 7. Minores 3. 55. Ordines* conferri non licet, nisi Sabbatis. 4. temporum, Sabbato sancto, Sabbato Dominicam Passionis præcedente *c. 1. & 3. h. t. vid. etiam c. 13. b.* Per privilegium *Pontificium* (quale nonnulli habent) licite extra tempora & non servatis interstitiis conferuntur & suscipiuntur Ordines; neque Ordinans hoc casu, neque Ordinandi jejunare pridie tenentur, si eo tempore fiat ordinatio, quo alias jejunandum non foret. Ratio, quia talis obligatio non probatur.

Resp. ad 2. Conferendi sunt Ordines gradatim incipiendo a prima tonsura, c. 2. diff. 59. & c. un. de Cler. per salt. promot. nec conferendi plures Ordines Majores eodem die, capit. 13. & 15. h. t. sed inter unum & alterum servanda sunt interstitia, sive intervalla temporum

rum scil. unius anni, ut a Minoribus ad Subdiaconatum: itidem unius, ut a Subdiaconatu ad Diaconatum; & tertii, ut a Diaconatu ad Sacerdotium liceat ascendere. *Trid. sess. 23. c. 11. de reform.* Annus hic non computatur mathematice, ut habet Declarat. Card. Licet in ordinatione facienda extra tempora dispensare de jure possit Pontifex solus, utpote superior; in interstitiis tamen dispensare concessum est a *Trid. cit.* Episcopis, Capitulo Sede vacante, non Prælati Regularibus ordinariæ.

Resp. ad 3. Prima tonsura & Minores conferri possunt non tantum in Ecclesia, sed etiam in Domo Episcopali, vel alio loco honesto, c. 6. dist. 75. Deberent conferri *Ordines sacri* in Ecclesia Cathedrali. Videatur *Trid. sess. 23. c. 8. & sess. 6. c. 5. de ref.*

Q. 3. Quæ requirantur in Ordinando qualitates? Resp.
 1. Ut *valide* quis ordinetur, debet esse *mas*, nam fœminæ jure etiam divino Ordinum sunt incapaces. 1. *Car. 14.* 2. Debet esse baptizatus baptismo fluminis, *c. 1. de Presb. non bapt.* 3. Si ordinandus sit adultus & capax rationis, habere debet intentionem saltem habitualement, Ordinis suscipiendi, *Arg. c. 3. §. item queritur de bapt.* Unde absolute nolens non ordinatur valide; metu autem gravi incusso suscipiens Ordines, neque ratificans sponte susceptos hoc modo Ordines, licet valide fuerit ordinatus, ad continentiam tamen non tenebitur. Ratio, quia non censetur obligationem adeo gravem infelle suscipere.

Resp. 2. Ut *licite* quis ordinetur, requiritur, ut habeat convenientem ætatem, in qua solus dispensat Pontifex; utpote in *jure communi*: si Ordinandus non habeat a SS. Canonibus præscriptam; *prima tonsura* exigit septennium completum; *cap. fin. h. t. in 6.* Annos discretionis, id est sufficientem notitiam requirunt *Minores*; ad *Subdiaconatus* Ordinem ante 22. ad *Diaconatum* ante 23. ad *Presbyteratum* ante 25. ætatis annos nemo promovendus *Trident. sess. 23. ca. 12. de reform.* ex praxi sufficit, annos illos esse inchoatos. 2. Requiritur, ut non sit *Neophytus* *c. 9. dist. 61.* 3. Ut sit confirmatus. *Trid. sess. 23. c. 4. de reform.* 4. Ut sit cælebs: *c. fin. h. t. in 6.* nisi cum consensu uxoris vel ingredi

di Religionem, vel ad SS. Ordines promoveri velit, c. 4. 5. 8. de convers. conjug. 5. Ut sit litteratus prout Trid. pro diversis Ordinibus exigit sess. 23. c. 4. 11. 13. 14. de reform. 6. Ut nulli culpæ mortali sit scienter obnoxius; quia Ordo est Sacramentum vivorum. 7. Ut nulla censura vel irregularitate, neque infamia vel juris vel facti sit notatus c. fin. h. t. in 6. 8. Ut sit subditus Ordinantis, c. 3. h. t. in 6. Trid. sess. 23. c. 8. de ref. Subditus autem quis esse potest vel ratione originis; vel ratione domicilii veri: vel ratione beneficii: vel ratione triennalis familiaritatis cum Episcopo; vel denique ratione licentiz aut literarum dimissoriarum.

Q. 4. *Quæ requirantur in Ordinando qualitates ratione congruæ sustentationis?* Resp. 1. Requiritur *Titulus*, h. e. cautio, qua de sufficiente, eaque perpetua sustentatione provisum sit Ordinando ad sacros Ordines. Trid. sess. 21. c. 2. de ref.

Resp. 2. Titulus est triplex: vel titulus *Beneficii*, vel *patrimonii*, vel *paupertatis*. Ut quis titulo *beneficii* valeat ordinari, beneficium debet esse perpetuum respectu *possessoris*; sufficiens ad honestam sustentationem, considerata qualitate assumpti status Ecclesiastici: actu colatum, & pacifice possessum. Trid. cit. Deinde ut quis titulo *patrimonii* valeat ordinari, requiruntur bona propria, certa, immobilia, libera sive alteri non hypothecata, actu possessa, & in singulos annos frugifera nec debent esse valide alienabilia, pensio etiam assignata & annuatim præstanda sufficit; promissio autem sustentationis, vel quoadusque Clerico de beneficio provideatur, vel in eventum senii aut inhabilitatis non est titulus patrimonii, sed ei tantum ex consuetudine substituitur & vocatur simpliciter *Titulus Mensæ*. Demum ut quis titulo *paupertatis* ordinetur. Professione vicem Tituli subeunte & Religione existente obligata professum alere, requiritur ut Professio sit valida & facta in Religione approbata. Societas JESU ex Const. Gregorii XIII. *Ascendente*, & Greg. XIV. *Ecclesiæ*, item Alumni Pontificii juxta Bullam Greg. XIII. 23. *Septembr.* 1584. datam speciale quid habent.

Q. 5. *Quid requiratur ex parte Ordinantis ad conferendos Ordines?* Resp. 1. Ut valide conferat Ordines,

P. Adami Huth.

E

præ-

præter intentionem debitam requiritur potestas ordinandi vel ordinaria, quæ solis & omnibus Episcopis consecratis competit. Trid. sess. 23. c. 4. & can. 7. de Sacram. Ord. vel extraordinaria, quam habent ad Minores conferendos plerique Abbates veri, benedicti & mitrati respectu subditorum suorum Regularium. Trid. sess. 23. c. 10. de reform. Ad Sacerdotium conferendum nequidem vi delegationis a Sede Apostolica factæ Sacerdos non Episcopus habilitari potest; uti praxis Ecclesiæ docet.

Resp. 2. Ut Episcopus licite conferat Ordines, præterquam quod non debeat esse reus peccati gravis &c. requiritur, ut sit Episcopus proprius ipsius ordinandi, vel saltem a proprio hujus Episcopo licentiam habeat. c. 1. caus. 9. q. 2. conferatur Trid. sess. 14. c. 2. & sess. 23. c. 8. de reform.

Q. 6. Quid dicendum de Litteris dimissoriis? Resp. 1. Licentia a proprio Episcopo alteri Episcopo (etiam a Latino Episcopo Græco, ordinando subditum Latini Episcopi ritu Latino. Pirh. b. n. 38.) concedi potest, conferendi subditis suis sacros Ordines, vel viva voce, vel per litteras, quæ nonnumquam dimissorie, alias Reverende, interdum commendatitiæ appellantur.

Resp. 2. Concedi possunt ab Episcopo proprio; licet necdum sit consecratus 2. a Capitulo sede vacante duntaxat intra annum a die vacationis arctatis beneficio, h. e. iis, qui vel actu obtinent, vel electi, præsentati; nominati sunt ad beneficium, v. g. Parochiale exigens Ordinem Sacerdotalem intra annum suscipiendum; ut habetur Trid. sess. 7. c. 10. de ref. 3. a Vicario Generali tum solum, si vel habeat speciale mandatum, vel Episcopus agat in remotis, vel consuetudo permittat. Gloss. & DD. in c. 3. b. 1. in 6. 4. a Prælato Regulari Regularibus suis subditis ordinarie tantum ad Episcopum diæcesis sue c. 5. b. 1. in 6. Trid. sess. 22. c. 10. de reform. ubi & innuitur Prælatos Regulares, etiam exemptos, si non sint exempti plenissimo jure, subditis suis secularibus dare non posse dimissorias ad Episcopum alienum, quia in eos non exercent jurisdictionem quasi Episcopalem, sicut in suos Regulares.

Resp. 3. Si specialiter dimissoriæ concedantur, exprimendum est nomen Episcopi, ad quem diriguntur, qui
& 10-

& solus tunc licite ordinabit. 2. Qui Ordines vigore illarum possint conferri. 3. Exprimenda est causa, ob quam vel *nolit* Episcopus proprius, vel *nequeat* ordinare, ut dicitur *c. 1. h. t. in 6.* 4. Continere debent attestationem de natalibus, ætate, moribus, scientia Ordinandi. *Trid. sess. 23. c. 8. de ref.* Hinc ii, quibus dimissoriæ dantur, prius debent examinari. *sess. cit. c. 3. 5.* Concedendæ sunt gratis. *Trid. sess. 21. c. 1. de ref.* nec morte concedentis expirant, arg. *c. 5. de reser. in 6.* Demum exprimendum, utrum in interstitiis dispenset Episcopus concedens dimissorias.

Q. 7. *Quæ sint pœnæ male Ordinantium & Ordinatorum?* Resp. 1. Pœna *scienter conferentis* Ordinem *sacrum* non habenti legitimam ætatem, est suspensio a collatione Ordinum *ferendæ* sententiæ: *c. 14. h. t. conferentis Ordines Minores* pœna relinquenda est arbitrio Superioris, quia de his jura tacent: *primam tonsuram* ante legitimam ætatem conferentis pœna est suspensio *ipso jure* per integrum annum ab ejus collatione, *c. fi. h. t. in 6.* Pœna *Ordinati* m. f. ad Ordinem *sacrum* ante legitimam ætatem est suspensio ab Ordine sic suscepto, usque dum absolutio impetretur aut ab Episcopo, aut a Confessario privilegiato, *vers. Bullam Pii II.* ubi plures ejusmodi pœnæ, v. g. quod sic Ordinatus ministrans irregularitatem incurrat, & beneficiis Ecclesiasticis privari possit.

Resp. 2. Pœna *scienter Ordinantis* alienum subditum absque licentia vel dimissoriis Episcopi proprii est suspensio *latæ* sententiæ per annum a collatione omnium Ordinum: *Trid. sess. 23. c. 8. in fin. de ref.* per dolum aut ignorantiam crassam suscipientis Ordines *sacros* pœna est suspensio ab executione Ordinum susceptorum, quamdiu Episcopo proprio videbitur, *c. 2. h. t. in 6. Bulla Pii V. & Trid. cit.*

Resp. 3. Pœna Episcopi *Ordinantis* aliquem *absque titulo* est præter peccatum grave obligatio eum alendi, usquedum de beneficio ei provideat, *c. 2. 4. & 16. de præb.* excipitur, si Episcopus non fuit in culpa, *c. 2. de Constit.* vel si generalem concessit potestatem. Suffraganeo suo, ordinandi subditos, & is absque titulo ordinavit, vel si quis per fraudem intrusit titulo desti-

tutum: his enim casibus in subsidium tantum Episcopus tenebitur ob honorem status Clericalis. Pœna ordinati sine titulo, si fuit in culpa, & decepit Episcopum, probabilius est suspensio Ordinis ita suscepti, & irregularitas, si in Ordine sic suscepto ministret. Constit. Urbani VIII. *Secretis æternæ providentiæ*, 11. Decemb. 1624.

Resp. 4. Pœna *Ordinantis* in aliena diœcesi sine consensu Ordinarii loci est pœna suspensionis *latæ* sententiæ ab *exercitio omnium Pontificalium*. Pœna *Ordinati*, ut sit suspensus ab executione Ordinum sic susceptorum, Trid. sess. 6. c. 5. ref.

Resp. 5. Pœna *Ordinantis* extra tempora a Jure statuta est suspensio *ferendæ* sententiæ a collatione Ordinis illicite collati, c. 2. 8. 13. h. t. Pœna taliter *Ordinati* (in sacris) est suspensio *ipso jure* ab executione talis Ordinis Bull. Pii II. anno 1461. Si ministret in Ordine sic male suscepto, incurrit irregularitatem, ab Episcopo dispensabilem, c. 16. h. t.

T I T U L U S XII.

De Scrutinio in Ordine faciendo.

Quest. 1. Quid & quotuplex sit hoc Scrutinium? Resp. 1. Scrutinium a scrutando dictum est inquisitio seu examen Ordinandorum ab eo, ad quem spectat, factum.

Resp. 2. Est triplex; *Primum*, quod per mensem ante Ordinationem a Parocho vel alio jussu Episcopi faciendum esset juxta Trid. sess. 23. c. 5. de reform. in Germania non est in usu, ejusque vices supplent Testimonia Professorum. *Secundum* ex Trid. Decret. sess. cit. c. 7. fieri debet feria quarta ante ipsam Ordinationem, vel quando opportunum erit ab Episcopo, aliisque viris peritis. 1. Examinando *genus*, an Ordinandus sit parentibus Catholicis, liberis; legitimo matrimonio junctis natus & requirendo in *personam* Ordinandum, an sit corpore & sanguine Christianus, bigamus, censuratus, &c. 2. Examinando *habitus*, quæ requiritur ad vitam, 3. In vitam & mores.

res Ordinandi. 6. In finem. 7. Præcipue etiam in doctrinam. Tertium scrutinium fit in ipso Ordinationis ad Diaconatum vel Sacerdotium actu; & juxta c. un. b. t. consistit in summaria illa & extrajudiciali inquisitione Episcopi, Archidiaconum (hodie Sacellarum vel Ceremoniarium) sibi præsentantem Ordinandos interrogantis, an sciat illos dignos esse; hujusque responsione: Quantum humana fragilitas nosse finit; & scio, & testificor ipsos dignos esse ad hujus onus officii.

Quæst. 2. Unde testimonium qualitatum in secundo scrutinio inquirendarum, dum de iis non constat, petendum? Resp. 1. Testimonium Natalium, libertatis, generis, Magistratus loci, ubi natus Ordinandus, vel Parochus; ætatis similiter Parochus dare potest; & ita sufficienter hæc qualitates probantur; litteras testimoniales vite & morum, dum Regularis est ordinandus, dant Superiores, testantes eum nullo ad Ordines requisito carere: dum est Ecclesiæ cuidam addictus, Decanus, dum in Academia, Professor & Præfectus. Dum quis ordinandus est ab alieno Episcopo, requiruntur præter alia testimoniales morum proprii Episcopi. Trid. sess. 23. capit. 8. quas Capitulum Sede vacante etiam intra primum annum non arctato subdito suo concedere potest, si is a Papa vel ejus Nuncio habeat facultatem seu dimissorias, ut à quocumque Episcopo externo ordinari possit.

Resp. 2. Doctrina probanda est per examen, quod subire debent etiam Regulares ex Trid. Decret. sess. 23. c. 12. de ref. nisi privilegio Apostolico gaudeant, quale Societati JESU concessit Gregor. XIII. & confirmavit Paulus V. Constit. incipient. Quantum edit. Non. Sept. 1606.

Q. 3. Quæ sit pœna Ordinatorum sine examine? Resp. 1. juxta can. 55. dist. 50. Ordinans scienter habentem impedimentum privatur potestate ordinandi; Ordinans ignotum, de cujus habilitate ei non constat, arbitrarie puniendus est.

Resp. 2. Ordinari se faciens sine Scrutinio, seu furtive se ingerens Ordinandis suspendendus est ab exercitio Ordinis furtive suscepti, can. fin. d. 24. etiamsi alias dignus foret: furtive suscipiens uno die duos Ordines ma-

jores videtur ipso jure esse suspensus, *c. i. de eo, qui furtive.*

Resp. 3. Valet tamen Ordo collatus furtive accedenti vel indigno, licet protestetur Episcopus, se nolle talem ordinare. Ratio, quia protestatio talis ab Episcopo fieri tantum censetur ad ostendendam suam dispendentiam, & quod nolit ordinare scienter indignum; aliud tamen dicendum, si Episcopus expressam haberet & positivam intentionem, furtive accedentem vel indignum non ordinandi.

Q. 4. An Archidiaconus vel alius ejus vices supplens in tertio Scrutinio, si sciat privata scientia, aliquem ex Ordinandis laborare impedimento occulto, possit tamen b. f. respondere, scire se dignos, quantum humana fragilitas nosse sinit? *Resp. aff.* Ratio; quia verba hæc non profert ut persona privata, & secundum scientiam privatam, sed secundum publicam, quam habet ex approbatione Examinatorum, si ipse inter Examinatores non fuit. Interim tamen si ante actum Ordinationis talis defectus habuisset notitiam, monendus erat vel Ordinans, vel Ordinatus, aut casu quo nihil se profecturum crederet, declinandum pro hac vice officium præsentandi, si possit id fieri.

T I T U L U S XIII.

De Ordinatis ab Episcopo, qui renuntiavit Episcopatu, vel ab Excommunicato.

Quest. 1. *An Episcopus, qui renuntiavit Episcopatu, possit adhuc conferre Ordines?* *Resp. 1.* Si renuntiavit loco tantum, h. e. curæ seu officio, & administrationi Episcopali, retento tamen Episcopali titulo, non tantum valide, ut per se patet, sed & licite conferre potest Ordines, etiam majores, cum licentia Episcopi proprii Ordinandorum *c. i. h. t.* sed non sine illa: quia propriam diocesim non habet.

Resp. 2. Episcopus, qui non tantum renuntiavit loco & regimini, sed & Ordini, sive executioni Ordinis &

di-

dignitatis Episcopalis, *licite* cum licentia Ordinarii confert primam tonsuram & Minores. Ratio, quia cum etiam non Episcopi v. g. Abbates conferre hæc possint, non censetur his actibus renuntiase, cum renuntiatio sit stricte interpretanda: Ordines vero majores etiam cum licentia Episcopi alicujus *licite* non confert; id enim *c. 1. h. t.* prohibetur. *Valida* est collatio, ut character sic Ordinatis imprimatur, non tamen Ordinis ita suscepti executionem consequuntur, *c. 1. cit.* sed *Ordines majores* recipiens *scienter* ab Episcopo, qui renuntiavit loco & dignitati, nonnisi a S. Pontifice dispensationem pro executione Ordinis accipere potest, *cit. c. 1.* Si tamen delictum sit notorium. Qui *ignoranter* ignorantia scil. non peccaminosa a tali ordinatus fuisset, posset dispensative restitui executioni Ordinis a proprio Episcopo *c. 1. cit.* Suspendio hæc ab executione Ordinis censura proprie non est, cum etiam ab ignorante & absque culpa incurratur. Præterea, qui simpliciter renuntiavit Episcopatu, loco tantum in dubio præsumitur renuntiase. Ratio, quia renuntians dignitati Episcopali, obcrimen depositus censetur. Arg. *c. 15. de elect.* excepto casu, quo Episcopus Religionem ingreditur.

Q. 2. An valida sit collatio Ordinum facta ab Episcopo excommunicato, suspensio, in hæresim lapsio &c. Resp. aff. Ratio, quia talis characterem retinet, ac proin etiam potestatem ordinandi, licet eam obstante excommunicatione, suspensione &c. licite non exerceat. Textus *c. 2. q. 3. caus. 9. q. 1.* allegatos contra assert. explicant Pirh. Eng. Vviestn. De dispensatione cum Ordinatis ab Episcopo v. g. excommunicato, loquendum, ut in priori responsione, quamvis varient AA. qualis Episcopus cum ignoranter ordinato ab Episcopo excommunicato dispensari possit, an sc. ipse etiam Episcopus, qui ita ordinando deliquit post impetratam absolutionem.

T I T U L U S XIV.

De ætate, qualitate, & ordine Præficiendorum, b. e. promovendorum ad dignitates & beneficia Ecclesiastica.

Quest. 1. *Quæ ætas requiratur ad dignitates, & alia munia Ecclesiastica? Resp.* Ad S. Pontificatum nulla ætas jure positivo determinata est, de-
cet tamen omnino; ut in ea saltem ætate sit constitu-
tus, in qua Christus incepit prædicare. Ad dignitates
Ordinis Episcopalis 30. anni completi exiguntur c. 7. in
princ. de elect. eandem ætatem in Cardinalibus requi-
rit P. Koning. b. n. 2. ob Trid. verba sess. 24. c. 1. de re-
form. rigorem hunc Sixtus V. temperavit. Ad Prælaturas
Episcopali inferiores v. g. Præposituras, Decanatus,
& cetera beneficia, quibus cura animarum principaliter
est annexa, requiritur annus ætatis 25. inchoatus, quia
Trid. sess. 24. c. 12. de reform. utitur verbo: qui attige-
rit 25. annum, quod fecisse censetur, qui inchoavit.
Ad dignitates & Personatus, quibus animarum cura an-
nexa non est, requiritur & sufficit annus 22. ætatis, sed
completus, ut coll. ex Trid. cit. non sit minor 22. annis.
Ad Canonicatus, Præbendas, & portiones Ecclesiarum Ca-
thedralium jure novo Trid. cit. requiritur ea ætas, ut
infra tempus a jure præscriptum, scil. infra annum, ini-
tiari valeat eo Ordine, quem requirit Canonicatus vel
Præbenda. In Germania consuetudo habet, ut Subdia-
conatus, qui plerumque requiritur ad Canonicatus Ec-
clesiarum Cathedralium, suscipiatur a Canonico, qui ad
Capitulum admittitur. Ad alia beneficia simplicia & in-
feriora hodie a Trid. sess. 23. c. 6. de reform. requiritur
annus ætatis 14. saltem inchoatus; nisi in fundatione
aliud statutum sit, cui Trid. noluit derogare. Episco-
pus in ætate secundum Canones universalis Ecclesiæ re-
quisita ad beneficia dispensare non potest; quia relaxa-
re nequit commune Jus Canonicum, nisi id ei expresse
fuerit concessum. Deinde collatio beneficii facta illi, qui
caret legitima ætate, est ipso jure nulla, saltem pro fo-

to externo . c. 14. de elect. in 6. Ratio , quia facta est inhabili .

Q. 2. *Quæ hic veniant nomine qualitatis requisitæ in præficiendis ? Resp.* 1. Promovendus habere debet qualitates illas omnes, de quibus Tit. 11. Q. 3. dictum, excepta *subjectione* (cum & Clericis extraneis conferri possint beneficia) & *Titulo* ; quia optimus Titulus beneficium est : præcipue autem attendi debet *probitas morum*, *scientia litterarum* ; videri potest desuper c. 7. de elect. c. 29. de Præb. Clem. 1. h. t. Trid. sess. 24. c. 18. de refor. &c. ubi & illud (nim. sess. 24. c. 1. & 18. & in Constit. Pii V. In conferendis) habetur , digniores non tantum ad Prælaturas Ecclesiasticas sed & ad beneficia curata assumendos esse .

Resp. 2. Possunt præter prædictas aliæ qualitates requiri, vel ex fundatione, vel consuetudine vel statuto, v. g. ut admittendus ad Canonicatum sit ex certa regione , civitate , familia ; imò non tantum in limine foundationis cum consensu Superioris, sed & per consuetudinem immemoriam induci potest , uti & per statutum a S. Pontifice confirmatum, ut ad certa beneficia soli Nobiles promoveantur, ad cætera digni, vel si beneficium requirit , digniores . Ratio , quia hoc de se & objecto suo illicitum non est , nec a jure prohibitum .

Resp. 3. Si fiat collatio beneficii cujuscunque excommunicato, suspenso, personaliter interdicto ; uti & irregulari cuicumque est ipso jure nulla . De excommunicato habetur . c. 7. de Cler. excom. de suspenso . c. 8. de etat. De interdicto & irregulari inde constat , quia neuter illorum officium præstare potest, ergo nec poterit conferri beneficium , utpote quod propter officium datur . Quid de censura v. gr. occulta laborante dicendum , quod is b. f. beneficium oblatum valeat regulariter acceptare, colligitur ex alibi dictis .

Q. 3. *Quis Ordo in præficiendis requiratur ? Resp.* Præscribitur a jure 1. ut nemo , nisi Clericus valide recipiat beneficium , adeoque volens tale recipere tonsuram primam saltem habere debet c. 6. de Transact. c. 2. de Instit. 2. Ad Cardinalatum S. R. E. requiritur Ordo illorum gradui, qui triplex est, competens. 3. In Episcopum eligendus saltem per 6. menses anteceden-

ter in Subdiaconatus Ordine constitutus fuisse debet .
Trid. sess. 22. c. 2. de ref. 4. Ad dignitates Ecclesiasticas
 Episcopatu inferiores , curam tamen animarum vel ju-
 risdictionem fori externi habentes , ut sunt Abbatiæ ,
 Decanatus &c. Item ad beneficia Parochialia aut Cu-
 rata , necessarius est Ordo Presbyteratus vel actu susce-
 ptus , vel intra annum suscipiendus . *c. 1. b. t. Clem. 2. eod.*
c. 14. de elect. in 6. 5. Ad Canonicatus Ecclesiarum Ca-
 thedralium *Trid. sess. 24. c. 12. de ref.* exigit Ordinem vel
 Presbyteri (quo mediam partem Canonicorum vult esse
 initiatam) vel Diaconatus ; vel Subdiaconatus . Hæc ta-
 men constitutio *Trid.* non videtur in Germania esse
 usu recepta .

T I T U L U S X V.

De sacra Unctione .

Q 1. Quid h. intelligatur per sacram Unctionem &
 quotuplex ea sit? Resp. ad 1. Intelligitur h. per
 Unctionem sacram materialis olei olivarum ab Episcopo
 benedicti vel puri , vel balsamo mixti (quod *Chrisma*
 dicitur) delibutio facta secundum ritum Ecclesiæ . Oleum
 purum sive simplex aliud est *Catechumenorum* , aliud
Infirmorum .

Resp. ad 2. Unctio duplex est , una interior , invisibilis , spiritualis , quæ fit in anima per Spiritum S. altera exterior , visibilis & materialis , quæ fit in corpore , & est signum interioris . Complectitur hæc 7. Unctiones scil. 1. in Consecratione Episcopi . 2. In Ordinatione Sacerdotum . 3. In Baptismo . 4. In Confirmatione . 5. In Sacramento extremæ Unctionis . 6. In Consecratione Altaris , templi , calicum . 7. In inunctione Imperatoris & Regum . *c. un. b. t.*

Q. 2. Qualiter fiant hæc Unctiones? Resp. 1. Unguntur Episcopi in sua Consecratione . S. Chrismate in capite & manibus a Metropolitano vel alio Episcopo duobus aliis Assistentibus . 2. Sacerdotes in sua Ordinatione oleo simplici benedicto in manibus . 3. Baptizandi ante Baptismum oleo simplici *Catechumenorum* in pectore & sca-

scapulis, post Baptismum S. Chrismate in vertice. 4. Confirmandi ungentur S. Chrismate *ordinarie* ab Episcopo in fronte, *extraordinarie* & ex commissione S. Pontificis a simplici Sacerdote. 5. Moribundi oleo infirmorum in oculis, auribus, naribus, labiis, manibus, pedibus a Sacerdote super ægrotum deprecante. 6. Ecclesia in parietibus, dum consecratur ab Episcopo; altaria prius oleo simplici, deinde Chrismate in cornibus *ordinarie* ab Episcopo vel alio Privilegiato. 7. Imperator, & Reges oleo Catechumenorum ungentur in dextero brachio, seu humero, vide c. 39. de elect.

Q. 3. *Quomodo hæc Unctiones inter se distinguantur?*

Resp. 1. Unctio Imperatoris & Regum, nec Sacramentum, nec Sacramentalis est, utpote nec per se gratiam causans, nec ad Sacramentum aliquod perficiendum vel suscipiendum ordinata. Idem est de Unctione rerum quarundam Ecclesiasticarum.

Resp. 2. Unctio neutra, scil. nec oleo Catechumenorum facta ante, nec *Chrismatica* post baptismum est de substantia baptismi. Ratio, quia ut patet, in necessitate sine ulla Unctione etiam a Laicis valide & licite baptismus confertur.

Resp. 3. Unctio in *Confirmatione* (quæ L. N. Sacramentum est, quo baptizatis spiritualis gratiæ augmentum & robur confertur per Chrismatis in fronte unctionem sub certa verborum forma, ad Christianam fidem fortiter profitendam) est de necessitate & essentia hujus Sacramenti tanquam materia proxima. *Trid. sess. 7. can. 1.* Materia remota est oleum olivarum balsamo mixtum, quæ admixtio balsami licet sit de necessitate præcepti, probabilius tamen non est de necessitate Sacramenti. *c. 1. de Sacram. non iterand.* An uti administratio Confirmationis, sic & confectio Chrismatis simplici Sacerdoti a Papa committi possit, variant AA. posterioris nullum, prioris exempla aliqua habemus.

Resp. 4. Nec Unctio Sacerdotis, nec Unctio *Chrismatica* in Consecratione Episcopi adhiberi solita est de essentia Sacramenti Ordinis & Consecrationis Episcopalis. *c. un. pr. h. t.* est tamen hic explicandum. *c. fin. de Sacram. non iterand.*

Resp. 5. Unctio extrema Sacramentum est N. L. ad salu-

salutem mentis, vel etiam corporis per unctionem olei, & orationem Sacerdotis homini ægrotanti, & de vita periclitanti, a Christo Domino ordinatum. *Jac. 5. vers. 14. & 15.* Itaque materia remota hujus Sacramenti est oleum olivarum benedictum, *ordinarie ab Episcopo eodem anno. Flor. & Trid. sess. 14. c. 1. & 2. de extr. unct.* Potest tamen benedicto misceri non benedictum in minori quantitate. *c. 3. de Consecr. Eccl.* Potest item urgente necessitate vetus adhiberi, quoad novum ab Episcopo petatum mittatur. *DD. com.* Materia proxima est unctio 5. sensuum. Forma consistit in verbis illis; *Per istam S. unctionem &c.* Subjectum est homo viator, baptizatus, ratione aliquando usus, in infirmitate lethali constitutus. Minister est Sacerdos, quicumque, ut valide; proprius Parochus, vel cum ejus licentia, ut licite conferatur.

TITULUS XVI.

De Sacramentis non iterandis.

Q 1. *Quenam Sacramenta & cur non iteranda?*
 Resp. Ex 7. L. N. Sacramentis tria scil. Baptismus, Confirmatio, & Ordo sine Sacrilegio reiterari non possunt. Est de fide definitum in *Flor. & Trid. sess. 7. can. 9.* Idem habet Aug. de Confirmatione & Baptismo *L. 2. contra ep. Petilian. c. 104.* de Ordine *L. de bon. conjug. c. 24.* idque procedit, etsi Sacramenta hæc suscipiantur fide, id est, cum scientia peccati mortalis. *TT. communiter.* Et licet hic titulus loquatur de 3. prædictis Sacramentis, potest tamen etiam intelligi de reliquis, ut in eorum collatione nihil iteretur; v. g. eadem hostia non bis consecratur. In dubio rationabili, num Sacramentum sit valide collatum, potest, imo baptismus ob summam suam necessitatem; Ordo ob periculum invalide administrandi alia Sacramenta, debet sub conditione de novo conferti. Ratio, quia tum in dubio præferenda est opinio animabus favens, tum quia hoc pacto nulla Sacramentis irreverentia irrogatur, quam satis tollit adjecta conditio ex rationabili causa.

Resp.

Resp. 2. Ratio absolutæ non reiterabilitatis trium horum Sacramentorum est, quod indelebilem characterem imprimant, & immediate ac directe homo per ea cultui divino auctoretur ac consignetur. In Baptismo etiam speciales sunt congruentiæ.

Q. 2. *Quid faciendum, si quid in administratione Sacramentorum omissum?* Resp. 1. Si quid omissum est substantiale. v. g. affusio aquæ in Baptismo, tunc omnibus substantialibus adhibitis denuo conferri Sacramentum debet: nec hoc casu ipsum Sacramentum reiteratur. *c. fin. de Presb. non baptiz.*

Resp. 2. Si quid omissum *accidentale*, ex præcepto tamen Ecclesiæ, ejusve usu & praxi adhibendum (v. g. in Baptismo unctiones, exorcismi &c.) id caute, cum debita scil. reverentia & evitatione scandali supplendum. Vide Resp. 2. 3. 4. q. 3. *Tit. præc.* Id notandum, quod *scienter iterans Baptismum* tum conferendo, tum recipiendo irregularitatem incurrat. *c. 2. de Apostat. can. 10. caus. 1. q. 7.*

TITULUS XVII.

De Filiis Presbyterorum Ordinandis vel non.

Q. 1. *Quinam filii Presbyterorum arceantur ab Ordinibus?* Resp. 1. Non arcentur ab Ordinibus filii geniti ex justis nuptiis a patre, antequam is ad S. Ordinem fuerit promotus. Ratio, quia hi omni jure legitimi sunt. 2. Nec procreati a Presbyteris aut Diaconis Orientalis Ecclesiæ post susceptum a parente S. Ordinem ab Ordinibus arcentur, etiam inter Latinos. *c. 6. de Cler. conjug.* Ratio, quia in Orientali Ecclesia votum continentiae S. Ordinibus annexum non est. 3. Soli ergo & omnes ii, qui in Ecclesia latina, etiam ex propria & legitima uxore procreati sunt a patre post susceptum ab eo de consensu uxoris S. Ordinem sunt irregulares, ut neque ad Ordines, neque si forsan ordinati jam sint, ad ullum beneficium Ecclesiasticum, nisi prius habilitentur, valeant promoveri. *c. 1. & in 6. b. t.*

Q. 2.

Q. 2. An filii Presbyterorum arceantur a beneficiis Ecclesiasticis? Resp. 1. Filii Presbyterorum, & juxta decis. Rotæ Clericorum aliorum illegitimi, etiam si dispensationem super defectu natalium obtinuerint, obtinere tamen non possunt ullum beneficium, vel quoquo modo ex officio ministrare in Ecclesia, in qua ipsorum pater beneficium aliquod quodcumque habuit. c. 2. 3. 4. 15. & 16. h. t. quorum dispositionem Trid. sess. 25. c. 15. de ref. renovavit, in detestationem paternæ incontinentiæ.

Resp. 2. Filii Clericorum etiam legitimi (id est, legitimo matrimonio nati) absque dispensatione Papæ incapaces sunt ad immediate, nulla scil. persona extranea mediante-obtinenda beneficia, quæ patres eorum in titulum, sive cum jure in re obtinuerunt; idque ad tollendam speciem successionis hereditariæ. Trid. sess. 25. c. 7. de reform. Huc referenda sunt, quæ Engel. b. n. 3. & alii tradunt, num Pater in beneficio filii, frater in fratris, nepos in avi beneficio immediate possit succedere? it. quæ circa beneficia resignata, ut ea non possint consanguineis vel admittentium, ut ait Bulla Pii V. Quanta, vel suis, ut habet Declar. Card. a Garc. cit. conferri.

Q. 3. Quid de aliis illegitimis dicendum? Resp. 1. Illegitimi omnes, sive sint naturales tantum, h. e. ex simplici fornicatione nati; sive spurii, seu prognati a parentibus, inter quos ob impedimentum dirimens nec conceptionis, nec nativitatis, nec intermedio tempore matrimonium consistere potest; hi, inquam, omnes sine habilitatione sunt irregulares, & ad Ordines nequeunt promoveri c. 1. & c. fin. h. t. in 6. can. 1. dist. 56. Ratio est tum ob excellentiam status Clericalis: tum in detestationem paterni criminis: tum ob justum timorem, ne tales paternæ incontinentiæ sint imitatores. Non tamen extenditur responsio ad illegitimos factos Religiosos, qui emissa Professione, vel votis verum Religiosum constituentibus, absque alia dispensatione juxta c. 1. h. t. ad Ordines etiam sacros promoveri possunt; non vero ad Prælaturas c. 1. junct. Gloss. W. Prælationem h. t. ad quas neque scemina Religiosæ citra dispensationem evehi possunt, si vitio originis laborent. c. 9. de elect. in 6.

Q. 4. *Quot modis illegitimi habilitari possint?* Resp. Illegitimi habilitari, & capaces fieri possunt Ordinum & beneficiorum. 4. modis; vel 1. per subsequens matrimonium, de qua legitimatione plura ad tit. 17. *Libri 4. Decret.* vel 2. rescripto Papæ, aut legitimatione eorum, qui potestatem legitimandi Canonice a Pontifice acceperunt. Vel 3. Professione Religiosa de qua modo dictum. 4. Dispensatione, quam quoad *Ordines majores*, beneficia curata & dignitates concedit solus S. Pontifex *c. 1. b. t. in 6. & c. fin.* Si tamen defectus sit occultus, probabiliter etiam Episcopus. arg. *Trid. sess. 24. c. 6. de reform.* Ubi & illud notandum, quod *legitimatio differat a dispensatione?* quia *legitimatio* est quædam habilitas reddita personæ, illiusque veluti ad primævam naturam restitutio; dispensatio vero respicit effectus, radicali personæ inhabilitate remanente; ac proinde *legitimatio late*, dispensatio *strictè* est interpretanda.

T I T U L U S X V I I I.

De Servis non Ordinandis & eorum manumissione.

Q. 1. *An & qualiter servi prohibeantur ab Ordinibus?* Resp. 1. *Servi* proprie dicti (quales non sunt famuli pro annua mercede servientes; & in sensu ac usu juris vere sunt liberi, sed qui jure gentium contra naturalem libertatem dominio nostro subjiuntur vel *nativitate* ex matre serva, vel *captivitate*, vel *venditione* sui ipsius, vel juxta *L. 2. C. de libert. revocatione liberti in servitutem*) hi inquam, servi ob defectum libertatis irregulares sunt, & ordinari prohibentur. *b. t.* & præcipue *c. 1. & 5.* Ratio est, præjudicium & injuria Domini, dignitas Clericalis, & vilitas servilis &c.

Resp. 2. *Liberti*, h. e. ex servitute justa manumissi, licite ordinantur, secus, si cum retentione obsequii *temporalis*; cum juxta *can. 7. dist. 54.* promovendi ab omni iugo Dominico debeant esse liberi.

Resp.

Resp. 3. *Adscriptitii* h. e. qui alicui fundo colendo adscripti & personaliter obligati sunt; item *Originarii*, qui scil. ex talibus adscriptitiis nati sunt: & homines *proprii* absque consensu & manumissione Domini licite non ordinantur. Ratio, quia licet absolute sint homines liberi, in iis tamen pleraque locum habent, quæ a Ss. Canonibus de servis non ordinandis sunt constituta. Accedit praxis, qua tales vel consensum Dominorum vel manumissionem in scriptis Episcopo exhibent.

Q. 2. *Quid si servus, antequam donatus sit libertate, promoveatur ad Ordines?* Resp. 1. Si sciente & non contradicente Domino ordinatus quis fuerit, etiam in Clericum primæ tonsuræ tantum, eo ipso fit & manet liber. c. 20. dist. 54.

Resp. 2. Si ignorante Domino, & multo magis si contradicente servus ordinatus fuerit tantum Minoribus, non modo graviter ob irrogatam Domino injuriam peccat, sed & manet servus, & Dominus eum vindicare potest intra annum, neque fori aut Canonis privilegio gaudebit c. 2. h. t.

Resp. 3. Si servus ignorante vel contradicente Domino suscepisset Diaconatum aut Subdiaconatum ab Episcopo sciente, illum esse servum, servus efficitur liber, Episcopus autem ordinans, vel is, qui testimonium dedit, tenetur Domino dare duos servos æque bonos, vel solvere duplum pretium. c. 19. dist. 54. Si vero nec Episcopus Ordinans, nec promotor scivit esse servum, Ordinator Domino loco sui reddere tenetur alium servum æqualem, vel ex proprio peculio se redimere; quod si neutrum præstare possit, redigi a Domino poterit in pristinam servitutem; unde suspensus erit ab officio sacro, non tamen a voto castitatis. c. 9. dist. 54.

Resp. 4. Si servus ignorante vel contradicente Domino fecit se ordinari in sacerdotem, non potest iterum reduci in servitutem, sed peculium amittit, illudque Domino cedit; si nullum habet, per ministeria sacra satisfacere Domino pro posse obligatur. c. 9. & seq. dist. 54.

Quæri 3. *hic potest; an filius familias consensum Patris ad suscipiendos Ordines S. necessarium habet?* Resp. De honestate: est, illum requirere; non de necessitate.

Item:

Item: *an Clericatus liberet a potestate patria?* Resp. Neg. excepta dignitate Episcopali, L. 34. & Auth. seq. C. de Episc. & Cler.

T I T U L U S X I X.

De obligatis ad Ratiocinia Ordinandis, vel non.

Quest. 1. *Quinam hoc titulo prohibeantur ab Ordinibus?* Resp. 1. Qui ob publicam administrationem bonorum Reip. obligati sunt ad ratiocinia, ut sunt Quæstores, Tributorum susceptores. *can. un. dist. 53.* 2. Obligati ad administrationem privatam, ut sunt Tutores, Curatores, Procuratores. *c. un. b. t. 3.* Alii quicunque administratione aut negotiatione sæculari obstricti, non conveniente statui Clericali, quales sunt obligati militiæ, Vassalli ad obsequia personalia Ordini Clericali repugnantia obligati &c. Qui omnes & his similes ordinandi non sunt, nisi prius hujusmodi administrationes deposuerint, & simul rationes reddiderint: quia utrumque *c. un. b. t.* requirit. Rationes hujus Constitutionis sunt v. g. quia Officiales ejusmodi in reddendis rationibus doli convinci, & litibus vexari possunt, quod cederet in grave damnum & infamiam Ecclesiæ. Quia non tam amore divini obsequii, quam ratiocinia & forum sæculare fugiendi Ordines suscipere præsumuntur, &c.

Resp. 2. Nomine obligatorum ad ratiocinia non veniunt, adeoque licite ordinantur ii, qui officia habent, & administrationes, etiam a Clericis laudabiliter exerceri solitas; quales sunt Procuratores & Tutores personarum miserabilium: administratores Ecclesiæ in temporalibus etiam: qui legitimam agnatorum tutelam habent: Principum Cancellarii, Consiliarii, imo etiam causarum civilium judices. *V. Pirh. b. n. 3.* Deinde non veniunt administratores in Resp. 1. nominati, si deposita administratione principalibus suis idonee caverunt de solutione. *L. 6. §. 1. ff. de Muner. & honorib.* Deum non illi, qui aliis ex promissione, mutuo, emptione, aliove contractu ortam ad ratiocinia obligationem habent. Ratio, quia eos ab Ordinibus removen-

eos nullo jure expressum est. Si tamen talibus his foret mota de dolo, repellendi essent ab Ordinibus. Ratio datur in §. 2. *Inst. de pēn. tem. litig. L. 1. C. 6. §. 5. ff. de his, qui not. infam.*

Q. 2. *Quid juris, casu quo obstrictus ratiociniis est ordinatus? Et an ratiociniis obligatus arceatur quoque ab Ordine religioso?* Resp. ad 1. Ordinatus deberet cedere bonis suis, ita tamen, ut ei relinquatur competens sustentatio: vel compellendus est ab Episcopo, ut alio modo, si possit, satisfaciat: imo ipse Episcopus scienter Ordinans, invitis creditoribus, his satisfacere tenetur; quia est causa principalis damni.

Resp. ad 2. Aff. ita expresse statuente Sixto V. in Bulla: *Cum de omnibus* edit. Cal. Decemb. 1586. quæ tamen per Constit. Clement. VIII. *In Suprema*. reducta est ad terminos juris communis, quoad illud punctum, quo statuebat, nullam esse Professionem ratiociniis obligati.

T I T U L U S XX.

De Corpore vitiatis Ordinandis, vel non.

Q. *Uest. 1. An et qui ob vitium corporis incapaces sint Ordines suscipiendi?* Resp. 1. Vitiatos corpore repelli ab Ordinibus constat. *tot. h. tit. C. c. 4. C. seq. dist. 55.* præsertim si defectus aut vitium tale sit, per quod vel absolute, vel congruus saltem usus Ordinis, præ primis celebratio Missæ impediatur.

Resp. 2. Vitiati corpore sunt in triplici differentia: alii dicuntur *debiles*, qui membrum aliquod habent ad sacrum ministerium inutile, v. g. manum aridam oculum cæcum; vel qui continuo gravi morbo laborant v. g. paralyti. *Alii deformes*, qui enormem habent maculam, vel membri alicujus defectum, excessum, contractionem distortionem. *Alii mutilati*; qui carent aliquo membro, quale dicitur ea pars corporis, quæ ad certum officium a natura deputata, distinctam in corpore operationem habet; ut sunt lingua, oculus, auris, manus non digitus.

Q. 2. *Qui in specie DEBILITATI prohibeantur a susce-*

susceptione Ordinum? Resp. 1. *Cæci*, h. e. vi tantum visiva carentes, licet utrumque oculum sine deformitate habeant; non tamen lippi, lufci, aut citra notabilem deformitatem oculis distorti; nec etiam in oculo sive dextro, quod certum, sive sinistro oculo seu Canonico, si de cætero sit integer, vi solum visiva destituti sunt irregulares. *Engel. b. n. §. 2.* Prohibentur ab Ordinibus suscipiendis surdi & muti, licet aures & linguam habeant. c. 77. *Apost.* non surdaſtri, nec, regulariter loquendo, balbutientes. 3. Qui ſtandi vel ambulandi facultate destitutus, aut nanus est, ut brachia ad ministerium altaris attollere ſufficienter non poſſit. 4. Paralytici & podagrici *quaſi continui*; leproſi; lunatici, epileptici, dæmoniacy &c. Et prædicti ſunt probabilius ita irregulares, ut etiamſi abſque notabili indecentia alias functiones Sacerdotum (excepta celebratione Miſſæ) aut inferiorum Ordinum exercere poſſint, non tamen valeant ordinari. Ratio, quia impeditus a celebratione ob vitium vel defectum corporis, *abſolute* est irregularis, adeoque ab omni Ordine exclusus.

Q. 3. *Quinam DEFORMES prohibeantur a SUSCEPTIONE Ordinum?* Resp. 1. Ii, quibus *erutus* est unus oculus, quia id abſque notabili deformitate nequit contingere; etiamſi habeant oculum fictitium. *Engel b. t. n. 6. 2.* Qui naribus vel auriculis truncati ſunt. 3. Utrouque vel altero pede carentes, aut valde deformiter claudicantes. 4. Monſtruoſi, quales ſunt Hermaphroditi, etſi ſexus virilis prævaleat, &c. 5. Judicare utrum deformitas ſit notabilis, adeoque promotionem ad Ordines impediatur, pertinet ad *Episcopum*; ſi certa ſit *irregularitas* ex vitio corporis proveniens, diſpenſat *regulariter* ſolus S. Pontifex, raro tamen ob periculum irreverentiæ Sacramento inferendæ.

Q. 4. *Quinam MUTILATI impediuntur a ſuſcipiendis Ordinibus?* Resp. *Qui culpa propria* ſe vel toto membro, vel ejus parte mutilarunt, vel mutilationem procurarunt, etiamſi mutilatio Ordinem non impediatur, neque deformitatem inferat, quia v. gr. membrum eſt occultum, non poſſunt ordinari; non ob deformitatem, ſed ob ſævitiā in ſe exercitam. c. 4. & 6. diſt. 55. c. 3. b. t. Huc referuntur; qui ſe ipſos ca-

traverunt, vel id permiserunt, siue studio castitatis *c. r. dist. 55, c. 4. h. t.* vel causa servandæ vocis, arg. *can. cit. & c. 5. h. t.* Non tamen, qui vel invito, vel inscii quid simile passi sunt. Ratio, quia tunc cessat omnis causa, imponendi irregularitatem.

T I T U L U S X X I.

De Bigamis non Ordinandis.

Quest. 1. *Quid sit Bigamia & quodplex?* Resp. ad 1. Est iteratio matrimonii consummati, seu divisio carnis in plures successive uxores, inducens irregularitatem, non ob culpam (licita est enim & trigamia) sed quia tale secundum matrimonium consummatum patitur defectum in significatione Sacramentali matrimonio alias propria juxta Apost. *Eph. 5.*

Resp. ad 2. Bigamia passim dividitur in *propriam* seu *veram*, *interpretativam*, & *similitudinariam*.

Q. 2. *Quid sit Bigamia vera & quando contrahatur?* Resp. Bigamia vera est, dum quis successive cum duabus valide contraxit. *c. fin. dist. 26, c. 5. h. t.* Sive utramque ante; sive unam ante & alteram post, sive utramque post Baptismum duxerit. Ratio, quia irregularitas hæc non est in poenam, sed ob defectum significationis Sacramentalis. Hinc ad Bigamiam requiritur, ut sit *matrimonium* cum pluribus contractum, per *sponsalia* enim cum pluribus secuta etiam copula non inducitur bigamia; uti nec tum, si quis cum meretrice una vel pluribus, sive in sive extra matrimonium, fornicatus fuerit, quia talis non divisit carnem in plures *maritali affectu*, quod *c. 6. h. t.* requiritur. Deinde requiritur, ut *matrimonium sit consummatum*, qui enim vel cum priore, vel posteriore non consummaret, irregularitatem non contraheret. Demum ad *veram* bigamiam requiritur, ut sit *vere & valide* contractum secundum matrimonium, si enim alterutrum sit invalidum, bigamia tantum *interpretativa* inducitur; imo si invalidum sit ex defectu consensus, in foro *interno* ne illa quidem, ut notat Engel *h. n. 5.*

Q. 3. *Quid sit bigamia interpretativa, & quomodo contrahatur?* Resp. Est quæ fictione juris censetur iteratio

matrimonii, etsi revera talis non sit. Contrahitur. 1. si quis ducit in uxorem & cognoscit viduam a priore marito cognitam, aut etiam non viduam ab alio tamen prius corruptam, sive sciverit, sive non sciverit, c. 2. dist. 33. c. 9. 10. 13. dist. 34. Secus est; si ducat a se extra matrimonium cognitam, quia mulier talis carnem in plures non divisit. Pirh. b. n. 13. adducit rationes, cur hæc bigamia non incuratur a corrupto ducente virginem, sed tantum ab eo, qui corruptam ducit. Contrahitur 3. dum qui de facto init duo matrimonia ob impedimentum dirimens invalida, vel unum validum, alterum invalidum, & utrumque consummat; talis enim habendus est pro quasi bigamo & irregulari ob affectum intentionis opere subsecuto. c. 4. b. t. qui casus bene notandus.

Q. 4. Quid sit bigamia similitudinaria; & quomodo contrahatur? Resp. Est, quando quis antecederet nunquam conjugatus post Professionem religiosam, vel suspensionem SS. Ordinum cum unica virgine contrahit vel potius attentat contrahere matrimonium, secuta copula. c. 1. & 2. qui Cler. vel vovent. c. 4. de Cler. conjug. Ratio similitudinaria in hoc consistit, quod adstrictus voto castitatis solemnii spirituali quodam matrimonio cum Christo & Ecclesia conjunctus sit, & hinc attentato dein matrimonio carnali, secutaque copula sit ob quasi bigamiam irregularis.

Q. 5. An & quis dispensare possit cum bigamis? Resp. ad 1. Aff. Dispensari potest. Ratio, quia est tantum impedimentum jure humano inductum. Resp. ad 2. A Papa, eoque regulariter solo, potest dispensari in bigamia vera interpretativa. c. 3. & fin. b. t. qui tamen difficulter dispensat. Debet autem in petitione dispensationis exprimi, qua dispensandus bigamia laboret. In similitudinaria, saltem post peractam penitentiam, Episcopus. c. 4. de Cler. conjug. & juxta dicta probabilius etiam in vera & interpretativa bigamia dispensat Episcopus, si occulta sit. Pari cum Episcopo potestate gaudent Superiores regulares, jurisdictionem quasi Episcopalem in subditos suos exercentes.

T I T U L U S X X I I.

De Clericis Peregrinis.

Quest. 1. *Quinam hic veniant nomine Clericorum peregrinorum, & quid de iis in jure statutum?* Resp. ad 1. Licet omnes extranei, siue qui non sunt de diœcesi, in qua morantur, peregrini dicantur hic tamen præcipue Clerici peregrini dicuntur, qui sunt ignoti, vagi, venientes ex locis remotis. Resp. ad 2. De utrisque statutum est 1. ut non conferantur iis quicunque Ordines sine dimissoriis *c. fin. de tempor. Ord. in 6. 2. Ut non admittantur ad superiorem Ordinem ascendere, nisi præter dimissorias habeant etiam literas formatas, siue Ordinum susceptorum testes c. 1. h. t. De Clericis ignotis statutum est Irid. sess. 23. c. 16. in fin. de ref. ut non admittantur ad exercendos suos Ordines & præcipue ad celebrandas Missas, nisi instructi sint litteris commendatitiis suorum propriarum Episcoporum, quæ litteræ continere debent testimonium morum, legitimæ Ordinationis, & carentiæ impedimenti celebrationi obstantis. c. 7. dist. 71. c. 3. h. t.*

Q. 2. *An Episcopus Sacerdotibus aliisque Clericis diœceos suæ peregrinari vel alio discedere volentibus commendatitias negare possit?* Resp. 1. Quod negare possit Clericis obtinentibus beneficium requirens residentiam, si velint ultra tempus a jure indultum abire peregre, neque iusta causa subsit, neque Vicarius idoneus substituat, certum est.

Resp. 2. Episcopus tenetur *per se loquendo* aliis Clericis non habentibus beneficium stabile dare litteras commendatitias, si has ex peregrinationis, domicilii, aut diœcesis mutandæ causa petant. Laym. in c. 1. h. t. & Vviff. n. 6. Ubi tamen datum ab utroque monitum observandum.

Q. 3. *Quid dicendum de Clerico ignoto, qui commendatitias amisit, illasve hostibus patriam occupantibus non potuit obtinere?* Resp. Ut talis Clericus admittatur ad celebrandum, debet per testes idoneos, qui dictas litteras perlegerunt, tam earum amissionem, quam tenore

rem probare; vel his deficientibus, per famam, communem opinionem, &c. *c. 2. b. t.*

Resp. 2. Deficientibus similibus argumentis non admittitur Clericus ad celebranda divina, licet paratus sit jurare, legitime se ordinatum. *c. 2. b. t.* Ratio, tum quia sponte se offerens ad juramentum se reddit suspectum. *L. 3. in princ. ff. de jurejur.* tum quia juramentum in supplementum probationis non deferitur, nisi dum vel semiplena probatio, vel præsumptio stat pro aliquo. *arg. c. fin. de jurejur.*

Resp. 3. Talis tamen Clericus peregrinus, nisi sit suspectus de fictione, potest admitti ad privatim celebrandum. *c. 3. b. t.* quia casu, quo Sacerdos non esset, se tantum deciperet, quod non præsimitur. Cæterum cum Frid. utatur conjunctim terminis, *vagi & ignoti*, ii qui ex vicinis diocesium veniunt, passim citra omnem probationem aut litteras ad celebrandum admittuntur.

T I T U L U S · X X I I I.

De Officio Archi-Diaconi.

Quest. 1. *Quis dicatur Archi-Diaconus*, Resp. 1. *Archi-Diaconus*, Græca vox, *primum seu Principem Diaconorum* significat. Primis Ecclesiæ temporibus Archi-Diaconus ille dicebatur, qui ex 7. Diaconis in singulis urbibus, quibus Episcopus præficiebatur, constitui solitis, cæteris erat antiquior; ad quos & ad Hypodiaconos solos Archi-Diaconi potestas se extendebat. Postea Archi-Diaconatus prima post Episcopalem dignitas (scil. stricte dicta) fuit in Ecclesia Cathedrali, extendente se Archi-Diaconi potestate ad universum Clerum sæcularem *c. 1. b. t.* ita ut licet *Ordine* minor, major tamen *jurisdictione* fuerit Archi-Presbytero. Hodie cujuslibet Ecclesiæ consuetudo attenditur, qua factum, ut aliqui nullus sit Archi-Diaconus, sed ejus subeat officium Archi-Presbyter, Officialis, aut Vicarius Generalis; alibi nomen tantum gerat cum præminencia, sed absque jurisdictione; ubi adhuc observatur jus commune.

Resp. 2. Differt Archi-Diaconus a Vicario Generali,

quod, licet uterque vices Episcopi in foro externo suppleat, Archi-Diaconus tamen sit Vicarius Episcopi natus, intitulus, perpetuus; Vicarius Generalis solummodo datus & temporalis. 2. Quod jurisdictio Archi-Diaconi *directe* & in specie descendat a jure, non jurisdictio Vicarii Generalis. 3. Quod Archi-Diaconus subordinatam quidem Episcopo, propriam tamen habeat jurisditionem & proprium tribunal ab Episcopi tribunali distinctum; non Vicarius Generalis. c. 3. in *princ. de Apell. in 6.*

Q. 2. Quid Archi-Diaconus vi officii de jure communi facere possit, quid non? Resp. ad primum 1. Cura Archi-Diaconi ad totam diocesim se extendit. c. 2. b. t. 2. Officium divinum mediante Primicerio recte ordinat. c. 2. b. 3. Habet curam primariam & generalem vasorum sacrorum & thesauri Ecclesie. c. 3. b. 4. Restaurat Ecclesias, c. 1. b. t. easque visitat. c. 6. b. hodie tamen vi Trid. sess. 24. c. 3. de ref. nonnisi de consensu Episcopi. 5. Quæ corrigenda sunt in Episcopatu, corrigit. c. 9. b. 6. Promovendos ad SS. Ordines & beneficia examinat. c. 9. b. t. Trid. statuit sess. cit. c. 18. ut per deputatos ab Episcopis talia examina fiant. 7. Post decretam ab Episcopo immissionem in possessionem actualiter & corporaliter immittit Abbates, beneficiatos, Abbatissas c. 9. cit. 8. Audit jurgia Clericorum, deque iis, & aliis causis levioribus cognoscit & judicat. c. 1. b. t.

Resp. ad secundum. 1. Sine speciali Episcopi mandato non committit curam animarum, & sic non habet institutionem *authorizabilem*. c. 4. b. t. 2. Non potest dare dimissorias ad suscipiendos alibi Ordines. c. 8. b. 3. Non habet jurisditionem in Regulares & monasteria etiam non exempta c. fin. b. t. 4. Non subsunt jure communi & proprio ejus examini causæ matrimoniales, criminales, beneficiales, quæ per Trid. sess. 24. c. 20. de refor. reservatæ sunt Episcopo. 5. Non excommunicat, nec suspendit; aut interdicit. c. 5. b. t. nisi vel consuetudine vel ab Episcopo obtinuerit; quo sensu intelligitur c. 7. de *præb.*

T I T U L U S XXVI.

De Officio Archi-Presbyteri.

Quest. 1. *Quis dicatur Archi-Presbyter?* Resp. Qui reliquis Presbyteris in iis, quæ Sacerdotalis officii sunt, cum imperio præest, *ca. 2. b. t.* Archi-Presbyter dicitur quasi *primus Sacerdotum*; alio nomine appellatur *Decanus*. Alius est *Archi-Presbyter Urbanus vel Civitatenfis*, qui in civitate Episcopali omnibus Ecclesiæ suæ Presbyteris præest, sive sit *Ecclesia Cathedralis, sive Collegiata*. Alius *ruralis sive forensis* (idem est ac *Ducanus ruralis*) qui extra civitatem Episcopalem tum plebis, tum Parochorum, aliorumque Clericorum per minores Ecclesias & titulos habitantium curam gerit.

Q. 2. *Quodnam sit officium Archi-Presbyteri Civitatenfis sive Decani Ecclesiæ Cathedralis?* Resp. De iure communi est Vicarius Episcopi natus in pertinentibus ad officia Sacerdotalia, uti Archi-Diaconus in temporalibus; sic v. g. *absente vel impedito Episcopo* Missarum solennia celebrat. *Collegiam*, h. e. Missam feralem, dicit, impertitur benedictiones, inungit infirmos &c. *c. 1. 2. 3. b. t.* In foro interno in Ecclesia Cathedrali eam habet jurisdictionem, quam Parochus in sua Parochia; in foro externo nullam arg. *c. 1. b. t.* Quod tamen ultimum, uti & priora consuetudo in omnibus fere Ecclesiis immutavit, *c. 3. de off. Ord.* Utrum Decanatus vel Præpositura major sit dignitas, jure Canonico expressum non est, in Germania nostra dignior est Præpositura, licet plerumque sine jurisdictione.

Q. 3. *Quodnam sit officium Archi-Presbyteri sive Decani ruralis?* Resp. Tum plebis, tum Presbyterorum districtus sui inspectionem habet, ut rite res divinæ obeantur, ebrietates, rixæ, scandala evitentur: executioni mandat Decreta Episcopi; congregat Capitula; quæ minora sunt inter Parochos & alios subjectos sibi Clericos decidit, sed sine figura judicii: majora ad Episcopum ejusve Vicarium remittit, *c. 4. b. t. Pirh. b. n. 11.* aliquam Decano rurali jurisdictionem fori exter-

ni

ni tribuit & quasi *bassam*; illud certum, consuetudine hanc a Decano rurali acquiri posse. Ceterum Archipresbyteratus hujusmodi vel Decanatus non est Personatus vel dignitas proprie dicta patet ex dictis.

TITULUS XXV. XXVI. XXVII.

De Officio Primicerii, Sacristæ & Custodis.

Quest. 1. *Quid Primicerius & quod ejus officium?*
 Resp. Primicerius sic dictus ab ordine ceræ, quo primus descriptus est in Catalogo seu tabulis ceratis, in genere is est, qui in quibusvis officiis, quæ pluribus communia sunt, primum locum tenet, *L. 2. C. de priv. Schol. L. 2. C. de fabricens.* In specie & in hoc titulo ille venit, qui choro psallentium & scholæ cantorum præest; vocari solet *Cantor* seu *Præcentor* (cum, qui ejus absentis vices gerit, fit *Succentor*) vel etiam in aliquibus Ecclesiis, in quibus non est distinctum officium, *Scholasticus*. Officium illius juxta *canon. 1. §. ad primicerium, dist. 25. & cap. un. b. t.* est Diaconos & Clericos docere modum psallendi, assignare lectiones, responsoria, & similia, quæ modo fere relinquuntur Succentori; item inter Clericos observare disciplinam, & delinquentes, absque tamen forma judicii, corrigere, &c. Primiceriatus seu Cantoria dignitas est, *c. 8. de Const.* attendatur tamen circa hoc & Scholastici officium consuetudo.

Q. 2. Quid de Sacrista dicendum? Resp. *Sacrista*; qui & *Thesaurarius* in quibusdam Ecclesiis dicitur, est Minister ille Ecclesiæ, qui immediatam sacri Thesauri curam habet, Officium ejus est calices, candelabra, ornamenta & vestimenta Ecclesiæ custodire &c. quæ in *c. un. de off. Sacrist.* habentur, unde patet nudum *de jure communi* fuisse ministerium sine præeminentia; postmodum ex consuetudine officium hoc inter dignitates relatum est, ut & cognitio causarum, earumque decisio a Sede Apostolica Sacristæ fuerit delegata, *cap. 32. de off. deleg. cap. 11. de for. compet. c. 12. de convers. conjug.* Hodie nec nomen *Sacristæ* nec officium plenum est amplius penes aliquem ex Canonicis, sed plerumque cura
 The-

Theſauri Clerico cuiſiam tanquam Vicario Cuſtodis committitur, qui & dicitur *Sub-Cuſtos*.

Q. 3. *Quis hic veniat nomine Cuſtodis, & quod ejus officium?* Reſp. Cuſtos ex institutione ſui officii eſt quaſi Miniſter Sacriſtræ; non quidem in cuſtodiendis pretioſis, ſed in utenſilibus minus pretioſis & rei divinæ inſtrumentis; inſuper ſpectat ad ejus officium ſigna dare ad officia divina, & cetera facere, quæ modo æditui Laici in Eccleſiis præſtare ſolent, c. 1. & 2. de off. Cuſt. Interim hodie in Germania noſtra de conſuetudine & retinetur nomen Cuſtodis in Eccleſiis Cathedralibus, ſed ſine officio, niſi forte inſpectionem generalem talis in theſaurum Eccleſiæ habere dicatur, & ſimul etiam nomine dignitatis venire ſolet.

T I T U L U S XXVIII.

De Officio Vicarii.

Q. 1. *Quid ſit Vicarius & quotuplex?* Reſp. 1. Generaliter nomine Vicarii veniunt omnes, qui vices alterius gerunt, ſive Vicarii fuerint Eccleſiaſtici, ſive Sæculares Sæcularium, de quibus poſtremis agitur tit. C. de Vicar. Ad rubr. hujus tituli ſpecialiter definitur Vicarius, *perſona Eccleſiaſtica munus alterius in Eccleſia, vel re ſpirituali, nomine & vice alterius gerens*.

Reſp. 2. Alius eſt Vicarius *natus* ſeu *legitimus* cui Vicariatus a Lege vel Canone competit, uti reſpectu Episcopii Archi-Diaconus & Archi-Presbyter, de quibus ſupra dictum: alter *datus* ſeu *dativus*, qui officium ab homine ſive ſuperiore eum ſibi ſubſtituente, accepit. Hic vel eſt Vicarius Episcopii vel Capituli ſede vacante, vel *Parochi*; qui & Vicarius in divinis dicitur. Vicarius Episcopii vel gerit ejus vices in iis, quæ concernunt exercitium Ordinis, & vocatur *Vicarius in Pontificalibus* vel *ſuffraganeus*; vel quæ concernunt exercitium jurisdiſtionis contentioſæ, & vocatur *Vicarius jurisdiſtionis* vel *Vicarius in ſpiritualibus*; qui pro tota Dioceſi conſtitutus dicitur *Vicarius Generalis*, a Trid. *Officialis*, licet in aliquibus Germaniæ dioceſibus præter Vicarium generalem

ralem Officialis sit, cujus potestas ad certas tantum causas est restricta v. g. matrimoniales, Si Vicarius non pro cognitione causarum totius Dicecesis, sed tantum pro parte illius extra civitatem residentie Episcopalis designetur, dicitur *Foraneus*, alicubi *Commissarius*, qui multum a Vicario Generali differt, præsertim quod Foraneus jurisdictionem solum delegatam exerceat, vide *Engel. h. a. num. 5.* His addi potest *Vicarius in temporalibus* a Trid. *Oeconomus* dictus, de quo nobis sermo non est.

Q. 2. *An Episcopus possit constituere Vicarium Generalem, & qualem?* Resp. ad 1. Si solus Episcopus implendo muneri Episcopali sufficiat, non quidem tenetur, ut confirmat Barbosa decisionibus Rotæ. *Jur. Eccl. l. 1. c. 15. n. 16.* potest tamen, juxta receptam consuetudinem etiam solus, constituere Vicarium Generalem unum vel plures. Ratio, quia nullo jure plures constitui prohibentur, qui tamen probabiliter in civitate vel loco Sedis Episcopalis residere deberent.

Resp. ad 2. Vicarius Generalis in spiritualibus debet esse Clericus. Ratio redditur in *can. 22. caus. 16. q. 7.* non tamen necessario in sacris constitutus; nec necessario Clericus secularis, nam & Canonici Regulares & Religiosi non Mendicantes constitui possunt, cum jure non prohibeantur. Item debet esse 25. annorum inchoative saltem arg. *c. 7. de Elect.* Doctor in Theologia vel jure Can. Trid. *sess. 24. c. 6. de ref.* aut alias satis literatus.

Q. 3. *Qualis sit jurisdictio Vicarii Generalis; ad quæ se extendat, quomodo finiatur?* Resp. ad 1. Licet Vicariatus beneficium Ecclesiasticum non sit, ut patet consideranti, dignitas tamen est, quia præminentiam habet cum jurisdictione conjunctam; quæ ejus jurisdictio Ordinaria est, non delegata, respectu eorum, quæ potest vi sui Officii Vicariialis. Ratio; quia jurisdictio Vicarii Generalis eadem est cum jurisdictione Episcopi, quæ est ordinaria, ergo.

Resp. ad 2. Vicarius Generalis vi officii sui expedire potest negotia & causas omnes, quæ pertinent ad jurisdictionem Episcopalem ordinariam, exceptis iis, quæ speciale mandatum requirunt, *c. 2. & fin. h. t. in 6.*

Tale

Tale mandatum speciale & consensus exigitur ad decifionem caufarum criminalium graviorum *c. 2. b. t. in 6.* 2. ad actus iurisdictionis voluntariæ & liberalis gratiæ, uti funt: dare dimifforias, nifi Epifcopus agat in remotis, *c. 3. de temp. Ord. in 6.* abfolvere a Cenfuris, etiam ex delicto provenientes. Trid. *feff. 24. c. 6. de reform.* 3. ad caufas arduas, quales funt congregare fynodum Dicecefanam: penfionibus vel collectis onerare Clericos &c. 4. ad caufas beneficiales. vid. *c. 2. & fin. b. t. in 6.* Confuetudine tamen introduci poteft, ut negotia alias mandatum speciale exigentia tractet Vicarius Generalis; fic difpenfant in Germania noſtra Vicarii Generales in obſervatione feſtorum, jejuniorum, in denuntiationibus, cognofcunt caufas matrimoniales, &c. Ceterum quomodo ſe explicare debeat Epifcopus, ut cenferi poſſit conceſſiſſe ea Vicario ſuo Generali, quæ ſpeciale adhuc mandatum exigunt, vide apud Schmalzgr. *b. a n. 24.*

Reſp. ad 3. Finitur iurisdictione & officium Vicarii Generalis. 1. Per propriam renuntiationem expreſſam vel tacitam. 2. Per mortem, renuntiationem, deſignationem, aut translationem Epifcopi, cujus Vicarius eſt, adeo ut tunc extingatur in Vicario omnis poteſtas, etiam quoad caufas jam captas. Abb. *in c. 30. de offic. deleg. n. 8. in fin.* Ratio quia Epifcopi & Vicarii unum idemque tribunal eſt: per hoc etiam differt Vicarius a iudice delegato, cujus poteſtas non expirat morte delegantis negotio jam cæpto *c. 19. & 20. de off. deleg. 3.* Per revocationem ipſi legitime intimatam. 4. Denique finitur vel potius ſuſpeditur iurisdictione Vicarii toto tempore, quo vel ipſe, vel Epifcopus, cujus Vicarius eſt, excommunicatus, ſuſpenſus, aut interdictus, aut captus eſt a Paganis, hæreticis, &c. arg. *c. 1. b. t. in 6.*

Q. 4. Quænam ſpecialia ſint de Vicario Capituli Sede Epifcopali vacante; Reſp. 1. Devoluta poſt mortem Epifcopi ad Capitulum iurisdictione, hoc intra 8. dies a die notæ vacationis vel conſtituere novum Vicarium debet, vel confirmare eum, qui ſede plena fuit. Trid. *feff. 24. c. 16. de ref.* 2. Tempus hoc reſtringi a Capitulo poteſt, non prorogari, ſed ejus non obſervati lapſu Vicarii deputatio devolvitur ad ſuperiorem. Trid. *cit. 3.*
liſdem

Iisdem qualitatibus instructus esse debet, quibus Vicarius Generalis Episcopi; non tamen necessario de corpore Capituli; neque juxta formam, c. 42. de elect. eligendus. 4. Vicarii Capitularis jurisdictio similis non tantum est jurisdictioni Vicarii Episcopalis; quia ordinaria, & extendens se ad ea, quæ potest Capitulum Sede vacante in jurisdictione Episcopali, sed & amplior est; cum vi generalis suæ commissionis expedire possit etiam illa, quæ Sede plena indigent speciali mandato. Ratio, quia Trid. cit. voluit a Capitulo Vicarium eligi ad evitandam confusionem, & causarum protelationem, quæ ex communi Capitularium administratione nasci solet, quæ non satis evitaretur, si Capitulum suo judicio reservaret ea, quæ mandato speciali alias indigent. 5. Vicarius Capituli (idem est de Vicario Episcopi) non potest sibi substituere omnino similem, sive talem cui totum committat officium arg. c. 4. b. t. 6. Jurisdictio Vicarii Capitularis expirat, postquam novus Episcopus confirmatus fuit, & Episcopatus possessionem accepit, quia tamdiu Sedes vacare censetur. Hinc ut in officio possit persistere, a novo Episcopo est confirmandus.

Q. 5. Quid dicendum de Vicario in divinis? Resp. 1. Vicarius in divinis est, qui in divinis ministeriis & cura animarum, sive in iis, quæ ad forum internum conscientiæ attinent, vices alterius gerit; talis enim a jure Canonico dicitur Vicarius, de Chori-Vicariis, qui vices Canonorum in Horis Canonicis & officiis divinis cantandis supplent, altum est in Jure & Trid. silentium. Alius est perpetuus, qui in aliqua Ecclesia, assignata sibi ex hujus proventibus portione congrua, autoritate legitima Canonice instituitur, ita ut ad libitum amoveri non possit. Alius Temporalis, qui tantum ad tempus constituitur, & ad nutum constituentis amoveri potest. 2. Vicarius perpetuus æquiparatur vero Parrocho, quoad præsentationem, institutionem, examen institutioni præmittendum; item quod acquirat Canonice institutus jus reale, & verum titulum Canonicum beneficii? non quidem directum, sed utilem, &c. Clem. an. b. t. Unde 3. sequitur, quod Vicario perpetuo, præsentante etiam Rectore principali, tota cura & administratio

stratio in divinis competat; penes Rectorem interim remanente jure Vicarium nominandi, redditus potiores percipiendi, jura Parochialia defendendi. 4. Vicariæ perpetuæ constitui solent in Parochiis alteri Ecclesiæ, Monasterio, loco pio unitis, c. 30. §. *qui vero*, de *præb.* Trid. sess. 7. c. 7. de *ref.* vel dum Parochia redditibus abundans valde numerosum & distantem populum habet, c. 3. de *Eccl. ædif.*

Resp. 2. Quando Vicarius temporalis constitui possit, habetur Trid. sess. 24. c. 18. in *princ.* de *ref.* c. 2. de *etat.* & *qual. præf.* c. 14. de *off. Ord. cap. relatum* 4. de *Gler. non resid. can.* 48. *caus.* 16. q. 1. c. 82. de *præb.* 2. Non tantum Episcopus, ob curam generalem, sed etiam Parochus Vicarium ex Sacerdotibus ab Episcopo approbatis constituere potest, & *propria quidem autoritate*, si officium hujus ad breve tantum tempus v. g. unius aut duarum hebdomadarum duraturum sit, Arg. Trid. sess. 23. c. 1. §. *eadem omnino de reform.* Inter hos *Vicarios & Cooperatores*, quos Parochi sibi assumunt in auxilium exercendæ animarum curæ discrimen est statuendum, cum Cooperatores jurisdictionem solum habeant delegatam, adeoque non amplius delegabilem; Vicarii etiam temporales quasi Ordinariam.

T I T U L U S XXIX.

De Officio & potestate judicis delegati.

Quest. 1. *Quis sit judex delegatus?* Resp. 1. Cum *delegare* in genere non sit aliud, quam alium in locum suum substituere; hinc *judex delegatus* est, qui non ex munere proprio, sed ex commissione vel ipsius juris, vel alterius hominis propriam & ordinariam jurisdictionem habentis, immediate vel mediate facta, adeoque alterius vice & autoritate jurisdictionem ab ipso derivatam & distinctam exercet. Pirh. *b. t. n.* 1. ex qua definitione patet, judicem delegatum ab *Ordinario*, ab *arbitro Compromissario* & *mero Executore*: item a *Vicario Generali* differre.

Q. 2. *Quotuplex sit judex delegatus?* Resp. 1. *Varia sunt genera delegatorum*; Alii sunt delegati a *Jure*:
Sic

Sic Episcopi censentur delegati, quibus jus jurisdictionem in exemptos concessit delegatione *clausa in Corpore juris*, uti in c. 13. §. *ceterum de off. Ord. Clem. un. de suppl. negl. Præb. Trid. sess. 5. c. 2. de reform. sess. 6. c. 2. de reform. &c.* ubi notandum, si Episcopo conceditur a jure facultas v. gr. contra exemptos procedendi cum clausula; *Autoritate Apostolica, vel tanquam Sedis Apostolicæ delegato*; jurisdictione non ordinaria sed delegata utetur, quia hoc casu jurisdictione illi competit ex speciali commissione; uti patet clarissime ex c. un. §. *fin. de statu Regul. in 6. Clem. cit. &c.* adeoque ab eo ad Pontificem delegantem appellabitur, nec jurisdictione hæc Sede vacante ad capitulum transibit. Si additur clausula *Ly etiam* v. g. ut procedere possit *etiam tanquam Sedis Apost. delegatus*, uti in Trid. sess. 6. c. 4. sess. 22. c. 10. de ref. poterit uti vel ordinaria vel delegata potestate. Si removen- tur in concessione jurisdictionis tantum obstacula, v. g. dum dicitur *non obstantibus privilegiis*, censetur revocatis privilegiis jurisdictione ordinaria excitata. Si Episcopis conceditur specialis potestas v. g. absolvendi aut dispensandi sine clausula adjunctione, uti Trid. sess. 24. c. 6. de ref. censetur talis potestas eis concessa speciali jure ordinario.

Alii sunt delegati *ab homine*, seu *judice Ordinario*, quorum jurisdictione *regulariter* non prius arctat citatum, quam si iudex delegatus citans copiam saltem authenticam commissionis suæ citato transmiserit; quia esse delegatum est quid facti; ut inferius.

Alii sunt delegati *universales seu ad universitatem causarum*, quales sunt; quibus non una vel altera, aut etiam plures particulares causæ, sed omnes vel saltem in certo genere subalterno; v. g. decimarum, matrimonii, mutui sunt commissæ, quamvis ad certum tantum tempus, locum, quantitatem; & hi dicuntur proprie habere *mandatam jurisdictionem* in pluribus diversam a *jurisdictione delegata*, quippe mandatam jurisdictionem habens in multis æquiparatur iudici Ordinario, &c. vide Eng. b. n. 3. & tit. 31. de off. jud. Ord. n. 2.

Alii sunt delegati *speciales, vel ad certas causas*, quibus una tantum vel plures etiam sed certo numero; aut inter certas personas motæ causæ committuntur; de quibus hic potissimum agitur.

Alii

Alii sunt delegati *ratione dignitatis* v. g. dum fide-
legatio Episcopo vel Abbati certi loci non expresse no-
mine; *ratione personæ* dum nomen proprium personæ
delegatæ exprimitur. Alii *delegati*, quibus primum ju-
risdictio delegata, alii *subdelegati* dicuntur, qui a dele-
gatis iterum delegantur.

Quest. 3. Quinam delegare vel subdelegare possint?

Resp. ad 1. Regulariter omnis iudex Ordinarius, licet
non sit ex majoribus. L. 5. 15. 17. ff. de *jurisdic. c. 7.*
de off. jud. Ord. in 6. ubi *per se vel per alium.*

Resp. ad 2. Delegatus Papæ vel alterius supremi Prin-
cipis etiam subdelegare potest, c. 3. 28. & *fin. h. t. L.*
5. C. de *judic. L. un. y. hec tenent. C. qui pro sua*
jurisdic. idque ob eminentiam potestatis Principis, quem
ab hoc delegatus representat. Engel. h. num. 8. iudi-
cat talem Papæ delegatum causam iustam ad hoc, ut
subdelegare possit, debere habere tum ob c. 3. h. t. &
L. 2. C. de *pedan. judic. tum quod non videatur con-*
veniens, munus a Principe delatum recusare. Alii qui
simpliciter procedunt, excipiunt 1. Si electa industria
personæ delegatæ; de quo vide c. *fin. h. t. & c. 12. cod.*
in 6. 2. Si cuiuspiam non iurisdictio sed nudum ministe-
rium sit commissum, quia hoc casu plus operatur in-
dustria, experientia auctoritas personæ, cap. *fin. h. t.*
§. cæterum.

Resp. 3. Delegatus ab inferiore iudice Ordinario v.
g. ab Episcopo regulariter subdelegare non potest, cap.
26. in *fin. de appell. L. 5. C. de jud. L. 5. ff. de jurif-*
dict. ratio, quia delegatus plerumque tantum accipit
potestatem exercendi iurisdictionem non vero illam al-
teri committendi, ergo. Potest nihilominus talis dele-
gatus subdelegare, si sit delegatus ad universitatem cau-
sarum, Pirh. h. num. 22. Deinde si delegato etiam non
universali concessum id est expresse vel tacite: quia
tum non suo sed delegantis nomine causam committit,
Demum si id, quod committitur, non sit vel tota cau-
sa vel ejus pars, seu articulus ejus jurisdictionalis, qua-
lis dicitur, ad quem cognitio causæ requiritur, v. g.
contestatio litis, sed si sit articulus non judicialis vel
nudum continens misterium aut executionem. Arg. c.
27. y. nos autem h. t.

P. Adami Huth.

G

Quæst.

Quest. 4. Quinam possint esse judices delegati? Resp. Omnes, qui non prohibentur; a natura autem sive ob defectum naturæ prohibentur amentes, infantes, impuberes, *can. infamis §. tria caus. 3. q. 7.* Deinde *Lege vel Canone* Minores 20. annis, qui tamen si 18. annum exceßerint scienter constituyente eos Principe; vel paribus in ipsos consentientibus, judices delegati esse possunt, *c. 41. b. t. L. 47. ff. de re judic. in causa spirituali & Ecclesiastica prohibentur Laici per cap. 2. de judic. de infamibus constat ex c. 47. §. nec tamen de test. & attest. de excommunicatis ex c. 24. de re jud.* Delegatus Sedis Apostolicæ & Legatorum ejus, ut quis de jure esse possit, constitutus esse debet in dignitate Ecclesiastica, *c. 11. de rescr. in 6.* Ceterum ut superior vel iudex Ordinarius causas suas deleget Titio, non requiritur, ut hic quoad personam suam subjectus sit jurisdictioni delegantis, *L. unic. C. qui pro sua jurisd.* ubi solum requiritur, ut causa ad jurisdictionem delegantis spectet.

Q. 5. An pluribus eadem causa delegari possit, & quomodo tunc procedendum? Resp. Affir. *c. 16. b. t. & si in solidum vel divisim fuerit delegata, v. gr. ut omnes, aut duo, aut etiam unus procedat, locus est præventioni, ita ut si unus processum inchoavit, alii nec licite nec valide possint in ea causa procedere, c. 8. b. t. in 6.* Si simpliciter, unus sine altero procedere aut sententiam ferre non potest, & *c. c. 16. cit. c. 21. princ. b. t. L. 39. ff. de re jud. in quo notabilis est differentia inter delegatos & Arbitros, vide Pirh. n. 35. Tit. de Arbitris.*

Q. 6. Quæ causæ delegari possint? Resp. Omnes illæ regulariter, quæ ad jurisdictionem delegantis ordinariam spectant, *L. un. C. qui pro sua jurisd.* etiam causæ appellationis saltem de jure Can. *c. 11. in princ. de off. Ord.* licet non sit supremus iudex, *c. 5. de off. Ord.* etiam actus Ordinis, modo is, cui delegantur, habeat competentem Ordinem. V. Schmalzgr. *b. t. n. 19.* etiam de consuetud. saltem, imperium merum, & mixtum Pirh. citans Vvesembach. *in Parasit. ff. de off. ejus, cui mand.*

Q. 7. In quo consistat officium judicis delegati? Resp. Officium, id est; illud quod debet & tenetur facere delegatus (cum potestas denotet, quid ratione delegationis facere

facere possit) consistit in *seq.* 1. Expectare debet donec presentata sibi sint litteræ delegationis *c. 12. in fin. de appel.* ratio, quia jurisdictio non acquiritur, nisi scienti & acceptanti. 2. Tenetur, si litigantes petant, authentice suam delegationem probare vel ostensis literis, si sit delegatus Principis, *L. 1. C. de mandat. Princ.* vel etiam per testes, si sit delegatus inferioris, *c. 24. de rescript.* ratio, quia facta non presumuntur. *L. 10. C. de non num. pec.* sed delegatio est quid facti, ergo. 3. Accurate observare debet formam in delegationis rescripto sibi præscriptam, *L. 5. in prin. ff. mandat. c. 22. de rescr.* alias acta erunt irrita *c. 32. & 37. b. t.* nisi vel ex subiecta materia, stylo aut praxi colligatur formam non esse substantialem; vel nisi forma præscripta sit etiam de jure communi non substantialis sed accidentalis, quia tum se habet tantum per modum commonitionis & instructionis; vel nisi partes favori per formam præscriptam sibi quæsito ultro renuntient, v. g. designato loco vel tempore per rescriptum. 4. Admittere debet necessarias probationes & rationabiles exceptiones; frivolas rejicere, *c. 13. b. t.* Demum etiam legitimæ appellationi deferre. Ratio, quia & hæc est sui defensio in innocentie subsidium comparata, *c. 61. §. porro de appell.*

Q. 8. Quæ sit potestas judicis delegati? Resp. Universaliter loquendo metienda hæc est ex potestate delegantis & mandato concessio. Ratio; quia delegatus gerit vices delegantis; potestque delegatus ea omnia, sine quibus causam sibi commissam nequit expedire, etsi mentio de iis in mandato delegationis facta non sit, *c. 5. 7. b. t.* & de subdelegato *c. 29. cod.* Ratio; quia qui fidem committit, etiam media necessaria censetur commississe. In specie 1. potest citare partes & contumaces ad id compellere *c. 4. §. fin. & c. seq. b. t.* 2. Impedientes vel malitiose retardantes coercere; *c. 1. b. t.* etiam per censuras, si sit delegatus Papæ: ubi tamen se opponeret Episcopus, moderatio adhibenda juxta *c. 11. & 28. b. t.* 3. Spoliatum restituere in possessionem, *c. 10. b. t.* 4. Non tantum delegatus a Papa vel Principe potest latam a se sententiam exequi, *c. 7. b. t.* sed delegatus ab inferiore judice, modo sibi delegans executionem expresse non reservaverit. Ratio, quia in commissione absolute facta

consentur omnia commissa : quæ ad causam expediendam & ad effectum ultimum perducendam requiruntur, &c.

Q. 9. Quot modis cesset officium & potestas judicis delegati? Resp. Pluribus 1. *Morte delegantis*, si res adhuc sit integra, h. e. si judicium nondum ceptum, cap. 20. & 30. b. t. l. 6. ff. de jurisd. 2. *Revocatione tacita vel expressa a delegante facta* l. 58. ff. de jud. etiam si res non sit amplius integra. Viestn. b. n. 76. ubi tamen discrimen faciendum inter primum delegantem & subdelegantem. 3. *Morte ipsius delegati* c. 14. & 42. b. t. tam re non amplius integra per c. 14. cit. quam integra, & hoc casu ita, ut si plures simpliciter delegati sint unius obitu reliquorum etiam officium expiret, c. 30. & 42. b. t. & hæc expiratio morte delegati contingit, si delegatio facta sit personæ, non si dignitati c. 14. 4. *Finito quomodocumque negotio* v. g. per transactionem, compositionem, acceptilationem, & maxime per latam sententiam & executioni datam, vel alteri demandatam, c. 9. b. t. modo sententia non fuerit nulla alio ex capite, quam ob non servatam formam mandati; quia tunc delegatus munere suo est functus, licet male. 5. *Lapsu temporis ad delegationem expediendam præfixi*, nisi consensu partium prorogetur, c. 4. & 24. b. t. & l. 2. §. 2. ff. de jud. 6. *Recusatione suspecti* c. 17. & 25. b. t. Schmalzg. b. n. 43. Hic spectant ea, quæ quidam de *Conservatoribus* tractare solent.

T I T U L U S XXX.

De officio Legati.

Q. Uæst. 1. Legati qui dicantur? Resp. Legatus in genere est, qui auctoritate sui Principis mittitur: qui si a Principe vel Ecclesiastico vel sæculari mittitur ad deferenda mandata, expedienda negotia, celebrandos contractus, ineundum fœdus &c. dicitur *Orator*. Si cum jurisdictione seu ut iudex ad gubernandam loco Principalis Provinciam, *iudex legatus*. Vide *cor. tit. ff. de off. Procons. & legat. & cap. 2. b. t. in 6.* Nobis in hoc titulo sermo est de Legatis iudicibus Sedis

dis Apostolicæ, quasi mediis inter iudicem Ordinarium & delegatum: quorum alii dicuntur *Legati nati*, qui Prælatuæ suæ seu dignitati Ecclesiasticæ legationis munus perpetuo annexum habent, qualis olim erat Archiepiscopus Magdeburgensis, hodie Salisburgensis in Germania, Toletanus in Hispania, &c. Alii *Legati missi* simpliciter, seu sic dicti *Nuntii Apostolici*, qui quandoque cum potestate *Legati de latere* mittuntur: resident tales Nuntii in Germania plerumque Viennæ, Coloniæ, in Polonia, Gallia, Hispania. Alii denique *Legati de latere*, quales ex usu Curie non sunt nisi Cardinales, dum ad unam vel plures Provincias ad munus Legatorum ibi gerendum mittuntur, sic dicti, quia quasi a latere Papæ, quo cum unum corpus efficiunt, & cui assistunt, desumuntur. Huc spectant Nuntii Apostolici olim *Apocrisarii*, h. e. responsales seu responsarii dicti, de quibus Thomas, *de vet. & nov. Eccles. discipl. p. 1. l. 2. c. 108. a n. 6.*

Q. 2. In quo conveniant Legati Pontificii; sive, quæ sit potestas & jurisdictio omnibus Apostolicis Legatis communis? Resp. Præterquam quod in genere illorum officii sit, exercere loco Pontificis *Ordinariam* in Provincias & fideles sibi commissos jurisdictionem; in specie potest & debet quilibet Legatus 1. Reformare mores, & corrigere vitia etiam Episcoporum, & Archiepiscopi suæ Provinciæ. 2. Potest condere statuta, etiam morte sua vel discessu non expiratura, *ca. fin. h. t. 3.* Causas Provincialium ad se devolutas vel per se cognoscere vel delegare: Vide *c. 1. h. t. 4.* Examen instituere super causa electionis Episcopi, illudque Romanam transmittere: 5. Potest & debet conservare Principes & populos in fide & affectione erga Sedem Apostolicam, Constitutiones Pontificias in usum deducere, aut cur non id fieri possit, Pontificem edocere. 6. Potest omnia *regulariter*, quæ Ordinarius suæ diocesis, imo quæ ipse S. Pontifex, nisi quæ specialiter huic in signum prærogativæ reservata sunt: uti non potest Legatus vi generalis mandati transferre Episcopos, *cap. 3. h. t.* non unire Episcopatus aut dividere, *c. 4. h. t.* non causam alteri delegatam ad se trahere, *cap. 2. h. t.* non se intromittere in causa ad examen Sedis Apostolicæ

translata, c. 5. h. t. non adiri in prima instantia, nisi pro causis ei specialiter delegatis. Trid. sess. 24. c. 20. de reform.

Q. 3. *Quæ sit potestas & prærogativa Legati a latere?*

Resp. 1. Hic non tantum simpliciter ordinariam jurisdictionem habet, sed & in exemptos, Gloss. in c. 1. h. t. quorum electiones confirmat de jure communi, ca. 36. §. hujusmodi, de elect. in 6. 2. De eodem jure communi concurret cum Ordinario in collatione beneficiorum, c. 1. & 6. h. t. in 6. reservat beneficia nondum vacantia cum limitatione c. 3. h. t. in 6. præscripta. Verum hodie post Trid. sess. 24. c. 19. de ref. collationi suæ reservare beneficia non potest; & in Germania ob Concordata neque concurrere in collatione beneficiorum, neque electiones Archi-Episcoporum, Episcoporum &c. potest confirmare: quod a potiori etiam non possunt alii. 3. Legatus a latere a die egressus ex Urbe potest absolvere quoscumque & undecunque venientes percussores Clericorum ab excommunicatione; arg. c. 4. & 9. h. t. 4. Circa dispensationes, v. g. in matrimonii habet concurrentem jurisdictionem cum quolibet Ordinario; in gradibus tamen prohibitis consanguinitatis & affinitatis sine speciali Pontificis concessione non dispensat. 5. Præsentem Legato a latere aliorum Legatorum jurisdictionis suspenditur, c. 8. h. t. illique competunt splendidiora insignia, de quibus dicitur in c. 23. de priv. &c. 6. Legato a Latere asserenti Legatum se esse, creditur quia Cardinales alio, quam Legationis titulo a curia mitti non solent; non autem creditur aliis Legatis, nisi ostensis literis Papalibus, c. 31. de offic. del.

Q. 4. *Quæ potestas competat Legato misso, five Nuntio Apostolico?* Resp. 1. Desumenda est hæc potissimum ex literis Legationis, de Jure communi etiam aliam potestatem non habet; quam quod sit Ordinarius Provinciæ suæ c. 2. h. t. in 6. eaque possit, quæ Legatis omnibus sunt communia. In exemptos itaque se non extendit jurisdictionis Legati missi, nec ultra Provinciam, in qua tamen existens subditos suæ Provinciæ ab excommunicatione Canonis ob percussorem Clerici potest absolvere, c. 9. h. t.

Resp. 2. Nuntius Apostolicus missus cum potestate
Legat.

Legati a Latere, quæ clausula subinde addi solet, vi hujus potestatem ceteris Legatis missis majorem non habet, nisi quantum ipsi a Pontifice speciali mandato concessum. Ratio sumitur a paritate cum Vicario Episcopi, qui licet constitutus sit cum hac clausula, *ut omnia possit, quæ potest Episcopus*, non tamen potest alia, nisi quæ speciali mandato non egent.

Q. 5. Quæ sit potestas Legati nati? Resp. Alia non est de jure communi, nisi quanta Archi-Episcopi, cujus officio annexa est Legatio perpetua: ex privilegio tamen speciali major plerumque ipsis potestas competit, prout testatur Engel *b. n. 10. de Archi-Episcopo Salisburgenſi* ubi simul ait, correctum esse *c. 1. b. t. per Trid. sess. 24. de ref. c. 20.*

Q. 6. Qualiter finiatur officium Legati? Resp. 1. Legati nati officium non finitur, nisi dimissa aut amissa dignitate, cui est annexum. *Gloss. in c. 3. V. finitur; b. t. in 6.*

Resp. 2. Aliorum Legatorum officium expirat 1. Lapsu temporis præfixi, at causa vel negotio finito, arg. *c. 4. de off. deleg. 2. Translatione negotii ad Papam per relationem vel appellationem, c. 5. b. t. 3. Revocatione expressa Legati per Papam; postquam hæc Legato innotuit, & probabiliter primum postquam egressus est e Provincia, ad quam fuit missus arg. L. 3. ff. de off. Præsid. 4. Egressus spontanee e Provincia, animo non redeundi, *c. fin. b. t. 5. Morte ipsius Legati, non tamen morte S. Pontificis; etiamsi Legatus nondum inceperit uti jurisdictione, neque Provinciam sibi commissam fuerit ingressus ante obitum Papæ, modo tamen datus sit vel simpliciter vel tamquam Sedis Apostolicæ Legatus c. 2. b. t. in 6.**

T I T U L U S XXXI.

De Officio judicis Ordinarii.

Q.uest. 1. Quid sit jurisdictio in genere, & quotuplex?
Resp. ad 1. Est potestas alicujus auctoritatem & eminentiam habentis super alios ex munere publico ad eorum regimen & gubernationem. Per verba,

ex munere publico, distinguitur a potestate economica patris in filium, mariti in uxorem.

Resp. ad 2. Alia est *Ecclesiastica* circa causas ad Dei cultum & salutem animarum pertinentes versans: alia *Politica*; Ecclesiastica alia fori *interni*, alia *externi*. 2. Dividitur jurisdictio in genere in *voluntariam*, quæ in volentes exercetur, & *contentiosam*. Item in *personalem* quæ personæ, & *realem*, quæ rei vel loco cuidam v. g. castro, territorio perpetuo inhaeret; in *separatam*, & *concurrentem*, & *communem*; in *Ordinariam*, quæ jure & nomine proprio, & in *delegatam*, quæ nomine & beneficio alterius, sive juris, sive hominis exercetur. It. in *jurisdictionem simplicem*, quæ mercenario judicis officio exercetur, & est potestas præcise jus dicendi in causis civilibus absque coercitione, jussione, & jure exequendi sententiam. Et in *Imperium*, quod officio judicis nobili exercetur, principaliter scil. per jussione & coercitionem; aliud est *merum*, sive potestas gladii animadvertendi in facinorosos. L. 3. ff. de *jurisd.* Practici vocant *jurisdictionem altam* vel *judicium sanguinis*. Alii definiunt *imperium merum*, quod sit jurisdictio, quæ exercetur officio judicis nobili, utilitatem publicam respiciente. Aliud *mixtum* vel *jurisdictio Bassa*, aut *Vegteia*, estque Imperium conjunctum cum jurisdictione simplici, & consistit principaliter vel in jussione, vel in coercitione, in ordine ad causas Civiles dirimendas. Vel definitur sic: Imperium *mixtum* est jurisdictio, quæ exercetur nobili judicis officio, privatam utilitatem respiciente. Actus meri Imperii & mixti variis ab Aut. recensentur, qui plerumque contra Zoef. affirmant; de jure etiam Canonico dari merum Imperium.

Q. 2. Quot modis acquiratur jurisdictio Ordinaria & amittatur? Resp. ad 1. Tribus modis scilicet. a Principe supremo, qualis est Pontifex, qui constituit regulariter Primates, Archi-Episcopos, Episcopos &c. Imperator aut Rex in suo Regno: ex Privilegio competit inferioribus Principibus potestas constituendi judices Ordinarios. Deinde a Lege seu Canone acquirunt jurisditionem, illi, qui secundum præscriptum Legis aut Canonis ab homine publicam potestatem habente constituuntur,

tur, qualis est Vicarius Episcopi & Capituli, Archidiaconus &c. *Demum ex consuetudine legitime præscripta l. 3. ff. de jurisd. & c. 13. in fine de for. compet. idque vel privative excluso quocumque alio, vel cumulative, ut locus sit præventioni: sive sit jurisdictio simplex, sive merum aut mixtum imperium. Engel de off. jud. n. 23.*

Resp. ad 2. Jurisdictio Ordinaria finitur lapsu temporis; morte ejus, cui data; resignatione; depositione ab officio; translatione; non morte dantis, etiam re integra. *c. 2. de off. Legat. in 6. l. 6. ff. de jurisd. excipitur specialiter Vicarius Generalis Episcopi.*

Quæst. 3. Quis dicatur judex Ordinarius, & quinam veniant nomine Ordinarii? Resp. 1. Qui vi officii vel Magistratus, quem gerit, adeoque jure suo proprio jurisdictionem exercet. *L. 5. ff. de jurisd.*

Resp. 2. Nomine Ordinarii veniunt *seqq.* Papa *c. fin. de for. comp.* Cardinales, etiam non Episcopi *c. 11. de majorit. & obed. Legati Apostolici; de quibus supra Patriarchæ, Primates, Archi-Episcopi, Episcopi nomine Ordinarii simpliciter prolato veniunt pro sua quisque provincia vel diœcesi. Capitulum Sede vacante c. 14. de Major. & obed.* Vicarius Generalis Episcopi absolute est & dicitur Ordinarius, quia ejus jurisdictio ordinaria est, ut supra. It. Prælati quicumque inferiores habentes jurisdictionem ordinariam. *Demum Paroehi Pirh. b. t. sess. 5.*

Qu. 4. Quæ sit jurisdictio & potestas Papæ, & quid vi illius possit? Resp. 1. Triplex est jurisdictio Papæ, prout triplicem Personam repræsentat, scil. Principis sæcularis, Episcopi Romani, summi Pontificis seu Episcopi Ecclesiæ universalis; cujus postremo hoc modo spectati duplex iterum potestas est, una Ordinaria, quæ sequitur ordinem juris communis; alia absoluta & suprema, secundum quam intelligitur esse supra omne jus positivum humanum, & vocatur plenitudo potestatis. *c. 4. de concess. præb.* 2. Papatus est juris divini, sive non tantum D. Petrus constitutus est a Christo supremum Ecclesiæ caput, ut patet ex Matth. 16. *Tu es Petrus, & super banc petram &c. Joan. 20. & 21. ss. PP. CC.* sed etiam habuit in primatu Successores. Ratio, quia
Chri-

Christus voluit Ecclesiam suam durare perpetuo & usque ad finem mundi, ergo & voluit eam semper supremum habere pastorem, sine quo consistere non potest. 3. Successores Petri sunt iidem, qui sunt in Episcopatu Romano. Desumitur ex testimonio Pontificum in 3. primis sæculis ex 4. primis CC. generalibus & ss. PP. 4. Exinde deducitur, quò se extendat potestas clavium, sive quæ est ad ligandum & solvendum: jurisdictio Pontificia, in quantum est judicaria quoad forum externum; in quantum legislativa; it. in materia beneficiaria &c. 5. In specie S. Pontifex ut Pastor universalis & definiens e Cathedra (id est, dum utitur potestate, quam habet, docendi universam Ecclesiam, definitque aliquid, & ad recipiendam definitionem obligat universos fideles, utpote ad definitionem infallibilem & fide dignam) summus, inquam, Pontifex taliter loquens est infallibilis iudex controversiarum fidei. Ratio, quia est legitimus successor Petri, ergo sicut Petro promissa & collata est infallibilitas in docenda & gubernanda Ecclesia, sic & Pontifici. It. Sicut Petro ea data est seorsim ab Apostolis reliquis, sic & Pontifici. *Deinde.* Est infallibilis iudex in Decretis morum, ita ut quæ tanquam honesta vel inhonesta, licita vel illicita præcipit, nulli sint errori obnoxia, patet ex cit. text. & ratione, quia cum sit infallibilis in decretis fidei propter assistentiam Spiritus sancti, ergo ob eandem est infallibilis in decretis morum, cum æque repugnet Spiritui S. suggerere inhonestum; ac falsum. *Demum* infallibilitas pontificis ex iisdem rationibus extendi debet ad canonizationem Sanctorum & approbationem Religionum. Ait Engel in tit. de major. & obed. n. 11. de donatione Constantini Sylvestro Papæ facta, quæ huc referre possent.

Q. 5. Quæ sit potestas & officium S. R. E. Cardinalium? Resp. 1. Cardinales, quasi *cardines* Ecclesiæ dicti, sunt præcipui Papæ Consiliarii. *Officium* eorum semper fuit in Ecclesia: *nomen* ante tempora S. Sylvestri non extitit: *dignitas* olim erat minor Episcopali; postea vel a Bonifacio VIII. vel a Clemente V. supra Episcopos, aliosque Prælatos erecti sunt; in cuius eminentiæ signum Urbanus VIII. titulum *Eminentissimi* illis adjecit. 2. Tres sunt gradus Cardinalium, scil. Episcoporum,

Pre-

Presbyterorum, & Diaconorum; qui tamen omnes in Ecclesiis sui tituli obtinent jurisdictionem quasi Episcopalem, etiam si tantum Diaconi sint. *c. 11. de major.* & si Sacerdotes sint, Minores insuper conferre possunt. 3. *Respectu Ecclesie universalis* assistunt Pontifici Consilio & auxilio: in schismate, dum duo in discordia electi de Pontificatu contendunt, & nescitur, quis sit verus Pontifex, Concilium cogere possunt, cujus auctoritate de Capite Ecclesie provideatur. Pater Exemplo Conc. Constantien. Sede Pontificia vacante non transit ad ipsos jurisdictione Papalis *c. 3. de elect. in 6. Clem. 2. eod.* quæ tamen ad electionem Papæ & tuitionem Ecclesie spectant, & debent & possunt facere. Azor ait, Cardinalem a Papa electum & assumptum; licet necdum consecutus sit insignia Cardinalatus; habere jus ferendi suffragii in electione Pontificis, eo quod hoc ipso, quo creatus est Cardinalis, omnem nanciscatur potestatem administrandi officium.

Quest. 6. Quæ jurisdictione & potestas Patriarcharum. Primatum, Archi-Episcoporum? Resp. 1. Patriarche dicuntur illi Prælati, qui non unius tantum provincie, sed totius Regni vel Imperii aut partis mundi Episcopis, & ipsis etiam Archi-Episcopis sunt præpositi. Alii sunt *Majores* scil. *Romanus* (qui simul Papa, simul Basilicæ Lateranensis Patriarcha) *Constantinopolitanus*, *Alexandrinus*, *Antiochenus*, *Hierosolymitanus*. Alii sunt *Minores*, scil. *Patriarcha Aquileensis*, *Venetus*, *Æthiopie*, *Indiarum*, qui tamen nonnisi nomine discrepant a Primatibus, Patriarcharum Majorum magna olim erat potestas, hodie cum Provincie 4. posteriorum ab infidelibus occupentur, nomen & dignitas in Ecclesia mansit, jurisdictione cessavit.

Resp. 2. *Primates* sunt quidam Archi-Episcopi potentiores, & qui majores metropoles regunt, ut in Hispania Toletanus, in Germania olim Magdeburgensis, hodie Salisburgensis, &c. Olim erant iudices Ordinarii etiam in Criminalibus per *c. 9. b. t.* Archi-Episcoporum & Episcoporum sui districtus; hodie Jure Trid. sess. 24. *c. 5. de reform.* causæ Criminales majorum Episcoporum & Archi-Episcoporum ad S. Pontificem, minores ad Conc. Provinciale vel ab illo deputandos spectant. In Causis Civi-

Civilibus manet ipsis saluum jus: sic testatur Laym. in c. 41. de elect. n. 6. in fin. reperiri in Salisburg. provincia Episcopatus ita subiectos Archi-Episcopo Salisburgensi, ut eorum Episcopi a suis Capitulis electi ab illo teneantur petere confirmationem: Sic devolutionem fieri beneficiorum ob negligentiam in iis conferendis ab Archi-Episcopis commissam, asserit Pirh. tit. de conc. præb. n. 34. &c.

Resp. 3. *Archi-Episcopi* dicuntur illi Prælati Ordinis Episcopalis, qui alicujus provinciae Episcopis omnibus præsent: alio nomine vocantur *Metropolitani*. 2. Obti-
nient triplicem potestatem: *prima* illis competit respectu suæ diœcesis, in qua habent ea jura, quæ quilibet Episcopus: *secunda* respectu Episcoporum Provinciae suæ, quos *Suffraganeos* Archi-Episcoporum vocamus, & in quos jurisdictionem habent ordinariam. c. 6. caus. 10. q. 3. 11. in princ. b. t. vi. hujus confirmant electiones Suffraganeorum suorum, non specialiter, ut in Germania, paucis exceptis, Papæ reservatas: de jure communi eosdem consecrant: præcipiunt ea Suffraganeis, eorumque Vicariis, quæ ad officium illorum spectant: causas eorum *Civiles* cognoscunt & terminant. *Tertia* Potestas & jurisdic-tio competit Archi-Episcopis in subditos suorum Suffraganeorum, quam tamen exercere immediate non possunt extra casus jure permisos. c. 7. caus. 9. q. 3. c. 11. b. t. c. 1. eod. in 6. capitula, in quibus casus expressi sunt, allegavi. tit. 10. supr. q. 2.

Quæst. 7. Quid sit officium & potestas Episcoporum?

Resp. 1. *Episcopus* est Prælatus, qui in certo alicujus Provinciae districtu præest Clero & populo, imo Principibus & Regibus quoad curam animarum & disciplinam Ecclesiasticam, speciali charactere insignitus. c. 16. b. t. c. 7. eod. in 6. 2. Officium Episcopi explicatur. Act. 20. c. 15. b. t. Trid. sess. 5. c. 2. de reform. 3. Potestas ejus duplex est, altera *Ordinis*, quam habet ratione characteris ad confirmandum, Ordinandum, consecrandum; altera *jurisdictionis*, quam habet ut judex Ordinarius & pastor Ecclesiae suæ. Hæc potestas jurisdictionis Episcopalis immediate Episcopis datur ab Ecclesia, seu Roman. Pont. c. 1. dist. 22. c. 18. caus. 24. qu. 1. Deinde si hæc potestas esset immediate a Christo data, non posset

posset Episcopis auferri ab Ecclesia vel Rom. Pontifice, quod tamen per excommunicationem, degradationem, depositionem fieri potest. 4. Interpretes potestatem Episcopi dividunt in eam, quam *Legem jurisdictionis*, & in eam, quam vocant *Legem diocesanam*. Ad *Legem jurisdictionis* referunt omnia, quæ ex parte Episcopi consistunt, in dando & faciendo, siue sunt actus Ordinis, siue strictæ jurisdictionis; potestque Episcopus vi hujus omnia in sua diocesi, quæ Pontifex per totam Ecclesiam, iis tamen exceptis, quæ Pontifex sibi reservavit, & quæ sunt juris communis. c. 1. & fin. de Off. Archiep. c. 16. h. t. In jure tamen communi possunt aliqua Episcopi interdum ex consuetudine, alias per epikiam, nonnunquam etiam tacito vel expresso Pontificis consensu. Quæ in specie vi Legis jurisdictionalis possunt Episcopi, habentur. c. 14. 15. & 16. h. t. c. 6. de sent. excom. in 6. c. 14. de penit. & remiss. Trident. sess. 22. c. 8. & sess. 24. c. 3. & 4. de reform. 5. Ad *Legem Diocesanam* referunt omnia, quæ ex parte Episcopi consistunt in recipiendo: vi Legis hujus juxta c. 26. h. t. Episcopus ab Ecclesiis & Clericis sibi subiectis exigere potest *Cathedraticum*, *Synodaticum*, *subsidium charitativum*, *quartam decimationum*, *quartam mortuorum*, *procuraciones*. 6. Jure extraordinario & delegato in multis casibus Episcopus jurisdictionem obtinet in exemptos. Videatur Trident. sess. 4. in decret. de edit. & usu sac. lib. sess. 5. c. 1. & in Monasteriis & c. 21. de ref. sess. 6. c. 3. & 7. c. 14. de ref. sess. 22. in decret. de observ. in celeb. missar. sess. 23. c. 15. de refor. sess. 24. c. 1. de ref. matrim. & præcipue sess. 25. c. 4. 5. 12. 13. 14. 16. de regul. & c. Vide etiam dicta supra ad Tit. 29. Q. 2.

Qu. 8. *Quæ sit potestas Prælatorum Episcopo inferiorum?* Resp. 1. Prælati Regulares (quales sunt *Abbat*es, & quo reducuntur *Generales*, *Provinciales*, *Superiores locales*) in suos subditos Religiosos non potestatem tantum *denominativam* habent, id est, jus quoddam ratione voti obedientiæ competens ad imperandum Religiosis subditis, & utendum eorum operibus, prout ad regularem disciplinam est conveniens; sed habent insuper jurisdictionem ordinariam quasi-Episcopalem tam in foro

foro in-quam externo, c. 2. de sent. excom. Hæc procedunt, siue tales Prælati sint exempti, nec ne Pirh. b. nu. 125. De Abbatissis aliter loquendum, utpote quæ jurisdictionis propriæ spiritualis, descendens a potestate clavium, prorsus sunt incapaces.

Qu. 9. Quæ sit potestas & officium Parochi? Resp. 1. Parochus tantum habet de jure communi jurisdictionem, ordinariam tamen, in foro interno, qua potest Parochianos suos, vagos item & peregrinos ad se accedentes absolvere ab omnibus non reservatis. Non autem in foro externo; adeoque nec in LL. & præceptis Ecclesiasticis, nec in votis aut juramentis potest dispensare, est comm. cum glos. inc. 38. caus. 11. qu. 1. & arg. Trid. sess. 23. c. 15. de ref. 2. Ad officium Parochi spectat emitte re professionem fidei intra duos menses ab adepta Parochia juxta Trid. sess. 24. c. 12. de ref. Singulis dominicis & festis vel per se vel per alios, Parochianos suos in rebus divinis instruere. Trid. sess. 5. c. 2. de ref. & sess. 24. c. 4. de refor. iisdemque ad minimum diebus hora competenti celebrare missam. c. 2. de Paroch. Extrav. 2. de Treug. administrare Sacramenta, quotiescunque rationabiliter petitur Barb. de off. & pot. Paroch. p. 2. c. 19. n. 8. & c. 20. n. 13. & seq. 3. Regulares quam habeant potestatem administrandi Sacramenta, prædicandi Verbum Dei, &c. colligendum ex privilegiis cuique Ordini concessis; ubi tamen notant DD. Constitutionem Clem. 1. de priv. qua Religiosis etiam Mendicantibus prohibetur sub excommunicatione latæ sententiæ, ne absque licentia Parochi vel Episcopi Sacramenta Eucharistiæ & extremæ Unctionis (extra casum extremæ necessitatis) moribundis ministrent, adhuc hodie observandam.

T I T U L U S XXXII

De Offitio Judicis.

Quæst. 1. Quis dicatur judex, & quis judex esse possit? Resp. ad 1. Est persona legitima, quæ publicam potestatem habet cognoscendi de litigantium controversiis, & secundum præscripta Legum, loco-

locorumque consuetudinem de iisdem pronuntiandi. Alius est *jurisdictionis*, qui jurisdictionem obtinet; alius *Notionalis sive Pedaneus*, qui nulli jurisdictioni præest, sed nudam notionem seu facultatem cognoscendi, mentemque suam aperiendi obtinet. arg. *L. 3. ff. de jurisd.* Ex usu recessit mos iudices pedaneos constituendi; vicini iis sunt *Commissarii* in foro sæculari, *Auditores* in Ecclesiastico constitui soliti.

Resp. ad 1. Omnis, qui non prohibetur; quinam autem prohibeantur, dictum est supra ad *Tit. 29. Q. 4.* quibus adde, quod iudices esse non possint *servi*, ratione quorum tamen notanda *Lex Barbarius. 3. ff. de off. Prat. Femina*, illustribus exceptis. *Senatu moti* ob turpem causam. *L. 12. §. 2. ff. de jud.* Minores 25. annis iudices Ordinarii per *L. 41. ff. de recept. minores 20. annis*, cum limitatione tamen, iudices delegati esse prohibentur. *c. 41. b. 1.*

Quest. 2. Quodnam sit officium iudicis in genere & quotuplex? Resp. ad 1. Officium iudicis latissimum est, ut dicitur in *L. 1. ff. de jurisd. omn. jud.* principaliter vero, ut *jus dicat partibus*. Resp. ad 2. Aliud est officium iudicis *Nobile*, aliud *Mercenarium*: hoc est, quod actioni in iudicio intentate deservit & impenditur, sive, quod iudex impertitur ad instantiam actoris per actionem postulantis, quod sua interest, & ab altero, quocum litigat, stricto jure debetur, ver. gr. dum profert sententiam super re alteri stricto jure debita. Officium iudicis *nobile* est, quod per se stat, & nulli actioni deservit, seu quod iudex auctoritate juris, motu proprio, citra ullam institutam ab aliquo actionem nullaque parte implorante (vel implorante quidem, actionem tamen strictè talem non habente) veluti ex munere suo, æquitate & utilitate sic suadente, exercet. ver. g. dum inquit & punit delicta, furiosis, pupillis, aliisque personis miserabilibus dat Tutorem, Advocatum, Defensorem. It. dum ad petitionem Minoris vel Ecclesiæ graviter læsæ contractum rescindit. *L. 1. ff. de Minor. Vide etiam L. 4. ff. de jud.* Dum imploratur iudicis officium nobile, tum modo litis contestatione opus est, si contra personam certam principaliter, ita ut necessaria sit plena causæ cognitio, imploratur *c. 2. b. 1. Ratio,*

tio; quia hoc casu imploratio judicis succedit loco actionis, estque quasi judicium ordinarium, in quo necesse est fieri litis contestationem.

Qu. 3. *Quenam sit obligatio judicis?* Resp. 1. Vitare debet, ne in iudicando respectum personarum habeat, affectumque privatum sequatur. *can. 79. caus. 11. q. 3. L. 11. ff. de pen. L. 19. §. 1. ff. de off. Præsid.* adeoque tenetur in causis civilibus pronunciare pro illa parte, quæ perperis omnibus, causam habet probabiliorē. Contrarium damnavit *Innocent. XI. die 2. Martii 1679.* Si vero æqualis pro utraque parte appareat probabilitas, neutri favere, causamve *pro libitu*, cæteris paribus, alterutri potest adjudicare. Ratio, quia non est dominus rei controversæ. Nec potest *ordinarie* a LL. publicis, statutis particularibus, consuetudine legitima recedere. *c. 1. de Constit.*

Resp. 2. Judex non tenetur, imo non potest condemnare reum, secundum allegata & probata nocentem, quem privata scientia innocentem novit, siue sint causæ criminales, siue civiles tantum. Ratio, quia repugnat *juri naturali*, quod dicat, æqualitatem esse servandam inter culpam, & poenam, inter obligationem & solutionem. It. contra rectam rationem est, puniri eum, qui non deliquit, aut condemnari ad solvendum, qui nihil debet. 2. Repugnat *Juri Canonico c. 1. de sent. ex re jud. in 6. 3. Juri Civili, quod L. 6. §. 1. ff. de off. Præs.* præcipit judici judicare secundum ea, quæ probantur, atqui tali casu non probatur judici, quod reus sit nocens; ergo.

Resp. 3. Judex ex officio potest, imo etiam debet omissa a partibus, earumve Advocatis supplere circa ea, quæ juris sunt; quia ea spectant ad officium judicis, v. gr. examinare libellum, deferre juramentum, rejicere testes non legales. Non circa, ea, quæ facti sunt; quia judex non debet assumere officium partium; subinde tamen & hoc potest, uti refert *Brunnem. in L. un. C. ut quæ desunt Advoc. pari. jud. supp.*

Resp. 4. Quid circa *munerum* acceptionem tenendum, non tam corrupta praxis, quam Jus divinum *Exodi 23. v. 8. Deuter. c. 16. v. 19.* Jus Ecclesiasticum *c. 20. de vit. & honest. Cler.* Jus Civile *L. 18. ff. de off. Præs.*

& maxime Nov. 8. in fin. attendi deberet. Engel *hic n.* 10. ait, teneri iudicem ad restitutionem acceptorum munerum, etiam ante sententiam, quod tamen limitat. Pichl. *h. t. n.* 10. Id universaliter verum, multo laudabilius facturum iudicem, si a *xeniis* etiam & *sportulis* quarum receptionem permittit consuetudo, & respectu iudicis a Pontifice delegati *c.* 11. §. *insuper*, de *rescript.* in 6. abstineret.

T I T U L U S XXIII.

De Majoritate, & Obedientia.

Quest. 1. *Quid sit majoritas, & unde nascatur?* Resp. ad 1. Majoritas est prerogativa sive excellentia unius præ alio, vi cuius unus est honorabilior præ altero, ut in congressibus, confesso, stallo, suffragio & prerogativis aliis antecedit.

Resp. ad 2. Oritur hæc majoritas 1. vel ratione *Ordinis*, vi cuius Clerici digniores sunt laicis, *can. 6. dist. 4.* & inter Clericos, qui Ordinem altiores sunt consecuti *c.* 15. *h. t.* cui tamen dispositioni in pluribus Ecclesiis est derogatum per contrariam consuetudinem approbatam *c. fin. de consuetud. in 6.* Vel 2. ratione *dignitatis Ordinantis*, ut tamen is *solus*, cui Papa contulit Ordines, *cæteris paribus*, aliis (etiam in concursu & collatione beneficiorum juxta *Vuest. h. t. n. 2.*) sit præferendus *c.* 7. *h. t.* ratio ibid. assignatur. Vel 3. ratione *antiquitatis*, seu *prioritatis temporis*, ut is, qui prius in Ecclesiasticis ordinatus fuit vel institutus, posterius ordinato & instituto, *cæteris paribus*, & præcindendo a particularibus privilegiis, consuetudinibus, juribus sic præferendus, *c.* 1. *h. t.* & *reg. 34. in 6.* Vel 4. ratione *privilegii*, qua via Patriarcha Constantinopolitanus, licet posterior Antiocheno & Alexandrino, super eos principem locum obtinuit, *c.* 23. *de privileg. c. 6. dist. 22.* Vel 5. ratione *dignitatis, jurisdictionis & administrationis*. Sic supereminet omnes Summus Pontifex, *cap. 6. hoc ritul.* hunc sequuntur Cardinales, hos Patriarchæ & Primate, istos Archi-Episcopi, Archi-Episcopos Episcopi: post hos in CC. Generalibus veniunt Abba-

res usum mitræ & baculi habentes, tum Generales Ordinum Religiosorum. Extra Concilia in diocesisibus *de jure Sede plena* primum post Episcopum locum obtinet Vicarius Generalis, utpote repræsentans Episcopum, *V. Leur. in Vicar. Episc. q. 60. & seq.* Si Canonici Cathedralis collegialiter incedant, præcedentiam habent præ Abbatibus, quia tum repræsentant Ecclesiam Cathedralis; secus si incedant singuli *can. 12. caus. 16. q. 7.* Ecclesia Cathedralis præcedit ceteras, ejusque Canonici reliquarum Ecclesiarum Canonicos, qui immediate sequuntur, hos excipiunt Parochi, Plebani, Curati, & Ecclesiarum Parochialium Presbyteri cum reliquo Clero sæculari. Inter Ordines Religiosos post Clerum sæcularem primum per se locum habent Canonici & Clerici Regulares, tum Monachi, ac denique Mendicantes; ex qualibet harum classe, dum in una civitate concurrunt plures, præcedentiam habent, quorum fundatio sive introductio antiquior est. Ceterum in hac materia maxime attendi debet consuetudo.

Quæst. 2. Quis sit judex controversiæ ortæ ratione præcedentiæ, v. g. in processibus, deductione funerum &c. *Resp. 1.* Episcopus tales controversias componit, si inter Convētus, & communitates Ecclesiasticas, etiam exemptas, lis versetur. Trident. *sess. 25. cap. 13. de Regular. 2.* Si inter Confraternitatis Laicorum lis sit, & agatur in judicio petitorio, de ipso scilicet jure præcedendi, iterum cognitio & decisio causæ spectat ad judicem Ecclesiasticum, *c. 2. de judic. 3.* Si agatur in possessorio, & Communitatis conventa sit sæcularis, nec admisceatur quæstio juris, potest etiam judex laicus cognoscere causam hanc & decidere, quia tum cognitio versatur solum circa aliquid temporale.

Quæst. 3. Quid sit obedientia, in qua consistat, cui debeat? *Resp. ad 1.* Obedientia, prout est virtus specialis, definiri potest; quod sit virtus moralis inclinans ad faciendum, quod præcipitur, quia præcipitur.

Resp. ad 2. Consistit præcipue in 3. quatenus est hujus loci; nimirum in reverentia Superioribus exhibenda; in mandato ab ipsis accipiendo & exequendo; in judicio eorum subeundo.

Resp. ad 3. Imo ab omnibus fidelibus debetur Papæ,
c. 2.

¶ 2. 4. 5. *b. t.* It. Joan. 21, V. 17. 2. A Diocesaniſ Epifco proprio, *c. 4. cit.* Clerici tamen Epifcopo ſubjecti non tenentur præſtare juramentum, quo promittant ſpecialiter Epifcopo obedientiam, niſi ſint Curati, *c. 3. b. t.* vel inobedientes rebelles, aut contumaces, *c. 10. b. t. 3.* A Capellaniſ, Præbyteriſ, &c. Cardinali in Eccleſia ſui tituli, ſed tantum obedientia manuliſ præſtari debet, *c. 11. b. t.* 4. A Religioſiſ Prælato, a Monialiſ Abbatiffæ, a quibuſcumque ſubdiſi Superiori legitimo, licet dubitetur, num juſta præcipiat. Engel *b. n.* 66. quia in dubio eſt præſumptio pro Superiore.

Quæſt. 4. Qua ratione procedendum in obedientia Superioriſ præſtanda? Reſp. 1. Superiori obediendi obligatio datur ſolum in iſi rebus, ad quas ſe ejus juridiſtio extendit; quia talis ſubdiſi in aliſi rebus eſt inſtar non ſubdiſi,

Reſp. 2. Ex duobuſ Superioriſ contraria præcipienſiſ parendum illi, qui major eſt, ſcil. *quoad poteſtatem præcipiendi reſpectu talis ſubdiſi, c. 2. diſt. 8.* non obſtante *can. 5. & 6. cauſ. 9. q. 3. & c. 11. de off. Ordin.* Si uterque Superior mandas æqualiſ ſit, etiam in poteſtate præcipiendi, obediendum illi, cui quiſ potiori titulo ſubjectuſ, cum & ex hoc proveniat poteſtas præcipiendi.

Quæſt. 5. Quæ pœne inobedientiſiſ ſtatutæ? Reſp. 1. Canoniciſ Conſtitutioniſiſ inobedientes notam inobedientiæ incurrunt, ſive quandam infamiam Canonicam, quæ per pœnitentiam tamen ſublato peccato tollitur, *c. 5. b. t.*

Reſp. 2. Non obediēteſ ſtatutiſ & decretiſ Epifcoporum, aliorumve Prælatorum, ſeu Superiorum Eccleſiaſticorum per contumaciam debent excommunicari, *c. 2. b. t.* Abbatiffæ in ſibi contumaciter inobedienteſ pœnam hanc infligere non poſſunt ob defectum poteſtatiſ claviuſ, poſſunt tamen implorare officium Superioriſ, ut ſibi inobedienteſ excommunicet, *c. 11. b. t.* ſpeciale quid deſumitur ex *cap. 8. b. t.* ut explicat Leur, *hoc tit. Q. 922. Pirh. num. 34.*

T I T U L U S XXXIV.

De Tregua, & Pace.

Quest. 1. *Quid sit Tregua, & quotuplex?* Resp. 1. *Tregua* est securitas personis & rebus ad tempus præstita, discordia, vel (magis specificè) bello necdum finito. Sive est cessatio ab armis *ad tempus*, per quæ verba differt a *Pacè*. Alio nomine Tregua vocatur *Armistitium*, *inducie*.

Resp. 2. Alia est Tregua *Legalis*, seu potius *Canonica*, quia lege vel canone constituta. *Perpetua* alia, & alia *Temporalis*: alia est Tregua *conventionalis*, quæ conventionem seu mutuo partium consensu constituta est, estque juris gentium, *can. 9. dist. 1.* imo juris naturalis *c. 3. caus. 23. q. 1.* ratio datur ab Ulpian. *L. 1. ff. de pact.* etiamsi inita fuerit cum hostibus hæreticis, paganis &c. Canonica Tregua *temporalis c. 1. h. t.* statuta in usu nunquam fuit; neque, quod dolendum, tregua *perpetua* si-ve securitas Clericis, Religiosis, ruricolis, aliisque personis *c. fin. h. t.* relatis concedenda; Adeoque, quod prius attinet, Christianis etiam licebit non tantum ex causa necessitatis per *c. 15. caus. 23. q. 8.* sed ex causa commo-
ditatis die Festo bellare, arg. *c. 3. de feriis*.

Q. 2. *An Princeps possit subditos dissidentes compellere ad pacem ineundam, & quid præterea dicendum?* Resp. 1. Si publica sunt inter civitates & populos dissidia, non tantum ad Treguam vel inducias, sed etiam ad pacem faciendam Princeps cogere potest subditos *c. 13. ff. de off. Præj.* Si privati inter se contendunt, *regulariter* non potest cogere ad concordiam. *Nov. 124. cap. fin.* ratio, quia non potest jus, quod quis habet, tollere.

Resp. 2. Tractatu pacis inito, Princeps damna subditis tempore belli illata absque illorum consensu remittere potest. Ratio, quia censetur utile subditorum negotium gerere, & quia Princeps jus habet in bona subditorum, exigente id utilitate publica & necessitate. *Auth. his quæ C. communia de Legat.* quod jus quia non habet Princeps Laicus in bona Ecclesiastica, damna Ecclesiis aliisque locis piis illata absque Superiorum Ecclesiasticorum consensu nequit remittere.

Q. 3. Quid sit bellum, & an licitum? Resp. 1. Bellum est discordia Principum vel Rerump. vim & arma inferentium mutuo: vel, est status pugnae publicae duorum exercituum per vim certantium, ab iis, qui Superiorem non agnoscunt, institutæ. Unde facilis est differentia cognoscenda inter *rebellionem*, *seditionem*, *duellum*, & *bellum*.

Resp. 2. Tam bellum *defensivum*, de quo non est dubium; quam *offensivum* licitum est Catholicis, ut constat ex plurib. text. Scripturæ. Modo habeat seq. conditiones. 1. Scil. ut adsit *legitimas potestas*. Deinde *causa iusta*, qualis non est, augmentum vicinæ Potentiæ; & consequens metus, ne sibi vel Reipublicæ suæ secuturo tempore noceat, Schiara in *Theol. Bell. L. 1. diffcult. 9. 3.* Ut tenentur prius media alia omnia ad impediendam aut reparandam injuriam, damnumque resarciendum, quam bellum indicatur. Sitque hoc necessitatis, non voluntatis, *can. 3. caus. 23. q. 1.* Unde & tenetur princeps a prosecutione belli cessare, dum, eo etiam cœpto, competens ab adversario satisfactio offertur.

Q. 4. Quenam liceant in bello iusto vel non? Resp. 1. Licent ea omnia, quæ ad finem belli consequendum vel necessaria vel proficua sunt; v. g. milites adversæ partis capere & occidere, hostiles terras & bona occupare, vastare agros, diruere arces, uti stratagematis. Ratio, quia cum finis sit licitus, etiam media necessaria aut utilia sunt permissa.

Resp. 2. Neque licet per se innocentes occidere, neque innocentium bona diripere: per accidens autem, & quando ad victoriam necessarium est, utrumque licet, direptio quidem bonorum directe, vitæ autem ademptio indirecte. Ratio, qui damna in bello inferenda licita tantum sunt, quando necessaria vel utilia ad consequendum finem: sed hoc de directa innocentis occisione dici numquam potest, cum sit intrinsece mala; spoliatio vero tantum tunc licita, quando bonum publicum id exigit.

Resp. 3. Non licet occidere datos obsides, aut prælio devictos parta jam victoria, nisi aliunde meriti sint mortem; nec licet uti amulethis magicis; nec veneno

infringere arma, fontes, annonam; nec expilare Ecclesias; Ecclesiasticasque personas & earum bona. Rationes passim videre est apud AA.

T I T U L U S XXXV.

De Pactis.

Quest. 1. *Quid & Quotuplex sit pactum?* Resp. 1. Pactum juxta L. 1. ff. b. t. est duorum vel plurium in idem placitum consensus; scil. de dando aliquo vel faciendo. Acceptum specificè est conventio ultro citroque habita non pariens actionem civilem, per quæ verba differt à contractu proprie tali. Differt etiam pactum à nuda pollicitatione. Vide Engel b. t. a num. 3. a transactione: L. 38. C. de transact. a testamento omnique alia voluntate ultima; quia hæc unius testatoris voluntate constant.

Resp. 2. Præter varias divisiones; præcipuè pactum aliud nudum est, aliud vestitum. Pactum nudum est simplex aliquorum inter se de re aliqua pactio sive conventio; sola nitens æquitate naturali: nec habens à jure firmitatem vel actionem. Vestitum est conventio; quæ non sola nititur æquitate naturali; sed insuper firmitatem, assistentiam; actionem à jure habet. Vestitur autem 1. si accipiat, aut ex natura sua habeat rationem & nomen contractus specifici; v. g. emptionis L. 7. §. 1. ff. b. t. 2. si accedat stipulatio; L. 3. C. de rer. permutat. 3. Si pactum nudum adjiciatur alteri contractui bonæ fidei L. 7. §. 4. in fin. & 5. ff. b. t. Mol. Tract. 2. de J. & J. D. 255. n. 4. 4. Si ex alterutra parte sit secuta traditio rei; vel impletio promissionis. 5. Si accedat juramentum. 6. Si instrumentum publicum à Notario confectum accedat. 7. Vestitur item per speciale privilegium, uti fit in pactis sponsalitiis, promissione dotis &c.

Quest. 2. *Qualem obligationem & actionem pariant pacta nuda?* Resp. 1. Certum est; quod pariant obligationem naturalem & in conscientia; quia omnis consensus sufficienter expressus & ab altero acceptatus, nec à jure irritatus; si sit de re licita, Jure naturæ obligationem inducit.

Resp.

Resp. 2. Non tamen actionem pariunt pacta nuda de jure Civili; ut habetur in *L. 27. C. de Loc. & Cond. L. 7. §. 4. ff. de pact. ratio*, ne lites nimium multiplicentur. Neque de *Jure Canonico*, cum nullibi extet textus, quo jus Civile quoad hoc foret correctum.

Q. 3. Quinam pacisci possint aut non possint? Resp. ad 1. Omnes pacisci (uti & contrahere) possunt, qui habiles sunt & non prohibentur. Ratio, quia ad inducendam obligationem plus non requiritur, quam consensus liber; hic ergo si adsit, neque quis jure positivo prohibeatur, poterit pro libitu pacisci vel contrahere.

Resp. ad secundum. 1. Prohibentur jure positivo *Ecclēsiastico Prælati*, qui bona immobilia vel mobilia pretiosa, nisi causa justa & solemnitates a jure præscriptæ intercedant, alienare non possunt, *tot. tit. de reb. Ecclesi. alien.* Deinde *Religiosi in particulari* invalide paciscuntur aut contractus ineunt sine Superioris facultate circa bona temporalia? quia per votum paupertatis abdicarunt a se dominium & omnem circa res temporales dispositionem.

Resp. ad secundum 2. Jure Civili pacisci non potest pupillus sic, ut, si absque autoritate tutoris fuerit pactus aut contraxerit, indeque non sit factus ditior, nequidem naturaliter obligetur ad servandum contractum, sed possit se salva conscientia gerere, ac si non contraxerit. *L. 59. ff. de O. & A. L. 41. ff. de cond. indeb.* ratio, quia finis legis irritantis contractum a solo pupillo initum fuit, consulere imbecillitate pupilli; atqui factum id non fuisset, si sublata obligatione civili remaneret naturalis. Idem ferre, quod de pupillo, dicendum est de *Minorenni* absque autoritate Curatoris circa bona contrahente, per *L. 3. C. de in integr. rest.* item de prodigo judice tali per *L. 1. ff. de Curat.*

Resp. ad secundum. 3. *Filii familias* quamdiu impubes est, nequidem consentiente patre valide paciscitur vel contrahit, etiam circa castrensia, §. 10. *Inst. de inutil. stipul.* 2. Si pubes, valide de castrensibus & quasi, etiam sibi consensu patris, paciscitur *L. 4. §. 1. L. 10. ff. de Castr. pecul.* idem est de adventitiis, quorum usumfr. non habet pater. 3. Invalide vero de bonis adventitiis regularibus & profectitiis absque consensu

patris arg. *L. 4. cit.* & habetur clare in *L. fin. §. 5. V. filius autem, C. de bonis, quæ liberis*. Notari hic poterit *c. pen. de sepult. in 6. 4.* Filius familias etiam majorennis sine consensu patris mutuum accipiens non tantum in foro externo tutus est, & urgeri non potest ad reddendum mutuum, *tot. tit. ff. de C. de S. C. Maced.* sed etiam in foro interno in casibus, in quibus uti potest in foro externo exceptione *S. C. Maced.* Ratio quia Resp. & potuit & voluit deobligare filiosfam. & patres in conscientia; ergo: Quod potuerit, nemo dubitat; quod voluerit, inde constat, quia cæteroquin nec filiis, nec parentibus satis consultum fuisset. Imo de rigore juris saltem post sententiam judicis, licet inde factus sit dñior, *L. 9. §. 2. ff. ad S. C. Maced.* Neque jurato renunciare potest huic beneficio, saltem vivo patre & durantibus periculis; quia tale juramentum aperte cederet in præjudicium tertiæ.

Q. 4. Quenam sit materia & objectum pactorum, sive de quibus pacta & contractus iniri possint? Resp. 1. Inutiliter quis paciscitur de facto alieno, §. 3. & 21. *Instit. de inutil. stipul.* uti & de facto impossibili, *L. 185. ff. de R. J.* Nec licet pacisci, de factis turpibus primum commitrendis, *L. 26. 27. ff. de V. & O. L. 15. ff. de condit.* Sitamen pars altera turpe factum implevit, v. g. puella ob promissam pecuniam jam corporis copiam fecit, poterit hæc exigere pecuniam; quia peccatum hic nullum est, *Pirb. b. n. 27. 2.* Non licet pacisci de rebus spiritualibus, *c. 4. b. t. c. 6. eod.* plura ad *Tit. de Sim.* Non de rebus alienis ad transferendum earum dominium, *L. 15. & seq. ff. commod.* Non de rebus humano commercio exceptis, §. 2. *instit. de inutil. stipul.* Non de rebus in præjudicium tertiæ cedentibus. Non de rebus plane incertis, ut explicat *Schmalzg. b. n. 22.* Non de hæreditate viventis, de quo pacto *ad tit. de success. ab intest.* Neque de non succedendo in hæreditate paterna, *L. fin. ff. de suis & legit. hered.* ubi notandum tamen *c. 2. b. t. in 6. 3.* Demum reprobantur de Jure Can. specialiter certa pacta, quorum exempla sunt in *c. 4. cit. b. t. c. 7. eod. c. 1. de sepult. & c. 1. eod. in 6.*

Q. 5. Quenam sit forma pactorum & contractuum? Resp. 1. Substantialem a natura & LL. definitam habent, accidentalem a contrahentibus per *cap. 85. de Reg. Juris,*

Resp. 2.

Resp. 2. Possunt pacta vel contractus iniri vel pure, id est non adjecto die, tempore, conditione, modo, & tum statim cedit & venit dies. *L. 213. ff. de V. S. vel in diem*, h. est, impletioni & executioni assignando diem vel tempus; quod si certum fuerit, obligatio quidem statim inducitur, non tamen statim urget, sed expectandum, quoadusque totum tempus fuerit elapsum. §. 2. *V. at ne de V. O.* Vel sub conditione, v. gr. solvam, si dignitatem petitam fuero consecutus, quæ conditio si de futuro contingenti sit, suspendit etiam obligationem, usque dum impleta fuerit conditio. Vel sub modo cum gravamine scil. in futurum, expresso, per *Ly ut*, quo casu statim nascitur obligatio, modo etiam nondum impleto. Vel denique alternative, sive sub disjunctione, v. g. dabo tibi equum vel bovem; de qua obligatione loquuntur AA. ad *Reg. 70. in 5.*

Quæst. 6. Quæ hic notanda de contractibus? *Resp. 1.* Contractus proprie est conventio ultro citroque habita pariens per se actionem civilem. Quasi contractus est tacita seu præsumpta conventio, ex qua producitur obligatio mediante aliquo facto. Vide *Instit. de obl. quæ ex quasi contractu.*

Resp. 2. Verus contractus alius est *nominatus*, qui proprium & speciale nomen in jure habet, ut emptio, venditio, locatio &c. alius *innominatus*, qui proprium & speciale nomen non habet, sed venit generali nomine *permutationis*, licet & hæc specificè sumi possit & soleat: est hic iterum quadruplex, *do, ut des; do, ut facias; facio, ut des; facio, ut facias.* In contractibus innominatis regulariter resilire potest pars, quæ jam implevit, etiam re non amplius integra. *L. 5. ff. de cond. caus. dat. caus. non secut.* 2. Verus contractus dividitur ratione modi, quo perficitur, in *realem*, qui perficitur re, id est, traditione, ut contractus commodati: in *litteralem*, qui verbis; in *verbalem*, qui certa verborum forma; in *consensualem* qui solo consensu reciproco perficitur. 3. Dividitur in *onerosum*, & *reciprocum aut bilateralem*, & *in lucrativum, sive gratuitum*, aut *unilateralem*; hic est, qui unam tantum partem gravat; in illo utrique parti onus imponitur. 4. In contractum *b. f.* in quo iudex ex æquo & bono pronuntiat, etiamsi ver-

bis

bis exprefsum non fit; & in contractum *ſtricti juriſ*, qui ſecundum verborum, quibus conſtat, rigorem conſideratur.

Reſp. 3. Alia ſunt *ſubſtantialia* contractus, ut in emptione merx, pretium, conſenſus; & hæc a contrahentibus mutari non poſſunt: alia *naturalia*, quæ contractui inſunt tacite tanquam proprietates, & in eſſe præſumitur, niſi per voluntatem partium tollantur per Reg. 58. de R. J. alia *ſolemnia*, quæ præter ſubſtantialia & naturalia requiruntur a Lege, Canone, conſuetudine; hæc ſi per modum formæ ſubſtantialis requirantur, dicuntur ſolemnia *intriſeca*, uti aſſiſtentia Párochi in matrimonio, ſine qua matrimonium non valet; ſi non quidem ad valorem, ſed ad licentiam præciſe requirantur, ſunt ſolemnia *extrinſeca*, uti trina denuntiatio. Demum *accidentalía* dicuntur, quæ niſi ſpecialiter adjiciuntur non inſunt, ut arrha in ſponſalibus, additio in diem &c.

Reſp. 4. Quando res, quæ in contractum deducta eſt, periit aut deterior eſt facta, tum ſi id contigit *dolo vel culpa lata*, qui dolum aut culpam commiſit, præſtare tenetur. L. 1. §. 5. ff. de A. & O. L. 3. ff. de pof. 2. Si *culpa levi* eam tenetur præſtare committens in iis contractibus, qui cedunt in utilitatem utriuſque contrahentium. L. 5. §. 2. L. 18. prim. ff. commod. 2. Si *culpa leviſſima*, hæc a committente præſtatur in iis tantum contractibus, qui in ſolius accipientis commodum tendunt. LL. cit. excipitur *Præcarium*. 4. *Cafus fortuitus*, damnumque inde ſecutum *regulariter* non præſtatur. Vide Engel b. n. 12. & ſeqq.

T I T U L Ū S XXXVI.

De Tranſactionibus.

Queſt. 1. Quid ſit tranſactio? Reſp. 1. Sumpta late quamcunque negotii compoſitionem ſignificat. L. 229. & L. ſeq. ff. de V. S. *ſtrictæ* accepta eſt conventa decifio rei dubiæ & controverſæ aliquo dato vel promiſſo, & aliquo retento vel remiſſo, cap. 7. L. 1. ff. L. 38. C. b. tit. 2. Eſt contractus, ſaltem innominatus, quia eſt conventio ultro citroque pariens actionem

fieri civilem, si rei traditione vel stipulatione sit firmata.

Quest. 2. Quinam transigere possint aut non possint?

Resp. 1. Universaliter possunt omnes, qui rerum suarum aut alienarum liberam administrationem, easque alienandi potestatem habent. *L. 21. C. mandati.*

Resp. 2. Transigere non possunt 1. infantes, amentes. *L. 1. §. 3. ff. de pact.* pupilli & Minorennnes sine auctoritate Tutoris vel Curatoris, & hi non interveniente decreto iudicis de bonis pupillorum & minorum immobilibus. *L. 4. C. de præd. minor.* 2. Procuratores, nisi sint instructi speciali mandato, aut in rem suam, aut constituti *cum libera* *L. 13. ff. h. t. L. 69. ff. de procur.* 3. Vassalli sine consensu Domini directi, 2. feud. 52. 4. Prælati Ecclesiastici de bonis Ecclesiasticis sine Solemnitatibus; hæres fidei-commisso gravatus, nisi fiat transactio cum fidei-commisario, vel cum ejus consensu. Intelligendo hæc omnia de casu, quo jura & res possesse in alios transferuntur. Abb. in c. 3. h. t.

Quest. 3. De quibus rebus liceat transigere? Resp. 1. De omnibus & solis rebus dubiis & controversis, nisi id jure prohibitum sit *L. 1. ff. h. t.* idque vel ante, vel post litem contestatam, & in quacunque litis parte, quia adhuc incertus & dubius est litis eventus; post sententiam in quibusdam casibus etiam licet. *L. 32. C. h. t.*

Resp. 2. Non est permilsum transigere *super re certa* *L. 65. §. 1. ff. de condi. indeb.* 2. *Super iis, quæ testamento vel codicillo relicta sunt*, nisi inspectis tabulis. *L. 6. ff. h. t.* 3. *Super alimentis futuris* per ultimam voluntatem relictis sine auctoritate iudicis & cognitione causæ. *L. 8. in princ. ff. de L. 8. C. h. t.* 4. *Super re spirituali aut huic annexis*, quia hoc sine vitio Simonie fieri non posset. 5. *Super matrimonio*; in ordine ad semel valide contractum denuo dissolvendum, ob indissolubilitatem matrimonii. 6. *Super crimine publico*, saltem si tale sit, quod non itroget poenam sanguinis; de crimine enim privato, si vel agatur civiliter, vel si sit capitale, licet transigere. *L. 18. C. h. t.* quæ Lex ita habet: *transigere vel pacisci de crimine capitali, excepto adulterio, prohibitum non est, in aliis au-*

tem

tem publicis criminibus, quæ sanguinis-pœnam non ingerunt, transigere non licet citra falsi accusationem.

Quæst. 4. Quis sit effectus transactionis? Resp. 1. Præter obligationem naturalem omnibus pactis legitimis communem, effectus primarius est imponere finem litibus. *c. 1. & L. 10. C. b. t.* unde sequitur, quod licet mutuo consensu possit dissolvi *L. 14. C. b.* non tamen altera parte invita, re etiam adhuc integra, liceat rescilire *L. 5. C. b. t.* ne quidem interveniente rescripto Principis. *L. 16. C. eod.* aut prætextu instrumentorum noviter repertorum. *L. 19. & 29. C. eod.* omnesque probationes & jura, si dolus non intercessit, sint irrita. *c. 1. b. t.*

Resp. 2. Alter effectus transactionis est, quod, si firmata sit rei traditione aut stipulatione, actionem civilem pariat si sine illis inita sit, exceptionem litis finitæ. *c. 1. de lit. contest. in 6. c. 1. b. t. L. 2. C. b. t.*

Quæst. 5. An & quibus ex causis rescindi possit transactio? Resp. 1. Transactio male inita rescindi potest, v. g. dolo malo aut injusto metu extorta *L. 19. & 42. C. b. t. L. 3. eod.* 2. Si error substantialis intervenerit. *L. 15. ff. de jurisd.* 3. Si transactio facta sit circa bona pupilli, minoris, Ecclesiæ, vel alterius, qui gaudet beneficio restitutionis, & hic notabiliter in transactione fuerit læsus. *rubr. & text. C. si advers. Transact.* 4. Si inita ex falsis instrumentis, etiam bona fide. *L. 42. C. b. t.*

Resp. 2. Si majorennis enormissime sit læsus, rescinditur transactio, etiam jurata ob præsumptionem doli. *L. 5. C. de dolo. L. ult. C. de his quæ vi metusve causa fiunt.* Transactio tamen b. f. inita, licet majorennis enormiter & ultra dimidium sit læsus, rescindi non potest paræ altera invita. *L. 78. §. fin. ff. ad S. C. Trebell. L. 65. §. 1. ff. de cond. indeb.* Deinde sententia, quæ in rem judicatam transiit, rescindi non potest, etiam sub prætextu læsionis ultra dimidium. *tot tit. C. sent. rescind. non poss. atqui non minor est autoritas transactionis, quam sententiæ, quæ in rem judicatam transiit. L. 20. C. b. t. ergo.*

T I T U L U S XXXVII.

De Postulando.

Quest. 1. *Quid sit postulare.* Resp. De postulatione, ut subrogatur electioni; actum est supra Tit. 3. Prout huc magis pertinet, describitur L. 1. §. ff. de postul. quod desiderium suum, vel amici sui apud eum, qui jurisdictioni præest, in jure sive judicio exponere, vel alterius desiderio contradicere. Demum proprie hoc loco sumitur pro advocacione, sive officio Advocati.

Quest. 2. Quid sit Advocatus, & quomodo distinguatur a Procuratore? Resp. ad 1. Advocatus proprie dictus est, qui pro altero præsentem defensionem in judicio præstat, causam legitime deducendo secundum jura.

Resp. ad 2. Differt a Procuratore in seqq. 1. Officium Advocati est publicum, honorabile, multisque gaudens privilegiis L. 4. C. de Advoc. divers. jud. exigens virum jurium peritum & judicio DD. probatum L. 2. C. b. t. Procuratoris magis privatum, vile, onerosum, L. 34. C. de Decurion. adeoque ad illud, non ad munus Procuratoris cogi quis potest. Hæ tamen differentie hodie non obtinent in Camera Imperiali. *Ordinat. Camer. p. 1. Tit. 19. §. fin.* Advocatus pro præsentem postulat; Procurator administrat res ipsas, & negotia sui principalis gerit, ejusque sustinet personam; & si est ad lites, nomine principalis absentis agit, fit per & post L. C. Dominus litis. c. 1. de Procurat. in 6. 3. Procurator si causam male egerit, vel cum adversario coluserit, tenetur actione mandati L. 10. C. de Procur. Advocatus de prævaricatione L. 1. C. de Advoc. div. jud. Advocatorum alii sunt publici, de quibus in tot. tit. C. de Advocat. fisci alii privati, alii Ordinarii seu jurati & immatriculati, de quibus L. 1. §. 4. ff. b. t. alii extraordinarii, & supernumerarii, qui publica autoritate admissi non sunt.

Quest. 3. Quinam postulare sive advocare possint? Resp. Omnes specialiter non prohibiti. Ratio, quia edictum de

de postulando prohibitorum est, adeoque de re generaliter permiffa, arg. *L. 43. ff. de Procurat.*

Resp. 2. Prohibentur 1. *Jure Civili* tam pro fe quam aliis postulare, Pagani & Hæretici (non tolerati) *L. fin. C. h. t. Minoris 17. annis. L. 1. §. 3. ff. h. t. Surdi omnino L. 1. Servi L. 32. ff. de R. J. 2. Prohibentur Jure Civili pro aliis postulare mulieres L. 1. §. 5. ff. h. t. Mater tamen nutrix filii pro filio postulare potest. Cæci, licet judices esse possint, cit. *L. 1. insigni infamia notati. L. 1. §. 6. ff. h. litterarum & jurium imperiti. L. 4. C. h. in Camera*, qui non sunt Doctores vel Licentiati. *Ordin. Cam. p. 1. tit. 18. 3.* Possunt de *Jure Civili* pro certis tantum personis sibi ad quantum usque gradum secundum Pirh. conjunctis, vel quarum tutelam aut Curatelam gerunt, postulare infamia, non summa sive insigni, notari, *L. 1. §. 1. & fin. ff. h. t. 4.* Respectum certarum causarum *Jure Civili*, judices & arbitri in causa, in qua judicaturi sunt. *L. 6. C. h. t. Fiscus vel Resp. contra privatum prætextu debiti, quod ipsis debetur. L. 3. & tot. C. tit. ne Fisc. vel Resp. Procurat. Vassallus contra Dominum directum. 2. sen. 33. potentiores contra infirmiores, tot. tit. ne liceat potentiorib, &c.**

Resp. 3. Præter dictos in Resp. præced. de *Jure Canonico* prohibentur advocare excommunicati. *cap. 8. de sent. excomm. in 6.* item si advocare stricte sumatur, prohibentur Religiosi, præterquam in causis sui monasterii accedente consensu Prælati. *c. 2. h. t. ratione FF. Minorum S. Francisci videatur Clem. exij. de V. S. Sacerdotes sæculares nec in judicio sæculari, nec in Ecclesiastico advocare possunt c. 1. & fin. h. t. nisi sit in causa propria, vel Ecclesiæ suæ, vel personarum conjunctarum, vel miserabilium; vel si aliter vitam honeste non possint sustentare. DD. comm. Clerici alii si ve in majoribus, si ve minoribus constituti, sin hi habeant beneficium Ecclesiasticum, advocare non possunt in judicio sæculari, scil. extra casus ante dictos. c. 1. h. t. Ceterum nullus omnino Clericus in causa criminali, qui imminet poena sanguinis, mortis, aut mutilationis advocatum potest agere saltem pro actore contra reum. c. 9. ne Cler. vel Monach.*

Resp. 4.

Resp. 4. Prohibentur *Sententia Judicis* postulare. 1. Qui relatus in numerum Advocatorum, & iussus a iudice patrocinium præstare parti, v. g. pauperi, id sine iusta causa recusavit, *L. 1. C. b. t.* 2. Qui m. f. & colludendo cum adversario clientis sui causam prodidisse convictus fuit. 3. Si Advocatus vel Procurator pacti sunt de quota litis, seu parte rei, de qua litigatur, sibi honorarii loco danda. *L. 5. C. b. t.* ne scil. per fas & nefas victoriam obtinere conentur.

Quest. 4. Quas causas perorandas suscipere possit Advocatus? Resp. 1. Non injustam, alias si sciens id fecerit, tum parti læsæ, tum clienti (si eum decepit, dicendo esse causam iustam) tenebitur ad damni illati restitutionem. Pirh. *h. n.* 22. Non causam probabilem, in qua nulla spes prudens victoriæ, nisi monito prius de hoc periculo cliente. Ratio, quia clientem suum sine prævia monitione manifesto exponeret periculo. 3. Potest tamen suscipere causam defendendam, in qua non modica est probabilitas & spes victoriæ, minor tamen ea, quæ pro adversario militat. Ratio, quia potest hoc clients facere omni iurē per se ipsum, ergo & per Advocatum. Deinde quæ minus probabilia sunt, reipsa sunt sæpe veriora iis, quæ apparent ut probabiliora; ergo. Requiritur tamen AA. ut & hic moneatur clients de minori probabilitate.

Quest. 5. Quid teneatur vi officii facere Advocatus? Resp. 1. Immatriculatus non potest patrocinium recusare juxta dicta. 2. Tenetur merita causæ diligenter rimari. 3. Modestiam, veritatem, & fidelitatem servare, *L. 38. §. 8. ff. de pœn.* 4. Causam semel susceptam non deferere, nisi in decursu reperiat esse injustam, &c.

Quest. 6. Quid liceat Advocato & quid non? Resp. 1. Licet pacisci de salario, arbitrio prudentis iusto. Ratio, quia hoc Advocatus exigere potest, licet nihil de eo conventum sit. Arg. *c. 16. de præscript. in fin.* quod si taxatum sit a Lege aut consuetudine, terminos excedere non potest. Si annum salarium constitutum, Advocatus vero vel morte vel alio casu fortuito impediatur a præstando munere, ab ipso in posteriori, ab hæredibus in priori casu potest exigi, *L. 38. ff. locat. L. 1. §. 13. ff. de extraord. cogn.*

Resp. 2.

Resp. 2. Non licet Advocato cum cliente de *palmario*, id est, extraordinario ultra salarium in casum victoriæ solvendo ante litem finitam pacisci, uti nec de quota litis, sive de certa parte rei litigiosæ, si vinceret. *L. 5. C. b. t.* Ratio quia tale pactum invitare censetur Advocatum ad fraudes & dolos; cum tamen non per se afferat salutis dispendium, nec præjudicium tertii, juramento firmari potest.

Resp. 3. Nec licet Advocato tempore durantis litis celebrare cum cliente contractum alium, v. g. emptio-nis, venditionis, prout justissime prohibetur. *L. 6. C. b. t.*

Resp. 4. Neque Advocatis, neque alteri cuiquam licet alienas lites redimere, seu emere & modico dato in se derivare. *L. 22. & seq. C. mandat.* quæ est notabilis Constitutio, qua & decernitur, ut ad incommoda plurima ex redemptione litium oriri solita evitanda is, qui litem pecunia redemit, nonnisi ad quantitatem datæ a se pecuniæ agere possit. Actiones tamen liquidæ vendi etiam Advocatis (scil. his extra tempus litis durantis) possunt. *L. 23. ff. de hered. & action. vend. L. 3. & 9. C. eod.* uti etiam lites gratis & ex pura liberalitate aliis possunt cedi.

T I T U L U S XXXVIII.

De Procuratoribus.

Quest. 1. *Procurator quis sit & quotuplex?* Resp. ad 1. Procurator est, qui aliena negotia mandato Domini (absentis) administrat *L. 1. ff. b. t.* ex qua definitione patet differentia Procuratoris ab Advocato, negotiorum gestore, Tutore & Curatore, Nuntio, Defensore.

Resp. ad 2. Variæ sunt species Procuratorum: alius est *verus*, legitimus habens mandatum a Domino, alius *falsus*, vel nullum mandatum habens vel non sufficiens, vel revocatum. Verus alius est *judicialis*, qui & *Procurator ad lites* dicitur, & *extrajudicialis*, qui ad negotia extra judicium tractanda constituitur, dictus *Procurator ad negotia*. Notabiles inter utrumque sunt differentię. Si quis ad omnes lites vel ad omnia negotia

tia constituitur, est *generalis*, si ad certum duntaxat negotium vel litem, *specialis*. Procurator generalis alius est *simpliciter talis*, alius *cum libera*, h. e. plena potestate agendi vel gerendi omnia, quæ Dominus agere posset, ille nonnisi res brevi perituras alienare potest: *cum libera* autem constitutus permutare, commodare, deponere, mutuum dare & aliis modis (excepta donatione) res alienare potest. L. 58. & 63. ff. h. t. Judicialis itidem alius est *in rem alienam*, qui alienum negotium in utilitatem Domini gerit; alius *in rem suam*, sive in commodum & utilitatem propriam, cui v.g. Dominus vendidit, donavit, aut simpliciter cessit jura & actiones, ut alieno quidem nomine, in suum tamen emolumentum litiget. L. 33. 34. & 35. ff. h. t.

Q. 2. *Quinam possint constituere Procuratorem?* Resp. 1. Quisquis est rei Dominus & liberam habet administrationem, nisi prohibeatur, ad *negotia* dare Procuratorem potest, adeoque & Tutor de re pupilli, Curator de re Minoris, ipse Minor Curatorem non habens, filiusf. de suis Castrensibus, imo & servus ad negotia sua pecuniaria. L. 33. in prin. ff. h. t.

Resp. 2. Procuratorem *ad lites* dare possunt illi tantum, qui sunt Domini litis, possuntque per se ipsos agere; hinc dare nequeunt Procuratorem ad lites 1. *Servus*, nisi de statu suo litiget. L. 33. cit. 2. *Filiusf.* nisi v.g. in actione injuriarum & similibus, in quibus ipse potest agere. L. 8. ff. h. t. 3. *Pupillus* sine autoritate Tutoris, & *Minor* Curatorem habens sine hujus autoritate, nisi in spiritualibus. c. fin. de jud. in 6. 4. *Procurator* in causa, quam procurat, nisi lis sit contestata; idem est de *Tutoge*, *Curatore*, *Syndico* Universitatis. L. 11. C. h. t. quia & hi ante contestationem litis non sunt ejus Domini. 5. *Captus ab hostibus*. L. 15. ff. ex quib. caus. major. 6. *Excommunicatus*, qui non ad agendum, sed ad defendendum tantum Procuratorem constituere potest, c. fin. h. t. 7. *Bannitus*, utpote qui reputatur pro mortuo. Vall. b. §. 3. n. 4. 8. *Religiosus* sine licentia Superiorum. Clem. 3. in fin. h. t. nisi forte ipsum Prælatum accuset. 9. Nec Prælatus sine consensu Capituli in *causa ardua* Ecclesiæ, nec, si veller Procuratorem perpetuum aut generalem dare omnium negotiorum, potest

talem constituere. Arg. *cap. 6. de juram. cal.* 10. De Universitate dubitatur, an Procuratorem constituere possit ob *cap. 7. b. t. & L. 1. ff. quod cuiusque Univers. nom.* sed dicendum, posse, quia tanquam persona ficta loco domini habetur. Imo si Universitatis, Civitatis, Collegii Rectores, Senatores, jurati excommunicationi subiecti sint, reliqui de tali Corpore nomine illius Procuratorem poterunt constituere, modo ipsi excommunicati in literis procuratoriis expressi non sint, nec ipsorum nomine institutio fiat. *c. fin. b. t.* 11. Demum si litigans ipse velit, & nullo impedimento impeditus comparere possit, non tenetur *de jure* sui loco Procuratorem constituere; quia quilibet jus habet, per se ipsum causam agendi.

Q. 3. Quinam possint Procuratores constitui? Resp. 1. Regulariter omnes negotii exequendi capaces, nisi expresse a jure prohibeantur. *c. 1. §. 1. hoc tit. in 6.* Unde & filiusfamilias tam ad negotia quam lites *c. 14. b. t.* modo sit major 25. annis *L. 12. Cod. hoc tit. L. 8. §. ipse quoque ff. hoc tit.* Laicus etiam in causis spiritualibus v. gr. ad acceptandum aut resignandum beneficium. *c. 24. de præb.* non tamen in electione Prælati Ecclesiastici. Rationem dat Pirh. *hoc tit. num. 19.* quod dare suffragium in Capitulo plus videatur, quam nudum ministerium, cum sit actus Capitularis, adeoque proprius Clerici.

Resp. 2. Prohibentur absolute, ut ne quidem ad negotia valeant constitui, Minores 17. annis. *c. 5. §. fin. b. t. in 6.* milites, nisi agant in rem suam aut nomine cohortis. *L. 8. §. 2. ff. hoc tit.* ne scil. privatorum negotiis a militia avocentur: ad lites nequeunt dari Procuratores, ad negotia possunt mutus & surdus *L. 43. b. t.* Femina. *L. 54. ff. b. t.* casus excepti sunt in *L. 4. Cod. b. t. L. 41. ff. b. t. L. 3. ff. §. 2. de liberal. caus. c. 67. de appell. c. 4. §. quia vero de confirm. util. vel inutil.* Minores 25. annis saltem *de jure Can. cap. 5. hoc tit. in 6.* uti & de eodem jure infames *c. 1. & 2. caus. 3. q. 7.* quamvis inter utrumque jus differentia non videatur facienda juxta praxim in supremis Dicastriis receptam. Potentiores *tot. tit. ne lic. potentior.* Banniti & rei criminis capitalis. *L. 7. Cod. hoc tit.* redemptores alienarum litium

arg. L. 5. Cod. de postul. excommunicati, qui non habent personam legitimam standi in iudicio. c. 7. de jud. Religiosi sine consensu Prælati Clem. 3. h. t. de Clericis in causa laicorum discurrendum, uti supra, an esse possint Advocati, dictum; nam in causa Episcopi etiam circa temporales lites admittitur Sacerdos per c. 4. h. t.

Resp. 3. Potest etiam absens in Procuratorem constitui, modo is sui constitutionem vel tacite vel expresse ratihabeat. L. 1. §. fin. h. t. Imo & plures non tantum de Jure Can. quod certum est ex c. 6. h. t. in 5. sed & de Jure Civili constitui possunt L. 32. ff. h. t. L. 31. §. fin. eod. per quam legem simul probatur, si plures constituentur diversis temporibus per posterioris constitutionem censi regulariter priorem tacite revocatum.

Q. 4. In quibus causis Procurator possit constitui? Resp. 1. In omnibus causis, nisi aliqua specialiter excipiat L. 43. §. 1. ff. h. t. adeoque & in causis pecuniariis. L. 26. C. h. t. spiritualibus. c. 1. h. t. in 6. ad lites futuras. c. 14. h. t. ad contrahendum matrimonium, quod & valeat in ratione Sacramenti, Procurator constitui potest. Ratio, quia Christus instituendo Sacramentum matrimonii naturam contractus matrimonialis non mutavit, sed duntaxat validum secundum leges humanas ad rationem Sacramenti elevavit. Videatur ratione Procuratoris matrimonialis c. fin. h. t. in 6. ad quod etiam disputant AA. an validum sit matrimonium a Procuratore contractum eo tempore, quo principalis dormit, vel etiam incidit in maniam.

Resp. 2. In causa criminali Criminaliter intentata, in qua statuta est pœna relegatione major, pro reo non admittitur Procurator c. 15. de accusat. L. 1. ff. an per alium caus. appell. quod tamen plerique non intelligunt de reo absente, vel alias in iudicio non valente personaliter comparere, pro tali enim Procurator admittendus. cap. 4. hoc tit. L. 33. ff. §. 2. L. 71. ff. eod. L. 3. Cod. de Accusat. 2. An in causis criminalibus famosis, si infamia infligitur principaliter, admittendus sit Procurator variant AA. illud certum, admitti Procuratorem, si infamia est in consequentiam pœnæ pecuniariæ, aut saltem debitæ ex contractu v.g. mutui, depositi &c. L. 1. ff. an per alium caus. appell. 3. Nec admittitur Procurator in

actibus legitimis, v. gr. adoptione, hæreditatis additione &c. utpote quia juxta communem personas ipsas principales desiderant.

Q. 5. An & qualiter Procurator egeat mandato? Resp. 1. Regulariter mandatum (sive plenipotencia) Procuratori ad *agendum* ita necessarium est, ut si eo careat, gesta in judicio ipso jure sint irrita *c. 4. b. t.* Ratio, quia Procurator carens mandato pro persona externa reputatur, cui, quia nullum cum reo negotium gessit, nulla competit actio. Si tamen quis absque mandato agere cœpisset, durante autem lite, ante definitivam Dominus rata haberet acta, valerent, & ratihabitio æquipararetur mandato *c. 10. de reg. jur. in 6. L. 60. ff. eod.* Dixi *regulariter* in responsione, quia jura apud certas personas mandatum non requirunt, sed præsumunt voluntatem eorum, pro quibus interveniunt, v. gr. si personæ conjunctæ sint. *L. 35. ff. b. t.* si maritus agat in rebus uxoris *L. 21. C. b. t.* Si Dominus præsens sit, nec contradicat Procuratori. *L. 18. ff. mandat.* Si quis habeat instrumenta ipsius causæ. *c. 43. de off. deleg.* Si sint consortes litis. *L. 21. C. de consort. ejusd. lit.* Si Episcopus vel Prælati jura Ecclesiæ suæ negligat, Canonici & Clerici sine mandato super iisdem agere possunt, *c. 1. de restit. spol. c. 43. de rest. & attest.*

Resp. 2. Si mandatum certum est, uti tum non requiritur ratihabitio principalis, sic nec cautio de ea præstanda, qua tamen cautione opus est, dum de mandato dubitatur. *L. 1. C. b. t.* Ratio statuendi sic erat, ne principalibus sæpe longe absentibus lites nimium protrahantur.

Resp. 3. Si mandatum simpliciter generale sit ad agendum, licet se extendat ad respondendum quoque & defendendum *L. 33. §. 4. ff. b. tit.* etiam in causa reconventionis *cit. L. & §. it.* licet se mandatum generale ad *negotia* etiam ad *lites* extendat, *c. 5. b. tit. in 6. cap. 10. de V. S.* mandatum ad prosequendum judicium petitorium ad judicia præparatoria & possessoria *L. 2. ff. de jurisd. om. jud.* Si tamen quis generaliter sit Procurator constitutus, vi talis mandati non potest causas majoris momenti tractare v. gr. criminales, *Pirb. b. num. 60.* non deferre juramentum, *cap. 4. in fin. b.*

in 6. non transigere &c. Imo tamen si dixerit Principa-
lis; *constituo te etiam in iis, quæ speciale mandatum requi-
runt*, non potest Procurator expedire articulum speciale
mandatum exigentem: *cap. 4. in princ. h. t. in 6.* excipitur
si vel sit constitutus Procurator cum *libera*, vel in rem
suam; vel unum aut plura speciale mandatum requiren-
tia sint expressa.

Q. 6. *Quinam sint effectus mandati Procuratorii?* Resp. 1.
Ratum est, quod vi mandati geritur. *reg. 72. jur. in 6.*
Ideoque fines mandati custodiens nocet aut prodest Do-
mino: *L. 10. C. h. t.* 2. Per *L. C.* fit Dominus litis *c. 1.*
§. licet, h. t. in 6. ita ut actiones & obligationes sibi ac-
quirat citationes & verba sententiæ condemnatoriæ in
ipsum sint dirigenda. *L. 1. C. de sent. & interloc.* modo
tamen verba sententiæ quadrent in Procuratorem, non
quadrant autem in matrimonialibus, & beneficialibus,
& modo aliud non obtineat usus; uti in Camera Im-
periali *Gail. L. 1. Observ. 111. num. 2. 3.* Non tantum
appellare potest, si verb. gr. denegentur ei induciæ ad
consulendum Dominum absentem *cap. 11. h. t.* vel si
contra ipsum lata sit sententia *cap. 14. §. potuit eod.*
sed & teheretur. Ratio, quia hoc tacite ipsi censetur in-
iunctum. Non tamen tenetur appellationem *per se lo-*
quendo prosequi. *cap. 14. cit. in fin.* eo quod plerumque
causa appellationis agitur in alio loco, & aliud sit
iudicium. 4. Procurator ad negotia *regulariter* potest;
quandocumque vult, alium sibi substituere; Procurator
ad lites post litem tantum contestatam, nisi datus sit in
rem suam, vel facultatem substituendi acceperit. *cap.*
1. h. t. in 6. L. 8. §. 1. 23. Cod. h. t. §. Paritur actio
mandati directa Domino contra Procurationem ad il-
la, de quibus dicitur L. 46. §. 4. ff. h. t. L. 11. §. 13. Cod.
mandat. Actio mandati contraria Procuratori contra
Dominum ad repetendas omnes expensas, quas occasio-
ne mandati, cuius fines non excessit, b. f. fecit, licet
de iis in sui constitutione nihil sit actum. *L. 46. §. 5. ff.*
h. t. cap. 6. h. t.

Q. 7. *Quot modis finiatur officium Procuratoris?* Resp.
1. Revocatione vel expressa verb. gr. verbis vel tacita;
scil. facto, quale factum non est, si ipse Principalis com-
pareat; revocatio, si res adhuc sit integra, libere fit a

Dominio, siue sit procurator ad negotia. *arg. §. 9. Inst. mandat. siue ad lites cap. 2. b. t. in 6.* etiamsi inuitus sit procurator, quia cuilibet mutare consilium suum permissum, ex supposito, quod non præjudicetur alteri. *Si res integra esse desit*, non aliter valet revocatio inuiti, nisi iusta causa intercedente, eaque si Procurator ad lites datus sit, a iudice cognita & probata. *c. cit. & L. 17. ff. b. t. causæ revocandi enumerantur cap. 2. b. tit. in 6. & L. 25. ff. hoc tit.* Insuper ut invalide pergat Procurator, revocatio debet illi esse intimata, *cap. 3. & seq. hoc tit.* excipitur causa matrimonialis, &c. 2. Finitur officium Procuratoris *mutuo constituentis & constituti consensu cap. 1. & L. 35. ff. de R. J.* Et si Procurator ad litem, eandem contestatus jam sit, etiam adversarii consensus vel causæ cognitio accedere debet per *c. 3. & L. 65. ff. b. t.* idem dicendum est de *renuntiatione*, qua quis se exonerat a tali officio. 3. Expirat *finita instantia iudicii* scil. lata sententia definitiva. 4. *Mortes constituentis* re adhuc integra *L. 26. in prin. ff. C. 15. L. mandati.* secus re non amplius integra. *Arg. a contrario.* Excipitur casus in *clem. fin. b. t.* 5. *Morte ipsius Procuratoris*, siue res integra sit, siue non sit. *L. 57. ff. de jud. L. 27. §. 3. ff. mandat.*

T I T U L U S XXXIX.

De Syndico.

Quest. 1. *Quid sit Syndicus & Resp.* Est Procurator alicujus Universitatis communi mandato constitutus, ad causas ejusdem & lites administrandas & persequendas, *c. unic. b. t.* Confunduntur quidem subinde inter se Actor, Procurator, Syndicus, ut constat ex *c. 7. de Procur. L. 1. §. 1. ff. quod cujusque Univ. nom.* Differt tamen Syndicus 1. a Procuratore *specificè sumpto*, quod Procurator a privato pro causis privatis constituatur; Syndicus autem a communitate, v.g. Civitate, Universitate, studiorum, Ecclesia, Monasterio pro causis communibus & publicis, ut adeoque officium Syndici publicum sit, & necessarium, 2. *Ab Actore publico*, quod hic

ad

ad unam tantum vel alteram, vel etiam plures certas causas constituatur. 3. a *Curatore Universitatis*, quod hic sit ad negotia illius extrajudicialia. 4. a *Questore & Administratore Camera*, quod isti præsent rei nummaria. 5. Ab *Oeconomo*, utpote qui est dispensator Ecclesiæ, cui res Ecclesiasticæ gubernandæ committuntur. 6. a *Procuratore Fisci* vel *Fiscali*, quod hic causas tantum criminales, multas & penas Universitati debitas tractet, Syndicus etiam civiles.

Q. 2. Quinam & quomodo constitui possint Syndici? Resp. ad. 1. Omnis idoneus, etiam de ipso Corpore *Gloss. in L. 4. V. potest ff. quod cujusque Univ. nom.* Ipse etiam Corporis superior v.g. Consul, Rector; non enim est repugnantia. Laicus etiam in causis spiritualibus; arg. *cap. 1. de Procur. in 6.* licet Laicus non possit esse Administrator Ecclesiæ in spiritualibus & temporalibus, ne exerceat munus proprie spirituale. De honestate tantum & decencia est, ut Religiosus in causis sui Monasterii Syndicus non sit *c. un. h. t.*

Resp. ad 2. Constitutionem Syndici vocandi sunt omnes, qui habent jus suffragii. *Reg. Jur. 29. in 6.* Si tamen aliqui vocati emanant, possunt præsent Syndicum constituere, modo duæ partes ex tribus adsint, & major præsentium pars consentiat. *L. 3. ff. quod cujusque Univ. nom.* Non est tamen necessarium, ut omnium constituentium Syndicum nomina in instrumento syndicatus subscripta sint, nisi constitutus sit ad alienandum. *c. fin. de Procur.* sed sufficit, quod instrumentum sigillo Universitatis muniatur. *Pirh. h. t. n. 2.*

Q. 3. Quid sit Officium, & quæ potestas Syndici? Resp. ad 1. Officium est defendere & agere causas Communitatis, etiam si inter ipsam & Superiorem v.g. Principem agantur, quia Syndicum necessitas officii excusat.

Resp. ad 2. Potestas eadem fere est, nisi aliud in mandato exprimatur; quæ Procuratoris *cum libera L. 6. §. fin. ff. quod cujusque Univ. nom.* donare & debitum præsertim liquidum remittere non potest. Ex mutui etiam contractu inito a Syndico vel Administratore aliter teneri nequit civitas vel Ecclesia, quam si pecuniam mutuo acceptam in suam utilitatem versam ostendatur. *L. 27. ff. de reb. cred.* Neque Syndicus tenetur

tavere de rato, nisi probabiliter de ejus mandato dubitaretur. *cit. L. 6.* neque satisfacere de iudicatum solvi, quia est persona publica; cavere tamen debet de iudicio fisci, & dum præstat juramentum calumniæ (quod potest per *c. 6. de juram. calum.*) non in Universitatis, sed suam propriam animam jurat. *c. 3. cod.*

Q. 4. Qualiter finiatur officium Syndici? Resp. iisdem fere modis, quibus officium Procuratoris; præterquam quod non finiatur unica instantia. *arg. c. 14. de Procurat.* Nec morte constituentium, quia Communitas semper manere eadem intelligitur. *L. 7. §. 2. ff. quod cujusque Univ. nom.*

T I T U L U S XL.

De his, qua vi metusve causa fiunt.

Quest. 1. *Quid & quotuplex sit vis & quis ejus effectus?* Resp. ad 1. Vis (scil. præcisa, absoluta & simpliciter dicta, vis enim conditionata vel compulsiva non distinguitur a metu) est corporalis coactio ad faciendum vel patiendum aliquid, ut si cñi per inevitabilem violentiam eripitur liber vel genua coram idolo curvantur. Definitur *L. 2. ff. quod met. causi.* quod sit majoris rei impetus, qui repelli non potest.

Resp. ad 2. dividitur in vim publicam & privatam: de vi publica tenetur hodie, qui cum armis vim infert vel inferre parat, hinc & dicitur vis armata; de vi privata, qui id sine armis facit. *§. recuperande. 6. V. qui autem. Inst. de interditi.* Item vis alia est oblativa, qua res mobilis alicui eripitur, & generat actionem vi bonorum raptorum. *§. 1. I. de vi bonor. rapt.* alia expulsiva, qua quis ejicitur possessione immobilium, iisque coherentium, & inducit interdictum Unde vi *L. 1. ff. de vi & vi arm.* alia turbativa, per quam quis turbatur in possessione, infertque interdictum *uti possidetis* in immobilibus, interdictum *utrobi* in mobilibus. Alia vis inquietativa, qua quis inquietatur in usu suæ rei, vel prohibetur quid facere, verb. g. ædificare, arare &c. & hinc nascitur interdictum *quod vi aut clam.*

Resp. ad 3. Vis absoluta simpliciter tollit voluntarium,

rium, quia qui illam patitur, non tam agit, quam agitur ab extrinseco; unde talia gesta omni vacant culpa ex parte vim passi, omnique carent valore.

Q. 2. *Quid sit metus & quotuplex?* Resp. 1. Metus sive vis compulsiva est violentia externa compellens aliquem, ut consentiat in actionem vel omissionem, qui non consensurus erat, si talis violentia abesset, ut dum quis ad declinandam multam interest concioni. Describitur in L. 1. ff. *quod met. caus.* quod sit *trepidatio mentis instantis vel futuri periculi causa*.

Resp. 2. Oritur vel *a causa necessaria* v.g. morbo, incendio, & dicitur ab *intrinseco* incussus; vel *a causa libera* v.g. homine intentante malum, & dicitur incussus ab *extrinseco*: potestque inferri vel *juste*, dum inferens habet jus incutiendi metu, & patiens causam eidem sua improbitate dedit; vel *injuste*, dum innocenti ab homine improbo malum intentatur; idque vel *directe* eo fine, ut promissio vel alius actus extorqueatur, v.g. si latro mortem intentat ad extorquendas pecunias, vel *indirecte*, scil. *ob alium finem*, ut si latro minetur mortem, non exigendo aurum, tu tamen illud offeras ad mortem evitandam.

Resp. 3. Metus precipue dividitur in gravem & levem: *Levis* est vana trepidatio mentis, orta ex malo imminente levi, uti est vexatio modica; vel gravi apprehenso tantum, non imminente; vel si malum minitans illud inferre vel non potest, vel non solet. *Metus gravis*, quem aliqui etiam cum Engel *justum* dicunt, alii *probabilem*, est, qui cadit in virum constantem, sive qui talis est, ut cum, qui patitur, etsi alias fortis sit, proposito valeat dimovere; estque vel *absolute gravis*, de tali scil. malo, quod cuilibet etiam viro constanti sit formidabile, & talis est metus mortis, mutilationis, exilii &c. vel *relative gravis*, de ejusm. malo, quod non quidem viro forti, sed feminae, puero, seni est formidabile, v.g. verberatio non nimis sava, indignatio, odium. Reducunt aliqui ad metum gravem *metum reverentialem*, quem habet filius respectu patris, uxor respectu mariti, subditus respectu Domini, sed male, nisi concurrant alia adminicula, v.g. asperitas vultus, continua exprobratio, rixae &c. arg. c. 11. *de despons. impub. c. 2. de pact. in 6.*

Q. 3. An & quomodo contractus alique actus ex metu gesti validi sint, vel non sint? Resp. 1. Contractus alique actus ex metu levi undecunque orto & quomodocunque incusso iniri valent: ut neque de Jure Civili, neque Canonico rescindantur. L. 7. ff. b. t. c. 4. & 6. *q. v. od.* In foro tamen interno tenetur is, qui metum intulit injuste, licet levem, rescindere contractum, si velit metum passus. Ratio, quia cum intulerit alteri injuriam extorquendo actum metu licet levi, in conscientia obligatur satisfacere pro hac injuria, quod fit rescindendo actum.

Resp. 2. Actus vel contractus iniri ex metu gravi a causa necessaria incusso valent pro utroque foro, nec possunt rescindi. cap. 17. de Regular. & patet in voto metu mortis in infirmitate edito. Ratio, quia adest consensus absolute liber, quamvis non sit spontaneus; neque intervenit injuria.

Resp. 3. Actus vel contractus extorti metu gravi juste incusso a causa libera etiam sunt validi in utroque foro; quia nec hoc casu injuria subest. L. 21. §. 1. ff. b. t. tenetque tam in resignationibus, transactionibus, quam in matrimonio & Professione Religiosa.

Resp. 4. Spectato solo jure naturali (excepto forte matrimonio & Professione) actus metu etiam gravi & injuste incusso gesti non sunt irriti. Ratio, quia nec libertas deficit, nec injuria obest, cum consensus jure naturali requisitus ad valorem actus consistat etiam cum injuria; in foro conscientiae tamen loquendum est de inferente metum gravem, uti supra de inferente levem metum.

Resp. 5. Actus vel contractus metu gravi injuste incusso extorti regulariter validi sunt etiam de jure positivo c. 2. & 4. b. t. L. 3. 9. 21. fin. ff. b. t. Ratio, quia nec justus titulus, nec voluntarius consensus in tali actu desideratur.

Resp. 6. Dantur tamen actus & contractus ob metum gravem injuste incussum ex dispositione juris omnino irriti; v. g. matrimonium. c. 14. & seq. de sponsal. Professio Religiosa, & vota simplicia Religiosum constituentia. c. 1. b. t. Promissio & constitutio dotis. L. 21. §. 3. ff. b. t. Pro nullo & traditio rerum Ecclesiasticarum, & ju-

& juramentum de iis non repetendis. *cap. 2. de iurejur.* quocum combinentur. *c. 3. & 6. b. t.* Quæ geruntur per iniuste detentum in carcere cum detentore. *L. 22. ff. hoc tit.*

Quest. 4. Qualiter subveniatur metum passo? Resp. 1. Dum actus metu extortus est ipso iure nullus, si necdum impletus est, absque omni exceptione omittere illum potest metum passus; si est impletus, nullitate *probata* & per iudicem declarata restituenda sunt omnia data aut cessã.

Resp. 2. Dum actus ex metu gestus subsistit, si necdum est impletus, v.g. nondum est secuta in venditione traditio, *probato metu si fiat in iudicio*, subvenitur metum passo *exceptione, quod metus causa*; si est impletus, *actione, quod metus causa*. *L. 4. §. 33. ff. de dol. mal. & met. except. L. 9. 12. 14. 21. ff. b. t.* quæ actio non tantum datur contra eum, qui intulit metum, sed & contra tertium, ad quem metu extorta pervenerunt, etiamsi is sit. *b. f. L. 14. §. 5. circa fin. ff. b. t.* qui tamen tertius non tenetur fructus *b. f.* perceptos & consumptos restituere; rem etiam ipsam non nisi post repetitionem & iudicis sententiam. Ratio, quia ad id vel ratione rei acceptæ teneretur, vel ratione iniustæ acceptionis; sed neutrum est, ergo.

Quest. 5. Quid requiratur & sufficiat, ut metum passo succurratur per actionem & exceptionem, quod metus causa? Resp. ad 1. Requiritur, ut eo actu sit læsus, & damnum acceperit. *L. 12. §. fin. ff. b. t.* quia restitutio læsionem supponit; hinc rescindi nequit baptismus & Ordo ita susceptus, præsertim in sententia illorum, qui sic ordinatum ad cœlibatum non obligant. 2. Ut metus gravis & iniuste incussus sit, secundum dicta. 3. Ut metus sit præsens & non tantum aliqua suspicio. *L. 9. ff. L. 9. C. b. t.*

Resp. ad 2. Sufficit, ut rescissioni obnoxius sit actus, modo gravi metu iniuste extortus sit, licet non directe ad extorquendum actum; sed alio fine metus fuerit adhibitus. *L. 7. §. 1. ff. b. t.* Ratio, quia sive directe inferatur metus ad extorquendum actum, sive ex alio fine, semper ipsi inferitur injuria, quam passus meretur subsidium juris & iudicis. 2. Etiam obnoxius est rescissioni

tionem actus gestus ex metu gravi, quem non intulit is, quocum est gestus, sed alius tertius. *L. 14. §. 3. ff. b. t. c. 15. de sponsal.* nisi alio ex capite justificetur actus; v. g. si quis contrahit cum tertio, qui nec metum intulit, nec inde quid participavit, nec ex justitia tenebatur succurrere metum passio, tenet contractus irrefcindibiliter. Casus vide apud Schmalzg. *b. n. 29. W. ad 3. Pichl. b. n. 14. in fin. Engel n. 19. b.*

T I T U L U S XLI.

De integrum restitutione.

Quest. 1. *Quid sit restitutio in integrum?* Resp. Spectata formaliter est repositio in pristinum statum; causaliter sumpta est remedium juris, extraordinarium, quo graviter læsus iuxta de causa reducit per officium judicis in eum statum, in quo fuerat ante læsionem. Dicitur 1. *remedium juris*, scilicet Prætoriani, non enim hic agimus de restitutione, quæ Civilis dicitur & descendit ex LL. de qua in *L. 2. Cod. de rescind. vend. L. 33. ff. de re jud.* Dicitur 2. *extraordinarium*, utpote constitutum in defectum remedii ordinarii. *L. 16. ff. de minor.* nisi sit pinguius ordinario, uti est remedium restitutionis præ remedio. *L. 2. C. de rescind. W. id Text. L. 3. & ultim. C. si tutor vel Curat.* Dicitur 3. *læsus*, sive deinde læsio acciderit dolo, metuve adversarii, sive facilitate, ætate, errore læsi, v. gr. minoris. *L. 1. & seqq. ff. b. t.* non tamen sufficit læsio fortuita, de qua *L. 11. §. 4. ff. de minor.* Dicitur 4. *graviter læsus*. *L. 4. ff. b. t.* modicum enim non curat Prætor in iis, quæ contra jus conceduntur; gravitas quoque læsionis spectanda non est absolute, sed respectively ad contractum, personam læsam, ad quantitatem, in qua facta est læsio, sive dein sit ultra, sive infra dimidium *cap. 1. b. t. & L. 27. §. 1. W. item ex diverso ff. de minor.* Dicitur 5. *iuxta de causa*, quæ probari debet, nisi manifeste de ea constet. *Clement. unic. b. t.* probatur autem per testes vel instrumenta legitima. *Pirb. b. t. n. 3.* Dicitur 6. *per officium judicis*, supponit enim restitutio in integrum actum non tantum ex se rescindibilem, sed & fuisse de jure validum.

lidum. *L. 16. princ. §. 3. de minor.* adeoque si v. g. pupillus contraxit sine autoritate tutoris & læsus est, restitutio sive rescissio non datur, cessantque partes ad officium iudicis. In dubio de valore actus alternative peti potest, ut vel iudex pronuntiet actum nullum, vel si valeat, rescindat. *c. 8. h. t.* Dicitur denique *inflatum*, in quo fuerat ante lesionem, de quo plura infra.

Q. 2. Quibus competat beneficium restitutionis in integrum? Resp. 1. Minoribus 25. annis *c. 8. h. t. L. 1. ff. de minor.* sive sint masculi, sive femellæ, sive a solis non habentibus curatorem, sive cum autoritate Curatoris, vel Decreto iudicis gestus sit actus. *L. 1. de C. de filiofam. minor.* non tantum si damnum passi sint, sed & oblitum cessans vel sua incuria vel injuria adversarii. *L. 7. §. 6. L. 44. ff. de minor.*

Resp. 2. Competit hoc beneficium non tantum Minorum hæredibus & successoribus Universalibus, sed & particularibus, ut intra totum tempus, quo Minor, & ipsi restitutionem petere possint. *L. 6. ff. h. t. L. 18. §. fin. ff. de minor.*

Resp. 3. Non tamen fidejussoribus Minorum. *L. 13. princ. ff. de Minor. L. 1. 2. C. de fidejuss. minor.* regulariter scil. loquendo ob *L. 48. ff. de Minor. L. 2. C. de fidejuss. §. mandat. §. c.*

Resp. 4. Nec in certis casibus ipsis Minoribus hoc remedium competit, quales casus sunt: Si Minorennis contraxit matrimonium validum, tum enim quidem adversus dotem & alia accidentalia, si in his læsus est, restituitur per *L. un. C. si adv. dot.* non tamen adversus matrimonium; idem est de Professione valida. Si Majoris factus ratum habuit, quod minorennis gessit. *L. 1. §. 2. C. si major factus ratum.* Si actum juramento firmavit, vel juramento renuntiavit circa dolum adversarii huic beneficio, *cap. 28. de jurejur. c. 2. de pact. in 6.* Si veniam ætatis impetravit, *L. 1. C. de his ven. etat.* Si post actum prudenter gestum casu fortuito læsus est. *L. 11. §. 4. ff. de minor.* Si quid dolo in, vel extra contractum gessit. *L. 9. §. 2. ff. de Minor. L. 1. C. si adv. delict.*

Resp. 5. Ad casus, in quibus dubitatur, an remedium restitutionis competat Minori 1. Competit restitutio Clerico minorenni adversus renuntiationem beneficii.

beneficii improvide factam, dum v. g. pingue permu-
vit pro tenui; etiamsi res non sit amplius integra. Ra-
tio, quia generaliter Minoribus conceditur hoc benefi-
cium, si in actu vel contractu graviter sint læsi, etiamsi
res sit distracta. *L. 6. in princ. L. 49. ff. de Minor. non ob-*
stante. L. 24. §. 2. V. si vero ff. de Minor. 2. Minor contra
Minorem (Ecclesia etiam contra Ecclesiam) restituitur,
dum unus est lædens, alter læsus, vel unus certat de
lucro captando, alter de damno vitando. Probatum ex
c. 3. h. t. de Ecclesia; ex L. 11. §. fin. de Minor. quod Mi-
nor restituatur. 3. Si causa sit *individua*, quam Major
& minor habent communem, ut si communem rem
vendidissent, restitutio Minoris prodest Majori. *L. 41.*
§. 1. ff. de Minor. L. 4. §. 3. & 4. ff. si serv. vind. 4. Non re-
stituitur Minor adversus propriam confessionem, ut dum
confessus est perpetratum a se adulterium, antequam id
sufficienter probaretur. Ratio ponitur in *L. 37. L. fin. ff.*
de Minor.

• *Q. 3. Quinam præter Minores gaudeant beneficio resti-*
tutionis in integrum? Resp. 1. Ecclesiæ, quo nomine
veniunt etiam Monasteria, Hospitalia, & alia pia lo-
ca. *c. 1. & 3. h. t. c. 1. & seq. cod. in 6.* Ratio, quia Ec-
clesiarum favor publicus est, earumque res curantur alic-
nâ industria, ubi facile solet læsio intervenire.

Resp. 2. Republica; quia & hæc per Administrato-
res regitur. *L. 4. C. quib. ex caus. Maj. L. 3. C. de Jur. Reip.*
idque extenditur ad civitates, oppida, pagos.

Resp. 3. Princeps supremus quoad bona Principatus,
Coronæ, fisci, quia hæc reputantur esse bona Reip. se-
cus quoad bona ejusdem particularia.

• *Q. 4. An & Majores 25. annis, & quibus in casibus*
restituantur facta læsione? Resp. ad 1. Aff. *c. 5. h. t. &*
tot. tit. ff. & C. quib. ex caus. Maj.

Resp. ad 2. Justæ causæ sunt. 1. si quis fuit læsus,
dum abesset Reip. causa, v. g. quia Legatus, quia mi-
les. *L. 1. ff. ex quib. caus. Maj. vel ob metum gra-*
vem, pestem, captivitatem. L. 1. 3. 9. 14. ff. ex quib.
caus. Maj. 2. Si sit persona, in qua juris ignorantia
toleratur & supponitur, quales sunt mulieres & rusti-
ci. 3. Probabilius loquendo de jure, non est justa cau-
sa restituendi Majores 25. annis ignorantia invincibilis

& fa-

& facti, qualis esset, si res ignorantis eam ab alio consideri ab hoc fuisset præscripta. c. 6. de præscript. & *Le fin. Cod. de fundo patrim. L. un. Cod. de usu cap. transform.* Interim tamen inter restitutionem, qua succurritur Minori, vel qui jure Minorum gaudent, & inter restitutionem, quæ datur Majori, non unum intercedit discrimen.

Q. 5. Quæ causæ specialiter sint expressæ a jure, in quibus competit restitutio in integrum? Resp. 1. Datur restitutio adversus emptionem, venditionem *L. 27. §. 1. ff. de Minor. adversus tempora retractus c. 8. b. t. adversus transactionem. L. 1. & seq. C. si adv. transact. adversus omnes contractus onerosos. LL. cit. adversus donationem, etiam ex causa remuneratoria, v.g. constituendæ dotis L. fin. C. si adv. donat. adversus additionem hæreditatis, si damnosa, & adversus repudiationem hæreditatis, si utilis fuisse appareat, modo res adhuc sit integra. L. 7. §. 6. §. 24. §. 2. ff. de Minor. adversus sententiam, si ob Curatoris vel Prælati aut Procuratoris negligentiam contra Ecclesiam vel Minorem lata sit; quod de Ecclesia constat ex *cap. 2. & 3. b. t. de Minore. L. 16. §. fin. ff. de Minor. etiam si hoc casu sententia a Papa vel alio supremo Principe fuisset lata. cap. 5. b. t. L. 18. §. fin. autem. ff. de Minor. adversus appellationis fatalia L. 7. §. 11. ff. de Minor. imo & is, qui asserit Professionem suam invalidam; non tamen intra quinquennium reclamavit, adversus temporis illius lapsum restitui debet, si justas allegat causas, quare intra hoc tempus nequiverit reclamare, sive sit Minor, sive Major. Ratio, quia Trid. dum *sess. 25. c. 19. de reform.* ait volentem post quinquennium agere contra Professionem non esse audiendum; tantum, intelligi debet ademisse actionem ordinariam, non extraordinariam & specialiter a jure indultam, uti est remedium restitutionis.**

Q. 6. Coram quo judice restitutio in integrum petenda? Resp. 1. Ordinarie a judice ejus, contra quem petitur, sive Minor eam petat, sive Major. *L. 2. & fin. C. ubi & apud quem cognitio.* Ecclesia tamen (non Clericus in propriis & patrimonialibus bonis) a Laico læsa restitutionem a judice Ecclesiastico petere potest. *cap. penult. de reb. Eccles. alien. c. 1. b. t.*

Resp.

Resp. 2. *De Jure* Judex ordinarius mixtum habens imperium, etiam contra proprium & *Inferioris* judicis sententiam restituit. Arg. *cap. 9. b. tit. L. 16. §. fin. de Minor.*

Resp. 3. Etiam judex delegatus restituit, si vel sit specialiter illi delegata causa restitutionis; vel si sit delegatus specialis, & moveatur tantum *incidenter* coram eo causa restitutionis; *L. 3. C. de judic.* Si sit delegatus ad Universitatem causarum & cum aliquo imperio, non quidem contra propriam sententiam, contra lædentem tamen potest in integrum restituere, siue principaliter, siue incidenter causa restitutionis agatur. *L. fin. §. sed ne quid C. ubi & apud quem.* Petitur autem restitutio vel per modum *actionis*, & tum citari debet adversarius, & causa cognita sententia restitutionis ferri; vel indirecte & per modum *exceptionis*. *Pirb. b. t. n. 69.* & petitur vel per se, vel per Procuratorem. *L. un. C. etiam per Procur.* cum speciali mandato *L. 25. §. 1. ff. de Minor.* vel cum generali cum libera. *c. 4. de Procur. in 6.* nisi incidenter petatur. *c. 6. b. t.*

Q. 7. *Intra quod tempus peti debeat restitutio in integrum?*
Resp. 1. Olim tempus erat annum utile. *L. 19. ff. de Minor.* hodie est quadriennium continuum. *L. fin. Cod. de tempor. in integr. restit.* ut adeoque *Minor.* non tantum intra annos ipsos *Minorennitatis*, sed post expletos 25. annos quadriennium habeat, petendæ restitutionis de actibus in *minorennitate* gestis. *cit. L.*

Resp. 2. Quadriennium etiam competit hæredi *Minori*, si *Minor* est ab impleto 25. anno, non attenta vel computata ætate defuncti; si *Major*, a die aditæ hæreditatis. Videatur. *L. ea quæ 5. C. de temp. in integr. restit.*

Resp. 3. Ecclesiæ, Reip. Civitati pariter competit quadriennium; quod an incipiat currere a die læsionis *falsæ*, uti *Vviefstn. b. n. 17.* vel a die læsionis *cognitæ*, uti *Engel b. n. 11.* disputant AA. *Praxin* pro se allegant *Engel*, aliique sententiæ ejusdem *Patroni*. Id speciale, quod Ecclesia in integrum restitui possit lapso etiam quadriennio si collusionem, fraude, vel prævaricatione fuerit impedita a petenda intra quadriennium restitutione. *cap. 1. b. t. in 5.* Si valde enormiter fuerit læ-

læsa, Arg. c. penult. de rebus Eccles. alien. Si Prælatus ex
cujus contractu læsa est, toto quadriennio supervixit,
arg. c. 10. caus. 16. q. 3. Si metu fuerit prohibita, ne pe-
teret intra quadriennium restitutionem, Abb. in cap. 5.
hoc tit. num. 10.

Resp. 4. Majoribus quadriennium pariter datur, quod
computandum a die, quo cessat causa absentiae vel al-
terius impedimenti, L. 1. §. fin. C. de temp. in integr. restit.
restitutio Majorum tamen ex causa metus uno tantum
anno, L. 14. §. 1. ff. quod met. caus. ex causa doli biennio
peti potest, L. fin. C. de dol. mal. Biennium tamen istud
concessum Majori, uti & quadriennium Minori & Ec-
clesiae concessum est partim *continuum*, quia currit die-
bus feriatis & non feriatis, partim, *utile*, quia non
currit iuste impeditis, v.g. ob dolum, vim, absentiam
intra quadriennium agere non valentibus, arg. L. fin. C.
de temp. in integr. restit.

Q. 8. Quis sit effectus restitutionis in integrum? Resp.
1. Effectus *petitæ* restitutionis est, suspendere execu-
tionem contractus vel sententiæ, L. un. Cod. in integr. restit.
postul. nisi præsumptio sit, malitiose peti restitutionem,
de quo casu loquitur c. 5. h. t.

Resp. 2. Effectus restitutionis *obtentæ* est, ut omnia
redintegrentur seu ad pristinum statum reducantur, L.
24. §. 4. ff. de Minor. adeoque læsus recuperavit rem suam
absque ullo detrimento, & lædens, si b. f. egit, nihil
perdet de suo: sic v. gr. Ecclesia in contractu emptio-
nis læsa si restituitur, non modo pretium, quod ipsi
solutum & in utilitatem versum esse probatur, debebit
reddere, sed & expensas utiles ac necessarias, c. 1. h. t.
L. 27. & 29. ff. de Minor. Item si restituatur in integrum
Majorennis, restituendi sunt a iulso restituere fructus
naturales omnes tam extantes, quam consumpti, quos
percepit, si rem m. f. obtinuit; v.g. per metum aut do-
lum: si b. f. restituere debet fructus solum formaliter
extantes L. 22. C. de R. V. etiam post Litis contestatio-
nem perceptos, licet alias fuerit b. f. debet restituere.
Si restituatur *Minor* ob causam ætatis ex contractu lu-
croso, v. gr. si Minor donavit, vel resignavit benefi-
cium, deductis expensis fructus saltem extantes restitui
debent cum re; quia læsio etiam in fructibus facta est.

Si læsio contigit in contracto oneroso v. g. venditione, tum si in pretio læsio contigit, fructus restituendi sunt secundum proportionem pretii, quia in his læsus est Minor: si autem læsio facta est in ipsa substantia, quia non expediebat rem vendi; sufficit ordinarie rem restitui sine fructibus, quia in re, non in fructibus læsio contigit.

T I T U L U S XLII.

De alienatione judicii mutandi causa facta.

Quest. 1. Quid tractetur præsentis titulo; quidve requiratur, ut alienatio judicii mutandi causa facta censeatur? Resp. ad 1. Agitur de remedio juris affini remedio restitutionis, quod ex Prætoriana æquitate competit illi, in cujus præjudicium & damnificationem ex causa mutandi vel vitandi judicii alienatio rei facta est; verb. gr. dum Titius audito rumore, quod ego fundum ab eo possessum vindicare velim, dictum fundum alienat in Cajum virum potentiorum *privatum*; vel aliam rem *mobilem* aut actionem in alterius provincie hominem, vel in Clericum, ea spe, fore ut causa mihi reddatur magis difficilis, remedium juris in *b. t.* proditum est.

Resp. ad 2. Requiritur 1. ut alienatio facta sit futuri judicii mutandi causa, & non illius, quod jam est, *L. 8. §. 1. ff. b. t.* Ratio est, quia alienatio rei litigiosæ, sive cepto judicio facta alienatio ordinarie est ipso jure Civilis irrita, *L. 2. §. seq. C. de litigios.* 2. Ut facta sit animo malo & doloso, *L. 1. ff. b. t.* qualiter facta præsumitur, si causa adversarii reddita est durior, *L. cit.* nisi fortior præsumptio doli præsumptionem excludat, v. g. si quis ob infirmitatem, ætatem, necessitatem, vel etiam ex execratione litium rem talem alienat. *L. 4. §. si qua, ff. b. t.* vel si quis ob litis sibi movendæ timorem creditori suo solvit, vel venditori redhibet, *L. 8. §. ult. §. duabus seqq. ff. hoc tit.* 3. Requiritur, ut actoris, seu ejus, qui ex hoc edicto petit restitutionem, intersit, hanc alienationem non esse factam, *L. 3. §. 4. ff. b. t.*
Q. 2.

Q. 2. *Quomodo succurratur illi, qui per ejusmodi alienationem præjudicium est passus?* *Resp.* 1. Jure Digestorum datur actio in factum, vel directa, dum proprietas, vel utilis, dum possessio est alienata, adversus eum qui rem sic alienavit, ad id, quanti nostra interest, alienationem, aut etiam expensas non esse factas, L. 3. §. 4. ff. hoc t. Jure Codicis conceditur ita læso actio in rem adversus possessorem rei alienatæ, L. unic. C. h. t. estque in electione læsi, quam velit experiri, nec unaperimit alteram. Imo adversus ipsum etiam alienantem, qui rem dolo desit possidere, datur *Utilis rei Vindicatio* quia qui rem dolo desit possidere, pro possessore habetur, L. 27. §. 3. L. 36. ff. de R. V.

Resp. 2. Actiones prædictæ transeunt ad hæredes ex parte læsi, quia ad rei persecutionem pertinent, L. 4. §. fin. ff. h. t. Non ex parte lædentis; quia videtur ex delicto dari, ut habetur in L. 7. ff. h. t. nisi quatenus ad hæredes lædentis pervenit.

Q. 3. *Quid speciale Juri Canonicum statuatur circa alienationem judicii mutandi causa factam?* *Resp.* Præterquam quod approbet dispositiones juris Civilis, duo superaddit. Primum cap. 1. hoc tit. dum ultra id, quod statuitur in L. unic. Cod. hoc tit. posse scil. alienantem & possessorem rei alienatæ coram judice Ordinario conveniri, decernit, vi rescripti Apostolici contra solum alienantem impetrati, non tantum alienantem, sed etiam eum, in quem doli & fraudis conscium alienatio facta est, coram judice delegato conveniri posse, quamvis possessoris hujus rei alienatæ mentio in rescripto nulla sit facta. Secundum est, ne Clerici rem vel litem alienam dolose in se transferant causa mutandi judicii cap. 2. hoc tit. ubi etiam Censuris dicuntur compellendi ad abstinendum hujusmodi cessio-nibus. Conferantur dicta ad Titul. de postul. Quest. 6. *Resp. ultim.*

TITULUS XLIII.

De Arbitris.

Quest. 1. *Quid sit Arbitrator & quotuplex?* Resp. ad 1. Arbitrator est vir bonus ad æstimandum & terminandum negotium assumptus.

Resp. ad 2. Alius est *Arbitrator juris* sive *necessarius*, qui ex præscripto Legis, Principis, vel Judicis constituitur; alius *Arbitrator Compromissarius* vel *voluntarius*, qui libero partium consensu nemine jubente eligitur, seu in quem partes sponte compromittunt: si ita, in talem partes compromiserint, ut in causa sibi commissa servato juris ordine & forma judicii producere debeat, appellatur *Arbitrator simpliciter*; sin ita, ut sine juris ordine causam cognoscat, & de illa statuatur, dicitur *Arbitrator*.

Quest. 2. Quæ sit differentia Arbitri ab aliis? Resp. 1. Arbitrator scilicet *Compromissarius*, de quo in *b. t.* sermo, differt a iudice, quod iudex autoritate publica & invitatus subinde assumatur; Arbitrator *Compromissarius* privata partium & volens, *c. 61. de appellat. l. 3. §. 1. ff. b. t.* 2. Quod Iudex habeat jurisdictionem in partes, non Arbitrator *Compromissarius*, adeoque hic contumaces punire aut testes cogere non possit. 3. Quod ex sententia iudicis oriatur actio & exceptio rei iudicatæ: neutra ex pronuntiatione Arbitri, quæ *laudum dicitur*, sed tantum pœnæ petitio, *L. 2. Cod. b. t.* nisi laudum fuerit *homologatum*, id est expresse, subscribendo v. g. vel tacite, per 10. dies nihil contra movendo a partibus approbatum *L. 5. Cod. b. t.* 4. Quod ab Arbitro non possit appellari, nec laudum executioni dari &c. quæ omnia in iudice secus sunt.

Resp. 2. *Arbitrator Compromissarius* ab Arbitro juris differt, quod Arbitrator juris compelli possit ad munus; quod habeat jurisdictionem aliquam; quod ab ipso possit appellari; quod arbitrator juris debeat nonnumquam constitui, uti in causa suspicionis iudici objectæ, *c. 39. de off. de deleg. c. 4. & 11. eod. in 6. in casu c. 14. de rescript. Can. 46. caus. 11. q. 1.* quæ non competunt Arbitro *Compromissario*.

Resp. 3. *Arbitrator* ab *Arbitratore* differt, quod *Arbitra-*

et per plerumque ad contractus & negotia extrajudicialia, Arbitrator autem ad dirimendas lites assumatur, L. 32. §. 16. ff. b. t. quod Arbitrator servato juris ordine procedat, L. 1. ff. b. t. non Arbitrator: quod quisque possit esse Arbitrator, etiam in causa & facto proprio, L. 30. ff. de operis libert. non autem quilibet esse possit Arbitrator, nec in causa propria L. 51. ff. b. t. quod sententia Arbitri fieri oporteat, siue æqua, siue iniqua sit; L. 27. §. 2. ff. b. t. nisi fuerit Arbitrator juris; at Arbitramentum seu pronuntiatum Arbitratoris ob læsionem reduci possit ad arbitrium boni viri secundum Barth. per annum, juxta Gail. L. 1. Obs. 150. per 30. annos.

Quæst. 3. Quinam possint vel non possint in Arbitros compromittere? Resp. ad 1. Regulariter omnes, qui liberam rerum suarum administrationem habent; arg. c. 5. b. t. Vid. Tir. de Transact.

Resp. ad 2. Nequeunt compromittere seq. 1. pupillus sine auctoritate Tutoris, L. 35. ff. b. t. Minor curatorem habens super immobilibus L. 34. ff. de Minorib. feminam pro alio, L. 32. §. 2. ff. b. t. filiusfamil. super peculio adventitio & profectitio. Procurator non habens speciale mandatum c. 9. b. t. Beneficiatus in præjudicium beneficii, c. 3. b. t. Prælati de rebus Ecclesiæ vel Monasterii sine solemnitatibus, arg. c. 3. & c. 5. b. t. Vassallus sine consensu Domini directi in causa feudali, si in illa iudex sit Dominus directus vel Parens Curia juxta Schmalzg. b. num. 9. ne iudices ex providentia juris feudalis constitui saltem indirecte judicandi munere & Dominus re feudali defraudetur.

Quæst. 4. Quinam possint in Arbitros assumi? Resp. 1. Omnis, cujuscunque dignitatis & æstimationis, nisi juri prohibeatur; siue Pater, siue filiusfamil. & in causa etiam patris, L. 5. ff. b. t. siue bonæ famæ, siue infamis, L. 7. ff. b. t. siue proprius etiam iudex, cap. 7. & 10. b. t. Recens. Imp. 1549 Compromiss. 65. substituere sibi alium Arbitrator non potest.

Resp. 2. Prohibentur in specie L. 45. ff. b. t. seq. 1. Servus L. 7. ff. b. pupillus, furiosus, surdus, mutus, L. 9. §. 1. ff. cod. Minor 20. annis L. 41. ff. b. mulier, nisi jurisdictionem obtineat, c. 4. b. t. Excommunicatus vivandus, c. 59. de sentent. excommun. Religiosus in causa

extranea, & sine consensu Prælati, Gloss. in L. 7. §. *fin. h. t.* Laicus solus in causa spirituali *cap. 8. & 9. h. t.* quilibet in causa propria L. 51. ff. *h. t.*

Resp. 3. Non tamen omnes ii, qui Arbitri esse prohibentur, etiam prohibentur esse Arbitratores; sic fœmina Arbitratrix esse potest, arg. c. 4. *h. t.* etiam Laicus in causa spirituali, arg. c. 8. *h. t.* ubi de arbitro tantum, non de arbitratore sermo est: item, quia Laici prohibentur solum per viam jurisdictionis tractare spiritualia, quod hic non fieret.

Quest. 5. Super quibus causis compromitti possit in Arbitros? Resp. Super omnibus non exceptis; excipiuntur autem causæ criminales, *cap. 9. in fin. de in integr. restitut.* matrimoniales c. *cit.* liberales, sive quibus de ingenuitate & libertate sermo est, c. *cit.* & L. 32. §. 7. ff. *hoc tit.* beneficiales *cap. 1. de Regulis Juris in 6.* causa exemptionis, *cap. 5. hoc tit.* causa decisa per sententiam indubitatam, & quæ transiit in rem judicatam *cap. 11. h. t.* causa in integrum restitutionis, nisi tractetur incidenter, c. 6. *cit.* causa reconventionis coram Arbitro Compromissario, non coram Arbitro juris, utpote qui vere judex est. Demum causæ omnes, de quibus non potest transigi; AA.

Quest. 6. Quenam ad formam arbitrii pertineant? Resp. 2. Modus, quo compromittitur in Arbitros; quod fit vel per factum nudum sine stipulatione vel hac interveniente, sed non adjecta pœna, vel etiam pœna appositæ, cum, aut sine juramento. Vide L. 1. *Cod. hoc tit.* &c.

Resp. 2. Spectat ad formam arbitrii modus procedendi in causa sibi commissæ; qui est fere idem cum modo procedendi in judicio; quia compromissa ad similitudinem judiciorum redacta sunt; nisi partes aliud expresserint; Unde tota potestas Arbitri Compromissarii ex ipso compromisso dependet, L. 32. §. 15. & *fin. ff. hoc tit.*

Resp. 3. Spectat ad arbitrium locus, in quo causa ab Arbitrio cognoscenda, & laudum proferendum; qui si certus est designatus a compromittentibus, observari debet, L. 21. §. 10. ff. *h. t.*

Resp. 4. Tempus, quo Arbiter possit arbitrari, spectat

stat ad Arbitrii formam; quod si sit Arbitrator Compromissarius, non potest esse tempusferiatum in honorem DEI institutum, nisi pietate aut necessitate urgente, arg. L. 3. C. de feriis.

Resp. 5. Spectat etiam ad formam arbitrii modus, quo a pluribus ad laudum ferendum constitutus illud debeat pronuntiari? nam 1. de *Jure Canonico* casu, quo plures constituti Arbitri; modo major illorum pars adsit, reliquis vocatis & absque justo impedimento venire renuentibus, presentes valide procedunt, c. 2. *hoc tit. in 6.* quod secus de *Jure Civili*, nisi adjecta fuerit clausula, ut uno, alterove absente reliqui nihilominus valeant procedere, L. 32. §. 13. ff. b. t. 2. Si plures electi sunt Arbitri, id prævalet, quod plures dixerunt cap. 1. b. t. in 6. 3. Si plures electi utrinque numero pari dissentiant, non possunt eligere tertium incertum, c. 12. b. t. 4. Si omnes dissentiant, unius tamen pronuntiatum in alterius pronuntiato contineatur, v. gr. condemnet unus in 20. alter in 15. tertius in 10. de summa minima sententia de jure tenebit, c. 1. b. t. in 6.

Quæst. 7. Qui sint effectus recepti, & qui prolati arbitrii? Resp. ad 1. Ut Arbitrator susceptum a se officium non deponat, antequam laudum edixerit; temere recusans ferre laudum a judice compelli potest, L. 3. §. 1. ff. *hoc tit.* de reliquis habetur tum in Quæst. præcedent. tum in L. 39. princ. ff. *hoc tit.* L. 19. §. 2. ff. *eadem*, &c.

Resp. ad 2. Prolati arbitrii effectus sunt. 1. Ut finem imponat causæ, L. 1. ff. b. t. ut ne quidem liceat appellare, L. 1. C. b. t. adeoque standum sit laudo tam iniquo quam æquo, L. 27. ff. *eadem*. Imo licet arbitramentum per L. 76. ff. *pro socio*; non tamen arbitrium homologatum reduci potest ad arbitrium boni viri, id est, submitti nequit vero judici & seclusa compromissione competenti, ut revideatur & corrigatur, L. 27. §. 2. ff. b. t. c. 5. b. t. Secundus effectus est, ut acta coram Arbitro in eadem causa & inter eosdem compromittentes in quolibet judicio vim probandi habeant, L. 5. §. fin. C. b. t. Tertius, ut si homologatum est, pariat actionem, c. 9. b. t. L. 5. C. b. t. diversam scil. pro diversitate initi compromissi, ut patet ex cit. LL.

Quæst. 8. Quibus modis finiatur compromissum & Arbitrorum potestas? Resp. 1. Ex parte Arbitrorum, morte illorum, etiam unius, si plures electi sint, & res adhuc sit integra, c. 42. de off. deleg. c. 50. de testib. nisi compromissum sit in Collegium aliquod, vel Prælatum ad ejus dignitatem respiciendo &c. 2. Ex parte compromittentium alterutrius morte, nisi compromittentes sint Universitas, vel nisi pro hæredibus sit compromissum, cap. 10. b. t. mutuo compromittentium consensu, transactione &c. 3. Ex parte causæ, pronuntiatione definitiva super tota causa, L. 19. §. 1. ff. b. t. lapsu temporis arbitrio præfixi L. 32. §. 11. & fin. ff. b. t. interitu rei, super qua ferendum arbitrium, L. cit. deficiente conditione, sub qua in Arbitros compromissum, L. 11. §. fin. ff. b. t.

Finis Primi Libri.

LIBER SECUNDUS

DECRETALIUM

GREGORII IX.

DE

JUDICIIS.



Quest. unic. Quæ & quâ ordine in Libro secundo Decretalium tractentur? Resp. Absolutis in Libro priore judiciorum præliminaribus; ad ipsa judicia, eorumque ordinem descendimus, ea claritate a jure Canonico præscriptum, ut in utroque foro, Ecclesiastico æque ac Civili usu receptus sit & approbatus. Primi quinque Tituli litis initium comprehendunt. A Titulo VI. usque ad XVIII. exclusive explicatur Ordinatio Processus: Tum per Titulos omnino decem agitur de Probationibus & Exceptionibus. Demum a Titulo XXVII. finis causæ per sententiæ lationem, ejusque executionem exponitur.

TITULUS I.

De Judicis.

Quest. 1. Quid sit judicium? Resp. Judicium, prout pertinet ad præsentem Titulum, & sumitur pro processu toto & discussione causæ, definitur, quod sit legitima controversiæ, quæ inter actorem & reum intercedit, per judicem cognitio, discussio, ac definitio. L. 8. & 13. C. de judic. & passim AA. differt stricte loquendo a Lite, causa, questione, instantia.

Quest. 2. Quotuplex sit judicium? Resp. Varie dividitur: Prim. a causa efficiente, sive personis judicantibus; aliud est Ordinarium, quod instituitur coram iudice Ordinario; aliud delegatum, in quo coram iudice dele-

delegato disceptatur: hoc c. 11. de probat. etiam *extraordinarium* nuncupatur. Aliud item est *Ecclesiasticum*, quod instituitur coram iudice Ecclesiastico qua tali; *Sæculare*, quod coram iudice sæculari qua tali; *Mixtum*, quod vel coram Iudice Ecclesiastico vel sæculari agitari potest, uti sunt quæstiones meri facti in rebus spiritualibus, si reus conventus laicus est.

Resp. 2. *A. causa materiali*, aliud est iudicium *spirituale* (quod ab Ecclesiastico utpote latius patente differt) aliud *temporale*: aliud *Universale*, quo universum juspeditur v. g. hæreditas: *Generale*, quod ad plura quidem objecta, sed separata & nullam universitatem constituentia porrigitur, uti fit in iudicio tutelæ, negotiorum gestorum. *Singulare*, quod circa rem singularem, v. gr. equum vel de certa specie plura individua continente, v. gr. de grege ovium instituitur. Aliud *reale* in quo disceptatur de jure in re; v. g. dominio, servitute; *personale*, in quo instituitur actio in personam, ex contractu scil. vel quasi contractu, delicto vel quasi delicto: *Mixtum* non agnoscimus quia petitio hæreditatis merissime realis est L. 25. §. 18. ff. L. 7. C. de petit. hered. actiones familiæ herciscundæ, communi dividundo, finium regundorum mere personales. L. 1. ff. fin. reg. & arg. L. 1. in princ. & §. 1. ff. fam. hercisc. L. 1. & seqq. Cod. comm. divid. aliud *Petitorium*, in quo de proprietate rei, v. gr. prædii, beneficii, vel de jure in re verb. gr. de jure pignoris, servitutis litigatur; *Posseessorium*, in quo agitur de sola rei vel juris possessione. Aliud *bonæ fidei*, de quo in §. 28. & 30. Inst. de Act. & aliud *stricti juris* L. 3. ff. de reb. credit. & L. 99. ff. de V. S. aliud *Simplex*, in quo subit unus vicem actoris, alter rei; *Duplex*, in quo uterque litigantium actor, uterque reus est.

Resp. 3. *A. forma* aliud est *Plenarium*, quod & *Ordinarium* ac *Solemne* dicitur, aliud *Summarium*: in illo juris ordo & solemnitates omnes observantur, v. g. sententiam præcedit citatio, oblatio libelli, litis contestatio, juramentum calumniæ, receptio & publicatio testium &c. in hoc simpliciter & de plano, sine strepitu & figura iudicii proceditur; ita ut, licet illa, quæ jure vel divino, vel naturali, aut gentium necessaria sunt

sunt ad iudicium, uti sunt citatio partium, aliqualis petitio loco Libelli, probatio, defensio, observari debeant, ista tamen quæ requiruntur de jure positivo, omittantur, si *celerem litis expeditionem retardent*. Causæ quædam, in quibus iudicium summarium instituitur, recensentur in *Clem. 2. de V. S. Extrav. unic. inter Comm. h. t. cap. fin. de hered. in 6. Bull. Clement. VIII. Litium dispendiis. L. 2. Cod. de pedan. judic. L. 1. ff. de extraord. cognit.*

Resp. 4. *A. Fine aliud est iudicium Civile, quo principaliter in commodum privatum Actoris; aliud Criminale, quo agitur ad vindictam publicam, id est, privationem officii, corporis afflictionem: & aliud ex utroque Mixtum, quo agitur & civiliter & criminaliter; quod fieri potest, dum per crimen aliquod non tantum læditur publica iustitia, uti est Simonia Blasphemia; sed etiam personæ particulari injuria ac damnum inferitur. Criminale subdividitur in Capitale, quo reo capitalis poena irroganda venit, quæ triplex est, mortis scil. naturalis, ademptionis libertatis, vel civitatis; & in non capitale, quo reus salva vita, libertate & civitate circa bona vel existimationem punitur. Item Criminale subdividitur in Publicum, quod accusare cuivis de populo est permisum §. 1. de publ. judic. & in Privatum, quod accusandi jus non cuivis de populo, sed iis tantum competit, ad quos ea res vel injuria pertinet. L. 1. & seqq. de privat. delict.*

Quæst. 3. *Quot persone ad constituendum iudicium requirantur?* Resp. 2. Necessariæ in omni iudicio personæ & principales sunt *Judex, Actor*, qui in criminalibus *Accusator* dicitur, *Reus* cap. 10. §. in omni de V. S. Minus principales, accessoriæ & auxiliares vel adjuvant litigantes, & sunt *Advocati, Procuratores*, de quibus ad *Tit. 37. & 38. ad Lib. 1. Decretal. & Testes*, de quibus ad *Tit. 20. & 21. hujus libr. &c.* Vel iudicem juvant, quod triplici ratione fieri solet 1. *consultando*, ut olim *Afsefsores & Consiliarii*, quorum tamen hodie major est autoritas. Huc reduci possunt *Auditores & Referendarii*: illorum in Curia Romana, & apud Legatos Sedis Apostolicæ, horum vero, in majoribus Principum tribunalibus usus est longe utilissimus,

mus. *Acta judicii conscribendo*, ut sunt Notarii, scribæ publici, Actuarii; Tabelliones, Protocollistæ, de quibus ad *Tit. 22. de fd. instrum. infra. 3. exequendo*, quod Judex imperat, ut Apparitores, Executores, Cursores, sive Nuncii & viatores, de quib. *infra*, dum de citatione & executione sententiæ agetur.

Q. 4. Quisnam Actor & Reus esse possit vel non? Resp. ad 1. Omnis qui habet legitimam personam standi in judicio, quales sunt homines liberi, masculi, majorennes. Discrimen tamen faciendum est Actorem inter & Reum, multi enim licet stare possint in judicio ut *Rei necessarii*, non tamen ut Actores.

Resp. ad 2. Non habent personam legitimam standi in judicio. 1. *Furiosi, surdi, muti, prodigi*; pro quibus tam agendo quam defendendo judicium suscipiunt Curatores. *L. 12. §. fin. ff. de Tutor. & Curat.* item *servi* proprie dicti in causa pecuniaria. *L. 6. Cod. b. t. ratio*, quia quoad actus civiles pro mortuis habentur. Vide tamen: *L. 53. ff. b. t. 2. Pupillus sine autoritate Tutoris. L. 1. Cod. qui pers. leg. Stand. Minor sine Curatoris autoritate. L. 4. C. de Auth. præst. Minori etiam invito ad lites Curator dandus. §. 2. Instit. de Curat. & lata contra pupillum aut Minorem indefensum sententia est ipsò jure invalida. L. 45. §. 54. princ. ff. de re jud. Agere tamen potest absque Curatore Minor in causis spiritibus, beneficii, verb. gr. & matrimonii, iisque connexis, modo pubes sit. *cap. fin. hoc tit. in 6. in causa momentaneæ possessionis. L. fin. C. qui pers. leg. Stand. alimentorum. L. 1. Cod. de aliment. pupill. præst.* si juratus judicium suscepit, quia juramentum supplet defectum Curatoris.*

3. *Filiusfam.* si velit litigare cum *Patre*, indiget venia Prætoris. *L. 13. ff. de in jus vocand.* non nisi in certis casibus *can. 36. caus. 2. qu. 7. cap. 1. de spons. L. 4. ff. b. t. L. 9. Cod. de pot. patr.* expressis ipsi concedenda. Si cum extraneo litigare cogitet *filiusfam. regulariter in causa propria* illi opus est consensu patris saltem generali, etsi major sit 25. annis. *cap. fin. W. hujusmodi hoc tit. in 6. L. fin. princ. Cod. de bon. quæ liberis. Dixi in causa propria ob cap. 5. §. 1. & fin. de Procurat. in 6. Dixi etiam regulariter in causa propria propter. L. 4. §. 1. ff. de*

ff. de Castrenf. pecul. L. si longius. 18. §. 1. ff. b. t. L. 22. §. 3. ff. solut. matr. L. 27. ff. b. t. c. fin. b. t. in 6.

4. *Mulier* in causis criminalibus agere non permittitur, nisi suam suorumque injuriam prosequatur. *L. 1. §. 18. ff. de accusat. in civilibus invita personaliter, etiam ut Rea, trahi non potest in iudicium, cap. 2. b. t. in 6.*

5. *Excommunicatus* Excommunicatione majori potest quidem ut *Reus necessarius* stare in iudicio, teneturque per *Procuratorem* (non per se ipsum) respondere, *cap. 7. b. tit. ratio, ne ex malitia sua commodum ferat. Si velit ut actor stare in iudicio, sive per se, sive per procuratorem, regulariter prohibetur; & si sit excommunicatus vitandus, vel a parte vel a iudice debet repelli, ne incurratur Excommunicatio minor. cap. 2. §. 12. de except. cap. 8. de sentent. Excomm. Si sit non vitandus sed toleratus, potest repelli; si non repellatur, valebunt acta iudicii, cap. 1. de except. in 6.* Dicta non procedunt de *A catholicis Germaniæ nostræ in praxi; imo & casus dantur, ubi agere permittitur excommunicato, verb. gr. dum est Actor necessarius. Auth. qui semel Cod. quom. & quand. iudex. in causa Excommunicationis, cap. 1. de rescript. in 6. in causa matrimoniali, quia vertitur periculum animæ. Si periculum in mora est &c.*

6. *Religiosus* sine licentia *Superioris* nec agere, neque ex contractu potest conveniri; tum quia non habet proprium velle & nolle, tum quia in his comparatur vel servo vel *Filiofamil.* Excipiuntur tamen casus, quales sunt: Si obtingat beneficium *Ecclesiasticum*: si studiorum vel negotiorum causa a monasterio absit: si agere velit, ut in Religione retineatur: sic & casu, *cap. 11. de Accusat. in causa propriæ famæ, cujus rationem dat D. Thom. 2. 2. quest. 186. artic. 7. ad 4.* De *Prelato Ecclesiastico* dubitatur, utrum absque consensu *Conventus* vel *Capituli* de bonis *Monasterii* vel *Ecclesiæ* possit agere; sed dicendum est aff. collig. ex *cap. 9. caus. 18. quest. 2. cap. 9. hoc titul. cap. 21. de rescript. ratio, quia superior vel Prelatus liberam habet & a Capitulo independentem administrationem; ergo poterit agere juxta. Lege fin. ff. quod cujusque Univ.*

Univ. nom. Ceterum quæ de Superioribus Religiosis, Abbatissis, Rectoribus Ecclesiarum & Parochis in hoc genere specialia occurrunt, ex Constitutionibus Ordinum, privilegiis & receptis consuetudinibus est desumendum.

Quest. 5. An quis invitatus ad agendum, vel an saltem principales ad comparendum cogi possint? Resp. ad 1. Nemo invitatus tenetur agere, sive in causis Civilibus, sive criminalibus. *L. unic. Cod. ut nem. inv. ag. v. accus. cog.* nisi qui jam semel actionem proposuit. *Aut qui semel. Cod. quom. & quand. jud.* qui alterum diffamavit *L. diffamari. 5. Cod. de ingen.* Creditores Studiosorum discessurorum ab Academicis. Tutores & Curatores. *L. 2. Cod. de arb. tut.* Procuratores. *L. 11. & 13. Cod. mandat.* Administratores civitatis. *L. 2. §. 7. ff. de administr. rer. ad civ. pert.* Hæres. *L. 1. C. de his, quib. ut indign.*

Resp. ad 2. Regulariter principales cogi nequeunt ad comparendum personaliter; ratio datur in *c. 68. de reg. jur. in 6.* Si tamen causa sit criminalis; vel juramentum de calumnia aut pro veritate dicenda præstandum; vel necessitas juris præsentiam Actoris aut Rei exigit, cogi possunt. *c. 1. b. t. in 6.* Non possunt etiam principales ea, quæ ad factum, pertinent, per Advocatos, sed per se debent proponere. Ratio, quia ipsi rem melius habent perspectam. Excusat Simplicitas Principalis, consuetudo, speciale mandatum Advocato datum, conniventia Judicis & partis adversæ.

Quest. 6. Qua causa & coram quo judice in judicium deduci possit? Resp. 1. Causas mere spirituales (de causis objectum quidem profanum habentibus, sed tamen ratione personæ Ecclesiasticis infra) cognoscere non potest Laicus judex. *cap. 2. hoc tit. c. 3. de ord. cogn. c. 5. & 7. qui fil. sint leg.* ratio, quia actus potestatis spiritualis, qualis est cognitio judicialis & autoritativa rerum spiritualium, v. gr. circa Fidem, Sacramenta, vota, est concessus a Christo Petro & ejus successoribus. *Matth. 16. V. 18. Joann. 21. V. 17.* non Principibus, & iudicibus Laicis, ergo.

Resp. 2. Conclusio extendenda est, ut laici nec de causis spiritualibus annexis. v. g. decimis cognosce-

te possint: nec principaliter & per se de jure Patronatus per c. 3. b. t. quia hoc jus vel est juxta plures secundum se spirituale, vel saltem antecederet spirituali annexum: neque ex eadem ratione de jure sepulture, dum agitur questio juris; nec de causis matrimonialibus. Trid. sess. 24. can. 12. de Sacram. matr. quia ex quo contractus matrimonialis elevatus est ad rationem Sacramenti, res spiritualis censetur.

Resp. 3. Si causa dotis incidat in causam divortii, de quo principaliter agitur, ad judicem Ecclesiasticum spectabit de ea judicare. c. 3. de donat. inter vir. & uxore. ratio, quia principale trahit ad se minus principale. Si principaliter agatur, dum v. g. uxor constante matrimonio & viro ad inopiam vergente dotem petit restitui, ad judicem secularem; quia est causa profana.

Resp. 4. Actor licet Clericus sequitur forum Rei laici. cap. 5. & 8. de form. comp. & si causæ profanæ inter laicos tractentur, regulariter & directe spectat cognitio ad solum judicem Laicum. c. 10. de form. comp. excipitur; si persona miserabilis, v. g. vidua vi sit dejecta ex possessione. c. 11. & 15. de form. comp. quia spectat talium defensio saltem cumulative ad Ecclesiam; vel si agatur de peccato. c. 13. b. t. vel si causa sit mixti fori; vel si juramentum contractui adjecti. cap. fin. de for. comp. in 6. vel si constet, quod judex laicus desit officio suo. c. 10. b. t.

Quest. 7. Quæ sit forma & quis effectus judicii? Resp. ad 1. Forma judicii consistit in ordine judiciario & solemnitatibus a jure præscriptis, quas successive præsentii Libro explicabimus, & tribus partibus potissimum absoluntur, scil. litis contestatione, probatione, sententia.

Resp. 2. Primo Judicium perpetuat actionem certo tantum tempore competentem. L. un. Cod. ex delict. defunct. 2. interruptit præscriptionem L. ultim. C. de præscript. 39. vel 40. annor. 3. judicio cœpto neuter litigans potest adversario dissentiente a judicio recedere. L. 5. Cod. de O. & A. nisi velit in expensas condemnari. §. 1. Inst. de Pœn. temere litig. 4. Licet acta coram judice incompetente v. g. confessiones, depositiones testium &c. coram judice Laico contra Clericum producta,

Acta, fidem non faciant coram iudice competente *cap. 4. b. 1.* faciunt tamen fidem plenam acta probatoria unius iudicii coram iudice competente in alio etiam iudicio, agitato inter easdem personas, earumve hæredes ad eundem finem & non variato modo agendi. *c. 11. de testib.* siue iudex sit ejusdem, siue diversi ordinis. *arg. c. fin. de except. in 6. 5.* Novationem actionis inducit iudicium, ita ut res, quæ antecederet debebatur ex contractu, nunc debeatur, quia ita iudicatum est. *L. aliam. ff. de Novat.*

Quæst. 8. Ex quibus causis iudicium reddatur nullum? Resp. 1. Ex defectu capacitatis vel competentie iudicis. *cap. 4. b. 1. cap. 24. de sent. & re judic. L. 2. & fin. C. si a non comp.* Acta tamen coram iudice putativo & communiter existimato tantum, qui revera iudex legitimus non est, valent in utroque foro. *L. Barbarius 3. ff. de off. Prætor. can. 1. caus. 3. q. 7. 2.* ex defectu personarum litigantium, quæ personam standi in iudicio non habent. 3. ex defectu solemnitatum & Ordinis iudiciarii non observati; quamvis in curia Rom. juxta Card. de Luc. & in camera Imperiali juxta Gail. *L. 1. Obser. 42. a num. 1.* si de meritis causæ constet, nullitates ex defectu solius processus & solemnitatis provenientes non attendantur.

Quæst. 9. Quomodo finiatur iudicium? Resp. Vel per sententiam definitivam; quia hac lata functus est iudex officio suo; idque totaliter, si intra decennium appellatum non est, vel si est appellatum, finitur saltem instantia, & incipit tunc secunda instantia. Vel finitur iudicium ante sententiam definitivam; quod fieri potest tripliciter, mutua scilicet voluntate partium; deinde absolute iudicii, qua liberatur pars absoluta, ut in hac instantia respondere non teneatur, reservato tamen iure alteri parti, ut novo iudicio cœpto cum Adversario suo possit contendere. Demum lapsu temporis juxta *L. 13. princ. Cod. b. 1.* qui tamen modus finiendi lites non tantum in foro Civili ex usu recessit, sed & in iure Can. ejus contrarium est statutum *c. 5. de in integr. restit. c. 14. princ. v. iudices, de privileg. c. 20. b. 1.*

T I T U L U S II.

De Foro competentī.

Quest. 1. Quid intelligatur nomine fori, & quotuplex sit? Resp. 1. Omīssis aliis significationibus hic nomine fori venit vel locus discutiendis & terminandis litibus deputatus cap. 10. de form. compet. vel jurisdictio iudicium exercentis, seu potestas publica de causa in iudicium deducta cognoscendi, & pronuntiandi.

Resp. ad 2. Aliud est forum *competens*, in quo Reus conveniri potest & debet, vel ubi iudex est *competens* & jurisditionem habens in Reum: aliud est *incompetens*, ubi nec Reus conveniri potest, nec debet. Competens dividitur in Ecclesiasticum & *Seculare*: Ecclesiasticum in *Externum* & *internum*. Internum in forum *Penitentialē* sive *Sacramentale* & in *non Sacramentale*. Item aliud forum est *contentiosum*, aliud *voluntarium*: hic de foro externo & contentioso sermo est.

Quest. 2. Ex quibus principiis deducatur competentia fori? Resp. 1. Ex persona *Judicis* competit forum, quia est *Ordinarius*, vel *Compromissarius*, vel quia *prorogata est ejus jurisdictio*, vel quia *avocata est causa ad Superiorem*, quo casu, excluso inferiore, solus superior sit iudex competens. De hac fori competentia dictum est in *Libr. 1. Decretal.* 2. Ex persona *Rei*, cujus forum Actor sequitur, datur fori competentia, ubi reus habet *domicilium*, vel *res*, quæ petitur, *sita est*, vel ubi *contraxit*, aut *deliquit*: vel quia *Clericus* & *Ecclesiasticus* est, vel quia aliunde foro *privilegiato* gaudet. 3. Ex qualitate *cause*, quod *Ecclesiastica* vel *secularis*, *mixta*, *connexa*, *feudalis*, &c.

Quest. 3. Quid sit *domicilium* & quotuplex? Resp. *Domicilium* in genere est locus habitationis: dividitur in *Domicilium commune* & in *privatum*. *Commune* omnibus civibus Romanis olim Roma erat, ut in prima instantia etiam ibi potuerint conveniri, hodie non item; in causis tamen Ecclesiasticis fideles omnes & Clerici in profanis sortiuntur forum in tribunali Pontificis, si ibi

existent, neque jus habeant domum revocandi, *can. 17. & 18. caus. 9. qu. 3. c. fin. b. t.* Privatum aliud est naturale, *domicilium originis* dictum, seu locus, in quo quis natus aut oriundus est; quod *domicilium* hodie vix servit, nisi de Jure Canonico ad susceptionem Ordinum *c. 3. de temp. Ord. in 6.* Aliud est *Accidentale, Adscititium, vel domicilium habitationis*, & est locus, in quo quis habitat, animo ibi commorandi; si quis propositum habeat stabiliter ibi commorandi, dicitur simpliciter *domicilium* vel *domicilium verum*; si vero tantum per tempus notabile; *quasi domicilium* appellatur.

Q. 4. Quomodo acquiratur domicilium? Resp. Ad constituendum domicilium simpliciter tale & sortiendum ratione domicilii forum duo requiruntur, animus & factum, seu habitatio *actualiter cepta* cum proposito stabiliter manendi in tali loco. *L. 20. ff. ad municipal.* non vero insuper; ut quis majorem bonorum suorum partem eo transfulerit; quia hoc requisitum nullo jure probatur. Ad *quasi-Domicilium* constituendum factum itidem & animus per notabilem v.g. anni partem in loco habitandi, requiritur *L. 19. §. 2. ff. de judic.* Potest quis in duobus vel pluribus locis simul habere domicilium ad eum effectum; ut utrobique subditus sit & conveniri possit. *L. 5. C. & L. 6. §. 2. ff. ad municipal.*

Q. 5. Quæ sit vis domicilii in ordine ad constituendum forum? Resp. 1. Vis veri domicilii est, ut ratione illius sortiatur quis forum quoad universam jurisdictionem, tam contentiosam quam voluntariam, tam in causa civili quam criminali, etsi crimen commissum & contractus celebratus sit alibi, *c. 17. de for. comp.* sive reus existat in foro domicilii, sive non *c. 3. de dol. & contum.* adeoque forum domicilii generale est, & concurrat cum aliis foris, imo iis potentius est, excepto foro feudi & rei sitæ juxta multos, de quo inferius. *L. 19. §. 4. ff. de judic.* Excipitur etiam uxor, quæ non in proprio sed in domicilio mariti convenienda. *L. 22. §. 1. ff. ad municip.* Hæres conventus ex persona defuncti, cepto jam cum defuncto judicio coram eodem iudice causam debet continuare. *L. 34. ff. de Judic.* Ad forum domicilii spectat casus *L. 2. C. de jurisd. om. jud.*

Resp. 2. Vis quasi domicilii est, ut talis non tantum
acqui-

acquirat jus parochiæ; possitque dispensari in votis, iungi matrimonio, habere sepulturam; nec tantum LL. & consuetudinibus illius loci teneatur; sed etiam tum de contractibus in tali loco celebratis vel commissis delictis, tum etiam de contractibus alibi celebratis aut delictis alibi commissis possit conveniri. *L. 2. C. ubi Senator. L. 3. C. ubi de crim. agi oport.* ratio quia cum sortiantur talis forum ibi pœnitentiale, cur non etiam externum? *Vagi* ubi inveniuntur; etiam ratione contractus alibi gesti aut delicti commissi forum sortiuntur. Ratio, quia *vagi*, id est; nullibi defacto domicilium habentes naturali æquitate suadente; iudicem competentem habere debent, qui alius, quam iudex loci; ubi reperiuntur, assignari non potest.

Quæst. 6. Quenam circa forum rei sitæ observanda?

Resp. 1. Per forum rei sitæ intelligitur locus, in quo res controversa existit; iudex autem loci illius dicitur iudex rei sitæ; apud quem iudicem conveniri potest debitor vel possessor rei litigiosæ, sive alias subjectus sit, sive non *L. 1. & 3. C. ubi in rem actio. c. fin. b. t.* sive præsens in loco sit, sive absens *c. fin. §. fin. ut lite non contest. L. 2. C. ubi in rem.* Speciale quid est in possessore rei nomine alieno; & in emptore rei alienæ, per *L. 2. C. ubi in rem act. item per L. 49. ff. de judic. & in Clerico*, ut infra.

Resp. 2. Actione tantum reali Reus in loco rei sitæ conveniri potest, nisi sit in rem scripta. quia actio realis rem; non personam sequitur: *L. 25. ff. de O, & A.* contrarium fit in actione personali per *L. fin. §. fin. ff. de contrab. empr.* Conveniri autem potest sive res immobilis sit sive mobilis, notabili tamen tempore in loco permansura, ob generalitatem textuum *cap. fin. b. t. & L. fin. C. ubi in rem actio.* it. ob. *L. 33. ff. de jud.* Non solum in petitorio, sed etiam possessorio. *L. un. Cod. ubi de poss. L. un. ubi de hered.* ratio, quia causæ possessionis tam recte confœderata est causa proprietatis, ut utraque eorundem iudicis deceat ventilari; *cap. 1. de caus. prop. & poss.*

Resp. 3. Reus non necessario conveniri debet in loco rei sitæ, sed potest etiam conveniri in loco domicilii sui, ut adeoque forum rei sitæ & domicilii concurrant; vel

quod idem est, forum domicilii est ita generale, ut in eo non tantum actiones personales, sed reales etiam possint proponi arg. *L. ult. C. ubi in rem. act. L. un. C. ubi de hered.* ratio, quia bona sunt accessoria personis, ergo recte petuntur a iudice, cui subsunt personæ.

Quest. 7. Quid de foro contractus dicendum? Resp. 1. Ratione contractus in loco, in quo is gestus, regulariter sortitur quis forum coram iudice illius loci Ordinario, licet ibi domicilium non habeat. *cap. ultim. b. t. L. 19. C. 20. ff. de judic.* Accipitur autem hic nomen contractus latissime. arg. *LL. cit.* nec tantum quoad obligationem principalem ex contractu ortam, sed etiam quoad secundariam, v. g. damna, interesse: Item etiam quoad *distractum* in loco contractus quis forum sortitur, id est, quoad rescissionem contractus Reus conveniri potest in loco ejusdem initii, juxta *Vviesn. b. t. n. 47.* si tamen & Reus in loco contractus inveniatur, & contractus ex utraque parte nondum perfectus sit vel impletus, aut vitio aliquo intrinseco v. g. usuræ laboret. *L. 14. §. fin. C. de non num. pec.*

Resp. 2. Limitatur regula communis, quod quis in loco contractus sortiatur forum 1. Ita ut licet Reus conveniri possit in loco contractus secundum dicta, possit tamen etiam actor, si velit, eum convenire in loco domicilii. 2. ut, dum verb. gr. ex conventionem partium requiritur ad substantiam contractus scriptura, non in loco contractus, sed scripturæ vel instrumenti confecti, si alius hic sit, Reus debeat conveniri *L. 17. Cod. de fid. instrum.* 3. ut in loco confirmationis contractus forum quis non sortiatur; quia confirmatio in forma communi facta nihil innovat. 4. Si aliter inter contrahentes convenerit, vel pro impletionem contractus aut solutioni certus locus sit destinatus, in hoc & non in loco contractus forum sortiuntur; habetur clare *Lege 19. §. final. ff. de judic.* licet Reus habeat privilegium nonnisi in certo loco respondendi. *cap. 17. hoc tit.* observetur præterea *L. un. Cod. ubi conveniatur, qui certo lo. da.* 5. Ut viatores & advenæ (quales non sunt, qui officinam, tabernam, pergulam constituerunt) non teneantur regulariter respondere in loco, in quo contraxerunt, mox inde discessuri, altera parte sciente.

L. 19.

L. 19. cit. ubi & ratio hujus redditur. 6. Ut in contractu dotali nec locus contractus, nec locus confecti instrumenti attendatur, sed locus, ubi vir habet domicilium; & ut juxta jura ejusdem domicilii mariti, & non juxta jura loci contractus vel confecti instrumenti, uti alias fieri debet; decisio litis sit facienda. *L. 65. ff. de judic.* 7. Ut in loco contractus aliter invitatus non conveniri possit, nisi ibi reperiat. *cap. 1. §. contrahentes. hoc tit. in 6.* Dantur tamen hodie casus, in quibus absens ad locum contractus citari valet; v. g. ob administrationem in loco quopiam gestam ad reddendas rationes. *L. 1. Cod. ubi de rat. agi oport.* reliquos vide apud Engel *hoc tit. num. 23.* cum explicatione. *cap. 1. h. tit. in 6.*

Q. 8. An & quomodo forum delicti sit competens? Resp. 1. aff. Sic ut delinquens subjiciatur non quidem in foro pœnitentiali, sed externo tam Ecclesiastico quam sæculari, jurisdictioni illius judicis, etsi alias eidem non sit subjectus. *cap. 13. & fin. h. tit. cap. 1. de raptor. L. 1. & Auth. qua in provincia. C. ubi de crim.* ratio consistit in congruentia, ut scelera ibi, ubi commissa, plectantur, tum ad terrorem aliorum, & ad satisfactionem Reip. læsæ, tum ob faciliores probationes. Procedit de quovis delicto; item de personis privilegiatis sub certis limitationibus. Vid *L. fin. ff. de Accusat. cap. 14. h. tit. L. 1. C. ubi Senatores. Auth. habita quidem C. ne filius pro patre.*

Resp. ad 2. Si delictum patratum sit in confinio duorum territoriorum, ut nesciatur, in quo eorum fuerit perpetratum, vel si in uno territorio sit inchoatum, in altero vero consummatum, vel in uno mandatum, in altero datum executioni, inter judices utriusque territorii locus est præventioni. Primum desumitur ex *Lege 19. ff. Commun. divid.* Secundum ex *L. 1. Cod. ubi de crim. agi oport.* Tertiū ratio sumitur a paritate jaculantis in uno territorio, & in alio occisionem facientis (qui juxta *L. 1. citat.* apud utrumque judicem forum fortitur) & inter mandantem. DEINDE. Dum delinquens jam est egressus e territorio, in quo deliquit, neque citatione præventus citare ipsum regulariter & de jure amplius non potest Judex loci delicti;

ratio est ob defectum jurisdictionis. Nec potest illum in territorio alieno persequi, nisi esset Prædo, grassetor, latro. *Recess. Imp. Augustæ 1559.* quæ etiam facultas persequendi milites fugitivos Belli duci, uxorem marito, Religiosos Prælato conceditur. *Arg. L. 1. Cod. ubi quis de Curiali.* Quid in Praxi observandum tum judici, qui petit remissionem delinquentis ad locum delicti, tum a quo petit, vide apud Gail. *L. 1. Observ. 56. & 57.*

Quest. 9. Quid dicendum de privilegio fori competente Ecclesiasticis? Resp. 1. Clericorum personæ exemptæ sunt a jurisdictione & foro sæculari. *Trid. Sess. 25. cap. 20. de reform. cap. 8. de jud. cap. 12. b. t. & c.* 2. Nomine Clericorum veniunt, quia materia est favorabilis, non tantum in majoribus constituti, ut patet, sed etiam in minoribus, si hi unam de conditionibus a *Trid. sess. 23. cap. 6. de reform.* requisitis habeant; etiam si quis post delictum commissum fuerit modo factus Clericus, *cap. 2. b. t. can. 15. Bullæ Cœnæ*, si tamen id non in fraudem fecerit; quia fraus nemini patrocinator. *cap. 15. de rescript.* Imo etiam omnes utriusque sexus Regulares *c. 5. 10. 33. de sent. Excomm. cap. 4. de Cens. in 6. cap. 3. de Immun. Eccles. in 6.* 3. Clerici & Religiosi non tantum exempti sunt a foro sæculari jure positivo Ecclesiastico, ut omnes, sed etiam aliquo modo de jure divino, ut ait *Trid. sess. 25. cap. 20. de reform. Ecclesiæ & personarum Ecclesiasticarum immunitatem DEI ordinatione & canonicis Sanctionibus constitutam esse.* Ly aliquo modo explicant alii cum Pichler. *b. num. 18.* quod in thesi, immediate tamen exempti sint Clerici a jurisdictione & foro laicali jure divino; alii, quod talis exemptio procedat a jure divino non immediate, sed originaliter & initiative. 4. Exemptio hæc Clericorum non habet tantum locum in causis criminalibus, *c. 4. 8. 10. de judic. c. 12. de for. compet.* sed etiam in Civilibus, tam personalibus, quam realibus de jure scripto. *c. 12. b. t. cap. 4. de Cens. in 6. Auth. statuimus. C. de Ep. & Cler. cap. 42. & seq. caus. 11. q. 1. c. 12. de for. comp.* Defendunt aliqui consuetudinem esse legitimam, qua Clerici super causis temporalibus actione reali in foro sæculari solent conveniri. 5. Clerici privilegio huic exemptionis nequidem possunt jurato renuntiare.

tiare. *cap. 12. b. t.* imo si quæstio fiat de statu Clericali, & quis semper fuerit solitus incedere ut Clericus, licet delictum commiserit, restituendus est judici Ecclesiastico; quia talis præsumitur, qualis invenitur. 6. sunt tamen aliqui casus, in quibus iudex Laicus licite & valide contra Clericos procedit non in Civilibus tantum, quorum quosdam recenset Schmalzg. *b. t. n. 80.* sed etiam in Criminalibus, ex voluntate scil. Ecclesiæ; v. g. dum Clericus post actuale degradationem traditus est Curia seculari. *c. 4. & 10. de judic.* dum dimisso habitu se immiscet enormitatibus, nec post trinam Episcopi monitionem se emendat. *cap. 25. & 45. de sent. Excomm. c. fin. de vita & honest. Cler.* dum Reus est assassinii. *cap. 1. de homicid. in 6.*

Quæst. 10. An præter Clericos etiam alii gaudeant foro privilegiato? Resp. aff. 1. Nobiles immediate subiecti Imperio conveniri debent tam in Civilibus quam Criminalibus coram Camera Imperiali vel Consilio Imperiali Aulico. *Recess. Imper. de anno 1555. §. &* de tali pace ex concessione tamen Imperatoris & Procerum possunt Principes & Nobiles immediati saltem in causis civilibus apud Iudices inferiores, quos *Austregas* vocant, conveniri.

Resp. 2. Studiosi immatriculati & vere tales (non cessatores, & neglectis Lectionibus otio dediti) habent privilegium, ut coram alio quam Rectore Academiae, vel, quod consuetudo immutavit, coram Episcopo Civitatis non conveniantur, siue sint causæ Civiles, siue Criminales. Probatur non tantum clare ex Auth. *Habita quidem. Cod. ne filius pro Patre.* Sed & in Universitate nostra Heidelbergensi ita semper est practicatum, ad quam insuper juxta recentia præjudicia alibi delinquentes sunt remissi.

Resp. 3. Milites, si in numerum militum præstito juramento rite inscripti sint, coram solo iudice militum, Duce vel Colonello, vel per se aut per Auditorem reum examinante, adhibito in causis gravioribus Senatu militari, possunt conveniri. *L. 6. C. de jurisd. omn. jud. siue civilis, siue criminalis actio intentetur;* licet enim de utraque actione intentanda exceptiones ponantur tum in *l. fin. Cod. ubi quis de Curial. l. un. Cod. in quib. caus. mili-*

tant. tum in L. 7. ff. de jud. praxis tamen obtinet, ut de criminali causa militum Duces eorum cognoscant.

Resp. 4. Viduæ, pupilli, similesque personæ miserabiles, etiam ut Actrices gaudent privilegio fori; in primis de Jure Civ. in foro Civili per L. un. C. quando Imperat. Deinde Jure Canonico, ut etiam reos Laicos ad forum Ecclesiasticum trahere possint. c. 15. b. t. dum vel negligens est judex sæcularis in administranda justitia; c. 11. §. fin. b. t. vel ipsæ violenter oppressæ sunt aut spoliata. c. 15. cit.

Q. 11. Ratione causarum quodnam sit forum competens?
Resp. 1. Causæ sacræ spirituales; vel ita dictæ mere Ecclesiasticæ, quæ vel circa res intrinsece, vel causative sacras, vel ex fine supernaturales versantur, aut ad regimen Ecclesiasticum pertinent & officium spirituale, excluso judice Laico, a Solo Ecclesiastico cognosci possunt. c. 2. de jud. c. 10. de constit. c. 1. & 2. de Reliq. & venerat. Sanct. 2. Idem dicendum de causis spirituali annexis. c. 3. de jud. c. 3. de Ord. cognit. c. 5. & 7. qui fil. sint leg. Adeoque de causis matrimonialibus, de limitibus Parochiarum, jure Patronatus principaliter in judicium deducto, de questione facti super causa spirituali, involvente simul questionem juris, in dubio, utrum causæ spiritualis sit, nec ne, solus cognoscit judex Ecclesiasticus. Vide Tit. 1. de jud. Q. 6.

Resp. 2. Causæ profanæ, nihil scilicet spiritualitatis, vel in vel extrinsece habentes, si agitantur inter Laicos, vel reus conventus est Laicus, solius judicis Laici cognitioni & jurisdictioni per se subsunt c. 10. & 11. b. t. ratio quia Prælati Ecclesiastici, ipseque S. Pontifex in causis temporalibus fidelium jurisdictionem per se & directe non habent, nisi temporali illorum dominio subiecti sint. Dixi per se propter c. 15. b. t. supra b. t. Quæst. 10. Resp. 4. cit. propter c. 8. & 16. b. t. propter c. 5. b. t. & c. 13. de jud. c. fin. b. t. in 6. & c.

Resp. 3. Causæ mixti fori tractandæ sunt ab eo judice, qui alterum, quocum habet cumulativam potestatem de hujusmodi causa cognoscendi, prævenit, quo casu perventus in causæ cognitionem se ingerere amplius non potest. lib. 7. ff. de judic. 2. Causæ mixti fori, quæ in utroque foro tam Ecclesiastico, quam sæculari

lari tractari possunt, sunt, quæ ex natura & objecto suo sunt quidem profanæ, sed tamen ob certam qualitatem spirituales, vel ex lege aliqua aut consuetudine ad utrumque forum spectant. Tales causæ *Civiles* sunt, contractus iuramento firmati quoad *executionem* contractus iurati: Testamenta Laicorum, quibus sunt inserta legata *ad pias causas*: causæ personarum miserabilium in casu oppressionis vel spoliationis &c. Causæ *Criminales* sunt utramque scil. Remp. offendentes, usura; blasphemia non hæreticalis a Christiano prolata: concubinatus: polygamia: adulterium, si ad divortium non agatur. Causa *hæresis* & *Simonie* cognoscenda est a solo iudice Ecclesiastico. *cap. 13. de hæret. & cap. 18. §. prohibemus: eodem in 6. & comm. AA. 3.* Nec qui iudicatus & per sententiam definitivam a iudice præveniente est absolutus, potest regulariter a iudice prævento iterum iudicari. *cap. 2. de excep. in 6. cap. 6. & L. 7. §. 2. ff. de accusat.* Nec qui punitus est a iudice præveniente pœna ordinaria, vel extraordinaria commensurata denuo puniendus est a prævento. *c. 6. de Accus. & L. 4. §. fin. ff. Naut. Caup.*

Resp. 4. Causæ *connexæ* vel ratione personarum, verbi gr. plurium cohæredum, fociorum, tutorum; vel *ratione rei*, de qua agitur, si nimirum circa eandem rem plures quæstiones vel *principaliter*, vel *incidenter* moveantur; ubi tamen notandum, *cap. 3. de Ord. cognit. cap. final. de jud.* vel *connexæ ratione actionis generalis &c.* dividi non debent, cum discrimine tamen inter ius vetus ob *L. 10. Cod. h. tit.* & hodiernam praxin, quasi Actor huiusmodi divisionem faciat & causas connexas apud diversos iudices tractet; Reus opponere solum potest ante L. C. exceptionem *causæ connexæ non dividendæ*, hæc si omissa sit, valebit processus coram diverso iudice agitatus. *Gail. L. 1. Observ. 32. num. 13.* Quis iudex in causis connexis, dum plures interesse habent, adeundus sit, variant AA. *Gail. ait*, superiorem respectu omnium adeundum; *Engel iudicat*, ibi terminandam litem, ubi vel contra unum ex correis præocupata est, non faciendo discrimen inter iudicem superiorem & æqualem: alii dist. quod, si iudex, coram quo cœpta causa competens sit respectu omnium, coram

coram eodem sit continuanda; si incompetens sit vel respectu unius partis vel causæ, adeundus sit omnium correorum superior. *l. 5. Cod. arb. tutel. l. 2. C. de Ord. jud. Ord. Cam. p. 2. tit. 9. Rec. deput. 1500. §. 23.*

Resp. 5. Causæ feudales, quæ versantur circa rem, cujus dominium utile est alicui benevole concessum sub obligatione fidelitatis & obsequii personalis, pro diversis casibus diversimode deciduntur. 1. Si lis oriatur inter duos Vasallos ejusdem Domini, v. gr. alter petit partem feudi, quam alter possidet, vel aliam causam feudalem, five ex lege feudi tractat, Dominus judex erit. 1. feud. 18. 2. feud. 55. §. 2. fin. etiamsi Dominus sit Laicus, Vasallus autem Clericus. c. 6. & 7. b. t. 2. Si lis oriatur inter Dominum & Vasallum, & agatur super ipsa rei feudalis proprietate, dum v. g. negat Vasallus rem esse feudalem, Judex Ordinarius judicabit; si autem agatur super jure aliquo accidentali v. g. negat Vasallus servitia Domino, vel agit contra Dominum de evictione feudi, Pares Curie judicabunt. Engel b. tit. n. 92. 3. Si lis oriatur inter Vasallum & extraneum, vel inter Dominum & extraneum, cognitio ad Ordinarium judicem Rei conventi pertinebit, 2. feud. 15.

Q. 12. Quenam sint fori extraordinarii species? Resp. 1. De foro delegationis dictum est ad tit. 29. Libri 1. Decretal. De foro continentie causarum b. t. q. 9. Resp. 4. De foro reconventionis dicetur ad tit. 4. de mutuis petit. Dicendum restat hic. 1. De foro jactationis seu Diffamationis ex *L. diffamari. 5. C. de ingen. manum* cujus Legis beneficio, qui in possessione ingenuitatis, vel aliter in fama sua læsus est, potest adire judicem suum proprium, & apud hunc petere, ut diffamanti assignet certum terminum, intra quem probet veritatem suæ diffamationis, & si in probatione defecerit, perpetuum ei silentium imponatur. Remedio huic locus etiam est contra Clericum diffamatorem Laici, quia diffamans re ipsa est actor, necessitatus sequi forum Rei; ubi tamen Judex Laicus Laici diffamati debet attendere, ne contra privilegium Clericale propria auctoritate cogat Clericum ad comparandum in suo judicio, sed faciat illud mediante Judice Ecclesiastico.

Resp. 2. Affine est remedio. *L. diffamari* remedium, *L. si*

L. ff. contendat 28. ff. de fidejussor. Est quidem specialiter conceptum de fidejussore, cui *beneficium divisionis* competit, ex generali tamen æquitate ad alios etiam casus extenditur: vi hujus is, qui in quacunque causa litem sibi ab alio movendam timet, proprium suum judicem adire, ab eoque, implorando officium ejus nobile, potest petere, ut adversarius citetur, licet forte non subiectus, ac ipso præsentem declaretur, se debitorem illius non esse, vel exceptione saltem legitima muniri; ac propterea illi super ea causa perpetuum imponatur silentium.

Resp. 3. Ad forum extraordinarium reduci potest forum *Præventionis*, quando is, qui plures habet judices competentes, ab uno citatur, & sic prævenitur, cæteri que judices a cognitione illius causæ excluduntur. Ratio datur. *L. 30. ff. de judic.* Neque actor post citationem reo intimatam, factamque comparitionem variare, reumque coram alio judice, licet cæteroquin competente, convenire potest; quod si fieret, per *exceptionem Præventionis* a Reo oppositam judicem hunc secundum declinare posset, *arg. l. cit.* Inducitur pariter per citationem unius præventio respectu omnium correorum. Ratio, quia id exigit continentia causarum, quæ dividenda non est.

Resp. 4. Ultimus modus sortiendi forum est *Prorogatio*, quæ describitur, quod sit extensio jurisdictionis ad personas, causam, tempus, vel locum, in quas, quando, & ubi alias non competit, consensu libero earundem personarum facta. *cap. 40. de off. & pot. judic. deleg. L. 18. ff. de Jurisd. L. 1. Cod. de Jurisd. omn. jud.* Est adhuc hodie in usu, teste Brunnem. in *L. 18. ff. de jurisd. 2.* Non tamen omnes causæ prorogari possunt; sic prohibetur prorogatio in causa spirituali, feudali, Criminali, appellationis, delegata, specialiter reservata Principi, in causa, quam superior ab inferiori ad se advocavit. 3. Nec possunt omnes prorogare jurisdictione judicis non sui; specialiter prohibentur Pupilli sine Tutore. Minores sine Curatore, Procuratores speciali mandato, aut sine clausula *cum libera* destituti, Studiosi saltem de consuetudine, Clerici & Religiosi neque cum consensu Episcopi, neque intervenien-

de juramento prorogare in se possunt jurisdictionem judicis secularis, quæcunque demum causa sit. *cap. 12. b. t. ubi & ratio additur.* Quin imo ne quidem possunt Clerici jurisdictionem alieni judicis Ecclesiastici, nisi consentiente proprio Ordinario in se prorogare. *c. 18. b. t.* Nec Religiosi exempti possunt se Episcopo subijcere in pertinentibus ad jurisdictionem contentiosam. DD. communiter; æquitate tamen spectata in iis, quæ spectant ad jurisdictionem voluntariam consentiente Prælato suo, ut adeoque & petere possint absolutionem a Censuris, & dispensationem in votis. Ratio, quia exemptionis privilegium directe in favorem concessum in odium detorqueri non debet. Hæc tamen procedunt solum, dum Papa ejusve legatus jurisdictionem in Exemptos habens facile adiri non potest; nec facultatem absolvendi immediatus aut mediatius haberet.

T I T U L U S III.

De oblatione Libelli.

§. 1. De Libello.

Quest. 1. *Quid sit & quotuplex libellus?* Resp. Est scriptura brevis claram Actoris intentionem continens & causam petendi. Dividitur dupliciter, 1. in *simplicem* seu *summarium*, in quo factum breviter, perspicue, & continua quadam orationis serie narratur: & in *Articulatum* seu *Positionalem*, ubi per articulos factum comprehenditur. Rejctus est hic per nov. *R. I. Anno 1654. §. post hæc.* 2. in *Civilem* seu *Conventionalem*, qui pro objecto habet causam Civilem, & in *Criminalem* vel *Querimonialem*.

Q. 2. Quibus partibus construatur libellus, & quid in singulis observandum? Resp. ad 1. Tribus, narratione facti, medio concludendi, ipsa conclusione.

Resp. ad 2. Primo. Narratio facti ita construitur, ut expresso nomine judicis (hodie non proprio, sed officii tantum) item nomine Actoris, & Rei, ipsum factum cum necessariis circumstantiis subnectatur; item quid quale aut quantum petatur. In criminali libello

appo-

apponi præterea debet delicti locus, annus, mensis; alias ipso jure nullus erit. *L. 3. ff. de accus.* Dies, nisi a Reo petatur, tutius omittitur. Nomen Actionis ut exprimitur necesse non est. *c. 6. de jud. L. 62. ff. de fidejuss. L. 3. C. ad S. C. Maced. L. 6. de reb. cred.*

Resp. ad 2. Secundo. Medium concludendi, seu causa petendi, & jus, ex quo agitur, exprimi debet in libello, ut constet Reo, num cedere vel litigare expediat, & siquidem est *actio realis*, causa tantum proxima sive *dominium rei*, aut aliud jus reale exprimitur *regulariter*; Si autem *personalis*, causam remotam ponere sufficit, id est contractum, verb. *gt. peto centum a Titio, quos mihi debet ex mutuo, deposito &c. cap. fin. hoc tit.*

Resp. ad 2. Tertio. Conclusio sive petitio Actoris in *causa Civili* (in Criminali enim lex ipsa concludit) est accurate formanda, quid scil. & quantum petat Actor; de hac enim verificatur illud, quod sententia debeat esse conformis libello. Conclusioni libelli Civilis adjici solet clausula *salutaris* dicta, similibus fere verbis concepta: *Super his omnibus peto mihi jus & justitiam administrari omni meliori modo & forma, qua de jure, statuto, vel consuetudine fieri potest.* Hujus effectus est, ut Actor censetur omne jus suum in judicium deduxisse. Alii apponunt etiam hanc clausulam: *Salvo jure addendi, minuendi, corrigendi, &c.* quæ ultra jus commune nihil operatur.

Q. 3. *Quanam sint proprietates libelli & quæ vitia?*

Resp. 1. Debet in scriptis offerri. *c. 1. b. t. 2.* debet esse *brevis*, hinc superflua rejicienda. *L. fin. §. 1. C. de appel.* 3. *clarus & perspicuus esse debet.* 4. debet esse *ordinatus*, constare scil. partibus supra recensitis.

Resp. 2. Vitiosus libellus, id est, qui ob defectum *accidentalem* possit, non debeat rejici, dicitur. 1. si sit *obscurus*, nam libellus, in quo non apparet, quid petatur, rejici potest. *L. 7. §. 4. ff. de injur.* Obscurus tamen non est, adeoque nec vitiosus, si plures in eodem actiones cumulentur. *Lege 11. ff. de jurisd.* modo nihil obstat cumulationi, uti obstat, si quis actiones contrarias, vel quæ ex una eademque causa descendunt, & ad finem eundem tendunt, vellet cumu-

mulare &c. 2. Vitiosus libellus est, si sit *incertus*, cum enim sententia certa esse debeat, quantum fieri potest; etiam libellum certum esse oportet. 3. Si sit *generalis*; ita ut *Accusatorius* ipso jure sit nullus. L. 3. ff. de accusat. civilis parte solum excipiente rejiciendus: Konig b. num. 57. Casus, in quibus libellus generalis locum habet in judicio, sunt, dum petuntur fructus, expensæ; interesse; in tutelæ vel negotiorum actione, in hæreditatis petitione. W. Gail. L. 1. Observ. 63. num. 2. 4. Si sit *alternativus*, qui ob incertitudinem non admittitur; *regulariter* loquendo; admittitur enim in actione hypothecaria; verb. gr. si dicat actor, *peto illum condemnari ad traditionem rei obligatæ, vel ad solvendum debitum*; in materia emptionis; quando agitur ex L. 2. C. de rescind. vendit. Vel dum incertitudo provenit ex facto Adversarii. Gail. L. 1. Obs. 62. num. 4. vel dum res per moram debitoris est deterior facta; aut quando res petitur restitui; si extet; vel æstimatio ejus; si sit consumpta.

Resp. 3. Libellus *omnino ineptus*, in quo omiſſa eā; quæ necessario exprimenda, & quibus non expressis jus agendi non potest concludi; est nullus; etsi pars adversa non excipiat; nec potest ex eo judex sententiam pronunciare; cap. 15. de judic. Vide Gail. L. 1. Observ. 67. num. 1.

Q. 4. An libellus inepte concinnatus permittatur emendari: id est; addi vel demi aliquid, salva libelli substantia; ita ut nec res petita; nec causa petendi mutetur? Item an mutari; sive variari permittatur quoad substantiam; ut nova in libello causa agendi proponatur; alia res prorsus diversa petatur? Resp. ad 1. aff. Emendari libellus potest; etiam post litem contestatam usque ad sententiam definitivam, L. 21. §. 1. ff. qui testam. fac. L. 4. §. fin. ff. de Noxal. Act. Si ergo erravit Actor in nomine rei petiti; in loco vel tempore obligationis contractæ; si omisit petere accessoria &c. licitum est errorem corrigere; eo quod nec actio; nec causa agendi mutetur.

Resp. ad 2. Mutare libellum licet ante litem contestatam. L. 3. Cod. de edend. quia judicium proprie ante L. C. coeptum non est: modo Reo novæ concedantur indu-

induciæ, & expensæ, si quas fecit, compensentur. Glossa & DD. in *cit. L. 3.* non tamen licet mutare libellum post *L. C.* nisi Actor velit novo libello uti & nova instantia, recedendo a priori cum refusione expensarum juxta *c. 15. de judic.* Ratio quia per litis contestationem partes obligantur instantiæ; ut ab ea ob quasi contractum recedere non possint: *L. 25. ff. de R. V. L. 52. princ. ff. de jud. L. 4. C. de jurisd. omn. jud.*

Quest. 5. Quinam sint effectus oblatis libelli? Resp. seqq. 1. ferenda est sententia secundum petitionem in libello formatam; *cap. 2. de ord. cognit. cap. 24. §. fin. de Accusat. 2.* Actor post libellum per judicem reo porrectum tenetur litem proseguere. *Auth. qui semel. Cod. quom. & quand. jud.* modo tamen rei interfit, aut Actor expensas reo paratus sit refundere. *Reiffenst. h. n. 40.* 3. Oblatio libelli rem facit litigiosam a die intimatæ reo citationis. *Clem. 2. ut lite pend.* 4. Secuta citatione interruptitur præscriptio: *L. 3. Cod. de præscript. 30. vel 40. annor. &c.*

§. 2. de Citatione.

Quest. 1. Cur hic agatur de citatione; & quid sit? Resp. ad 1. Cum non extet specialis rubrica de citatione in Jure Can. uti tam in ff. quam Cod. extat Tit. *de in jus vocando*; necessitas tamen sit de eâ tractandi; priusquam ad alios actus judiciales procedatur; hic magis congrue de ea tractatur, utpote quæ sequi solet oblationem libelli, & hoc oblato per actorem Judici Reus citari.

Resp. ad 2. Citatio est legitima alicujus in jus vocatio juris experiundi gratia. *L. 1. ff. de in jus vocand. vel aliquanto explicatius: est actus judicialis, judicii præparatorius; quo is, quem in judicio sisti opus est, judicis mandato vocatur in jus seu judicium, juris experiundi gratia Pirh. de for. comp. n. 212.*

Quest. 2. Quotuplex sit citatio? Resp. Alia est, quæ fit a jure; cujus exemplum est in *cap. 1. de elect. in 6.* alia quæ fit ab homine; scilicet judice. Hæc vel est Realis, dum persona in judicium vocanda autoritate judicis a ministris justitiæ apprehenditur vel capitur. *L. 8.*

C. quom.

C. quom. & quand. vel est *Verbalis*, quando Judex Apparitorem, Nuntium aut Pedellum ad reum mittit, ei-que oretenus vel in scriptis facit significari, ut ad certum diem compareat in judicio. *Verbalis* iterum duplex est, scil. *Privatam* quæ fit vel *in faciem* Rei, vel ejus Procuratoris vel in absentia Rei ad ejus domum; & *Publica*, quæ publice per Proclama, vel vocem Præconis, vel per campanam, vel per *Edictum* in publicis locis affixum fieri solet; sin hoc ultimo modo fiat, dicitur *Edictalis*. Demum alia est *Citatio simplex* quæ citatum non comparentem non reddit prius contumacem, quam 3. vicibus sit repetita. *L. 9. Cod. quom. & quand. jud.* Interposito tamen inter singulas competente spatio, scil. *de jure* 10. dierum. *Alia peremptoria*, quæ semel tantum fit, & contumacem tamen reddit vocatum in jus, si præfinita die non compareat. Tantum autem temporis hæc contineat, quantum 3. simplices simul: item verbum *peremptorie* in ea expressum esse debeat. *L. 72. ff. de jud.*

Quæst. 3. Citatio an necessaria? Resp. aff. ita quidem, ut quoad *absentem* sit simpliciter necessitatis quoad valorem judicii. *cap. 10. de Constit. cap. 2. de sent. & re jud.* ratio, quia videtur esse juris naturalis, cum spectet ad necessariam sui defensionem, qua contingit ordinarie, ut vel culpa, vel poena saltem possit minui. Nec reus tantum citandus, sed etiam alii, quorum primario interest, arg. *L. 39. ff. de adopt. L. 47. ff. de re jud.* Dantur tamen plures exceptiones, quæ vel in non necessitate, vel impossibilitate defensionis fundantur: v. g. dum crimen vel non jus partis est notorium. *c. 5. de appell.* vel dum quis dolose latitat, vel se occultat: aut periculum est in mora: item in causa hæresis. *cap. fin. de hæret. in 6.* vel dum causæ cognitio non requiritur. *L. 9. §. 1. ff. de off. Proconsf.*

Quæst. 4. Quid observandum in citatione reali, edictali, verbali? Resp. ad 1. *Citatio realis* nonnisi a judicibus Ordinariis fieri potest, non a Delegatis regulariter, qui tantum in quibusdam casibus possunt citare personaliter de Jure Can. *cap. 1. de jud. in 6.* Deinde adhibetur in causis criminalibus, non tamen indistincte, Engel *b. n. 14.* ex notabili textu *L. 1. ff. de custod. & exhi-*

exhibet. reor. Demum rarissime in Civilibus locum habet. Vide L. 10. §. 16. ff. *quia in fraud. credit.*

Resp. ad 2. Citatio *Edictalis* etiam non permittitur Delegatis inferiorum, sed solis iudicibus ordinariis. *Aut. qui semel. C. quom. & quand.* Habet tantum locum, si quis citari alias non potest. v. g. si locus, ubi citandus moratur, non sit tutus; si extra territorium citantis; si remotus aut varius; si contradictor incertus &c. Fieri debet, antequam decernatur, summaria inquisitio, Legi item per Nuntium, & post lecturam in locis consuetis, pluribus, non uno tantum affigi: affixa relinquenda est spatio ex arbitrio iudicis determinando.

Resp. ad 3. Citatio *Verbalis*, dum fit in scriptis, continere debet nomen & cognomen iudicis citantis, ut scil. reus cognoscat, quis & qualis sit iudex; cum mandato iudicis fieri tantum possit citatio, siue deinde is sit Ordinarius, siue delegatus. Nomen & cognomen rei, siue ipsius citandi. *cap. 36. de rescript.* nomen & cognomen Actoris, quia ad hujus instantiam fit citatio: locum iudicii. *c. fin. de rescript.* causam saltem in genere, ob quam quis citatur. *Clement. 2. ut lite non contest.* Certum terminum, ne sit citatio vaga; congruum & competentem, ne impossibilis fiat comparitio: diem etiam certum juxta styllum omnium Curiarum, ut sciatur, an dies sit iudicialis, nec ne, non tamen horam.

Q. 5. *Quomodo citatio mandanda executioni?* Resp. 1. Juxta dicta superius, *Realis* subditi etiam proprii extra territorium sine licentia Domini territorialis fieri non potest, ob defectum jurisdictionis. *Verbalis* autem respectu sibi subiecti juxta C. de Luc. fieri potest, quia non est actus jurisdictionis, sed mera executio. Suadet tamen, ut ad vitandas tricas iudex loci per *litteras subsidiales* requiratur, ad faciendam vel per suos Ministros vel Nuntium ab alieno iudice missum citationem. Si nec hic modus procedat, veniendum est ad *edictum* in locis finitimis affixum.

Resp. 2. Ex stylo Camerae fit citatio per Nuntios juratos, quibus credi debet: quovis die, modo non de nocte: facienda est autem in *faciem rei*; unde hic diligenter inquirendus: Si nec is, nec ejus Procurator re-

pertus, domesticis & in horum defectu vicinis relicto suæ commissionis exemplo, denuntiatio debet exponi. *c. 3. de dolo*. Si nec hoc fieri possit, vel non expediat, affigatur ad domum habitationis, coram duobus aut tribus testibus. arg. *L. 5. §. 2. ff. quod vi aut clam*. Demum executionem facta incumbit Nuntio facere relationem in acta referendam, quæ relatio pars est processus substantialis, ut sine illa neque hic, neque sententia valeat. *Gail. L. 1. obser. 54. n. 7.*

Resp. 3. Si plures sunt principaliter interessati; citandi sunt omnes v. g. ejusdem hæreditatis plures possessores. Ratio; quia omnes unam personam repræsentant. Quandoque tamen una persona pro alia citari potest, v. g. maritus in causa uxoris &c.

Quest. 5. Quinam sint effectus citationis valide? *Resp. 1.* inducit præventionem, ut dictum. *2.* perpetuat jurisdictionem judicis delegati; ut morte delegantis non expiret. *cap. 20. de off. deleg.* *3.* Inducit litis pendentiam juxta dicenda infra ad tit. 16. & *Clem. 2. ut lit. pend.* *4.* facit rem litigiosam; ut prohibita sit ejus alienatio regulariter. *Auth. litigiosa C. de litigios.* *5.* interrumpit præscriptionem. *L. 3. Cod. de præscript. 30. vel 40. annor.* *6.* citatum adstringit ad comparendum; nisi justa exceptionem se tueatur, ut adeo ad instantiam partis possit in eum tanquam contumacem procedi. *cap. 2. de dol. & contum. &c.*

T I T U L U S IV.

De mutuis petitionibus.

Quest. 1. Quid hic intelligatur per mutuas petitiones? *Resp.* Nihil aliud, nisi conventio coram Judice ex parte Actoris; & reconventio ex parte Rei; dum scilicet hic viso Actoris libello, quo quid a se petit, vicissim oblato libello petit aliquid ab Actore, ita ut interveniat petitiones duarum reciprocarum, quas mutuas vocant AA.

Quest. 2. Quid juris sit circa reconventionem? *Resp. 1.* Approbata est reconventio. *cap. 1. & 2. h. t. L. 14. juncta Auth. Et consequenter. Cod. de sent. & interloc.* Ut quis

quis patiat^{ur} se reconveniri coram eodem iudice, sive Ordinario, sive delegato, licet non sit proprius, coram quo convenit Adversarium: Modo delegatus sit constitutus ad instantiam Actoris; si enim ad instantiam utriusque, imputet sibi Reus, quod in rescripto causam reconventionis exprimi non curaverit.

Resp. 2. Reconvenire potest Actorem omnis conventus, modo facultatem agendi habeat. Ratio, quia reconvenire est agere, ergo. Agendi autem facultate destituuntur Excommunicati; proscripti vel Banniti. c. 12. de except.

Quest. 3. Quinam reconveniri possint; & in specie num Actor Clericus coram iudice seculari? Resp. ad 1. Regulariter adversus quemlibet Actorem reconventio a Reo potest institui: L. 14. Cod. cit. Nisi tamen Actor fuerit agens alterius nomine Procurator, nequit enim hic de proprio debito reconveniri; uti nec Tutor vel Curator, dum agunt nomine pupilli aut Minoris.

Resp. ad 2. Clericus de jure scripto probabilius non potest reconveniri a Laico, reconventionem non per modum exceptionis, sed actionis proposita. Ratio, quia reconventio est secunda conventio; atqui conveniri non potest Clericus coram iudice seculari, ergo nec reconveniri. Deinde cessat in Clerico ratio reconventionis expressa in L. 14. C. de sent. & interloc. Ergo. Dixi de jure scripto, nam vi consuetudinis & receptæ praxeos in tribunalibus Clericus potest reconveniri. Haulnold, Vviestner, Schmalzg. & AA. comm. qui tamen triplicem addunt limitationem 1. ut causa non sit spiritualis, vel criminalis. 2. ut reus non procuraverit fraude vel dolo se conveniri coram iudice Laico. 3. ut executio sententiæ a iudice Laico latæ judicii Ecclesiastico relinquatur.

Q. 4. In quibus causis locum habeat mutua petitio, seu reconventio? Resp. 1. In omnibus specialiter non exceptis. Comm. ex L. 1. §. ultim. ff. de extraord. cognit. Sive utraque causa sit ejusdem, sive diversi generis; sive utraque actio realis sit, sive conveniar ego reali, velimque reconvenire personali. Ratio, quia jura generaliter loquuntur.

Resp. 2. Locum non habet reconventio in causis exe-

cutivis, seu habentibus paratam executionem, quia in his cessat ratio & finis: nec in causa depositi vel compensationis. *c. 2. de deposit. l. 11. C. depositi.* Nec in causa summaria, si reconveniens velit processum *Ordinarium* instituere. Intelligenda hæc quoad effectum simultanei processus. 2. Non in causa appellationis; quia iudex appellationis unice ad hoc eligitur, ut iudicet super sententia iudicis in prima instantia, eam vel reformando vel approbando. 3. Non in causa spoli, quia spoliatus ante omnia restituendus; nisi reconventio fiat super spolio in re diversa. 4. Non in causis a iurisdictione iudicis, coram quo facta est conventio, exemptis, qualis causa est spiritualis respectu Laici, feudalis respectu eorum, qui non sunt domini vel Pares Curiae &c. 5. Non permittitur Actori reconvento reconvenire iterum reum; ne fiat nimia petitionum coactionis. 6. Non in causis criminalibus criminaliter intentatis, si accusatus reaccusare velit criminaliter. *L. 19. C. de his, qui accus. l. 5. ff. de publ. jud.* quod ipsum tamen varie limitatur.

Q. 5. Quinam sint effectus reconventionis; Resp. *Primus* est prorogare iurisdictionem iudicis, ut Actor per reconventionem reconventus ita subjiciatur iudici, coram quo causam agit, ut in causa reconventionis eum, licet alias non comperentem, nequeat recusare. *L. 14. C. de sent. & interloc.* Effectus *secundus* est, facere processum simultaneum, ut nimirum causa utraque simul ventilanda, & una sententia sit terminanda. Modus hic procedendi describitur a Schmalzgr. *b. num. 12.* Ut utrumque hunc effectum operetur reconventio, necesse est, eam proponi ipso litis exordio. *c. 1. h. t. Clem. 2. V. verum de V. S.* aut saltem immediate post litem contestatam. Barb. in *L. 29. ff. de judic.* Nam post unum aut plures actus a litis contestatione, durante litis tempore, proposita effectuum prorogationis solum habet. *Arg. c. 3. V. reus de rescript. in 6.*

T I T U L U S V.

De litis Contestatione.

Quest. 1. Quid sit litis contestatio? Resp. 1. Litis contestatio, quæ est principium ac basis iudicii, cum citatio sit potius principium actionis instituendæ, definitur, quod sit petitio Actoris in iure facta, & congrua responsio Rei secuta animo litigandi. *c. un. b. t. & c. 54. W. licet de Elect.*

Q. 2. Quomodo fiat litis contestatio? Resp. 1. Ex parte actoris, dum is vel per se ipsum vel ad interrogationem iudicis in iudicio repetit narrata & petita libelli sui, affirmandoque vera esse & a se petita, & fieri debere, eaque ut fiant, deposcit, vel etiam simpliciter dicit, *repeto narrata & petita libelli mei*; quæ est contestatio litis affirmativa. Ex parte rei autem, dum is vicissim respondet v. g. *nego narrata, prout narrantur*, vera esse; vel *dico petita fieri non debere*; quæ est contestatio litis negativa. Animus item litigandi ex utraque parte adesse debet, qui, si reus quidem respondeat, dicat tamen, se id tantum informationis gratia facere, de iure non censetur adesse. *Pich. b. n. 2.*

Resp. 2. Litis contestatio fit etiam 1. verbis dubitativis, v. g. dum reus dicit, *non credo narrata esse vera*. Non tamen si diceret; *non teneor respondere*. 2. Verbis affirmativis, potissimum dum rei confessio fit mixta aliqua contradictione verb. gr. dum dicit, *fateor acceptum mutuum, sed nego terminum ad solvendum elapsum*.

Resp. 3. Nec per exceptiones peremptorias, ut clare habetur. *c. 2. b. t. in 6.* Nec per fori declinatorias. *L. 28. §. 3. ff. de condit. indeb.* Nec per alias dilatorias regulariter inducitur litis contestatio. Ratio, quia peremptorie destruunt iudicium, declinatoriæ declinant, dilatoriæ differunt.

Resp. 4. Nec per positiones & responsiones ad illas fit litis contestatio. Ratio, quia positiones sunt narrationes quædam breves, seu assertiones facti alicujus ad causam controversam pertinentes, ad veritatem eli-

clendam conceptæ ab Actore, super quibus is petit sibi responderi ab adversario; atqui hæ in causa principali fiunt modo post litem cont. ergo.

Q. 3. *An contestatio litis sit de substantia processus?* Resp. aff. ita ut *regulariter* loquendo totus processus irritus sit, ubi contestatio litis etiam *solemnis & formalis*, quæ fit certis verbis & juxta stylum Curix, est omissa. *c. un. b. t. L. un. junct. Auth. offeratur. C. eod. in summario* semper sufficit simplex litis contestatio, quæ voluntas litigantium quocunque modo declaratur. Clem. 2. de V. S.

Q. 4. *In quibus aliis causis & casibus non sit opus litis contestatione scil. solenni?* Resp. 1. In genere. In omnibus causis, in quibus non requiritur libellus. Gail. *Lib. 1. Obj. 76. n. 4.* 2. In Specie. In causis appellationis. *c. 58. de appell. contrarium observatur in Camera. Ord. Cam. p. 3. tit. 32. §. 4.* 3. In causis *coram Papa* aliove supremo Principe popositis. Ratio, quia autoritas Principis defectum juris positivi supplet. Gail. *L. 1. Obj. 75. n. 11.* 4. In quibusdam causis spiritualibus. 5. Denique nulla omnino opus est litis contestatione in causis notoriis; quia in his ordo juris non est servandus. *c. 21. de jurejur.*

Q. 5. *Per quos fieri possit litis contestatio?* Resp. Non tantum per partes Principales, sed etiam per earundem Procuratores; item Tutores, Curatores, Syndicos. *L. 4. §. patroni. Cod. de jud.* Item per responsionem Advocati animo litigandi factam. *c. 62. de appellat. Pichl. b. t. n. 7.* Nec necesse est, Actorem & Reum simul esse eodem tempore coram judice præsentem, sed post petitionem Actoris ex intervallo sequi responsionem Rei. *L. 2. §. 2. ff. de O. & A.*

Quæst. 6. *Quinam sint effectus Litis contestationis?* Resp. 1. Invalida nihil operatur. *Auth. offeratur. Cod. b. tit. 2.* Valida effectus varios habet; v. g. quod peream in judicio quasi contrahatur. *L. 3. §. 11. ff. de pecul.* 2. Quod per eam perpetuentur actiones temporales, & pœnales incipiant transire ad hæredes & contra hæredes. *§. 1. Instit. de perp. & temp. act.* 3. Quod interrumpat præscriptionem, etiam longi temporis. *L. 26. C. de R. V.* 4. Constituat possessorem quoad perceptionem

nem fructuum in mala fide. L. 22. C. de R. V. Quod Procurator fiat Dominus litis, libellique mutatio impediatur. Vide Engel. Schmalzg. Pichl. Vall.

T I T U L U S VI.

*Ut Lite non contestata non procedatur ad
testium receptionem, vel ad Sententiam
definitivam.*

Quest. 1. *Quid præsens rubrica contineat, quæque sit ejus ratio?* Resp. ad 1. Continet regulam generalem, qua vetatur lite nondum contestata in judicio ordinario procedi vel ad testium receptionem, vel ad Sententiam definitivam, id est, super causa & negotio principali ferendam; ad interlocutoriam enim, quæ super quæstionibus incidentibus vel emergentibus inter principium & finem causæ fertur, potest procedi. c. 19. de judic. Pich. b. t. n. 1.

Resp. ad 2. Ratio Rubricæ est, quia ante litis contestationem causa nondum confetur in judicium deducta. c. un. de lit. contest. Testes autem in judicio tantum, & ad judicem informandum audiri debent; ergo.

Quest. 2. Quinam casus expressi sint in jure, in quibus lite non contestata testes non sint recipiendi, nec procedendum ad Sententiam definitivam? Resp. seqq. *Primus* expressus est in c. 1. b. t. ubi, quod si agatur de crimine adulterii civiliter, ad separationem tori vel restitutionem dotis, etiamsi reus sit contumax, non possit procedi ad receptionem testium, vel sententiam definitivam, sed tantum ad rei contumacis excommunicationem. Ratio, quia causa hæc est odiosa, in eaque contra, ac in causis matrimonialibus fieri amat, observandus processus ordinarius. *Secundus* expressus est in c. 2. b. t. ubi, quod etiam in causa restitutionis, in casu cap. cit. contra contumacem proferri Sententia non possit, si non præcessit litis contestatio. *Tertius* in c. 3. b. tit. ubi, quod si reus se contumaciter absenter, & causa sit talis, in qua missio in possessionem rei petite fieri non potest, non ad sententiam, sed ad censuram tan-

tum Ecclesiasticam possit procedi: *Quartus* est in *c. 4. b. t.* ubi, si in causa matrimoniali testes sint recepti ante litis contestationem, vel post interpositam appellationem, nulla precedente contumacia rei conventi, attestaciones receptas & acta omnia ipso jure esse irrita & nulla. *Quintus c. ult. b. t.* dum ibi in principi dicitur, cum civiliter agitur &c. satis indicatur, in causis quidem civilibus, vel criminalibus civiliter intentatis, nunquam in criminaliter intentatis pro futura accusatione procedi posse ad receptionem testium. Ratio, cur strictissime sit hic observandus ordo judiciarius, est gravissimum & irreparabile damnum Rei.

Q. 3. An non dentur casus, in quibus procedi possit ante litem contestatam ad receptionem testium & Sententiam definitivam, & quid tum observandum? Resp. ad 1. Affirm. Primus isque generalis tam pro Reo quam Actore est, dum alias elaberetur facultas ferendi & recipiendi testimonii. *c. ult. §. 1. b. t.* 2. dum receptio testium adhibetur ad perpetuam rei memoriam. *c. cit. §. sunt & alii.* Quæ dispositio præsertim favorem Rei spectat, adeo ut Actori nonnisi in raris casibus competat, v. g. dum ei aliquid debetur in diem, vel id a futura conditione aut alterius arbitrio dependet. 3. Si judex procedit ex officio per viam inquisitionis generalis. *cap. cit.* ne scil. delicta maneant impunita. 4. Dum agitur de valore matrimonii carnalis, & reus contumaciter non comparet, & recipi testes possunt, & sententia definitiva ferri. *c. cit. §. porro.* Disp. inter hunc & casum primum & Quartum quæst. præced. positum assignat Schmalzg. *b. t. n. 9.* 5. Dum agitur de Prælato amovendo ob nullitatem electionis, sive ex defectu formæ, sive vitio personæ provenientem, potest, si contumax fuerit, absque litis contestatione ad receptionem testium & sententiam definitivam procedi. *cit. §. porro. cap. 37. caus. 11. q. 3. &c.* 6. Si Actor post oblatum libellum legitime citatus contumaciter se absenter, quo casu non tantum reus potest ab ea instantia absolvi, sed etiam recipi testes ad ejus instantiam, imo ad sententiam definitivam procedi. *Auth. qui semel. C. quom. & quand. c. 3. de dolo.*

Resp. ad 2. Seqq. sunt observanda. 1. Debet subesse rationabilis causa. 2. Requiritur regulariter citatio par-

partis, contra quam producuntur testes. Pirhing. *hoc tit. num. 16. 3.* Ut actor, dum citari nequit, eundem infra annum continuum a tempore, quo potuit conveniri, conveniat, vel saltem testium receptionem & depositiones ei denuntiet, alias receptio & attestaciones, quantum concernunt favorem producentis, sint invalidæ. Ratio, quia testes præsumuntur in fraudem recepti.

T I T U L U S VII.

De Juramento Calumnie.

Quest. 1. *Quid sit juramentum calumnie, & quid continere debeat?* Resp. ad 1. Juramentum calumniæ scil. non inferendæ est, quod post litem contestatam ab utroque litigantium præstatur coram judice in loco judicii publico super tota causa, quo tactis regulariter Evangeliiis jurant, quod sine animo calumniandi, credentes se habere justam causam, litigare velint. Differt a *Juramento malitiæ*, quod hoc vel ante, vel post litem contestatam, & toties, quoties est præsumptio, quid dici malitiose; item quod super singularibus articulis præstatur; Juramentum autem calumniæ regulariter in eadem causa tantum semel, post L. C. & super toto negotio. Differt etiam a *Juramento veritatis*, quod hoc sit de *scientia*, & *veritate*, quam jurans scit, dicenda; item super articulo particulari; juramentum autem calumniæ sit de *credulitate*, & contineat plura capitula; unde &

Resp. ad 2. Continet sequ. articulos. 1. quod partes credant, se justam habere causam, actor scil. agendi, reus se defendendi. L. 2. *Cod. b. t. 2.* quod interrogati (scil. juridice) in judicio sint dicturi veritatem. *Nov. 49. cap. 1.* 3. Quod non utantur falsa probatione. *Auth. in isto. Cod. hoc tit.* 4. Quod nihil promiserint, aut daturi sint, sive per se, sive per alios patrociniis causa judicibus, aliisve personis, iis exceptis, quibus dare salaria jura permittunt. *Auth. principales. Cod. eod.* 5. Quod non petant calumniosam dilationem. L. 1. *Cod. b. t.*

Quest.

Quest. 2. An juramentum calumnie necessario præstandum? Resp. 1. Aff. ita ut si ab alterutra parte litigantium petitur, & tamen fuerit omissum, omissio vitiet processum & sententiam reddat nullam. *L. 2. §. 4. Cod. hoc tit.*

Resp. 2. Potest remitti tacite, illud non exigendo, absque eo, quod per hoc vitietur processus. *c. 1. §. 2. b. t. in 6.* Non expresse a partibus *cit. cap. & L.* ratio; quia non pro commodo privatorum, sed ob bonum publicum est introductum.

Resp. 3. Consuetudo abrogans præstationem juramenti calumniæ tum introduci potest, si vel ob hominum alicujus loci probitatem videatur sufficere simplex non calumniandi promissio; vel si econtra tantâ foret perversitas hominum, ut præceptum illud occasionem perjurii præberet; adeoque, *c. 5. b. t.* negans introduci posse consuetudinem, intelligi debet de consuetudine non rationabili &c.

Q. 3. A quibus præstari debeat juramentum calumnie? Resp. 1. A principalibus omnibus scil. Actore & Reo, nisi specialiter sint exempti, uti sunt parentes & patroni, dum hi in causis permixtis cum liberis aut libertis litigant. *L. 8. §. 5. ff. qui satisd. cog.* Domini feudi, dum litigant cum Vassallis, & contra. *2. feud. 33.* Principes supremi, cum dignitas eorum non patiatur suspicari animum calumniandi. Electorum & statuum Consilarii actuales in causis suorum Principum per *Recess, Imp. de ann. 1654. §. 37.* quod tamen in Camera nondum receptum notat Roding. apud Lauterb. *ad ff. Libr. 12. tit. 2. num. 41.* Procurator fisci de consuetudine, ut testatur Gail. *Libr. 1. obs. 90. n. 9.* Qui votum tantum emiserunt non jurandi, non eximuntur.

Resp. 2. A Clericis etiam & Religiosis, dum in causa propria per se coram iudice Ecclesiastico suo proprio litigant, præstari debet, *c. 5. b. t.* Latius hæc habet Pirh. *b. t. n. 11. Leur. b. t. Q. 265. n. 3. & 4.*

Resp. 3. Loco principalium personarum, v.g. pupillorum, Minorum, prodigorum, Ecclesiarum, Civitatis &c. citra speciale mandatum, & in animam solum propriam a Tutoribus, Curatoribus, Oeconomis, Syndicis, & aliis generalem bonorum alienorum Administrationem

nem habentibus admittitur juramentum calumniæ. *c. 4. b. t. L. 2. §. 4. C. cod.* Ratio, quia hi iustitiam causæ, ob cuius credulitatem hoc juramentum introductum, melius scire præsumuntur, quam quorum res administrant. A Procuratoribus particularibus particularium personarum, etiamsi juratum sit a principalibus de calumnia, debet hoc juramentum præstari, ut satis provisum sit de evitanda calumnia. *c. 1. §. procuratores b. t. in 6. & quidem dupliciter, semel in animam domini sui, deinde in animam suam, sive nomine proprio, atque ad primum egent speciali mandato. c. 3. b. t. in 6.*

Resp. 4. Ab Advocatis itidem & patronis causarum juramentum calumniæ est præstandum. *L. 2. C. b. t.* consuetudo tamen modo obtinet, ut hi in susceptionem muneris tantum præstent juramentum generale.

Q. 4. In quibus causis præstandum juramentum calumnie? Resp. Nisi tacite remittatur, spectato jure in omnibus, in quibus opus est probatione. *L. 1. C. b. t.* sive sint Civiles, sive Criminales, saltem in his ex parte Accusatoris, *c. 1. V. itaque b. t.* sive temporales, sive spirituales. *c. 2. b. t.* per *c. 1. §. fin. b. t. in 6.* est correctum. Sive sint causæ primæ, sive secundæ instantiæ, id est, appellationis. *c. 2. §. 1. b. t. in 6.* sive feudales, si scil. Vassalli inter se, vel cum tertio non Vassallo litigant; sive matrimoniales, sive coram delegato aut Ordinario iudice tractentur, &c.

Q. 5. Quæ sit pœna hoc juramentum præstare recusantis, & quis effectus præstiti? Resp. 1. Actor, si detrectet jurare, cadit causa, & tanquam improbus litigator a iudicio repellitur. *cap. fin. §. pœna. b. t.* Reus habetur pro confesso. *L. 2. §. 6. C. cod.* Ad utramque tamen pœnam incurrendam opus est sententia iudicis. *L. & c. cit.* unde passim ab A.A. aliquæ sequelæ deducuntur. Imo dantur casus, in quibus pœna hæc vel omnino non, vel limitate tantum incurritur; talis est causa criminalis. *Vall. b. §. 4. n. 3.* spiritualis, ne detur vitiosus ingressus. *c. 1. de R. I. in 6. &c.* Deinde contumacia Procuratoris non nocet Domino, adeo ut pupillus, & quicumque alius, cuius causa agitur, ideo ea non cadat, vel pro confesso habeatur. *L. un. §. 2. ff. si quis jus dicenti non obtemp.* non obstante. *c. 4. b. t.*

Resp.

Resp. 2. Præcipuus & fere unicus effectus præstiti juramenti est, quod jurans excusetur a calumnia præsumpta arg. *cap. 5. hoc tit. & L. 1. Cod. b. t.* non vero liberatur, ut aliqui volunt, a solvendis expensis. AA. communiter.

T I T U L U S VIII.

De Dilationibus.

Quest. 1. *Quid sit dilatio?* Resp. Dilatio judicialis, de qua hic sermo, & quæ ita dicitur, quia durante judicio, sive a citatione usque ad sententiam, ejusque executionem conceditur, definiti potest, quod sit certi temporis ad actum aliquem judicialem commodius exercendum concessio. A *prorogatione* differt, quod hæc sit termini concessi nondum elapsi ulterior, seu in alium extensio aut productio.

Q. 2. *Quotuplex sit dilatio?* Resp. Respectu effectus, quem inducunt, aliæ sunt *peremptorie*, quæ semel tantum concessæ elapso termino negotium seu causam perimunt; aliæ *non peremptorie*, quæ semel & iterum concessæ disceptationem tantum differunt. A causa *efficiente* aliæ sunt *Legales*, quæ a Lege, vel consuetudine conceduntur; exempla sunt in *cap. 15. de sent. & re jud. L. ultim. Cod. de tempor. in integr. restit.* Aliæ *conventionales*, quæ ex mutuo partium consensu dantur. Vide *cap. 28. de off. deleg. L. 113. ff. de V. S.* Aliæ *judiciales*, prout opponunt Legalibus & dicuntur *arbitrarie*, quæ arbitrio judicis inspecta causæ & personarum qualitate, loci distantia &c. longiores vel breviores conceduntur. Hæ judiciales pro numero trium judicii partium subdividuntur in *citatorias*, *deliberatorias*, & *recusatorias*, quæ dantur in prima judicii parte a citatione ad litis contestationem. Deinde in *probatorias* & *allegatorias*, quæ a L. C. ad sententiam definitivam conceduntur Actori ad positiones & articulos probatorias formandos, & testes ac instrumenta conquirenda; Reo ad respondendum & ad suas exceptiones formandas. Denique in *definitorias*, quæ litigantibus ad audiendam sententiam præfiguntur; & in *Executorias*, quæ condemna-

to conceduntur ad solutionem, aliamque satisfactionem præstandam. In Civilibus *personalibus* actionibus de jure est quadrimestre *cap. 26. de off. delegat. L. 31. ff. de re judic.* In *Realibus* & Criminalibus regulariter locum non habent dilationes, nisi forte ex speciali ratione, verb. gr. cum mulier prægnans ad mortem est damnata &c.

Quest. 3. Quid de singulis in 3. judicii partibus intervenientibus dilationum speciebus notandum? Resp. 1. Dilatio *citatoria* est, quæ Reo absenti & citato datur ad comparandum & respondendum libello: suapte natura peremptoria non est; quia Reus non nisi ad tertiam, quæ proinde peremptoria erit, comparere tenetur. *L. 68. ff. de judic.* De jure antiquo citatio simplex 10. de jure recentiore per *Auth. qui semel. C. quom. & quand. 30.* dies requirit, adeoque peremptoria 90. In praxi tempus hoc juxta *prudens* judicis arbitrium vel extenditur, vel arctatur.

Resp. 2. Dilatio *deliberatoria* est, quæ Reo datur, ut viso Actoris libello deliberare possit, an litigare velit; cui etiam ea non conceditur, si per literas citatorias plene instructus erat *cap. 2. h. t. Spectato jure communi* tempus harum induciarum sunt 20. dies a die porrecti reo Libelli computandi. *Auth. Offeratur. C. de litis contest.* probabiliter tempus hoc moderari potest judex, estque disparitas inter terminum decennii ad appellandum a jure *simpliciter* constitutum, & inter terminum hunc *ministerio* judicis concedendum. Ex se dilatio hæc est peremptoria, ut non nisi unica dari debeat; nisi legitima causa urgente, quales refert Schmalzg. *hoc num. 9.*

Resp. 3. Dilatio *recusatoria* & *declinatoria* illa est, quæ datur ad exceptiones dilatorias opponendas, priusquam litis contestatio fiat. *cap. 4. de excep.* Sicut plures sunt causæ excipiendi, ita & plures sunt casus, in quibus hæc dilationes conceduntur. Plura infra de *except.*

Resp. 4. Dilatio *probatoria* *plerumque* conceditur ad instantiam partis litigantis. Vide *L. 1. & 4. Cod. b. t.* Habet pro termino de *jure communi* tres menses; dum tamen ex aliena provincia probationes petendæ, sex.

L. 1.

L. 1. §. fin. C. b. t. Est regulariter peremptoria etiam non addito *an peremptorie*; in causis civilibus & pecuniariis, ita ut per se loquendo non nisi semel, seu unica tantum dilatio ad probandum dari debeat. *L. 1. cit.* Nisi tamen vel terminus nimis brevis fuisset assignatus, vel justum impedimentum intercurrisset, vel nova causa aut probationes emerfissent; tum enim secunda; imo & tertia concedi posset. *c. 4. de except. L. 7. ff. de feriis*, quartam dicunt abrogatam per *Recess. Imp. 1654. §. 50.* & praxin Cameræ. In causis *Criminalibus* dari possunt Reo tres dilationes, Accusatorii duæ, ex quacunque causa & nullo impedimento allegato, modo non sit præsumptio; quod malitiose petantur. *L. fin. ff. de feriis.*

Resp. 5. Dilationi *definitoriæ* certum tempus a jure præfixum non est. *cap. 24. de off. deleg. L. 71. ff. de jud. De executoria dictum est supra.*

Q. 4. Quis sit effectus dilationis? Resp. *Primus* est; quod ea durante officium judicis quiescat quoad articulum, super quo data dilatio, in præjudicium ejus, qui illam impetravit. *L. 3. Cod. de dilation.* Effectus *secundus* est, quod, quando terminus dilationis advenit, regulariter habet vim sententiæ interlocutoriæ, & perimat actum, qui eo tempore fieri debebat, ita ut pars postea comparens non amplius audiatur. *L. fin. ff. de feriis. L. 13. §. ff. de excus. tutor.*

Q. 5. Quomodo tempus concessarium dilationum computandum? Resp. 1. juxta *Minling. Cent. 5. Obs. 55. num. 4.* sententia in Camera recepta est, diem, a quo dilatio incipit, non esse computandum, arg. *cap. 1. de rest. spoli. in 6. c. 1. de except. in 6.* Adeoque licet & hic computetur tempus de momento in momentum, id tamen fit modo tum, quando tempus currere incepit.

Resp. 2. Dies etiam feriati, qui interea occurrunt, in terminum dilationum computandi sunt. *L. 3. C. b. t.* nisi feriæ totum vel majorem partem temporis absorberent.

Resp. 3. Postremus dies pro termino assignatus cedit in commodum petentis dilationem, arg. *L. 1. §. 9. ff. de successor. edict. L. 30. §. 1. ff. ad Jul. de adulert. §. 2. Institut. de V. O.*

T I T U L U S IX.

De feriis.

Quest. 1. *Quid sint ferie & quotuplices?* Resp. ad 1. Feriæ (vel dies feriati, festi, nefasti) hic sunt dies sive tempora, quibus jus non dicitur, sive quibus a negotiis forensibus & actibus judicialibus vacatur. *L. 5. & 6. ff. h. t.* olim feriæ appellabantur etiam *justitiam*, quod jus staret, nec progredieretur. Differt hic titulus a priori, secundum omnes.

Resp. 2. Aliæ sunt feriæ *solennes* vel *Ordinarie*, quæ certo jure Ss. Canonum & Legum constitutæ statis temporibus quot annis recurrunt; aliæ *extraordinariæ* seu *repentinæ*, quæ non certa & stabili lege sed propter extraordinarium quendam eventum a Principe dantur; v. gr. ob insignem victoriam, nativitatem Principis, grassantem luem &c. Utræque dividuntur in *sacras*, id est, in cultum Dei & venerationem sanctorum institutas. *c. fin. h. t. L. 7. C. eod.* & in *profanas*, quæ hominum gratia, ob illorum scil. necessitatem vel utilitatem sunt institutæ, ut feriæ messis, vindemiæ; quæ non solis rusticis & ruri laborantibus, sed etiam militibus, Clericis, studiosis &c. profunt, arg. *L. 1. ff. h. t.* cujus verba sunt generalia.

Quest. 2. Quis possit indicare ferias? Resp. 1. *Sacris* potest tantum Magistratus Ecclesiasticus, scil. Papa pro universali Ecclesia, Episcopus pro sua diœcesi instituer. *cap. 10. de Constit. cap. fin. de reb. Eccles. alien.* Constit. Innoc. X. *Cum nuper.* edit. 1657. Ratio; quia potestas instituendi ferias sacras est spiritualis, Laicis non competens.

Resp. 2. Extra dubium est, *profanas* institui posse à Magistratu Laico, per se tamen a solo Magistratu supremo. *L. 4. C. h. t.*

Resp. 3. An consuetudine possint introduci feriæ sacre, vel abrogari; colligendum ex dictis ad *Titul. de consuetud.*

Quest. 3. Quando incipiant ferie, & an partes iis possint renuntiare? Resp. ad 1. Quoad publicam divinorum offi-

officiorum celebrationem festa dies incipit a vespera die præcedentis, & durat ad vesperam sequentis; quoad vacationem ab operibus & actibus prohibitis ex consuetudine a medio noctis ad medium noctis. A Ictis dicitur hoc spatium dies *civilis* L. 8. ff. b. t. quia originaliter hæc determinatio est a Jure Civili & spatium, quo sol est supra horizontem, dies *naturalis*, quia ejus causa est naturalis? ab Astronomis autem dies *artificialis*. In dubio nomine dici venit civilis, utpote vulgaris & communis, nisi forte subjecta materia aliud suadeat. Quoad ferias *messum* & vindemiarum consuetudo locorum attendenda; cum tamen feriæ hæ non ubique incidant in idem tempus, locus judicis, sive in quo agitur judicium, attenditur. Abb. in cap. fin. b. t. Pirh. b. t. n. 24. in fin. ferias nuptiarum indixit Trid. Sess. 24. cap. de reform. matr.

Resp. ad 2. Feriis *Sacris* renuntiare non possunt partes. cap. ult. b. t. nec *repentinis ob causam publicam*, quia uti sacræ, ita & hæ magis publicum, quam partium favorem spectant: possunt tamen feriis *rusticis* c. fin. cit. & arg. ex ratione opposita.

Q. 4. An & que jurisdictio exerceri possit diebus festis?

Resp. 1. Valide & licite exerceri possunt actus jurisdictionis *voluntariæ* feriis tam profaniis, quam sacris. L. 3. ff. b. t. & arg. c. ult. cod. adeoque recte fit his diebus emancipatio, manumissio servorum, designatio, excusatio, amotio tutorum, constitutio alimentorum, concessio veniæ ætatis, celebratio contractuum, creatio Magistratum, concessio privilegiorum, dispensationum, indulgentiarum, &c.

Resp. 2. Actus jurisdictionis *contentiosæ*, qui cum strepitu judiciali exercentur, tam feriis profanis, quam sacris utroque jure non tantum sunt prohibiti. cap. fin. b. t. L. 1. & 6. ff. L. 2. & 7. C. cod. sed etiam ipso jure invalidi. L. 2. C. b. t. cap. ult. cod. nisi feriis profanis partes renuntiarint, & nisi sint causæ summariæ, quas in feriis profanis tractare permittit L. miles. §. 6. ff. ad L. Jul. de adult. & nisi in feriis sacris *urgens necessitas vel pietas* suadeat, uti habet c. ult. b. t. Vide Pichler, qui b. n. 6. allegat actus específicos titulo necessitatis vel pietatis licitos exerceri.

Resp.

Resp. 3. Actus certo irriti, si fiant in feriis, extra casus prædictos sunt *citatio*, prout complectitur mandatum de reo citando a *judice datum pro tribunali sedente*, vel quæ fit per manuum iniectionem, vel qua Reus *expresse* vocatur ad diem feriatam. *Juramentum judiciale: jurata testium depositio & receptio. Sententiæ pronuntiatio*, quæ supponit causæ cognitionem: *sententiæ publicatio vel ad pœnam condemnatio, aut executio* si hæc fiant a *judice*, siue ab Arbitro. *L. 7. C. h. t.* Deinde *actus probabilis* irriti sunt, offerre libellum *judici tantum: dare mandatum de Reo citando*, si non detur a *judice pro tribunali sedente: executio citationis per Apparitorem &c.* Quia talia licet non sint actus judiciales stricte loquendo, fieri tamen non solent sine cognitione & strepitu judiciali.

T I T U L U S X.

De Ordine cognitionum.

Quest. 1. *Quid veniat hic nomine Ordinis cognitionum?* Resp. Cum Reus post *L. C. juramentum calumniæ, dilaciones &c.* Tolebat subinde vicissim aliquam quæstionem, antequam petitioni Actoris respondeat, proponere, præsertim per modum exceptionis, adeoque plures veniant in idem iudicium quæstiones, agitur hic de *Ordine cognitionum seu iudiciorum*, qui aliud non est, quam Ordo servandus a *judice in cognitione plurium quæstionum*, quæ in eodem iudicio concurrunt inter easdem personas. Differt a *Tit. 4. de mutuis petit.* quia ibi principaliter tractatur, an reus conventus possit Actorem reconvenire, & coram quo *judice*; in hoc autem generaliter, si duæ vel plures causæ veniant in *iudicium*, de qua prius cognoscendum.

Quæst. 2. Quenam regule generales sint statuendæ circa Ordinem cognitionum? Resp. 1. *Prima* est; Ex duabus vel pluribus causis, quarum una viam parat alteri, vel eam impedit, prius est cognoscenda quæstio viam parans; v. gr. prius causa possessionis quam proprietatis. *L. 13. Cod. de R. V. L. 3. C. de interd.* Item exceptio ex-

communicationis Actori objecta prius, quam causa in judicium deducta. arg. c. 7. de judic.

Resp. 2. Regula secunda est: Ex duabus vel pluribus causis in judicium deductis prius ista est cognoscenda, a qua dependet altera, ut lata in ea sententia absolutoria altera absorbeatur & perimatur, unde & *præjudicialis* dicitur. Exempla habentur in *can. fin. caus. 3. qu. 11. cap. 5. qui filii sint legit. l. 1. ff. si quis alig. test. prohib.*

Resp. 3. Regula tertia: Cognitio majoris causæ præmittenda est cognitioni causæ minoris. *L. 54. ff. de jud.* quia scilicet major minorem ad se trahit. Exemplum est in *L. 16. ff. de except. & præscript.* Item si causa Criminalis cum Civili concurrit, Civilis cedit Criminali in cognitione. *L. fin. C. de ord. jud.* modo tamen utraque mota sit æquæ principaliter. Vide etiam *Pirb. hoc num. 18. VViestn. num. 7.*

Resp. 4. Regula quarta est: Si opponitur exceptio *peremptoria*, hæc quidem prius discutienda est, juxta *cap. 1. b. t.* non tamen necesse est, ut super eadem feratur sententia; quia pronuntiatio super causa principali jam in se includit pronuntiationem tacitam super incidenti *peremptoria* exceptione. *cap. 21. de sent. & re jud.* excipitur dum questio incidens coram alio iudice, & principalis coram alio est ventilanda, uti in casu *cap. 3. b. t. & cap. 5. qui fil. sint legit.* Exceptio autem *dilatatoria* & cognosci prius & decidi debet, quam ad causam principalem procedatur. *L. 4. C. de dilat. l. 26. ad L. Jul. de adult.* Ratio, quia alias involverentur contraria in tali processu.

Q. 3. Quid dicendum sit in casibus particularibus circa ordinem cognitionum; Resp. 1. Prius cognoscendum est super causa incidente impeditenti matrimonii dirimentis, qui est casus *cap. 1. b. t.* Ratio ibi expressa est, quia exceptione illa probata questio principalis perimitur. Non obstant textus *c. 16. de off. deleg. c. 4. V. mandatum, ut lite non contest. c. 10. & 13. de restit. spoliat.* quod enim in casibus horum textuum processum sit ad causam principalem objecta licet exceptione, ideo factum, quia intentabatur *possessorium recuperande*; in c. 1. autem *petitorium*.

Resp.

Resp. 2. Si causa principali ſeculari in iudicium ſeculare deducta incidat causa ſpiritualis præjudicialis, hæc prius, & quidem a iudice Eccleſiaſtico decidenda eſt. *cap. 3. b. 1. & c. 5. qui ſil. ſint legiti.* niſi quaſtio incidens ſit tantum per accidens ſpiritualis. *Pirh. b. n. 19.* aut ſit quaſtio meri facti, reusque conventus ſit laicus. *arg. cap. 2. de jurejur. in 6.* Poſteſt tamen Juxdex Eccleſiaſticus, alias etiam incompetens, cognoscere ſuper cauſa temporali incidente; quia hic non eſt incapax reſpectu cauſæ temporalis, uti laicus reſpectu ſpiritualis. Eodem modo dicitur de caſibus in *L. 3. C. de judic. & L. 1. C. de ord. cogn. expreſſis.*

Resp. 3. In cauſa ſpolii ſi reus conventus ab actore ſuper ſpolio viciffim ſpoliationem opponat *per modum exceptionis.* prius audiendus eſt reus ſuper exceptione ſpolii, eaque probata, actori prius reſpondere non teneatur, quam reſtitutus ſit. *cap. 2. b. 1.* Ratio, quia exceptio ſpolii dilatoria eſt; & regulariter exceptiones dilatoriæ ante *L. C.* ſunt proponendæ. Si ſpoliatio autem *per modum actionis & reconventionis* proponatur, cum hoc caſu duæ ſint cauſæ principales, utraque cauſa ſimul tractari debet & terminari juxta dicta ad *Tit. de mut. petit.*

T I T U L U S XI.

De Plus Petitionibus.

Queſt. 1. Quid contineat hic titulus, & quot modis plus petitio fieri poſſit? Resp. ad 1. Cum quandoque actor plus petat, quam ſibi debeatur, idque a reo ipſi objici, contraque eum formati poſſit exceptio & quaſtio incidens, hinc titulus hic priori ſubjicitur.

Resp. ad 2. Quatuor modis plus peti poſteſt, re, loco, tempore, cauſa, *cap. un. b. 1. §. 33. V. plus autem Inſt. de Action. 1.* Re ſeu *quantitate* plus petitur, diſt. verb. gr. petuntur 100. cum debeantur ſolum 50. vel dum tota hæreditas petitur, cum debeatur pars tantum: quod ipſum tamen intelligitur juxta *Pirh. hoc tit. num. 4.* de principali debito, non de acceſſoriis, adeo

ut is qui petit fundum cum fructibus aut rem cum interesse, nec fructibus sibi debitis nec interesse, pœnam plus petentium non incurrat. 2. *Causa* plus petitur, dum quis pro re in genere vel alternative debita petit rem determinatam, v. gr. si cui promissus est equus, petit Buæphalum; cui debentur 50. imperiales vel equus, determinate equum petit. Ratio, quia in debitis rerum indeterminatis & alternativis electio est debitoris. §. 33. *W. hinc autem. Instit. de action.* Causa plus petens differt a plus repetente, quod plus repetens ad illud agat, quod nullo modo in obligationem deductum est; in alternativis autem debitis utrumque sit in obligatione, ita tamen, ut electio sit penes debitorem. 3. *Loco* plus petitur, dum aliquid petitur nec in loco initi contractus, nec in loco, in quem solutio promissa, nec in loco, ubi debitor habet domicilium. Rationem, cur hic plus petere dicatur, insinuat §. 33. *cit. V. loco.* 4. *Tempore* plus petitur, dum quis præmature, seu ante diem statutum, vel ante impletionem conditionis petit. §. *cit. W. tempore*, ubi & notandum, quod actore plus petente reus negare possit totam petitionem. arg. *L. 13. §. 3. ff. de reb. dub. & quod* creditor per errorem minus, ac sibi debetur, petens non noceat sibi aut præjudicet. §. 14. *instit. de action.*

Q. 2. *Quæ sit pœna plus petentium?* Resp. Olim plus petentes causa cadebant, remque totam amittebant. §. 33. *instit. de action.* Hodie rigor hic sublatus est, unico casu excepto. *L. unic. C. b. t.* In specie plus tempore petentis pœna est remotio illius ab instantia istius iudicii; condemnatio in expensas; duplicatio induciarum. *L. 2. C. b. t.* quæ duplicatio non de tempore, quod reliquum erat, & in quo plus petendo deliquit Actor, sed de toto tempore debet intelligi §. *temporales* 10. *W. hodie autem de except.* Plus petentis causa, re, loco, pœna est condemnatio in expensas omneque damnum, quod sua plus petitione reo intulit. *c. un. b. t.* qui vero pœnæ tripli quæ statuitur §. 24. & 33. *W. sed hæc quidem instit. de Action.* in *c. un. b. t.* mentio non fit, agitur etiam §. 24. de expensis nomine sportularum factis, quæ in foro Ecclesiastico non præstantur. *cap. 10. de vit. & honest. Cler.* Hinc pœna tripli in foro Can. non obtinet.

Quæst.

Quest. 3. Quomodo pœna plus petentium evitari possit?

Resp. 1. Non incurritur, si actor probavit se non dolo malo, sed justo errore plus petiisse. *L. fin. C. b. t. cap. un. cod.* Si plures petens ante litis contestationem pœnitet, uti omnes *ex cap. un. b. t.* imo etiam si post litem contestatam ante sententiam definitivam pœnitet, uti probabilius multi *ex cod. c. & arg. L. 16. Cod. de bon. libertin.* 3. Si Reus non opponat exceptionem plus petitionis. *Mising. VViestn.* 4. Si iusta subsit causa plus petendi, v.g. debitum ante diem præfixum, quia debitor est de fuga suspectus. *L. 29. Cod. de jure dot.* vel debitum in alio loco, quia nunquam comparet in loco statuto debitor &c.

T I T U L U S XII.

De causa possessionis & proprietatis.

§. 1. De Possessione.

Quest. 1. Quid & quotuplex sit possessio? *Resp. 1.* Possessio a positione pedum vel sedium dicta vel summi potest *objective* pro ipsa re possessa, uti in *L. 5. §. 10. ff. de reb. cor. qui sub tutel.* Vel *formaliter* pro ipsa detentione & insistentia rei, ut *L. 15. §. 3. ff. ex quib. caus. Maj.* & hæc dici potest possessio *facti*, de qua h. potissimum agitur, Vel pro *effectu* seu *jure*, quod oritur ex rei detentione, & vocatur possessio *juris*, constituitque speciem juris realis. *L. 44. §. ult. de acq. vel amitt. poss.* & definitur, *jus reale seu legitima potestas detinendi rem ut suam, & commodis inde provenientibus fruendi.*

Resp. 2. Possessio *facti* definitur, *legitima detentio rei tanquam suæ, vel detentio rei corporis, animi, & juris adminiculo;* quæ definitiones coincidunt. Dicitur 1. *Legitima*, non quasi omnis possessio *facti* sit iusta aut fiat favente Lege, cum & fur rem furtivam possideat, sed quod fiat Lege non irritante, quomodo Laici inhabilitantur ad possessionem rei sacræ. Deinde dicitur *detentio*, quæ acquiritur per apprehensionem rei veram vel fictam, & dum res apprehensa detinetur, possessio continuatur. Dicitur 3. *rei*, sive corporalis sit, sive in-

corporalis sit; possessio tamen rei incorporalis dicitur *cap. 3. b. t.* quasi possessio. Dicitur 4. *ut suæ.* hoc est, cum intentione & animo eam vere sibi habendi & possidendi; unde colligitur corporalem tantum vel physicam rei apprehensionem non constituere possessionem *juridicam*, & bene vocari *Afininam*. Deinde commodatarium & depositarium possesores rei depositæ vel commodatæ non esse.

Resp. 3. Alia est possessio *naturalis*, alia *civilis*; utraque talis vel a *modo*, vel a *forma* possidendi. *Naturalis a modo possidendi est*, dum quis actu corporeo occupat aut detinet rem ut suam; si vero quis rem, quam actu corporeo aliquando tenuit, civiliter tantum solo animo detinet, ut absens, dormiens, *civilis quoad modum* vocatur. *Naturalis possessio a forma vel causa est*, quando quis rem quidem detinet ut suam, sed sine animo & opinione dominii. *Civilis quoad formam est*, quando quis rem detinet ut suam cum animo & opinione dominii. Datur etiam juxta multos possessio *Civilissima*, vi cujus qui sine corporis & animi occupatione sit verus rei possessor, quia scil. sola LL. dispositione possessio rei in absentem & ignorantem transfertur; uti in Hispania præf. Majuratus, fideicommissa post mortem defuncti statim transeunt ad heredem.

Resp. 4. Alia demum est possessio, *bonæ*, alia *malæ fidei*: possessio *b. f.* est, qua quis rem possidet, quam inculpabiliter judicat esse suam: *m. f.* qua quis rem detinet ut suam, sciens esse alienam, vel nonnisi ex ignorantia crassa & culpabili id nesciens.

Quæst. 2. Quomodo acquiratur possessio? Resp. 1. Per solam apprehensionem *veram* (quæ fit vel manibus, si res sit mobilis; vel pedibus, si sit immobilis) acquiritur regulariter possessio rerum corporalium, in nullius dominio existentium, v. gr. volucrum, piscium, ferarum, thesauri, §. 12. & 18. *Inst. de rer. divis.* Potest autem apprehensio vera fieri vel per se, vel per alium, filium, servum, Procuratorem, L. 1. §. 1. *ff. de acqu. vel amitt. poss.*

Resp. 2. Per apprehensionem *fictam* (quæ fit per actum ex LL. dispositione æquivalentem apprehensioni veræ & reali) rerum illarum possessio acquiritur, quæ

quæ sunt in alicujus dominio vel possessione. §. 45. *Instit. de rer. divis. L. 74. ff. de contrab. empt. Modis variis fit apprehensio ficta; scil. traditione alicujus instrumenti, verb. gr. clavium. §. 45. & L. 74. cit. vel scripturæ aut alterius instrumenti; quo pristini possessoris jus continetur. L. 1. Cod. de donat. visu L. 18. §. 2. ff. de acqu. vel amitt. possess. appositione brevis manus L. 9. §. 5. ff. de acqu. rer. dom. substitutione antiqui possessoris. L. 18. cit. clausula constituti. L. 18. citat. L. 19. & 21. §. final. ff. de acqu. vel amitt. possess. appositione custodiz. L. 51. ff. de acqu. possess. investitura L. 18. cit. & L. 74. cit.*

Resp. 3. Possessio vel quasi possessio rerum incorporalium vel jurium, quæ rebus non inhærent, uti jus eligendi, acquiritur per actus exercitos tanquam jure debitos, & non ex gratia vel amicitia permisos, cum scientia & patientia illius, cujus est permittere vel prohibere tales actus. Haun. tom. I. tract. 3. n. 22. Vviesn. & alii passim. Si jura sint, quæ rebus inhærent, uti servitutes viæ, itineris non per actus tantum antecessenter descriptos, sed etiam sine ullo usu per solam introductionem in fundum. L. 3. ff. de usufr. Sicut possessio servitutis negativæ, v.g. altius non tollendi acquiritur per solam prohibitionem, cui acquiescit adversarius: nimirum etiam unicam: quoad acquirendam autem possessionem aliorum jurium & servitutum affirmatarum, si tales sint actus, qui solent subinde, licet raro, ex amicitia concedi, non sufficit unus actus. arg. L. 1. §. 1. ff. de itin. actuque priv.

Q. 3. Quomodo amittatur possessio? Resp. 1. Loquendo in genere amittitur possessio omnibus illis modis, quibus ab uno in alium transferri potest. 2. Amitti potest possessio tam mobilium quam immobilium, tam civilis, quam naturalis solo animo non amplius possidendi. L. 3. §. 5. ff. de acqu. vel amitt. possess. non obstante L. 8. ff. eod. 3. Possessio naturalis æque ac civilis (scil. quoad modum) rerum mobilium amittitur furto, L. 15. & 47. ff. de acqu. vel amitt. possess. amissione, gemmæ v. g. ut nesciatur, ubi sit. L. 25. ff. eod. fuga rerum animatarum, servo & ancilla exceptis, de quibus aliter in jure dispositum. L. 1. §. 14. L. 3. §. 10. L. 13. princ. ff. de acqu.

vel amitt. poss. 4. Rerum immobilium possessio amittitur, si possessor longo tempore v.g. decennio, nec per se, nec per alium rei insistat, vel protestetur, se possessionem ejus retinere velle. *L. 6. §. 1. ff. de acq. poss.* Si rem sciat ab alio occupatam, & eam negligat vindicare. arg. *L. 46. ff. eod.* Si expulsurus invasorem ipse repulsus cedat. *L. 6. cit. L. 23. §. fin. ff. de acqu. vel amitt. possess.*

Quæst. 4. Quæ sint commoda possessionis? Resp. 1. Possessio relevat ab onere probandi, nisi possidenti resistat jus, aut adversarius habeat pro se intentionem in jure fundatam; uti in *cap. 2. de restit. spol. in 6.* 2. In dubio semper melior est conditio possidentis. 3. Parit præsumptionem dominii, & si sit immemorialis, etiam tituli. 4. Causat conditionem usucapiendi. 5. Tribuit jus administrationis, & si annexum sit jus eligendi, præsentandi &c. etiam illud *cap. 19. de jure Patron. & cap. 24. de elect.* 6. Possessor b. f. facit fructus ex re aliena perceptos suos, modo consumpti sint, etiamsi indofactus sit ditior: quod tamen non procedit, si rem titulo universalis acceperit, vel fructus sint percepti post litem contestatam. *§. 35. Inst. de rer. div. L. 4. §. 2. ff. re. gund. fin.*

§. 2. De Proprietate.

Quæst. 1. Quid sit proprietas, & quomodo differat a possessione? Resp. 1. Proprietas sumpta pro dominio est ejus reale disponendi de re aliqua tanquam sua, addunt aliqui, nisi lege prohibeatur. Si sit jus perfecte de re aliqua disponendi, scil. quoad proprietatem & utilitatem, sive fructus, erit dominium perfectum sive plenum; si tantum quoad aliquos usus, erit non plenum, quod vel est directum, vel utile. Item dominium aliud est naturale, aliud civile; aliud verum, aliud fictum, aliud revocabile, aliud irrevocabile; universale aliud, aliud singulare.

Resp. 2. In multis differt proprietas a possessione, adeo ut dicatur. *L. 12. §. 1. ff. de acq. vel amitt. poss.* proprietas nihil habere commune cum possessione. Hinc 1. Differunt in essentia, quia proprietas est jus ipsum, quo res mea est, possessio est jus, quo rem detineo ut meam,

meam, licet mea non fit. 2. *Quoad modum acquirendi*, quia proprietas solo animo acquiritur. L. 23. ff. de acqu. poss. non amittitur. L. 17. §. 1. ff. eod. contrarium est in possessione. L. 3. §. 3. ff. eod. 3. Proprietas non acquiritur sine titulo. L. 13. ff. de acq. rer. dom. possessio in profanis non exigit titulum, nisi contra eum, a quo res possidetur. L. 6. §. 1. ff. de acq. poss. &c.

Quest. 2. Quot modis acquiratur dominium? Resp. Varii sunt modi acquirendi dominii, hoc est, tituli dominii, sive causæ habiles ad transferendum dominium. Juri Civili originem debet *præscriptio* item suo modo *testamentum*, *successio hæreditaria*, *arrogatio*. De Jure naturali vel potius gentium modi acquirendi dominium sunt *occupatio* & *accessio*, eaque vel *naturalis*, vel *artificialis*.

Resp. 2. Ad occupationem pertinet. 1. *Venatio*, per quam animalia fera libere vagantia sive fuerint aliquando alicujus, nec ne, fiunt primo occupantis. §. 12. *Inst. de Rer. divis.* potest tamen & certis personis, & in certis locis, & certis temporibus prohiberi venatio. Ratio, quia id justæ causæ exigere possunt. 2. *Inventio* (quæ est occupatio rei inanimatæ, quæ nullius est, ut sunt gemmæ in littore maris, bona derelicta & vacantia) facit inventorem *de jure naturæ* & *gentium* dominium primo occupantem; ita etiam ut si post diligentem inquisitionem non appareat Dominus bonorum incertorum, non teneatur rem inventam erogare pauperibus, sed in usus proprios possit convertere. *D. Thom. 2. 2. q. 66. art. 5. ad 2.* Item quia tales res deperditæ habent se moraliter tanquam bona domino carentia. De inventione thesauri vide §. 39. *Inst. de rer. divis.* L. un. C. de *Thesaur.* 3. *Captivitas* & *occupatio bellica*, qua homines vel res hostiles fiunt in justo bello capientium.

Resp. 3. Ad *accessionem naturalem* refertur 1. *Alluvio*, de qua. §. 20. *Inst. de rer. div.* 2. *Accretio* vel *coalitio*. §. 2. *ibid.* 3. *Insulæ productio*. §. 22. *ibid.* 4. *Alvei mutatio*. §. 23. *ibid.*

Resp. 4. Ad *Accessionem artificialem seu industriale* spectat inædificatio; implantatio; satio; commixtio vel permixtio; specificatio, de quibus a §. 25. *Inst. de rer. div. ad 35.*

§. 3. Qua ratione tractanda sit causa possessionis & Proprietatis.

Quest. 1. Quæ dicatur causa possessionis & proprietatis; & quale remedium habeat agens in judicio petitorio? Resp. 1. Causa possessionis seu *judicium possessorium* est, in quo principaliter agitur de possessione, vel quasi possessione aut adipiscenda, aut retinenda, aut recuperanda. *Causa proprietatis*, vel *judicium petitorium*, in quo principaliter agitur de proprietate vel dominio rei controversæ vel alio jure a possessione distincto.

Resp. 2. Variæ proditæ sunt actiones in judicio petitorio agenti; v. g. si petatur res corporea, *rei vindictio*; si agatur de re incorporea, ut ususfr. servitus, beneficium, jus decimandi, actio præsertim *confessoria* & *negatoria* &c. Si agatur solum de jure ad rem, competunt actiones personales, sive, ut vocantur, conditiones.

Q. 2. Quotuplex sit judicium seu remedium possessorium?
Resp. 1. Triplex scil. adipiscendæ, retinendæ, & recuperandæ possessionis. §. 2. *L. de interd.* quæ remedia alio etiam nomine *interdicta* appellantur; hodie *Actiones extraordinariæ in factum*.

Resp. 2. Remedium adipiscendæ est iterum triplex; Primum *quorum bonorum* sic dictum a primis verbis, quibus incipit & refertur. *L. 1. ff. de interd.* competitque hæredi *universali*, postquam hæreditatem adiit, ad capiendam ejus possessionem nunquam adhuc habitam adversus eum, qui vel illam possidet titulo *pro hærede*, id est, qui putat se hæredem esse; cum non sit; vel titulo *pro possessore*, hoc est, qui nullo jure possidet hæreditatem, sciens eam ad se non pertinere. *L. 1. & seq. ff. & C. quor. bonor.* Alterum dicitur *quorum Legatorum*, quod itidem competit hæredi, sed contra legatorios & fideicommissarios particulares, ad avocandam ab iis possessionem legati aut fideicommissi, illudque restituendum hæredi, dum ipsi præveniando hæredem, qui rei legatæ aut fideicommissi nunquam adhuc pos-

possessionem habuit, & a quo id petere debuissent, legatum propria autoritate occuparunt. L. 1. ff. quorum Legator. tertium vocatur *interdictum Salvianum* ab auctore Salvio Juliano, & competit domino fundi seu Le-
 catori adversus conductorem seu colonum (imo etiam adversus tertium possessorem. L. 1. ff. de *Salvian. interd.*) ad avocandam ab eo & adipiscendam possessionem earum rerum, quas colonus prædio a se conducto intulit, sicque vel tacite dum prædium est urbanum, vel expresse, dum est rusticum, oppignoravit, & dein ante solutionem extulit & alienavit. §. 3. *Inst. de interd.* L. 4. & *fin. Cod. in quib. caus. pign. tacit. contract.* differt hoc remedium ab *Actione Serviana*, quæ non est remedium iudicii possessorii sed petitorii. Præter hæc remedia Prætoria dantur de Jure Civili adhuc potissimum tria; scil. 1. ex L. *fin. C. de edict. Div. Hadrian. toll.* 2. Ex L. *creditor. res.* 3. C. *de pignorib.* 3. Est imploratio officii iudicis facta ab eo, qui titulum & proprietatem beneficii Ecclesiastici consecutus est, ut in actualement ejus possessionem, quam nondum habuit, ab habente jus immittatur, vel ab hærede, ut vacuam rerum hæreditariarum possessionem autoritate iudicis absque incommodo nanciscatur.

Resp. 3. Remedium *retinende* duplex est; *interdictum uti possidetis* datur pro retinenda possessione rerum immobilium contra injuste & extrajudicialiter turbantem; *interdictum Utrobi* datur pro retentione rerum mobilium. Vincit in utroque, qui tempore litis contestatæ possessionem habet sine vitio, id est, nec vi, nec clam, nec precario ab Adversario suo, §. 4. *Inst. de interd.* L. 3. ff. *ut possidetis.* Vide Engel. h. a. n. 6.

Resp. 4. Remedia *recuperande* varia enumerantur ab AA. duo hic considerantur, scil. *Interdictum unde vi*, quod datur pro recuperanda possessione rerum immobilium, a qua quis per vim est dejectus. §. 6. *Inst. de interd.* alterum pro recuperanda rerum immobilium possessione, si agitur principaliter de mobilibus vi ablatis, & dicitur *Actio vi bonorum.*

Quæst. 3. An causa proprietatis & possessionis coram eodem iudice tractari debeat? Resp. Aff. Ratio sumitur ex L. 10. C. *de jud.* ubi decernitur, nequis continentiam

causæ dividat, atqui causa proprietatis & possessionis sunt causæ connexæ; ergo. Et hoc procedit, siue possessorium cumuletur cum petitorio, ut *Q. seq.* dicetur, siue finita causa possessionis instituaturs causa proprietatis; siue judex sit ordinarius, siue delegatus in genere vel in specie super causa proprietatis, aut contra. Limitatur tamen responsio 1. Si partes sint fori diversi, v.g. Clericus in causa profana obtinuit in possessorio coram judice Laico, is trahi non potest ad eundem judicem in petitorio, *si instituaturs finita causa* possessionis. *c. fin. de jud.* 2. Si causa possessionis & proprietatis talis sit, ut non possit de utraque judex cognoscere, sic v. gr. licet juxta communem, quam & nos tenemus, possit judex Laicus cognoscere super causa possessoria rei spirituali annexa dum non involvitur quæstio juris & reus conventus non est persona Ecclesiastica, non tamen potest definire causam petitoriam, &c.

Q. 4. An causa possessionis & proprietatis in eodem judicio cumulari possit? Resp. 1. Potest causa possessionis & proprietatis in eodem judicio cumulari, siue proponi ab una eademque parte aut in ipso litis exordio simul, aut successive, ut actor, postquam incepit agere petitorio, ad possessorium adipiscendæ vel recuperandæ regrediatur. *c. 2. 4. & seq. b. t. L. 18. §. fin. ff. de vi & vi arm. L. 1. §. 4. ff. quor. legat.* potest etiam cumulari, ut proponatur in eodem judicio divisim a partibus, dum v. gr. actor incipit judicium possessorium, petendo sibi adjudicari possessionem, reus excipiendo e contra contendit proprietatem rei sibi competere, eamque petit; aut dum uterque actor simul & reus contendunt super proprietate & possessione. Habetur in iisdem text. & ratio est; quia hoc modo minuuntur lites, cum ex duabus fit una. Textus qui in contrarium afferuntur, intelligendi sunt, tum causam possessionis prius discutendam, quando neque neuter vult in se suscipere onus probandi.

Resp. 2. Etiam possessorium retinendæ potest cumulari subinde cum petitorio. *L. 12. ff. de acq. vel. amitt. poss.* ubi interdictum *uri possidetis* siue retinendæ possessionis diserte illi conceditur, qui *cæpit rem vindicare*. seu agere petitorio. *L. 9. ff. de R. V. quod in cap. 5. b. t.*
 Pon-

Pontifex non tegerit mentionem possessorii *retinenda* ideo est, quod de eo non fuerit consultus. Verba, *aliis possessorii in suo robore permansuris*, intelligi debent, dum unus idemque non suscipit probationem utriusque, proprietatis scil. & possessionis. Casus, in quibus procedit cumulatio, vide apud Schmalzg *b. n. 64.*

Q. 3. Qualiter procedi debeat causa possessionis & proprietatis cumulata in eodem iudicio? Resp. 1. Potest iudex conjunctim super utraque causa recipere probationes & testes. *c. 2. b. t.* Dum propositis discussisque probationibus de utraque causa liquet, una sententia utramque terminare debet. *c. 6. b. t.* quod *c. 2. b. t.* dicitur, posse iudicem prius probationes super possessorio discutere, intelligitur de casu, quo uterque litigantium contendit sibi competere possessionem & proprietatem.

3. Pronuntiare quidem iudex debet prius de causa possessionis, quam proprietatis, in executione tamen prævalet sententia super proprietate. *cap. 6. hoc titul.* Ratio, quia ea utpote dignior efficacior, mox ut lata, trahit ad se possessionem, eandemque penitus absorbet.

T I T U L U S XIII.

De restitutione spoliatorum.

Quest. 1. *Quid tractetur in presenti titulo?* Resp. De remedio recuperandæ possessionis, quo agitur, ut ante omnia pristina possessio cum omni causa restituatur illi, qui possessione rerum corporalium immobilium, aut quasi possessione incorporalium vi vel clam, injuste vel indebite est dejectus. Ut supra dictum, remedium *recuperandæ* potissimum duplex est, scil. *interdictum unde vi* & *actio vi bonorum raptorum*, quo etiam reducitur *actio ad exhibendum* & alia remedia præsertim Jure Can. inducta, quæ non vocantur *interdicta*, sed *conditiones ex Lege vel Canone* ad recuperandam possessionem, uti conditio ex *cap. sepe contingit 18. b. t. ex can. redintegrande. 3. caus. 3. q. 1.*

Q. 2. Cui competat interdictum Unde vi? Resp. 1. In genere loquendo non conceditur hoc interdictum, nisi illi,

illi, qui vi dejectus ac spoliatus est possessione rei immobilis, sive naturaliter, sive civiliter tantum possederit. *L. 1. §. de jectur. ff. de vi & vi arm.* sive iuste, sive iniuste cum & prædoni per hoc interdictum succurratur. *c. 5. b. t. L. si quis in tantam. 7. C. unde vi* modo dejectus rem non amplius possideat per alium, quia tunc adhuc possessionem retinet. Etiam hæredi spoliari conceditur. *§. 1. Inst. de perp. & tempor. act.*

Resp. 2. Non competit hoc interdictum depositario, commodatario, nudo detentori, seu illi, qui alieno nomine possidebat rem, & dejectus est; quia hi possessores veri non sunt. Nec si alicui liber homo, aut Laico res sacra v. g. beneficium eripiat per vim, hoc illi interdictum competit; quia res sacra a Laico juxta. *c. 7. præscript.* homo liber a quocunque alio possideri non potest. *L. 23. §. fin. de acqu. vel amitt. poss.*

Resp. 3. Competit tamen hoc interdictum colono ad longum tempus, & multo magis Emphyteutæ & Vassallo ob dominium utile: de usufructuario expresse id habetur. *L. 3. §. 13. ff. de vi & vi arm.* Item etiam competit, licet quis plena tantum libertate possidendi, non ipsa possessione sit spoliatus. arg. *c. fin. b. t.*

Q. 3. Contra quem competat interdictum. Unde vi? Resp.

1. Competit adversus eum, qui alium possessione sua deiecit; vel dejici aut spoliari mandavit facto secuto. *L. 1. §. 12. ff. de vi & vi arm.* vel dejectionem ratam habuit. *cit. L. §. 14.* etiamsi judex fuerit spolians, modo vel extrajudicialiter spoliaverit. *t. 7. b. t.* quia tum certetur nomine privati; vel vitium in sententiâ sit substantiale, quo casu executio sententiæ erit spoliatio. arg. *c. 1. & 13. de sent. & re jud.*

Resp. 2. Non competit interdictum Unde vi liberis contra parentes, Vassallis aut libertis contra Dominos. Ratio redditur in *L. 1. §. 43. ff. de vi arm.* actio tamen in factum illis conceditur.

Resp. 3. Non competit interdictum Unde vi contra Successorem particularem. v. gr. qui a spoliatore emit. *L. 7. ff. de vi & vi arm.* Nec contra Successorem universalem, nisi in quantum ad ipsum pervenit. *§. non autem 1. Inst. de perp. & tempor. act.* ubi & ratio assignatur.

Q. 4. Quo remedio succurrendum spoliato, si spoliatus non possideat amplius, sed aliquis tertius?

Resp. 1. Si tertius ille possessor, sive immediatus, sive mediatas, rei spolio ablatæ, fuerit m. f. & conficius, quod alteri sit res erepta per spolium, dabitur contra eum conditio ex *c. sæpe contingit. 18. b. t.* licet non probetur ipsa spoliatio, sed tantum possessio antiquior & adversarium nunc possidere, quia tunc possidere, nova præsumitur clandestina esse & vitiosa. *c. 9. de probat.*

Resp. 2. Si tertius ille possessor fuerit in b. f. juxta sententiam in praxi receptam, dabitur contra illum remedium redintegrandæ, sive conditio ex *can. redintegranda. 3. caus. 3. qu. 1.* ob verba, *quascumque injustas causas.* Et ratio est quia si spoliatus probavit spoliationem rei, quam petit restitui, desinit possessor esse in b. f. & incipit militare ratio peccati. Agunt hic AA. de aliis remediis ad recuperandam possessionem proditis uti est *conditionis triticiaria, conditio incerti, conditio indebiti, conditio ex L. si quis in tantam. 7. C. unde vi, ex L. 3. §. 5. & fin. C. eod. ex L. exstat. 13. ff. quod metus caus. item actio in factum; imploratio officii judicis. L. officium. 9. ff. de R. V.*

Q. 5. Quis modus observandus, cum a spoliato petitur restitutio in causa spoli? Resp. 1. Generalis regula est, spoliatum ante omnia restituendum, ut adeo spoliator ante factam restitutionem audiendus non sit, licet is dominium & proprietatem incontinenti velit probare. *c. 1. b. t. ex verbis, ante omnem contentionem, & c. 5. b. t.* sive spoliato facta sit in corporalibus, sive in incorporalibus, sive in immobilibus tantum, veletiam in mobilibus accessorie venientibus ad rem immobilem; sive etiam actor agat super alia re *c. 2. de ord. cognit.* sive super alio spolio diverso. Passerin.

Resp. 2. Dantur tamen multi casus, in quibus non restituitur ante omnia spoliatus, sic 1. si consentiat spoliatus, ut de exceptione domini seu proprietatis prius cognoscatur. *c. 1. b. t.* 2. Si ex restitutione spoliati imminet grave periculum corporis vel animæ, ut in casu *cap. 13. b. t.* juxta quod mulier se separans a viro restituenda non est, si objiciat impedimentum dirimens, idque

idque in continenti velit probare, & c. 8. eod. 3. Si juris præsumptio contra spoliatum pro spoliatore militet, ut si quis petat restitui sibi decimas in aliena Parochia possessas. c. 2. h. t. in 6. 4. Si iudicium possessorium & petitorium simul cumulet spoliatus. cap. 3. & 4. de caus. poss. & propr. 5. Si spoliato opponatur vel exceptio inhabilitatis ad agendum. c. 7. de jud. vel crimen ipso iure privans proprietate & possessione rei, uti est crimen hæresis & læsæ Majestatis, Simonia in materia beneficii. Gloss. in c. 14. h. t. 6. Si facta restitutione & timeatur damnum irreparabile, vel publicum scandalum & perturbatio in populo, ut si agatur de restitutione mulieris marito scilicet; si possessio sit tyranno oblata; si reus e carcere ad asylum confugerit. 7. Si notorie competat proprietas spoliatori. L. 31. ff. de pos. 8. Si lite pendente super questione spoliis alius quidam tertius pro suo interesse interveniat, & in re spoliata dominium prætendat, talis enim ante restitutionem audiri debet. c. 17. de sent. & re jud.

Quest. 6. Ut restitutioni ante omnia sit locus, quid probare debeat spoliatus? Resp. Duo regulariter probanda sunt, possessio scilicet & dejectio injusta a possessione & quidem ab adversario, in quem agit, vel ab alio ejus nomine, vel saltem cum ratihabitione ejusdem, si agat interdicto Unde vi. c. 10. de off. deleg. c. 15. & 18. h. t. Si agat conditione ex. c. 18. h. t. sufficit probare, se possedisse, ac spoliatum fuisse, ac possessorem rei consciunt esse spoliationis. Vall. b. §. 4. n. 4. quod si vero alterum prædictorum probare nequeat, causa cadit. c. 14. hoc tit. c. 8. eod. Probatur autem possessio in immobilibus, si quis olim; in mobilibus, si quis paulo ante spoliationem se probet possedisse. Ratio, quia qui immobilia olim possedit, continuasse præsumitur possessionem, in mobilibus autem facile perditur possessio. In quibusdam casibus ad possessionis probationem etiam titulus requiritur, uti fit in jurisdictionibus, decimis a laico petitis, in matrimonio; quia hæc absque titulo non possidentur.

Quest. 7. Quid teneatur restituere spoliator, seu invasor rei alienæ? Resp. 1. Non tantum rem principalem, sed etiam accessariam rei & fructus omnes, tam pendentes,

tes, quam perceptos, a die nim. spoliationis, tam ex-
tantes, quam consumptos, quin etiam percipiendos,
sive quos spoliatus percipere potuisset. *L. si de possessione.*
C. unde vi. c. 11. b. 1. L. 1. §. 31. & 33. ff. de vi & vi arm.
&c. Exceptis tamen *mere industrialibus*, quia industria
propria nocere non debet.

Resp. 2. *Expensas necessarias* deducere potest spoliator
restituere coactus. *L. 5. Cod. de R. V.* ibi: *nisi necessarios*
sumptus fecerit, non *voluptarios*; imputet enim sibi quod
sumptus huiusmodi in re aliena fecerit. *Utiles* tum de-
ducit, si separabiles sint a re principali. *L. 39. fin. ff. de*
hered. petit. L. 37. ff. de R. V.

Resp. 3. Bonæ fidei possessor quod *industriales* lucre-
tur, certum est; quod *naturales autem & mixtos*, si vel
adhuc pendeant, vel licet sint separati, extent tamen,
restituere debeat, habetur. *L. 22. C. de R. V.* quod autem
fructus consumptos, virtualiter etiamnum extantes, quam-
vis inde factus sit ditior, non teneatur restituere (ex-
cepta petitione hæreditatis ob *L. 1. §. 1. C. de pet. hered.*
&c.) clare videtur decisum in *L. 32. Cod. de R. V. L. 4.*
§. 2. ff. fin. reg. L. 40. ff. de acq. rer. dom. §. 35. Inst.
de rer. div.

T I T U L U S XIV.

De Dolo & Contumacia.

Quest. 1. *Qua ratione Titulus hic priori subjungatur,*
quid sit dolus, & quotuplex? Resp. ad 1. Ideo Ti-
tulus hic præcedentem sequitur, quia spoliatus
quandoque dolo vel contumacia adversarii reitutio-
nem consequi non potest; quamvis itaque hic tantum
de dolo, quatenus contumaciæ adhæret, esset agen-
dum, ab AA. tamen in tota sua latitudine conside-
ratur.

Resp. ad 2. Dolus dupliciter a Juristis accipitur, in
bonam scil. & malam partem. *Dolus bonus* est soler-
ria adhibita, ad fraudes malasque artes aliorum eluden-
das, & ad se resque suas vel alienas tuendas, maxi-
me adversus hostes & latrones. *L. 1. §. 3. ff. de dol. mal.*
Dolus malus est calliditas, fallacia, machinatio ad cir-

Intervenit, fallendum, vel decipiendum alterum adhibita: *cit. L. §. 2.*

Resp. ad 3. Primo. Alius est *dolus verus*, qui ex confessione decipientis aut manifestis indiciis colligitur, *L. 6. de dol.* alius *presumptus*; quem quidem lex pro dolo habet, sed colligitur tantum ex conjecturis non ita manifestis, sed dubiis. Ut, si quis culpam latam committit, juris interpretatione in causis pecuniariis regulariter pro dolo habetur. Alii loquuntur aliter, & *dolum verum* dicunt, quem jus ipsum statuit, eo quod verum & manifestum censeatur id, quod ex legis vel canonis presumptione habetur, licet etiam ipsum ex conjecturis colligatur; e contra *dolum prescriptum*, quem prudens iudex desumit ex indiciis & conjecturis a jure non expressis.

Resp. ad 3. Secundo. Dolus circa contractus vel est *antecedens & dans causam contractui*, id est, movens ad contrahendum, quo non interveniente deceptus non contraxisset; vel est *concomitans seu incidens*, quando dolum passus contractum adhuc iniisset, etsi deceptus non fuisset, sed alio modo. Dolus iterum vel versatur *circa ipsam substantiam contractus*, seu circa aliquid, ad quod contrahentes intentionem suam restringunt, vel ex communi hominum aut juris presumptione restringere creduntur: vel versatur *circa circumstantiam vel qualitatem accidentalem*, id est, tale quid, ad quod contrahentium intentio se non restringit, nec usu communi aut juris dispositione restringi censetur.

Q. 2. Qualiter dolus vitiet contractum? Resp. 1. Si dolus versetur circa ipsam substantiam contractus (idem est de errore) contractus est ipso jure nullus. Ratio, quia consensus deficit. *L. 15. ff. de jurisd.*

Resp. 2. Si dolus sit tantum incidens, nec de jure naturali, nec de positivo contractus est irritus. *L. 9. prin. ff. de dol. L. 13. §. 4. ff. de action. empt.* Deinde etiam si dolus sit antecedens, si tamen solum circa qualitates versetur, nullus contractus est de jure naturæ irritus, quia non tollit talis dolus voluntarium; nec de jure positivo, si sit contractus matrimonii carnalis aut spiritualis; si sit contractus stricti juris. *§. 1. Inst. de except. L. 5. Cod. de inutil. stipul.* si sit contractus b. f. si dolus

ab alio, quam a contrahente commissus; quia adest consensus substantialis, & contrahens nullam deceptio intulit injuriam. Imo nullo etiam jure irritus est contractus, licet bonæ fidei, licet dolus ab altero contrahentium sit commissus, aut causam dederit contractui, modo ejus substantiam non afficiat. *L. 5. C. de rescind. vend. L. 28. ff. de contrah. empt. L. 48. §. fin. ff. de furt.*

Q. 3. Quo remedio succurratur dolum passis? Resp. 1. Si doliis versetur circa ipsa substantiam, opus est sola declaratione nullitatis, ut patet. 2. Si versetur circa qualitatem, & a tertio factus sit dolus; nec exceptio, nec actio datur dolum passo contra secum contrahentem. *L. 7. ff. de dol. mal.* Si ab altero contrahentium sit factus, re adhuc integra, & contractu necdum completo, datur *exceptio doli*, in ordine ad non implendum contractum per traditionem: impleto autem contractu, *actio doli* ad rescissionem illius; si dolus circa qualitatem versans fuerit præcedens & causam dederit contractui; ad solutionem vero ejus, quantum decepti interest, dolum esse adhibitum, si dolus fuerit incidens. *L. 13. pr. & §. 1. ff. de act. empt. & vend.* 3. Datur actio & exceptio doli non tantum dolum passo, sed etiam hæredibus & successoribus decepti; quia actio est *rei persecutoria*, *exceptio* vero coheret *rei*. Datur autem contra dolosum aut decipientem, nisi specialiter is excipitur, quales exceptiones habet Pirh. *b. n.* 18. non datur contra hæredes & successores decipientis, nisi quantum ad illos delicti participes pervenit. *L. 17. in fin. L. 26. & seq. ff. de dol. mal.*

Q. 4. Quid sit contumacia, quotuplex, & quot modis committatur? Resp. ad 1. *in genere* est inobedientia erga superiorem cum contemptu; *specifice* & prout est hujus loci, est inobedientia commissa a legitime vocato contra judicem in iis, quæ ad judicem pertinent.

Resp. ad 2. Alia est contumacia *vera*, dum quis post citationem peremptoriam sibi personaliter factam, aut ad ejus domum vel loca publica affixam, ita ut constet, eam ad noticiam ipsius pervenisse, nec ullum non comparendi subesse impedimentum, non comparet. Alia est *notoria*, quæ a plerisque ad veram reducitur, & tum committi solet, si quis in faciem dicit citanti se

nolle venire. Alia est *ficta* seu *presumptiva*, dum citatio non invento, citatione tamen ad ejus domum, Ecclesiam vel Curiam facta dubitatur, num ea ad noticiam illius pervenerit.

Resp ad 3. Varie contingit contumacia, 1. Si quis legitime citatus, & nulla iusta causa impeditus non comparet. *L. 53. §. 1. ff. de re jud.* 2. Si quis comparet, sed sine licentia judicis recedit. *cap. 1. de jud.* 3. Si quis manet quidem præsens, non vult tamen judicis mandato obtemperare. *cap. 3. & 6. b. t.* Committi potest ab actore & Reo, ut habet glossa in *c. 2. b. t.* his verbis: *non veniens, non restituens, citiusque recedens, nil dicens, pignusve tenens, jurareque nolens; obscureque loquens; isti sunt jure rebelles.*

Quest. 5. Quæ requirantur, ut quis contumax dicatur, & quæ excusent a contumacia? Resp. ad 1. primo, Ut quis dicatur contumax, quo ad sententiam definitivam velut ad immissionem in bona ex primo & secundo decreto procedi possit, requiritur, ut legitima citatio vel tribus edictis, vel uno peremptorio præcesserit, juxta. *L. 53. ff. de re judic.* nec tamen citatus comparuerit. 2. Ut in ultimo peremptorio a parte præsentis accusetur contumacia partis non comparentis. *L. 68. ff. de jud. L. 13. §. siquidem. Cod. de jud.* Ratio, quia iudex in causis civilibus non impertitur suum officium, nisi imploratus; non tamen iudex necessario condemnat in contumaciam eum, qui altero mox die comparet, etsi pars altera petat. Sumitur ex *cap. 24. de off. delegat.* 3. Requiritur, ut nullo iusto impedimento detentus fuerit. Hinc

Resp. ad 2. Causæ excusantes a contumacia, sunt 1. adversa valetudo. *L. 53. §. 2. ff. de re judic.* quo redacitur mors parentum &c. 2. Majoris causæ occupatio. *L. & §. cit. & quæ referuntur in L. 54. ff. de re jud.* 3. incompetencia notoria judicis. 4. Tempus feriatum, ad quod fit citatio &c.

Q. 6. Quomodo contra Actorem contumacem procedendum? Resp. 1. Satis exacte traditur ordo & modus hic in *Auth. qui semel. C. quom. & quand. iudex L. 13. C. de jud. c. 3. b. t. c. 1. eod. in 6.* quos textus vide, & nota, quod, Actore existente contumace, reus possit petere circumduci

duci edictum, per L. 73. ff. ne Jud. Vel petere, se absolvi ab omni observatione iudicii, sive ab instantia intentatæ actionis; vel se definitive absolvi ab impetitione actoris, vel pro se ferri sententiam definitivam.

Q. 7. Qualiter procedendum contra reum contumacem?

Resp. 1. Si reus ante litem contestatam sit contumax & non comparuerit in termino peremptorio, non potest procedi ad probationes, & multo minus ad sententiam definitivam. c. 2. 3. & 5. ut lite non cont. Sed actor mittitur regulariter in possessionem bonorum Rei custodiæ causæ, vel ex primo decreto.

Resp. 2. Si reus post litem contestatam sit contumax, actore instante ad probationes proceditur, & si liqueat de meritis causæ, definitive pro vel contra eum ferenda sententia. L. 73. ff. de jud. Si non liqueat actor mittendus est in veram possessionem rei litigiosæ; vel, si est actio personalis, aliorum bonorum. Vide L. 8. in fin. C. quom. & quando.

Q. 8. Quenam aliæ sint pœnæ Rei contumacis? Resp.

1. Potest ob inobedientiam pœna arbitraria puniri. L. 2. §. 1. ff. si quis in jus voc. non jerit. 2. Patitur immissionem in bona, ut dictum. 3. Non auditur, nisi resectis expensis. cap. 6. h. t. 4. Potest capi, incarcerari. L. 8. C. quom. & quand. item excommunicari. cap. 3. ut lite non cont. 5. Subinde proceditur ad capiendâ pignora. L. 1. §. 3. ff. de inspic. ventre, vel ad sequestrationem. c. 2. h. t. 6. Fide contumax potest quidem appellare vel in integrum restitui, cap. 18. de sent. & re jud. Contumax vere talis secundum omnes de jure non permittitur appellare. L. 1. Cod. quor. appell. non recip. Secundum alios etiam non restituitur. 7. Habetur pro præsentem in suum præjudicium. Auth. qua in provincia. §. eo autem. C. ubi de crim. agi oport. 8. Habetur pro confessio. L. 11. §. 4. ff. de inter. in jure faciend.

T I T U L U S XV.

*De eo, qui mittitur in possessionem causa
rei servanda.*

Quest. 1. *Quid sit immissio in possessionem ex primo & secundo decreto?* Resp. ad 1. Immissio in possessionem ex primo decreto est & fit, dum reus legitime citato contumaciter absente, Judex ad petitionem actoris, primo decernit & jubet eum mitti in possessionem rei petita vel aliorum bonorum Rei, custodia causa. cap. 3. hoc tit. cap. 5. §. in aliis. Ut lite non contest.

Resp. ad 2. Missio in possessionem ex secundo decreto est jussio judicis, qua actor ob perseverantem Rei contumaciam constituitur verus possessor rei petita vel bonorum contumacis, possessione huic adempta. c. 1. b. t. & c. 4. de dol. & contum. Utraque hæc immissio justa est; fit a judice per sententiam interlocutoriam c. 1. cit. pertinet ad imperium mixtum. L. 4. ff. de jurisd.

Q. 2. *Quomodo procedatur ad immissionem in bona rei contumacis ex primo decreto?* Resp. 1. Reo ante litem contestatam contumaciter absente, contumacia accusata ab Actore, facta peremptoria ad actum immissionis citatione prævia summaria cognitione, & præstito ab actore juramento calumniæ, mittitur actor in possessionem rei petita, siue rei ejus, super qua fuit mota lis, si actio fuerit realis. cap. 3. & c. fin. §. in aliis ut lite non contest.

Resp. 2. Si actione personali conveniatur reus, & contumax sit, siue sit contumax ante, siue post litem contestatam, potest judex vel Actorem mittere in possessionem bonorum Rei pro modo debiti, vel infligere ei censuram Ecclesiasticam c. fin. cit.

Q. 3. *Quomodo conveniat & quomodo differat immissio in bona in actione reali & personali?*

Resp. 1. Convenit immissio ex primo decreto, siue fiat in actione reali, siue personali, in hoc, quod, si reus intra annum comparuerit, recuperet res suas, & possessionem illarum, modo caveat de sistendo in judicio.

dicio & expensas refundat Actori. *cap. fin. §. in aliis cit. cap. 1. & seq. hoc tit. 2.* Quod immissio ex primo decreto non habeat rationem possessionis, sed nudæ tantum detentionis. *cap. cit. L. 3. §. fin. ff. de acq. vel amitt. poss.*

Resp. 2. Differt immissio, quæ fit in actione personali, ab ea, quæ decernitur in reali, 1. quod in illa observandus sit certus ordo, non in hac; quia actio realis jam supponit jus certum. 2. Quod in actione personali fiat immissio pro modo debiti, in reali in ipsam rem petitam. 3. Quod in actione personali vel immissio concedatur, vel censura Ecclesiastica ferri possit, in reali autem primo debeat fieri immissio & quidem post litem contestatam non ex primo sed secundo decreto, *si non liquet satis de jure Actoris vel Rei. L. 8. Cod. quom. & quand. si autem satis liquet, ad sententiam definitivam proceditur.* 4. Quod in actione personali actor post annalem Rei contumaciam non acquirat veram possessionem *absque secundo decreto*, quam tamen actionem realem intentans acquirit, saltem de jure. *cap. 1. & 2. b. i. & cap. fin. §. in aliis, ut lite non contest.*

Q. 4. Quinam sint effectus primi & secundi decreti?

Resp. 1. Primi decreti potissimus effectus est, si agatur actione personali, quod vi illius competat actori detentio, custodia, defensio bonorum. *L. 9. §. 1. L. 12. ff. quib. ex caus. in poss. easur.* dicitur illud pignus *judiciale, Prætorium*. Deinde si turbetur, non quidem *interdictum unde vi*, qui non vere possidet, sed *ne vis fiat*, intendere potest. *L. 1. pr. & tot. tit. ff. ne vis fiat ei, qui in poss.* 3. Si debitor lateat, nec satisfaciat, potest creditor petere a iudice facultate bona vendendi. 4. Si debitor fundum, in quem actor est missus, colere negligat, ipse colet, fructus colliget, servabit servando servabiles &c. *L. 7. princ. ff. quib. ex caus. L. 8. §. 1. L. 9. §. 2. 3. 4. ff. & Cod. tot. tit. auth. jud. poss.* Duo primi effectus competunt etiam misso in possessionem ex primo decreto *si alio sit realis præterquam quod non concedatur pignus Prætorium*; reliqui vero vel non competunt, vel non principaliter.

Resp. 2. Effectus secundi decreti sunt. 1. Quod ac-

quiratur vera possessio. *c. 1. b. t. 2.* Quod fruatur remediis possessoriis, in specie interdicto, *unde vi.* 3. Quod conventus super illa re a reo reverso in illum transferat onus probandi, utpote ex petitore vel actore jam factus reus. 4. Quod, si ita missus habeat bonam fidem, rem sic possessam præscribat. *Vviesn. b. t. n. 14.* Ubi & illud nota, si actor ex primo vel secundo decreto in rei petitzæ vel aliorum adversarii bonorum possessionem fuerit missus, & tamen ob hujus potentiam realiter apprehendere, detinere & possidere non possit, eo casu illum fictione utriusque juris perinde haberi, ac si rem post primum decretum realiter detineret, vel per secundum, ubi opus est, vere possideret. *cap. 9. de dol. & contum. l. 13. junct. Gloss. V. perinde. ff. de rebus auth. jud. possid.*

Q. 5. In quibus actionibus locum habeat vel non habeat missio in bona? Resp. 1. In omnibus actionibus realibus & personalibus, in bonis mobilibus & immobilibus, in spiritualibus etiam & feudalibus procedit immissio in bona; quia nec præjudicatur domino directo, & obtinetur tamen finis immissionis. 2. Fallit tamen in iis causis, in quibus natura actionis immissionem excludit, v. g. in causis *civilibus*, in quibus actor nihil petit, sed vult tantum se liberare aut excusare. Deinde in *causa matrimoniali*, ne detur occasio illicitæ copulæ cum non sua; hinc reus contumax per censuras ad comparandum compelli debet. *c. 3. ut lit. non cont. & c. fin. §. porro eod.* Item in *causa beneficii* ob vitiosum ingressum, saltem si instituatur *petitorium*; nam in possessorio *recuperando* valet. *c. redintegranda. 3. caus. 3. q. 1.*

T I T U L U S XVI.

Ut Lite pendente nihil innovetur.

Quest. 1. *Quid per rubricam hujus Tituli intelligatur?* Resp. Cum priori titulo actum fuerit ob contumaciam Rei actorem mitti posse in possessionem bonorum, ideo ne quis existimet, regulariter posse quid pendente lite innovari, subjungitur præsens titulus, quo tempore litis pendentis nihil immutari præcipitur aut
de

de novo induci, nec circa rem, de qua agitur, ejusve possessionem, nec circa jus ipsum, quod ab eo tempore viguit; & si quæ interea immutata sint, pro attentatis habenda, revocanda in pristinum statum, & irritanda, ac si nihil factum fuisset. *L. 2. Cod. de litigiosis.*

Q. 2. Quomodo inducatur litis pendentia? Resp. Jure recentiori, nimirum *Clem. 2. b. t. & Auth. Litigiosa. Cod. de Litigios.* in actionibus tam realibus quam personalibus inducitur litis pendentia per citationem a iudice competente legitime factam, & actu intimatam Reo, nisi forte ipse intimationem impedivisset; modo tamen ex citationis tenore citatus cognoscere possit, super qua causa in iudicio conveniatur.

Q. 3. Quinam sint effectus pendentiae litis? Resp. 1. In actione reali *res*, in personali *instantia* lite pendente prohibetur alienari, donec lis sit decisa. *c. 3. & 4. b. t. L. fin. ff. & L. 2. C. de litigios, & Nov. 112. c. 1.* Ratione cuius seqq. notanda. 1. Rem dici tum *litigiosam* vel *verso litigii* affectam, dum super ejus dominio vel quasi, utili vel directo, lis inter petitem & possessorem versatur; dum vero agitur de onere aliquo rei imposito, vel intentatur actio personalis, vel etiam de sola possessione lis pendet, res ipsa litigiosa non est. *Auth. Litigiosa. Cod. de litigios.* 2. Non convenire inter AA. utrum alienatio rei litigiosae sit ipso jure nulla, vel irritanda tantum per iudicem. 3. Casus plures recenseri *L. fin. §. 1. C. de Litigios. Nov. 112. c. 1. §. & hoc autem. L. 3. ff. de petit. hered. §. 1. & ab AA. quibus res litigiosa potest alienari.*

Resp. 2. Lite pendente possessio immutari non potest, sed æquè durante lite ac prius possessor fructus ex re possessa poterit colligere. Unde 1. in *c. 1. b. t.* Archiepiscopus, cui super jure præferendæ crucis lis mota erat, lite durante poterat facere ante se crucem deferri. 2. Conjux pendente lite, qua agitur de divortio quoad thorum ob adulterium, possessione carnalis commercii nec a conjuge accusante, nec a iudice privari debet; quæ quoad iudicem etiam procedunt, dum agitur ab alterutro conjugum ad dissolutionem matrimonii quoad vinculum ob dirimens impedimentum. *c. 2.*

b. t.

b. t. non obstante. *c. 14. de sponsal.* 3. Prælatus de crimine accusatus, ob quod venit amovendus, lite super eo pendente, nec deserendus interea est a populo, nec amovendus. *c. 1. caus. 8. qu. 4.* Dantur tamen casus, in quibus possessor post litem motam non pergit gaudere commodo possessionis, ut *Tit. seq.*

Resp. 3. Rescripta seu privilegia *lite pendente* in præjudicium alterius partis impetrata, non *expressa mentione litis pendentis*, sunt subrepticia. *c. 1. & fin. h. t.* quia Princeps non censetur velle in alterius præjudicium alicui gratiam concedere.

Quest. 4. Qualiter in causis beneficiis nihil innovandum? *Resp. 1.* Si duo in discordia electi sint ad eandem Prælaturam, vel ad idem beneficium promoti, litigentque coram Papa vel alibi, & unus illorum lite pendente moriatur, vel juri suo renuntiet, non potest, pendente lite super alterius electione, procedi ad novam electionem vel beneficii provisionem. *cap. 1. b. t. in 6.*

Resp. 2. Similiter, si contra eum, cui collatum beneficium, vel qui ad illud præsentatus, lis moveatur super ejus habilitate, non potest lite pendente collator conferre illud alteri, aut patronus alium præsentare. *Vide Leur. in for. benef. part. 2. q. 147.* Circa casum tertium, qui hic formari posset, vide *cap. 1. b. t.* qui licet sit distinctus a casu *c. 1. b. t. in 6.* est tamen par utriusque ratio.

Q. 5. Quibus pœnis subjaceat alienans vel accipiens res litigiosas? *Resp. 1.* Omnia restituenda sunt in statum pristinum. *c. 4. b. t.* cum istiusmodi attentata firmitatem non habeant, saltem post sententiam judicis. *c. 2. de rest.*

Resp. 2. Si nec alienans nec accipiens sciverunt rem litigiosam, non incurrunt pœnam, quia nulla præcessit culpa. 2. Si alienatio facta sit per emptionem venditionem & uterque scivit, emptor amittit pretium, venditor tantundem confert de suo, simulque quantitas utraque fisco applicatur, res vero litigiosa neutri cedit. Si vero venditor solus, non vero emptor scivit rem litigiosam (quod in dubio præsumitur. *L. 21. ff. de probat.*) emptor quidem reddit rem venditori, venditor

ditor autem pretium, & tantundem de suo debet expendere, ex quo tertia pars cedit emptori ob dolum, quo cum circumvenit, non manifestando vitium litigiosi; reliquæ duæ partes applicandæ sunt fisco, *L. fin. C. de Litigios.*

T I T U L U S XVII.

De sequestratione possessionum & fructuum.

Quest. 1. *Quid sit sequestrum, quotuplex &c.* Resp. 1. Sequestrum sive sequestratio est rei litigiosæ, possessionis, aut fructuum ejus ex manibus seu potestate litigantium subductio, & in manus tertii (qui propterea *sequester* dicitur) depositio, facta vel consensu partium vel auctoritate judicis. *L. 17. ff. depositi.*

Resp. 2. Differt multimode sequestrum a deposito, ut videre est in *L. 6. & 17 ff. depositi. L. 1. §. 44. ff. eodem §. 3. Inst. quib. mod. re contrah. oblig.* ab arresto, cum arrestum ne quidem species sit depositi aut alterius contractus, sed impedimentum ac interdictum, ne res vel persona loco aut statu suo moveatur; sitque etiam rei non litigiosæ, a missione in possessionem ex primo decreto, cum hæc fiat in unum colligantium, sequestratio in tertium.

Resp. 3. Alia est sequestratio voluntaria, quæ conventionalis dicitur, & fit mutuo consensu litigantium; & hæc regulariter licet, quia quilibet est rerum suarum arbiter *L. 21. C. mandat.* Alia necessaria seu judicialis, quæ fit utraque litigantium parte vel alterutra invita, auctoritate judicis; & hæc ordinarie est prohibita. *L. un. C. de prob. sequestr. c. 1. h. t.* Ratio, quia judicium ab executione incipere non oportet, &c.

Quest. 2. *Quis & qualis esse debeat aut possit sequester?* Resp. 1. Quicumque sequester esse potest, qui fidelem ac diligentem curam habiturus existimatur: unus aut plures. *Vvieslin. h. t. num. 4.* etiam ipse Judex potest esse sequester rei, de qua coram ipso litigatur arg. *L. 11. §. 2. ff. de recept. qui arbitr. L. 7. §. fin. ff. qui satisd. cog.*

Resp. 2. Beneficii Ecclesiastici sequester Clericus necesse-

necessario esse debet, quin & æquum est juxta Pirh. ut habeat Ordinem, quem beneficium requirit.

Resp. 3. Ordinarie nemo ad officium sequestri cogi potest. *L. 7. ff. de positi.* Ratio, quia sequester obligatur ex contractu, vel quasi contractu. *L. 9. §. 3. ff. de dol. mal.* invitus autem nemo tenetur contrahere vel quasi, ergo.

Quæst. 3. Quibus casibus permessa sequestratio? Resp. In seqq. 1. dum timor est dilapidationis, vel interitus rei, quæ petitur sequestrari. *L. 21. §. fin. ff. de appell.* ratio, ne judicium reddatur elusorium; potest tamen sequestratio impediri præstita cautione idonea. 2. In re dotali, dum maritus vergit ad inopiam. *c. 7. de donat. inter vir. & uxorem.* 3. Dum petitur res mobilis, & possessor illius non habens immobilia, suspectus est de fuga una cum re litigiosa. *L. 7. §. si satisfactum. ff. qui satisfact. cog.* 4. Si periculum est, ne deveniatur ad arma, jure incerto existente, arg. *L. 33. §. 3. ff. de usufr.* 5. Si periculum est in mora. 6. Siquis obligatus est ad aliquid præstandum, illudque non præstat, quod etiam in beneficialibus obtinet, si verb. gr. Canonicus non resideat, prout deberet. 7. Si jura partium sint obscura, quod iterum procedit in materia beneficiali. arg. *L. 5. ff. fam. herisc.* Ratione sequestrationis beneficii litigiosi vide *Clem. un. hoc tit.* 8. Si Reus sit contumax & missio in possessionem locum non habeat propter periculum peccati, scandali, intrusionis. 9. Hinc colligitur, sequestrationem in casibus permixtis fieri posse circa res omnes, quæ sub custodiam cadere possunt, atque circa res mobiles, immobiles, corporales, incorporeales, spirituales, profanas. *cap. 15. de jud. cap. 2. de dol. cap. 2. & Clem. un. hoc tit. L. 7. §. fin. qui satisfact. cog.* etiam persona libera sequestrari potest. *cap. 14. de sponsal. &c.*

Q. 4. Quæ requirantur, ut sequestratio necessaria licite possit fieri? Resp. 1. Ut judex motu proprio seu ex officio suo nobili procedat ad sequestrationem, requiritur causa gravis & publica, redundans in bonum commune Reip. v. g. ut obvietur scandalis, & ne partes deveniant ad arma &c.

Resp. 2. Ut judex ex officio mercenario seu ad instan-

stantiam partis possit procedere ad sequestrationem, requiruntur fere seqq. 1. Ut judici summarie constet de jure petentis, adeoque necessaria est cognitio prævia. 2. Ut citetur is, contra quem decernenda sequestratio. *L. 47. ff. de re judic.* nisi sit periculum iugæ vel in mora. 3. Ut sollicitans sequestrum juret de calumnia. 4. Ut ex persona debitoris sit vel appareat aliqua suspicio, verb. gr. deteriorationis rei, dilapidationis &c.

Quæst. 5. Quinam sint effectus sequestrationis? Resp. 1. Sequestratio five judicialis five conventionalis fuerit, tum solum transfert in sequestrem possessionem, si lis est de ipsa possessione verb. gr. utroque contendente se possidere; vel si partes aut judex specialiter id voluerint; alias non. *L. 39. ff. de acq. vel amitt. poss.* Ratio, quia sequestrum est species depositi. Interim tamen sequester Castri, cui jus Patronatus est annexum, sequester Prælaturæ vel dignitatis, quæ jus eligendi vel conferendi beneficium habet, potest præsentare, eligere &c. modo aliunde non sit incapax horum jurium. *Clem. unic. hoc tit.* Ratio, quia ad sequestrum, etiam ad quem non transit possessio, spectat administratio rei sequestratæ.

Resp. 2. Inducit obligationem in sequestro, ut is diligenter rem custodiat, adeoque nec dolum committat, nec culpam laram; colligat fructus, servando servabiles servet, vel si servari non possint, pretium inde redactum lite finita cum illis victori restituat. In Victore inducit obligationem; præstandi indemnem sequestrem, omnia damna, & sumptus vel necessario vel utiliter factos compensandi, *c. 2. de dol. & contum. Clem. unic. b. t.* Unde victori ejusque hæredibus competit actio depositi sequestraria directa. *L. 1. §. 24. ff. de pos.* Sequestro contra victorem contraria. *L. 5. §. fin. ff. eod.* Salarium tamen de jure non competit sequestro.

Quæst. 6. Qualiter tollatur sequestrum? Resp. 1. Lite finita. 2. Cautione & fidejussione sufficienti, licet sequestrum jam factum sit & lis pendens. *L. 7. §. fin. ff. qui satisd. cog.* 3. Sequestro volente ex justa causa deponere officium. 4. Conditione existente, sub qua facta sequestratio. arg. *Leg. 6. ff. de pos.* 5. Morte sequestris. 6. Si decreta sit in contumacem loco missionis

his in bona sequestratio, isque compareat, de judicio fisci caveat; & expensas præstet. *cap. 1. h. t.* Agunt hic AA. de *Arrestatione*, quæ sequestratio affinis est; qui possunt videri.

T I T U L U S XVIII.

De Confessis.

Quest. 1. Quid sit & quotuplex confessio? Resp. 1. Prout servit ad decisionem causarum est ejus, quod ab adversario intenditur, facta assertatio.

Resp. 2. Ratione modi alia est vera vel expressa confessio, quæ fit verbis clavis, scriptura, vel aliis signis declarandæ voluntati idoneis. Alia *ficta* vel *tacita*, aut *quasi confessio*, quæ ex certo quopiam facto elicitur, vel a Lege intervenisse fingitur; sic qui transigit de delicto, ut ad *Tit. de Transact.* fateri censetur. *L. 4. 5. & 15. ff. de his, qui not. infam.* Qui contumax est in judicio, & legitime interrogatus non respondet, saltem in civilibus, pro confesso habetur. *c. 2. h. t. in 6.* 2. Ratione objecti alia est *Civilis*, alia *criminalis*, alia *principalis*, alia *incidens*. 3. Alia est *pura* seu *simplex*, quæ quis adversarii intentionem simpliciter & sine adjectione fatetur; alia *qualificata*, quæ quis adversarii intentionem fatetur quidem, sed adjecta conditione, modo, vel alia qualitate. Item alia *spontanea*, quæ libere; alia *extorta*, quæ vi, metu, dolosis persuasionibus elicitæ. 4. Præcipue ratione loci confessio tam civilis quam criminalis subdividitur in *judicialem*, quæ fit coram iudice in loco judicii, & in *extrajudicialem*; quæ fit extra judicium &c.

Quest. 2. Quæ requirantur ad confessionem judicalem; ut ea suos habeat effectus? Resp. Seqq. Major, sponte, sciens, contra se est jus ubi, & hostis, certum, lisque, favor, jus; nec natura repugnet Scil. 1. ut edita sit a majorenni. Ut sponte & libere, non vi aut metu tormentorum extorta *c. 1. caus. 15. qu. 6.* 3. Ut sciens confiteatur, scil. ut confessio ex certa scientia, non ex errore, neque ex calore iracundiæ præcedat. 4. Ut contra se ipsum fiat, pro se enim etiam in articulo mortis

facta non probat in præjudicium alterius. 5. Ut in *judicio* fiat scil. coram iudice, non coram Arbitratore; coram iudice, non coram Notaria tantum, & quidem coram iudice competente & regulariter sedente pro tribunali. 6. Ut fiat præfente *adversario*, qui venit nomine *hostis* in vers. cit. de iure scil. Civili tantum: non tamen semper necessaria est præfentia partis adversæ. Vvieskn. b. n. 9. 7. Ut sit de re *certa*, quia parit sententiam certam. L. 6. pr. ff. b. r. 8. Ut de re *litigiosa*. 9. Ut non in favorem *consentientis*. L. 6. Cod. de prob. 10. Ut sit de re, quæ neque *rerum nature* neque *iuri* adversatur; exemplum ultimi est in cap. 5. de eo, qui *cognov.*

Q. 3. Quos effectus habeat confessio judicialis? Resp. 1. Rite facta est plenissima probatio c. 17. de præscript. in eodem scil. iudicio, nam confessio in iudicio civili non præjudicat in iudicio criminali *plene* ut sufficiat ad condemnationem; licet sit sufficiens ad torturam. Ratio, quia prior respectu secundi iudicii potius extrajudicialis debet dici, quam judicialis, utpote facta coram alio iudice & ad alium finem. In iudicio tamen summario facta legitima confessio plenarie etiam probat in ordinario.

Resp. 2. Confessio judicialis rite facta inducit notorium. c. 7. de cohabit. Cler. & mul. Tollit præsumptionem juris & de iure Pirh. b. n. 19. Locum habet post conclusionem in causa, quia tum quidem probationibus, non confessioni renuntiatum. c. 10. de fid. instrum. Res iudicata ob illam retractatur. Sanat omnes defectus processus, modo coram iudice competente & sponte sit facta. Equiparatur rei iudicatæ, ita tamen, ut in causa criminali contra confesum requiratur sententia definitiva, siue confessio facta sit ante, siue post litem contest. c. 2. b. r. L. 5 ff. de cust. & exhib. reor. Ratio, quia ob maximum periculum vitæ confesum pro condemnato in his haberi non debet; non tamen in causa civili, si facta sit confessio ante litem contest. L. 21. ff. de jud. Secus si post. L. C. c. 10. de transact.

Resp. 3. Unius partis confessio in beneficialibus non probat in favorem alterius, dum is tantum fundat in ea intentionem suam; quia hæc in Canonico & legi-

timo

timo titulo, non in confessione colliganti fundari debet.

Quæst. 4. Quos effectus habeant aliæ confessiones judiciales? Resp. 1. Confessio qualificata facta vel coram iudice vel adversario, tum poterit ab his acceptari quoad substantiam, & rejici quoad qualitatem, si obstat confesso præsumptio juris v. g. si reus confiteatur, se verba contumeliosa dixisse, sed non animo injuriandi. L. 5. C. de injur. Vel si qualitas non est per se connexa negotio principali, v. g. si reus dicat, fateor, quod mutuos 100. mihi dederis, sed pactus es de non petendo, poterit hoc casu acceptari confessio quoad debitum de mutuo, rejici quoad pactum de non petendo, donec probetur. L. 25. §. de probat.

Resp. 2. Confessio per torturam, etiam legitime adhibitam plene non probat, nec præjudicat confitenti, nisi die sequenti ad banchum juris ratificet confessionem, id est, nisi ad locum publici tribunalis reductus & extra tormentorum conspectum constitutus in confessione persistat. L. 1. §. 17. & seq. ff. de Quæst. L. 2. C. de custod. reor.

Resp. 3. Confessio dolose, scil. ficta promissione impunitatis, vel per quæstiones captiosas, a iudice elicta non præjudicat Reo quoad poenam ordinariam saltem. Ratio fundatur in æquitate naturali & cap. 7. de renuntiat.

Resp. 4. Confessio a reo contra se facta nullatenus præjudicat Sociis criminis, nequidem in tantum, ut interrogari possit de Sociis, dum nulla circa illos præcessit infamia aut aliunde hausta indicia. cap. 1. hoc tit. cap. fin. caus. 15. qu. 3. L. fin. Cod. de accus. Sunt tamen crimina, in quibus jus & praxis tribunalium de Sociis interrogari permittit; exempla sunt in L. 5. §. fin. Cod. ad L. Jul. Maj. cap. 5. de heret. in 6. L. 2. Cod. de fals. monet. &c. Interrogandus est autem Reus tantum in genere de Sociis, si jus vel consuetudo permittit interrogare, non in specie, nisi alia concurrant; quia hoc potius esset suggerentis. L. 1. §. 12. ff. de QQ. Facta vero a Reo confessio sive sponte, sive ad interrogationem iudicis in genere interrogantis, præjudicat in tantum tertio, ut fundet contra illum inquisitionem etiam

etiam specialem, si vel sit crimen exceptum, vel confessio adminiculata. Vide Pichl. *b. t. num. 13.* Leur. *b. t. Q. 501.*

Q. 5. Quenam sit obligatio fatendi veritatem ad interrogationem judicis? Resp. 1. Reus non tenetur judici non legitime interroganti fateri *crimen*, sed potest loqui amphibologice, non tamen dicere falsum vel mentiri. *c. 17. 19. & 21. de Accus.* Tunc autem censetur iudex non legitime interrogare, dum interrogat de crimine, de quo nulla præcessit infamia, neque indicia competentia, nec semiplena probatio; vel dum non habet jurisdictionem, aut habet eam impeditam. In causis civilibus si debitum nondum a se expunctum scit reus, aliunde tenetur fateri & satisfacere.

Resp. 2. Dum interrogatio quidem est juridica, ex falsa tamen præsumptione, non modo non tenetur fateri reus, sed potest simpliciter, etiam cum juramento, factum negare. Ratio quia in tali negatione & juramento nulla intervenit falsitas, cum enim similes a iudice formatæ propositiones in sensu & intentione interrogantis sint falsæ, eas negans non dicit falsum, sed verum. Sic ergo Titius v. g. qui fecte contraxit matrimonium, interrogatus super eo, potest simpliciter negare a se contractum matrimonium &c.

Resp. 3. Dum reus dubitat, num iudex procedat legitime & juris ordine servato, non tenetur fateri crimen. Ratio, quia cum nemo b. f. possidens famam, honorem, & bona, teneatur se illis spoliare, donec constet ei de jure, quo compellitur ea dimittere, ergo nec tenebitur reus parere superiori imperanti confessionem criminis, per quam amissio famæ, imo & vitæ incurritur, quamdiu non constat, habere illum potestatem eam urgendi & imperandi.

Resp. 4. Dum reus scit se interrogari juridice & servato juris ordine, tenetur fateri veritatem scil. debitum vel delictum. Ratio, quia quivis tenetur obedire superiori legitime præcipienti. Dicit tamen de *Lug. de Just. d. 40. §. 1. n. 16.* probabilem & in praxi tutam esse sententiam, posse rem in causa capitali, ubi puniendus esset poena mortis vel æquivalent, etiam legitime interrogatum celare veritatem, &c. quamdiu sperat se tali

modo posse effugere condemnationem: Ratio, quia lex seu præceptum humanum, fatendi crimen mortis induktivum; non est accomodatum humanæ imbecillitati, nec humano modo impletu possibile, ergo.

Q. 5. An reus confessionem in judicio factam revocare possit? Resp. 1. Si in *continenti* revocatio fiat, admittitur; licet nullus error probatus fuerit: arg. c. 7. de test. 2. Si ex *intervallo*; tum solum admittitur; si revocetur confessio a Procuratore facta; ostendaturque eum errasse in facto, de quo ex officio non tenebatur inquirere; vel si confessus ex intervallo volens confessionem revocare probet, eam contigisse ex errore facti alieni arg. cit. c. 7.

Q. 7. Quid dicendum de confessione extrajudiciali? Resp. 1. Ad hoc ut Confessio extrajudicialis probet aliquid (an plene; an semiplene, dicetur statim) debet esse *spontanea*; deinde *sufficienter probata in judicio*; contra *ipsum confitentem*, per se *et principaliter* facta; non *incidenter* tantum. Reiffenst. h. a n. 41.

Resp. 2. Confessio extrajudicialis in causis civilibus *regulariter* non probat *plene*; sed tamen *semiplene*, si vel sit *discreta*, cum expressione scil. causæ; ex qua ortum debitum; vel fiat coram Adversario, etiamsi sine expressione causæ: c. 14. de fid. Instrum. Imo & *plene*, si discreta sit & simul in scriptis, aut viva quidem voce, sed præsentē adversario, fueritque per duos testes integre fidei probata. cap. 14. cit. L. 13. C. de non num. pec. Item, si facta sit a moribundo; etiam sine expressione causæ, dum tendit ad liberationem alterius, v. gr. dum Cæsar coram legitimis testibus fatetur solutionem 100. fl. debitorum sibi factam: vel etiam dum confessio illa facta est ad obligandum se, modo expressa hic causa sit, nec ex circumstantiis contrarium appareat, &c.

Resp. 3. Confessio Sacramentalis in foro externo confitenti non præjudicat, & omnino nihil probat: c. 13. de excess. Præl. c. 2. de off. Ord. neque scheda, in qua in ordine ad faciendam confessionem Sacramentalem descripta sunt crimina, sive reperiatur casu, sive aliter extorqueatur, ulli potest esse usui. Ita Omnes.

Resp. 4. Confessio extrajudicialis in causis criminalibus, sive præsentē, sive absente adversario facta, etiam legi-

legitime probata, non habet vim *plenæ* probationis, sufficientis ad condemnationem. Ita communis. Imo nec *semiplenæ*, ut Pirh. *b. t. n. 40.* Vide Felin. *in c. 25. de rescript.* indicium tamen facit *contra consistentem* ad torturam; ubi serio facta & non ex calore iracundiæ, aut aliter temerè effusa. Sumitur *ex cit. c. 25. de rescript.*

T I T U L U S XIX.

De Probationibus.

Quæst. 1. Quid sit probatio & quotuplex? Resp. 1. Probatio est ostensio rei dubiæ & controversæ legitime judici facta; huic enim juxta *c. 3. b. t.* principaliter fit probatio. Per Ly *legitime facta* intelligitur, quod debeat esse clara, perspicua, & certa. *cap. 8. b. t.* concludens *regulariter* & plena. *Matth. 18. L. 9. Cod. de jud.* citata ad ejus receptionem parte adversa. arg. *L. 47. ff. de re jud. institu. ordinariæ* post litem contest. *tot. tit. ut lite non cont. &c.*

Resp. 2. Aliâ est *artificialis*, quæ fit ex ipsis rei vicribus, arte & industria probantis; per præsumptiones & conjecturas; aliâ *inartificialis*, quæ assumitur extrinsecus, v. g. a testibus, instrumentis, juramento. 2. Aliâ est *plena*, aliâ *semiplena*; quidquid contra hanc divisionem dicat Vvisenbach, & alii. *Plena* est, quæ se sola plenam fidem judici facit, tantam scil. ut ea instructus, sententiam ferre & controversiam decidere possit, nullo alio requisito: hujus 4. sunt species, quæ ordine Titulorum post hunc Tit. 19. ponuntur. *Semiplena* est, quæ aliqua, non tamen plena fides fit judici, nec sufficit, ut ex ea ad ferendam sententiam ordinariè moveatur: species illius sunt unius vel plurium singularium testium depositio, instrumentum privatum, juramentum suppletorium, fama &c. Habet hæc probatio suos gradus, aliâ enim est plus quam *semiplena*, aliâ *præcisè semiplena*, aliâ *minus quam semiplena*.

Quæst. 2. Quinam sint effectus probationis. Resp. 1. Effectus *plenæ* probationis sunt seq. 1. secundum illam ferenda sententia. *L. 11. & seq. Cod. b. tit.* nisi tamen aliunde judici constet contrarium. In causis criminali-

bus probationes luce meridiana clariores requiruntur. *L. fin Cod. h. t.* 2. Actor plene probans intentionem suam, eam juramento confirmare non tenetur. *c. 2. h. t.* quia juramentum utpote species probationis adhibetur solum causa nondum plene probata. 3. Contra quem plene probatum est, is non admittitur ad purgationem Canonicam. *c. 12. h. t.*

Resp. 2. Effectus *semiplenæ* probationis *præcise* talis sunt. seq. 1. Dat locum juramento suppletorio ab actore præstando. *c. 2. h. t.* 2. Duæ tales *semiplenæ* probationes, si conjungantur, & ad unum eundemque finem tendant, in causis Civilibus non admodum arduis unam plenam faciunt. *c. 13. h. t. c. 27. de testib. L. 5. Cod. de prob.* 3. Nonnunquam sufficit ad ferendam sententiam, uti in casu. *cap. 12. de sponsal. cap. 2. de consang.* item in causis modicis. *L. 3. §. 4. ff. de Carbon. edict.* in causis summariis &c. Effectus *minus quam semiplenæ* probationis plures recenset Schmalzgr. *hoc num. 15.* Observari hic potest, qualiter se invicem elidant probationes, unaque alteri prævaleat; de quo vide *Leur. hoc tit. Quæst. 532. & 533.*

Q. 3. Cui incumbat onus probandi? Resp. 1. Probare *regulariter* tenetur ille, qui aliquid affirmat in præjudicium alterius, nec habet pro se præsumptionem juris. *L. 2. & 19. ff. L. 1. & 8. C. h. t.* adeoque actori regulariter, non reo incumbit probatio, cum ille soleat affirmare, hic negare.

Resp. 2. Reus tenetur probare 1. Si opponat exceptionem *affirmativam*, v.g. dicendo, dum rogatur solutionem, se jam solvisse. *L. 12. & 15. ff. h. t.* 2. Si præsumptio juris stet pro Actore vel habeat intentionem fundatam in jure, tunc non actor sed reus tenetur probare. *c. 2. de restit. spoliat. in 6. c. unic. ut Eccles. benef. sine diminut. conf. cap. 8. de Relig. dom.* 3. Si Actor sit persona privilegiata; sic si pupillus, minor, mulier, miles, rusticus asserat, indebitum a se solutum, reus id negans probare debet, fuisse debitum. *L. 25. §. 7. ff. h. t.* Huc reduci potest, quod creditor urgens solutionem contra civitatem vel Ecclesiam probare debeat, pecuniam mutuo acceptam conversam esse in utilitatem Ecclesiæ vel civitatis. *cap. 1. de depos. cap. 2. de solut.*

solut. 4. Si reus negans ultro subeat onus probandi. *L.* 14. §. *si quis autem ff. b. t.* 5. Si Judex ex justa causa in Reum transferat onus probandi, v. g. deferendo Reo juramentum. *c. fin. & L. 38. ff. de jurejur.* 6. In judiciis communibus & duplicibus, qualia sunt finium regundorum; familiæ herciscundæ, interdictum uti possidetis, uterque litigans tenetur probare. §. 4. *Inst. de interd. c. 3. b. t.*

Q. 4. Quodnam sit objectum probationis, sive, quæ sint probanda? Resp. 1. Facta probari debent; quia jura tantum allegantur, nisi sint municipalia vel consuetudinaria. 2. Facta, quæ probantur, debent esse dubia; quia quæ sunt *judici* notoria & evidentiæ, non indigent probatione. 3. Debent insuper facta esse talia, in quibus partes suam intentionem tudent; sive quæ faciant ad causam decidendam; quia impertinentia rejici debent. *c. 36. de off. deleg. L. 21. C. b. t.*

Resp. 2. Propositio *negativa facti pura, simplex, & indefinita*, dum quis simpliciter negat, se contraxisse, occidisse, citatum esse, non potest a negante probari. *cap. 23. de elect. L. 23. Cod. hoc tit.* scil. per testes aut instrumenta; per confessionem enim adversarii & per juramentum negantis probari potest. *cap. 1. de confess. in 6. L. 11. princip. L. 13. §. 2. ff. de jurejurand.* *Negativa facti determinata* per circumstantias loci, temporis &c. verb. gr. dum negatur, homicidium Heidelbergæ tali vel tali die commissum, probari potest & debet. *cap. 35. de testament. L. 14. Cod. de contrahent. stipul.* Item *negativa facti prægnans*; sic dicta, quod implicite contineat affirmativam, verb. gr. si quis negat, se libere contraxisse matrimonium, renuntiase beneficio; *L. 8. ff. hoc tit. cap. 5. de renunt.* Item probari debet *negativa facti, in qua quis fundat intentionem suam*, ut si neges hæreditatem a te aditam sufficere ad legata solvenda, probari debet insufficientia. Comm.

Resp. 3. *Negativa juris* dum quid negatur de jure fieri potuisse, aut factum esse, verb. gr. aliquem in judicio stare, testari, matrimonium contrahere posse, vel rite ordinatum esse &c. probari potest ac debet a negante. *L. 5. ff. hoc tit.* *Negativa item qualitatis*, quæ

negatur alicui inesse qualitas ad hoc vel illud officium aut actum necessaria, dum qualitas est ex iis, quæ communiter aut naturaliter homini insunt, vel inesse præsumuntur, probanda est a negativam allegante, arg. *L. 3. C. h. t.*

Q. 4. Quenam sint species probationum, & quid potissimum de inspectione oculari ac de fama dicendum? Resp. 1. Exprimi possunt species probationum seqq. *V. Aspectus, sculptum, testis, notoria, scriptum, jurans, confessus, præsumptio, fama probavit.* De plerisque agi solet per speciales titulos, aut aliunde constat, excepta oculari inspectione & fama; hinc.

Resp. 2. *Inspectio ocularis*, est, dum judex vel per se ipsum, vel Commissarios, aut alias personas rem, de qua controversia est, inspicit. Engel *b. num. 10. 2.* Fit non tantum in civilibus, v.g. dum quæstio est de novi operis nuntiatione; de terminis seu limitibus agrorum &c. sed etiam in criminalibus, v.g. dum dubium est, an vulnus sit lethale, nec ne. 3. *Facta debite* (de quo vide Schmalzg. *b. n. 19.*) omnium probationum validissima est *c. 4. & 5. de prob.*

Resp. 3. *Fama*, de qua hic loquimur, est communis hominum alicujus loci de aliqua re sermo & publicum judicium, ex sola suspitione, certo tamen authore proveniens. Differt a *Rumore*, quod hic sit particularis Sermo, seu assertio ex sola suspitione & incerto authore proveniens. *Fama* a malis & suspectis hominibus orta non attenditur, *c. 24. de accusat. 2.* *Fama* in causis civilibus facit plerumque (ob *cap. 13. hoc tit. c. 2. de consang. c. 1. de appellat.*) semiplenam probationem. *L. 3. §. 2. ff. & cap. 27. de testib.* modo fit legitime probata, scil. vel per instrumenta desuper erecta, vel per duos saltem testes, omni exceptione majores, qui jurato deponant, audivisse se a majori parte populi, id est, illorum, qui scire poterant & ad quos spectabat scire; duasque saltem nominatim personas exprimant, a quibus audiverint, vel qui asseruerunt se vidisse. Pichl. *b. t. n. 13.*

Quest. 6. Quomodo probanda sint quedam in specie, de quibus b. t. & alias frequens fit mentio? Resp. 1. De *filiatione* notanda seqq. 1. Probatio filiationis verba datur

tur tantum ex parte matris. *L. 5. ff. de in jus voc.* Non ex parte patris, nisi in unico casu, de quo Pirh. *b. r. n. 45.* 2. Præsumptive tantum ex parte patris probari potest v.g. dum quis natus est ex uxore in domo mariti, ei cohabitantis, & ad generandum potentis. *L. 6. ff. de his, qui sui vel alien. jur.* quod varie extenditur. Item dum quis ab alio filius appellatus, educatus, & tractatus fuit. *c. 10. b. t.* Item dum fama vel communis opinio vicinæ, præsertim domesticorum & consanguineorum est, aliquem esse filium, quæ tamen, præscindendo ab eo, quod viderint vel audiverint eum appellari & tractari ut filium, facit tantum femiplenam probationem. *L. 3. §. 2. ff. de test. & c.*

Resp. 2. de probatione ætatis seqq. notanda. 1. Ætatem tam majorem quam minorem probare debet, qui sive agendo sive excipiendo eam tanquam fundamentum intentionis suæ allegat. *c. 8. b. t.* 2. Probari potest etas vel per testimonium parentum, propinquorum, domesticorum de nativitate testantium: vel per instrumentum publicum super nativitate erectum. *c. 2. de fid. instrum.* per librum Parochi &c. 3. Ætas in aliquibus tantum a conceptionis die computatur. *L. 5. & 7. ff. de statu hominum*, alias a die non Baptismi, sed nativitatis. *L. 3. §. 3. ff. de minor.*

Resp. 3. De probatione confinium & limitum dicecesium, Parochiarum &c. vide *c. 13. b. t.* 2. Servitus in genere, & in specie servitus venandi in aliena silva vel fundo per actus, non vi, non clam, non precario exercitos probatur. *L. pen. ff. de servit.*

TITULUS XX. & XXI.

De Testibus & Attestationibus, & de Testibus cogendis.

Quest. 1. *Quid sint testes & eorum attestations?*
Resp. Testes sunt personæ, quæ ad fidem alicujus rei faciendam a iudice vocantur & examinantur. In *c. 1. b. tit.* decernitur, ut sint idonei, id est non prohibiti testificari: *fideles*, qua voce putant AA. excludi

Infideles, Judæos, hæreticos: *Jenjunii*, scilicet tantum de honestate. Attestationes sunt ipsorum testium depositiones, seu asseverationes.

Quæst. 2. Quinam possint aut non possint esse testes?

Resp. 1. Omnes possunt esse testes, qui non prohibentur. *L. 1. §. 1. ff. b. t.* quia edictum de testibus probitorium est.

Resp. 2. Prohibentur *in totum* esse testes infantes, ebrii, stulti, & omnes ratione destituti; quo etiam spectant impuberes & pupilli, infantiam licet egressi, *scilicet regulariter*. *L. 3. §. 5. ff. hoc tit.* idque ob immaturitatem judicii. Vide Valleng. *b. num. 2.* Engel *num. 13.* 2. Cœci *c. 15. caus. 3. qu. 9.* muti & surdi simul, quia intelligi satis nequeunt. 3. Servi proprie dicti. *L. 7. ff. b. tit.* 4. Jure saltem Canonico infames infamia juris. *c. 54. b. t.* 5. Personæ viles, quales sunt pauperes & mendici. *L. 3. ff. b. t.* nisi sint personæ honestæ. Pretio corrupti aut conducti. *c. 1. b. t.* 6. Excommunicati non tolerati. *c. 8. de sent. excom.*

Resp. 3. Pro *certis personis* prohibentur testes esse seqq. 1. Parentes & liberi pro se invicem. *L. 9. Cod. b. t.* nisi probanda sit filii ætas. *L. 16. & L. 13. ff. de probat.* Vel impedimentum consanguinitatis; dum agitur de contrahendo matrimonio. *c. 3. qui matrim. accus.* Fratres, sorores, & alii proximi consanguinei. *c. 1. & 12. caus. 3. qu. 5.* 3. Conjux respectu conjugis. *L. 4. ff. b. t.* 4. Domestici, sive testes ex ædibus suis producti. *L. 3. Cod. b. t.* sub limitatione tamen.

Resp. 4. Contra *certas personas* excluduntur a ferendo testimonio: 1. Inimicus capitalis contra inimicum. *c. 19. de accus.* 2. Parentes contra liberos, & vicissim. *L. 6. C. b. t.* 3. Conjux contra conjugem. *L. 4. ff. b. t.* 4. Libertus contra patronum. *L. 12. Cod. b. t.* quod extendunt AA. ad Vassallum, ut nec hic contra Dominam testis esse possit 2. *feud. 33. §. 1.* 5. Judæi, pagani, hæretici non tolerati contra Christianos & Orthodoxos. *can. 24. & 25. caus. 2. quæst. 7.* 6 Advocati contra suos clientes; Tutores & Curatores contra pupillos & minores. arg. *L. fin. ff. de test.* 7. Laicus in causa criminali contra Clericum. *c. 14. b. t.* 8. Socius contra Socium criminis *cap. 10. & L. 11. C. b. t.*

Resp.

Resp. 5. In *certainis causis* interdictum est dicere testimonium seqq. 1. Minoribus 20. annis in *causa criminali*. L. 20. ff. b. t. & probabiliter etiam in causis civilibus valde arduis; quod utrumque tamen procedit regulariter. 2. Clericis & Religiosis in *causa sanguinis* contra Reum coram iudice Laico. *can. 9. caus. 11. qu. 1. & AA.* 3. Fœminis in testamento solemni: §. 6. *Inst. de test. ord.* In *causa feudali*. 2. *feud. 32.* In *causa criminali* de jure Canonico ob *c. 17. caus. 33. q. 5. c. 10. V. S.* eas repellit Pichl. *b. t. num. 13.* Engel *n. 35.* 4. Licet quis possit de facto proprio, nequit tamen de causa propriatestificari. L. 10. ff. b. t. sic hæres in illo testamento, in quo ipse hæres constituitur per §. 10. *Inst. de testam. ordin.* Iudex in causa, quam judicat aut iudicavit. *c. 40. b. t.* actor in causa, quam ipsemet agit. *c. 10. W. in omni de V. S. &c.* a testimonio repelluntur. Eadem ratione dum est controversia inter Collegium vel Universitatem & extraneum quendam super re ad Universitatem pertinente, non possunt esse testes de Universitate, si causa directe utilitatem singularum concernit, secus si commodum totius Communitatis. Vide Engel *b. n. 37. & c. 6. b. t.*

Q. 3. *An semper & in omnibus casibus testes inhabiles repellendi?* Resp. Neg. sed modo non sint jure nature inhabiles, in variis casibus admittuntur; verb. gr. dum veritas aliter haberi nequit; in criminibus exceptis; in causis, quæ non requirunt exactas probationes; pro innocentia Rei; dum agitur ad impediendum peccatum. *c. 22. b. t. & universim loquendo*, modo tempore depositionis & examinis testis fuerit habilis, impedimentum superveniens testimonium non reddit invalidum. Schuz in *Comp. ad ff. b. t.*

Q. 4. *Utrum testes ceteroquin habiles, inviti tamen cogi possint ad ferendum testimonium?* Resp. 1. Nisi quis sit privilegiatus, ad ferendum testimonium cogi potest. *cap. 1. de testib. cog. L. 19. Cod. de testib.* Ratio, quia interest Reip. veritatem manifestari: Licet juramento se obstrinxerit ad non testificandum. *c. 4. b. tit.* Ratio, quia hoc juramentum contra bonos mores & bonum publicum est. Sive sint causæ civiles per *c. 1. 2. 5. 7. de test. cog.* sive sint criminales, quod præsertim de Jure Civili procedit.

cedit, L. 16. & L. pen. Cod. de testib. Vide Pichler Tit. de test. cog. n. 4. ubi dicit, Testes non privilegiatos in causis etiam criminalibus regulariter de Jure Civili cogi posse, non de jure Can. variasque dat assertionis suæ respectu utriusque limitationes.

Resp. 2. Personæ privilegiatæ, ut ad ferendum testimonium cogi non possint, sunt 1. Parentes contra liberos & vicissim, can. 3. §. parentes caus. 4. q. 3. excipiuntur atrocissima crimina, 2. Cognati & affines contra se invicem &c. can. cit. vide tamen. c. 5. de test. cog. & c. ultim. cod. 3. Clerici a iudice sæculari, cap. 38. caus. 2. quest. 6.

Q. 4. Quis sit modus producendi testes? Resp. 1. Lite contestata, & elapso dilationis probatoriæ tempore probaturus per testes, sive Actor fuerit, sive Reus, iudici nominat testes, formatque articulos, super quibus singulos testes interrogari velit; hos articulos cum nominibus testium Iudex communicat Reo, ut vel contra hos vel contra illos possit, siquam habet, exceptionem opponere, vel saltem præscribere certa interrogatoria testibus a iudice proponenda, non tamen amplius adversario communicanda: Iudex dein ubi habuerit in testes nominatos jurisdictionem, illos ad certam diem citat; sin minus, per literas mutui compassus illorum Superiorem aut iudicem requirit, vel ut ad locum motæ litis mittat testes, vel ipse examinet, illorumque depositiones suo sigillo munitas sibi communicet.

Resp. 2. Testes producuntur sumptibus producentis; nec enim obsequium alteri exhibitum cuiquam debet esse damnosum. c. 11. §. 8. de rescript. in 6, L. 11. & 16. C. b. t.

Q. 5. Quis sit modus recipiendi testes? Resp. 1. Lite duntaxat contestata ad receptionem testium proceditur, ut supra ad Tit. VI. 2. Citatur regulariter pars adversa, ut recipi videat testes & jurare, cap. 2. b. t. quæ tamen citatio peremptoria non est. 3. Ubi partes fuerint præsentés, in omni causa judiciali proceditur a iudice vel ejus Commissario ad receptionem juramenti; quia testi non jurato non creditur. 4. Juramentum hoc præstari debet, partibus a iudice cum quadam gravitate monitis, ante omnem actum testimonii. c. 17. b. t. regulariter

visor in loco iudicii. *c. 8. h. t.* cum debitis solemnitatibus, ratione quarum observanda praxis tribunalium. 5. Jurare debent, quod nulla passione, sed solius amore veritatis moti, quod verum sciunt, dicturi sint. *cap. 5. hoc tit.* 6. Potest tamen utriusque partis consensu remitti testibus hoc iuramentum, non obstante allegari solita paritate cum iuramento calumniæ. *arg. c. 39. b. tit.* quia scilicet iuramentum testium in favorem partium est introductum.

Q. 6. Quis modus testes examinandi? Resp. 1. Tempus quo peragendum hoc examen, est post præstitum a testibus iuramentum. 2. Ordinarie fit a iudice. *Nov. 60. c. 2.* 3. In loco iudicii, nisi qualitas personæ aliud exigat. 4. Singillatim, nam plures simul examinandi non sunt. 5. Secreto, remotis scilicet arbitris, partibus litigantibus, aliis testibus, non tamen excluditur Notarius, qui omnia, etiam formalia eorum, referre in Protocollo debet, ut sic facilius convinci possint. 6. Super interrogatoriis generalibus, & specialibus; vel maxime tamen ab interrogatoriis *suggestivis*; abstinendum, quæ *L. 1. §. qui questionem. ff. de Q. Q.* prohibentur. 7. Demum si quæ dixit testis, illi prælecta fuerint, imposito silentio dimittitur.

Q. 7. Quoties testes super iisdem articulis liceat producere? Resp. Examine testium absoluto querit iudex ex partibus, num vel ulteriorem testium productionem, vel publicationem petant; nam 1. testes tam iisdem quam novi possunt produci etiam super iisdem articulis altera & tertia vice. *c. 15. 36. 55. h. t. Nov. 99. c. 4.* Ratio, quia testes subinde prima vice non satis clare deponunt, & quia testes novi, qui rei habeant notitiam, possunt innotescere. 2. Productio quarta testium expresse prohibetur *cit. cap. 6. Nov.* Nisi scilicet fiat vel cum consensu partium, vel cum solemnitate legali, quæ in hoc consistit, ut pars eam petens juret, quod depositiones testium non subtraxerit aut occultaverit, nec eas didicerit aut exploraverit, nec animo malitioso novam productionem petat. 3. Nec licet secunda productio, si didicita sint attestata, scilicet propter periculum subornationis. *Clem. 2. h. t.*

Quæst. 8. De quibus rebus testes deponere debeant?
Resp.

Resp. 1. Uti testes produci tantum debent super articulis, quos Actor, & super interrogatoriis, quæ reus posuit; ita & tantum debent deponere de factis, ab examinatore sibi propositis, scil. super interrogatoriis & articulis. *c. 29. hoc tit.* 2. Nec interrogari nec respondere possunt de iis, quæ noverunt sub *sigillo Sacramentali*. *c. 13. de excess. Præl.* 3. Super iis, quæ sub *Secreto naturali* noverunt, testificari possunt; imo tenentur, si sciverint juste, sitque secretum nudum, absque promissione scil. celandi & tacendi; vel etiam licet post adeptam notitiam accesserit jurata promissio de non revelando. *c. 18. & 45. hoc tit.* Ratio, quia talis promissio etiam jurata præjudicare non potest juri, quod jam ante promissionem Judex habebat interrogandi de ea re. 4. Super iis, quæ sub *Secreto naturali* noverunt, testificari non possunt, etiam sub juramento interrogati, si vel tacite vel expresse promiserunt, se non revelaturos cognita, vel si modo injusto notitiam Secreti acceperunt. Coll. ex illo *prov. 11.* excipitur casus, quo ex occultatione hujus Secreti grave damnum vel Resp. vel etiam privata accresceret. *arg. cap. 18. de jurejur.*

Quæst. 9. Quomodo fieri debeat depositio testium? Resp.

1. Viva voce. *c. 3. caus. 5. qu. 4. c. 8. de cohob. Cler. & mul.* adeoque regulariter testis in scriptis testificans nihil probat. Ratio assertionis, qui ex voce, modo, gestu facilius veritas potest deprehendi. 2. Debet esse clara & perspicua depositio, non dubitativa; quare fidem non facit testis, sed rejicitur, qui ait, *opinior, arbitror, ni fallor, ita res est.* Eodem modo testis deponens tantum de credulitate vel dicens, *credo, non credo, ita esse*, regulariter non probat. *c. 5. & L. 18. Cod. hoc tit.* exceptiones vide apud Pichler *hoc num. 33.* quo etiam spectat testis deponens de auditu alieno. *c. 47. hoc tit.* Vide tamen eundem *num. 32.* 3. Testis debet dare causam sufficientem sui dicti, *c. 37. hoc tit.* quo scil. modo vel quo corporis sensu rem perceperit. Ratio, quia testis deponere debet de eo, quod scit, scire autem rem non intelligitur, qui suæ notitiæ causam reddere non potest.

Quæst. 9. Quos testes requirantur ad probationem?

Resp.

Resp. 1. Unus testis *ordinarie* non facit plenam probationem. c. 10. 23. 28. 47. & L. 9. Cod. *hoc tit.* Deuter. 17. 19. Matth. 18. Luc. 17. facit tamen semiplenam, & sufficit ad inquirendum &c. Reiffenst. b. num. 247. & seqq. Vide etiam Engel *hoc tit. num. fin.* ubi recenset plures casus, in quibus unicus etiam testis plene probat. num. 55. & 56. ubi agit de teste *non verisimilia* deponente, de teste *vacillante* & *variante*, de teste *sibi contrario*.

Resp. 2. Duo testes omni exceptione majores, five potius duo contestes *ordinarie* faciunt plenam fidem. cc. & *text. cit.* Dicitur *ordinarie*; quia tum de Jure Civili. L. 21. Cod. *de test.* tum de Jure Can. *can. 2.* & 3. *caus. 2. qu. 5.* Trid. *Sess. 24. c. 1. de reform. matrim.* &c. aliud obtinet.

Resp. 3. Testes singulares *singularitate obstativa* nihil, nec semiplene probant. c. 9. §. *quamquam. de probat. c. 32. hoc tit.* Daniel c. 13. Ratio, quia hi testes ita sunt sibi contrarii, ut unus dictum alterius evertat. Deinde testes singulares *singularitate diversificativa* probant saltem semiplene. c. *cit.* & 23. *de elect.* Ratio, quia tales testes non sunt sibi contrarii, ideoque cujuslibet testimonium eam meretur fidem, quam meretur unus testis. Idem fere dicendum de testibus singularibus *singularitate cumulativa*; imo hi in *causis civilibus* plerumque etiam plene probant. Pichl. b. num. 37. qui & num. 39. agit de *testibus contrariis*.

Q. 10. *Quid sit publicatio attestatorum, & quomodo fiat* a

Resp. ad 1. Aliud non est, quam publica in judicio prælectio depositionum illarum, quas singuli testes, a partibus producti & rite examinati, ad singula puncta secreto fecerunt. Fit in omnibus causis, excepta causa hæresis, ut habet *Constit. Pii IV.* quæ incipit: *Cum sicut.* In aliis si omittatur, ob 22. *de sent. & re. jud.* valet de jure sententia lata.

Resp. ad 2. Publicatio fit, postquam partes ulteriori testium productioni renuntiarunt; citatis ad audiendas depositiones partibus (contumaciter absens pro præsentente habetur. arg. *cap. 2. hoc titul.*) ubi vel a Judice vel a Notario dicta & nomina testium manifestantur. Delegatus mittit attestaciones signatas ad delegan-

gantem, ut coram eo fiat publicatio. Publicatione facta datur partibus copia attestationum; rotulo examinis, in originali apud acta reservato.

Q. 11. Quinam sint effectus publicationis? Resp. 1. Attestationes coram iudice competente receptæ & publicatæ in eadem causa, & inter easdem personas, aut iis succedentes fidem plenam faciunt coram quocunque iudice. c. 11. & L. fin. C. h. t. Schmalzg. b. n. 118. 2. Non potest regulariter contra personas testium excipi facta publicatione (imo & facta receptione) c. 31. h. t. Ratio, quia videtur testem approbasse, consequenter eum porro repellere non potest, qui semel eum scienter ad iuramentum, & examen, ipsiusque testimonii publicationem admisit. 3. Post publicationem factam non possunt vel iidem testes, vel alii produci super iisdem aut directè contrariis articulis. c. 17. & 25. h. t. Clem. 2. eod. Auth. qui semel. C. de probat. Ratio est ob periculum subornationis. Casus excepti sunt in cap. 4. & 8. 53. h. t. c. 38. eod. con. 11. caus. 30. q. 5. c. 26. & 44. h. t. L. 18. §. cogniturum. ff. de Q. &c.

Quæst. 11. Quid de reprobatione testium dicendum? Resp. 1. Reprobatio testium fit vel per exceptiones contra personas testium; quæ ante examen proponi debent de jure communi; vel contra eorundem examen, verb. g. quod testes recepti sint a iudice incompetente, quod non juraverint, &c. Vide Schmalzg. b. num. 133. Vel contra dictam testium, quæ reprobatio opponi potest post publicationem, cum ibi modo innotescat. Exceptiones, quæ depositionibus testium opponi possunt, videre est tum apud Schmalzgr. hoc num. 134. tum apud Engel a num. 52.

Resp. 2. Reprobatio testium regulariter non impedit eorum receptionem & examinationem. Auth. si testis C. h. t. Ratio, quia forte in progressu patebit, posse iudicem absque adminiculo illorum ferre sententiam.

Resp. 3. Licet reprobare testes probatorios, id est, testes, qui ab adversario ad probandum negotium principale producuntur; licet per alios testes reprobare, qui vocantur reprobatorii; item licet reprobare hos reprobatorios, non tamen licet reprobatorium reprobatorios reprobare, siue alios contra hos testes producere.

non

nōn est concessum. *cap. 49. h. t.* Ratio, ut finis litium aliquando sit, nec in infinitum procedatur.

T I T U L U S XXII.

De fide instrumentorum.

Quest. 1. *Quid sit instrumentum & quoduplex?* Resp. 1. Instrumentum hoc loco est quælibet scriptura, quæ ad causam instruendam & probandam a partibus affertur. 2. Aliud est publicum, aliud privatum; *privatum*, quod & domesticum dicitur. *L. 5. C. de prob.* est scriptura a privata persona sine autoritate publica vel saltem sine solemnitatibus requisitis confecta. *Publicum* est scriptura, quæ a persona publica *qua tali &c* cum debitis solemnitatibus confecta est, qualis persona est Notarius, Scriba, *c. 2. h. t. Authenticum & Publicum* sumuntur non raro pro Synonymis, stricte tamen loquendo habent se ut excedens & excessum, ita ut omne instrumentum publicum etiam sit authenticum, non tamen omne authenticum sit publicum. 3. Utrumque est vel *Originale* id est, primum & principale instrumentum: Vel *exemplar*, quod ex originali describitur. 4. Demum aliud dici potest *judiciale*, quod in iudicio, aliud *extrajudiciale*, quod fit extra iudicium.

Q. 2. Quenam requirantur ad instrumentum publicum? Resp. 1. Ex parte *Notarii* requiritur, ut hic sit persona idonea, scil. Laicus, non Clericus. *cap. 8. ne Cler. vel Monach.* legitimo matrimonio natus, & liber. Deinde ut sit legitime creatus, quam creandi Notarios potestatem habent *per se* summi Principes, ex privilegio etiam inferiores, uti Comites Palatini, ex consuetudine Episcopi & principes, qui tamen *pro suis tantum territorii* eos creare possunt. Vide Engel *h. n. 4. Tum*, ut sit a partibus rogatus, idque exprimatur. Demum ut negotio, de quo testatur, fuerit corporaliter præsens, aut partes, inter quas negotium gestum, coram Notario quasi de novo omnia repetant. *Nov. 44. c. 1.*

Resp. 2. Ex parte *materiæ* requiritur, ut fiat instrumentum super tali actu, qui dependeat a voluntate humana, eorum scil. dispositione, qui instrumentum petunt,

tant, nullamque actus ille causæ cognitionem requirat. Deinde ut actus ille sit per se licitus. Konig num. 28. Demum ut totum negotium cum clausulis, circumstantiis debitis, & causis enarretur. L. 11. Cod. qui potior in pign. Tres tamen quoad hoc observationes ponit Gail. L. 3. Observ. 13. & 71. & ex illo Engel b n. 10.

Resp. 3. Quod formam instrumentorum attinet, requiritur: 1. Ut præmittatur invocatio Ss. Trinitatis. 2. Nomen Pontificis, Imperatoris, imo & Principis territorialis. 3. Annus, indictio, mensis: dies, locus generalis, v. g. civitatis, & specialis, scil. domus ipsa, in qua confectum instrumentum. 4. Nomina & cognomina testium, quorum ad minimum duo esse debent, non tamen, testamento excepto, rogati. Ultimo Notarius se manu propria subscribere debet, qua autoritate, Pontificia vel Cæsarea Notarius sit, addendo, simulque signum Notariatus apponet. An omnes istæ solemnitates sint de necessitate, variant AA. ob Constit. Maximiliani I. Imperatoris in Comitibus Colonienfibus de ann. 1512, ubi id innui videtur.

Quæst. 3. Quomodo probent instrumenta publica? Resp. Instrumentum publicum plene probat de eo, quod dispositive continet, sive pro, sive contra producentem. c. 3. h. tit. Deinde ad instrumentum publicum reducitur, eandemque probandi vim habet *Protocollum*, ex quo solemne & publicum instrumentum extractum atque confectum est cap. 11. de probat. Ratio, quia propter quod unumquodque tale, illud magis tale. Demum etiam *copia vidimata*, *exemplum*, vel *transumptum* plene probat, si vel factum sit ab eodem Notario cum debitis solemnitatibus, qui fecit originale. L. 24 ff. qui test. fac. poss. cap. 20. de conv. conjug. Vel si factum quidem sit ab alio Notario, sed tamen cum autoritate judicis. cap. fin. h. t.

Q. 4. Quanam sint instrumenta authentica & quomodo probent? Resp. 1. Per instrumentum *authenticum*, prout a publico contradistinguitur, intelligitur scriptura, quæ etsi non confecta a persona publica, aut etiam sine solemnitatibus alias adhiberi solitis, tamen fidem plenam facit, quia vel testium subscriptione, vel sigillo, aliove modo munita.

Resp. 2.

Resp. 2. Talia instrumenta authentica referuntur seqq.

1. Plene probant acta judicialia; debito modo confecta. *L. fin. C. de re judic.* Huc referuntur scripturæ privatæ, quorum publicatio facta est autoritate judicis, v. g. dum testamentum auctore iudice aperitur. 2. Plene probant pro & contra quoscunque scripturæ ex Archivis publicis productæ. *Auth. ad hanc. C. b. t.* Quid de Archivis vel potius *Chartophylaciis* Monasteriorum dicendum, vide apud Engel *b. n.* 21. & Schmalzg. *n.* 41. & 51. 3. Plene probant scripturæ munitæ sigillo publico, si & cetera per consuetudinem aut alias requisita habeant. *c. 2. b. t.* 4. Plene probant libri rationum ab Officialibus publicis conscripti, quoad ea, quæ pertinent ad eorum officium. *L. 10. ff. de edend.* Huc spectant Libri Parochiales baptizatorum, nuptorum &c. Libri eorum, qui ad Gabellas autoritate publica deputantur. Libri Censuales &c. 5. Scripturæ inter privatos super contractibus factæ, & a 3. testibus præter principales subscriptæ & recognitæ de Jure communi plene probant. *L. 11. C. qui pot. in pign.*

Q. 5. Quid de instrumentis privatis, non authenticis dicendum? Resp. 1. Cautiones partis a parte datæ, v. g. *apochæ* aut *quietantiæ*, *antapochæ*, *Syngrapha*, *chirographum*, ab ipso scribente productæ pro scribente ordinariæ nihil probant, nisi testium subscriptione &c. fuerint munita. *L. 5. 6. 7. C. de prob.* Ratio, quia scriptura est quoddam scribentis testimonium, testi autem in propria causa non creditur. 2. Contra scribentem autem plene, si causa debiti expressa sit, & a scribente recognita. *cap. 14. b. t. L. 25. §. fin. ff. de probat.* Excipitur causa mutui, dum mutuatarius per *chirographum* falsus quidem est mutuum pecuniam sibi datam, opponit autem exceptionem non numeratæ pecuniæ ubi *chirographum* contra scribentem nihil probat. Idem est de causa dotis &c. Vide. *L. 14. C. de non num. pec. & L. 3. C. de dote caut. non num.*

Resp. 2. Libri privati, quales sunt; *Libri rationum*, in quibus annotantur accepta & expensa a Patresfam. Sociis: *Libri Censuales* Dominorum privatorum: *Registra privata*: *Inventaria* &c. per se non probant pro scribente. Ratio, ne fraudibus occasio præbeatur.

P. Adami Huth.

Q

Dein.

Deinde Libri Mercatorum de æquitate & consuetudine semiplenam, etiam pro scribente, probationem faciunt, modo concurrant 4. conditiones ab Engel. *b. n.* 34. recensitæ. Itaque poterit talis mercator ad juramentum suppletorium admitti. Eodem modo creditur rationibus Tutorum, negotiorum, gestorum, Procuratorum; accedente saltem juramento:

Resp. 3. Literæ missivæ sive epistolæ privatarum personarum, modo sint recognitæ, contra scribentem plene probant. *L. 26. §. 2. ff. de pos.* Pro scribente tum probat epistola missiva; quando ab eo; ad quem scripta est, fuit acceptata. arg. *Clem. 1. de Procur. L. 16. ff. ad 5. C. Maced.* Deinde Literæ Cambiales non tantum probationem, sed etiam obligationem inducunt, si materia hoc patiatür & loquantur dispositive. Schmalzgr. *b. n.* 76. Demum Charta bianca; seu charta vacua solo dantis nomine & sigillo signata; non probat, nisi is, qui dedit talem chartam, postea legerit; ratumque habuerit, quod alter in ea scripsit. arg. *L. 10. C. de donat.*

Q. 5. An, quando, & quomodo instrumenta producenda? Resp. ad 1. Aff. Sunt producenda; id est, in judicio exhibenda judici, dum fundat pars litigans in iis suam intentionem. *c. 5. h. t. L. ult. C. de edend.* Dum vero pars aliunde solum petit sibi edi sive communicari instrumenta ad intentionem sua facientia, quæ altera pars in judicio necdum allegavit, Actor quidem indistincte ea tenetur edere. *L. 5. 6. & fin. de edend.* Non autem reus actori. *L. 7. & 11. C. de test. c. 1. de prob.* scil. regulariter ob *L. 1. §. 3. ff. de edend. c. 12. h. t. Clem. unic. §. ceterum de usur. L. 1. ff. de tab. exhib. L. 2. ff. de Jure fisc. &c.* de quibus vide Pichl. *b. n.* 32.

Resp. ad 2. Producenda sunt instrumenta in causa principali regulariter post litis contestationem. *L. 10. §. 2. ff. de edend.* in termino probatorio; habetque productio ista locum usque ad conclusionem in causa, etiam post testium publicationem. *cap. 9. h. t.* post conclusionem vero in causa amplius non admittitur. *cap. 5. de caus. poss. & propr.* Casus exceptos refert. *Leur. h. t. Q. 714. num. 3.*

Resp. ad 3. Imo producenda sunt instrumenta, ad hoc ut fidem faciant, in originali, copiis enim non

creditur. *c. 1. b. 1. Auth. si quis. Cod. de edend.* Edi sive communicari sufficit instrumenta in copiis, ut loquuntur, vidimatis, inspecto tamen sive recognitio originalis parti adversæ eam exigenti est concedenda. Ita praxis habet. 2. Judici; sin ei ita fuerit visum, exhibendum est *totum* instrumentum, & hoc probat. *c. 7. de priv. in 6.* parti sufficit edere illud solum capitulum, de quo agitur, modo habeat instrumentum plura & separata capitula: *c. 5. b. 1. L. 10. §. 2. ff. de edend.* 3. Instrumentum nonnisi *semel* regulariter, producitur, *L. 6. §. final. ff. de edendo. L. 21. Cod. b. 1.* fitque productio sumptibus producentis, suadente id *L. 4. ff. de edend.* & æquitate naturali.

Q. 7. Quomodo enervetur fides instrumentorum? Resp. Per impugnationem: Impugnatur autem instrumentum variis modis. 1. Ex parte *causæ efficientis*, quod factum sit a persona inhabili. 2. Ex parte *causæ materialis*, quod v.g. sit factum super negotio prohibito &c. juxta dicta *Q. 2. Resp. 2. b. 1.* Quod contineat falsitatem, quæ si reperta fuerit circa substantiale instrumenti, hoc reprobatur in totum, ita ut nec reliquis partibus credendum. *can. 17. caus. 3. qu. 9. c. 15. & 20. de rescript.* Porto falsitas probatur vel ex *contrarietate*, dum idem instrumentum repugnantia complectitur, aut producitur aliud priori repugnans; vel ex *sigillo*; dum est adulterinum; furtivum, ignum vel ex *cancellatione*, *rasura*, *deletionē*, maxime in parte substantiali, vel aliis demum conjecturis. 3. Ex parte *causæ formalis* impugnatur instrumentum, quod omisæ dicantur solemnitates a jure ad illius valorem requisitæ. 4. Ex parte *causæ finalis*, quod non probet intentum, ad quod evincendum producitur: huc aliqui cum *Reiffenst. b. tit. num. 256.* reducunt, si opponatur, impetratum ob-vel subreptitiæ. 5. Per *testes* impugnari non tantum, sed etiam reprobari potest instrumentum; & quidem quod per testes *instrumentarios* fieri id possit, dubium non est; si vel dicant, non ita actum fuisse, prout in instrumento aseritur, vel se nunquam interfuisse; non autem si dicant, se quidem præsentem fuisse, actorum autem non recordari. *cap. 5. de probat.* quod etiam per *testes extraneos* impugnari, imo & expugnari possit instrumentum, dummodo sint

omni exceptione majores, & saltem duo, nec testes instrumentarii amplius sint in vivis, probatur. *L. 14. Cod. de contrab. stipul.* Ratio est, quia probatio per testes secundum se est veritati conformior & efficacior, quam probatio per instrumentum. Quæ addi hic possent de interpretatione instrumentorum, amissione, renovatione, de iis videantur AA.

T I T U L U S XXIII.

De Præsumptionibus.

Quest. 1. *Quid sit & quotuplex præsumptio?* Resp. ad 1. Præsumptio hoc loco est judicium de re dubia ex variis indiciis & concurrentia variarum rei circumstantiarum conceptum.

Resp. ad 2. Dividitur in præsumptionem hominis, præsumptionem juris. *Præsumptio hominis est*, quæ a viro prudente, v.g. iudice formatur, absque eo quod eam jura *expresse & specificè* statuunt. Atque hæc ipsa præsumptio hominis alia est levis, alia probabilis, alia vehemens & violenta, prout indicia, ex quibus nascitur, vel leviter tantum alliciunt, aut fortius stringunt, aut denique constringunt. *Præsumptio juris est*, quæ nititur autoritate legis, nominatim aliquid ex certis indiciis colligentis, vel etiam pro vero habentis. Subdividitur hæc in *Præsumptionem juris tantum*; dum jus aliquid præsumit, & tamdiu pro vero habet, donec vel contrarium probetur, vel *fortiore præsumptione* elidatur, Exempli hujus sunt in *cap. ult. de restit. spoliat. in 6. cap. fin. de presb. non baptiz. cap. unic. de despons. impuber. in 6. L. 6. ff. de his, qui sui rel. alien. jur. &c.* Et in *Præsumptionem juris & de jure*, cum Lex vel Canon ita aliquid præsumit, ut super tali præsumptione jus firmum statuatur, exclusa regulariter probatione in contrarium. Sic de jure antiquo ex concubitu sponsi cum sponsa præsumebatur matrimonium, *c. 30. de spons.* Vide etiam. *cap. 6. de condit. apos. c. 21. de sponsal. L. fin. §. fin. Cod. ad S. C. Maced. L. 23. Cod. ad S. C. Vellej. L. 14. Cod. de non num. pecc.*

Quest. 2. *Quomodo præsumptio differat a conjectura,*
indi-

indicio, fitione juris? Resp. 1. Præsumptio & conjectura secundum magis tantum & minus differre videntur, dum præsumptio infert magis determinatum assensum, conjectura levem, aut potius suspicionem.

Resp. 2. Præsumptio ab indicio differt, ut effectus a causa, cum indicium sit notabile signum alicujus delicti vel alterius rei, de qua dubitatur, ad veritatem cognoscendam inserviens. Porro indicia, & quæ in illis fundantur præsumptiones, desumuntur vel ex *qualitatibus*, quæ naturaliter insunt; sic minores inconsiderati, feminae inconstantes præsumuntur: Vel ex *qualitatibus*, quæ quidem aliunde adveniunt, regulariter tamen insunt; vel ex loco, tempore, favore juris, à præteritis, communiter contingentibus &c.

Resp. 3. Differt etiam præsumptio a fitione juris. Primo enim præsumptio est aliqua probatio quam jus in re quapiam dubia ex indiciis desumit, fictio autem est certæ falsitatis pro veritate assumptio ex certa causa, & ad inducendum aliquem juris effectum. Exempla fitionis juris habentur passim, ut in Tit. de Cler. non resid. l. 62. ff. de R. I. l. 11. §. 1. ff. qui potior. in pign. &c. Deinde præsumptio aliter locum non habet in conscientia, quam si veritas subsit, fictio autem ceteris paribus etiam in conscientia ligat. Engel hoc num. fin.

Quæst. 3. Quam probandi vim habeant præsumptiones?

Resp. 1. Præsumptio levibus adeo & insufficientibus argumentis concepta, ut prudentis animum movere non possit, nihil probat, sed explodenda est juxta can. 9. caus. 6. quæst. 1. cap. 44. §. fin. de sent. excomm. 2. Præsumptio probabilis, sive juris, sive hominis, semiplene probat. cap. 44. citat. & cap. 13. hoc tit. 3. Si indicia & præsumptiones *vehementes* urgeant, in foro Canonico indici potest Reo purgatio Canonica. cap. final. §. sane de jurejur. c. 4. de purg. Can. In foro autem Civili procedi potest ad torturam. l. 18. §. 1. ff. l. 8. §. 1. Cod. de Q. Q. Ad condemnationem tamen ex præsumptionibus etiam vehementibus nequit deveniri in causa criminali, arg. l. fin. C. de prob. c. 14. b. t. 4. Si præsumptiones sint *vehementissime*, sive deinde sint juris sive hominis, si ortæ ex actibus delicto proximis, huicque sem-

per ordinarie connexis, adeoque moraliter certis, tunc etiam in causis criminalibus ad poenam ordinariam Judex poterit procedere, præsertim in criminibus occultis, & quæ sunt difficilis probationis. *c. 10. & 12. hoc t. c. 7. de conf. util. vel inut. c. 7. de hæret. in 6. L. 34. Cod. ad L. Jul. de adult.*

Q. 4. *Quinam alii sint effectus præsumptionum?* Resp. 1. Præsumptio hominis *probabilis tantum*, non quidem regulariter, sed ubi judici visum fuerit, potest rejicere onus probandi in asserentem contrarium. Reiffenst. *b. t. num. 35.* Præsumptio *violenta* hominis transfert semper onus probandi in adversarium. *cap. 3. de Presb. non baptiz.* Et multo magis præsumptio juris arg. *cap. 2. & 4. de probat.* Imo præsumptio naturalis, seu resultans ex iis, quæ naturaliter cuique insunt, transfert onus probandi in eum, qui aliquid huic præsumptioni contrarium asserit; ut juxta *cap. fin. b. t.* præsumitur quis idoneus, nisi ostendatur contrarium, quod tamen intelligitur de idoneitate intrinseca, quacum quis nascitur. Abb. in *cit. c. ult. num. 7.* Limitationes vide apud Pirh. *b. t. num. 42.*

Resp. 2. Præsumptionis juris & de jure effectus sunt seqq. Ita habetur pro veritate, ut regulariter probationem in contrarium non admittat: impedit appellationem: non admittit juramentum ejus, contra quem stat: ex præsumptione juris & de jure ferri potest sententia. Schmalzgr. *b. t. n. 11.* Quod ultimum etiam præsumptioni juris tantum, si non fuerit elisa, convenit. *cap. fin. de rest. spol. in 6.*

Resp. 3. Admittitur tamen contra præsumptionem juris & de jure 1. probatio *indirecta*, quæ scilicet solum ostendat, non adesse qualitates & circumstantias, ad hanc præsumptionem concipiendam a LL. requisitas. Exempla habet Leur. *b. t. Q. 742. n. 3.* Deinde etiam in casibus aliquibus *directa* probatio admittitur, verb. gr. quæ fit per notorium seu evidentiam facti in contrarium ejus, quod præsumitur; quia præsumptio cedit veritati; Vel quæ fit per confessionem propriam, saltem judicalem, illius, pro quo stat talis præsumptio. Ratio, quia nulla probatio manifestius veritatem detegit, quam proprii oris confessio; vel quæ fit per testes & instru-

men.

menta; vel si contra ipsam admissa est probatio, nec aliquid a parte oppositum.

T I T U L U S XXIV.

De iurejurando.

§. I. De iuramento in genere & de extrajudiciali.

Quest. 1. *Quid sit iuramentum in genere, & an licitum?* Resp. 1. Iuramentum est invocatio divini Nominis in testimonium veritatis. Ubi notandum, fieri id posse vel *explicite*, vel *implicite*, vel etiam *per signa*. Verba tamen iuramentum continentia non sunt, *per fidem meam*, *sub fide Sacerdotali*, *sub fide mea nobili*; quia nullo modo invocationem divini Nominis involvunt.

Resp. 2. Iuramentum, si debite fiat, honestum est & laudabile. Deuter. 6. v. 13. Ps. 62 Jer. 4. c. 26. b. t. Ratio, quia iuramentum est actus Religionis & Patriæ, quo cultus divinæ veracitati exhibetur. Ut autem rite præstetur, tres comites habere debet juxta Jerem. 4. nim. *veritatem*, *judicium*, *iustitiam*. Latius habet hæc Engel a num. 5. & alii. Quo & id reducitur, non licere jurare utendo verbis in sensu diverso ab eo, quem intendit legitime interrogans &c. Vide tamen dicta supra ad Tit. De Confess.

Quest. 2. Quotuplex sit iuramentum? Resp. 1. Iuramentum celeberrima divisione dividitur in assertorium & promissorium. *Promissorium* est, quo aliquid simpliciter, vel jam pactum ac promissum nos fideliter vel le servare ac præstare, sub invocatione divini Nominis pollicemur. *Assertorium* est, quo Deus vocatur in testem assertæ vel negatæ veritatis, vel, quod idem est, quo quis aliquid esse, vel non esse asseverat. 2. Dividitur in *judiciale*, quod in iudicio, & *extrajudiciale*, quod extra iudicium editur. *Judiciale* subdividitur in iuramentum *calumnie*: *malitiæ*: *veritatis*: *credulitatis*; de quib. superius. Item in iuramentum *litis* *decisorium* & in iuramentum *in litem*. *Iuramentum in litem* est, quo lis, sive res, de qua in iudicio agitur,

tur, æstimatur; estque vel juramentum *veræ estimationis*, vel *affectionis*, vel *super interesse singulari*. Juramentum *litis decisivum* est, quod præstatur ab alterutra parte litigante litis finiendæ grãtia; in defectu aliarum probationum. Si a parte parti deferatur in judicio iudice approbante, dicitur *judiciale voluntarium*, retento ideo adhuc *voluntarii* nomine, tum quod non nisi a parte volente deferatur; tum etiam, quod is, cui deferatur, electionem habeat, an id præstare, an adversario referre velit. Si juramentum ob defectum plenæ probationis alterutri parti litigantium per iudicem, sive ex officio, sive ad instantiam deferatur ad indagandam veritatem, dicitur *necessarium*; quod iterum duplex est, *suppletorium* scil. & *purgatorium*.

Q. 3. *Quid de Juramento extrajudiciali assertorio observandum?* Resp. 1. Per hoc juramentum rei tantum præsentis vel præteritæ veritas asseritur, super futuris vero jurare non tam ad juramentum assertorium, quam promissorium, pertinet: L. 4. Tr. 3. c. 4. n. 4. 2. Differt juramentum assertorium a promissorio, quod in isto Deus tantum vocetur in testem, in promissorio autem in fideiussorem, dum petitur a Deo, ut ipse sua præsentia promissioni factæ præstet authoritatem, quod promittens rem, quam promisit; sit executurus. 3. Defectus *veritatis* in juramento assertorio, cadente licet super re levissima, semper constituit peccatum grave, nisi forte adsit defectus libertatis. Ratio, quia invocare Deum in testem falsi cujuscunque est gravissima illius injuria. Defectus *judicii* in eo situs, quod desit honesta & utilis causa jurandi, præcise consideratus culpam venialem non excedit. Defectus *justitiæ* sumitur inde, quod juramentum ut instrumentum & firmamentum adhibeatur ad finem vel mortaliter vel venialiter pravam.

Q. 4. *Ad Juramentum promissorium quid requiratur, & ad quid obliget?* Resp. 1. Duplex ad illud veritas requiritur, una *intentionis* ad faciendum aliquid vel non faciendum, quam jurans habere debet de præsentis; altera *executionis*, seu veritas facti, & impletionis illius, quod se facturum promisit.

Resp. 2. Tres sunt regulæ in Jure Canonico proditæ ratio-

ratione hujus juramenti, *cap. 8. 28. hoc tit. & cap. 2. de pacto in 6.* quod scilicet: omne juramentum absque peccato servabile sit servandum; unde & juxta *cap. 6. hoc tit.* juramentum solvendi usuras; & juxta *cap. 4. de his, quæ vi a contrario arg.* Juramentum usuras solutas non repetendi; & juxta *citat. cap.* juramentum metu, etiam injusto; extortum; valet & obligat. *secunda cap. 18. b. t.* quod obligare nequeat juramentum ad rem illicitam & jure prohibitum; quia non potest esse vinculum iniquitatis; unde sequitur, juramentum super re illicita factum, dum ea mutatis postea circumstantiis redditur licita, non convalescere, nec ad opus illud obligare posse. *Reg. Jur. 18. in 6.* Nec ad deobligandum hoc in casu jurantem opus esse relaxatione. Item sequitur, juramentum vel super re prohibita Lege naturali, vel lege positiva, cujus transgressio importat *culpam Theologicam*, non obligare. Vide Pichler *hoc num. 37.* Immo materia juramenti promissorii nequidem esse potest materia indifferens, aut majoris boni impeditiva, *si fiat soli Deo.* Ratio, quia tale juramentum Deus non censetur acceptare. Tertia Regula est *cap. 58. de R. I. in 6.* quod juramentum contra bonos mores præstitum obligatorium non sit. Ubi tamen id notandum, quod juramentum homini factum de re licita, sed ob malum finem ab eo obtinendum, ante obtentum finem non obliget, sed sit retractandum, obtento autem fine obliget. Ratio, quia ipsa executio promissionis contra bonos mores non est.

Q. 5. Quæ & qualis sit obligatio, quam inducit juramentum promissorium? Resp. 1. Si res de qua juratum est, sit gravis, ad sui impletionem juramentum promissorium sub gravi; si res sit levis, sub levi; si res sit illicita, sub nullo peccato obligat. Ratio primi, quia in re gravi graviter contemnitur autoritas DEI. Ratio secundi est eadem, quia si semel cum animo implendi juratum, inducitur tantum obligatio implendi rem juratam, quæ obligatio proportionata esse debet. Ratio tertii patet ex dictis.

Resp. 2. Obligatio juramenti promissorii *qua juramenti* est obligatio Religionis & personalis. Ratio, quia

quia jusjurandum qua tale est actio personalis, & obligatio voluntarie assumpta ex virtute Religionis. Sequelas hinc plures deducit *Leur. b. t. Q. 784. 2.* Obligatio juramenti *qua promissionis* acceptata ab homine est obligatio justitiæ & realis, consequenter transiens ad hæredes jurantis. *c. 14. b. t. L. 9. ff. de prob.* Ratio, quia prout juramentum est promissio, & quidem acceptata, ita est pactum vel contractus inducens obligationem justitiæ, quæ transit ad hæredes. 3. Obligatio juramenti respectu illius, cui juratur, est realis, ita ut jurans etiam obligetur ejus hæredibus obligatione propria juramenti. *cit. cap. 6. L.*

Q. 6. Quam vim habeat juramentum promissorium confirmandi contractus? Resp. 1. Si juramentum adjiciatur contractui *valido* jam antea & firmo, eum servandi obligatio est ex duplici titulo, sed tamen talis contractus juridice non dicitur esse firmatus juramento.

Resp. 2. Si contractus *Lege humana* alias sit irritus, illique adjiciatur juramentum, probabilius est firmari, *intrinsece* etiam, contractum, ut ultra obligationem Religionis, quam habet vi juramenti, etiam obligationem justitiæ inducat. *Auth. Sacramenta puberum. Cod. si advers. vendit. cap. 28. de jurejur. cap. 2. de pact. in 6.* ex quibus textibus colligitur, cum jura sæpe voluerint, contractus ita firmari juramento, ut habeatur iidem effectus, ac si omni jure essent validi, debuissent etiam admissio juramento ponere eam causam, a qua solent alias manare hi effectus, quæ causa alia non est, quam valor contractus. Deinde. Potuerunt LLres velle, ut contractus alias *Lege humana* irriti firmarentur juramento; atqui ita eos voluisse ex *cit. cap.* colligitur; ergo. Tollunt itaque LLres ob reverentiam juramenti impedimentum, quod obstabat, ne pareretur obligatio civilis, quod impedimentum erat inefficacia contractus.

Resp. 3. Non tamen omnes contractus jure positivo irriti firmantur juramento; excipiuntur enim 1. contractus principaliter irritati ob utilitatem publicam. *L. 7. ff. de pactis.* 2. Contractus turpitudinem continentes ex parte obligantis, in cujus favorem juratur. 3. Quando juramentum directe vergit in præjudicium ter-

tiii.

iii, cap. 28. *hoc tit. 4.* Quotiescunque juramentum absque peccato jurantis lervari non potest. Ratio, quia nullum est tale juramentum, adeoque & vim nullam habet.

Resp 4. Non etiam potest contractus contra primum juramentum factus, si per se & absque juramento sit invalidus, firmari juramento secundo; verb. gr. juras, te non alienaturum fundum dotalem, & deinde contra hoc juramentum alienas, cum juramento non contraveniendi alienationi, hæc alienatio non firmatur. Ratio, quia juramentum posterius, cum sit perversum & confirmatorium criminis perjurii, non potest obligare contra juramentum prius, ne sit vinculum iniquitatis.

Quest. 7. Quomodo cesset obligatio juramenti? Resp. 1. Cessat *irritatione*, quæ est actus, quo superior omnino aufert obligationem a subdito. Irritare spectat ad potestatem dominativam, (quæ competit vel in ipsam personam jurantis, vel in materiam juratam) & ad sui valorem nullam requirit causam. Qui irritare possunt vota, uti pater, Prælatus, maritus, iidem irritare possunt juramenta *DEO facta*: similiter omnes, qui potestatem dominativam habent, irritare etiam possunt juramenta suorum subditorum in materia sibi subjecta. Ita comm.

Resp. 2. Cessat obligatio juramenti *relaxatione*, five *dispensatione*, quæ est exemptio ab obligatione juramenti, & spectat ad jurisdictionem in subditos. Dispensare possunt in juramentis soli DEO factis, vel homini quidem, cui tamen *jus questum necdum est*, Papa, & plerumque Episcopus &c. pro foro interno, neuter autem sine justa causa, quæ ad ipsum dispensationis valorem requiritur. Ita comm. Quid superior laicus possit circa relaxationem juramentorum, habet *Leur. b. t. Q. 803.*

Resp. 3. Cessat obligatio juramenti *remissione*, dum is, in cujus utilitatem juratum, obligationem sponte condonat; facta enim tali obligationis remissione, & ipsa juramenti obligatio cessat tanquam accessoria, sublata principali.

Resp. 4. *Commutatione* obligatio juramenti non extin-

tingitur, sed in aliam transfertur; potestque quilibet autoritate propria juramentum a se præstitum DEO in aliud *evidenter* melius commutare. *c. 3. b. t.* In favorem & utilitatem privatam hominis præstitum commutari non potest, etiam in melius, sine ejus expresse vel tacito consensu. Ratio, quia non semper gratius est promissario, quod melius.

§. 2. De Juramento judiciali.

Quest. 1. *Quidnam ratione hujus §. prænotandum?* Resp. Quod supra monebatur, scil. juramentum judiciale accipi dupliciter, *genericè*, prout dicit omne juramentum in judicio præstitum, vel iudice, vel parte deferente; & *specificè*, prout dicit juramentum *voluntarium* a parte parti delatum iudice approbante; cui & opponitur juramentum *necessarium*, vel *suppletorium*, quod a Iudice Actori, vel *purgatorium*, quod Reo deferretur ob inopiam probationum.

Q. 2. *Quis juramentum judiciale specificè sumptum, si-ve judiciale voluntarium deferre possit, & an Reo actor, qui nihil probavit?* Resp. ad 1. Omnis potest deferre juramentum hoc, qui habet rerum suarum administrationem, & non tantum Actor Reo, sed & hic Actori, si-ve sit causa civilis, si-ve criminalis. Ratio, quia Jura indistincte loquuntur, dum facultatem deferendi juramentum concedunt. Neuter tamen potest illud deferre in causa matrimoniali, vel Professionis Religiosæ, dum agitur de iis dissolvendis, arg. *c. fin. de transact. c. 2. de transl. Episc.*

Resp. ad 2. Actor Reo deferre juramentum judiciale voluntarium non potest, dum is nihil probavit; adeoque Reus in tali casu nec ad præstandum, nec ad referendum juramentum tenebitur. *c. fin. §. sane b. t. L. 4. C. de edend.* Ratio esse potest, quia Reus, dum Actor plene probavit, non permittitur insuper ab eo exigere juramentum. *c. 2. de probat.* ergo vicissim, si actor nihil probavit, permitti non debet petere juramentum a Reo, quo hic probet suam innocentiam.

Q. 3. *An juramentum judiciale specificè sumptum necessario præstandum a parte, cui defertur?*

Resp.

Resp. Neg. sed referri potest regulariter, non tamen omnino recusari absque justa causa. *L. 9. L. 12. §. 1. C. de reb. cred. L. 34. §. 6. L. 38. ff. hoc tit.* Causæ recusandi justæ sunt, si is, cui defertur, versetur in ignorantia facti alieni. *L. 34. in princ. ff. b. t. L. 11. §. 2. ff. rer. amot.* Si deferens nolit jurare de calumnia. Si deferatur a judice incompetente. *L. 35. §. fin. ff. b. t.* Si deferens revocavit, & rursus conferre vellet. *L. 11. C. de reb. cred.* Imo, juxta multos, si is, cui defertur, aliunde suam velit causam probare. *cap. 2. de prob.* videatur tamen Engel *hic num. 27.*

Q. 4. Quis sit effectus juramenti judicialis specificè sumpti? Resp. 1. *Delati* effectus est, quod vel præstari debeat vel referri, juxta dicta. Deinde delatum & acceptatum revocari a deferente non potest. *L. 75. ff. de R. F. L. 5. C. de O. & Ad.*

Resp. 2. *Delati & præstiti* effectus est victoria, quam obtinet jurans, ita ut etiam sententia ferenda sit. Ratio, quia hujusmodi juramentum complet probationes, ut quæstio deinceps non supersit. *L. 5. §. 2. L. 9. §. 1. ff. b. t. L. 11. §. fin. C. de reb. cred.* 2. A sententia ad præstationem juramenti judicialis lata appellari regulariter non potest, nec causa sic decisa retractari. *Lege 31. ff. hoc tit. 3.* Notat tamen Engel *hic in 32.* probabilius & æquius esse, juramentum judiciale propter perjurium posse retractari per *Leg. final. Codic. de rebus credit.*

Q. 5. An iudex juramentum necessarium teneatur deferre & cui? Resp. 1. Juramentum necessarium, quod scilicet alterutri parti in supplementum probationis imponitur, præstandumque est necessario ab eo, cui defertur, tenetur iudex, non tantum si partes petant, sed etiam ex officio deferre. *L. 2. Cod. de reb. redit. ob id oportet.* 2. Debet tamen negotium esse semiplene probatum, uti habetur casus in *c. 3. de Proc.* Ratio, quia juramentum supplet probationem, & facit plenam. 3. Debet insuper persona, cui defertur, esse legalis, & quæ possit pacisci: item lis dubia; semiplena probatio; parvitas causæ; ubi tamen vide Pichl. *b. n. 22.* præsentia, vel saltem citatio partis adversæ &c.

Respond. 2. Si Actor semiplene probavit suam in-

ten-

tentionem, Reus nihil, deferendum est Actori. Ratio, quia in supplementum probationis deferatur. Si uterque semiplene probavit; deferatur Reo; quia hujus favorabiliores sunt partes, *cap. 3. de probat. L. 125. ff. de R. I.* Si Actor plene probavit, Reus non admittitur ad juramentum; cum stari debeat plena probatione. *cap. 2. de probat.* Si Actor non probasset semiplene, & Reus omnino nihil; si tamen Actor aliquam pro se præsumptionem attulerit; *potest* Reo juramentum *purgatorium* deferri; si vero nec hanc attulit, Reo non potest deferri juramentum; sed absolvendus est. Schmalzgrueb. *anum. 43. hic.*

Q. 6. Quis sit effectus juramenti necessarii? Resp. *Purgatorii*, de quo ad *Tit. de purg. Can.* effectus est purgatio suspicionis: *Suppletorii* tantum *delati* effectus est absoluta necessitas illud præstandi; nec enim absque justa causa recusari potest; vel adversario referri. *c. fin. b. t. L. 12. §. 1. & 2. C. de reb. cred.* Effectus *delati* & *præstiti* est, ut probationem imperfectam integret & perficiat, *c. & L. cit.* Sententia tamen lata pro eo, qui probationem complevit per juramentum; ita firma non est, ut aliæ sententiæ. Ratio, quia potest post decennium, ab eodem. etiam judice rescindi & retractari propter instrumenta noviter reperta. *L. 31. ff. b. t.*

De juramento in litem videatur: *Tit. ff. de in litem jurejur.*

T I T U L U S XXV.

De Exceptionibus.

Quest. 1. Quid & quotuplex sit exceptio? Resp. ad 1. Exceptio, prout est hujus loci & strictè accepta; est exclusio actionis, quam Actor contra Reum in judicium deducit.

Resp. ad 2. Alia est exceptio *facti*, qua Reus repellit Actorem nullo jure agentem, ut si quis agat exempto ad equum tradendum; cum emptio nunquam præcesserit. Alia *Juris*, qua Reus excludit actionem ipso quidem jure competentem, sed cujus nomine iniquum sit Reum condemnari. Item alia est exceptio *Realis*, uti est

est exceptio rei Judicatæ, doli mali, quod metus causa; alia *personalis*, quæ non causæ, sed personæ intuitu datur; talis est exceptio *competentiæ*, quam certæ personæ habent. L. 7. ff. b. t. L. 12. & 13. ff. solut. matr. L. 21. ff. de pactis: Celeberrima divisione exceptio dividitur in *Petemptoriam*, seu *Perpetuam*, quæ jus Actoris omnino perimit, actionem penitus tollit, semperque & perpetuo obstat: v. gr. exceptio contractus invalidi, pacti de non petendo, transactionis, rei judicatæ; & §. 9. *Inst. b. t. L. princ. ff. eod.* Et in *dilatoriam*, quæ principalem causam & actionem non perimit, sed tantum differt ad tempus. §. 10. *Inst. b. tit. ut si iudex dicatur incompetens*; si Procurator neget habere mandatum, si Reus conqueratur, se spoliatum &c.

Q. 2. A quibus proponi debeant & possint exceptiones? Resp. 1. Ut fortiantur effectum, debent proponi a Reo in iudicio. L. 9. C. b. t. c. 4. eod. Iudex exceptionem, licet sibi notam, ex officio (*regulariter ob.* L. 24. & 27. C. Procur.) supplere non tenetur. arg. L. 11. C. de appell. Ratio, ne videatur iudicis officium deponere & advocati in se suscipere.

Resp. 2. Exceptiones *reales* etiam a Reorum hæredibus opponi possunt: quia hi in universum illorum jus succedunt. L. 11. ff. de divers. temp. præscript. Exceptiones etiam reales Reis competentes fidejussoribus eorum profunt. §. 4. *Inst. de replicat.*

Resp. 3. Exceptiones a Reo excommunicato, etiam excommunicatione majori, possunt opponi. cap. 5. b. t. Ratio; quia exceptio habet rationem defensionis, quæ excommunicatio neganda non est. Perinde est, sive exceptiones in scriptis, sive viva voce proponantur. AA. comm.

Resp. 4. Potest quis ad excludendam tamen actionem uti pluribus exceptionibus, etiamsi diversæ sint. L. 8. L. 8. ff. b. t. c. 20. de regi. jur. in 6. Ratio, quia nemo prohibetur uti pluribus defensionibus. In Camera tamen Imperiali, licet contrarium sit de jure communi. L. 8. & 9. C. b. t. omnes exceptiones non successive, sed simul proponendæ. Ord. cam. p. 3. tit. 34. & 37. idem obtinet vi *Recess. Imper. de Anno 1654.*

Quæst. 3. Exceptiones dilatoriæ quando opponendæ? Resp.

Resp. 1. Jure communi *regulariter* ante litis contestationem. *Leg. 12. & 13. Cod. hoc tit. L. 40. §. 3. ff. de Procurator. cap. 20. de sentent. & re judic.* Ratio, quia hæ dilationes opponuntur ad iudicium differendum, ejusque ingressum impediendum; ergo. Exceptiones iudicis personam respicientes debent ante omnem actum opponi, ne alias reus videatur in Judicem consensisse.

Resp. 2. Dantur casus, in quibus exceptiones dilatorie post L. C. opponi possunt: & 1. quidem, si exceptio primum superveniat post litem contest. *L. 11. L. 8. ff. de interr. in jure faciend.* 2. Si exceptio ante L. C. opponi quidem debuisset, sed post eam modo innotuerit, idque Reus possit juramentum testari. *cap. 4. hoc tit. quod cap. hic notandum.* 3. Vel si antea quidem innotuit, sed tum probari non poterat, acquisita postmodum facultate probandi. *arg. c. 4. de elect. in 6.* 4. Si exceptio prius omissa statim & in continenti post L. C. opponatur, aut post lapsum terminum. *L. Leda 40. V. dicebam. ff. de reb. credit.* 5. Si exceptiones dilatorie sint tales, ut iudicium & retroacta annullent, ut si excipiat, quod Procurator sine mandato egerit, neque Dominus velit ratum habere. *L. 24. Cod. de Procurat.* 6. Exceptio excommunicationis majoris in quacunque parte iudicii dilatorie opponi potest, licet Reus malitiose distulerit exceptionem istam formare. *c. 12. b. t. c. 1. cod. in 6.*

Quæst. 4. Exceptiones peremptorie quando proponende?

Resp. 1. Hodie regulariter a tempore litis contestatæ opponi possunt, usque ad sententiam definitivam, non post eam. *L. 4. 8. 9. C. h. t. c. 1. de lit. contest. in 6.* 2. Casus in quibus exceptiones peremptorie, etiam post sententiam opponi possunt, sunt: Si opponitur *exceptio nullitatis* sententiæ ex quacunque causa. Si opponitur exceptio, quæ sententiam rescindit, ut exceptio restitutionis in integrum. *L. 36. ff. de minor.* Vel quæ sententiam non quidem oppugnat, sed tamen executionem impedit aut moderatur, verb. gr. exceptio S. C. Maced. Vellej. exceptio non numeratæ pecuniæ, competentiae &c. *L. 11. ff. ad S. C. Maced.*

Quæst. 5. Quale remedium competat Actori contra exce-

exceptione Rei? Si exceptio a Reo opposita Actori videatur insufficiens ad actionem suam excludendam, is se tuebitur *replicatione*; quod si hæc replicatio iusta & efficax non videatur, a Reo ad eam elidendam *duplicatio* opponitur: quæ ipsa etiam per *triplicationem* ab Actore; & hæc per *quaduplicationem* a reo oppugnari potest. Ulterius ne lites nimium protrahantur, non proceditur, nisi forte ex gravibus motivis, sed debet in causa concludi.

Q. 6. Quis finis sit & effectus exceptionis? Resp. 1. Finem exponit Imp. *princ. Inst. b. t.* 2. Effectus exceptionis est, quod *dilatoria*, rite probata, liberet ab observatione iudicii; *peremptoria* vero liberet penitus excipientem ab instituta actione, &c. Deinde, quod Reus excipiendo fiat actor secundum quid. *L. 1. ff. b. t.* Reus tamen excipiens si deficiat in probatione suæ exceptionis, per se non censetur fateri intentionem Actoris, modo pure excipiat *c. 63. de re jud. in 6. c. 6. b. t. L. 9. ff. eod.* De exceptionibus in specie agit *b. t. Leur. a Capite II. Q. 872.* usque ad finem Tituli, quem vide.

T I T U L U S XXVI.

De Prescriptionibus.

Q. 1. Quid sit præscriptio? Resp. 1. Est acquisitio domini vel alieni juris peremptio per continuationem possessionis tempore & modo a LL. definito. Olim erant variae inter *præscriptionem* & *usucapionem* differentiæ, hodie omnes sublatae sunt. *L. un. C. de usucap. transfor.* Differt tamen etiamnum vel maxime præscriptio a *Consuetudine*, ut ad Tit. de *Consuet.* dictum. Præterea modus in hac materia loquendi notandus; dum enim per præscriptionem acquisitum est jus novum adversus alterum, *Accusativus* utimur; v. gr. *hanc rem, servitutem, usumfr. præscripsi.* Quod si extinctum est jus alterius per præscriptionem, *Dativo* utimur; v. g. *obligationi, actioni, servituti præscripsi.*

Q. 2. Quotuplex sit præscriptio? Resp. Præscriptio ratione effectus dividi potest in *positivam*, qua uni acquiritur jus aliquod & alteri aufertur, & in *privativam*,
P. Adami Huth. R qua

Qua quidem uni, contra quem praescribitur, aufertur vel potius extinguatur jus, nullum tamen inde transit in praescribentem proprie & positive, sed tantum immunitas aliqua & liberatio acquiritur: *Ratione temporis*, alia est *ordinaria*, seu praescriptio *brevi & longi temporis*, quae scilicet tempori ordinario completur, triennio in rebus mobilibus, decennio vel vicennio in immobilibus. Alia *extraordinaria* seu *longissimi temporis*, quod sunt 30. vel 40. anni. Et ad hanc pariter spectat praescriptio 60. 80. & 100. annorum, dicta *Centenaria*. Differt haec a praesumptione *immemoriali*, utpote ad quam non requiruntur determinate anni centum, nec requiritur, ut non constet, v.g. ex documentis de contrario; sed sufficit, modo nemo hominum actu existentium sciat initium possessionis ad talem praescriptionem requisitae. Engel ad *Tit. de decim. num. 3*. Probari potest praescriptio immemorialis potissimum per testes, qui per 40. annos se ita vidisse vel audivisse a suis Majoribus deponant; vel saltem affirmant, a nomine ex Majoribus se audivisse contrarium; vel quo tempore observatio, usus, possessio initium sumpserit. *L. 28. ff. de prob. L. 2. §. 5. §. 5. ff. de aq. & aq. plu. arc. L. 3. §. 4. ff. de acqua quot. & aest.* Vide Pichl. in Thesib. inscriptis, *Casus Juridici*. Casu secundo.

Q. 3. Unde orta & in quem finem introducta sit praescriptio? Resp. 1. Quoad substantiam & originem suam est juris gentium. Ratio, quia praescriptionem plures gentes quae tales mutua sibi obligatione imposita ad bonum suum commune observant: Item, quia exigit tranquillitas gentium, ut dominia rerum sint certa, dicendum, gentes praescriptionem quoad substantiam introduxisse. Quoad praesentem vero formam & determinationem certi temporis, praescriptio est juris Civilis primitus, & dein Juris Canonici. Ita omnes.

Resp. 2. Finis introducendae praescriptionis fuit varius. 1. Utilitas publica, quae exigit, ne dominia rerum semper sint in incerto, & possessores in perpetuo timore amittendi iterum res suas *L. 1. ff. de usurp. & usuc.* 2. Praecisio litium circa rerum dominia alias oriturarum. *L. ult. ff. pro suo.* 3. Ut diligentia hominum in cura rerum suarum acueretur, &c.

Quaest.

Quæst. 4. Quis sit effectus præscriptionis? Resp. 1. Effectus generalis omnis præscriptionis legitimæ est acquisitio plenæ & irrevocabilis dominii rei præscriptæ, aut ablatio juris ab altero, vel liberatio ab obligatione. Patet ex utroque jure, & ratio est, quia si hæc non conferret præscriptio, non tolleretur incertitudo dominiorum, non consulèretur possessorum securitati, non obviaretur litibus, &c. ergo. 2. Non tantum dominium utile, sed etiam directum transfertur per præscriptionem; quia jura indistincte loquuntur, & simpliciter transferunt dominium. *L. 4. Cod. de præscript. 30. vel 40. annor.* 3. Hinc sequitur, qui rem præscriptam domino pristino per errorem restituit, putans, se ad id obligatum, posse eam tanquam indebite datam vindicare. *101. tit. ff. & Cod. de condiç. indeb.* 4. Isti effectus procedunt etiam quoad forum internum. Ratio, quia præscriptio utroque Jure est approbata. *Princ. Instit. de Usucap. L. 3. ff. de usurp. cap. fin. h. t.* Deinde quia id ad ejus finem quam maxime necessarium est. Demum possunt LL. ex dominio alto & ratione boni publici transferre dominium rei ab uno in alterum etiam in conscientia, quemadmodum privati id possunt per mutuas pactiones; ergo cum significant sufficienter, se transferre, transferunt vere & absolute etiam pro foro interno.

Quæst. 5. Quidam possint præscribere, & contra quos? Resp. 1. Omnes, quotquot possessionis & dominii capaces sunt, possunt præscribere. *L. 3. & 23. ff. de usurp. & usucap. 1.* De quo dubitari poterat, *filiusfam.* quoad bona Castrensia, adventitia. *L. 4 ff. hoc tit.* quoad profectitia usucapere potest quoad actum & factum usucapiendi, non autem quoad jus ex usucapione resultans; cum hoc statim acquiratur patri, *§. 1. Instit. per quas pers.* 2. *Pupillus*, etiam sine autoritate Tutoris, præscriptionem inchoare, continuare, complere potest. *L. 4. §. 2. ff. hoc tit. Furiosus*, licet enim nequidem cum Curatore possit inchoare præscriptionem, quia possessionem nequit acquirere. *L. 1. §. 3. ff. de acq. poss.* Si tamen tempore sanæ mentis possessionem cœpit, continuare & complere præscriptionem potest. Ratio datur *L. 44. ff. h. tit. 4.* Uti possidere, ita etiam usu-

capere quis potest per alium. *L. 8. 27. 28. ff. h. t. juncta L. 1. §. 44. ff. de acq. poss.*

Resp. 2. Pich. *h. t. num. 89.* dat hanc regulam, quod præscribi nequeat contra personas, quæ in judicio stare, agere, jura sua tueri, vel bona administrare non possunt, quia impedimento juris sive intrinseco sunt constrictæ, uti sunt pupilli, filiusfam. quoad adventitia &c. Secus contra eas, quæ habent impedimentum facti & ab extrinseco, ut sunt absentes, ægroti &c. Et quod his tamen beneficium restitutionis concedatur, *rot. tit. ff. §. C. ex quib. caus. mai.* quod ultimum saltem de præxi juxta nos procedit, non de jure. Vide *tit. de rest. Q. 4. Resp. ad 2.*

Q. 6. Quenam sint requisita ad prescriptionem? Resp. 1. Ut sit res apta præscribi. 2. Bona fides. 3. Justus titulus. 4. Possessio legitimo tempore continuata. Comprehendi possunt seqq. Vers. hæc requisita.

Sit res apta, fides bona, sit titulus quoque justus, Possideas juste, completa tempore legis.

Q. 7. Quenam res aptæ sint præscribi vel non sint? Resp. 1. Res, ut præscribi possint, debent esse alienæ, sive deinde mobiles sint, sive immobiles, corporales aut incorporales; modo non specialiter excipiantur. *Princ. Inst. h. t. L. un. C. de usucap. transfor.*

Resp. 2. Res ex omnes præscribi non possunt, quæ vel natura rei, vel LL. dispositione nequeunt sub alicujus possessione aut dominio esse. Ratio, quia præscriptio est adjectio domini, ergo. Sic 1. ex natura sua liber homo, res sanctæ, Religiosæ, Sacræ, & ad cultum DEI immediate deputatæ, v. gr. templa, monasteria, cæmeteria, reliquiæ, SS. calices, nullo tempore præscribuntur. §. 1. *Instit. de usucap. L. 9. ff. eod.* quia in Dominio privatorum non sunt. 2. nec res publicis usibus deputatæ, ut forum, via publica, pontes, theatra unquam præscribi possunt. *L. 9. ff. h. t. L. 6. C. de oper. publ.* 3. Nec hæreditas vel alia res communis ante divisionem, nec res meræ facultatis præscribi possunt. Ratio primi, quia talis hæreditatem non suo, sed omnium aliorum nomine possidet. Ratio secundi, quia hujusmodi res, cum sint meri facti, juris nihil ponunt. 4. a Laicis non jura Ecclesiastica: quia a Laicis possideri nequeunt. *c. 7. b. t.*

Huc

Huc etiam spectat, quod jus decimandi Ecclesiasticum post Conc. Later. a Laicis, nunquam, nec tempore immemoriali quidem præscribi possit. Ratio, quia Laici hoc jus possidere non possunt. *c. 15. 17. & 25. de decim. 5.* Ex jure positivo simpliciter prohibentur præscribi limites Parochiarum & Episcopatum, modo sufficienter constet, illos fines præfixos. *c. 4. de Parochiis. 6. Jura Majestatis. L. 6. C. de præscript. 30. vel 40. annor. 7. Jura subjectionis & obedientiæ. c. 12. & 16. h. t. Res pupillares. L. 3. C. de præscript. 30. vel 40. annor.*

Q. 8. Quenam porro non sint præscriptibilia, & 1. An juri tuendi pignoris præscribatur? Resp. Neg. præter plures rationes ista est, quia in tali præscriptione possessio, bona fides, & justus titulus deficeret. Deinde, *An præstationibus annuis præscribi possit*, ut emphyteuta v. g. qui per 30. annos canonem non solvit; nec a Domino directo interpellatus est, libertatem a solutione canonis in tempus futurum præscribat? Resp. singulorum tantum annorum singulæ præscriptiones sunt, ita ut dumtaxat præstationes præscribantur, respectu quarum 30. anni lapsi sunt, non vero futura *L. 7. §. 6. C. de præscript. 30. vel 40. annor. L. 28. ff. quib. mod. usufr. amitt.* Ratio, quia tot debent esse præscriptiones, quot sunt actiones, atqui singulis annis nascitur nova actio; ergo & opus est nova præscriptione. Item; Præscriptio sine possessione non currit, quod tamen fieret. Demum, *An debitis possit præscribi?* Resp. Numquam a debitore debito pecuniario personali; v. g. mutui accepti præscribi potest. Ratio, quia talis habere nequit bonam fidem, se juste possidere jus non solvendi; licet creditor non exigit solutionem, quia terminus elapsus admonet solutionis. *L. 12. C. de contrab. stip.* licet etiam debitum indefinite sit contractum, quia manet & est semper obligatio solvendi, saltem post illud tempus, quod ex consuetudine & usu communi in istiusmodi solutionibus observari solet. *Pich. h. t. n. 51.*

Quest. 10. Quid sit bona fides, & an ad præscriptionem requiratur? Resp. 1. Bona fides est judicium, quo quis prudenter & inculpabiliter judicat, rem, quam possidet, esse suam, aut se non agere contra jus alterius rem possidendo, vel aliquid agendo, aut omitiendo. Si

hoc judicium ex positivo & probabili fundamento præcedat, est fides *positive bona*; si quis ignorat aut negative dubitat, num res possessa sit sua, est fides *negative bona*. Porro dicitur *negative* dubitare, qui vel nullam, vel non sufficientem habet rationem judicandi, rem illam esse suam, aut se non agere contra jus alterius; *positive* autem, qui habet. Utrumque dividitur in speculativum & practicum: *speculativum* est, dum quis in genere dubitat, an res, quam possidet, vel vult possidere, sit sua, an aliena. *Practicum*, cum dubitat, an in his circumstantiis possit licite retinere rem, de qua dubitat, an non sit aliena.

Resp. 2. Ad omnem præscriptionem tam inchoandam, quam continuandam bona fides requiritur. c. 5. 17. & *fin b. t. c. 2. de R. J. in 6.* Unde patet, Jus Civile præscriptionem cum m. f. admittens a Canonico esse correctum.

Q. 11. An & quale dubium obstat bonæ fidei? Resp. 1. Ad inchoationem præscriptionis negative bona fides non sufficit, siue non potest inchoari præscriptio cum dubio speculativo, sed requiritur fides positive bona. Ratio, quia qui non habet rationem judicandi, rem ad se potius pertinere, quam ad alium, non potest eam sibi licite præ alio usurpare, neque enim melior est ejus conditio, quam alterius, ergo malam in hoc casu fidem habet, ergo.

Resp. 2. Dubium speculativum præscriptioni b. f. cœptæ subveniens non impedit continuationem præscriptionis, canon. 5. caus. 34. qu. 2. Ratio, quia volens ita præscribere judicium sibi moraliter certum formare potest, meliorem esse suam possidentis conditionem, quam extranei.

Q. 12. An & qualis ignorantia obstat bonæ fidei ad præscriptionem requisitæ? Resp. 1. Ignorantia facti non obstat b. f. L. 4. ff. de Jur. & fact. ignor. 2. Nec obstat ignorantia invincibilis juris dubii; quia jus dubium jus non est. 3. Ignorantia tamen juris clari obstat in præscriptione ordinaria; L. 4. cit. & L. 31. ff. de usurp. nisi sit juridice inculcata; qualis censetur esse in militibus & Minorenibus. L. 9. princ. & §. 1. ff. de jur. & fact. ignor.

Q. 13. An semper obstat bonæ fidei scientia juris alieni? Resp. 1. Scientia juris alieni impedit bonitatem fidei ad præscribendam obligationem, quæ ordinatur ad aliquid a te agendum, verb. gr. restituendum, solvendum ex mutuo, empto & vel ad omittendum, v. g. ad omittendam venationem in alieno prædio. Ratio, quia tale jus obligat quoscumque pro semper & absolute ad non ponendos actus aut omissiones huic juri contrarios. Huc etiam pertinent obligationes, quæ habentur ex servitutibus urbanis.

Resp. 2. Scientia juris alieni non obstat bonitati fidei, sive præscribendæ obligationi, quæ sit ad sustinendum aut patiendum aliquid, quod alter vel imponere potest, vel exigere; sic obligationes ex LL. pœnalibus ortæ extingui possunt a delinquente, etiam sciente se ad pœnam teneri; quia non tenetur ipse urgere pœnam, sed subire tantum, si imponatur; ubi ergo exacta non fuerit tempore a LL. ad præscribendum definito, contra eam præscribet. Idem dicendum de servitutibus rusticis, conformiter. *L. 10. 19. & 20. ff. quemadm. serv. amitt. &c.*

Q. 14. An bona fides unius profit, & an mala fides unius obstat alteri? Resp. Bona fides Authoris, id est, illius, qui rem prius possessam alteri tradit, prodest successorì tam singulari, quam universali, eandem rem b. f. possidenti, ita ut accessione temporis uti possit. *S. 12. & 13. Inst. de usucap.* Ratio, quia author tradit & transferre vult omne jus, quod habuit, in successorem. 2. Mala fides Authoris nocet successorì universali immediata scil. hæredi, ita ut hic nec accessione temporis uti possit, nec a se præscriptionem inchoare, scil. ordinariam tantum, ut vult Pichl. cum aliis. *L. 11. ff. de divers. temporal. præscript.* Ratio, quia talis cum defuncto censetur una moraliter persona. 3. Mala fides non nocet successorì singulari, ut ita non possit a se præscriptionem ordinariam incipere. *L. 5. princ. ff. de divers. temporal. præscript.* Vide tamen *Auth. mala fidei. C. de præscript. long. temp.*

Quest. 15. Qualis titulus requiratur ad præscriptionem? Resp. 1. Titulus in genere est causa, ex qua rem habemus. Est vel generalis, ut titulus pro suo, & pro

solutio; vel specialis, ut titulus *pro donato*, *pro emptore*, *pro legato*, *pro dote*, *pro derelicto*, de quibus in ff. ad Lib. 41. Tit. 4. & seqq. Specialis iterum est vel *translativus dominii*, id est, causa per se habilis ad dominium transferendum, qualis est emptio, venditio &c. Vel non *translativus dominii*, uti commodatum, depositum, pignus. Hi tituli possunt rursus quadrupliciter considerari prout scil. aliquis titulus est vel *verus* dum reipsa datur causa apta ad transferendum dominium; vel *apparens*, quando causa quidem ex se habilis est, sed ex occulto impedimento non habet valorem, v. g. donatio facta ab eo, qui se putabat Dominum, sed non erat; vel *existimatus*, dum quis inculpabiliter credit, se rem habere ex causa habili, quæ tamen reipsa nec verè; nec apparenter præcessit, v. gr. si hæres inter res hæreditarias possideat rem alienam, quam b. f. testatoris fuisse judicat; vel *presumptus*, quando possessor non allegare quidem potest specialem titulum, quia v. g. ob temporis diuturnitatem non amplius meminit, aut rem, quam possedit hætenus, accepit olim ex emptione, donatione &c. jura tamen ob ipsum hoc tempus diuturnum præsumunt titulum præcessisse.

Resp. 2. Ad omnem præscriptionem requiritur aliquis titulus. c. 17. b. t. L. 27. ff. de usurp. & usucap. Ratio, quia titulus est causa & fundamentum justæ possessionis, & ne eo possessor habere non potest bonam fidem, cum nequeat credere, se habere jus possidendi, nisi credat se habere titulum, ex quo hoc jus oriatur. 2. Non sufficit *regulariter* solus titulus generalis. L. 27. cit. Vide Engel b. n. 23. ubi unum aut alterum casum ponit in quo procedere ait præscriptionem titulo *pro suo*, & *pro soluto*. 3. Requiritur ergo ad præscriptionem *positivam* rerum corporalium titulus specialis, isque translativus dominii. L. 24. Cod. de R. V. Ratio, quia ad hoc, ut procedat præscriptio, debeo probabiliter judicare rem esse meam, quod non possum, nisi titulus sit dominii translativus, ergo. 4. Titulus *verus* non requiritur, sed potius destruit præscriptionem, cum ex illo de facto transferatur dominium. 5. Sufficit ad præscriptionem titulus coloratus, aut apparens, uti & existimatus. Leg. 11. ff. pro emptore Leg. 5. pro suo. Existimatus

tamentum sufficit, quando fundatur in errore facti alieni, secus si oriatur ex errore facti proprii L. 11. *citat.* Ratio, quia error circa factum proprium in iure non toleratur. L. 7. ff. *ad S.C. Vell.* 6. Ad præscriptionem ordinariam rerum corporalium non sufficit titulus præsumptus. L. 24. C. *de rei vind.* Ad extraordinariam tamen sufficit, nec regulariter requiritur alius. L. 4. C. *de præscript.* 30. vel 40. annor. c. 6. h. t. c. 1. *cod. in* 6. 7. Ad præscriptionem servitutum realium affirmatarum, modo adsit bona fides, non requiritur titulus proprie talis, sed sufficit diuturnus usus cum patientia & scientia domini, v. g. scientis tignum in suum murum immitti. L. 10. ff. *si servit. vind.* L. 1. §. *fin.* ff. *de aqua & aq. plu. arcend.* &c. Idem procedit de præscriptione servitutum negatarum ex cit. LL.

Quest. 16. Quenam possessio ad præscriptionem requiratur? Resp. 1. Quæ de possessione ad Tit. *de caus. poss.* & *propr.* & varia ejusdem divisione dicta sunt, hic debent recolligi. 2. Ad omnem præscriptionem necessario requiritur aliqua possessio. L. 25. ff. *de usurp. & usucap.* c. 3. R. J. in 6. 3. Ad inchoandam præscriptionem rerum corporalium requiritur possessio possidendi naturalis & civilis simul, id est, detentio corporis & animi adminiculo, L. 4. C. *de acquir. & retin. poss.* Ad continuandam & complendam sufficit etiam mere civilis, qua non quidem actu corporis, bene tamen animo rei insistitur. L. 17. ff. *de furt.* L. 1. §. 14. L. 6. §. 1. ff. *de acq. poss.* Non tamen sufficit mere naturalis, argum. L. 55. ff. *de O. & A.* 4. Possessio ad præscriptionem requisita debet esse continua, & moraliter non interrupta. §. 12. & 13. *Instit. de usucap. cap. 8. hoc tit.* perinde autem est, siue in eadem persona, siue de persona in personam continetur. L. penultim. §. 1. ff. *de divers. tempor. præscript.*

Quest. 17. Quid de tempore ad præscriptionem requisito dicendum? Resp. 1. Varium hoc est pro varietate rerum, quarum aliæ sunt mobiles, aliæ immobiles; pro varietate jurium, quæ si circa bona mobilia, mobilibus, si circa bona immobilia sunt, immobilibus accensentur; & pro varietate personarum, quæ sunt vel private, vel publicæ.

blicæ, vel *Ecclesiasticæ*, vel *profanæ*, vel *præsentēs*, vel *absentēs*. Communiter illud tempus dicitur *breve*, quod est infra decennium: *longum* sunt decem anni inter præsentēs, 20. inter absentēs: *longissimum* sunt 30. anni & ultra. Tempus breve & longum vocatur *ordinarium*, unde & præscriptio, ordinaria: de *immemoriali* dictum est supra.

Resp. 2. Brevi tempore, id est, triennio præscribuntur res *mobiles* privatorum cum titulo, *Immobiles* longo tempore, annis 10. scil. inter præsentēs, 20. inter absentēs. *Princ. Inst. de usucap. L. un. Cod. de usucap. transfor. L. 12. Cod. de præscript. long. temp.* Siquis partim præsens, partim absens fuerit, semper duo anni absentię reputantur pro uno præsentię, & contra unus annus præsentię pro duobus absentię. *Auth. quod si quis C. de præscript. long. temp.* De rebus *mobilibus* ad Ecclesiam pertinentibus plerique eodem modo loquuntur, quo de *mobilibus* privatorum ob *Auth. quas actiones. C. de SS. Eccl.* quam non correctam, sed potius canonizaram dicunt *cân. 16. caus. 16. qu. 3.* Contrarius est Engel *b. t. num. 28.* Franz. *ad Inst. b. t. num. 37.* Ad præscribenda *immobilia* Ecclesiæ Rom. requiritur centenaria præscriptio *cap. 13. 14. 17. b. t. c. 2. eod. in 6. & cit. Auth.* Ad *immobilia* aliarum Ecclesiarum, Monasteriorum, Hospitalium, causarum piarum (non item privata Clericorum) tempus 40. annorum requiritur. *Auth. cit. & c. 6. & 8. b. tit. quo ultimo sublatum est jus antiquum c. 1. & seq. caus. 16. q. 3.* ubi iis tricennaria tantum præscriptio indulgebatur. Vide Pichl. *b. n. 66.* Schmalzgr. *n. 101. & seqq.* ad quam præscriptionem quadragenariam pertinent res Principis patrimoniales. *L. fin. C. de fund. patrim.* Res filci, jam pleno jure illi quæsitæ. *§. 9. Inst. de usucap. &c.*

Resp. 3. Annis 30. præscribuntur res *minorum* *L. 3. C. de præscript. 30. ann.* Res adventitiæ filiorumfam. a Patre alienatæ. *Nov. 22. cap. 24.* Res a malæ fidei possessore ignorante Domino alienatæ. *Auth. malæ fidei.* Res furto vel vi sublatæ, non quidem a fure & violento possessore, sed a tertio b. f. possidente. *AA. ad §. 2. Inst. b. t.* Feudum, si scil. quis rem tanquam feudum 30. annis possedit, & servitia feudalialia domino præstitit, quam-

quamvis non fuerit investitus. 2. *feud. 26. §. si quis*. Quando opus sit præscriptione 40. annorum ad finem Responsionis prioris dictum; ubi & de *centenaria* ad præscribenda immobilia Ecclesiæ Roman. *Immemoriali* tempore præscribuntur iurisdicção, vectigalia, jus collectandi, aliaque Regalia. Lauterb. ad ff. tit. de divers. & temp. præscript. §. 45.

Q. 18. *Quomodo impediatur præscriptio?* Resp. 1. Contingit id, dum vel præscriptio non currit, vel dormit vel interrumpitur, vel rescinditur. Dicitur autem 1. non *procedere*, vel non *currere* præscriptio, dum non adsunt omnia requisita, sed vel fidei bonitas, vel titulus, vel aliud quid deest, ut præscriptio non possit inchoari. 2. *Dormire*, quando legitime inchoata ob superveniens impedimentum suspenditur, sic tamen, ut procedat de novo, si cesset impedimentum; tale impedimentum est tempus belli, pestis; dum Ecclesia suo Prælato est viduata; dum quis in ætate pupillari, vel minori constitutus. *Interrumpi* dicitur præscriptio, quando ob impedimentum superveniens totum tempus præcedens redditur inutile, ita ut cessante impedimento possessio de novo debeat inchoari. Interrumpi autem potest *naturaliter*, si post eam legitime inchoatam deficit unum ex requisitis substantialibus, v.g. bona fides, vel *civiliter*, cum tantum fictione juris aliquid impedimentum intervenit, v.g. dum fit contestatio litis, libelli oblatio, & citatio, protestatio coram Notario & testibus. Interest autem multum, utrum naturaliter, an civiliter præscriptio interrumpatur; naturalis enim interruptio, sive jure, sive injuria sive a Domino, sive a quocumque alio fiat, absolute respectu omnium præscriptioni obest; civilis nonnisi respectu ejus, qui v.g. litem contestatur. Vide Engel b. t. circa fin. 4. *Rescindi* dicitur præscriptio, dum conceditur restitutio in integrum, quæ ex speciali privilegio, saltem contra præscriptionem ordinariam, datur Ecclesiis, aliisque piis locis; minoribus 25 annis; & subinde Majoribus &c.

T I T U L U S XXVII.

De Sententia & Re judicata.

Quest. 1. *Quid sit conclusio in causa, utrum necessaria, & quis ejus effectus?* Resp. 1. Post probationes & exceptiones sufficienter allegatas fit a partibus conclusio in causa, quæ est *ulteriorum probationum renuntiatio, litisque ad decisionem submissio*: fieri potest vel *expresse*, vel *tacite*, vel *simpliciter & absolute*, vel *eventualiter* duntaxat, verb. gr. si & pars adversa concluderit.

Resp. 2. Conclusio in causa in processu quidem *Summario* omitti potest *Clem. 2. de V. S. circa fin.* in processu vero *Ordinario* ita necessaria est, ut ea omissa totus processus vitietur de *Jure Can. juxta c. 11. de probat.*

Resp. 3. Effectus conclusionis in causa *absolute* factæ est, quod post eam *regulariter* nulla amplius probatio admittatur in facto consistens. *cap. 9. de fid. instrum. c. 5. de caus. poss. & propr. exceptionis* vide apud Pichl. *b. num. 4.*

Quest. 2. *Quid & quotuplex sit sententia?* Resp. 1. *Sententia* est pronuntiatio judicis legitime facta; litigantium controversias determinans. *c. 2. b. t. l. 1. ff. de re judic.*

Resp. 2. *Sententia* alia est *Definitiva*, quæ directe definit; ac terminat litem, seu causam principalem; alia *interlocutoria*, qua tantum aliquis articulus incidens vel emergens definitur; si sententia directe quidem respiciat quæstionem incidentem, indirecte tamen attingat causam principalem, & ei faciat præjudicium, partique litiganti damnum inferat per definitivam, utpote quæ non feretur, irreparabile, dicitur *Interlocutoria Mixta*, vel *Interlocutoria habens vim Definitivæ*. Præter differentiam inter utramque in definitione ipsa assignatam recensentur seqq. 1. quod a definitiva detur appellatio, non ab interlocutoria, ut infra. 2. Quod sententia definitiva valida semel a judice lata nequeat ab illo revocari. *L. 55. ff. de re jud. revocari possit interlocutoria. L. 14. ff. eod.* 3. Quod interlocutoria possit ferri sub conditio-

tionem, non definitiva. Hæ tamen & similes differentia tantum procedunt de interlocutoria *mere & simpliciter* tali.

Quæst. 3. Quid ad sententiæ judicialis definitivæ valorem intrinsece, id est, circa ea, quæ ipsam ordinatam causæ decisionem respiciunt, requiratur? Resp. 1. Debet esse conformis juri, alias si contra *jus clarum & certum* feratur, est nulla. *c. 1. h. t. l. 2. C. quand. provoc. non est necess.* Id observandum, tum modo sententiam ipso jure esse nullam, si error contra *jus Constitutionis* in ipsa sententia exprimitur, *c. 13. in fin. h. t. l. 33. ff. de re jud.* Si vero sententia sit contra *jus partis*, sive litigatoris iniqua tantum est, & injusta, ipsoque jure sustinetur, ac, nisi ab ea intra decennium appelletur, transit in rem judicatam. Engel *hic n. 16. & seq. Schmalz. eod. tit. n. 41. & seq. 2.* Debet esse lata ex instrumentis & testimoniis veris, hæc enim si notorie falsa sint, vel talia esse probentur, sententia nulla est. *L. 1. & 3. C. si ex fals. instr. 3.* Debet esse certa quoad condemnationem vel absolutionem, quatenus res in judicium deducta patitur. *§. 32. Inst. de Act. ion. 4.* Debet esse pura seu absoluta, & non sub conditione extrinseca & de futuro lata. *L. siquidem 1. §. 5. ff. quando appell. sit. 5.* Debet esse conformis libello. *Clem. 2. §. verum de V. S. c. 24. circa fin. de Accus.* Licet tamen quandoque judici, recedere a libello, dummodo id vel æquitas, vel necessitas suadeat. Vide pluribus de his agentem Pichl. *h. t. a n. 9.*

Quæst. 4. Quid ad sententiæ judicialis definitivæ, quæ fertur in judicio ordinario, valorem extrinsece requiratur; sive quid ad modum pertineat, quo sententia ferri debet? Resp. 1. Sententia ex scriptura sive libello recitari debet. *c. 1. h. t. in 6. l. 2. C. de Sent. ex brev. recit. 2.* A judice ipso, non stante, sed pro tribunali sedente. *L. 2. §. 1. ff. quis ord. in bon. poss. servand. l. 6. §. 6. C. de posth.* Recessit illud ab usu, quo ipse olim judex sententiam recitare debebat, cum per Secretarios & Syndicos id modo soleat fieri, 3. Præsenribus vel saltem citatis partibus, ac iis quorum interest. *L. 47. in princ. ff. de re jud.* quod tamen in judiciis majoribus hodie non observatur. 4. Debet ferri in loco publico, ordinario, & consueto more majorum. *L. 11. in fin. ff. de Reg. Jur. 5.* Justo tempore, non de nocte, sed de die, nec

nec etiam die feriato, sed festivo &c. Lauterb. *ad ff. b. t. §. 17. 6.* Exceptiones circa dicta vide apud Pichl. *b. t. n. 10.* Gail. etiam *L. 1. Obs. 42.* tradit, in Camera Imperiali nullas processus nullitates attendi, modo in judice non fuerit defectus jurisdictionis, & de meritis causæ sufficienter constet.

Q. 5. Contra quem & intra quod tempus ferenda sententia? Resp. ad 1. Contra eum, qui litem est contestatus; itaque si contestatio litis a Procuratore facta, contra hunc, non contra Principalem ferenda est sententia. *L. 1. C. de sent. & interloc.* Excipiuntur causæ matrimoniales & beneficiales; in quibus contra Principalem tantum fertur sententia juxta dicta *ad Tit. de procurat.*
Q. 6. Alias de Jure Canonico vel in Principalem vel in Procuratorem ferri potest. *c. 6. de in integr. rest.*

Resp. ad 2. Ferenda sententia est in causis civilibus spectato Jure Civili intra triennium, in criminalibus intra biennium a contestatione litis computandum. *L. 13. C. de Judic. L. ult. C. ut intra certum temp.* In foro Ecclesiastico deberent omnes causæ in prima instantiâ infra biennium terminari, ita ut, si id non fiat, partes possint quidem judicem superiorem adire, non tamen debeant. *Trid. Sess. 24. c. 20. de refor.*

Q. 6. Quinam sint effectus latæ sententiæ definitivæ? Resp. Sunt seq. 1. Ex parte judicis facit, ut judex ceaseatur officio suo functus, sic, ut sententiam a se latam revocare aut corrigere nequeat, nisi omnino fuisset nulla. *L. 14. & 55. ff. de re jud.* Ex parte litis facit, ut ea finiatur, & nisi a sententia lata appelletur intra 10. dies, regulariter transeat in rem judicatam. *L. 2. C. de sent. ex brev. recit.* 3. Ex parte litigantium sopit controversiam saltem quoad instantiam. *c. 2. b. t.* Item sententia definitiva irrogat subinde infamiam condemnato, quod fit in omnibus delictis publicis, v.g. dum quis condemnatur de adulterio, veneficio &c. & in quibusdam privatis, quorum 4. recensentur *§. 2. Instit. de pœnitent. litig.* scil. furtum, rapina, injuria, dolus. Item in 4. Contractibus, Deposito, Mandato, Tutela, Societate, si depositarius, Tutor, &c. directe de dolo accusentur & condemnentur. *L. 1. ff. de his, qui not infam.*

Q. 7. An & quomodo Judex fructuum ac expensarum ratio-

tionem in sententia habere teneatur? Resp. 1. Judex debet pronuntiare de fructibus post judicium inchoatum perceptis, licet eo nomine imploratus non sit. *L. 25. §. 8. ff. de ædil. edict. L. 40. in princ. ff. de hered. petit.* Ratio, quia hi fructus cum re principali, a qua post *L. C.* separari amplius non potuerunt, in judicium deducti videntur: de fructibus antè *L. C.* perceptis licet possit judex etiam non imploratus pronuntiare, non tamen tenetur, nisi clausula salutaris fuerit adjecta. Engel *b. n. 12. citans L. 25. ejusque §. 8. cit.*

Resp. 2. Circa expensas regula in praxi recepta est, quod solum temere litigantes in eas condemnentur; quas postea victor judici exhibere, hicque eas pro bono & æquo taxare solet. Engel *loc. cit. Schmalzgr. b. t. §. 6. n. 114. & seq.* Si judex super expensis nihil pronuntiavit, earum nomine nulla erit actio victori, quia censentur compensatæ. *L. 3. C. de fruct. & lit. expens.* Ceterum an & quomodo judex in judicando possit vel teneatur æquitatem rigori præferre, sequi opinionem communem, affectum privatum seponere, & vide tum apud Engel *b. a n. 18.* tum supra *ad Tit. de offic. judic.*

Q. 8. Quanam sint pænæ judicis male judicantis? Resp. 1. Si judex ex malitia male judicavit, scil. inductus gratia, odio, timore, ex delicto in solidum ad litis æstimationem & omne damnum ac interesse tenetur & condemnatur. *L. 15. ff. de jud.* 2. Si judex pecunia corruptus male judicavit in causa pecuniaria, tunc utra omne litis damnum restituendum parti læsæ, triplum ejus, quod accepit, vel duplum ejus, quod promissum est, reddet fitque infamis: in causa vero criminali, confiscatis omnibus bonis in exilium mittitur. *Auth. novo jure. C. de pæn. jud. qui male jud.* 3. Si Judex Ecclesiasticus, Ordinarius vel delegatus inferior Episcopo, ex malitia contra propriam conscientiam in gravamen alterius partis aliquid egit, non tantum condemnatur ad æstimationem litis parti, quam læserat, sed insuper ipso jure per annum suspenditur ab executione officii. *cap. 1. b. t. in 6.* 4. Si judex per imprudentiam & imperitiam male judicavit, ad litis æstimationem, sive ad damnum & interesse parti læsæ præstandum condemnatur, non quidem in solidum & absolute, sed in quantum illi vi-

sum

sum fuerit, qui desuper pronuntiabit. *Princ. Inst. de obl. quæ ex quasi delict.* Si tamen imprudentia sive imperitia fit ex culpa lata, judex male pronuntians in solidum obligatur. Ratio, quia hæc culpa dolo æquiparatur.

Quest. 9. Quid nomine Rei judicæ intelligatur, & quando in hanc transeat sententia? Resp. ad 1. Nomine rei judicæ intelligitur lis vel causa terminata per sententiam judicis, & partium approbationem tacitam aut expressam. *L. 3. C. quom. & quand. jud.* & hoc sensu differt res judicata a sententia, uti effectus a causa. Alii nonnihil aliter loquuntur, & dicunt rem judicatam esse ipsam sententiam homologatam, id est, res judicata est ipsa sententia, non tamen statim ac pronuntiata est, sed tum primum, quando nec defacto per appellationem est suspensa, nec per eandem, decendio elapso, suspendi potest; & hoc communiter significatur, dum dicimus: sententia transit in rem judicatam.

Resp. ad 2. De jure communi sententia transit in rem judicatam post 10. dies, si intra illos neutra pars appellarit ad superiorem judicem, cum tamen posset, & sic utraque acquiescat. *can. 28. caus. 2. q. 6. c. 32. §. fin. de elect. c. 13. & 15. b. t. Auth. hodie. C. de Appell.* Decendium a prolatione sententiæ est computandum, si tamen lata sit sententia in absentem, qui non egit per Procuratorem, decendium currere incipit non a recitatione sententiæ, sed a die habitæ de sententia notitiæ.

Quest. 10. An in omnibus casibus sententia transeat in rem judicatam? Resp. Nego nam 1. non transit in rem judicatam sententia, quæ est ipso jure nulla, v. g. si a iudice incompetente; si contra jus clarum; si ex falsis instrumentis & testibus corruptis sit lata. Ratio, quia quod nullum est, nullum producit effectum, poteritque talis sententia revocari &c. 2. Sententia lata in causis, in quibus observatio sententiæ nutriet peccatum, a Partium consensu inimpedibile; unde sequitur, sententiam in causa matrimoniali, sive pro, sive contra matrimonii valorem lata sit; in causa beneficii, respectu præjudicii Ecclesiæ & favoris beneficiati, non transire in rem judicatam. 3. Sententia excommunicationis, suspensionis, & interdicti; nam etsi hoc modo censuratus non possit post decendium appellare, petere ta-
men

men absolutionem, & per simplicem querelam de talis sententiæ injustitia queri potest. c. 36. de off. jud. deleg. c. fin. de pœn. c. 48. de sent. excomm. 4. Sententia lata ex probationibus privilegiatis & præsumptivis, v. gr. ex testimoniis de credulitate: quo etiam refertur Sententia lata ex consilio DD. judicio peritorum in arte sua, ex juramento *suppletorio*. 5. Sententia in causis criminalibus, ut Reo non sit amplius locus defensionis. L. 18. §. pen. ff. de Q. Q. 6. Quælibet Sententia non transit in rem judicatam, dum causa, ex qua quis est condemnatus, ad non causam transit. Casus habetur in L. si fullo. 2. ff. de condict. sine caus.

Q. 11. Quinam sint effectus sententiæ homologatæ, sive rei judicatæ? Resp. 1. Saltem pro foro externo sunt seqq. 1. Inter litigantes facit jus, præsumptionem veritatis, &, ut dicitur L. 207. ff. de R. J. res judicata pro veritate accipitur; adeo ut licet nova instrumenta reperiantur, non possit retractari. L. 4. Cod. de re jud. intellige tamen regulariter ob L. 35. ff. de re jud. quæ Lex extenditur ad plures alias causas. Sententia lata pro Actore quæ transit in rem judicatam, parit actionem in factum, sive actionem judicati, ut præstet reus id omne, quod præstare jubetur per sententiam. L. 4. in princ. & §. 2. 3. 5. L. 5. §. 2. & 3. & L. 15. pr. ff. h. t. Lata vero in favorem Rei Reo tribuit exceptionem rei judicatæ contra Actorem, ejusque heredem, aut alium ejus nomine agentem L. 1. ff. de except. rei jud. 3. Sententia & res judicata iis tantum prodest aut obest, inter quos judicatum, non etiam regulariter aliis. c. 15. §. fin. de probat. L. 1. & 2. C. quib. res jud. rubr. & tot. t. inter alios acta & c.

Q. 12. Quisnam præterea sit effectus rei judicatæ? Resp. Quod sententia, quæ transivit in rem judicatam, mandanda sit executioni. L. 1. ff. de execut. rei jud. si enim condemnatus sponte ac debito tempore non pareat, judex aditur, ut rei judicatæ vigorem ad effectum perducat. Lauterb. ad ff. de re jud. §. 32.

Quæst. 13. A quo facienda sit executio Sententiæ? Resp. Regulariter ab ipso iudice, qui eam tulit. L. 15. ff. de re judic. Non tantum si Ordinarius sit, sed etiam delegatus supremi Principis exequi sententiam a se latam potest. c. 7. 9. de off. jud. deleg. Imo & delegatus ab alio,

quam a supremo Principe, modo sibi executionem expressisse non reservaverit delegans. *c. 5. de off. jud. delegat. l. 1. & fin. ff. de off. ejus, cui mand. Lex 15. cit.* quæ solet objici, facile explicatur. Casu quo appellatum est a sententia ad Judicem Superiorem, tum judex superior ad quem executionem habet, si sententiam judicis a quo reformavit; v. g. quod male judicatum, bene sit appellatum; & probabilius enim tum, si eadem *expresse & directe* confirmavit. *Autb. si quis C. de Episc. Aud.* Ubi vero judicis prioris sententiam tantum confirmavit tacite & ipso facto, vel indirecte, v. gr. pronuntiando, fatalia esse præterlapsa, ad judicem a quo executio pertinebit. *L. ult. §. 4. C. de temp. appell.*

Q. 14. Quando & quomodo faciendâ sit executio sententiæ? Resp. ad 1. In actionibus *realibus* statim faciendâ est executio; postquam sententia transiit in rem judicatam. §. 2. *Inst. de off. jud.* Ratio, quia rem alienam detinere semper est iniquum. In actionibus *personalibus* Civilibus de jure concessum est quadrimestre. *L. 2. & 3. C. de usur. re jud.* Quod tamen in praxi amplius non servatur. In actionibus *criminalibus* mox fieri potest executio, licet decendum; cæteroquin ad appellationem concessum, necdum sit lapsum: *L. 18. C. de pen.*

Resp. ad 2. Primo: Si res extat, ad quam tradendam vel restituendam condemnatus est restituere jussus, neque tamen is paret, quæcumque demum actio fuerit intentata, manu militari ab eo aufertur, & victori traditur. *L. 68. ff. de R. V. §. 2. & 3. Inst. de off. jud.* Vel actor in possessionem mittitur. *L. 1. ff. ex quib. caus. in poss. eatur.* Re non amplius extante, & condemnato deficiente dolo possidere, contra ipsum juratur in litem; si vero non dolo possidere desiit, æstimationem, vel quanti res est, præstare tenetur. *L. 68. cit. L. 21. ff. de R. V.* Quod si nec æstimationem reddere possit, v. g. ob defectum pecuniæ, executio fiet in reliqua ejus bona, procedendo semper cum minori damno restituere jussi; hinc

Resp. Ad 2. secundo: Ante omnia capiendæ sunt res mobiles, eæque vel oppignorandæ, vel distrahendæ, aut, si emptor non inveniatur, pro quantitate debiti creditori sunt adjudicandæ, his autem deficientibus deveniendum ad immobilia; & si nec hæc adsint, vel
non

non sufficient; ad nomina, jura, actiones. L. 15. §. 1. & §. 8. ff. de re jud. L. 5. C. de execut. rei jud. Si reus omnino nihil habeat in ære; illud succedit; *qui non habet in ære, luat in cute*. Prohibetur tamen executio regulariter fieri in stipendia, arma, & equos militum. L. 4. C. de execut. rei jud. Item in boves aratorios; aratra &c. L. 7. C. quæ res pign. oblig. poss. Engel cum aliis huc refert Libros studiosorum *b. t. n. 28*. Pichler ait *b. t. num. 27*. etiam executionem fieri non posse in vias publicas, si condemnata sit Communitas aliqua; nec in bona monasterii; si debitor sit Religiosus; nec in bona beneficii; aut in fructus præbendæ, si debitor sit beneficiatus; & habeat alia bona; nec in bona dotalia; aut paraphernalia uxoris; imo in bona mariti si fiat executio, opponere se uxor potest si hæc sint ipsi obligata pro dote numerata, &c. Notandum etiam hic; procedi subinde ad incarcerationem; quousque condemnatus judicato satisfecerit. Omnibus tamen debitoribus tribuitur beneficium effugiendi carcerem *cessio bonorum*, ut ex eorum pretio; quatenus fieri potest; singulis creditoribus satisfiat. L. 4. C. qui bon. ced. poss. Per hanc tamen bonorum cessionem omnis obligatio debitoris non extinguitur. L. 1. C. eod. adeoque si postmodum alia bona acquirat, ea sunt creditoribus addicenda.

Q. 15. Quid agendum; si res vel persona, inquam executio facienda non sit in territorio judicis, qui tulit sententiam; aut si hic sit minus forte sufficiens ad faciendam executionem? Resp. ad 1. Debet Judex illius loci, in quo bona condemnati sita sunt, requiri per litteras requisitoriales, sive subsidiales aut mutui compasus, ut is latam sententiam mandet executioni. L. 13. §. 3. Cod. de jud. L. 15. §. 1. ff. b. t.

Resp. ad 2. Casu quo Judex qui tulit sententiam, propter impotentiam eam non valet exequi, potest implorare auxilium, sive assistentiam alterius, prout solent facere judices Ecclesiastici, implorantes brachium judicis secularis. Imploratus judex secularis tenetur imploranti Judici Ecclesiastico manum porrigere, nolens per censuras cogi potest. L. 9. C. de Episc. Aud. c. 1. de off. judic. Ordin. Eodem modo potest & secularis Judex Ecclesiasticum invocare, ut hic per censuras urgeat condemnatum.

matum. Demum notabilis differentia est inter *præstationem brachii secularis*, & *accomodationem familie*; nam in accomodatione familie, quæ consistit in licitoribus, aut militibus, Judex, qui eam sibi accommodari petit, sententiam exequitur; in præstatione autem brachii secularis, alter, qui imploratur; facit executionem. Engel *h. t. num. 32.* allegans Gail. *L. 1. obs. 113. num. 8.* ubi hic plura.

T I T U L U S XXVIII.

De Appellationibus, Recusationibus & Relationibus.

§. 1. *De Appellationibus.*

Quest. 1. *Quid sit appellatio & quomodo ab aliis remediis contra sententias gravatorias distinguatur?*
 Resp. 1. *Appellatio* definiri solet, quod sit ab inferiori ad judicem superiorem facta provocatio ratione gravaminis illius vel inferendi.

Resp. 2. *Supplicatio*, prout hujus loci, est humilis petitio, qua quis, cui ordinarium remedium Appellationis non competit, allegato gravamine rogat Principem, ut ex gratia & benignitate sententiam retractet, & adversus illam restituat supplicentem. Differt supplicatio, licet sit valde similis, ab Appellatione in seqq. Appellatio regulariter suspendit executionem, non supplicatio, utpote in gratia fundata: Appellatio est remedium ordinarium justitiæ, Supplicatio extraordinarium gratiæ: Appellatio fit ad alium Superiorem, Supplicatio ad eundem, qui tulit sententiam: Appellatio interponi debet intra decendium, supplicatio Principi facta usque ad biennium; Appellatio bis conceditur, Supplicatio non nisi semel in eadem causa, & quidem tantum post sententiam definitivam. *L. 5. de prec. Imper. offer.*

Resp. 3. *Revisto*, valde vicina Supplicationi, imo in Imperio eidem substituta, est remedium extraordinarium, quo petitur, ut sententia, a qua appellare non licet, verb. g. propter dignitatem judicantis, una cum
 actis

actis révideatúr, & si comperiatur iniqua, réformetur. Inductum est posterioribus Imperii Constitutionibus, ut constat ex *Ord. Cam. part. 3. tit. 51. & 52. Recess. Imper. de anno 1532. & 1539 §. 6. 1540. §. 100.* Non solum in Camera Imperiali; sed etiam in aliis Principum iudiciis locum habet. Respicit tantum certa causarum, personarum & sententiarum genera. *Recess. Imper. Ratisbon. de anno 1654. §. 124. & seq.* Debet peti intra 4. menses a die pronuntiatae sententiae juxta *Recessor. Imper. de anno 1654.* Licitum est unico tantum scripto exponere rationes & gravamina; nihilque novi in illo addendum, quod in actis prioribus non continebatur. *Ord. Camp. part. 3. tit. 54. §. 1.* A petente revisionem deponi debet certa pecuniae summa, quam recipit, si apud Revisores causam obtineat; amittit, si causam perdat. Revisio hodie effectum suspensivum non habet, ut contra Gail. Gilhausen vult, licet cautionem praestare teneatur de restituendo judicato pars, pro qua lata prior sententia, &c. Ex dictis non unam inter Appellationem & Revisionem differentiam licet colligere.

Resp. 4. *Querela nullitatis* est imploratio legitima super vicio substantiali, ex quo quie petit sententiam ipso jure nullam pronuntiari. *L. 1. Cod. de execut. rei jud.* Potest proponi coram iudice superiore, vel coram eodem iudice, modo Ordinarius sit aut delegatus supremi Principis. *L. 4. & 6. Cod. de Accus.* Alii delegati de querela non cognoscunt, sed adeundus est delegans: *c. 13. de offic. delegat.* Potest etiam proponi vel principaliter, id est sine appellatione; vel incidenter cum appellatione; principaliter proponens querelam nullitatis & in probatione deficiens; recurrere ad remedium appellationis non potest; secus est, si eam tantum incidenter proponat; neque nullitas principaliter intentata suspendit executionem (nisi fuerit notoria. *L. ult. Cod. si ex fals. instr.*) secus incidenter proposita. *Clem. 1. de sent. & re jud.* Demum nullitas sententiae principaliter intentata opponi potest usque ad annos 30. *L. 3. Cod. de praescript. 30. vel 40. annor.* quod tamen de Jure novo *Recess. Imper. de anno 1654. §. 121.* in Camera Imperiali hodie correctum, ita ut intra decendum, quemadmo-

dum appellatio, debeat opponi, nisi nullitas esset insanabilis.

Q. 2. *Quotuplex sit appellatio* Resp. 1. Alia est *judicialis*, alia *extrajudicialis*. *Judicialis* fit ab actibus judicialibus, v.g. a sententia vel definitiva vel interlocutoria, a jussu judicis, terminum forte nimis brevem ad comparandum assignatis, a gravamine a judice illato. *Extrajudicialis* fit ab actibus vel decretis extrajudicialibus, quibus aliquis gravatur, v.g. dum judex defert tutelam, aliudve munus publicum; vel dum quis se opponit presentationi, electioni, collationi beneficii; vel dum quis sibi timet ab incarceratione, aut excommunicatione, & propterea ad judicem superiorem confugit. c. 8. h. t. in 6. c. 19. & 29. de elect. Potest autem provocatio contra gravamen in electione duplici modo opponi vel per viam *appellationis*, vel per viam legitimæ *accusationis*; interque duas istas provocaciones magna est differentia: uti & multum differt appellatio judicialis ab extrajudiciali, præsertim vero quod extrajudicialis appellatio proprie dicta appellatio non fit, nec suspendat regulariter & de jure executionem. Engel b. t. n. 10. ex c. 45. h. t. c. 10. & 16. de elect.

Resp. 2. *Judicialis appellatio* dividitur in eam, quæ fit ab *interlocutoria*, & eam, quæ fit a *definitiva*; quarum differentias assignat Engel b. n. 11. 12. 13. Ubi & illud notandum, jure Civili non aliter ab interlocutoria concedi appellationem quam si hæc vim habeat definitivæ, vel contineat gravamen irreparabile. L. 39. ff. de minor. L. 2. ff. de appell. recip. Jure vero Canonico appellare licere ab omni interlocutoria, imo & ab omni alio gravamine, etiam extrajudiciali illato, vel inferendo, uti habetur c. 5. c. 51. & c. 59. h. t. Vall. b. §. 4. num. 3. Trid. quid ad normam Juris Civilis reduxit in capitulis cit. statuta sess. 13. c. 1. & sess. 24. c. 20. de refor. Sed in praxi Trident. non servatur, procediturque juxta Jus Canonicum vetus.

Resp. 3. Utraque appellatio judicialis scil. & extrajudicialis dividitur in *justam & rationabilem*, si ex justa & rationabili causa; & *in frustratoriam*, si tantum morandæ solutionis & judicii protrahendi causa; & *infrivolam*, si ex levi causa & pro re minima interjiciatur.

Quæst. 3.

Quest. 3. Quinam possint appellare? Resp. 1. Generalis regula est, posse quemlibet appellare, qui gavamen aliquod sive extra, sive intra iudicium patitur, aut se passurum timet. *can. 10. caus. 2. qu. 6. L. 20. & 30. Cod. hoc tit.* Neque tantum appellare permillum est illi, qui condemnatus est, sed etiam aliis, quorum nomine suo interest. *c. 17. de sentent. & re jud. L. 4. §. 2. L. 5. princ. ff. b. t.* imo etiam, quorum nomine alieno interest; sic appellare potest Procurator pro Domino, id ratum habente. *c. 14. de Procurat. Tutor pro pupillo. L. 27. ff. L. 19. Cod. hoc tit. Dominus pro subdito. L. 15. ff. eod. Iudex ipse, qui tulit sententiam, casu quo condemnato succederet, modo pars, contra quam sententiam pronuntiavit, intentionem suam & exceptionem non satis probaverit. *VViest. b. tit. num. 16.* Quod si sententia in plures sit lata, unus recte appellat, & in secunda instantia victor evadens, prodest quoque suis sociis. *c. 72. b. tit. L. 10. §. fin ff. eod.* Aliter tamen dicendum, si unus contra sententiam juvetur jure speciali, v. gr. favore ætatis per restitutionem in integrum. Denique in *causa criminali* latius extenditur remedium appellationis, quia pro eo, qui ad supplicium ducitur, quilibet, sive ejus inter sit, sive non inter sit, admittitur ad appellandum, etiam resistente condemnato. *L. 6. ff. L. 29. C. b. t.**

Resp. 2. Appellare non est permillum illis, in genere loquendo, qui nullum gravamen patiuntur, vel qui non iuste metuntur, ne inferatur. *L. 1. ff. de appell. recip.* Et hinc ab appellatione rejicitur. 1. Quia culpa sua & voluntarie per sententiam gravatus est, verb. gr. condemnatus ob contumaciam. *L. 1. Cod. quor. appell. non recip.* 2. Reus notorius, confessus scil. vel per evidentiam rei, quæ nulla tergiversatione celari possit, convictus. *c. 13. & 14. b. t.* 3. Qui in eadem causa detulit legitimæ appellationi sui adversarii. *c. 23. & 24. b. tit.* 4. Qui in eadem causa tres conformes sententias contra se tulit. *c. 65. b. t. L. un. C. ne liceat in una eademque causa.* In Camera tamen Imperiali dicunt recipi ulteriorem appellationem, ne inferiores Principes plures faciant instantias in præjudicium Imperii. 4. Qui professus est cum juramento ante sententiam, se non provocatu-

tum a judice. *c. 11. b. tit. L. 1. §. 3. ff. a quib. appell. non lic.* adeoque dum dicitur, *c. 20. b. t. jurantem*, se non provocaturum a judice, posse tamen appellare; intelligi debet; si sententia sit *injusta* & præsertim si *notorie injusta* sit; non vero si sit *juri conformis*.

Q. 4. *A quo judice possit quis vel non possit appellare?*
 Resp. Appellare quis potest regulariter ab omni judice; siue sit delegatus, siue Ordinarius, etiamsi judex sit communi partium consensu impetratus. *cap. 4. de sent. & re jud. L. 21. ff. b. t.* Etiam ab *arbitrio juris*, siue existius præscripto ab ipsis litigantibus electo. *cap. 11. de offic. deleg. in 6.* non tamen a Compromissario. *L. 1. Cod. de recept. arb.*

Resp. 2. A Papa ad neminem datur appellatio, nequidem ad futurum Concilium. Ratio, quia Concilium Generale non est supra Pontificem, cum PP. in tali Concilio congregati sunt & maneant oves, quas indistincte Christus Petro subjecit *Joan. 21*: Idem habetur in Concil. Nicæn. *canon. 39. inter 80. artic. Tom. 1. Concil. post Acta Concil. Nicæn.* Concil. Constant. *Sess. 8. art. 37. Sess. 45. in Bulla Martin. V. Lugdun. relat. in cap. 3. de elect. in 6.* cum ergo appellatio ab inferiori judice ad superiorem fieri debeat, superioritas autem Concilio generali non competat in Pontificem, sequitur ab hoc ad illud appellari non posse. Accedit, quod appellantes incurrant excommunicationem latam a Pio II. Constit. *execrabilis edita calend. Febr. 1459.* confirmatam a Julio II. Constit. *suscepti edit. calend. Julii 1509.* reservatam Sedi Apostolicæ in *Bulle Cænæ Casu secundo*. Porro in Rep. Ecclesiastica appellare non licet a Concilio Generali legitime congregato, & Capiti suo unito, non a sententia totius Congregationis Cardinalium: non ab ultima sententia Rotæ Romanæ.

Resp. 3. Ab Imperatore, vel alio Principe, aut Magistratu superiorem non recognoscente in Rep. sæculari appellare non licet. *canon. 16. & 17. caus. 9. qu. 3. L. 1. §. 1. ff. a quib. appell. non licet*, nisi quandoque ab ipsis melior informatio, supplicatio, revisio admittatur. Deinde nec a supremis tribunalibus Imperatoris, aut Regum Parliamentis. Item ex privilegio non licet in Imperio Romano appellare a sententiis Principum Electorum,

tum, & quorundam aliorum, quamvis hoc privilegium respectu omnium æquale non sit.

Resp. 4. Non etiam licet appellare in causis a Papa, vel alio Principe aut Magistratu supremo delegatis cum clausula, *appellatione remota*: per quam clausulam non tantum appellatio *frivola* prohibetur, quæ absque eo rejicitur *cap. 5. hoc tit. in 6.* sed etiam *justa & rationabilis*; si ea non sit specialiter à jure expressa & permiffa. *cap. 53. hoc tit.* Probetur tamen solum quoad *effectum suspensivum*; & insuper alia remedia condemnato salva manent, v. gr. querela nullitatis; supplicatio, revisio &c. ne videatur plus justo auferri jus defensionis; alias jure naturali concessum; quia appellatio tum solum juris naturalis est, quando nullum præterea remedium suppetit.

Q. 5. *Ad quem appellari possit?* Resp. 1. A Judice qui sententiam tulit; ad ejus superiorem habentem tribunal distinctum, & quidem ad proxime superiorem. *c. 56. h. t.* ne jurisdictiones confundantur. Appellatio tamen ad mediatum facta probabilius non est irrita, sed valet, parte adversa nihil contra opponente. *arg. c. cit.* Ratio, quia appellare gradatim non pertinet ad substantiam appellationis.

Resp. 2. Plures sunt casus; in quibus ad superiorem judicem mediatum, proximo omisso, appellari potest; & 1. quidem *de jure Civil.* licet pupillis, aliisque miserabilibus personis immediate ad supremum Principem appellare. *L. unic. Cod. quand. Imperat. inter pupill.* 2. Si intermedius judex palam deneget justitiam. *Pirh. hoc num. 90.* 3. Si aperte sit inhabilis ratione suspicionis, excommunicationis, vel alterius defectus. *Pirh. citat l. 4.* Si absens sit intermedius. 5. Si consuetudo legitime præscripta id permittat. *De Jure Canonico* a quocumque judice ad Papam in causis Ecclesiasticis, vel etiam in sæcularibus quoad eos, qui temporali ejus jurisdictioni subsunt, immediate licet appellare. *cap. 7. hoc tit.* Quia S. Pontifex est Ordinarius inferiorum judicum, & cum his concurrentem habet jurisdictionem. Excipitur casus, quo a subdelegato delegati Papæ, qui non in totum subdelegavit, non ad Pontificem, sed ad delegantem debet appellari, *cap. 27. §. porro, de offic. deleg.*

deleg. & c. 7. eod. in 6. Deinde potest immediate appellari ad Legatum Pontificium in Provincia sua existentem; quia gerit vires Papæ. *c. 1. de offic. Leg.* Casus alios recenset Schmalzgr. *b. t. n. 52.*

Q. 6. Contra quam sententiam & quos actus possit aut non possit appellari? Resp. 1. In omni causa principali, sive ab omni sententia *definitiva & valida* appellare regulariter licet, *c. 5. & 12. b. t. c. 1. eod. in 6. L. 6. & 20. C. eod.* Ratio, quia appellatio est quædam defensio, & ideo non facile deneganda. Quomodo a sententia interlocutoria liceat appellare, dictum est supra, & videri possunt, *c. 5. 51. & 59. b. t. Trident. Sess. 13. c. 1. & Sess. 24. c. 20. de reform.*

Resp. 2. Casus a regula, quod ab omni sententia definitiva valeat appellari, excepti sunt seq. 1. Non admittitur appellatio ex inveterata consuetudine in Imperio, quæ approbata est per Ordin. Camer. *p. 2. t. 28. Reces. Imp. de An. 1530. §. 95. a causa criminali capitali.* 2. Non in causis *civilibus valde modicis*, per Reces. Imp. *de ann. 1554. §. 4. contra c. 11. b. tit. & L. 20. Cod. eod.* 3. Non in causis notoriis, ubi nulla probabilis defensio apparet. *c. 13. 41. 61. hoc tit. nec in causis, quæ non patiuntur dilationem, saltem quoad effectum suspensivum, ut sunt causæ alimentorum futurorum, stipendiorum, salariorum. L. ultim. ff. de appell. recip. nec in causa possessionis momentanee per L. unic. Cod. si de moment. poss. nec in causa per juramentum voluntarium decisa. L. 12. Cod. de R. C. Ratio, quia habet speciem transactionis. Nec in causa appellationis desertæ. c. 4. & 5. b. t.*

Resp. 2. Ulterius non admittitur appellatio, nequidem extrajudicialis, *In causa correctionis*, dum Prælatus Ecclesiasticus, vel Regularis procedit ut pater paterne, & non excedit limites a SS. Canon. & Constitutionibus Ordinis præscriptos. *c. 13. & 26. b. t. c. 12. & 13. de off. Ord. 2.* *In causa censurarum, Excommunicationis, suspensionis, & interdicti* appellatio eadem negatur quoad effectum suspensivum, si censura jam est lata contra appellantem. *c. 37. hoc tit. c. 20. in fin. de sent. excomm. in 6.* 3. In causa electionis ad impediendam executionem illius, vel confirmationis istam secu-

ra, nam nisi appellans alleget causam valde rationabilem, appellatio non admittitur. c. 46. b. t. &c.

Quæst. 7. Coram quo iudice interponenda sit appellatio? Resp. Regulariter interponi debet coram illo iudice, a quo appellatur, alias non valitura, c. 59. & c. ultim. hoc tit. c. 9. eod. in 6. L. 1. §. 10. ff. quand appell. Quod si gravatus copiam iudicis habere non possit, vel periculum capturæ immineat, adeundus est Iudex ad quem, atque ibi interponenda appellatio. L. 19. C. b. t. L. 1. §. 10. cit.

Q. 8. Quomodo interponenda appellatio? Resp. 1. Appellatio a Sententia definitiva, vel interlocutoria vim definitivæ habente, si in continenti, id est, iudice adhuc sedente pro tribunali, vel necdum ad actus extraneos divertente, opponatur, fieri potest viva voce & stante pede, ut loquuntur, possuntque esse vel verba expressa, v. g. Appello, Provoco: vel equipollentia, v. g. committo vel subjicio me Iudicio Caesaris, Papæ, Nuntii, vel alterius superioris. c. 34. b. t. 2. Si fiat ex intervallo, appellatio debet fieri in scriptis porrecto Libello appellatorio. L. 5. §. fin. ff. b. t. excipiuntur causæ levioris momenti, in quibus etiam ex intervallo viva voce potest appellari. Vall. b. t. §. 9. n. 1. 3. In Libello appellatorio exprimi debet nomen appellantis, appellati, & nomen utriusque iudicis, a quo & ad quem. can. 31. §. ego. caus. 2. q. 6. L. 2. §. fin. ff. b. t. nulla tamen fit in §. fin. mentio iudicis a quo. 4. In appellatione a sententia definitiva allegare in specie causam appellandi necesse non est, sed sufficit, si in genere dicat appellans, gravatum se esse. Pich. b. t. n. 29. Pirh. n. 123.

Resp. 2. Appellatio a Sententia interlocutoria simplici, si quando conceditur, debet 1. fieri in scriptis. cap. 1. princ. b. t. in 6. 2. Debet exprimi causa appellationis. c. cit. & c. 59. b. t. quæ causa debet esse legitima, & in specie allegari. 3. Nequit justificari appellatio ab interlocutoria ex novis, & de novo probandis, sed solummodo ex causis, quæ in ipsa appellatione nominatim expressæ sunt. c. 62. b. t. Clem. 5. eod. Ratio, ne sæpe malitiose ad litis prorogationem appellationes interponantur. Exceptiones videre est apud Schmalzgr. b. t. n. 64.

Quæst. 9. Quid sint fatalia appellationis, & quotuplicia?

ria? Resp. ad 1. Fatalia appellationis nihil aliud sunt; quam tempora, quibus elapsis appellatio vel non conceditur, vel jam concessa & interposita, aut jam introducta extinguitur.

Resp. 2. Tempora appellationis sunt quadruplicia. 1. *Interponende* appellationis. 2. *Petendi Apostolos*. 3. Appellationis *introducende*, sive Apostolos judici *ad quem* presentandi. 4. Appellationis *prosequende* & *finiende*.

Quest. 10. Quid de singulis temporibus sive fatalibus appellationis dicendum? Resp. 1. De tempore appellationis *interponende*: 1. Fatale sive tempus appellationis *interponende* est *hodie* decendium, id est, pars vel voce, vel scripto vel facto declarare debet intra decem dies, se provocare ad iudicem superiorem, & ita dicitur interponere appellationem. *cap. 15. & sent. & re jud. c. 8. b. tit. in 6. Auth. hodie Cod. hoc tit.* Dies proinde ultimus fatalis est, ut eo elapso volens appellare non audiatur, aliis tamen juris remediis se defendere non prohibetur. *cap. 8. b. tit. in 6.* 2. Computatur hoc tempus decendii a momento prolatae sententiae, si adversus presentem est pronuntiatum; vel si condemnatus ignoravit sententiam latam, a die scientiae, & completur in ultimo momento diei decimae *cap. 15. & 8. cit.* 3. Decendium hoc ab initio est *utile*, & ignoranti, utpote legitime impedito; non currit, nisi sit vere contumax. *cap. 29. §. Si adversus absentem. caus. 2. quest. 6.* In progressu efficitur *continuum*, adeo ut etiam feriis solemnibus currat. *L. 1. Cod. de feriis.* 4. Si gravamen, a quo appellatur, sit continuum, & habeat causam permanentem, ut cum quis in carcere detinetur, semper, quamdiu durat, conceditur appellatio. *Val. hoc § 7. num. 3.*

Resp. 2. *De Apostolis petendis* 1. Apostoli sunt hic literae dimissoriae, quas iudex a quo transmittit ad superiorem, ad quem appellatum est, in fidem appellationis interpositae. Alii sunt *Dimissorii*, quibus iudex a quo testificatur de appellatione coram se legitime interposita & admissa. Alii *Reverentiales*, quibus significatur, quod appellatio non ex iustitia, sed ob reverentiam iudicis *ad quem* admittatur. Alii *Recusatorii*, quibus Iudex a quo exprimit causam non admissae a se appellae-

pellationis Vall. b. §. 10. num. 1. & seq. 2. Tempus petendi hodie Apostolos *de jure communi* sunt 30. dies, a die latæ & cognitæ sententiæ, & juxta Clem. 2. b. tit. appellans eos deberet petere instanter, instantius, instantissime. 3. Tempora petendorum Apostolorum non adeo sunt in usu, sed condemnatus appellationem judici *a quo* per libellum proponit, & judex curat per Notarium desuper scribi, quod vel admittatur appellatio, vel non admittatur; si admittitur, petuntur acta cum Apostolis ad superiorem Judicem transmittenda; si non admittitur, & tamen pars se sentit gravatam, poterit simpliciter adire superiorem, eidemque proponere appellationem admissam non esse, qui dein petit informationem, quare judex appellationem non admisit, simulque inhibet, ne sententiam exequatur. Engel b. num. 46.

Resp. 3. de tempore *introducendæ* appellationis, five præsentandi Apostolos coram Judice ad quem 1. tempus hoc, de Jure saltem Canonico, determinatum non est, sed videtur judicis arbitrio ejus determinatio relinqui. c. 4. b. tit. Si Judex *a quo* id non determinaverit, observandum juxta plures est jus Civile; quod de Jure Rom. varium erat. L. 2. & fin. C. de temp. Appell. modo in Camera Imperiali est 6. mensium. Ord. Cam. p. 2. tit. 3. §. 4. & 5. 3. Tempus præsentandi Judici Apostolos incipit currere a die interpositæ appellationis. Gail. L. 1. Obs. 140. n. 2. & 3.

Resp. 4. de tempore *prosequendæ* & *finiendæ* appellationis 1. Hoc tempus, statuente sic utroque jure, est annus, ex causa tamen necessaria & evidente biennium. c. 5. b. t. c. 8. eod. L. fin. §. 4. C. de temp. appell. 2. Incipit currere a die interpositæ appellationis. Clem. 3. b. t. & observatur etiam in foro Civili, licet Nov. 32. c. 6. quid aliud statuatur. 3. Intra id temporis si appellans, justo impedimento cessante, appellationem suam non fuerit prosecutus, deserta censetur c. cit. Ita tamen, ut de appellatione *introducã*, sed non continuata pronuntiet judex *ad quem*. Vide Engel *hoc numer.* 49. 4. Tempus annale & biennale in tribunalibus majoribus, sæcularibus æque ac Ecclesiasticis ob multitudinem causarum parum attenditur, modo observentur, quæ ad

ad interponendam & introducendam appellationem sunt statuta.

Q. 11. *Quinam sint effectus appellationis?* Resp. 1. Appellatio a sententia definitiva vel ab interlocutoria vim definitivæ habente; si rite facta sit, duplicem habet effectum, *suspensivum* & *devolutivum*: Vis effectus *suspensivi* consistit in eo, quod per eam suspendatur jurisdictio judicis a quo; sententia ipsius in rem judicatam non transeat; neque executioni mandari; neque aliquid possit ultra fieri vel attentari. *cap. 39. & L. un. ff. nihil inov. appell. pend.* Quod si vero Judex a quo aliquid eo tempore innovasset, tunc *per viam*, sive *remedium attentatorum* revocari, & omnia in pristinum statum debent restitui. Exceptiones sunt seqq. Potest Judex a quo *sine vitio attentari* facere ea omnia; quæ facilitant causam appellationis, uti est præfigere terminum appellanti introducendæ appellationis: retinere debitorem, suspectum ex novis causis de fuga: rem litigiosam vel fructus existente periculo destructionis &c. sequestrare. Deinde exequi sententiam potest; non obstante appellatione; si appellatio sit evidenter frivola: in notoriis; in casibus de jure, vel ob clausulam; *appellatione remota*; appellare non licet: in excommunicatione vel aliis Censuris appellatio non impedit valorem & effectum illarum. *c. 37. c. 53. §. 2 h. t. c. 20. de sent. Excomm.* Vis effectus *devolutivi* consistit in eo; quod tota causa principalis cum suis accessoriis & incidentibus devolvatur ad superiorem, adeo ut non tantum pronuntiare; sed & novam sententiam, causa exigente, concipere possit. Koning: *b. r. n. 51.* Si tamen diversa fuerint capita sententiæ; & non ab omnibus sit appellatum; ea tantum devolvuntur, a quibus appellatum est. *L. 29. ff. de minor.* Plura vide apud Schmalzgr. *b. a n. 108.*

Resp. 2. Appellatio ab interlocutoria simplici licet & devolutivum habeat effectum & suspensivum; hunc tamen scil. *suspensivum* aliter non producit; quam si gravaminis causa in specie probetur. *c. 7. hoc tit. in 6.* nec sententiâ interea revocetur a iudice a quo *cap. 60. b. t.* In praxi rigor ille adeo stricte non observatur. Circa effectum *devolutivum* notandum, quod, si constet; bene appellatum esse, non tantum articulus incidens, sed

sed ipsa quandoque causa principalis ad superiorem devolvatur, ne gravatus ad gravantem remittatur. *c. 19. b. t. in fin.* Si vero male sit appellatum; tunc principalis causa non devolvitur, nisi Judex inferior appellationi deferendo jurisdictionem a se abdicet. *c. 5. b. t. in 6. Engel b. n. 13. & seq.*

§. 2. De Recusationibus & Relationibus.

Quest. 1. Quid sit Recusatio & quomodo differat ab Appellatione? Resp. ad 1. Recusatio, ut est hujus loci; est judicis tanquam suspecti ex justa causa declinatio. Pirh. *b. n. 265.*

Resp. ad 2. Licet in nonnullis conveniat cum Appellatione, præsertim, quod recedatur ab audientia judicis; ejusque jurisdictio suspendatur, differt tamen in pluribus, v. g. quod non appellatur a judice, nisi gravet, recusari tamen possit, qui actus non gravat; quod Appellatio necessario fiat ad superiorem, non recusatio: quod non possit appellari a judice, cui commissæ est causa cum clausula, *appellatione remota*; recusari tamen possit &c.

Q. 2. Quinam non possint, aut possint recusari? Resp. 1. Non Papa aut Princeps supremus recusari potest. Ratio, quia de iis, quod faciant injustitiam, nequit præsumi. 2. Non Cardinales ob eminentiam dignitatis, fidem, & justitiam. 3. Non Concilium Generale legitimum, *Franc. inc. 36. b. t.* 4. Non Prælati Religiosi quoad correctionem subditorum, dum ea sit *juxta Regularia Instituta.* arg. *c. 61. b. t.*

Resp. 2. Recusari potest de Jure Can. tam Judex Ordinarius, quam delegatus, licet sit delegatus Papæ *c. 5. de off. deleg. in 6. c. 61. b. t.* 2. De jure Civili certo potest recusari delegatus. *L. 16. & fin. C. de jud.* Communius negant de Ordinario. Vide Pichl. *b. t. n. 35.* 3. Vicarius Episcopi, non recusato aut suspecto Episcopo recusari potest, & hæc recusatio facienda est coram Episcopo, *Sanch.* Imo & suspecto judice Ordinario ex aliqua causa, potest ex eadem recusari ejus Vicarius, *Marant. p. 6. tit. de appell. n. 28.*

Quest. 3. Quando & quomodo proponi debeat Recusatio?

tio? Resp. ad 1. Debet recusatio proponi ante litis contestationem, imo ante omnes alias exceptiones dilatorias, ne alias censeatur quis in judicem consentire; nisi causa suspicionis ex post vel supervenerit, vel saltem tum modo innotuerit. Schmalzgrueber *b. tit. num. 133.*

Resp. ad 2. Proponi debet in scriptis, oblato scil. judici, qui recusatur, libello recusatorio. *L. 16. Cod. de jud. 2.* Debet justa causa recusationis, & quidem in specie allegari. *c. 41. h. t. c. 61. eod.* 3. De causæ in recusatione expressæ veritate non cognoscit judex recusatus, sed cognitio ad arbitros ad id electos *ferè & regulariter* pertinet. *c. 61. cit.*

Quæst. 4. Quenam sint justæ causæ recusandi judicem? Resp. Generaliter loquendo, causa justa recusandi est suspicio, e variis causis oriri solita: sic recusatur Judex, si aliunde inimicus sit recusanti: si specialem habeat affectionem erga alteram partem: si specialem habeat affectum erga causam in judicio propositam; quia in ea agit Advocatum &c Non tamen est justa causa recusandi judicem, quod, quia semel in alia causa gravavit, fuerit appellatum a recusante. *rubr. & L. un. ff. apud eum a quo appellatur, aliam causam agere compellend.*

Q. 5. Quis sit effectus Recusationis? Resp. Suspendere jurisdictionem judicis recusati, postquam semel fuerit proposita & pendens desuper cognitio, adeo ut non tantum acta a judice taliter recusato debeant revocari, sed probabilius sint ipso jure irrita, saltem si causæ objectæ suspicionis fuerit manifesta, vel quæ acta sunt post electionem arbitrorum. *c. 41. & 61. h. t.*

Q. 6. Quid sit relatio? Resp. Varie sumitur. 1. Pro ea, quæ ex necessitate delegationis facienda, dum Princeps vel Superior causam alicui delegat cum potestate procedendi usque ad sententiam exclusive, & ut completo processu eam transmittat ad Principem desuper pronuntiaturum: Hæc processus transmissio dicitur Relatio; de qua *inc. 45. b. t. c. 5. de off. Leg. c. 18. de sent. & re jud. 2.* Pro ea, quæ ex natura causæ facienda, dum causam quampiam Judex inferior cognoscere non potest; de qua in *c. 3. de baptis. c. 59. h. t.* 3. Pro transmissio-

sione

sione processus ad impartiales Juris Consultos, vel Collegium Juridicum aut Universitatem; circa quam transmissionem quæ observanda, vide *Leur. b. t. Q. 1165. n. 3.* citant. *Lauterb. in ff. b. t. n. 25. 4.* Prout est hujus loci, definitur & est Judicis inferioris in causa *de jure* dubitantis ad superiorem seu Principem missa consultatio, ut ex hujus rescripto intelligat, quid sibi in judicando sequendum. *L. 1. C. de relation. L. 1. §. L. 22. & 26. ff. b. t.* Hæc Relatio ob nimiam litium protractionem hodie est de Jure Civili recentiori abrogata per *Auth. Novo Jure C. de relat.* & permittitur recursus ad Facultates Juridicas ad petendum ab iis in jure dubio consilium. De Jure quidem Can. est approbata expresse Relatio *c. 68. b. t.* rarissimus tamen ejus est usus.

Q. 7. Quomodo conveniat & differat ab Appellatione? Resp. 1. Convenit tripliciter; Nam 1. Appellatio fit ad superiorem, etiam ad eundem dirigitur Relatio. 2. Pendente appellatione nihil est innovandum; neque aliquid pendente, vel etiam promissa tantum Relatione innovari debet. *L. 13. C. de appell. L. 1. C. de relat.* 3. Cognitio causæ per Appellationem ad Superiorem devolvitur, etiam per Relationem. *L. 22. ff. de appell.*

Resp. 2. Differt ab Appellatione, quia Relatio ante sententiam, non a partibus, sed a judice interponitur, eaque a Superiore admissa non tamen ipse superior, sed ad ejus remissionem inferior sententiam profert. *L. 1. C. de Relat.* In causis *criminalibus* prius fertur sententia, ut tum demum Princeps judicet, utrum ea sequi oporteat, *L. 6. §. ff. de interd. & releg.* Ex dictis, quinam effectus sit Relationis, pronum est colligere.

Quest. 8. Quomodo Relatio causæ ad Principem fieri debeat, ut legitima sit censenda? Resp. 1. Debet omnibus facti circumstantiis & utriusque partis allegationibus perspicue expositis perfectam totius causæ instructionem continere, si de tota causa sit dubium, vel illius articuli, de quo est dubium. *L. 1. C. de Relat.* 2. Si de causa dubium sit, acta simul sunt ad Principem mittenda, *L. fin. C. eod.* si de uno tantum articulo, solus ille excerptendus, & ad Principem est mittendus. 3. Utraque pars debet consentire in Relationem, & utrique, antequam transmittatur, copia edi. *c. 68. b. t.* insuper dicta co-

pia in forma authentica, nimirum Notarii vel aliorum duorum honestorum manu scripta aut subscripta, vel authentico sigillo munita, tradi debet VViestn. Pirh. & alii.

T I T U L U S XXIX.

De Clericis peregrinantibus.

Quest. 1. *Quæ sit ratio præsentis Tituli, & quomodo hic titulus a Tit. 22. Libri 1. Decretal. de Clericis peregrinis distinguatur?* Resp. ad 1. Ideo Titulus præfens præcedenti de Appellatione subjungitur, quia peregrinatio Romana post latam in aliquem sententiam assumpta habet vim appellationis, *c. un. b. t.* estque ingressus hujus itineris realis appellatio, in ipso facto consistens.

Resp. 2. In Titulo 22. Lib. 1. Decretal. agitur de Clericis peregrinis in ordine ad receptionem & executionem Sacrorum Ordinum, quomodo scil. Clerici extranei, ignoti, vagi vel ordinari possint, vel admitti ad ministrandum in Ordinibus jam susceptis. Hic autem tractatur de Clericis in ordine ad lites, quatenus nimirum contra peregrinantes, id est, ad Limina Apostolorum, sive ad Sedem Apostolicam proficiscentes, possit aut non possit lis moveri.

Q. 2. *Quis sit peregrinationis Romane effectus?* Resp. Ille est præcipuus, quod si quis (sive Clericus, sive Laicus in causa spirituali, ob generalitatem rationis in *c. un. b. t.* allegatam) post litem sibi motam iter Romanum per se aut per alium arripuerit, istiusmodi iter vim habeat appellationis, & suspendat jurisdictionem cæterorum judicum, ita ut nihil contra talem peregrinantem possit innovari. *cit. c. un. b. t.*

Quest. 3. *Quid requiratur, ut arripiens iter ad Papam dictum effectum sortiatur?* Resp. seqq. 1. Intra 10. dies a lata sententia vel illato gravamine debet iter arripere. VViestn. num. 4. *hoc tit.* Debet illud intimare judici & parti. Ratio, quia hi sunt in possessione juris sui, priusquam constet, iter susceptum. 3. Debet iter hoc arripi ante citationem; quia alias a taliter præ-
venio

vento forum non posset declinari juxta *c. 30. de appell.* & *c. 19. de form. comp.* 4. Debet; si forte adversarius ejus contra ipsum Literas Apostolicas impetraverit, necdum illarum habere notitiam: Ratio, quia hoc casu iter prædictum malitiose arreptum præsumitur. *cap. 15. de appell.*

Q. 4. In quibus rebus proficiscenti ad Pontificem privilegium competat, quod contra se nihil sit attentandum? Resp. Licet *cap. unic. b. t.* videatur agere de iis solum, in quibus iter Rom. arripiens extrajudicialiter gravari, quæque illi hoc modo auferri possent; intelligenda nihilominus etiam est ejus dispositio de iis, quæ contra eundem per processum & sententiam judicis auferuntur. *arg. cap. cit.* ob verba: *cum rebus suis sub Apostolica protectione debeant esse securi.* 2. Possunt contra turbatores bonorum taliter peregrinantium citra mandatum, modo de rato caveant; agere parentes, propinqui, amici; imo & servi. *L. 1. Cod. si per vim vel alio modo.* 3. Qui Romipetas vel peregrinantes ad Limina Apostolorum, vel ibi morantes, aut inde regredientes capiunt, spoliant, mutilant, interficiunt, sive deini accesserint Romam devotionis, sive litis, sive negotii gerendi &c. gratia, excommunicationem incurrunter reservatam Sum. Pontifici in *Bulla Cene Cas. 9.* & *10.*

T I T U L U S XXX.

De Confirmatione utili & inutili.

Q. 1. Quid sit confirmatio & quotuplex? Resp. 1. Agendum quidem foret hic specialiter de confirmatione sententiarum, a quibus appellatur, quasque sæpius contingit confirmari; plerumque tamen AA. de confirmatione generaliter sumpta tractare solent, prout complectitur confirmationes sententiarum æque, ac statutorum, privilegiorum, contractuum &c. Et hæc definitur, *quod sit juris jam prius habiti seu questi* (addunt aliqui, *quomodocunque*) *corroboratio facta per legitimum superiorem.* 2. Confirmatio quandoque necessaria est ad jus jam inchoatum, nondum tamen

perfectum complendum, uti contingit in confirmatione ad Prælaturam; quandoque fit confirmatio, non tanquam per se necessaria ad substantiam vel valorem actus aut juris, sed majus tantum ei robur addit.

Resp. ad 2. Alia est confirmatio *Utilis*, per quam intelligitur valida; alia *inutilis*, sive invalida, qualis est, quæ vel sub-vel obreptitiæ est obtenta. *Utilis* sive valida iterum est duplex; una *in forma communi & ordinaria*, vel confirmatio *simplex* dicta, dum Superior habens potestatem confirmandi vel nulla, vel non perfecta prævia cognitione confirmat actum, in eo statu, in quo fuerat prius. Altera *in forma speciali*, sive *ex certa scientia*, quando Superior cognita plene causa confirmat actum.

Q. 2. *Quid intersit, utrum Confirmatio facta in forma communi vel speciali?* Resp. In forma communi facta quamvis actum valide & legitime gestum approbando majorem eidem auctoritatem conferat, non tamen valorem ei, si non habuit antecederet, tribuit: e contra. Confirmatio in forma speciali & ex certa scientia, tribuit jus novum, actumque, prius forte invalidum, reddit validum, modo defectus sit a confirmante dispensabilis. Engel *b. t. n. 5.* Plures actus recenset Schmalzg. *b. tit. num. 7.* in quibus confirmatio in forma speciali non habet vim tribuendi valorem actui secundum se irritum.

Q. 3. *In dubio an confirmatio censenda sit facta esse in forma communi, an in speciali?* Resp. In forma communi. Ratio; quia confirmatio in forma speciali fit ex certa scientia, quæ non præsumitur, nisi probetur, aut opponatur signum aliquod, ex quo constet confirmationem factam esse in forma speciali. Porro signa confirmationem in forma speciali factam esse sunt; si totus tenor instrumenti, sententiæ, privilegii, quod confirmatur, ipsi Confirmationi inseritur: si additur clausula: *ex certa scientia. Vel: cognita causa. Vel: parte citata & audita. Vel: ex plenitudine potestatis. Vel: suppletentes omnes juris & facti defectus. Vel: non obstante quacumque Lege aut consuetudine in contrarium.*

Quest. 4. *Utrum Judex inferior super confirmatione cognoscere possit & judicare?* Resp. 1. De confirma-
tione

tione facta cum cognitione causæ, dum ea in controversiam vocatur, solus Princeps potest cognoscere. Gail. L. 2. Obs. 1. num. 13. 2. Nec de confirmatione facta in forma communi cognoscit inferior; adeoque in genere de nulla confirmatione superioris cognoscere aut judicare potest inferior; nisi habeat speciale mandatum, aut nisi certum sit, confirmationem per falsi suggestionem elicitam fuisse. cap. 1. & 2. b. t. & AA. communiter. Limitationes vide tum *in cit. cap.* tum apud Lear: b. t. Q. 1176. à num. 3.

Finis II. Libri.

LIBER TERTIUS

DECRETALIUM

GREGORII IX,

DE

CLERO SÆCULARI

ET REGULARI.



Quest. unic. Quid & quo ordine in libro tertio Decretalium tractetur? Resp. A Processu judiciali in Libro priori explicato progredimur ad actus & jura personarum Ecclesiasticarum, quæ partim propria, partim communia cum Laicis habent. Titulis omnino 50. Liber præsens absolvitur. Tredecim primi continent qualitates in Clericis requisitas, eorumque obligationes respective ad beneficia. Tum usque ad Titul. XXIV. inclusive agitur de pactis Clericorum & contractibus; sequentes quinque dominium & jura illorum comprehendunt. A. Tit. XXXI. usque ad Tit. XXXIX. tractatur de Regularium statu, juribus, & obligationibus. Titulis posterioribus enumerantur actus, privilegia, jura, quæ vel Ecclesiis competunt, vel in iis exercentur.

TITULUS I.

De vita & honestate Clericorum.

Quest. 1. Quid importet nomen Clerici, & quinam Clericorum nomine veniant? Resp. ad 1. Nomen Clericorum juxta B. Isidor. relat. in *can. 1. dist. 21.* desumpto a græco κλῆρος, quo latine hæreditas vel fors significatur, intelliguntur personæ, debite ac specialiter ad cultum & servitium DEI in Ecclesia Christi deputatæ.

Resp.

Resp. ad 2. Primo. In materia *favorabili* nomine Clericorum, & quidem strictius accepto, veniunt, quotquot prima etiam tonsura tantum sunt initiati usque ad supremum in Ecclesia caput; eo sumpto latius veniunt pariter Regulares, Monachi, quamcunque Religionem professi, uti Equites Teutonici & Melitenses: *Fratres Laici*, sive *Conversi*: Eremitæ, modo habitum acceperint ab Episcopo, subque ejus obedientia vivant, deputati pro servitio Ecclesiæ cujusdam vel Oratorii: *Fratres & Sorores* tertii Ordinis S. Francisci, si in comuni vivant: Moniales in materia sibi adaptabili. arg. *can. si quis suadente. 29. caus. 17. q. 4. c. 33. de sent. Excom.* Ratio, quia personæ enumeratæ sunt pars & sors Domini, specialiter electæ ad cultum divinum.

Resp. ad 2. secundo. In materia *odiosa*, dum v. gr. agitur de censura &c. nomine Clericorum veniunt tantum Clerici sæculares simplices, nisi vel aliud exprimitur, vel ex substrata materia colligatur. Unde in odiosis nomine Clericorum non intelliguntur Episcopi, alique Prælati. *c. 4. de sent. Excomm.* non Canonici. arg. *c. 22. de elect. in 6.* non Monachi, nec cæteri Regulares utriusque sexus *Abb. in c. 1. de Inst. &c.*

Q. 2. *Honestas Clericorum, de qua in b. t. in quibus consistat?* Resp. 1. In vitæ & morum integritate sive honestate, quæ duplex est, *interna* alia, *alia externa*. 2. In decenti habitu & vestitu. 3. In exercitio negotiorum statui Clericali convenientium.

Q. 3. *Quid de vitæ Clericali honestate interna dicendum?* Resp. 1. Requirit hæc reſtitutionem intentionis, majus DEI obsequium in assumptione status Clericalis spectantis. *cap. fin. de rescript. in 6.* Vide etiam Trident. *Sess. 23. cap. 4. de reform.* Deinde animi & conscientiæ puritatem.

Resp. 2. De intentione ad statum Clericalem requisita. 1. Qui promoveri vult ad beneficium Parochiale, debet habere intentionem seriam, non tamen *absolutam*, ut ait Vviefstn. *b. t. n. 19.* intra annum suscipiendi, si necdum habet, Presbyteratum; alias præter *reatum* *gravis peccati* fructus ex tali beneficio perceptos ante omnem judicis sententiam tenetur restituere. *cap. 35. de elect. in 6.* Ratio, quia beneficium & fructuum perceptio ali-

ter Clerico Parocho non conceditur, quam sub conditione habitæ intentionis recipiendi intra annum Sacerdotii. 2. Hæc dispositio *quoad restitutionem fructuum ante sententiam* extendi non debet ad recipientem sine intentione Sacerdotii dignitatem, cui animarum cura annexa, vel ad recipientem beneficium simplex, Ordinem S. annexum habens, sine intentione ascendendi ad Ordines Sacros, aut etiam cum animo, perceptis aliquo tempore fructibus, statum Clericalem denuo relinquendi. 3. Qui primam tonsuram & Minores recipit absque animo clericandi, non quidem peccat mortaliter, quia nullibi extat præceptum graviter obligans; venialiter tamen, ut insinuare videtur Trid. *Sess. 23. cap. 4. de reform.*

Resp. 3. De puritate conscientie. 1. Licet in Clerico maxima deberet esse animi puritas, & ab omni peccato mortali immunitas, tum ob sublimitatem status. 1. *Cor. 4. v. 1.* & finem, quem sibi præfixum habere debet Clericus; tum ob sanctitatem functionum; tamen fides aut probitas Ministri ad *validam* Sacramentorum confectionem necessaria non est Trid. *Sess. 7. can. 12. de Sacram.* 2. Ad *licitam* Sacramentorum confectionem ita requiritur, ut *per se loquendo* peccet mortaliter omnis, qui conficit Sacramentum in mortali Lacroix *de Sacram. in gen. Q. 24.*

Quæst. 4. In quo consistat vitæ Clericalis honestas externa? Resp. 1. Ut Clerici caste vivant. *c. 13. b. t.* utque sint remotiores ab omni sinistra suspitione, sub pœna suspensionis frequens accessus sine rationabili causa ad monasteria Monialium ipsis interdictur. *c. 8. b. t.* 2. Ut abstineant a crapula. *c. 14. b. t.* eumque in finem evitare tabernas jubentur, nisi forte aliud necessitas exigat, *cap. 15. b. tit.* Clericus aleator & ebriosus suspendi vel etiam excommunicari jubetur, aut adhuc gravius arbitrio Episcopi puniri. *canon. 1. distint. 35. cap. 15. hoc tit. Trident. Sess. 22. cap. 1. de reform.* 3. Ut avaritiam vel maxime fugiant, utpote radicem omnium malorum. *cap. 7. distint. 47.* plura a Canonibus statuta in *cap. fin. hoc tit. cap. 1. de testam. Extrav. unic. de crim. falsint. Comm. & præcipue etiam, ut judices gratis judicent. cap. 10. hoc tit.* cujus cap. fusio rem explicatio-

nem

hem vide apud Pirh. *hoc tit. a num. 6. & Schamalzgr*
n. 23. & seq.

Q. 5. *Qualis debeat esse Clericorum habitus; quinam & sub quibus penis ad habitum Clericalem & tonsuram teneantur?* Resp. 1. *Habitus Clericalis in genere loquendo debet esse conformis consuetudini cujusvis Regionis, & talis, ex quo quis visus in populo prima statim facie Clericus judicetur; non Laicus: in specie & juxta Canones debet esse talaris. Constit. Cum Sacrosancta, edicta a Sixto V. 1589. non virgatus. c. 15. b. t. Color non debet esse rubeus; non viridis aut violaceus; quibusdam exceptis. Clem. 2. b. t. &c.*

Resp. 2. Clerici in Sacris constituti, & *beneficiati*, etiam si tantum sint minoribus initiati, sub poena suspensionis ab Ordinibus, officio & beneficio incurrendæ, & si semel correpti iterum deliquerint in hoc, sub poena privationis officiorum & beneficiorum, regulariter tenentur vestem & coronam seu tonsuram Ordini suo convenientem in publico deferre. c. 15. b. t. Clem. 2. eod. Trid. Sess. 14. c. 6. reform. Bulla Sixti V. quæ extendit obligationem ferendi habitum & poenas ad omnes beneficiatos & pensionarios, etiam si jus tantum habeant ad beneficium, vel non est recepta in Germania, vel rursus abrogata.

Resp. 3. Minoristæ non gaudent beneficio non quidem obligantur ad habitum Clericalem deferendam, si tamen non detulerint, certum est, quod *privilegio fori* ipso facto excidant. Trident. loco citato recuperant tamen illud reassumpto habitu Clement. 1. *hoc tit.* ob verba: *quamdiu præmissis institerint.* Dubitant A.A. an in super *privilegium canonis* amittant tales Clerici Minoristæ, & probabilius est, hoc de jure (seclusa consuetudine) non amitti. Ratio, quia patet in *canon. si quis suadente. causar. 17. quæst. 4.* indistincte omnibus Clericis hoc privilegium esse concessum, cui canonis derogatum non est. Clerici in majoribus constituti, vel Minoristæ, habentes tamen beneficium, neutrum privilegium ipso facto amittunt; quia id nullibi est expressum.

Resp. 4. Clerici neque comam neque barbam nutrire debent, nec relaxare comam sub poena excommunicationis.

nis, *c. 4. 5. & 7. b. t.* Consuetudo explicat hos canones, ut prohibitum sit Clericis nutrire comam more profano, pulvere cyprio aspergere &c. Idem ratione comæ fictitiæ vel Beruccarum observandum esset mandatum Innoc. XIII. Anno 1692. datum, & novissima Constitutio Ss. D. Benedicti XIII. præsertim in Conc. Rom. Anno 1726. celebrato.

Resp. 5. Interdicta est Clericis gestatio armorum militarium. *c. 2. b. t.* contrarium facientes excommunicantur, non tamen ipso facto, nisi sint Religiosi, inter septa monasterii, absque licentia superioris, arma habentes. *Clem. 1. §. quia vero de statu Monach.* Nec Clericus armis, etiam specialiter prohibitis, jussu sæcularis Judicis spoliari potest, nisi vel in flagranti deprehendatur, vel alia via non supersit, qua damnum aut injuria ab eo inferenda possit impediri. Schmalzgr. *b. t. n. 43.* citans plures.

Q. 6. *Quæ negotia, & exercitia prohibita sint Clericis?* Resp. In genere, quæ in se inhonesta sunt aut sordida. *c. 15. b. t. & tot. tit. ne Cler. vel Monach.* exercentibus talia pœna in *c. fin. b. t.* statuta est. 2. In specie prohibetur Clericis, ne mimis histrionibus & jocularioribus intendant sive intersint, aut auscultent. *c. 15. cit.* pœna in Clericos joculariores expressa est in *c. un. b. t. in 6.* Ne officium macellariorum aut lanionum exerçant. Vid. *Clem. 1. b. t.* Ne aleis & taxillis ludant. *c. 15. b. t.* transgressores, si frequenter, publice & cum scandalo ludant, non excusantur a gravi peccato. De negotiatione *proprie* tali prohibita Clericis dicendi locus erit in Tit. *Ne Cler. vel Monach.*

Q. 7. *An & quomodo Clericatus debeat probari?* Resp. 1. Qui asserit se Clericum, probare debet. Ratio, quia est quid facti. 2. Probari potest vel per literas formatas; vel per Librum Ordinatum in Archivio Episcopali reservatum; vel per Notarium, vel per per alios modos, quorum plures recenset Schmalzgr. *b. tit. n. 49.* 3. Si dubitetur, num qui v. g. captus est, sit Clericus, soli judici Ecclesiastico competet Clericatus discussio. *c. 12. de sent. Excomm.*

T I T U L U S II.

De cohabitatione Clericorum & Mulierum.

Quest. 1. *Quibus fœminis cohabitare Clericos jura permittant vel non permittant?* Resp. 1. Permissum est a Jure Clericis (quo nomine hic potissimum veniunt initiati Ordinibus Sacris) cohabitare, id est, in iisdem ædibus commorari fœminis non suspectis; quales præsumuntur conjunctæ in primo vel secundo gradu *consanguinitatis*, licet juvenes sint *c. 9. b. t.* ubi & ratio additur. Si tamen & hæc incontinentis vitæ suspicionem, aut scandali occasionem præberent; removendæ sunt atque expellendæ, etiamsi mater esset aut soror. *c. 1. b. t.* 2. Permissum est Clericis habitare in eadem domo cum illis, quæ de hujusmodi conjunctarum familia sunt, ut sunt famulæ &c. *can. 27. dist. 81.* 3. Permissum est etiam Clericis in servitium suum assumere fœminas extraneas provectioris ætatis, honestæ famæ, & extra suspicionem incontinentiæ existentes. *canon. 16. dist. 32.* 4. Utrum licentia cohabitandi personis sanguine junctis &c. se extendat ad Episcopos, aliosque similes Prælatos Ecclesiasticos, dubitatur, idque propter Clericos cum Episcopo commorantes; sed dicendum, casu quo abest periculum scandali & incontinentiæ suspicio, licite in eadem domo retineri posse tales personas. *Pirh. b. t. n. 5. & arg. can. 6. dist. 77.*

Quest. 2. Quenam pœnæ statutz sint in Clericos fœminis suspectis cohabitantes, vel qui omnino concubinariis sint? Resp. 1. De Jure veteri variæ pœnæ tam in concubinarios Clericos, quam fornicarios tantum statutz sunt, ut habetur in *can. 24. inter Can. Apost. canon. 2. & 9. dist. 28. canon. 5. dist. 82. cap. 2. 4. & 6. b. t.* De jure novo Trid. *Sess. 25. cap. 14. de reform.* procedendum est contra illos seq. modo. 1. Jubentur moneri specialiter. 2. Si ita moniti non desistant, habeantque aliquod beneficium, ipso facto privati sunt tertia parte fructuum, qui vel fabricæ vel alteri pio loco, arbitrio Episcopi applicentur. 3. Si nec ita se emendaverint, eo ipso amittunt fructus omnes, ac insuper
ab

ab administratione beneficiorum, quamdiu Ordinarius videbitur, suspendi debent. 4. Si nec hoc profecerit, perpetuo jubentur privari beneficiis, pensionibus, officiis Ecclesiasticis, & insuper fiunt inhabiles ad ea; & ad dignitates ac honores quoscunque. 5. Denique, si nec sic resipuerint, excommunicandi sunt.

Quæst. 3. Quid requiratur, ut hæc pœnæ incurrantur & recte infligantur? Resp. 1. Clericus debet esse vere concubinarium, id est hoc loco, concubinam vel domum suam, vel etiam extra illam uxoris instar habere, qui enim fornicarius tantum est, hunc ait Schmalzgr. de jure prædictas pœnas non incurrere, aliis tenentibus contrarium ob verba disjunctiva Trident. loco citat. & praxin Curiarum in Germania. 2. Monitiones debent esse speciales, etiam in notorie concubinarium; nec enim absque trina monitione hic beneficio privari debet. Vall. b. num. 3. 3. Crimen concubinatus debet esse aut publicum notorietate facti, aut sufficienter probatum per testes; licet enim hanc conditionem Trident. non exprimat, exprimit tamen. cap. 3. hoc t. & a Trid. subintelligi credendum est. 4. Clericus debet esse beneficiatus, beneficio enim Ecclesiastico carens, & tamen peccatis talibus obnoxius, carcere, suspensione, inhabilitate ad beneficia puniri debet. 5. Episcopus, si a synodo provinciali monitus non abstinuerit, ipso facto suspensus est, & si perseveret, ad S. Pontificem deferendus. Trid. cit. l.

Q. 4. Quid ulterius ratione pœnarum Clericis concubinariis statutarum notandum? Resp. 1. Clericus concubinarium probabiliter non tenetur ante sententiam judicis declaratoriam fructus beneficii sui restituere. arg. c. 19. de hæret. in 6. & ex ipso Trident. quo jubentur fructus ejusm. ipso jure amissi fabricæ Ecclesiæ applicari arbitrio Episcopi, utique Clericum criminis reum prius declarantis; nomine autem fructuum, quibus concubinari privantur, distributiones quotidianæ non veniant, quia in pœnalibus facienda non est extensio. 2. Clericus concubinarium in suspensionem proprie dictam, quæ sit Censura, & ex cujus violatione incurratur irregularitas, ipso jure non incidit. Ratio, quia verba Trident. suspensionem dictantis sunt tantum comminatoria. 3.

Nec

Nec jure hodierno Sacerdotem concubinarium fideles tenentur vitare in Missis, aut aliis officiis divinis; quia per Extrav. Concil. Constantiens. *Ad evitanda*, vitandi solum sunt excommunicati nominatim, ac publice denunciati, vel notorii percussores Clericorum. Vide tamen Pich. *L. 5. de sent. excomm. n. 33.* ubi probabiliter contrarium asserit. 4. Licet modo prædicto Clerici compelli possunt ad dimittendas concubinas, aliasque personas suspectas, non tamen ad juramentum de iis amplius non recipiendis sunt cogendi. *c. 3. h. t.* Ratio, quia juramentum est remedium subsidiarium, quod adhiberi non solet, nisi alijs remedijs deficientibus, talia autem non deficiunt, cum suspensione, excommunicatione, depositione ad has deferendas compelli possint. Demum de jure communi feminae contra decorem Ordinis Clericalis cum Clerico delinquentes subjiciuntur judici Ecclesiastico; ob sacrilegium scilicet quod ipsæ cum Clerico peccando committunt; in praxi autem id non observatur.

T I T U L U S III.

De Clericis conjugatis.

Quest. 1. *An, qui & quo jure Clerici prohibeantur inire matrimonium?* Resp. 1. Clerici in minoribus tantum constituti, etiamsi fuerint beneficiati, licite & valide matrimonium contrahunt. *canon. 3. & 13. dist. 32. canon. 8. W. si vero caus. 12. qu. 1. cap. 1. h. t.* Si tales Clerici fuerint voto castitatis simplici obstricti, valide saltem matrimonium inire possunt, nisi votum illud castitatis veros constituat Religiosos, quo casu nec validum erit matrimonium stante voto contractum.

Resp. 2. Clerici in aliquo Sacro Ordine constituti nec valide nec licite matrimonium contrahunt. *c. 1. h. t. c. 2. qui Cler. vel. vov. Trid. Sess. 24. can. 9.* Extenditur etiam hæc lex ad Clericos Ecclesiæ Græcæ, in qua nunquam licuit matrimonium contrahere post susceptos S. Ordines. *can. 7. dist. 32. junct. Gloss. imo contractum juxta Barboz. c. 6. h. t. n. 2. fuit irritum.*

Resp.

Resp. 3. Cœlibatus annexus est Ordinibus sacris non *ex præcepto naturali*, quia altaris ministerium non repugnat simpliciter usui conjugali; utpote per se honesto; neque *ex Lege positiva divina*, quia talis nec ex scriptura, nec ex traditione colligitur; sed *ex voto c. 6. b. t. c. un. de vot. in 6.* ad quod emittendum obligat Ecclesia suscipientes SS. Ordines, etsi Ecclesia Græca, ut dicitur. *c. 1. b. t.* præceptum hoc non admiserit. Potuisse Ecclesiam annectere SS. Ordinibus obligationem, patet inde, quia hoc modo neminem *directe* cogit; plurimasque habuit causas id statuendi. Hodie votum hoc emittitur tacite, saltem *a sciente* illud annexum; aut illud positive malitiose non excludendo. Vide Laym. *L. 5. Tr. 9. c. 11. n. 5.* ubi probat, nunquam fuisse in universali Ecclesia permisum, uxoribus prius ductis uti post susceptum Presbyteratum.

Q. 1. *An & qualiter conjugatus promoveri possit ad SS. Ordines?* Resp. 1. Clerici Græci, qui vel minoribus sunt initiati, vel ante Clericatum matrimonium contraxerunt cum una, eaque virgine; jam conjugati ad Ordines Sacros promoveri possunt, & uti matrimonio. *c. 6. b. t.*

Resp. 2. Clerici Latini conjugati non possunt licite promoveri ad SS. Ordines, nisi qui conjugati cum una, eaque virgine, perpetuam continentiam voverint, obtento desuper consensu uxoris: uxor vero, si velit in sæculo manere, & ipsa castitatem voveat, sitque ejus ætatis, ut extra periculum incontinentiæ esse videatur; alias & ipsa Religionem debet ingredi. *cap. 2. hoc titul. cap. 5. de conv. conjub. Extrav. Antiquæ. Joann. XXII. devot.*

Quest. 3. *An Clericus conjugatus possit promoveri ad beneficia?* Resp. Absque dispensatione S. Pontificis non potest, nisi sub conditionibus in Resp. 2. *preced. Q. dictis*, juxta. *c. 2. & 8. b. t. & Extrav. Antiqua cit.* estque talis collatio ipso jure nulla. Pirh. *b. num. 2.* Extenditur responsio, ut nec Clericus conjugatus obtinere possit absque simili dispensatione administrationem Ecclesiasticam vel pensionem. Ratio, quia Clericus conjugatus excepto privilegio canonis & fori juxta, *cap. un. b. t. in 6.* habetur ut laicus, laicus vero nec beneficii, nec

hec administrationis aut pensionis Ecclesiasticæ capax est c. 17. de rescript. ergo.

Q. 4. An & qualiter Clericus contrahendo matrimonium beneficia præhabita amittat? Resp. 1. Clericus in majoribus constitutus, si attentet matrimonium, quod juxta dicta est invalidum, sic punitur: 1. fit irregularis. *can. 32. caus. 27. qu. 1. c. 1.* & 2. qui Cler. vel vow. 2. tanquam excommunicatus est publice denunciandus. *Clem. unic. de consang. & affn.* 3. compellendus est per censuras ad uxorem; quam nulliter duxit, dimittendam. *cap. 1. h. t.* Non tamen incurrit privationem beneficiorum ipso jure; sed modo per sententiam judicis est privandus. *c. 1. h. t.* Unde & arg. quod non amittat ipso jure privilegia Clericalia.

Resp. 2. Clericus beneficiatus minorista valide contrahens matrimonium, etiam ratum tantum, ipso facto & jure amittet beneficia, eaque vacant citra omnem sententiam judicis; ita ut statim ab eo momento alteri conferri possint. Probatur ex *c. 1. h. t.* quod alias obijci solet. Ratio; quia matrimonium est status impossibilis cum beneficio Ecclesiastico, *cap. 3. & 5. h. t.* ergo Clericus assumens libere talem statum censetur tacite & ipso facto renuntiasse beneficio. Utrum vero Clericus contrahens matrimonium ob impedimentum dirimens, vel alium effectum invalidum amittat pariter ipso jure beneficia præhabita, disputant AA. Vid. *Leur. hoc tit. Q. 46.* Schmalzgr. tenet negat. eo quod celsit hoc casu ratio, ob quam amissio beneficiorum inducta est &c.

Q. 5. Clericus in minoribus constitutus contrahens matrimonium, an & quæ privilegia Clericalia amittat? Resp. 1. Talis Clericus, si observet certas condiciones, de quibus statim, gaudet privilegio canonis & fori, sed hoc in causis criminalibus; siue dein intententur criminaliter, siue civiliter. arg. *c. un. h. t. in 6.* 2. Condiciones utroque hoc privilegio fruendi copulative requisitæ sunt, ut Clericus ejusm. cum una eaque Virgine contraxerit. Deinde ut deferat tonsuram & vestes Clericales. *c. un. h. t. in 6.* Demum ex Constit. *Trid. Sess. 23. c. 6. de ref.* ut Ecclesiæ alicujus servitio sit ab Episcopo deputatus, eique actu serviat. Aliis privilegiis Clericalibus, quale est

est privilegium competentiae ex cap. Odoardus de solut. privilegium immunitatis a tributis, collectis, vestigalibus &c. nullo modo gaudet, ut patet ex cit. cap. um. b. tit. in 5.

T I T U L U S IV.

De Clericis non residentibus in Ecclesia vel Præbenda.

Quest. 1. Quid & quotuplex sit residentia? Resp. 1. Est praesentia seu commoratio assidua in loco beneficii, causa servitii Ecclesiastici personaliter praestandi. Praesentia ut assidua esse dicatur, non sufficit, per intervalla residere beneficiatum, sed requiritur, ut semper moraliter saltem, beneficiatus sit praesens. In loco beneficii Episcopus dicitur, si sit in Ecclesia Cathedrali, vel saltem in Dioecesi: Canonicus, si Ecclesiae suae ita adsit, ut in dies per se ipsum inservire possit: Parochus, si in domo Parochiali, vel hac deficiente, intra fines Parochiae habitet. Causa servitii Ecclesiastici adesse debet ita, ut si quidem versetur in loco, officium tamen non praestet, residere minime censeatur: Imo non satisfacit obligationi suae beneficiatus, qui licet in loco beneficii resideat, actus tamen beneficio annexos non per se, sed per alios exercet. Ratio, quia residentia laboriosa est, non otiosa; & arg. c. 4. & 6. b. t. Unde multi concludunt, talem beneficiatum, v.g. Parochum omnia per suos Capellanos administrantem fructus non facere suos.

Resp. 2. Alia est residentia vera, cum beneficiarius vere praesens est in loco beneficii, & personaliter exercet officium, propter quod beneficium est datum. Alia ficta, quando absens a loco beneficii juris interpretatione pro praesente habetur in ordine ad lucrandos fructus Schmalzgr. b. n. 6. Pichler b. t. n. 2. dividit residentiam in voluntariam & necessariam hanc in praecisam & causativam.

Quest. 2. Quo jure introducta sit obligatio residendi? Resp. 1. Beneficarii, simplicia tantum beneficia ob-
nen-

nentes, jure solum Ecclesiastico, per se ipsos tamen residere tenentur. Ratio, quia alia obligatio non reperitur ullibi expressa.

Resp. 2. Beneficiati Curati, & in specie Episcopi, Parochi, Vicarii perpetui, obligantur jure etiam divino & naturali (saltem in thesi & conditionate) residere in suis Ecclesiis. Trid. sess. 6. c. 1. de reform. ubi explicat verba scripturæ attendentes sibi & universo gregi & illa: tu vero vigila. item in sess. 23. cap. 1. de reform.

Q. 3. An obligatio residendi per dispensationem, consuetudinem, privilegium non possit tolli vel saltem mitigari? Resp. 1. Circa beneficia simplicia dubium non est, quin & per dispensationem summi Pontificis, & per contrariam consuetudinem obligatio residendi vel tolli vel saltem possit modificari; exceptiones tamen quasdam notat Schmalzgr. b. a n. 30.

Resp. 2. Nec obligatio residendi in beneficiis curatis tam est absoluta, ut per privilegium, dispensationem, aut consuetudinem non sufficiat residere, & officium Ecclesiasticum præstare per substitutum, eo munere æque bene vel melius fungentem. Ratio, quia jus divinum & naturale Curatos non absolute, sed conditionate obligat ad personaliter residendum, si scil. per alium non æque bene, vel melius exerceatur officium, vel si ex absentia oriatur periculum ovium aut detrimentum.

Q. 4. An & quæ causæ sint excusantes a continua residentia? Resp. Trid. sess. 23. cap. 1. ¶. nam cum de res. enumerat 4. causas, quæ possint beneficium excusare a residentia. 1. est Christiana charitas, si v. gr. Episcopus vel alius Curatus discedit ad convertendos hæreticos: opus tamen est Episcopo licentia Metropolitani vel Papæ, inferiori Curato licentia Episcopi. 2. Urgens necessitas; talis esset hostilis incursio, capitales inimicitiae, corporis infirmitas, aeris intemperies, ob quam Episcopus in alio loco suæ diocesis residere potest, modo vadat ad Cathedram temporibus præscriptis a Trid. loc. cit. Contagium in loco Parochiæ grassans Parocho non est iusta absentiae causa, quia tunc vel maxime oves opus habent pastoris præsentia, & solatio. Si tamen habet idoneos Vicarios, non tenetur per se Sacramenta pesti-

feris administrare. S. Congreg. Decret. edit. die 23. Septemb. 1576. 3. *Debita obedientia*, ut si clericus abest ab Ecclesia sua servitii Episcopo exhibendi. *cap. 15. h. t. & Trid. sess. 24. c. 12. in fin. de reform.* Soli tamen Canonici & beneficiarii simplices, non autem Curati ita possunt occupari in servitio *Papæ aut Episcopi*, ut fructus *grossos* sive annuos Præbendarum suarum etiam absentes lucrentur, nisi tamen exigat necessitas aut major utilitas publica. arg. *cap. 14. & 15. h. t. Leur. For. Benef. p. 1. Q. 385. n. 1. & seq. 4. Evidens Ecclesiæ vel Reip. utilitas*, ut si quis alibi defendat jura Ecclesiæ suæ; si discedat ad Concilium Generale vel Provinciale; si Clericus absit studiorum causa. *c. 4. & 12. h. t. Trid. sess. 5. c. 1. de reform.* Vide Schmalzgr. *h. a n. 60.*

Q. 5. Quid specialiter circa residentiam, vel non residentiam Episcoporum notandum? Resp. 1. Episcopi possunt citra licentiam a S. Pontifice vel Metropolitano impetrandam duobus, vel ad summum 3. mensibus ab Ecclesia sua abesse, modo id non fiat temere, & absque gregis detrimento, quod ipsorum conscientia relinquitur. *Trid. sess. 23. c. 1. de reform.* Quod si diutius eos abesse necesse sit, debent causam absentia S. Pontifici, vel Metropolitano, vel illo absente Seniori Suffraganeo significare, ac in scriptis approbationem impetrare, nisi periculum sit in mora, vel absentia contingat propter officium Episcopatus annexum, cujus causa est notoria. *ibidem.*

Resp. 2. Circa Episcopos non residentes hodie observanda est forma Decreti in Conc. Trid. *sess. 6. c. 1. præscripta*, ubi statuitur, quod Episcopus vel alius Prælatas superior, si ultra 6. menses illegitime sit absens, quartam partem reddituum unius anni ipso jure amittat, quæ per superiorem fabricæ Ecclesiæ vel pauperibus erit applicanda. Si per alios 6. menses in contumacia perseveret, rursus aliam quartam partem fructuum similiter applicandam eo ipso amittat. Crescente autem contumacia, per Archi-Episcopum vel Suffraganeum seniore denuntiari decet S. Pontifici infra 3. menses, ut pro arbitrio illius Ecclesia vel Episcopatus privetur. Deinde in *sess. 3. cap. 1. pœnæ prædictæ confirmantur*, & præterea statuitur, Episcopum ultra 3. men-

3. menses sine licentia & rationabili causa se absentatum reatum quoque peccati mortalis incurrere, fructusque pro rata temporis absentiae suos non facere, demum in Constitut. Pii IV. relata in cit. *sess. 6 c. 2.* habetur, quod, si illegitime absentes extra suam Ecclesiam moriantur, bona eorum tanquam spolia ad Cameram Apostolicam pertineant.

Resp. 3. Quod si Episcopi ultra 2. aut 3. menses a loco beneficii absque legitima causa absint, præter peccatum grave pro rata temporis absentiae fructus non faciunt suos, sed ante omnem sententiam, etiam declaratoriam, tenentur vel applicare Ecclesiae vel erogare in pauperes. Trident. *sess. 23. cap. 1. de reform.* Dicendumque est, a Trident. poenam in *sess. 6. cap. 1. de reform.* statutam fuisse exasperatam, forte quia adverterat, priorem minus profecturam. Alii aliter combinant Trid.

Q. 6. *Quid de Abbatibus, aliisque Prælati Episcopo inferioribus dicendum?* Resp. 1. Et hi ad residentiam personalem obligantur, quia & ipsi nomine Pastorum & Curatorum Episcopis inferiorum nomine veniunt, de quibus loquitur Trident. cit. *sess. 23. cap. 1. V. eadem omnino.* 2. Non tamen Abbates illi, si debite non resideant, poenas paulo ante enumeratas incurrunt, quia ob votum Religiosæ paupertatis redditus proprios non habent, sed omnia acquirunt monasteriis. Itaque modis aliis juxta cujusque Ordinis regulam & usum plecti debent. 3. Si Abbates aliique Prælati Episcopo inferiores sint exempti, & jurisdictione quasi Episcopali gaudeant, uti Episcopi, ipsi etiam duobus saltem, vel 3. mensibus sine licentia Superioris annis singulis abesse possunt. Ratio, quia veniunt nomine Episcoporum: si vero non sint exempti, sed subjaceant Episcopo, verius est, licentia Episcopi iis opus esse per Trid. citat. *sess. 23. c. 1. V. eadem omnino.*

Quæst. 7. *Quid juris circa absentiam Parochorum & aliorum Curatorum?* Resp. 1. Parochi non possunt de jure sine licentia abesse a suis Parochiis, etiam ad duos tantum menses. Ratio est, quia in Trident. *sess. 23. c. 1.* expresse statuitur, ut *quandocumque eos abesse contigerit, discedendi licentiam in scriptis gratisque concedendam,*

dam, ultra bimestre tempus, nisi ex gravi causa, non obtineant. 2. Engel non audet damnare consuetudinem, si Parochus absque petita licentia per aliquot hebdomadas absit iusta de causa, & absque periculo damnificandi plebem, substituto nimirum Vicario idoneo. Ratio, quia obligatio petendi licentiam supposita iusta causa, ex mero jure positivo est introducta, ergo, sicut omnis alia lex humana, per consuetudinem tolli potest. 3. Pœnæ Parochorum non residentium eadem fere sunt, quæ Episcoporum; unde præter reatum gravis peccati fructus absentiae suos non faciunt. Trid. sess. 23. cap. 1. Citandi etiam sunt personaliter per nuntium aut literas, ut resideant. cap. 8. 10 & fin. b. t. vel si lateant, per edictum c. 8. cit. imo juxta Trid. loc. cit. statim possunt citari edictaliter, licet sciatur ubi morentur non residentes. Atque tum, si perseverent in contumacia, vel per censuras ad residendum compellendi, vel beneficio sunt privandi. cap. 2. & seq. b. t.

Q. 8. *Quid de Canonicorum residentia dicendum?* Resp. 1. Canonici Ecclesiarum tam Cathedralium quam Collegiatarum non tantum vi juris communis, quia scilicet beneficium datur propter officium, sed etiam ex speciali Trid. Constitutione sess. 24. c. 12. de reform. §. præterea ad personalem residentiam tenentur. 2. Possunt tamen etiam non substituto Vicario quolibet anno per 3. menses vel continuos vel interpolatos licite absque petita licentia abesse, nisi consuetudo vel mens Fundatorum longius residentiae tempus, quam 9. mensium exigant, Trid. cit. 3. Lucrantur fructus saltem annuos & grossos, dum vel dictis 3. mensibus, vel alias ex iusta causa cum licentia Episcopi absunt. Ratio, quia habentur quidem pro residentibus, non tamen pro intercurrentibus. Fagnan. in cap. licet 32. de præb. num. 72. 92. & seq. adducens Declarationem S. Congreg. 4. De pœnis Canonicorum debite non residentium vide Trid. sess. 24. cap. 12. de reform. add. Reiffenst. num. 124. & seq. Pichl. num. 19.

Quæst. 9. *Quid juris sit circa distributiones quotidianas?* Resp. 1. Distributiones quotidianæ sunt portiones quotidie distribui solitæ iis tantum Clericis, qui statutis horis intersunt divinis officiis. Vocantur fructus præ-

sen-

sentia, & interessentia, nec nomine fructuum regulariter veniunt. Agit de iis Trid. sess. 21. c. 1. de reform. 2. Regulæ generalis loco est, quod illis tantum Clericis debeantur, qui statò tempore interfunt divinis officiis. cap. unic. b. t. in 6. Trid. sess. 24. c. 12. *W. distributiones vero, de reform.* Imò multi ob verba Trid. sess. 24: cap. 12. (*Omnes vero divina per se & non per substitutos compellantur obire officia.... atque in choro ad psallendum instituto, hymnis & canticis DEI nomen reverenter, distinde, devotèque laudare*) colligunt, teneri Canonicos cantare in choro, ut distributiones percipiant; quæ sententia de jure scripto vera est, consuetudine tamen contraria obsoleta. 3. Distributiones quotidianæ, quas Canonici ob absentiam in divinis amittunt, pro diversitate casuum in Trid. sess. 21. cap. 3. de reform. & sess. 22. c. 3. de reform. vel fabricæ vel reliquis accrescunt, attendenda etiam plurimum est consuetudo Ecclesiarum. 4. Casus & causæ tres enumerantur in cap. unic. b. t. in 6. ob quas Canonici non tantum pro præsentibus habentur quoad fructus annuos, sed & pro interessentibus in ordine ad distributiones; scil. *infirmas gravis*, sive jam actu præsens, sive quæ merito timeatur ex accessu ad Ecclesiam; etiamsi quis propria culpa sibi morbum accersiverit. Deinde *iusta & rationalis corporis necessitas*, quæ vel absolutam aufert impotentiam, vel moralem, ut si quis *injuste* incarcerationis, inique foret excommunicatus; vel absque gravi periculo vitæ aut fortunarum accedere non posset Ecclesiam, v.g. ob inclementiam aeris, insidias inimici: Demum *evidens Ecclesiæ propriæ utilitas*; hinc gaudet distributionibus, qui Romæ agit negotia suæ Ecclesiæ; qui pro defensione jurium Capituli abest; qui mittitur nomine Episcopi ad visitanda limina Apostolorum, ad Concilium, ad gratulandum Principi de felici adventu &c. Quibus addi potest. 1. Dispensatio vel privilegium Papale. 2. Dispensatio Episcopi ad breve tempus. 3. Consuetudo saltem post Trident. introducta. 4. Merita præcedentia, si quis per 40. annos assidue interfuit divinis.

T I T U L U S V.

De Præbendis & Dignitatibus.

Quest. 1. *Quid sit Præbenda, seu beneficium, & quomodo ab aliis, quæ beneficia non sunt, distinguatur?* Resp. ad 1. Præbenda vel sumitur *latissime*, & denotat omnem perceptionem reddituum Ecclesiasticorum, etiam si Laico competat v.gr. propter Advocatiam, vel aliud obsequium sæculare. Vel sumitur *stricte* & denotat jus percipiendi redditus Ecclesiasticos in Ecclesia Cathedrali vel Collegiata. Vel denique *late* sumitur & coincidit cum *Beneficio Ecclesiastico* saltem *inferiore*; *Majora* enim beneficia *Dignitates* dicuntur: *Præbenda* jam siue *Beneficium Ecclesiasticum* est jus perpetuum percipiendi redditus ex bonis Ecclesiasticis propter aliquod servitium spirituale, autoritate Ecclesiæ constitutum. Explicationem definitionis vide apud Schmalzg. *hoc a num. 2.*

Resp. ad 2. Imo. *Commenda*, qua Ecclesia vel beneficium alicujus Clerici custodiæ, administrationi & curæ committitur, si est *Perpetua* seu quamdiu Commendatarius vivit, beneficium est. Ratio, quia ejus concessio vim & effectum beneficii præbet. Secus si sit *Temporalis*, seu concessa, quamdiu ejus Rector abest. Eodem modo differendum est de *Vicaria*, quæ maxime locum habet in beneficiis Parochialibus, in quibus subinde quis substituitur ad exercendam curam animarum, vel ad tempus & revocabiliter, & dicitur habere *Vicariam Temporalem*, vel in perpetuum, & est *Vicaria Perpetua*. 2. *Capellania*, quæ est obligatio annuatim vel hebdomadarum unam vel plures Missas celebrandi in certa Ecclesia vel Altari, tum beneficium est, si sit *collativa*, id est, si autoritate Ecclesiastica intercedente collata sit, & quidem in Titulum perpetuum. 3. *Pensio* Clericalis, quæ est jus exigendi certos fructus ex alieno beneficio, si concessum sit alicui ad tempus vel ad vitam pensionarii, beneficium non est. 4. De *Præceptoriiis*, quo nomine veniunt Commendæ apud Equites Ordinum militarium: de *Præstimonis*, quæ sunt

sunt stipendia Clericis, præcipue dum studiis dant operam, ex redditibus Ecclesiæ dari solita; de *Beneficiis manualibus*, quæ scil. alicui conferuntur, ut sint ad nutum conferentis etiam absque causa ulla denuo auferibilia, dicendum est, proprie talia beneficia non esse.

Q. 2. *Quotuplex sit Beneficium?* Resp. 1. Aliud est duplex, aliud simplex. *Duplex* est, quod præter alia beneficiis omnibus communia superadditam habet aliquam juris qualitatem, v. g. præminentiam, vel administrationem, vel curam animarum. *Majora* sunt Episcopatus, Archi-Episcopatus &c. usque ad Papatum: hæc nomine beneficiorum in odiosis non veniunt. *Media* sunt reliquæ dignitates inferiores, uti Præpositura, Decanatus, Vicariatus Generalis &c. ubi & notandum discrimen inter *Dignitatem*, *Officium*, *Personatum*, de quibus passim AA. *Infima* beneficia duplicia sunt, quæ jurisdictionem in foro tantum interno annexam habent, quemadmodum Parochiæ, Plebanatus, Vicariæ perpetuæ. *Beneficium simplex* est, quod non est affectum tali juris qualitate, seu quod nullam habet præminentiam, administrationem, jurisdictionem, uti sunt Capellanæ, Canonicatus; qui tamen in Ecclesiis præcipuè Cathedralibus ordinarie non veniunt nomine beneficiorum simplicium; etiamsi non sint Dignitates vel Personatus, sed vocantur *Simplicia Majora*, quasi tertiam classem constituunt inter simplicia & Curata.

Resp. 2. Beneficium iterum aliud est *Sæculare*, aliud *Regulare*. *Sæculare*, quod Clericis sæcularibus, nullam scil. Religionem Professis, per se conferri debet. arg. canon. 22. caus. 16. qu. 7. cap. 5. & 32. h. tit. in 6. *Regulare*, quod tantum est conferendum Religiosis, & per hos administrandum, ut sunt Abbatis, Prioratus &c. 2. In dubio præsumendum est beneficium non Regulare, sed sæculare. Gonzal. in Reg. 8. *Cancell. gloss. 7. n. 1.* 3. Ut beneficium sæculare via præscriptionis transeat in Regulare, vel vicissim, requiritur possessio quadragenaria. arg. cap. 5. h. t. in 6. Tum ut possidentes legitime instituti fuerint. cap. 1. de R. J. in 6. Demum bona fides & justus titulus. 4. Regulariter Clerico sæculari sæculare, Regulari Regulare beneficium conferendum; potest tamen Regularis sæculari beneficio præfici,

& contra, de plenitudine potestatis Papalis. *c. 5. b. t. in 6.* vel si urgeat necessitas, ut in casu *cap. 5. de Relig. dom.* id potest Episcopus. Item Regulares, etiam Monachi, promoveri possunt ad dignitatem *Episcopalem* si ve in seculari, si ve Regulari Ecclesia, *c. 28. de Elect. in 6. Clem. 1. in fin. cod.* Demum licet olim juxta *canon. 31. c. 34. caus. 16. qu. 1.* potuerint Religiosi etiam Parochiis præfici, ait tamen Schmalzg. *b. num. 23.* probabilius esse, in hodie de puncto juris absque dispensatione Apostolica fieri non posse, nisi beneficium Parochiale fuerit plene cuidam monasterio incorporatum. Allegat Declar. Cardin. edit. jussu Gregor. XIII. 8. Julii 1581. ubi declarari ait, Regulares nequidem cum consensu Generalis sui posse ad beneficium Curatum assumi. Idem decret. S. Congreg. Episc. edit. jussu Clem. X. 17. Martii: 1671: ubi priora confirmantur. Denique speciali indulto, quo S. Pius V. ad preces Philippi II. Hispaniarum Regis concessit Regularibus cujuscumque Ordinis, ut in Indiis de licentia superiorum suorum officium Parochi administrare valeant.

Resp. 3. Beneficium rursus aliud est *Manuale*, quod inter beneficia stricte numerandum non esse, dixi superius. Aliud *non Manuale*, seu *simpliciter Titulare*, quod confertur in titulum perpetuum, ita ut semel collatum beneficiato eidem auferri nequeat absque justa & in jure expressa causa. Pirh. *b. n. 14.* Aliud *Patrimoniale*, quod conferri non potest, nisi Clerico patriz, loci, vel Parochiæ alicujus; aliud *non Patrimoniale*, quod cuilibet digno undecumque oriundo conferri potest. Aliud etiam est *Electivum*, quod per suffragia Capitularium, accedente dein superioris confirmatione vel admissione, obtinetur; aliud *Patronatum*, in quo quis ad præsentationem Patroni, ab Episcopo vel alio Prælato Ecclesiastico instituitur, uti plerique Parochi solent institui; aliud *Collativum* si ve *Liberum*, quod libera voluntate ejus, ad quem collatio pertinet, absque prævia electione, nominatione aut præsentatione, cui libuerit, modo habebat requisita, confertur. Notasse hic juvat discrimen inter *Collationem specificè sumptam*, seu *liberam*, quæ est gratuita concessio beneficii vacantis sine præcedente electione &c. & inter *Institutionem specificè sumptam*

ptiam seu Collationem necessariam, quæ fit prævia præsentatione vel Nominatione Patroni, de qua in Tit. 7. hujus Libri.

Quæst. 3. Quibus conferenda beneficia? Resp. 1. Qualitates Clericorum, quibus conferri & possunt & debent beneficia; enumeratæ sunt tum Tit. 6. qu. 3. tum Tit. 14. qu. 1. & seq. Lib. 1. Decret. 2. Quibus conferendæ Ecclesiæ Parochiales, vide Trid. sess. 24. de refor. c. 18. 3. Quæ Pich. b. num. 33. & seqq. tractat de intentione requisita in recipiente beneficium Parochiale, vel Canonicatum, cui Ordo sacer annexus, dictum est supra; uti etiam de Religiosorum capacitate vel incapacitate ad beneficia curata. 4. Novitio Religionis beneficium sæculare conferri potest, quia etiamnum sui juris est; non Regularem habens administrationem. c. 28. de elect. in 6. ex ratione in cap. 49. de elect. insinuata; secus si hanc non habeat, Trid. sess. 14. cap. 10. de Regul. 5. In beneficiis jure sanguinis succedi non potest, uti ratio, & cap. 1. b. t. probat. 6. Possè absenti conferri beneficium, quò sive per se, sive per alium; etiam laicum speciali mandato instructum, acquirat jus in re, habetur cap. 17. de præb. in 6.

Q. 4. Quomodo conferenda beneficia? Resp. 1. Gratis, canon. 3. & 7. caus. 1. qu. 3. Extrav. Cum detestabile inter Comm. de Simon. alias committeretur Simonia. 2. Libere, scil. non per vim aut metum, c. 2. de bis, quæ vi, nec sub aut obreptitie. c. 23. b. t. in 6. c. 8. & 19. de rescr. 3. Palam, coram testibus saltem duobus. 4. In scriptura, concordat praxis. 5. In perpetuum, alias proprium beneficium non est. 6. Non conditionate, arg. cap. 2. de elect. in 6. si scil. conditio extranea sit. 7. Non alternative vel disjunctive. v. g. confero beneficium Titio vel Cajo arg. c. cit. 8. Non unum idemque duobus, c. 20. b. t. 9. sine diminutione, ut dicetur tit. 12. seq. 10. Intra certum tempus; de quo cap. 2. §. cum vero, de concess. præb. & Schmalzgr. n. 36. eod. tit.

Resp. 2. Collatio beneficii sub modo, quia a natura non inest, est invalida; secus si insit: sic valet hæc collatio: Confero tibi beneficium Parochiale, ut intra annum suscipias Sacerdotium, quia per talem modum nihil additur actui, nihil demitur, sed tantum, quod implicite continetur,

tur, explicatur. Idem dicendum de Collatione beneficii *sub pæto*. Collatio beneficii *sub onere* quomodo fieri aut non fieri possit, dicitur ad *Tit. 12. seq.* Forma conferendi beneficia Parochialia, scil. per concursum, præscribitur in *Trid. sess. 24. c. 18. de reform.*

Q. 5. *An uni possint plura beneficia conferri?* Resp. 1. Dari beneficia *compatibilia*, quorum plura, duo *nimirum*, uni eidemque subjecto licite conferri, ab eoque possint retineri, præter *c. 7. de rescript. in 5. Clem. 4. eod.* supponit *Trid. sess. 7. c. 4. de refor.* Talia sunt duo beneficia simplicia sæcularia, residentiam continuam non requirentia, modo unum non sit sufficiens ad honestam sustentationem. *Trid. Sess. 24. c. 17. de reform.* & modo non sint *uniformia*, id est, ejusdem rationis; nec sub *eodem testō*, seu in una eademque Ecclesia, vel altari. *c. 9. de Concess. præb.*

Resp. 2. Beneficia plura ex sua natura incompatibilia id est, quæ vel *continuum residentiam* requirunt, vel *ratione servitii se non compatiuntur*, non possunt prohibente ita non tantum jure positivo ob *c. 5. 7. 14. 28. h. t. Clem. 3. eod. Trid. Sess. 7. c. 4. & sess. 24. c. 17. de refor.* sed etiam jure naturali, in *thesi saltem & conditionate* juxta dicta ad *Tit. 4.* supra, uni eidemque subjecto conferri. Unde nec per consuetudinem, nec per privilegium aut dispensationem absque justa causa induci poterit, ut quis plura beneficia, saltem quoad residentiam & servitium incompatibilia, habeat. *cap. 1. de consuet. in 6. Trid. sess. 24. cap. 17. cit.* Causæ dispensandi justæ sunt necessitas vel utilitas *Ecclesiæ*; evidens meritorum prærogativa &c.

Resp. 3. Hodie obtento plene beneficio secundo, ex natura sua incompatibili, *statim* ipso jure primum vacat *quoad titulum*, & si quis utrumque retinere vellet, etiam secundum vacaret. *Trid. sess. 7. c. 4. de reform. Extrav. Execrabilis. Jo: XXII. h. t.* facile explicatur *Trid.* in contrarium allegari solitum *sess. 24. c. 17. de refor.* Beneficia taliter impossibilia sunt Episcopatus cum pacifica & *frugifera* possessione, & beneficia prius obtenta, non tamen Cardinalatus; duo beneficia uniformia. *Trid. cit. duo curata. cap. 28. h. t. in 6.* duæ dignitates, & probabilius etiam duo beneficia simplicia, vel Canonic-

natus, requirentes personalem residentiam, ob verba Trid. aut alia incompatibilia.

Q. 6. Quibus *ius & potestas Beneficia Ecclesiastica conferendi competat?* Resp. 1. De jure communi & seclulis consuetudinibus, privilegiis & indul. is Sedis Apostolicæ, amplissimam potestatem conferendi Beneficia Ecclesiastica habet summus Pontifex. c. 2. h. t. in 6. Clem. 1. in fin. ut lit. pend. Ratio, quia est Ordinarius Ordinariorum, habens concurrentem jurisdictionem cum omnibus Ecclesiæ Prælatiis. Confert autem vel *Jure præventionis*, dum concedit alicui gratiam expectativam, vel mandatum de providendo, scil. mandando, ut alicui beneficium proxime vacaturum conferatur. Vel *Jure concursus*, vi cujus ius habet cumulative cum Collatoribus omnibus inferioribus beneficia actu vacantia conferendi; hoc casu præferetur collatio illius, qui prior contulit; in dubio, & dum neuter ex collatoriis actualem habet possessionem, standum est collationi a Papa factæ. cap. 31. h. t. in 6. Neutro tamen modo conferendi uti solet S. Pontifex; sed vel *jure reservationis*, vi cujus beneficia confert, quorum collationem sibi reservavit privative; vel *jure devolutionis* de quo infra Tit. 8. Circa ipsam Provisionem Pontificiam quid advertendum sit. Vide Leur. *Forum Benef. part. 2. qu. 786.* Engel a num. 55.

Resp. 2. De *Legatis a Latere* quod de jure quidem communi concurrant in collatione beneficiorum cum Ordinariis ex c. 1. & 6. de offic. Legat. in 6. dictum est ad Tit. 30. Lib. 1. Decret. non autem post Concordata Germaniæ, probat Engel h. t. num. 60.

Resp. 3. *Episcopi*, & qui nomine Episcoporum veniunt, de jure communi habent potestatem conferendi omnia beneficia Diocesis suæ cap. 16. de offic. Ordin. cap. 3. de Instit. cap. 12. §. fin. de heret. modo sint tales Episcopi confirmati, consecratos enim esse necesse non est. Exciipiuntur Beneficia Sedi Apostolicæ reservata: beneficia, quorum collatio ad alium quempiam, maxime ex privilegio Apostolico, præscriptione, devolutione, spectat. Collatio Præbendarum, Canonicatum, Dignitatum in Ecclesiis Cathedralibus de jure communi pertinet ad Episcopum & Capitulum simul, ita ut Episcopus ha-

habeat unam vocem, & totum Capitulum alteram. *c. 15. de concess. præb.* In Ecclesiis Collegiatis, præscindendo iterum a consuetudine, jus præsentandi seu eligendi ad Canonatum competit Capitulo, ejusque Superiori immediato, jus instituendi & confirmandi Episcopo. Schmalzgr. *b. t. n. 52.*

Resp. 4. *Capitulum Cathedrale* Sede vacante illa tantum beneficia conferre potest, quorum collatio ad ipsum & Episcopum viventem pertinebat *cap. unic. ne sen. de vac. in 6.* non illa, quorum collatio ad solum Episcopum spectabat. *c. 1. de Instit. in 6. c. 14. de Major. Vicarius Generalis* non habet jus sine speciali mandato beneficia conferendi ad liberam collationem Episcopi pertinentia. *cap. fin. de offic. Vicar. in 6.* Nec Canonici *singulares de jure communi* quidquam juris habent circa collationem beneficiorum; in nostris tamen partibus fere per turnum conferre solent.

Resp. 5. Laicus quidem nec *de jure*; quia potestas conferendi beneficium spiritualis est; nec *de consuetudine aut præscriptione*, quia seculo privilegio est incapax possidendi jus collationis beneficiorum; *per privilegium tamen Pontificium* habilis esse potest ad jus beneficia conferendi, arg. a pari de Jure Patronatus. Ceterum verus possessor juris conferendi beneficia licite potest & valide ea conferre. *c. 7. de caus. possess. & propri.*

Q. 7. *Quale jus Collatario acquiratur in beneficio per factam sibi collationem?* Resp. Collatio acceptata tribuit acceptanti jus in re & quasi dominium collati beneficii prius etiam, quam tradatur, *c. 17. b. t. in 6. c. fin. de concess. præb. eod.* Si collatio sit quidem oblata, nondum tamen acceptata, acquiritur saltem jus ad rem; ut a Collatore revocari non possit taliter facta collatio, nec beneficium alteri conferri, *c. 17. cit.* Potest tamen Episcopus vel Collator præfigere terminum Collatario, intra quem acceptet collationem. Schmalzgr. *b. n. 65.* quo tamen elapso adhuc utiliter Collatarius consentiet, casu quo alteri beneficium necdum est collatum ibidem *num. 56. & 67.* agit, quomodo absenti interveniente persona tertia beneficium conferatur:

Quest. 8. *Quis unire possit beneficia Ecclesiastica, & quæ?* Resp. 1. Unio beneficiorum (quæ est duorum vel plu-

plurium beneficiorum aut Ecclesiarum a legitimo superiore facta annexio) fieri potest tripliciter, dum vel ex duobus beneficiis fit unum, ut in tertium aliquod & distinctum Corpus coalescant; vel dum unum beneficium utitur *accessorie* alteri tanquam principali, ut huic quasi superiori subjiciatur; vel dum duo beneficia æque principaliter uniuntur: ex qualibet harum unionum varii consequuntur effectus; uti & ex *incorporatione* beneficiorum Monasteriis facta, dum subinde beneficia incorporantur Monasteriis *tantum quoad temporalia*, alias *pleno*, item alias *plenissimo jure*.

Resp. 2. *Unire perpetuo* potest beneficia diocesanos suæ Episcopus, *cap. 8. de excep. Præl.* Veniunt autem nomine Episcoporum non tantum Prælati Superiores Episcopis pro suis diocesibus, & Papa pro toto orbe. *c. 2. b. t. in 6.* Sed etiam *de jure communi* Legatus a latere: arg. *c. 1. §. fin. de offic. Leg. in 6.* Capitulum Cathedrale sede Episcopali vacante *cap. unic. de Major. in 6.* non tamen Vicarius Generalis absque commissione, cum & sine hac conferre beneficia non possit.

Resp. 3. Requisita ad validam & licitam unionem sunt *seqq.* 1. *Iusta causa*, consistens vel in necessitate vel utilitate; & causæ cognitio: his deficientibus invalide fit unio, *Trid. sess. 7. c. 6. de reform. cap. 33. b. t. 2. Consensus eorum, quorum interest, scil. Capituli* collegialiter congregati cum contractu prævio & causæ cognitione: Patroni, si sit patronatum; Electorum, si sit electivum: Collatoris, si collativum; & horum consensus de valore unionis requiritur. 3. Licet Rector beneficii immediatus, vel si vacat beneficium, ejus defensor, plebs item & Dominus loci audiendi sint; non tamen ad valorem unionis illorum consensus requiritur. *Leur. p. 3, q. 918. & seq.*

Resp. 4. Omnia quidem beneficia diocesanos suæ unire potest Episcopus, excipiuntur tamen *exempta*, quæ subjectis unire non potest, ut patet: ex subjectis non potest unire beneficium suæ mensæ, aut beneficio alterius diocesis. *Trid. sess. 14. c. 9. de reform.* Nec beneficia curata, nec Parochias, Monasteriis, Abbatibus, Dignitatibus &c. *sess. 24. cap. 13.* nec beneficia liberæ collationis, *sess. 25. cap. 9. de reform.* Quid circa uniones bene-

beneficiorum a S. Pontifice factas debeat agere Episcopus, exprimitur in Trid. *sess. 7. c. 6. de reform.*

Q. 9. Quid de dismembratione; divisione, & suppressione beneficiorum statuendum? Resp. 1. Dismembratio Beneficii (quæ tunc fieri censetur, quando salva illius unitate pars fructuum ab eo auferitur, & alteri habenti tenues redditus applicatur, ad hujus fabricam vel Ministrorum sustentationem) fieri potest ab Episcopo ex iusta causa, arg. *c. 10. b. t.* & iisdem ferre solemnitatibus, quibus ad alienationem rerum Ecclesiasticarum, cujus est species, opus est.

Resp. 2. Divisio aut Sectio Beneficii tum fit, quando ex uno Beneficio duo fiunt, ex una Parochia duæ; & permessa est Episcopo, dum beneficium sufficientes præbet redditus pro duobus beneficiatis; itidem ex iusta causa, & interveniente eorum consensu, qui eum ad unionem beneficiorum præbere debent. Vid. *c. 3. de Eccles. edific. & Trid. sess. 21. c. 4. de ref.*

Resp. 3. De suppressione beneficii, quæ est totalis beneficii extinctio, ait Trid. *Sess. 24. c. 15. de ref.* quod licet Episcopis eam facere, si tenues & insufficientes sint redditus, debitæque solemnitates adhibeantur.

Q. 10. Quid in genere circa reservationes beneficiorum dicendum? Resp. 1. Reservatio hoc loco est alicujus beneficii per eum, qui ad id potestatem habet, ad se facta avocatio. Reservatum ergo beneficium dicitur, cujus collationem superior præcipue summus Pontifex, sibi vendicat, ut illud inferior valide conferre non possit. *cap. 45. de elect. in 6. c. 2. b. t. in 6.*

Resp. 2. Differt reservatio ab affectio, quod illa fiat per actum verbis expressum, quo Pontifex declarat, se beneficium suæ dispositioni reservare, hæc autem scilicet affectio fiat ipso facto, per appositionem manus Papalis, dum Pontifex circa aliquod beneficium alias non reservatum se intromittit de eo disponendo, & sic tacite sibi illud reservat. Deinde beneficium reservatum ab inferiori Collatore nunquam imposterum conferri potest, affectum autem pro illa tantum vice, &c.

Resp. 3. Posse Pontificem sibi reservare beneficia certum videtur, quia amplissimam habet potestatem circa dispen-

dispensationem beneficiorum. Causæ autem introducendi reservationes, quæ sub annum Christi 1324. sub Joanne XXII. cœperunt, justæ fuerunt, ne scil. Pontifex videretur omnino a se abdicasse potestatem conferendi beneficia, dum hanc aliis concessit; & ut haberet ampliores facultates, Clericis pauperibus succurrendi; utque communicatio Ecclesiarum inferiorum cum Romana conservaretur.

Resp. 4. Effectus reservationis, si adjectum sit decretum irritans, quod liget manus inferioris Collatoris, sic utis valide beneficium reservatum conferre nequeat, siue sciverit, siue ignoraverit reservationem; decreto irritante non addito ligantur tantum manus inferioris Collatoris post notificationem, c. 20. h. in 6.

Resp. 5. Divisionem Reservationis, dum alia dicitur *Generalis*, alia *Specialis*; alia *Temporaria*, alia *Perpetua*: alia *fixa* & *continua*, *eventualis* & *discontinua* alia: alia item *clausa in Corpore Juris*, alia *quæ est extra Corpus Juris Communis*, vide apud Schmalzgr. h. a num. 117.

Quæst. 11. Quenam sint reservationes beneficiorum in corpore Juris clausæ? Resp. 1. Unica tantum est, & habetur in cap. 2. & 3. & præcipue in cap. 34. h. t. in 6. ubi S. Pontifex sibi reservat beneficiorum collationem, quæ vacant apud *Sedem Apostolicam* vel in *Curia Romana*. Vacare autem in *Curia* vel apud *Sedem Apostolicam* probabiliter idem est, quanquam aliqui faciant differentiam.

Resp. 2. In ordine ad effectum reservationis hujus Curia Romana ibi est, ubi moratur Pontifex cum Cancellaria, Tribunalibus & officialibus suis, quocumque demum in loco moretur, adeoque *Curialis* aliquis is est, qui cum aliis vel tanquam Confiliarius, vel alio modo inserviando Curiam constituit, obrinens beneficium extra Urbem, vel alius extraneus beneficiatus causa negotii apud *Sedem Apostolicam* commorans, si vel ibidem, vel recedens a Curia intra duas dietas legales (ad summum intra 10. miliaria Germanica) moriatur, beneficia illius collationi Papali sunt reservata.

Resp. 3. Durat reservatio per unicum mensem, a die vacationis computandum cap. 3. h. t. in 6. Nec comprehen-

hendit beneficia manualia; nec beneficia juris Patronatus laicalis ex fundatione, constructione, dotatione competentis; nec beneficia regularia, aut alia resignata, aut vacantia in Urbe, & ad eos pertinentia, qui curiam non sequuntur; nec beneficia Ecclesiæ non numeratæ, nec Parochialia vacantia Sede Papali vacante *cap. 35. b. t. in 6.*

Q. 12. Quenam sint Reservationes beneficiorum per Extravagantes, tum clausas in Corpore Juris, tum non clausas? Resp. Præcipue seq. 1. In *Extrav. Pie 1. b. t.* agitur de reservatione beneficiorum, quæ vacant apud Sedem Apostolicam, & intelligi debet juxta determinationem juris communis in *c. 3. & 34. b. t. in 6.*

II. In *Extrav. Execrabilis. 4. b. t.* quæ est ead. cum *Extrav. Execrabilis un. Joan. XXII.* statuitur, ut, qui receperint dignitatem personatum, aut aliud beneficium Curatum, si antea simile obtinebant, non tantum primum ipso jure vacet, sed etiam secundo sint ipso jure privati, ipsa vero beneficia vacatura vel dimissa sibi S. Pontifex reservat; & si verbis textus stricte inhæreamus, quæ sunt: *omnia & singula vacatura vel dimissa &c.* dicendum forte esset, utrumque beneficium, primum & secundum esse reservatum; contraria tamen sententia, statuens secundum tantum esse reservatum, verior & benignior est. Vide Reiffenst. *b. n. 456.*

III. In *Extrav. ad Regimen 13. inter Commun. b. t.* reservantur beneficia omnia, quæ in Curia vacant: quæ vacant per depositionem, privationem, electionis aut postulationis cassationem, aut per renuntiationem a Pontifice admissam: quæ vacant per mortem Cardinalium, Legatorum, Nuntiorum Sedis Apostolicæ, & aliorum ejusdem Officialium: quæ vacant per promotionem a Papa factam ad majores dignitates, &c. Extravagans hæc a Concordatis Germaniæ modificationem in certis passibus accepit.

IV. Aliæ adhuc reservationes per Bullas extra Corpus Juris editas sunt introductæ: A S. Pio V. per Bullam: *Cum ex Apostolatus officio* reservantur beneficia eorum, qui prolapsi sunt in hæresim: a Pio IV. per constit. *Ad Romanum Pontificem*, reservantur beneficia, vacantia ob Simoniam confidentialem, quam Constitut. acuit S.

Pius

Pius V. in Constit. *Intolerabilis*; &c. ubi tamen notandum, quod Bullæ, quæ primum post Concordata Germaniæ emanarunt, probabilius Germanos non obligent, nisi alia concurrant, ut probat Pichler ex verbis Bullæ *b. t. n.* 64. relatis.

Q. 13. *Quæ beneficia reserventur per Regulas Cancellariæ?* Resp. 1. Per Regulas Cancellariæ (quæ quid sint in Q. 10. *Præm.* videri potest) variæ sunt statutz reservationes, quarum aliquæ vel non concernunt ultramontanos, vel iis per Concordata derogatum est vel alias adeo notabiles non sunt; præcipuum locum in hac materia tenentur Reg. 1. 4. 9. 15. 19. 26. 27. 36. 68.

Resp. 2. In Regula 1. renovantur reservationes omnes factæ in Extrav. *Execrabilis*, & Extrav. *Ad regimen*. Reservat etiam Pontifex beneficia omnia obtenta & obtinenda, de quibus Ordinarii aliique Collatores contra Trident. disponunt. Huic regulæ per Concordata derogatum non est. Quia vero nimis longum foret, recensere, quæ in singulis Regulis disposita sunt, vide Engel *hoc* §. 3. *per totum*, super hac materia tractantem.

Q. 14. *Quæ beneficia in Concordatis Germaniæ sint reservata?* Resp. 1. Concordata Germaniæ sunt pacta & conventiones, quæ potissimum super collatione & provisione beneficiorum in Germania vacantium a Nicolao V. & Friderico III. Imperatore, aliisque Principibus Germaniæ anno 1448. statuta, approbata & confirmata fuerunt.

Resp. 2. In his renovatur & confirmatur reservatio facta in Extrav. *Execrabilis* absque omni limitatione, Item Extrav. *Ad regim.* sed cum modificatione in seq. 1. Non reservatur in Concord. beneficium vacans per suspensionem muneris Consecrationis, quod reservatur in Extrav. 2. In Concord. non reservantur beneficia Officialium Sedis Apostolicæ, si non fuerint Officialles actuales sed prius deposuerint officium suum, quam objerint; in Extravag. indistincte reservantur beneficia Officialium Sedis Apostolicæ per obitum illorum vacantia. 3. In Concord. tantum reservantur *vetorum* Commensalium Papæ beneficia & Officialium certo numero & qualitate; in Extravag. indistincte. 4. In Concord.

reservantur beneficia auctoritate literarum Apostolicarum immediate collata, quam vocem *immediate* Extrav. illa non habet.

Resp. 3. In specie per Concordata Germaniæ reservantur *ex parte possessoris* Dignitates & beneficia Ecclesiastica vacantia per obitum alicujus S. R. E. Cardinalis, ubicunque is moriatur. *Concord. §: placet nobis.* Exemplificat Schmalzgr. *b. 1. num. 235.* Beneficia Legatorum Sedis Apostolicæ *§. placet.* Officialium & Commensalium cum limitatione expressa in *cit. §. placet Ex modo, quo vacant;* reservantur beneficia in Curia sive apud Sedem Apostolicam vacantia. *§. placet.* Quænam nomine horum veniant, vide apud Schmalzg. *b. a n. 237.* Ex qualitate Dignitatis & beneficii specialis reservantur Papæ non quidem ipsæ Ecclesiæ Archi-Episcopales vel Monasteriorum exemptorum Præfecturæ; sed tamen electionis a Capitularibus factæ confirmatio; jus devolutionis; jus providendi Ecclesiæ cassata electione; repulsa postulatione; aut renuntiatio a Sede Apostolica acceptata. Deinde reservatur Pontifici in quavis Ecclesia Cathedrali dignitas proxima Episcopali (quæ in Germaniâ fere est Præpositura) in Collegiata illa; quæ ibi est principalis. *Concord. §. de cæteris;* nisi per speciale privilegium exemptæ sint, uti exemptas dicunt; Præposituram Cathedralis Augustanæ, Monasteriensis Vvestphaliæ, Elvacensis &c.

Resp. 4. Obligantur Concordatis Germaniæ subditi Imperii, venientes nomine Germanicæ Nationis; non alii; nisi quod juxta plerisque AA. & in specie La Croix. *L. 4. n. 505.* per extensionem contineantur sub Concord. Germ. Ecclesia Virdunensis, Metensis, & secundum aliquos, Genuensis. Sunt tamen quædam Ecclesiæ Germanicæ, quæ non recepisse dicuntur Concordata; ita testatur Zypæus *Consult. 3. La Croix. cit. n. 505.* de Herbipolensi & Bambergensi.

Resp. 5. Non potest passim pro arbitrio suo & absque legitima causa Summus Pontifex derogare Concordatis. Ratio, qui etiam Princeps cum subditis contrahens obligatur naturaliter & civiliter: potest tamen absolute loquendo, ex plenitudine potestatis, etiam extra Concilium derogare ob causam gravem & extraordinariam,
con-

concernentem commune bonum Ecclesiæ; arg. ex *Concord. §. item placet*. Ratio; quia habet ita plenam a Christo potestatem; ut hanc a se omnino, nisi renuntiando Papatui; abdicare non possit; quia, licet Concordata habeant vim pacti, magis tamen sunt privilegium Papale: itaque quia quomodocunque Papa cum sibi subdito paciscatur; semper includitur hæc conditio: *nisi occurrat causa gravis extraordinaria; ob quam aliud posulet commune bonum Ecclesiæ*. Quæri hic solet; an per consuetudinem vel præscriptionem in concord. Germ. quid possit immutari? negat Pirh. *h. t. n. 363*. nihil decidit La Croix *L. 4. n. 250*. affirm. Vviestn. Schmalzg. Pichler.

Q. 15. *Quid de annatis dicendum?* Resp. Annatæ sunt pensiones sive certæ quantitates pecuniæ, quæ de Episcopatu & beneficiorum vacantium fructibus primi anni; item de quibusdā Monasteriis virorum exemptis Cameræ Apostolicæ solvuntur; & hæc reservationes fructuum pariter in Concordatis continentur. 4. Species à Fagn. in *cap. 1. ne Præl. vices sua*, distinguuntur. *Prima*, quæ etiam specificè *Annata* dicitur, est media pars fructuum primi anni Cameræ Apostolicæ solvenda de beneficiis inferioribus & Regularibus, quæ Papa non confert consistorialiter; dummodò beneficiorum redditus annuus excedat 24. ducatos: unde cum in Germania, Gallia, & Hispania nulla beneficia taxentur in Camera ultra 24. ducatos, ratione annatæ de illis nihil solvitur. 2. Species in Concord. §. *placet similiter* ab Italis *communis servitia* vocantur; & solvuntur de Prælaturis *Consistorialibus*, quales in Germania sunt Archi-Episcopatus, Episcopatus, & Prælaturæ principales tam Regulares quam Sæculares immediate Sedi Apostolicæ subiectæ; ut Campidunensis, Fuldensis, Elvacensis. Deberent de his solvi integri fructus primi anni, sed taxa in Libris Cameræ ita moderata est, ut quintam partem reddituum unius anni non excedat; nec solvenda sit uno anno tota taxa, sed dimidia primo, altera dimidia secundo anno. *Tertia* species appellantur *servitia minuta*, quæ sunt portiones secundum proportionem taxæ fructuum Episcopaliū vel Abbatialiū inter certos Papæ Ministros & Officiales distribuendæ. Quartam speciem con-

Rituunt *Quindennia*: hæc sunt. media pars fructuum, quæ ex beneficiis alicui Communitati vel loco pio unitis, aut ex speciali privilegio a reservatione liberatis solvitur singulis 14. annis. Solvit hujusm. Quindennia Præpositura Augustana, quod ex reservata facta sit ex speciali indulto Papæ electiva. Ceterum nihil committitur nundinationis in annatis exigendis aut Simoniz, probat *Leur. p. 3. for. benef. q. 190.*

Quest. 16. Quenam sint reservationes resultantes ex Primis Precibus Imperatoris? Resp. 1. Primæ Preces sunt nominationes de personis idoneis ad beneficia Ecclesiastica per totum Imperium, prout nunc est, vacantia vel vacatura, ex speciali indulto Imperatori ac Regi Rom. recens electo ab Apostolica Sede concessio. Non ergo 2. competit Imperatori (ut A catholicis volunt) patet ex *Diplomate Precum Primariarum*, quas recentiores Imp. Rudolphus II. & Ferd. II. & III. interposuerunt. Item ex *Bullis Pontificiis*, ubi *Ly favorable: de nostra mera liberalitate*, quæ verba gratiam indignant. Item ex *variis limitationibus*, dum Pontifices statuerunt id procedere tantum de terris Imperii extra Italiam; quoad Collatores, qui saltem habent. 4. beneficia collationi suæ obnoxia; dum excluderunt a Precibus beneficia reservata in Extravag. *Ad Regimen*. dum in una Ecclesia unum tantum beneficium primis Precibus attribuerunt &c. 3. Est tamen jus hoc antiquissimum, ut testatur Durandus, qui circa annum. 1271. vixit; habetur etiam in formula primarum Precum Rudolphi I. Habsburgici in Regem Rom. electi anno 1273. 4. Derogatur per Precum primariarum indultum Concordatis, præsertim quatenus decernunt Alternativam. Decision. Rot. Roman. 1548. 4. *Maji*. Statutis & consuetudinibus particularibus Ecclesiarum. Concord. §. *non obstantibus*. Regulis Cancellariæ, & aliis in §. *citat.* positis. 5. Locus est adhuc hodie Precibus Primariis, & licite quidem, non obstante. *cap. 2. c. 11. de concess. Præb.* nec Trident. *Sess. 24. cap. 19. de reform.* 6. Non subjacent Precibus primis Dignitates Pontificales, vel his proximæ in Cathedralibus Ecclesiis, aut primæ in Collegiatis & alia beneficia, quæ sibi Pontifex reservavit in Extravag. *Ad Regimen*. nec bene.

Beneficia monocularia; nec beneficia juris Patron. Laici vel mixti, ex fundatione vel dotatione talis; nec regularia Professionem requirentia &c. Vide *Leur. for. Benef. part. 2. qu. 607. & 608. 7.* Potest privilegium suum Imperator alteri concedere; executores etiam, dummodo sint in Ecclesiastica dignitate constituti, pro libitu constituit; verius tamen est, quod hi executores non instituunt nominatum per primas Preces, sed Ordinarius Collator. *Leur. Engel &c.*

Q. 17. *Quid statuatur in Concordatis Germaniæ de alternativa Beneficiorum collatione?* Resp. 1. In Regula Cancell. IX. inter antiquiores VIII. S. Pontifex Ordinarii Episcopo inferioribus. 4. Episcopis vero; iisque tantum residentibus, 6. concessit menses, in quibus si qua beneficia vacare inciperent, libere illa conferrent, aliis mensibus sibi reservatis; in Concord. Germaniæ autem §. *de ceteris*, statuit perfectam alternationem, ut primus semper mensis incipiendo a Januario sit Papalis, alter ordinarii Collatoriis sive Episcopi, sive inferioris cujuscunque, imo menses Papales subinde etiam aliis indulget.

Resp. 2. Comprehenduntur in hac alternativa mensium regulariter omnia tum beneficia proprie dicta, tum Dignitates vacantes *Reg. IX. Cancell. Concord. §. de ceteris. cit.* etiamsi beneficia post Concord. erecta sint. Ratio, quia Concordata alternationem inducunt in beneficia quæcumque &c. Excipiuntur tamen; ut alternative non subjaceant, beneficia perpetuo reservata collationi Papæ: beneficia juris Patronatus laici; vel etiam mixti: beneficia per concursum conferri solita: beneficia vacantia per resignationem in mense Papali factam, modo resignatio fuerit expressa, pura & simplex, *Pichl. h. t. num. 49.* Vicarias perpetuas, licet sint proprie dicta beneficia: speciali Constit. *Ad exequendum.* S. Pius V. exemit ab alternatione; subsunt tamen huic beneficia Parochialia, quæ non habent Patronos laicos, ob verba in Regul. Cancell. & Concord. *cum & sine cura.*

Resp. 3. Mensis Papalis finitur, adeoque mensis Ordinarii incipit, dum auditur primus pulsus horæ duodecimæ in media nocte ultimi diei mensis. *c. 24. de off. deleg.*

In dubio statur pro Ordinario, quia reservatio est odiosa. Verisimilius tamen est, quod incipiat trimestre Pontifici competens pro beneficio conferendo non die ipso, quo innotuit vacatio ejus in loco beneficii, sed die sequenti. Ratio, quia reg. dies termini in termino temporis non computatur.

Resp. 4. Beneficio alternativo in mense Papali vacante, datur ad conferendum Pontifici trimestre, quo abstinendum est a collatione Collatori Ordinario; sin autem post 3. menses a die notæ in loco beneficii vacationis non appareat ullibi provisorius a Sede Pontificia, Collator ordinarius poterit de beneficio disponere. DD. in *Concord. Germ. §. De cæteris*, quomodo id possit, vide apud *Vriestn. h. t. n. 107. Engel de rescript. n. 23. explicantem Constit. Gregorii XIII. Quæ n. Ecclesiam.* Trimestre Pontificium currit etiam Sede Apostolica vacante. Ita Praxis habet.

T I T U L U S VI.

De Clerico agrotante vel debilitato.

Quest. 1. Utrum Clericus propter ægritudinem, senium, mutilationem, aut aliam perpetuam inhabilitatem amittat beneficium aut fructus illius?

Resp. 1. Clericus propter morbum non amittit beneficium, sed modo Canonice in beneficio suo institutus, sive investitus sit, non pro residente tantum sed etiam pro deserviente habendus est. *c. 1. h. t.* etiamsi propria culpa infirmitatem contraxerit. arg. *c. unic. de Cler. non resid. in 6.*

Resp. 2. Neque Clericus beneficiatus mutilatus & per hoc insigniter deformatus beneficium, illiusque fructus amittit. arg. *c. 2. h. t.*

Resp. 3. Neque Episcopus, quod certum videtur *ex c. 5. h. t.* neque etiam Parochus, de quo dubium est ob *c. 4. h. t.* amittit beneficium vel illius fructus, casu quo perpetuo fieret inhabilis per lepram v.g. vel amentiam arg. *c. 5. h. t. & c. 3. h. t.* videtur clare decisum.

Q. 2. Quomodo Clericis infirmis vel debilitatis succurrendum? Resp. 1. Si infirmitas sit incurabilis aut perpetua

petua, sintque Beneficiati *Curati*, Prælati aut Episcopi, dandus est illis Coadjutor, etiam si forent inviti. c. 3. b. 1. & c. un. eod. in 6. Si morbus sit temporalis, tenentur Parochi Vicarium temporalem constituere, pro cura animarum approbatum ab Episcopo. Trid. Sess. 23. cap. 1. de reform.

Q. 3. Quid de Coadjutoria dicendum? Resp. 1. Coadjutoria est facultas alicui concessa adjuvandi beneficium in beneficii regimine: est vel *temporalis*, vel *perpetua*, id est, cum spe *successionis*. 2. Coadjutorem *temporalem* Prælatis Episcopo inferioribus non exemptis, & Parochis dat Episcopus, vel eorum Ordinarius. c. 3. & fin. b. tit. Trid. Sess. 21. c. 6. de ref. Episcopis aut Prælatis sublimioribus *regularibus* solus S. Pontifex c. un. b. 1. in 6. quia datio Coadjutoris est inter causas majores. Coadjutorem perpetuum nemo dare potest, nisi Papa solus arg. Trid. sess. 25. c. 7. V. in Coadjutoriis de ref. c. 2. & 3. de concess. Præb. 3. Causæ, ob quas assumendus Coadjutor, sunt senium Coadjuvandi; gravis infirmitas perpetua; mutilatio: defectus scientiæ in Curato. 4. Sustainendus est Coadjutor ex Ecclesiæ proventibus. c. 3. b. tit. cap. un. eod. in 6. si vero hujus redditus pro utroque sufficientes non sunt, primo ex iis ali debet coadjutus. c. 1. & 5. b. tit. residuum attribuitur Coadjutori; Episcopo tamen providendum, ut & hic congruam habeat sustentationem, juxta id, quod dicitur Trid. Sess. 21. c. 4. & 6. sess. 24. c. 17. de reform. 5. Pontifex quando dat Coadjutorem ad succedendum, non adstringitur ad observandas qualitates in Coadjutore ceteroquin requisitas; quia est supra jus positivum; secus si detur ad coadjuvandum. 6. Hujus officium est vices coadjuti supplere in iis, ad quæ est datus: *potestas* metienda est ex literis coadjutoria, quæ si non sit limitata, potest ea, quæ principalis, *regulariter*; ob. c. 24. de elect. in 6. c. un. §. fin. hoc tit. in 6. c. ult. de off. Vicar. in 6. Coadjutoris *temporalis* officium cessat morte vel naturali, vel civili coadjuti AA. passim. Notentur etiam, quæ Engel habet hic num. 8.

T I T U L U S VII.

De Institutionibus.

Quest. 1. Quid & quotuplex sit institutio? Resp. Institutio specificè sumpta, sive pro Collatione necessaria est concessio Ecclesiæ vel beneficii vacantis autoritate legitima Episcopi vel alterius Ordinarii ad præsentationem vel nominationem Patroni. Dicitur etiam hæc Institutio *Collativa*, deque ea agitur in hoc titulo, & differt a *Collatione libera*, a *Confirmatione*, & ceteris modis, quibus beneficia acquiruntur. Agitur hic de aliis adhuc duabus institutionibus, quarum una dicitur Institutio *Autorizabilis*, per quam Clerico ad beneficium Curatum promotum committitur cura animarum, & vocatur *Approbatio*. Altera *investitura*, *installatio*, *Missio in possessionem*, *institutio corporalis*, per quam Clerico tribuitur jus apprehendendi possessionem corporalem & actualem beneficii, vel ipse potius introducitur in actualem possessionem.

Q. 2. Cuinam competat jus instituendi præsentatos Institutione collativa? Resp. 1. Episcopo. c. 3. b. t. & cap. 12. §. fin. de Heret. etiam nondum consecrato, quia institutio est actus jurisdictionis. 2. Capitulo Sede Episcopali vacante. cap. 1. b. t. in 6. Ratio, quia Capitulum Episcopo succedit in iis, quæ necessitatis sunt & justitiæ. c. 14. de Major. atqui, ergo. 3. Vicario Generali, etiam absque speciali mandato arg. a contrario ex c. fin. de off. Vicar. 4. Prælati Episcopo inferioribus, jurisdictionem quasi Episcopalem habentibus; quia tales Prælati quoad actus jurisdictionis, qualis est institutio, Episcopis æquiparantur. 5. Aliis quoque, qui per privilegium, præscriptionem, reservationem fundatoris hoc jus obtinuerunt. c. 6. b. t. Possè post Trid. reservari alteri hoc jus instituendi, quam Episcopo, negat Vviestn. ex Trid. Sess. 14. c. 12. de refor. Affirmat La Croix. L. 4. num. 361. 6. Laicis citra privilegium Papale competere non potest, ob spiritualitatem istius juris.

Q. 3. Quinam possint aut non possint institui? Resp. 1. Ad hoc ut quis possit institui, debet esse Clericus

c. 1. b. t. 2. Debet esse presentatus. *can. 32. caus. 16. q. 7.* ex quo etiam Canone deducit Leur. p. 2. for. *Benef. qu. 181.* institutionem neglecto presentato aut etiam absque consensu & presentatione Patroni factam esse ipso jure irritam, & explicat Ly *irritanda cap. 8. de jure Patr.* super presenti materia positum pro *declaranda irrita.* 3. Debet prævio *regulariter* examine repertus esse dignus. Vide *cap. 11. b. tit. in 6. Trident. Sess. 7. cap. 13. de reform.* 4. Si plures sint æquali suffragiorum numero presentati, institui debet etiam dignior. arg. c. 3. & 24. *de Jure Patron.*

Resp. 2. Habens quomodocunque jus instituendi; etiam si a Patrono presentetur, se ipsum instituere non potest, *cap. fin. b. t.* neque id facere potest per alium a se delegatum, quia in effectu a se ipso institutus censeretur, nisi tamen, quam habet, totam potestatem instituendi in alium malit transferre. Schmalzgr. b. n. 13. in fin. & n. seq. decidit, ad quem Episcopum pertineat institutio Clerici in Ecclesia, quæ in duarum diocesium confinio est sita.

Quæst. 4. *Quomodo facienda sit institutio?* Respond. 1. Juxta dicta debet institutionem præcedere presentatio; potest tamen etiam ex post facto consensus Patroni accedere. arg. *cap. 3. de his, quæ a Prælat.* 2. Debet intervenire autoritas Ordinarii, sive ejus, qui jus habet instituendi. *cap. 3. b. t. Trident. Sess. 14. c. 13. & sess. 25. c. 9. de refor.* In *cap. 4. de Jure Patron.* in Patronum Laicum, qui in Ecclesia patronata Clericum præsumit instituere neglecta Ordinarii autoritate, excommunicatio statuitur, privatio Communionis in Clericum, & in casu contumaciæ depositio add. c. 21. *de Jure Patron.* 3. Deberet edictum affigi, quo citentur omnes, quorum generaliter interest. arg. ex *cap. fin. de elect. in 6.* ubi id præcipitur in electi confirmatione, & ob rationis paritatem ad presentati institutionem ab AA. extenditur; in nostris tamen partibus hujus edicti usus vel nunquam fuit, vel contraria consuetudine est abrogatus. 4. Facta presentatione jura certum tempus pro institutione non præfixerunt; sunt tamen, qui velint, intra 4. menses Patrono Laico, aut 6. Patrono Ecclesiastico concessos institutionem presentati fieri non pos.

posse, ne Patrono præjudicium creetur; sed contraria est praxis.

Quest. 5. Quis sit effectus institutionis? Resp. 1. Tribuit institutio acceptata titulum seu plenum jus in beneficio, quod per præsentationem erat tantum jus ad rem. arg. c. 17. de præb. in 6. 2. institutus tamen nequit autoritate propria sine consensu superioris apprehendere possessionem, quia cum Canones jus installandi tribuant Archi-Diacono, cap. 7. de off. Archi-Diac. eo ipso investituram requirunt. Capiens nihilominus possessionem propria autoritate arbitrarie tantum punitur; casu quo insuper per violentiam adiisset possessionem, jure omni quæsito priuaretur, cap. 18. §. insuper de præb. in 6. 3. Idem videtur dicendum de Præsentato tantum, quod, licet non possit absque institutione & installatione occupare beneficium; id tamen si fecerit, non amittat ipso jure jus per præsentationem acquisitum, Vid. Vviftn. b. t. num. 5. contra Engel b. n. 2. nisi violentia usus esset.

Q. 6. Quid juris circa institutionem autorizabilem? Resp. 1. Est hæc institutio, sive dicta *Approbatio* in Clerico Curato, in quo solo requiritur, ad Sacramenta administranda ita necessaria, ut *absolutiones* factæ a non approbato sint invalidæ. Trid. Sess. 23. cap. 15. de ref. 2. Competit Episcopo, ut patet, Capitulo Sede vacante, quia est actus jurisdictionis necessariæ, Vicario Generali, Prælatis jurisdictionem quasi-Episcopalem habentibus. Inferioribus Prælatis competere posse non tantum vi privilegii, sed etiam consuetudinis defendit Pichler b. n. 12. contra Schmalzgr. b. n. 42. & alios. 3. Institutioni huic autorizabili regulariter præmittendum examen instituendi, patet ex Trid. Sess. 7. c. 13. de ref. Vid. Leur. p. 2. Fori Benef. q. 185. n. 2.

Quest. 7. Quid observandum circa investituram vel missionem in possessionem beneficii? Resp. 1. In spiritualibus missio in possessionem nomine proprio non potest competere Laicis. c. 9. de off. Archi-Diac. Pœnæ in recipientes a Laicis investituram Ecclesiæ vel dignitatis statutz sunt gravissimæ in canon. 12. 16. 17. 20. & 23. caus. 16. q. 17. item etiam in Laicos dare præsumentes talem investituram, canon. 12. §. fin. caus. & qu. cit. 2.

Com-

Competit de jure scripto immissio in possessionem Archidiacono. *c. 7. de off. Archi-Diac.* de jure consuetudinario hodie Episcopo, per Commissarios aut Decanos rurales solito tribuere actualem possessionem. Imo etiam de jure scripto pertinet ad Episcopum mittere in possessionem beneficii litigiosi. *cap. 28. de Præb. in 6.* & ad Decanum, dum canonicus est installandus. *cap. 7. de concess. præb. 3.* Quomodo fieri debeat missio in possessionem, attendenda est consuetudo, pro varietate locorum varia; id tamen arg. ex Trid. *Sess. 25. c. 9. v. patroni autem de ref.* Patronos & Dominos territoriorum sibi arrogare non posse jus installandi Parochos, etiam in temporalibus tantum. 4. Possessio beneficii non tantum per Procuratorem, saltem si habeat speciale mandatum, acquiri potest, ut praxis habet, sed in eadem investitura, qua beneficiorum & dignitatum possessio acquiritur, venit quoque possessio rerum & jurium ad ea pertinentium. Ratio, quia connexa sunt principali. Vide Schmalzgr. *hoc n. 57. & n. 59.* quo agit de effectu missionis in possessionem beneficii.

T I T U L U S VIII.

De Concessione Præbendæ & Ecclesiæ non vacantis.

Quest. 1. Concessio Præbendæ quid sit, & hæc quando, aut quot modis vacare dicatur? Resp. ad 1. Juxta dicta ad *Tit. de Præb.* Concessio Præbendæ est libera collatio beneficii absque alterius præsentatione aut nominatione, & differt ab institutione, de qua in *tit. priori.*

Resp. ad 2. Præbenda sive beneficium vacare dicitur, dum caret vel proprietario, vel possessore, vel utroque simul. *L. 5. §. fin. ad Leg. Jul. de vi publ. & L. 22. §. 1. ff. de usu & habit.*

Resp. ad 3. Vacare tripliciter potest Præbenda vel Ecclesia, de facto tantum, de jure tantum, de facto & jure simul. *De facto tantum* vel *quoad possessionem vacat*, ubi quidem aliquis habet titulum Canonicum beneficii, sive jus in eo, possessionem tamen illius nec ipse, nec

nec quisquam alius habet, exempla adducit *Leur. b. t. Q. 54. n. 2.* Vacare *de jure tantum*; sive *quoad titulum & proprietatem tantum* dicitur beneficium, dum quis possidet quidem beneficium; sed absque eo, quod vel ipse, vel alius titulum ejus, seu jus in eo habeat. *De facto & de jure simul* vacat, dum neque ejus titulus, neque possessio est penes aliquem. Exempla utriusque. Vide *l. c. n. 2. & 3.* Hæc ultima beneficii vacatio variis modis potest contingere vel *per mortem naturalem* (per quam ut vacet beneficium, plura requiruntur. *Leur. For. benef. p. 2. a q. 26.*) vel *per Civilem*; quo reducitur vacatio *per renuntiationem tacitam aut expressam*, *per privationem juris & hominis*. Vide eund. *For. benef. p. 3. a q. 36. ad 61. imo ad 161. & 234.*

Q. 2. Quomodo vacare debeat beneficium; ut alteri conferri possit? Resp. 1. In genere Beneficium necdum vacans conferri non posse, imo collationem talis beneficii ipso jure esse nullam, patet ex *c. 2. & 7. b. t. c. 4. de donat.* In *cap. 1. b. t. & cap. 7. eod.* habentur poenæ in eos, qui se scienter passi sunt in beneficio non vacante institui, ad quas tamen dispositiones Papa non teneretur, si vellet cuipiam de beneficio vacaturo providere. Ratio clara est. Imo beneficia, necdum vacantia ab habente potestatem uniendi incorporari possunt Monasterio, Laym. in *c. consultationibus. 4. de donat. n. 1.*

Resp. 2. Ad hoc, ut conferri possit beneficium, debet regulariter *de jure & facto simul* vacare; nec sufficit, si vacet *de facto tantum*; quia revera tale beneficium non vacat, & absque injuria alterius nequit impetrari. *c. 17. de præb. in 6.*

Resp. 3. Sufficit vacatio beneficii *de jure tantum*; ad hoc ut illud conferri possit, si impetrans in sua supplicatione nominatim exprimat modum, quo beneficium vacat, ne impetratio sit nulla. *c. 6. b. t.* Deinde si, antequam conferatur tale beneficium, prius possessor ille citetur, & præcedente summaria cognitione color possessionis cassetur; titulo vero colorato deficiente neutrum ex prædictis requiritur. *Schmalzg. b. t. n. 14.* Quanto tempore vacare possint primæ Ecclesiarum Cathedralium & Regularium Dignitates, scil. solum per trimestre, habetur *cap. 42. de elect. de inferioribus*, quod ad seme-

semeftre. c. 2. §. *cum autem h. t.* Beneficia alia liberæ collationis per 6. menses vacare possunt. c. 2. cit. Beneficia juris Patronatus laicalis intra 4. Ecclesiastici intra 6. menses conferri debent. c. 22. & 27. de jure Patron.

Q. 3. An non promitti possit beneficium nondum vacans?
Resp. 1. Neg. c. 2. 3. & 13. h. t. etiam si promissio data fuerit in scriptis, quia actus nullus reg. non redditur, validus per scripturam; vel etiam si accesserit juramentum, quia hoc foret contra bonum commune, & bonos mores.

Resp. 2. Prohibita etiam est promissio de beneficio aliquo vacaturo in genere, sub hac v. g. verborum formula: *conferam, cum potuero, vel cum occasio se obtulerit*, habetur in c. 2. h. t. in 6. per quod correctum est jus vetus. c. 14. h. t. quo licebat. Potest tamen Episcopus suo Vicario Generali delegare facultatem conferendi omnia beneficia vacatura. c. fin. de off. Vicar. in 6. uti & patronus amico jus præsentandi ad beneficia, quæ vacabunt.

Resp. 3. *Gratiæ expectatiæ*, quæ sunt literæ Apostolicæ, in quibus mandatur locorum Ordinariis, huic vel illi Clerico provideri de beneficio vacaturo: & *Reservationes mentales*, dum Papa reservabat beneficium vel in genere vel in specie per Bullam aut Breve, ut personæ gratæ provideret, quam non exprimebat, sed retinebat mente, modo sunt sublatae tum per Concord. German. tum per Trid. sess. 24. c. 19. sess. 25. c. 7. de ref. quæ tamen Trid. dispositio absolute Papam non ligat. Imo non obstantibus dictis de expectativis possunt recipi Canonici supernumerarii cum expectatione futuræ præbendæ. cap. 3. 9. 12. 19. de Præb. cap. 8. b. tit. Ratio, quia talis Canonicus Præbendam expectaret ex dispositione juris, seu vi connexionis, quam habet Canonica cum præbenda, is vero, qui gratiam expectativam habet, vi promissionis.

TITULUS IX.

Ne Sede vacante aliquid innovetur.

Quest. 1. *Quomodo Rubrica hujus tituli combinanda sit cum illa juris regula; quod ad Capitulum Sede vacante transeat jurisdictio Episcopi; ut habetur in c. 11. & 14. de Majorit.?* Resp. Engel, Schmalzgr. & AA. communiter ajunt, illa, quæ competunt Episcopo jure ordinario & tanquam Episcopo; censeri omnia Sede vacante Capitulo esse permisa; adeoque in his obtinere regulam *ex cit. cap.* desumptam; illa vero censeri negata Capitulo Sede vacante, quæ competunt Episcopo jure speciali; ex privilegio, commissione, vel ut Sedis Apostolicæ delegato; adeoque in istis casibus subintrare rubr. hujus tit. Ubi & illud notandum; intelligi hic per *Sedem vacantem* non Ecclesiam modo Cathedrali vel Collegiatam; sed etiam Regularem Capitulum habentem suo Antistite destitutam; quod fieri potest dupliciter; vel *vere*; quando Ecclesia nullum habet Prælatum; vel *interpretative*; quando quidem habet Prælatum; sed suspensum; excommunicatum; aut captum ab hostibus; &c. Pichl. *b. t. n. 1.*

Quest. 2. Quæ in specie non possit Capitulum facere Sede vacante? Resp. 1. Non potest dispensare vel absolvere in iis casibus, in quibus id specialiter S. Pontifex Episcopo commiserat. 2. Non potest dare licentiam edificandi novum Monasterium, quia licentia constituit formam; quæ erectioni novi Monasterii a Greg. XIII. præscripta est, forma autem per quid æquipollens supplari non potest. 3. Non admittitur ad electionem Regis Röm. etsi Archi-Episcopus, cujus Sedes vacat; fuerit Elector. Ita Communiôr. 4. Nec Sede Archi-Episcopali vacante; convocât Concilium Provinciale; nec visitat Monasteria Monialium exempta; nec contra Religiosos exemptos procedit. Ratio; quia hæc omnia Episcopi faciunt jure extraordinario. Quid diversa verborum formula; sub quâ Episcopis conceditur facultas procedendi contra exemptos, operetur; vide apud Engel *b. n. 2.* & superius ad Tit. 29. Q. 2. Lib. 1. *Decretali.*

Quest. 3.

Quæst. 3. Quæ possit Capitulum Sede vacante? Resp. 1. Potest condere statuta perpetua; etiam super competentibus Episcopo ratione jurisdictionis ordinariæ, & pertinentibus ad gubernationem diocesis. 2. De causis quibuscunque cognoscere; siue sint beneficiales; matrimoniales; decimales; aut criminales. 3. Dispensare in irregularitatibus, excepta ea, quæ oritur ex homicidio voluntario. 4. Approbare Sacerdotes pro excipiendis confessionibus; exigere ex iusta & rationabili causa subsidium charitativum; ferre & absolvere a censuris. Verbo ea potest regulariter, quæ competunt Episcopo jure ordinario, siue deinde sint jurisdictionis *contentiosæ*; siue *necessariæ*; siue *voluntariæ*. Dico *regulariter*; quia aliqua licet pertineant ad jurisdictionem Episcopi, sunt expresse prohibita Capitulo Sede vacante; qualia sunt, quæ vel in præjudicium Ecclesiæ, vel prælati successoris cedunt: sic non potest donare Jura Episcopatus; nec alienare bona ejus immobilia, aut mobilia pretiosa, quæ servando servari possunt; nec ea ad suam mensam transferre; nec emolumenta alias spectantia ad Episcopum; etiam si obveniant ratione jurisdictionis, inter se assumere; &c. Vide Leur. in *Vic. Ep. a q. 445. ad 620.* ubi totam hanc materiam fuscè tractat. Vide etiam Pichl. *h. n. 7. & seq.* ubi, quid Capitulum Sede vacante possit circa beneficia Ecclesiastica, & quid non possit. Universaliter id tenendum; quod Capitulum Sede vacante jurisdictionem & administrationem ad se devolutam non per se, sed per Vicarium tractare debeat, prout voluit Trid. *Sess. 24. c. 16. de ref.*

Q. 4. An potestas & Jurisdictio Prælati Sede vacante etiam transeat ad Conventus & Capitula Regularium? Resp. Aff. saltem in his, quæ pertinent ad disciplinam Regularem. *c. fin. de Regul. in 6.* Quoad alia autem distinguendum debet inter Ecclesias Regulares; si enim sint *pleno jure exemptæ*, Capitulum, dum vacat Sedes, omnem habebit jurisdictionem, quæ jure ordinario ipsius Prælati competeat. Pirh. *tit. de Majorit. n. 58.* Si vero non sint exemptæ tales Ecclesiæ, jurisdictio Sede vacante transit ad Episcopum: Pirh. *l. cit. n. 59.*

TITULUS X.

De his, qua fiunt a Prælato sine consensu Capituli.

Quest. 1. *Quid intersit inter consensum & consilium Capituli?* Resp. 1. *Consensus Capituli* hic est Comprobatio Capitularium legitime congregatorum, qua ratum habent, quod agit Prælatus; *Consilium* est dumtaxat sensus, non consensus, opinio tantum & non comprobatio circa ea, quæ fiunt a Prælato. Pichler *hoc num. 2.*

Resp. 2. Discrimen inter consensum & consilium est istud, quod, qui facere quid debet cum alterius consensu, hunc non requirere tantum, sed etiam sequi debeat; e contra, cui præcise quid agendum cum alterius consilio, illud quidem tenetur exquirere & debito tempore expectare, *regulariter* tamen necessario sequi illud non debet. *c. 52. de elect. c. 7. de arb. Passerin. in c. unic. no sed. vac. num. 46.* enumerat casus quosdam, in quibus lex obligans ad petendum consilium, etiam obligat ad sequendum.

Q. 2. Quinam actus fieri debeant a Prælato cum consensu Capituli? Resp. In genere omnes majoris momenti, qui vel Ecclesiæ, vel successoris, vel ipsius Capituli interesse concernunt, & ad Prælatum simul & Capitulum spectant. In specie 1. *alienatio rerum Ecclesiasticarum*, quæ absque collaudatione & subscriptione Cathedralis Ecclesiæ Canonorum facta nulla est. *c. 1. b. t.* sub qua alienatione utrum comprehendatur repudiatio hæreditatis vel legati, disputant AA. ad *Tit. 13. hujus Libri*. Non requiri consensum aut consilium Episcopi ad quinquagesimam partem proventuum Ecclesiæ donandam aliis piis usibus, v. g. alendis pauperibus, habetur in *cap. pen. b. t. 2. Præsentatio vel collatio beneficiorum* ad Prælatum & Capitulum spectantium. *cap. 6. b. t. 3. Unio Ecclesiarum. c. 8. & 9. b. t.* Vide quoque Trident. *Sess. 24. c. 13. §. in unionibus de ref. 4. Beneficiorum suppressio, & impositio pensionis* aut certæ portionis in alia Ecclesia. *c. 9. b. t. 5. Processus criminalis contra personas in*
Ec-

Ecclesiastica dignitate constitutas, vel contra aliquos Canonicos Ecclesiæ Cathedralis aut Collegiatæ instituendus, requirit, ut duo saltem adhibeantur Canonici juxta Trid. sess. 25. c. 1. de ref. 6. Dum augendus, minuendusve numerus Canoniorum, c. 8. h. t. vel suscipiendi Canonici aut Religiosi, c. 33. de Præb. in 6. Perinde autem est, siue consensus Capituli præcedat, siue subsequatur actum, c. 3. h. t. & cap. 3. de transact.

Q. 3. Quinam actus fieri debeant cum solo consilio Capituli? Resp. 1. Institutio & destitutio Clericorum in beneficiis majoribus c. 4. h. t. correctio & punitio defectuum. cap. 5. h. t. rerum Ecclesiasticarum administratio extra alienationem. cc. cit. condere statuta c. 5. cit. Ratione statutorum condendorum utiles quasdam regulas tradit Vall. h. n. 6. ut scil. Episcopus rarissime in condendis statutis pœnam excommunicationis imponat, ne vilescat; dein ut a multitudine statutorum absteineat, &c. Si quæ sunt alia negotia alicujus momenti, saltem consilium Capituli illa exigunt.

Resp. 2. Possunt tamen etiam ab Episcopo negotia tractari absque consensu vel consilio Capitularium, si vel consuetudo contraria sit introducta, quam introduci posse non obstante cap. 4. hoc tit. probatur ex cap. 6. eodem & cap. 3. de consuet. in 6. vel extra casum priorem, si sint negotia minoris momenti, aut suadeat id iusta quædam & rationabilis causa, qualis foret, si ageretur causa inter Episcopos & consanguineos Capitularium; si belli aut contagionis metu Canonici omnes diffugerint; si causæ sint notoriæ; si causæ ad Episcopum pertineant jure ad ipsum devoluto. Pirh. b. num. 15. in fin.

T I T U L U S X I

De his, quæ fiunt a majore parte Capituli.

Q. 1. Quid & quotuplex sit Capitulum? Resp. 1. Nomine Capituli hic venit Collegium certarum personarum Ecclesiasticarum certæ cuiuspiam Ecclesiæ aut Monasterio adscriptarum, in unum congregatarum & collegialiter convenientium.

P. Adami Huth.

Y

Resp. 2.

Resp. 2. Capitulum est vel *Sæculare*, quod ex Clericis sæcularibus; vel *Regulare*, quod ex Regularibus constituitur: Sæculare iterum est vel *Cathedrale*, in Ecclesia scil. Cathedrali constitutum, & si Ecclesia Cathedralis sit Metropolis; dicitur *Metropolitanum*, vel *Collegiatum*, quod est in Ecclesia Collegiata & Cathedrali inferiore: Substantialia Capituli sunt, ut plures personæ sint. *L. 85. ff. de V. S.* eæque Ecclesiasticæ & sub Prælato constitutæ; deini ut habeant arcam, sive ærarium, & cassam communem, commune sigillum, Actorem vel Syndicum communem.

Q. 2. *Quinam pertineant ad Capitula?* Resp. 1. De Capitulo Sæculari non est *Episcopus*, nec de Regulari *Prælatus*, tot. tit. de his, quæ fiunt a Præl. sine cons. Cap. licet de cetero Prælatus & Capitulares faciant unam Ecclesiam, veluti caput & membra unum corpus. Deinde nec de Capitulo sunt *Dignitatem* habentes, nisi sint simul Canonici, *Decano excepto*; qui licet Canonicali Præbenda careret, de Capitulo tamen foret. *c. 7. de concess. præb.* Nec *Capellani*, *Vicarii*, *Portionarii* sunt de Sæculari, nec *Novitii* de Regulari Capitulo. AA. commun.

Resp. 2. Soli ergo Canonici sunt de Capitulo Sæculari; & soli Professi de Regulari; iique tantum *de jure communi* (privilegio, consuetudini, vel statuto in hac materia nihil derogatum est) qui sunt in majoribus constituti. *Clem. 2. de etat. & qual.* Trid. *Sess. 23. c. 4. de ref.* Per se in ordine ad habendam vocem in Capitulo non spectat ætas; adeoque dispensatus a Papa ante legitimam ætatem ad Subdiaconatum, ad hunc promotus poterit suffragium dare, cujus incapax erat ratione non habiti Ordinis. Potest tamen vi consuetudinis certa ætas requiri, v. gr. ut qui vocem habiturus est in Capitulo, sit 24. annorum, quo casu, qui necdum *complevit* 24. annum, nisi aliud praxis habeat, non admittitur ad ferendum suffragium. Ratio, quia talis Canonicus non admittendus est ad dandam vocem, nisi quando verum est, eum esse 24. annorum, quod, antequam eos *complevit*, verum non est.

Q. 3. *Quid circa convocationem Capituli notandum?*

Resp. 1. Convocari debet Capitulum ab Episcopo, vel Prælato, dum is est præsens, & rem communem ha-

bet

bet proponendam majoris momenti, quæ tamen nec suam, nec suorum commodum concernat; in ejus absentia, aut dum agendum de re solum Capitulum, aut utilitatem vel Prælati vel ejus consanguineorum spectante, Præses Capituli illud convocabit; qui ordinarie est Decanus, aut in hujus etiam absentia, Senior Capitularium, nunquam Vicarius Episcopi. Trid. *Sess. 25. cap. 6. de reform.* nisi forte ipse esset Senior Canonicus in casu prius opposito. 2. Convocari potest Capitulum non toties quidem, quoties libuerit, sed vel consuetis diebus, aut quoties ille, qui convocare debebit, ad servitium Ecclesiæ expedire judicaverit. 3. Capitulum de jure communi celebrari debet in Ecclesia, vel loco ad id determinato, nec absque rationabili causa ad alium transferri. *c. 28. de elect. Leur. b. tit. Q. 128.*

Q. 4. Quid requiratur ad validitatem actus Capitularis? Resp. 1. Requiritur, ut omnes, qui de jure aut consuetudine vocari debent, vocentur; unus enim non vocatus agere potest de contemptu, & irritare, quod ab aliis gestum. *cap. 33. de præbend. c. 28. de elect.* Si plures quam tertiæ pars vocandorum ex contemptu vocati non sint, tractatus & decreta ipso jure sunt irrita. Ratio, quia vis & potestas aliquid decernendi in duabus Capitularium partibus, qui debent vocari, & volunt ac possunt interesse, consistit. Abb. *in cap. 1. b. tit. n. 16.* & AA. Sufficit autem ad actum Capitularem, in Capitulo extraordinario, *specialiter* ut (quæ specialis vocatio in ordinario, scil. statis diebus habendo, nequidem requiritur) omnes in loco præsentés, aut non procul absentes vocentur, exceptis quibusdam talibus, ubi & absentes vocandi; ut quando eligendus Prælatus. *c. 42. de elect. dum quis recipiendus in Canonicum. cap. 33. de præb. in 6. dum indicenda cessatio a divinis. cap. 8. de Offic. Ordin. in 6. dum aliud negotium arduum tractandum.* 2. Requiritur ad validitatem actus Capitularis, ut Capitulares sint capitulariter congregati, & non sufficit, ut singuli Canonici seorsim aliquid promittant vel suam mentem declarent. Engel *hoc num. 5. ex Joan. Honor. b. tit. num. 1.* 3. Requiritur, ut duæ saltem partes Capitularium, sive duæ tertiæ eorum, qui debent vocari, & volunt, ac possunt commode interesse, sint præ-

sentēs. *L. 3. §. 4. ff. quod cujusque Univ. nom.* Hinc verba *P. Pich. b. n. 2.* sunt, eos, qui vocati venire detrectant, non attendendos, & ceteros ut ut paucos, & licet plures, quam tertia pars, venire nollent aut non possent, procedere valere, etsi duas tertias non conficerent per *cap. 19. de elect. cap. 21. §. adjicimus, de offic. deleg.* in hoc tamen attendenda consuetudo.

Q. 5. An etiam ad validitatem actus Capitularis requiratur consensus omnium Capitularium? Resp. Neg. sed requiritur & sufficit regulariter consensus majoris & sanioris partis Capitularium præsentium. *c. 1. 3. §. fin. b. t.* Major autem pars *de jure* debet absolute sumi, v. gr. ex 24. suffragantibus 13. consentire debent; sufficit tamen etiam, si ex 15. Capitularibus consentiant 8. licet hoc casu non habeatur unum votum supra medietatem. Ratio, quia saltem majoritas suffragiorum habetur. 2. Nec major pars sufficit, sed requiritur vel omnium vel duarum tertiarum consensus, dum Coadjutor Episcopo amenti dandus. *c. unic. de Cler. agr. in 6.* Si electio cum postulatione concurrat. *c. 40. de elect.* dum eligitur S. Pontifex. *cap. 6. de elect.* dum eligitur Præfata Monialium in discordia. *cap. 43. de elect. in 6. §. sane.* Omnium consensus absolute requiritur, dum potestas eligendi competens Capitulo in unum vel plures transferenda est per compromissum; si decernenda admissio Clerici extranei ad suffragium in electione ferendum; si agatur de re ad omnes tamquam singulos *jure proprio & patrimonii* pertinente. *Reg. jur. 29. in 6. que ita explicari debet,* ne contraria sit *cap. ult. b. tit.* 3. Casu quo major tantum suffragantium consensus sufficit, non officit hujus sufficientiæ, licet minor pars contradicat, nisi pars minor sanior esset; tunc enim opponere se ad impediendam executionem illius potest etiam unicus, modo afferat causam rationabilem, & hanc coram superiore Capituli & electis arbitris probet. arg. *c. 1. b. t. Schmalzgr. b. t. n. 31.*

T I T U L U S XII.

*Ut Ecclesiastica Beneficia sine diminutione
conferantur.*

Quest. 1. Quotuplex contingere possit diminutio beneficiorum? Resp. Vel per unionem, dismembrationem, divisionem, & suppressionem de quibus ad Tit. de Præb. dixi; beneficia imminui possunt; vel per impositionem novi oneris; de qua imminutione hic agendum. Onus, quod imponi beneficio potest, duplex est; reale & personale: Reale, dum pars aliqua reddituum subtrahitur, obligando beneficiatum, ut certam fructuum portionem alteri cuiquam quotannis, sive semel pro semper solvat. Personale est, si obligatur beneficiatus, ut v.g. deinceps scripturam vel Jus Canonicum prælegat, Grammaticam doceat, plura Sacra dicat, &c. Inter onera realia potissimum *Pensio* reputatur, quæ est jus ex alterius beneficio fructus quosdam percipiendi: hæc est vel *Laicalis*, Laicis vel Clericis propter obsequium temporale dari solita, vel *spiritualis* vel *mixta*. Imponi etiam potest pensio vel ipsi beneficio vel beneficiato. Is qui habet jus, fructus ex alieno beneficio percipiendi, dicitur *pensionarius*.

Quæst. 2. Quis possit vel non possit pensionem aut aliud onus reale beneficio imponere? Resp. 1. Potest quidem S. Pontifex vi cap. 2. de Præbend. in 6. & Clem. 1. ut lit. pend. nullus vero Episcopus aut Collator Papa inferior potest pensionem perpetuam alteri Clerico solvendam, aut aliud onus reale perpetuum ipsi beneficio imponere. cap. unic. h. t. cap. 7. de censib. Trident. Sess. 25. cap. 5. de reform.

Resp. 2. Potest Episcopus iusta de causa pensionem temporalem moderatam ad vitam beneficiati gravati, quocum extinguatur, imponere per cap. 21. de Præb. Nec obstat Rubr. *bujus tituli*, quia per impositionem talis pensionis ipsum beneficium non gravatur. Valde autem controversum est, utrum ad vitam ipsius pensionarii duraturam pensionem Episcopus possit

fit imponere; affirmant tamen etiam id multi cum Pichl. *b. t. n. 2. & cap. 5. de transact.* item ex paritate cum dismembratione, quam & nos superius, ad *Tit. de Preb.* supponendis fieri posse ab Episcopo, diximus.

Resp. 3. Ut imponi possit dictis casibus ab Episcopo pensio, requiritur de jure, ut si beneficium sit plenum, consensus beneficiati. *Reg. Cancell. 45. in fin.* Ratio, quia beneficiato habenti jus ad omnes fructus, invito ipso illud auferri non debet. 2. Si sit patronatum beneficium, consensus Patroni; prout habet *Leur. in p. 3. for. benef. q. 465.* 3. Clerici Pensionarii obligatio est gestare habitum & tonsuram; & recitare officium parvum B V. Bulla Sixti V. 30. & S. Pii V. 71. Pro rata fructuum concurrere ad onera ferenda. *Reg. 77. in 6.*

Q. 3. *An Episcopus vel alius Collator possit pro suis usibus applicare fructus obvenientes tempore vacantis beneficii?* Resp. Neg. ratio, quia fructus tempore vacationis obvenientes debentur successori. *c. 9. de offic. Ord. in 6. c. 11. de elect. in 6.* Per consuetudinem tamen aut Privilegium acceptum posset Episcopus partem aliquam illorum fructuum in usum NB. fabricæ Ecclesiæ aliamve necessitatem defalcare.

Q. 4. *An Episcopus etiam imponere non possit onus personale beneficiato?* Resp. Quod in ipsa beneficii collatione tale onus imponi non possit, habetur tum ex *rub. & text. b. t.* tum ex *cap. fin. de pact.* Multi tamen AA. putant, posse beneficio ipsi adhuc vacanti imponi onus honestum cum consensu Capituli, ita ut beneficium postea conferendum una cum onere ad successorem transeat. Vide *Leur. For. benef. part. 2. q. 776. n. 2.* & *Pichl. b. n. 9.*

T I T U L U S XIII.

De rebus Ecclesiæ alienandis, vel non.

Q. uest. 1. *Quæ sit explicatio rubricæ tituli præsentis?*
 Resp. 1. Nomine Rei generaliter loquendo varia venire possunt; sic aliæ sunt res *Corporales*, quæ sensibus externis subjiciuntur; aliæ *Incorporales*, quæ licet tribuant facultatem agendi, quod est sensibile, in se ta-

tamen sensibiles non sunt. Corporales sunt vel *mobiles*, quæ aut se ipsas connaturaliter de loco in locum movent, ut animalia; aut ab aliis absque læsione de loco in locum moveri possunt, ut vinum, &c. vel *immobiles*, quæ salvæ & integræ de loco in locum nequeunt moveri. Actiones, obligationes & jura accensentur vel immobilibus, si his, vel mobilibus, si mobilibus adhæreant. Inter mobiles aliæ sunt *pretiosæ*, quæ ratione pretii, antiquitatis, artis, in thesauro Ecclesiæ reputantur. Aliæ non *pretiosæ*, quæ servatæ non conciliant specialem decorem. Mobilium aliæ possunt *servando servari*, aliæ non, uti vinum, oleum. De singulis procedit quæstio in seq.

Resp. 2. Nomine *Ecclesiæ*, quod in hac materia favorabili late sumitur, veniunt non tantum loca sacra, seu consecratione Episcopi ad Sacrificia deputata, ut sunt templa, sacella, Oratoria; sed etiam quævis loca pia & Religiosa, autoritate Superioris Ecclesiastici constituta, qualia sunt Monasteria, Conventus, Xenodochia, Hospitalia. *Auth. hoc jus porreclum. C. de SS. Eccl. rel. in cap. hoc. jus 2. Caus. 10. q. 2. cit. c. 5. b. t.*

Resp. 3. Nomine *alienationis* non tantum in hac materia venit alienatio *strictè* dicta, qua transfertur dominium directum rei cujusdam in alterum, sed etiam late dicta, ut constat ex *cap. 5. b. t. Clem. 1. eod. Extrav. Ambitiosæ, b. t. inter. Comm.* Ratio, quia alienatio est prohibita tantum in favorem Ecclesiæ, qui favor exigit ampliative sumi *Ly alienationem*. Itaque prohibetur non tantum donatio; venditio, permutatio. *cap. 5. cit.* sed etiam constitutio hypothecæ, *non quidem generalis, sed specialis*; concessio in feudum: locatio *ultra triennium*: transactio, per quam res Ecclesiæ in alium transfertur, compromissum, &c.

Resp. 4. Nomine *conditionis* in *cap. 5. b. t.* prohibita venit omnis pactio seu conventio super rebus Ecclesiæ immobilibus vel mobilibus pretiosis, per quam Ecclesia oneretur. Sumitur ex *L. 5. §. 2. ff. de contrab. empt.* Deinde juxta probabiliorē alienationis nomine *hoc titul.* prohibita venit etiam repudiatio sive hæreditatis, sive Legati, quo res immobilis vel mobilis pretiosa Ecclesiæ aut Monasterio relicta est, ita ut repudiatio talis fiat invalide: si sit repudiatio non simplex

sed cessio aut permutatio in favorem alterius, certa ejus est prohibitio; de simplici probatur tum *ex L. 5. §. 8. ff. de reb. cor. qui sub tutel.* tum exinde, quod Prælatus *repudiando hereditatem* privaret Ecclesiam jure acceptandi & adeundi hereditatem, quod jus per delationem hereditatis acquisiverat; *repudiando legatum* privaret Ecclesiam rei legatæ dominio, & jure in re, quod etiam ignorantibus & ante traditionem fuerat acquisitum.

Q. 2. *Quanam res Ecclesiasticæ libere alienari non possint?* Resp. 1. Prohibentur alienari libere, id est, absque *justa causa & solemnitatibus*, copulative requisitis, res Ecclesiarum *immobiles*, magni valoris & utiles Ecclesiæ, siue eas alienare velint Episcopi, siue Prælati, siue alii Ecclesiarum Rectores. *cap. 1. 4. & seqq. h. t. Clem. 1. Extrav. Ambitiosæ*, Trid. *Sess. 22. c. 11. de reform. &c.* Ratio hujus tam multiplicis prohibitionis est necessitas & utilitas Ecclesiarum. 2. Prohibentur eodem modo alienari *res mobiles pretiosæ*, quæ servando servari possunt, v. g. *vasa aurea & argentea*, quæ sunt de thesauro Ecclesiæ, non vero illa, quæ sunt antiqui moris, nec speciale afferunt ornamentum Ecclesiæ. Engel *h. tit. n. 5.* alienari etiam prohibetur *ususfr. longi temporis; census annui ex re immobili necdum cessi: reliquiæ Sanctorum insignes: Bibliotheca saltem copiosa*, &c. 3. Quid de pecunia dicendum, an inter res pretiosas mobiles referenda, disputant AA. tum dicunt plerique eam inalienabilem esse, si donata, a testatore relicta, aut ex venditione rei immobilis vel mobilis pretiosæ redacta sit in hunc finem, ut alia res immobilis vel mobilis pretiosa exinde comparetur, quia sic censetur per factam destinationem inter immobilia.

Q. 3. *Quæ res Ecclesiasticæ libere possint alienari?* Resp. 1. Absque juris solemnitatibus alienari possunt ab Administrantibus, Prælatibus, & Rectoribus Ecclesiarum *res Ecclesiæ mobiles non pretiosæ*, saltem si servando servari non possint, cujusmodi sunt frumentum, vinum, oleum, & alia, quæ arbitrio judicis respective vel ad Episcopum, vel ad inferiorem Prælatum pretiosæ non habentur. Ratio, tum quia id non reperitur prohibitum, tum quia nimis foret difficile, ad harum alienationem solemnitates omnes adhibere. 2. Res Ecclesiæ *inutiles* & mul-

& multo magis *damnosæ c. 20. 52. 54. caus. 12. qu. 2.* Imò & res immobiles *exigui valoris* alienari possunt absque solemnitate. *canon. terrulas 53. caus. 12. qu. 2. cap. 3. de donat.* & ex Praxi Prælatorum. 3. *Res immobiles*, quæ donatæ vel legatæ sunt Monasteriis bonorum incapacibus. Engel *h. num. 9.* 4. *Res antiquitus in feudum vel emphyteusim dari solitæ*, ut adeo, si revertantur ad Ecclesiam, sine solemnitate possint denuo in feudum dari. 5. *Res & bona quæcumque* in casu urgentis necessitatis; ubi consensus S. Pontificis vel alterius Superioris absque gravi Ecclesiæ damno nequeat expectari. *cap. 4. de consuet. c. 4. de R. J.* 6. Demum bona alienari permessa potuerit etiam Prælatus alienare, licet emiserit iuramentum; non alienaturum se res Ecclesiæ inconsulto Papa. Ratio, quia iuramentum hoc ad terminos juris restringendum; item quia talis iurans, se non alienaturum bona, non potest aliter censerî iurasse, nisi quod nolit illicite alienare. Ergo.

Q. 4. *Quenam sint causæ; ex quibus Prælati res immobiles vel mobiles pretiosas possunt alienare?* Resp. Sive requirantur solemnitates, sive in quibusdam rerum Ecclesiasticarum alienationibus secundum dicta non requirantur; semper tamen una ex tribus seqq. causis ad validam alienationem adesse debet. Ratio, quia iusta causa non Jure tantum humano, sed etiam divino & naturali ad alienationem bonorum Ecclesiasticorum requiritur, quod jus utrumque vult, non dissipari res Ecclesiasticas contra mentem Fundatorum & cum præjudicio cultus divini. Causæ autem iustæ sunt. 1. *Necessitas urgens*, dum v. gr. alius modus debita solvendi non suppetit. 2. *Utilitas evidens*, quando per alienationem major potest fructus procurari. 3. *Pietas*, ratione cujus ad alienationem deveniri posse, dum vel redimendi ab infidelibus captivi, vel alendi pauperes, vel ampliandum pro sepultura fidelium cœmeterium, vel ædificandum templum, notat Schmalzgr. *h. n. 57.*

Quæst. 5. *In quibus consistant solemnitates a Jure ad alienationem requisitæ?* Resp. 1. In contractu, quo Prælatus cum Capitulo vel conventu de necessitate vel utilitate alienationis deliberet, *cap. 1. h. t. in 6. Clem. 1. eod.* 2. In consensu Capituli, qui debet esse majoris ejusdem par-

partis, uti in aliis actibus Capitularibus; item expressus. *cap. 1. de his, quæ fiunt a Præl. & demum non singulariter & seorsim consentientium, sed Capitularium congregatorum, c. 1. cit. ob verba: cum Clericorum collaudatione.* Si tamen consensus Capituli ex post superveniret, scil. facta jam alienatione, sufficeret. *rubr. & text. cap. 3. de his, quæ fiunt a Præl. 3. In suspitione cap. 1. & cap. 8. de his, quæ fiunt, quæ de jure fieri deberet ab omnibus & singulis Capitularibus, quod in praxi non servatur.* Intelligenda sunt hæc de subscriptione Capituli, consensu, & tractatu cum eodem, si Ecclesia habet Capitulum. 4. *In consensu & autoritate Superioris*, quo tamen nomine nec Patronus Ecclesiæ modo venit, utpote quod nullo jure probatur, nec princeps territorialis. *Schmalzgr. b. num. 107. & 109.* sed olim veniebat immediatus Superior Ecclesiasticus, scil. in alienatione ab Abbate non exempto facienda Episcopus. *canon. 41. caus. 12. qu. 2. in alienationibus autem Episcoporum solus Capituli consensus exigebatur, canon. 52. caus. 12. qu. 2.* Præterea hodie in alienatione rerum Ecclesiasticarum immobilium vel mobilium pretiosarum, *speçtato jure communi*, necessarius est consensus Roman. Pontificis, causa licet justa & solemnitatibus aliis de jure requisitis intervenientibus, *cap. 2. b. t. in 6. Extrav. Ambitiosæ, inter comm. cod.* De consuetudine Germaniæ dicunt multi, præsertim Scriptores Germani, non videri receptam *Extravag. Ambitiosæ*, quoad hoc, ut requiri necesse sit consensum Apostolicum præf. a Principibus Ecclesiasticis, nec quoad pœnas in ea statutas. 5. Ultimo hic notandum cum *Pichl. b. t. n. 32.* contra *Engel num. 16. cod.* solemnitates prædictas etiam requiri, casu quo una Ecclesia in alteram rem aliquam alienat. *c. 1. b. t. in 6.* Ratio, quia jura non distinguunt inter alienationes in laicos aut Ecclesias vel Ecclesiasticas personas factas.

Quæst. 6. Utrum alienatio rei Ecclesiasticæ immobilis vel mobilis pretiosæ sine interventione solemnitatum facta sit invalida? Resp. 1. Loquendo de foro interno ipso jure nulla & invalida est. *c. 1. 3. 8. de his, quæ fiunt, Præl. c. 6. b. t. cap. fin. cod. in 6. Extrav. Ambitiosæ inter Comm. b. t.* non aliter tamen nulla est talis alienatio, nisi in quantum

num exigit favor Ecclesiæ, sic, ut si v. gr. emptor rei Ecclesiasticæ, sine forma juris alienatæ, eam velit ultro restituere, non teneatur acceptare Ecclesia, si malit contractum per solemnitatum adhibitionem firmare, *can. 24. caus. 12. q. 2.* Ratio desumitur ex paritate contractus cum pupillo initi, qui irritatur a Jure, nisi interveniat autoritas tutoris; in quantum tamen pupillo favorabilis est, si in eo stare velit, sustinetur,

Resp. 2. Loquendo de foro interno, alienatio rei Ecclesiasticæ facta ex justa causa, sed absque solemnitatibus, valida est. Ratio, quia talis alienatio subsistit de jure naturali, cum habeat omnia, quæ ad ejus substantiam requiruntur; de jure positivo nec constat, nec sufficienter probari potest, irritatam esse pro foro interno; ergo. Hinc etiam eruitur, quod rem Ecclesiasticam sine solemnitatibus recipiens, eam in conscientia non teneatur restituere ante sententiam.

Q. 7. Quomodo consultum sit Ecclesiæ contra alienationes illegitime, id est, absque justa causa & solemnitatibus juris factas? Resp. 1. Habet actiones duas, personalem unam adversus Prælatum vel administratorem, res Ecclesiasticas ita male alienantem, *c. 3. de pignor. realem* alteram adversus possessorem rei alienatæ ad rem alienatam recuperandam, *c. 4. h. t.* ubi optime facit Ecclesia intentando remedium possessorium præ actione rei vindicatoria.

Resp. 2. Rem Ecclesiasticam male alienatam non Superior tantum alienantis, sed ipse etiam Prælatus alienans revocare potest, *text. expres. in c. 6. h. t.* etiamsi jurarit, se non repetiturum rem alienatam, quia hoc juramentum, utpote tendens contra utilitatem Ecclesiæ, non ligat. Schmalzgr. n. 155. habet, quinam post mortem Prælati male alienantis rem Ecclesiasticam alienatam possint repetere. *num. 159.* probat, rem Ecclesiasticam a possessore b. f. lapsu 40. annorum præscribi posse, adeoque repetenti rem alienatam a b. f. possessore, obistere exceptionem præscriptionis.

Resp. 3. Habet Ecclesia contra alienationem etiam legitime & rite factam, si per eam de facto graviter fuerit læsa, beneficium restitutionis in integrum, *cap. penult. h. t.* exemplo minorum & pupillorum. Hoc tamen
casu

casu restitutio facienda, ut jussus restituere neque in damno sit, neque in lucro, juxta L. 24. §. 4. ff. de minor. Si vero quis rem Ecclesiasticam teneatur restituere, quia absque justa causa & solemnitatibus non adhibitis alienatio ejus est facta, procedendum erit eo modo, quo alias in rerum aliarum vindicatione cum distinctione inter bonæ & malæ fidei possessorem proceditur.

Q. 8. *Quenam sint pene male alienantium & male alienata recipientium?* Resp. Hodie per *Extrav. Ambitiose*; inter *comm. b. t.* seqq. obtinent. 1. Præterquam quod alienatio extra casus ibi exceptos, inconsulto Pontifice, facta sit nulla, alienans æque, si sit Episcopo vel Abbate inferior, ac recipiens rem alienatam incurrunt excommunicationem; quæ non quidem vi dictæ *Extravag.* sed *Trid. Sess. 22. c. 11. de reform.* est S. Pontifici reservata. 2. Episcopi & Abbates alienantes incurrunt interdictum ingressus in Ecclesiam; & si per 6. menses in hoc interdicto persistierint, suspensionem ipso jure ab omni administratione & regimine Ecclesiarum ac monasteriorum. 3. Inferiores Prælati, Rectores, Administratores ultra excommunicationem ipso facto sunt privati beneficiis, quorum bona alienarunt. Excusant tamen ab his pœnis *consuetudo*; ubi *Extrav.* vel non est recepta; vel abrogata: *actus imperfectio*; si alienatio sortita non sit effectum; *bona fides* alienantis vel recipientis bona alienata: *ignorantia probabilis* ejus, qui vel nescivit talium rerum alienationem esse prohibitam, vel pœnas has esse annexas.

T I T U L U S XIV.

De Precariis.

Q.uest. 1. *Quæ sit hujus cum prioribus Titulis connectio, & quid importet?* Resp. ad 1. Cum ad alienationem rerum Ecclesiasticarum prohibitam per contractus soleat deveniri, ab hoc usque ad Tit. XXIV. inclusive de variis eorum speciebus tractatur.

Resp. ad 2. Dupliciter accipitur *Precarium* in jure. *Precarium* sive contractus *Precarii* jure Civili cognitus est

est tot. tit. ff. & Cod. de Precar. Precaria sive contractus Precariarum est a jure Canonico inventus & a Precario plurimum differt, ut passim AA. & Leur. hoc tit. Quest. 209.

Q. 2. Quid sit Precarium & quid juris circa illud? Resp. 1. Sumptum pro re precaria concessa, est id, quod precibus petentis utendum datur tamdiu, quamdiu is, qui concessit, patitur, id est, non revocat, cap. 3. b. t. L. 1. ff. eod. pro actu ipso quo res illa conceditur, est negotium, quo aliquid gratis alteri utendum conceditur, reservata sibi facultate ad libitum revocandi. 2. Juxta plures ob L. 14. ff. b. t. Precarium contractus stricte dictus non est; ad essentiam tamen suam requirit primo consensum tam dantis, quam accipientis, ut patet; deinde, ut restradatur, sed ad usum indeterminatum quoad modum, finem, tempus; per quod differt a Commodato: demum, ut quandocumque libuerit concedenti, etiam absque justa causa, possit revocari, c. fin. b. t. unde differt a Donatione. Revocatio illa fieri etiam potest, licet concedens Precarium pactum adjecisset de non revocando ante certum tempus. L. 12. ff. b. t. quod tamen, si addatur, frustraneum non est. L. 4. §. fin. ff. b. t. 3. In re qualibet per L. 3. ff. b. tit. & a quolibet, valente alteri usum rei communicare, per L. 1. ff. b. t. & cuilibet, etiam pupillo, absque Tutoris autoritate. L. fin. §. 1. ff. b. t. Precarium concedi potest. 4. Ab accipiente Precarium præstatur tantum dolus, & culpa dolo proxima. L. 8. §. 3. ff. b. t. 5. Finitur precarium vel revocatione, vel morte ejus, cui concessum, si personæ datum fuerit, c. fin. b. t. vel etiam subinde morte concedentis, &c. arg. cap. 5. de rescript. in 6. L. 4. ff. locat. 6. Competit Domino rem precario concessam repetenti interdictum de Precario, vel actio extraordinaria præscriptis verbis. L. 2. §. 2. L. 19 §. 1. ff. b. t. Accipienti, dum præter usum concessa simul possessio specialiter rogata, interdicta possessoria.

Q. 3. Quid sit Precaria vel Precariæ, quid de iis Jure Can. statutum? Resp. 1. Precaria, sive Precariæ, sumendo pro ipso actu, quo conceduntur, sunt contractus realis b. f. quo rei Ecclesiasticæ immobilis, & fere soli tantum usus alicui ad Preces conceditur, vel in perpetuum, vel

vel ad certum tempus, eo tamen pacto, ut, si ad longius tempus facta sit concessio, singulis quinquenniis renovetur. *can. 5. caus. 10. qu. 2. c. 1. & seq. b. t. 2.* Differt hic contractus ab Emphyteusi tum per repetitas renovationes, tum quod admittat quidem pensionem, sed per accidens solum, quam Emphyteusis per se requirit &c. 3. Ad hoc, ut a Præfato Ecclesiæ vel alio ejus Administro Precariæ primitus concedi possint, solemnitates juris ad alienationem rerum Ecclesiasticarum requisitæ debent intervenire. *cap. 5. & Extrav. Ambitiosæ; de reb. Eccles. alien. inter Comm. 4.* Præterquam quod hic contractus producat in constituyente obligationem relinquendi usum rei usque ad tempus conventum; in accipiente obligationem, præstandi culpam levissimam; petendi obligationem &c. dat insuper actionem, (quæ dici potest cum Engel *b. n. 7. actio Precarium*) Ecclesiæ quidem *directam* contra accipientem ejusque hæredes ad præstandum omne, quod natura contractus exigit; *contrariam* autem accipienti & ejus hæredibus adversus Ecclesiam; ut res usque ad tempus conventum relinquatur &c.

T I T U L U S X V.

De Commodato.

Quest. 1. *Commodatum quid sit, & quæ ejus requisita?* Resp. ad 1. Formaliter, scil. pro ipsa rei commodatione sumptum est contractus, quo res aliqua gratis ad certum usum & tempus ex lege conceditur; ut illo finito eadem in specie restituatur.

Resp. ad 2. Requisita sunt. 1. Ut *res tradatur*; quia est contractus realis. 2. Ut *detur usus gratia*; nam dominium remanet penes dantem. *L. 8. ff. b. t. &* per hoc differt a *deposito*, quod ad custodiam tantum; a *pignore*; quod ad securitatem crediti datur; a *mutuo*, in quo ipsum dominium transfertur. 3. Ut *res gratis* concedatur, §. 2. *Inst. quib. mod. re contrab. oblig.* differt per hoc a locato, conducto, &c. 4. Ut *detur ad certum tempus*, idque vel expresse, vel tacite determinatum. *L. 17.*

§. 3.

§. 3. ff. b. t. 5. Ut res sit talis, quæ in specie reddi possit. §. 2. *Inst. quib. mod. re.*

Q. 2. *Quinam commodare, & quæ res possint commodari?* Resp. ad 1. Omnis & solus commodare potest, qui contrahere. L. 1. §. 2. & L. 2. ff. b. t. siue sit sui, siue alieni juris; siue bonæ, siue malæ fidei; siue dominus rei, siue usumfr. tantum habeat, aut nomine etiam alieno administret. Accipere commodatum possunt omnes, qui ex contractu naturaliter saltem possunt obligari. Schmalzgr. b. num. 13.

Resp. ad 2. Commodantur res mobiles & immobiles. L. 1. §. 1. ff. b. t. corporales, & incorporales. cit. L. profanæ & sacre, hæ tamen ad usus non nisi sacros, arg. c. 7. & 8. de rer. permut. propriæ & alienæ, hæ scil. pro foro externo. L. 15. & seqq. ff. b. t. interdum etiam res fungibiles. L. 3. §. fin. ff. b. t.

Q. 3. *Quenam ex commodato in commodante nascatur obligatio?* Resp. 1. Tenetur rem commodatam commodatario ad tempus usque præfixum relinquere. c. un. b. t. L. 17. §. 3. ff. eod. Excipitur casus advenientis necessitatis propriæ, non prævisæ. arg. L. 3. C. de locat. & cond. Potest & commodans revocare commodatum, si tempus sit quidem elapsum, commodatarius tamen re, etiam si citra suam culpam, uti non potuit. Ratio, quia gratuita concessio extendi non debet contra mentem concedentis, quod fieret. 2. Tenetur reparare damnum per dolum aut culpam suam latam commodatario ex re commodata proveniens. L. 18. §. 3. L. 22. ff. b. t. 3. Tenetur ad expensas extraordinarias & graves rei commodatæ, utpote suæ, v. gr. ad curandum equum, dum absque omni commodatarii culpa est læsus.

Quest. 4. *Quenam ex commodato in commodatario obligatio nascatur?* Resp. 1. Commodatarius tenetur re commodata ad eum præcise usum uti, ad quem data est. L. 5. §. 8. ff. b. t. si contra voluntatem Domini re aliter utatur, furtum committitur. §. 6. *Instit. de oblig. quæ ex del.* 2. Tenetur ad exactissimam diligentiam regulariter, ut infra. 3. Rem restituere finito usu integram, id est, non deterioratam. L. 2. §. 1. L. 18. §. 1. ff. hoc tit. cum omnibus fructibus & accessoriis. L. 5. §. 9. ff. hoc tit.

Resp. 2.

si res commodata per aliquam etiam suam culpam interit, per compensationem debiti liquidi, quo sibi aliunde commodans est obstrictus, possit satisfacere, late habet Pichler in Opere suo novo, cui Tit. *Jus Canonicum practice explicatum*, b. t. Q. 2.

T I T U L U S XVI.

De Deposito.

Quest. 1. *Quid & quotuplex sit depositum?* Resp. 1. Est contractus realis, quo res alicui gratis custodienda traditur, ut eadem in specie reddatur deponenti, quandocumque repetierit. Requirit itaque 1. *rei traditionem*, juxta §. 3. *Inst. quib. mod. re contrab. oblig.* 2. *Consensum utriusque*; vide tamen Schmalzg. b. t. n. 7. 3. *Ut gratis & sine mercede custodiatur*, alias non est depositum pure tale, sed potius locatio, aut alius contractus innominatus. L. 1. §. 8. & seq. ff. b. t. 4. *Ut res custodiæ causa detur*, per quod differt a inutuo, commodato, pignore &c.

Resp. 2. Depositum, *conventionale* scil. & *in specie*, (de sequestro actum est ad L. 2. Tit. 17.) aliud est voluntarium seu ordinarium; aliud extraordinarium seu miserabile, ad quod cogit necessitas; aliud regulare, irregulare aliud &c.

Q. 2. *Quæ res & a quibus deponi possint?* Resp. ad 1. Deponi possunt res omnes; quæ custodiam recipiunt: propriæ & alienæ. L. 1. §. 39. L. 31. §. 1. ff. b. t. pignus & depositum. L. 16. ff. b. t. res mobiles & immobiles, L. 11. ff. de peric. & comm. rei ven. non tamen res depositarii propria apud ipsum depositarium. L. 15. L. 31. in fin. ff. b. t. nec quæ deposito accedunt, censentur deposita L. 1. §. 5. ff. b. t. cista tamen obsignata deposita singulæ res inclusæ, licet non fuerint monstratæ depositario, depositæ censentur. L. 1. §. 41. ff. b. t.

Resp. ad 2. Deponere & depositum recipere possunt omnes rationis & obligationis subeundæ capaces; etiam feminæ. L. 26. ff. b. tit. item pupillus & Minor, etiam absque autoritate Tutoris & Curatoris, ubi tamen notanda. L. 1. §. 15. ff. hoc tit. Imo & Religiosus, cujus

tamen si dolo aut culpa periret depositum, nec Prælat^{us} & Capitulum, sine quorum consensu id receptum, nec Monasterium ad restitutionem tenetur. *c. 1. b. t. reg. 76. in Schmalzgr. h. n. 13. & 14.*

Q. 3. Ad quid obligentur deponens & depositarius? Resp.
 1. Deponens debet depositarium servare indemnem; adeoque refundere expensas necessarias in rem depositam factas. *L. 12. princ. L. 23. ff. b. t. & damnum dolo ac quavis sua culpa datum refarcire. argum. L. 5. §. 5. ff. Commod.*

Resp. 2. Depositarius tenetur 1. in re deposita eam adhibere diligentiam, quam solet in rebus suis. *c. 2. & L. 32. ff. b. t. non majorem cit. L. 32. neque, si foret diligentissimus in rebus propriis, obligatur diligentissimus esse in custodiendis rebus depositis. arg. cit. L. 32. & L. 5. §. 5. ff. Commod. neque tenetur depositarius in communi periculo, v. g. incendiis &c. si nequit salvare rem propriam & alienam, præ propria rem depositam servare, si vel res propria sit pretiosior deposita, vel depositum in solius deponentis commodum cedat. Vide Franz. ad Tit. Instit. quib. mod. re contr. obl. d. num. 25.*

2. Non licet depositario re deposita uti sine expresso aut tacito vel rationabiliter præsumpto consensu; alias furtum committit. *L. 29. ff. b. t. §. 6. Instit. de oblig. quæ ex del. 3. Tenetur regulariter depositarius præstare dolum. L. 20. ff. b. t. & culpam latam tantum, quæ in contractibus æquiparatur dolo. L. 32. ff. b. t. imo dolus præsumptus vocatur L. 226. ff. de V. S. non vero culpam levem vel levissimam. §. 3. Instit. quib. mod. re contrahi oblig. L. 1. §. 5. ff. de O. & A. multo minus casum fortuitum. cap. 2. b. t. L. 1. §. 35. ff. eod. Casus exceptos vide in L. 1. §. 6. §. 8. §. 35. ff. b. t. L. 12. §. fin. ff. eod. cap. fin. & eod. L. 1. & seq. ff. nautæ, cauponæ &c. latius apud Engel b. a. num. 5. Schmalzgr. d. n. 22. Reinfiest. n. 25. & seq. Leur. Q. 226. b. t. 4. Tenetur depositarius rem depositam reddere integram, & quidem, nisi quid excuset, statim, dum repetit deponens. L. 1. §. 16. & 22. ff. b. t. Leur. Q. 229. b. t. ait, Clericum quoad executionem a laica potestate cogi non posse ad restituendum depositum, &c.*

Quest. 4. Qualis competat actio ex deposito? Resp.
De

Deponenti *directa* adversus depositarium ad rem depon-
tam recuperandam. §. 3. *Instit. quib. mod. re contrah.* l.
qualis hæc sit actio; vide apud Lauteb. *h. n.* 20. quomo-
do competat contra plures depositarios, *n.* 25. quomo-
do contra heredem, *n.* 27. ubi scil. *n.* 29. & seq. de ob-
jecto hujus actionis agit, quod sunt res depositæ, cum
fructibus & omni causa restituendæ &c.

Resp. 2. Depositario competit *actio depositi contraria*
adversus deponentem ad indemnitatem nomine deposi-
ti ab eo consequendam, & consequenter ad omne id,
quod nomine seu occasione depositi depositario abest.
cit. L. 5.

T I T U L U S XVII.

De Emptione & Venditione.

Quest. 1. *Quid & quotuplex sit Emptio-Venditio?*

Resp. 1. Est contractus solo consensu initus de re
pro certo pretio tradenda, per *aut solo consensu*,
differt a contractibus *realibus & verbalibus*: per verba, *de*
re pro certo pretio, a *permutatione*, in qua res pro re; a
Cambio, in quo pecunia pro pecunia; a *locatione*, in qua
res datur ad usum pro pensione, adeo ut si quando interve-
niat pecunia, hæc non rationem prætii sed pensionis habeat.

Resp. 2. Variæ referuntur ab AA. divisiones: alia est
publica, alia *privata*; alia *pura*, alia *conditionata*; alia
generis, alia *speciei*; illa celebrantur, dum ex pluribus
ejusdem generis rebus, v. g. ex pluribus ejusdem æstima-
tionis equis unus nulla certa specie, vel juxta Philo-
sophos, nullo certo individuo designato emitur vel ven-
ditur; hæc scil. specie, dum hic equus determinatus
venditur. Alia it. venditio est *ad corpus vel per aver-
sionem*; dum plures species aut individua per modum
unius rei venditur, vel sine expressione numeri, pon-
deris, mensuræ, vel expresso quidem, v. gr. numero,
sed demonstrative tantum, non taxative: alia ad *men-
suram & quantitatem*; & hæc est conditionata. L. 35.
§. 5. & 6. ff. *de contrah. empt.* cum venditio ad corpus
sit pura & absoluta. Potest etiam emptio-venditio *in*
scriptis celebrari. L. 17. *Cod. de fid. instrum.* It. alia est

naturalis, alia *artificialis*, quæ & *negotiatio* dicitur, de qua alibi.

Q. 2. *Quæ sint ad substantiam emptionis-venditionis requisita?* Resp. Consensus; res seu merx certa, certum pretium; non quasi actualis mercis & pretii traditio ad hunc contractum requiratur, uti requiritur consensus; sed quod emptio-venditio *simplex* statim perficiatur *substantialiter* consensu partium exterius manifestato, quo se mutuo obligant, venditor ad *tradendum* mercem, emptor ad *dandum* pretium. *Princ. Inst. b. t. L. 1. ff. de contrab. empt.* Censetur itaque statim ac de pretio & merce conventum, perfecta emptio *in ordine ad excludendam pœnitentiam*, siue sit pura emptio. *L. 8. princ. ff. de peric. & comm. rei vend.* siue conditionata. *L. cit. ff. quod si pendente.* Deinde pura emptio censetur etiam statim perfecta *quoad productionem obligationis & actionis.* *Pr. Inst. b.* quæ tamen actio efficax non est ex parte emptoris ante solutum pretium, nec ex parte venditoris ante traditam mercem. *L. 13. §. 3. ff. de act. empt.* Demum censetur etiam emptio pura statim perfecta *quoad periculum & commodum rei vendite*, sic ut utrumque etiam ante traditionem ad emptorem transeat. Exceptiones vide in §. 3. *Inst. b. t. L. 8. princ. ff. de peric. & comm. rei vend. L. 30. §. 3. ff. ad L. falcid. L. 34. §. 5. & L. 35. §. 5. ff. b. t. &c.* ad Franz. *ad Inst. b. t. n. 80. & seq. Lauterb. ad Tit. de peric. & comm. rei vend. a num. 6.*

Q. 3. *Qualis debeat esse consensus, & quinam eum præstare possint?* Resp. Consensus debet esse liber. *L. 11. C. b. t.* limitationes vide apud Franz. *ad Instit. b. num. 18.* verus, non simulatus. *L. 55. ff. b. t.* Error reddit emptionem-venditionem nullam, si circa substantialia, id est, naturam rei & pretii versetur; v. g. venditor intellexit majus pretium, emptor minus. *L. 9. princ. ff. b. vel si erratum in corpore. L. cit. vel in materia, scil. tota, vendendo æs pro auro, vitrum pro gemma. L. 9. §. 2. L. 14. ff. b. t.*

Resp. 2. Consensum suum in emptione-venditione præstare, id est, emere & vendere possunt omnes, qui *contrahere*, & qui specialiter non prohibentur; prohibentur autem Tutores respectu rerum pupillarum, nã
fa-

faciant palam. *L. 34. ff. de contrab. empti*: olim Præsidēs Provinciarum per *L. 62. ff. h. t. Illustres. L. 3. C. de Commerc. & Mercat.* etiamnum Clerici prohibiti sunt exercere mercaturam proprie dictam, *tot. tit. ne Cleric. vel Monach. sæcul. negot. se immisc.* non possunt tamen prohiberi sæculares a Magistratu aut Principe sæculari, quominus vendant aliquid, & præsertim bona immobilia Clericis aut Religiosis. *cap. ult. de Immun. Eccles. in 6.* quia sic indirecte, imo in executione directe subjacerent Clerici jurisdictioni sæcularium, quod fieri nequit: *Bull. Cæn. & cap. 10. de Constit.*

Q. 4. Quid de merce, altero emptionis constitutivo dicendum, siue quæ res emi vendive possint? Resp. 1. Vendi aut emi non possunt res spirituales ob simoniam: res sacræ in usus profanos: res Ecclesiarum immobiles & mobiles pretiosæ, secundum dicta *Tit. 10.* supra res publicæ vel publicis usibus destinatæ: fundus dotalis, juxta *Auth. siue a me, C. ad S. C. Vellej.* res propriæ ipsius emptoris, *L. 15. ff. h. t. homo liber pro seruo. §. fin. Inst. h. t.* res de se malæ, res litigiosæ. *c. fin. de seq. poss. & fruct.* res emphyteuticæ & feudales irrequisito domino. *L. fin. Cod. de jure emphyt. 2. feud. 52.* arma, equi, naves barbaris &c.

Resp. 2. Vendi possunt, seqq. de quibus dubium esse poterat, scil. res aliena, imo & furtiva, emptore ignorante rem esse alienam. *L. 34. §. 3. ff. h. t.* res non existens, modo speretur futura. *L. 8. ff. h. t. hæreditas*, si jam delata sit, post mortem testatoris, *tot. tit. ff. de hered. & act. vend.* utrum jus accrescendi transeat vendita hæreditate ad emptorem, vide apud Franz. *Instit. h. t. n. 22.* ubi cum Fachin. Vinn. Lauterb. tenet. negativam. Nomina, actiones, obligationes, debita etiam vendi possunt. *L. 17. ff. de hered. act. vend.* limitationes vide apud Schmalzgr. *h. a. num. 82.* Imo & officia publica sæcularia moderato pretio ex justa causa licite venduntur; quia id contra jus naturale non est, juri autem positivo vel per contrariam consuetudinem ab inferioribus derogari potest, vel illo supremi Principes non tenentur.

Q. 5. Quale possit aut debeat esse pretium rerum venalium? Resp. 1. Pretium consistit in pecunia numerata,

§. 2. *Inst. h. t.* Si partim pecunia, partim res alia detur, pecunia, prævalente, adhuc emptio venditio erit. *L. 6. ff. de act. empt.* 2. Pretii dominium in venditorem transfertur. *L. 11. §. 2. ff. de act. empt.* 3. Debet esse certum certitudine vel absoluta, vel respectiva, ad quam etiam reducitur, si conferatur æstimatio in arbitrium tertii. *L. 7. ff. h. t.* 4. Justum debet esse pretium; quod si a LL. est determinatum, dicitur *legitimum*, & consistit in indivisibili; si spectatis circumstantiis, v. g. mercium copia aut penuria, venditoris impensis ac labore &c. communi hominum æstimatione est constitutum, *vulgare* nominatur, seu naturale, & quia a multis non omnino idem sentientibus est statutum, latitudinem suam habet, estque vel *infimum*, vel *medium*, vel *sumum*; ultra quod vendere non licet; ideoque nec licet in foro conscientiæ rem vendere quocumque pretio. *cap. 1. hoc tit. L. 33. ff. ad Leg. Aquil. L. 63. ff. ad Leg. falcid.* 6. Põtest tamen pretium tam legitimum, quam naturale crescere, quia res secundum usus humanos considerata nunc majorem, nunc minorem æstimationem habet: causæ rem pluris vendendi sunt lucrum cessans, damnum emergens, rationabilis affectus domini, copia emptorum, penuria mercium, dum res venditur successive &c. non tamen licet ob emptoris inopiam, necessitatem, utilitatem rem pluris vendere, ob plura inconvenientia; nec ob dilatam solutionem. *cap. 6. §. 10. de usur. propos. 40. ab Innocent. XI. damnat.* 6. Qui privatim scit pretium rei brevi minuendum, potest etiam non monito emptore eam vendere pretio currente; quia pretium currens, sive vulgare, sive legitimum sit, est justum.

Quæst. 6. An & quæ pacta contractui emptionis-venditionis possint adjici? Resp. Certum est, posse emptioni-venditioni arrhas & pacta adjici salva denominatione contractus. *L. 7. §. 5. ff. de pact.* Et i. quidem arrha accedit sæpius emptionibus; hæc si fuit data in signum emptionis *perfectæ*, non licet a contractu recedere quamvis dans vellet amittere arrham, & accipiens duplicatam restituere. Ratio; non potest altera parte invita rescindi emptio-venditio, cui arrha adjecta non est. *L. 6. Cod. de rescind. vendit.* ergo nec potest, si arrha sit

fit adjecta in signum emptionis *perfectæ*; si enim fit adjecta emptioni-venditioni primum *faciendæ* aut *perficiendæ*, licebit per text. §. 1. *Instit. h. t. L. 17. Cod. de fid. Instrum.* 2. Licet adjicere pactum *Legis Commissoriae*, quo placet, ut pretio intra certum tempus non soluto res sit inempta. *L. 1. 2. 3. &c. ff. de Leg. Commiss.* Requisita, ut liceat, vide apud Lauterb. *ad tit. ff. de Leg. Commiss.* 3. Potest etiam adjici emptioni-venditioni pactum *additionis in diem*, quo venditori facultas conceditur, rem venditam alii meliorem conditionem offerenti addicere. *L. 7 & 11. princ. ff. de in diem addit.* Adjicitur vel per conditionem *suspensivam*. *L. 2. princ. ff. de in diem addit.* vel per *resolutivam*. Requisita, ut liceat pactum hoc adjicere, vide apud Pichl. *hoc tit. num. 11. 4.* Licitum est pactum *de retrovendendo*, quod eo tendit, ut venditor iudicio venditi obligatum habeat emptorem ad retrovendendam sibi rem, vel quandocumque, vel intra certum tempus, *cap. 10. de fid. Instrum. Extrav. 1. & 2. inter Comm. b. tit.* Debet tamen pro favore vel onere, quod ex hoc pacto alteruter contrahentium habet, vel augeri vel minui pretium rei venditæ. *cap. 10. citat. & L. 79. ff. de contrab. empt. De jure protimiseos & de jure retractus a Q. 318. b. t. late Leuren.*

Quæst. 7. Quenam sint obligationes venditoris? Resp.

1. Venditor obligatur emptori interroganti aperire vitium rei, qualecumque sit; quia emptor habet jus cognoscendi rem, quam vult emere; non rogatus tenetur aperire vitium occultum grave, & rem reddens vel omnino vel notabiliter ineptam; quia hoc non manifestato consensus deficit; si vitium non est occultum, nec rei usum impedit, non tenetur aperire, si non rogetur; imputet enim sibi emptor, quod melius rem non inspexerit. 2. Obligatur rem venditam præcise tradere, id est, non satisfacit præstando interesse. §. 1. *Inst. h. t. L. 11. §. 2. ff. de act. empt. Pich. b. num. 40. Engel n. 25. Schmalzgr. n. 127.* rem autem tradere tenetur vacuum & liberam. *L. 1. §. 1. L. 13. princ. L. 21. §. 1. ff. de act. empt. cum omnibus fructibus, accessionibus, pertinentiis. L. 13. & pen. Cod. eod. Instrumenta quoque ad rem venditam pertinentia. L. 48. & 52. ff. b. t. 3. Obliga-*

tur ad refarciendum damnum dolo suo vel culpa lata; aut etiam levi datum. *L. 35. §. 4. ff. b. t.* 4. Denique obligatur venditor emptori de evictione & ad præstandum interesse, rem non fuisse evictam. Pichl. *b. n.* 44 & 45. & Schmalzgr. *n.* 150. referunt plures casus, in quibus evictio non præstatur.

Q. 8. Quenam sint obligationes emptoris? Resp. 1. Tenetur hic venditori ignoranti manifestare bonitatem mercis, si plus valeat, vel vitium pretii, si v. gr. moneta foret adulterina; quia pretium justum, saltem infimum, esse debet: ubi tamen sciret venditor in fundo emptoris latere thesaurum; posset hunc vulgari pretio emere, nec teneretur monere venditorem. Ratio, quia talis fundus in communi hominum æstimatione plus non valet, ac si in eo non lateret thesaurus. 2. Emptor tenetur solvere statim, dum de tempore non est conventum; & in quantitate, item etiam die ac loco statutis, ita ut de culpa etiam levi, per *L. 3. §. 11. ff. de peric. & Comm. rei vend.* imo & ad usuras pretii teneatur, si post mercem sibi traditam in mora solvendi fuit. *L. 13. §. 20. ff. de act. empt.* Vide AA. cit. supra.

Q. 9. Quæ oriatur actio ex hoc contractu? Resp. Duplex: *Actio empti* competit emptori adversus venditorem ad tradendam rem venditam, & omne id, quod ex hoc contractu debet. *L. 1. pr. §. 1. ff. de act. empt.* Venditori competit *actio venditi* contra emptorem ad pretium & omne id, quod sibi ex hoc contractu debetur. *L. 13. §. 19. ff. de act. empt.* 2. Datur emptori ex ædilitio edicto *actio redhibitoria*, qua propter vitium, quo eo-gnito rem non emisset, agit adversus venditorem ejusque hæredes, ut venditione in totum rescissa rem recipiat, pretioque reddito omnia in integrum restituat. *L. 23. §. 7. L. 27. 29. §. 2. &c. ff. de edil. edict. vel æstimatoria*, qua emptor ejusve hæres ob vitium; quo tanti non emisset, agit contra venditorem & illius hæredes, ut quanto minoris rem emisset, de accepto pretio restituat. *L. 48. §. 5. L. 6. ff. de edil.* Schmalzgr. *loc. cit. num.* 218. 3. Non tantum venditori, sed etiam emptori competit remedium ex *L. 2. C. de rescind. vendit.* ob læsionem ultra dimidium justipretii. Vide eundem *a n.* 187. imo Lex secunda citat. locum habet in aliis simi-

Ad Lib. III. Decret. Greg. IX. 351
similibus contractibus. Vide Franz. ad instit. de empto
vend. num. 112. & 113.

T I T U L U S XVIII.

De Locato & Conducto.

§. 1. De Locato.

Quest. 1. Quid & quotuplex sit Locatio Conductio?
Resp. 1. Est contractus consensualis, quo res vel
persona ad usum vel fructum pro certa mercede
alteri conceditur, & ab eo accipitur. Unus contractus
est, qui ex parte concedentis dicitur locatio, ex parte
recipientis conductio. Hinc & qui concedit rem, aut
promittit vel præstat operam, vocatur locator, & qui
accipit, conductor. Requisita ejus essentialia sunt con-
sensus, res utenda vel opera præstanda, locarium, cer-
tum scil. ac justum, & in locatione operarum in pe-
cunia numerata. L. 5. §. 2. ff. de præscript. verb. in loca-
tione rerum etiam in alia re fungibili consistens. L. 8.
& 21. C. b. t. Differt ab emptione-venditione, cum qua
magnam habet affinitatem, a mutuo, deposito, pigno-
re, commodato &c.

Resp. 2. Alia est locatio rerum, sive fruendi; quæ usus
rei v. g. ædium, fundi, libri conceditur, L. 9. princ. ff.
b. t. huc reducitur admodiatio, contractus affictus, so-
cida. Alia operarum sive faciendi; hæcque vel est lo-
catio operarum simplicium, ut fit in servis & ancillis;
vel operarum pregnantium, id est talium, quibus opus
aliquod producitur; & in hac locatione idem diverso
modo est locator & conductor. Deinde alia est locatio
perpetua, quæ tamen non eo ipso transit in emphyteu-
sin, cum id nullo jure exprimatur; alia temporalis; alia
expressa, alia tacita, prout hujus exemplum est in L.
13. §. 11. L. 14. ff. locat. L. 14 ff. locat. L. 16. C. eod.

Quest. 2. Quinam locare & conducere possint? Resp.
Omnes, qui possunt contrahere, & non prohibentur;
in specie etiam mutus, surdus, absens. Clerici tamen
prohibentur conducere prædia laicalia, si id faciant quæ-
stus causa cap. 1. ne Cler. vel Monach. Milites & Cu-
riales

riales de jure prædia rustica. L. 30. & 31. Cod. hoc tit. Tutores & Curatores prædia fiscalia; rationibus nondum redditis. L. 49. ff. b. tit. fabri, viatores, & alii artem streperam exercentes domo scholis aut Professoribus vicinis arg. L. unic. C. de stud. liberal. Potest etiam conductor rem sibi locatam sublocare alteri, sive pro majori, sive pro minori mercede. L. 7. & 48. princ. ff. L. 6. C. eod. ubi tamen notentur L. 11. §. 5. ff. de pign. act. & L. 24. §. 1. ff. b. t. non potest tamen de jure conductor invito vel inscio locatore alium sibi socium in cubiculum a se conductum assumere. Ratio consistit in majori incommodo, quod inde locatori creatur,

Q. 3. Quæ res possint locari? Resp. Regulariter omnes, quæ sunt in commercio humano. L. 34. §. 1. ff. de contrab. emptio. nec usu consumuntur. argum. L. 3. §. final. ff. commod. sive sint mobiles, sive corporales, sive incorporales, verb. gr. habitatio. §. 5. Instrum. de usu & habit. usufructus, §. 1. Instrum. eodem hujus tamen locatio expirat, dum is, qui locavit intra tempus locationi præfixum moritur. §. 3. inst. de usufr. Servitutes reales, non tamen separatim a fundo. L. 44. ff. b. t. Item jurisdictio, postquam hodie patrimonialis facta; non tamen qualitercumque locato prædio hæc etiam locata censetur, sed tum, quando generatim omnes pertinentiæ simul locatæ sunt. Jus patronatus. c. 7. de jure Patron. ubi dicitur jus Patronatus transire ad illum, qui bona ad firmam tenet. Feudum a Vasallo, etiam absque consensu domini. 2. feud. 9. §. 1. proventus decimarum. cap. 2. b. tit. & aliorum fructuum ad sustentationem Prælati alteriusve beneficiati pertinentium. Res ipsius Ecclesiæ, hæc tamen non ultra triennium, scil. utile; si tamen locatio fieret ultra triennium, non esset totaliter nulla, sed valeret quoad primos saltem 3. annos, si contrahentes divisibiliter sint pacti. Reg. 37. de R. J. in 6. Operæ etiam & facta, modo sint honesta, & certa mercede possit æstimari. L. 5. §. 2. ff. de præscript. verb.

Q. 4. Quanam sint obligationes Locatoris? Resp. 1. Locator rerum tenetur conductori aperire vitia rei locandæ, uti venditor rei vendendæ, alioquin ad reparandum damnum obligatur. L. 19. §. 1. ff. locat. 2. Præsta-

re liberum re usum *L. cit. & L. 15. §. 8. ff. b. t.* Hinc tenetur remittere pensionem pro tempore illo, quo conductor non potuit uti re vel opera conductæ, si impedimentum non oriatur ex parte conductoris, sed rei conductæ; vel locatoris injuste agentis, vel tertii, quem locator potuit prohibere, quo bino casu etiam ad interesse tenebitur. Schmalzgr. *b. a n. 51. 3.* Non privare conductorem re locata ante tempus conventum, alio licet pensionem majorem offerente, *c. i. b. t. casus quinque excepti inveniuntur c. 3. §. verum & L. 3. C. b. t.* Potest locator non obest. *c. i. b. t. ædes v. gr. uni locatas durante adhuc priori contractu alteri locare, non tamen nisi finito antecedente contractu incolendas. 4.* Restituere expensas necessarias & utiles extraordinarias. *L. 55. §. 1. L. 61. princ. ff. b. t.* non autem utiles ordinarias, nec voluptarias, quas tamen conductor potest tollere. Engel *hoc n. 10. 5.* Remittere regulares pensionem totam, si conductor absque sua culpa nullos fructus percepit; partem, pro rata damni, dum sensit notabile damnum. *c. 3. b. t. L. 15. §. 3. ff. L. 8. C. hoc tit. nihil, si damnum sit leve. L. 25. §. 6. ff. b. t.* Exceptiones vide in *c. 3. b. t. L. 25. §. 6. cit. L. 9. C. de pignor. act. & apud Schmalzgr. b. a num. 57. 6.* Demum & hic notandum, quod successor *universalis* teneatur continuare locationem usque ad præfinitum tempus, si fuerit locatio *rerum*, §. 1. *Inst. & L. 10. C. b. t.* secus, si *operarum* locatio fuerit, §. 5. *Instit. de Societ. lt.* quod successor teneatur continuare locationem rerum non proprietarum, sed ad Ecclesiam pertinentium, usque ad statutum tempus, si hæc debite a Præfato Antecessore fuerit facta. arg. *L. 8. ff. de admin. Tut.*

Quest. 5. Quæ sint obligationes Conductoris? Resp. 1. Nisi casus accadat minuendæ aut non solvendæ pensionis, tenetur eam tempore & loco convento solvere integram, post moram etiam usuras. *L. 32. §. 2. ff. de usur. 2.* Damnum dolo, culpa lata, aut levi datum refarcire, *L. 9. §. 3. L. 11. §. 3. L. 13. §. 1. & 7. ff. b. t.* non autem reg. datum culpa levissima; non obstante §. 5. *V. qui pro nisu, Inst. b. t.* casu, quo domus incendio conflagravit, nescitur autem, an culpa, an casu fuerit extortum, non conductori, sed probabilius locatori probatio culpe

incumbet, ex vulgatis Juris regulis in *L. 2. ff. de probat. L. 4. Cod. de edend. & L. 51. ff. pro socio*. 3. Ante tempus præfinitum non relinquere rem conductam, alias nihilominus ad totius temporis pensionem tenebitur. *L. 15. §. ult. ff. b. t. fieri tamen id potest, & merces pro rata deduci ex justa causa. L. 13. §. 6. L. 28. ff. de damn. inf.* 4. Post finitam locationem rem restituere in specie. *L. 25. C. b. t.* quia non habet jus rem ulterius detinendi.

Q. 6. Quid circa locationem & conditionem operariorum & famulorum observandum? Resp. 1. Debet his dari stipendium justum; censetur autem illud esse, quod in tali loco communiter illis datur, petiturque a communi æstimatione. 2. Posse illum, qui operas suas *indeterminate* locavit, v. g. Medicum, famulum, & similes, si propter morbum, aliudve impedimentum eas non potuerit præstare, totam nihilominus mercedem petere, ait Engel *b. t. a num. 8. ex L. qui operas, 38. ff. b. t. & c.* 3. Si quis pluribus suam operam locavit in solidum, potest a singulis accipere integrum stipendium, modo opera pluribus præstita sit æque utilis. Ratio, quia pro singulis seorsim distinctas suscepit obligationes a se independentes, quæ quod eadem inadæquate opera impleri possint, est per accidens; observetur tamen propositio octava ab Alexand. VII. damnata. 4. Non potest famulus, aut quicumque pro mercede servit, furripere aliquid occulte de bonis Domini, etiamsi judicet, salarium suum esse minus justo, propos. 37. ab Innoc. XI. damnata.

Q. 7. Qualis actio oriatur ex hoc contractu? Resp. Cum locator & conductor habeant contra se invicem jus activum ad ea petenda, ad quæ sibi obligatos esse, dictum est, competit illis actio: Locatori *Actio Locati* adversus conductorem ad omnia, quæ ei debentur. *princ. instit. b. t.* Contraria *Actio conducti* similiter ad omnia, quæ ex hoc contractu illi debentur. Utraque est personalis, civilis, b. f. rei persecutoria, transiens ad hæredes.

§. 2. De Emphyteusi.

Quest. 1. *Quid & quotuplex sit Emphyteusis?* Resp. ad 1. Potest sumi vel *objective* pro ipsa scil. re

emphyteutica; quæ si perpetua est, dicitur emphyteusis hæreditaria; vel *effective* pro jure, quod datur emphyteutæ; vel *formaliter*, quo res postremo modo sumpta est contractus, quo res *immobiles* alteri quoad dominium utile retento directo conceditur sub onere certi canonis statis temporibus domino proprietatis solvendi. Est contractus *juris gentium* quoad præstandum annuum canonem pro fructu fundi & in recognitionem dominii, quia eatenus videtur esse antiquior Jure Civili: est *bonæ fidei*, quia bilateralis &c. est *mere consensualis*, quia necessitas scripturæ non satis probatur. Differt ab illis contractibus; venditione, locatione, usufructu, feudo, censu reservativo, ut patet consideranti.

Resp. ad 2. Alia emphyteusis est *Ecclesiastica*, qua res ad Ecclesiam vel locum pium pertinens; alia *laica*, qua conceditur alicui res profana sive pertinens ad laicum. Alia *temporalis*, quæ solum datur ad certum tempus; alia *hæreditaria*, quæ ad hæredes transmitti potest; si ad quoscumque in infinitum, dicitur *perpetua*; si ad certum numerum hæredum, v.g. 3. vel 4. generationes, dicitur *non perpetua*: emphyteusis non transiens ad hædes extraneos, sed *ad suos* tantum, dicitur *ex pacto & providentia*, vel *familiaris & gentilitia*; quæ vero transit ad hæredes quoscumque, etiam extraneos, *hæreditaria simpliciter* nominatur.

Q. 2. Quinam concedere & quibus concedi possit emphyteusis? Resp. ad 1. omnes, qui præter dominium liberam habent rerum suarum administrationem, possunt concedere emphyteusin: in specie quilibet privatus. L. 1. & 3. C. b. t. Civitates L. 1. §. 1. ff. si age vestigal. Prælati Ecclesiarum, etiam in perpetuum, sed cum solemnitatibus, dum bona Ecclesiæ utilia concedunt c. 5. de reb. Eccles. alien. vel non. & dum illa primitus dant in emphyteusin. Extrav. Ambitiosæ cap. fin. de feud.

Resp. ad secundum. 1. Omnes accipere possunt, qui contrahere & contrahendo se obligare, feminæ etiam & communitates; quia & tales obligationis capaces sunt. 2. Possunt quoque emphyteusin ad Ecclesiam reversam accipere a Prælato sui consanguinei; quia nulla reperitur Canonica Constitutio consanguineos repellens. Non tamen vel Prælatus vel alius rei emphyteuti-

et dominus tenetur finita v. gr. generatione, pro qua concessa emphyteusis, eam dare cognatis ultimi emphyteutæ; quia nec pactum ex supposito, nec lex obligationem ejusmodi inducens potest ostendi. 4. Advertendum & hic illud; quod laicus ab Ecclesia a tributis exempta accipiens emphyteusim etiam ipse exemptus sit. S. Congr. ad Episc. Senogal. die 8. Decemb. 1658. Ratio, quia alias indirecte saltem Ecclesia, utpote minorem accipiens canonem gravaretur, quod vetitum; præsertim per *c. fin. de immun. Eccles. in 6.*

Q. 3. Quinam succedant in emphyteusi? Resp. 1. Respicendum est ad instrumentum, si quod erectum. 2. Si concessa est emphyteusis *pro se & filiis*, etiam filii de jure communi hoc nomine & veniunt & succedunt. *L. 84. 116. 201. ff. de V. S.* non tamen filii illegitimi, si emphyteusis sit Ecclesiastica; quia ex illicito concubitu progenitos detestatur Ecclesia. 3. Si concessa est *pro se & heredibus*, quicumque hæredes, etiam extranei, succedunt; quia *Ly hæres* simpliciter prolatus est terminus generalis, arg. *c. 6. §. præterea, de major. & obed.* 4. Si hæres emphyteutæ ingrediatur Religionem bonorum capacem, transibit ad hanc emphyteusis. *Auth. ingressi, C. de SS. Eccl.* sed ad vitam dumtaxat Religiosi, ut habet Pichl. *b. t. n. 34.*

Q. 4. Quæ utriusque obligationes ex contractu emphyteutico nascantur? Resp. 1. Tenetur dominus directus possessionem una cum dominio utili transferre in emphyteutam; & facta translatione liberum ei usum concedere. §. 3. *Inst. b. t.* 2. Nisi æstimatio rei emphyteuticæ fuerit interim aucta, non augere laudemium in mutatione emphyteutæ. *L. fin. C. de Jure emphyt.* 3. Non augere canonem meliorato etiam bono emphyteutico; nisi illud ad dominum redierit, & de novo alteri concedatur; quia tum contractus legem accipiet ex particulari conventionē.

Resp. 2. Tenetur emphyteuta 1. præstare laudemium, si noviter ad possessionem emphyteuseos admittatur: *L. fin. C. de jure emphyt.* Pichl. *b. t. num. 37.* 2. Arbitrio boni viri re emphyteutica uti frui; & expensas leviores & ordinarias pro conservatione rei necessarias solvere, quia eas finita emphyteusi repetat. *L. 2. Cod. de jure emphyt.*

phyt. 3. Singulis annis solvere domino directo canonem totum, si modicus sit & in recognitionem tantum domini directi solvatur; etiamsi magnum in fructibus damnum sit passus; modo non ipsa res emphyteutica tota pereat. *L. i. Cod. de jure emphyt. §. 3. Instit. de locat.* 4. Jus emphyteuticum non vendere aut alio modo alienare proprietario irrequisito. *L. fin. C. de jure emph. Schmalzgr. a num. 141. b. t.*

Resp. 3. Nascitur ex contractu emphyteutico *actio emphyteuticaria personalis* utrimque directa; de qua videatur *Lauterb. in ff. ad tit. si ager vectigal. §. 12.* Emphyteuta etiam constituta a tradita emphyteusi competit *utilis rei vindicatio*, vel actio hæc in factum, *si ager vectigalis.*

Q. 5. Quot modis finiatur & fiat caduca emphyteusis?

Resp. 1. Finitur totali rei interitu. *L. i. C. de jure emph.* lapsu temporis, ad quod concessa. arg. *L. i. & fin. ff. si ager vectigal.* nec censetur transactio tempore emphyteusis ex utriusque taciturnitate renovata, quia majus in emphyteusi, quam locatione præjudicium est. Item ex culpa emphyteutæ, sive propter commissum; ratione cuius fit caduca. Hinc

Resp. 2. Fit caduca emphyteusis, id est, propter delictum amittitur. 1. Si habens emphyteusin laicalem per triennium; si Ecclesiasticam per biennium ex sua culpa nihil de canone solverit *cap. ultim. & de locat.* nisi, quod fieri in Ecclesiastica tantum potest; celeri satisfactione moram purgaverit emphyteuta, *cap. cit.* vel nisi (quod procedit de utraque, in Ecclesiastica tamen cum solemnitatibus ad alienationem requisitis) Dominus sciens solutionem omissam receperit canonem futuri temporis, quia hunc recipiendo fatetur vel fateri censetur solventem verum esse emphyteutam. *Franz. ad Inst. b. c. 14. ait ex L. 8. §. unic. ff. de publican. & vectig.* si unus ex pluribus hæredibus emphyteutæ partem canonis non solvat, non cadere totam emphyteusin in commissum. 2. Fit caduca, si emphyteuta culpose & notabiliter deterioraverit in substantia, & ita, ut fiat infructuosior & minoris valoris. *Auth. qui rem, Cod. de Ss. Eccl.* In dubio utrum deterioratio sit notabilis, standum est arbitrio Judicis. 3. Si emphyteuta rem emphyteuticam

irre-

irrequisito domino alienet. *L. fin. Cod. de jure emphyt.* traditio tamen facta esse debet, quia ante hanc non est perfecta & completa venditio vel alienatio. His tamen casibus dominus directus emphyteutam invitum propria autoritate nequit expellere; quia nemo sibi ipsi jus dicit.

T I T U L U S XIX.

De rerum permutatione.

Quest. 1. *Quid sit permutatio?* Resp. Permutatio generalissime sumpta involvit omnem contractum, quo aliquid pro alio datur, etiam emptionem, venditionem, aliosque contractus reciprocos: *generaliter & late* accepta dicitur contractum, quo res una datur pro alia, abstrahendo tamen, utrum res in specie pro alia in specie, vel genus pro genere detur; & sic differt ab emptione, venditione, mutuo, deposito, pignore, & a tribus contractibus innominatis, scil. facio, ut facias; facio ut des; do, ut facias, *specificè* accipitur pro eo contractu, in quo res in specie non fungibilis commutatur pro alia in specie non fungibili: hoc tertio modo etiam differt a contractu innominato, do, ut des. Pichl. *h. t. n. 1. in fine*. Prout abstrahit permutatio a late & specificè sumpta definitur, quod sit contractus re & consensu constans, quo res aliquadatur ea lege, ut vicissim detur res alia.

Quest. 2. *Quinam sint effectus permutationis?* Resp. 1. Datione facta sive re tradita oritur obligatio, quæ est *μὴ ὀφείλω*, ex parte scil. solius accipientis se teneris. Lauterb. *ad ff. h. t. num. 21.* 2. Qui ex sua parte implevit contractum, potest compellere alterum ad rem pariter tradendam per *actiones præscriptis verbis*, vel etiam potest poenitere, & quod tradidit, repetere per *condictionem causa data, causa non secuta*. *L. 4. & 7. Cod. hoc tit.* 3. Nulla tamen rem danti actio competit contra tertium rei datæ possessorem, dum v.g. qui eam accepit, eandem alienavit. *L. 4. Cod. h. t.* 4. Post rem datam rei vicissim dandæ, sed nondum datæ periculum pertinet ad dantem, si citra dolum vel culpam levem accipientis pe-

pereat. Lauterb. *b. t. n. 28.* periculum autem rei, quam quis ex causa permutationis recepit, est accipientis. Lauterb. §. 30.

Q. 3. Quanam res permutari possint? Resp. 1. Ab iis, qui possunt alienare, possunt permutari res omnes, corporales & incorporales, mobiles, & immobiles, ut neque pecunia numerata excludatur, non obstat. *L. 5. §. 1. ff. de prescript. verb.* neque res pretio aestimata. Lauterb. *b. §. 13.* Debent tamen reg. res, quæ permutantur, existere in humano commercio. arg. *L. 34. §. 1. ff. de contrab. empt.* esse propriæ. *L. 1. §. 3. ff. b. t.* Et non prohibitz posse alienari, est comm. 2. Res spiritualis pro temporali nec licite permutatur, nec valide. *cap. fin. de pact. & b. t.* Potest tamen res spiritualis pro alia spirituali permutari, v. gr. reliquiæ pro reliquiis, jus decimandi in hoc pro jure decimandi in alio agro. Ratio, quia hoc talium rerum dignitati non derogat. 3. Bona Ecclesiastica immobilia & mobilia pretiosa etiam possunt cum aliis permutari, non obstat. *c. 51. de reg. jur. in 6.* intervenientibus tamen solemnitatibus & iusta causa, siue ad laicos transferantur, ut omnes concedunt, siue ad aliam Ecclesiam, uti supra ad *Tit. de reb. Eccl. non alien. Q. 5. in fin.* & Pichl. *b. n. 6.* 4. Quod possint beneficia Ecclesiastica inter se permutari, dictum est ad tit. de renuntiatis. & sumitur ex *c. 5. b. t. c. un. cod. in 6.* modo tamen iusta adsit causa, & fiat permutatio in manu ac consensu legitimi superioris, scil. Episcopi; it. modo fiat cum consensu collatorum, si beneficium sit collativum, patronorum, si patronatum: neque licet, si unum sit pinguius altero, excessum oblata pecunia compensare, nisi interveniat autoritas Papæ. Pichl. *b. t. a n. 8.*

T I T U L U S XX.

De Feudis.

Quest. 1. *Quid & quotuplex sit feudum?* Resp. 1. Acceptum pro ipso contractu feudali, (dum alias sumitur pro re, quæ in feudum datur, & dicitur bonum feudale, alias pro jure, quod nascitur ex tali

P. Adami Hutb. A a con-

Contractu, & dicitur jus feudale est *benevola* concessio rei immobilis vel ei æquivalentis quoad translationem dominii utilis sub onere fidelitatis & exhibitionis obsequii & servitii personalis. Per hy quoad translationem dominii differt ab usufructu, vi cujus sola commoditas in usufructuarium transfertur: per verba, *sub onere fidelitatis & obsequii honesti*, scil. dum requiritur, exhibendi differt ab Emphyteusi &c. Feudo opponitur *allodium*, de quo 2. *feud.* 54.

Resp. 2. Feudum dividitur in *proprium* sive *rectum* & *improprium*. 2. *feud.* 33. & 48. it. 2. *feud.* 2. §. *preterea*. Proprium subdividitur in *nobile* & *ignobile* ratione personæ concedentis. 2. *feud.* 10. Nobile aliud est *regale*, quod autoritate summi Principis concessum est cum dignitate regali; & *non regale*, quod concessum est cum dignitate, quæ regali inferior. Ab effectu feudum dividitur in *hereditarium*, & *non hereditarium*, sive ex *pacto* & *providentia*. arg. 2. *feud.* 50. *princ.* Ratione accipientis in *novum* & *antiquum*. 2. *feud.* 3. 18. 32. & 1. *feud.* 1. §. 2. a forma in *ligium* & *non ligium*. 2. *feud.* 52. *Clem. pastoralis*. V. rursus de *sent.* & *re jud.* in 6. Ex parte materiæ in *Ecclesiasticum* & *sæculare*. c. 7. de *Const.* c. 6. de *for. comp.* Feudi improprii species sunt feudum *fæmencum*, *francum*, de *Camera*, *Cavena*, feudum *Guardie*, *Gastaldie*, *Soldatie* &c.

Q. 2. Quodnam sit feudi objectum, sive quæ res in feudum concedi possint? Resp. 1. Objectum feudi ponit res immobilis vel natura vel jure talis. 2. *feud.* 1. *in fin.* sive singularis, sive sit universalis. 2. *feud.* 4. & 10. Investitus tamen de silva jus venandi non habet, quia hodie jus venandi silvæ non cohæret; e contra integro territorio in feudum concessio transit etiam superioritas territorialis, utpote territorio regular. cohærens. 2. Non modo res allodialis in feudum conceditur, sed & feudalitatis subinfudari potest sine consensu domini directi. 2. *feud.* 9. & si vero. 2. *feud.* 26. §. *vasallus* excipitur casus in c. 19. de *decim.* Imo potest infeudatio rei feudalitatis promitti in casum aperturæ, ut habetur 1. *feud.* 3. V. *sed & illa*. 2. *feud.* 26. §. *moribus*. Quid de successoribus taliter promittentium dicendum, num & hi promissione hac adstringantur, vide Schmalzgr. a num. 67.

3. Res tamen aliena in feudum non potest dari. 2. *feud.* 3. Neque bona Ecclesiæ temporalia, nisi debitæ solennitates interveniant. 1. *feud.* 6. Aut nisi sint solita dari in feudum: *c. fin. h. t. & 1. feud.* 11. Multo minus res sacræ aut spirituales, utpote exemptæ a commercio humano.

Q. 3. *Quinam constituere, & qui recipere feuda possint?* Resp. 1. Quilibet Dominus habens liberam rerum suarum administrationem feuda potest constituere. 1. Clerici, scil. de patrimonialibus. 2. *feud.* 33. & laici, mas & fœmina, privati, plebei. 2. *feud.* 3. *princ. & V. fœminam quoque.* 2. Filiusfam. de castrensibus vel quasi, ut patet; de peculio adventitio irregulari probatur inde, quod etiam illius usufr. sit filiifamil. 3. Minor curatorem habens & volens de *novo* infeudare cum ejus consensu & interveniente judicis decreto. Schmalzgr. *h. n.* 52. 4. Quid Imperator possit in constituendis feudis de rebus ad Imperium immediate spectantibus; vide Capitulat. Josephi I. *art.* 29. & gloriosissime regnantis Caroli VI. *art.* 11.

Resp. 2. Recipere feudum potest omnis non prohibitus. 1. Clericus sæcularis. *cap.* 6. & 7. *de for. compet.* 2. *feud.* 40. Religiosus, sive ante, sive post Professionem feudum ad ipsum devolvatur, modo non exigit servitium incompatible tale feudum. Mynsing. *centur.* 5. *observ.* 48. 2. Femina, cui Dominus feudum concedens tacite censetur concedere, ut per substitutum servitia præstet. 3. Minor, qui in hoc Curatoris autoritate non indiget. AA. in *L. 101. ff. de V. O.* 4. Infantia major etiam sine autoritate Tutoris, sic tamen, ut claudicet instar aliorum contractuum, nec teneatur is ad servitia & juramentum. 2. *feud.* 26. 5. Excluduntur itaque ii soli, qui honeste in Curia domini stare non possunt, quales sunt infames, rei læsæ Majestatis &c.

Quæst. 4. *Quomodo acquirantur feuda?* Resp. Tribus potissimum modis. scil. pacto cum investitura, præscriptione, successione. 1. Itaque *ex pacto cum investitura*; nomine pacti intelligitur hic contractus feudalís, quo dominus alicui se obligat ad rem suam jure feudi illi concedendam, sive dein id fiat gratis, sive pro pecunia; feudatarius autem ad fidelitatem & servitia; cum

autem sine traditione dominium non transferatur, hæcomitari vel subsequi debet contractum feudalem, & dicitur *investitura*, quæ vel *propria* est, vel *abusiva*. 2. *feud.* 12, per *novam* primo confertur feudum; *renovans*, sive de veteri beneficio est modus feudi retinendi. arg. 2. *feud.* 24. Solemnitates vel a statutis locorum præscriptæ, vel his deficientibus juris communis adhibentur, de quibus vide passim *Feud.* non potest feudum antiquum ut novum concedi ob præjudicium agnatorum aliorumque vocatorum, licet contra, ut *Gail. Libr.* 2, *Observ.* 50. 2. Acquiritur feudum *prescriptione*, & quidem 30. annorum, si sæculare sit. 2. *feud.* 26. §. 30. Vide Engel *hoc a num.* 42. *Schmalzgrueber Tit. de præscript. num.* 36. 3. *Successione*, de qua.

Quæst. 5. *Quomodo succedatur in feudis?* Resp. 1. Ab intestato. 2. *feud.* 9, §. nisi Dominus & agnati consentiant, & nisi feudum sit hæreditarium simpliciter. 2. Ut quis autem succedere possit requiritur, ut sit habilis ad servitia. 2. *feud.* 25. §. *fin.* & latius *Schmalzgr. hoc a num.* 102. & ut descendat ex sanguine primi acquirentis. 2. *feud.* 31. adeoque ascendentes non succedunt. 2. *feud.* 50. regulariter ob ea, quæ habet Engel *b. n.* 26. sed descendentes, & primo omnium filii, iique naturales & legitimi simul, non legitimi tantum sive adoptivi. 2. *feud.* 26. §. *adoptivus*, neque *de jure scripto* legitimati per subsequens matrimonium. 2. *feud.* 26. §. *naturales*. Neque prognati ex matrimonio morganatico. 2. *feud.* 29. 3. Deficientibus liberis (liberorum nomine veniunt nepotes, pronepotes in infinitum. 2. *feud.* 11.) in feudo antiquo succedunt collaterales agnati proximiores, sic ut, qui est proximior ultimo possessori feudi, remotiorem excludat. 2. *feud.* 11. attendi etiam debet linea proximior illi, a quo feudum pervenit ad lineam proxime extinctam 2. *feud.* 50. notetur *Ly extinctam*; quia feudum unam semel lineam ingressum, in eadem manet, quoad hæc ipsa in ultimo possessore extincta est. Vide *Pichl, b. num.* 16. *Schmalzgr. a n.* 144. 4. *Feminæ* & ex iis descendentes, etiam masculi, regular. in feudis ad successionem non admittuntur, nisi feudum sit mere hæreditarium, cum in hoc jure al-

lodia-

Iodialium succedatur; vel femineum, in quo feminae deficientibus saltem masculis admittuntur, nisi conventum, ut etiam simul cum filiis succedant. 1. *feud.* 1. §. 3. 2. *feud.* 11. Semel admissa femina non excluditur per masculum postea natum, quia jus feminae jam est quaesitum. Utrum femina in feudo femineo semel exclusa per successionem masculi semper maneat exclusa vide Schmalzgr. *hoc a num.* 122. 3. Clerici & Religiosi in feudo succedunt, si sit simpliciter hereditarium, vel francum, quod vel nulla requirit personalia servitia, vel talia, quae Clericos non dedeant, vel, quae si dedecentia sint, per alios praestari possint. 2. *feud.* 40. §. fin. cap. 6. & 7. de for. compet. quod notat Engel *hoc num.* 24.

Q. 6. *Quomodo amittatur feudum?* Resp. 1. Ex parte rei feudalis, scil. interitu rei feudalis, totaliter quidem, interitu totali, partialiter autem, partiali, arg. L. 2. ff. de usur. & quemadm. 2. Ex parte Domini directi, si vel hic decedat sine haerede, vel delinquat in Vasallum delicto tali, quod si Vasallus in Dominum committeret, privaretur feudo. 2. *feud.* 6. 26. 27. & c. potest tamen Dominus universitatem; v. g. castrum, cui annexa est res feudalis, alienare. Pichl. *b. num.* 26. an Dominus collectas possit Vasallo imponere, vide apud Leur. *b. q.* 418. 3. Ex parte Vasalli amittitur feudum, si vel directe vel indirecte in Dominum peccet, & culpa haec *fellonia* dicitur, propter quam feudum dicitur *committi* aut *caducum fieri*; vel etiam sine culpa Vasalli, dum Vasallus moritur; nullis haeredibus feudalibus relictis, aut talibus, qui succedere possint; vel dum refutat feudum, ut Engel *b. n.* 45. Porro delicta, ob quae Vasallus amittit feudum, sunt. 1. Si directe offendat Dominum graviter eum laedendo in corpore, fama, bonis. 2. *feud.* 6. 7. 24. 33. vel indirecte, impudice agendo cum uxore Domini, fornicando cum ejus filia, subditos nimis crudeliter tractando. 2. Si rem feudalem notabiliter deterioret, aut vere alienet secuta traditione, licet statim revocaverit poenitentia ductus; quoniam nomine alienationis veniant, habet Schmalzgr. *hoc a num.* 162. & n. 182. quod feudum sine consensu domini alienatum a tertio b. f. possessore praescribi possit. 3. Si in-

tra annum & diem, vel dum facta est mutatio in persona Domini aut Vasalli ex negligentia non petat investituram, aut non juret fidelitatem. 1. *feud.* 22. *pr.* vel neget servitia debite requisitus. 2. *feud.* 24. §. 2. *W. sed non est*, vel Dominum in acie periclitantem deserat, *tit.* 24. *cit.* &c. Utrum feudum ob felloniam directe in Dominum commissam, ad Dominum revertatur, disputant AA. sententia probabilior est, quod ad Dominum revertatur, & quidem perpetuo, ita ut *de jure communi* non devolvatur unquam ad agnatos. 1. *feud.* 5. 2. *feud.* 24. 38. 55. De Præfato feudum ex delicto amittente, vid. 2. *feud.* 40. §. *fin.* de judicio causarum feudalium Engel b. n. 51.

T I T U L U S XXI.

De Pignoribus & aliis Cautionibus.

Quest. 1. *Quid & quotuplex sit pignus?* Resp. ad 1. Pignus *causaliter* acceptum est actus, quo alteri constituitur in re aliqua jus eam sibi obligatam habendi pro securitate debiti. *L.* 1. §. 1. *ff. de pignor. act.* Differt ab hypotheca, quod actualiter tradatur, uti fit in mobilibus, hypotheca solum obligetur creditori, quod in immobilibus contigit.

Resp. ad 2. Pignus (uti & hypotheca) potissimum duplex est, *expressum & tacitum*, ex qua divisione reliquæ subdivisiones omnes fluunt. *Expressum* constituitur vel expresso mutuo partium consensu, vel jussu restatoris, aut decreto judicis, immissionem in bona Rei decernentis, de quo ad *Libr.* 2. *Decretal.* *Tit. de eo, qui mittitur* &c. *Exempla taciti*, quod ex dispositione legis favore certarum causarum & personarum introductum, referuntur in *L.* 2. *Cod. in quib. caus. pign. vel hypoth. tacite contrah.* de Fisco. in *L.* 20. *C. de administr. Tut. de pupillis & minoribus* in. *L.* 12. *C. de qui potior. in pign.* & c. 5. b. t. de uxore in *L.* 1. *C. commun. de legat.* de legatariis & fide commissariis in *L.* 25. *ff. de reb. cred.* de mutuante pecunia in refectionem ædium in *L.* 2. & 4. *C. in quib. caus. pign.* de illatis & injectis in domum conductam,

Q. 2. Quenam res oppignorari possint vel non possint?

Resp. 1. Oppignorari possunt res omnes, quæ in bonis debitoris sunt, & possunt alienari, etiam ususfr. quatenus infert jus reale, nil enim vetat. Nomine debitorum. *L. 13. §. 2. ff. b. t.* quo tamen casu primus debitor a secundo creditore monitus non potest solvere primo creditori. *Leur. b. t. Q. 449.* pignus ipsum a creditore accipiente. *L. 1. C. si pignus pignor.* si urbes, oppida, dynastiarum in Imperio concurrentibus requisitis aliis oppignorentur, quid juris creditori competat vel non competat. vid. *Instrum. pac. art. 5. §. quantum deinde.* 30.

Resp. 2. Oppignorari non possunt, quæ non sunt alienabilia, vel prohibita alienari; quia oppignoratio species est alienationis late acceptæ, & veluti via ad venditionem; hinc 1. oppignorari nequit liber homo. *L. 12. C. de obl. & act.* quod tamen varie limitatur. 2. Neque jurisdictio spiritualis, aut jus patronatus; quia hæc non continentur appellatione bonorum, nec fructus inde provenientes sunt pretio æstimabiles, vide tamen *Pirh. b. t. n. 12.* 3. Neque vasa & supellex sacra; unde dum in casu necessitatis res sacræ laico oppignorantur, vera oppignoratio non est, illique nuda tantum conceditur detentio. 4. Neque res feudales alteri, præterquam domino directo, vel cum ejus consensu. *Leur. hoc tit. Quæst. 450.* 5. Neque res prorsus aliena absque consensu domini; quia in oppignoratione agitur de jure reali in creditorem transferendo. 6. De vetita oppignoratione fundi dotalis, rei litigiosæ, instrumentorum aratoriorum &c. Vide eundem *Leurent. loco citato.*

Quæst. 3. Quinam possint pignus constituere? Resp. 1. Nomine proprio quilibet habens rerum suarum administrationem. *L. 18. §. fin. de pignor. act.* etiam femina in debito & re propria. *L. 12. Cod. hoc tit.* notetur. *L. 8. pr. ff. ad S. C. Vellej.* Nomine alieno, qui vel a domino vel a lege ad hoc facultatem acceperunt: in specie minorum, pupillorum, furiosorum Tutores & Curatores. *L. 16. ff. de pign. act.* servato tamen modo a LL. præscripto. Procuratores sive negotiorum gestores, si vel mandatum generale cum libera, vel speciale habuerint. *L. 10. L. 11. §. fin. ff. de pignor. act. L. 58. ff. de procurat.*

Prælati bona Ecclesiæ non speciali, bene tamen generali hypothecæ possunt subicere, arg. c. 5. de reb. Eccl. alien. 2. Accipere pignus possunt, qui contrahere & contrahendo obligari.

Q. 4. Quinam sint effectus sive jura constituti pignoris?

Resp. 1. Obligatio tam debitoris, quam creditoris; ut scil. debitor pignus tradat, traditum ante solutionem non repetat, expensas a creditore factas necessarias & utiles solvat. L. 8. & 25. ff. de pignor. act. creditor autem pignus fideliter custodiat. L. 25. cit. pignore non utatur, nisi de consensu &c. L. 23. ff. b. t. illud soluto toto debito statim restituat. L. 11. Cod. de pign. act. cum omnibus fructibus & accessionibus. L. 16. pr. L. 21. ff. b. t.

Resp. 2. Alter effectus est jus in re, quo res oppignorata vel hypothecata creditori afficitur, vi cuius eam persequi potest per remedia possessoria, nempe interdictum Salvianum, & ne vis fiat ei; vel per remedia petitoria. Lauterb. ad ff. b. t. §. 64. quale est actio hypothecaria, realis, utpote orta ex jure in re, creditori competens ad pignus a quocunque possessore repetendum. L. 16. §. 3. & L. 17. ff. de pign. act. quæ in Servianam & quasi Servianam dividitur, notetur hic Nov. 4. c. 1. & 2. Auth. hoc debitor. c. de pign. Deinde vi juris in re potest primus creditor rem sibi oppignoratam alteri oppignorare. Pirh. b. n. 20. Schmalzgr. n. 29. distrahere & vendere pignus, si debitum statuto tempore solutum non sit. tot. tit. ff. & C. de distr. pig. præfertur aliis creditoribus pignore destitutis & specialiter non privilegiatis. Vide Leur. b. Q. 478.

Resp. 3. Tertius effectus est, quod, quatenus pignus consideratur ut contractus, detur debitori actio pignoratitia directa, quæ personalis est, adversus creditorem debito soluto ad rem oppignoratam cum fructibus restituendam, quam quoque Post 30. annos movere potest, dum interea pignus non reluit. Gail. L. 2. Obser. 18. n. 4. Creditori actio pignoratitia contraria datur.

Quest. 5. An & quæ pacta contractui pignoratitio liceat adjicere? Resp. Recipit hic contractus pactionem, conditionem, diem. L. 4. ff. de pignor. act. Sed pactum Antichreticum, quo creditori conceditur jus re oppi-

oppignorata pro libitu utendi, fruendi in vicem usurarum, illicitum est de jure Can. *cap. 1. 2. & 6. de usur.* Ratio, quia debitor manet dominus pignoris, adeoque hoc ipsi debet fructificare, & perceptio fructuum, quantum hi non imputantur in sortem, est; usuraria, excipiuntur. 3. casus, de quibus in *cap. 16. de usur. cap. 1. de feud. cap. 1. in fin. de usur.* Deinde *pactum Commissorium*, quo convenit inter partes, ut si debitum certo tempore non sit solutum, nec pignus redemptum, totum hoc cedat creditori absque spe recuperationis, pariter illicitum est, *cap. 7. hoc tit.* Ratio, quia pignus ordinarie plus valet quam ipsum debitum, & consequenter vel sapissime vel semper subest usura palliata.

Q. 6. Quid ratione secundæ partis rubr. præf. tit. notandum de Cautionibus? Resp. 1. In genere Cautio est satisfactio, per quam adversarium securum reddimus. Lauterb. ad tit. ff. qui satisfac. cog. num. 2. 2. Ratione modi, quo præstatur, alia est *fidejussoria*, & hæc dicitur in specie *satisfactio*; alia *pignoratitia*, quæ fit oblati pignoribus; alia *juratoria*, quæ fit præstito juramento; alia *promissoria*, quæ non est nisi nuda promissio, unde & simplex cautio dicitur. *L. 3. C. de V. S.* Ratione causæ efficientis alia est *conventionalis* seu *voluntaria*, alia *legalis* vel *necessaria*, cujus varias subdivisiones enumerat Vultei. *de jud. l. 2. cap. 5. num. 30.* Ratione objecti cautio dividitur in eam, quæ est de *usufructu*, de qua est *cap. ultim. b. t. & ff. tit. 9. lib. 7.* in eam, quæ est *legatorum*, de qua est *tit. 3. lib. 36. ff. &* in eam, quæ est de *damno infecto*, de qua est *tit. 2. lib. 39. ff. de quibus* consule Civilistas.

T I T U L U S XXII.

De Fidejussoribus.

Quest. 1. *Quid sit fidejussio?* Resp. Fidejussio est contractus, quo quis promittit, se soluturum id, quod alius debet, casu quo hic in solvendo deficiat, manente tamen eodem principaliter obligato. AA. comm. Olim fiebat per stipulationem de Jure Civili. *L. 8. ff. & L. 12. C. hoc tit.* unde & inter contractus verbales

bales referebatur; hodie nudo etiam pacto, sponsione, nuntio; est tamen etiamnum contractus unilateralis, civilis &c. Fidejussor est, qui alienam obligationem in se suscipit, & promittit, quod debitore principali non solvente ipse velit solvere. Differt a *constitutore*, qui tam pro se quam pro alio promittit secunda vice. *L. 13. ff. de constit. pecun. a mandatore*, qui suo nomine & periculo obligatur, & obligationem principalem præcedit, cum fidejussor obligetur alieno nomine & obligationem principalem necessario sequatur. *L. 16. §. 5. ff. b. t. ab expromissore*, qui debitum in se suscipiendo liberat debitorem principalem & solus tenetur. *L. ult. ff. ad S. C. Maced.* Quotuplex fidejussor sit, vide apud plerisque AA.

Q. 2. Super quas causas cadere possit fidejussio, sive quodnam sit objectum fidejussionis? Resp. 1. Objectum ejus est omne debitum & obligatio præexistens, sive sit naturalistantum. *L. 13. ff. de condict. indeb.* sive civilis tantum, modo ex ea per se efficaciter agi possit, uti est obligatio ex re judicata. *§. 1. Inst. b. t.* sive mixta. *§. cit.* Excipitur 1. causa dotis, ut scil. uxori non permittatur a marito ratione dotis conservandæ vel restituendæ fidejussores exigere. *L. 1. 2. ult. C. ne fidejussor. dot. dentur* nisi maritus ex propria culpa ad inopiam vergat. 2. Obligationi ex delicto etiam nequit accedere fidejussor, dum agitur ad pœnam corporalem infligendam. *L. 56. §. L. 70. §. fin. ff. b. t.*

Q. 3. Pro quibus personis fidejussio interponi possit? Resp. 1. In genere colligi potest ex Quæst. præced. quod pro omnibus fidejuberi possit, qui efficaciter vel a se ipsis vel ab alio possunt obligari. Ratio, quia fidejussio cadit super omne debitum alienum.

Resp. 2. In specie 1. pro ipso fidejussore. *L. 8. §. fin. §. L. 27. §. 2. §. fin. ff. b. t.* 2. Pro pupillo infantia majore. *Pirh. b. t. n. 2. Lauterb. ff. b. t. num. 20. cit. L. 127. ff. de V. S.* 3. Pro fœminis. *Lauterb. b. t. num. 21.* 4. Pro Religioso absque licentia superioris sui contrahente. Rationem dat *Pirh. b. t. n. 4.* quod valeat talis contractus naturaliter, utpote libero consensu initus, quamdiu non irritatur a Superiore; quamvis contrarium æque probabiliter teneat Abbas in *cap. 13. de jur. reju-*

rejur. num. 1. & quid simile dictum sit supra ad tit. de pact.

Resp. 3. Fidejuberi non potest pro debitore, qui jam debito suo præscripsit. Ratio, quia ejus obligatio prorsus est sublata. 2. Nec pro debitore jam deportato, quia deportatus pro mortuo habetur, neminique creditorum obligatur; ante tamen datus post deportationem obligatus manet. *L. 5. ff. qui satisd. cog. &c.*

Q. 4. *Quam possint esse fidejussores?* Resp. Omnes, qui non prohibentur, cum fidejussio sit de genere permissorum. Prohibentur autem 1. a natura ratione destituti, ut patet. 2. LL. pauperes, ut ut alias honestæ vitæ. *L. 5. §. 1. ff. qui satisd. cog.* Vide *Leur. h. t. Q. 492.* 3. Milites in actuali saltem expeditione constituti. *L. 31. C. de locat.* nisi in rem suam fidejubeant, v. g. pro suo procuratore. *L. 8. §. 1. ff. qui satisd. cog.* 4. Pupilli infantia majores sine tutoris autoritate. *L. 9. pr. ff. de autb. tut.* ob beneficium tamen restitutionis semper pro minus idoneis habentur. 5. Minores etiam Curatorem habentes absque ejus autoritate, quia per talem fidejussionem periculum læsionis in patrimonio exponuntur. 6. Feminæ tot. tit. ff. & *C. ad S. C. Vellej.* prohibentur fidejuberi non tantum pro personis conjunctis. *L. 3. Cod. ad S. C. Vell. L. 1. Cod. ne uxor pro marito,* sed etiam pro quolibet extraneo; adeo ut utentes S. C. Vellejan. beneficio etiam in conscientia tutæ sint. Ratio, quia hoc exigat finis, ob quem S. C. Vellej. est factum. In quibusdam tamen casibus cessat beneficium S. C. Vellejani, v. gr. si femina sufficienter edocta, vel juramentum per *c. 28. de jurejur.* vel etiam simpliciter tantum illi renunciavit. Ratio, quia factum illud est principaliter in favorem mulierum. Item in casu. *L. 23. Cod. ad S. C. Vellej. L. 3. 13. 23. 24. ff. ad S. C. Vellej. &c.* 7. Clerici prohibentur tantum nimii esse in fidejussionibus. *c. 1. h. t.* Religiosi autem privati fidejussio absque licentia Prælati facta etiam est invalida. Ratio, quia hic nihil proprii habet. 8. De Prælatorum fidejussione quid juris sit, vid. Schmalzgr. *b. n. 18. Leur. h. Q. 494. n. 4.*

Q. 5. *Quinam sint effectus fidejussionis?* Resp. 1. Fidejussor obligatur ad id solvendum, pro quo fidejussit. §. 5.

Inst.

Inst. L. 9. h. t. Potest se in levius obligare, v. g. sub conditione, dum principalis debet absolute: potest etiam in *certam summam* se obligare, quo casu sibi obligatio principalis ex mora vel culpa fuerit aucta, & exinde morosus principalis obligetur ad usuras, ad illas non tenebitur fidejussor. *L. 8. ff. b. t. junct. L. fin. C. eod.* non obstante. *L. 88 ff. de V. S.* Potest insuper fidejussor se obligare arctius intensive; v. gr. sub nexu juramenti & pignoris. *Lauterb. ff. b. t. §. 25.* non tamen extensive, id est, non in plus ratione rei, temporis, loci, causæ solvendum. *Pirh. b. t. n. 5. Vviestn. n. 19. L. 8. §. 7. ff. C. §. 5. Inst. b. t.* Disputant hic AA. an si quis se ad majorem summam obligavit, tota fidejussio corruat, an solum quoad excessum, ob *reg. c. 37. Reg. Jur. in 6. utile per inutile non vitiatur*; & *L. 8. §. 7. b. t.* ob verba: *quod si fuerit in duriores causam adhibiti, placuit eos omnino non obligari*. 2. secundus effectus fidejussionis est actio nata creditori ejusque hæredibus contra fidejussorem ejusque hæredes. *Inst. b. §. 2.*

Q. 6. Quenam beneficia competant fidejussoribus? Resp. Licet possint fidejussores ante principalem debitorem conveniri, per *L. 2. 3. 5. Cod. b. tit.* & quidem si plures sint, singuli in solidum. *§. 4. Inst. b. tit.* habent tamen hodie. 1. *Beneficium ordinis, sive excussionis*, vi cuius non convenitur fidejussor, nisi excussio prius principali. *Nov. 4. cap. 1. Auth. præsentē Cod. b. t.* sub limitationibus tamen in *citāt. Nov. C. alijs LL.* 2. *Beneficium divisionis*, vi cuius agit fidejussor, ut, dum confidejussores sui tempore conventionis adhuc valebant, solvere, actio inter se pro virili dividatur. *§. 4. Inst. h. L. 26. C. 51. §. per. b. tit.* 3. *Beneficium cedendarum actionum*, vi cuius, antequam solvat fidejussor, exigere potest a creditore, ut cedat sibi actiones *quavis ratione* ei competentes. *L. 13. 17. 36 ff. b. t.* Advertendum, quod ipso jure hæc beneficia non competant, sed tantum ope exceptionis.

Quæst. 7. Quando & quomodo cesset obligatio fidejussionis? Resp. 1. Varie extinguitur, uti etiam ipse contractus principalis; de quo agitur *tot. tit. Inst. quib. mod. toll. oblig.* scil. integra solutione debiti principalis ipso jure extinguitur fidejussoris obligatio. *L. 139. ff. de Reg.*

Reg. Jur. Novatione. L. 18. ff. de novat. L. 60. C. b. t. Acceptilatione. L. 5. ff. de acceptil. Delegatione. Leur. b. 509. n. 1. Idem mutatione iudicii & lapsu temporis, pro quo se tantum fidejussor obligavit. *ibid.* n. 2. & 3. quo tamen casu non ipso jure sed exceptione pacti extinguitur. L. 44. §. 1. ff. de O. & A. It. si fidejussor succedat debitori in bonis tanquam illius hæres. *ib.* n. 5.

Resp. 2. Potest quandoque fidejussor se liberare a fidejussione, etiam antequam solvat aut solvere jubeatur, uti habetur c. fin. h. t. L. 38. §. 1. V. si div. ff. mandat. Et casus sunt, si vel debitor principalis incipiat dilapidare bona sua; vel si prætermisso beneficio *ordinis* ante principalem debitorem fidejussor est conventus & jam condemnatus. Alii adhuc alios casus enumerant.

T I T U L U S XXIII.

De Solutionibus.

Quest. 1. *Quid sit solutio?* **Resp.** Late sumitur pro omni liberatione debitoris, quomodocunque fiat; adeo ut etiam comprehendat remissionem gratuitam debiti, acceptilationem, confusionem, transactionem, compensationem, novationem, delegationem: *strictè* sumpta potest describi, quod sit physica rei debitiæ creditori facta præstatio.

Q. 2. Quinam possint solvere, vel non possint, etsi de cætero voluntatem solvendi, & unde solvant, habeant? **Resp. 1.** Ipsi debitores, modo liberam rerum suarum administrationem habeant, solvere possunt; ex hujus defectu pupilli, minores, prodigi, & similes cum effectu non solvunt absque auctoritate Tutoris vel Curatoris, nec faciunt transire dominium in accipientem §. 2. *Inst. quib. alien. licet.* 2. Loco debitoris procurator ipse, vel habeat mandatum speciale vel generale cum libera. L. 58. & 87. ff. h. t. 3. Quicumque tertius non tantum præsentem & volentem debitorem, sed etiam absentem, ignorantem, invito. L. 23. & 35. h. t. Quo tamen ultimo casu non habet actionem adversus debitorem taliter solvens: quia censetur donasse.

Q. 3. Quinam teneatur solvere? **Resp.** In genere tenentur

tur per se vel per alios solvere omnes illi, qui debent & solvere possunt, sive sint laici; sive Clerici, sive viri, sive feminae. Ratio, quia exigit justitia commutativa, ut suum, sive quod ei debetur, cuique reddatur. In specie dum Prælatus nomine Ecclesiae in casu necessitatis vel utilitatis mutuo accipit pecunias juxta limites potestatis & administrationis, non tantum ipse sed & successor ejus mutuum solvere tenetur, c. 1. h. t. adeo ut in hoc casu nequidem teneatur creditor probare, credita vel data a se in utilitatem Ecclesiae versa esse. c. 4. de fidejussor. late Leur. h. t. Q. 515. & 516. qui & seqq. Quæst. decidit, quid dicendum de constituto in gravi & extrema necessitate; quid de debitore cum jactura rerum suarum majore, quam debitum sit, soluturo; quid de debitore paupere &c. It. vid. Pichl. h. m. 6. quid de debitore inhabili ad solvendum, habente tamen beneficium competentiae dicendum. It. num. 7. de cedente bonis.

Q. 4. Quid solvendum? Resp. 1. Id ipsum in specie, quod debetur. L. 2. §. 1. ff. de reb. cred. & quidem, ut liberetur debitor, in re propria solutio fieri debet. L. 17. 46. 78. ff. h. t. 2. Non requiritur; ut solutio fiat in eadem specie in moneta, in qua quis accepit pecunias, sed, nisi expresse aliter conventum sit, satisfit, in qualunque sorte solvatur. L. 65. §. 1. ff. de V. O. limitationes quædam aliæ communiter in hac materia adducuntur. 3. Casu quo valor monetæ intrinsecus post initum contractum est mutatus, neque specialis de certa specie monetæ intercessit conventio, juxta comm. tempus contractus inspicitur, & secundum illam æstimationem & speciem monetæ solutio facienda; antiqua autem moneta non amplius extante, solutio fiet in nova, sic tamen ut adæquetur valor antiquæ. L. 3. ff. de reb. cred. cap. 20. de censib. Mutato valore extrinseco monetæ, neque certis de specie ac numero monetæ pactionibus intervenientibus, respicitur tempus solutionis & præsens valor monetæ, ut adeo & lucrum & damnum sit debitoris. Ita habet consuetudo Imperii; hæcque est intentio Principis pecuniam mutantis, ut secundum eam fiant solutiones. 4. Si quis errore facti vel etiam juris solvit, quod nec naturaliter nec civiliter debitum erat, da-

datur huic repetitio per *conditionem indebiti*. L. 1. *¶* seq. ff. de cond. indeb. vid. Schmalzgr. b. a n. 55.

Quæst. 5. Quibus recte solvatur? Resp. 1. Creditori, etiam invito, ubi. L. *obsignationi*. 9. C. b. tit. observanda. Etiam criminis postulato. L. 41. *¶* 45. ff. *hoc tit.* etiam excommunicato, quia excommunicatio nullum privat suis bonis, ergo ea exigi possunt. Modo tamen creditor *habeat rerum suarum administrationem*; pupillus enim sine tutoris, minor sine curatoris, si quem habet, autoritate recipere solutionem nequit cum effectu, seu liberatione debitoris. Lauterb. late *ad tit. de solut.* §. 13. 14. 15. 2. Recte solvitur omnibus, qui ex Legis dispositione vel ex mandato a creditore accepto eundem repræsentant; sic tutori & curatori pro pupillo & minore, & quidem sine hujus interventu. L. 49. *¶* 46. §. 5. *¶* fin. ff. de adm. tut. procuratori vel speciali vel generale mandatum ad recipiendam solutionem habenti. L. 12. pr. ff. *hoc tit. junct.* L. 34. §. 3. ff. *cod. famulis domesticis*, filiosfam. aliisque pecuniæ dandæ aut recipiendæ præpositis. L. 32. 49. 51. ff. *b. tit. creditoris*, præf. volentis. Leur. b. tit. Q. 524. num. 4. *¶* Q. 525. ubi: quibus solvenda debita incerta. 3. In concursu creditorum quinam aliis præferantur, habet Pichl. b. t. a num. 21.

Quæst. 6. Quomodo solvendum? Resp. 1. Debet solvi res tota, particularis solutio *reg.* non admititur. L. 122. pr. ff. de V. O. Ex diversis causis existens debitor, & solvens aliquam pecuniæ summam, nec tamen exprimens, quale debitum velit expunctum, censebitur illud expunxisse, quod magis gravabat L. 5. ff. *b. tit.* 2. Solutio debet fieri *tempore* convento, si quod expressum; si non, tum præsentis quidem die debetur. L. 14. ff. de R. J. non tamen statim venire debet creditor cum sacco paratus. L. 33. pr. ff. de usur. nec prohibetur debitor prævenire terminum solvendo præfixum, nisi aliter conventum. L. 70. *¶* 98. §. 4. ff. *b. t.* 3. Debet & solutio fieri *loco* convento, si hic determinatus, neque creditor alibi petere potest debitum. L. 1. *¶* tot. tit. ff. de eo, quod certo loco. Si locus non sit determinatus, & debitum ortum est ex contractu gratuito, solutionem fieri sufficit in loco, ubi res tempore donationis extitit.

tit; si ex contractu oneroso, qualitas contractus attendi debet; si ex delicto, tenetur debitor solutionem facere in loco, in quo moratur creditor, quia hic indennis præstandus. Richl. *b. t. n.* 37. & 38.

Q. 7. *Quinam sint effectus solutionis?* Resp. 1. Ex parte debitoris immediatus est, quod ipso jure liberetur, consequenter tollantur obligationes omnes eidem accessorizæ. *Pr. Inst. quib. mod. toll. L. 95. §. 4. ff. b. t.* ex parte creditoris, quod in illum rei solutz dominium transeat, si solvens illud habuit. *L. 10. Cod. b. t.* Vid. *L. 46. ff. de usurp.* 2. Effectus mediatu ex parte debitoris est exceptio solutionis, jus petendi quietantiam, jus repetendi chirographum a se datum creditori &c.

T I T U L U S XXIV.

De Donationibus.

Q. uest. 1. *Quid & quotuplex sit Donatio?* Resp. Donatio est actus, quo liberalitatem erga alterum exercemus. *L. 29. ff. b. t.* Est vel *propria*, quæ definitur liberalis proprium bonorum alteri irrevocabiliter facta concessio. Vel *impropria*, qua aliquid in alterum ob aliquam causam, aut non irrevocabiliter conferimus. Huc pertinet *donatio mortis causa*, *donatio remuneratoria*, sive *antidotalis*, *donatio propter nuptias*, *donatio sub modo*. De *donatione mortis causa*, quæ fit vel ex imminentis mortis motivo vel aliquando futuræ intuitu, estque species ultimæ voluntatis, agunt interpretes ad *Pr. Inst. hoc tit.* Donatio *inter vivos*, quæ fit sine mentione mortis aut ejus impulsu, dum proprie sumitur, est superius definita; vel latius, est actus, quo rem licitam ex motivo nudæ liberalitatis absolute & irrevocabiliter in alterum conferimus. *L. 1. ff. b. t.* *L. 82. ff. de R. J.* Fit hæc vel per *stipulationem*, quo casu competit actio ex stipulatu vel condictio certi; vel per *pactum nudum*, consensu utriusque donatoris, & donatarii sufficienter manifestato absque traditione; & hodie parit conditionem ex *L. si quis argentum. 35. C. b. t.* vel per *nudam pollicitationem*, quæ tamen ante alterius acceptance nullam obligationem producit. Vid. Engel *b. a n.* 2. Leur. *Q. 557. b. t.*
Quæst. 2.

Q. 2. *Quinam possint aut non possint donare?* Resp. 1. *Mortis causa* donare potest, qui testari. *L. 15. ff. de mort. caus. donat.* imo filiusfam. pubes licet ne quidem consentiente patre testari possit *de bonis adventitiis*, hujus tamen interveniente consensu tam inter vivos, quam mortis causa de his donare valet, *cap. pen. W. quamvis de sepult. in 6. L. 25. §. 1. ff. de mort. caus. don.*

Resp. 2. Donare inter vivos mere liberaliter possunt, qui bonorum dominium & liberam administrationem habent, nec specialiter prohibentur. *L. 21. C. mandati.* Ex defectu dominii invalida est donatio mere liberalis Procuratorum, item Tutorum & Curatorum de rebus pupillorum & Minorennum. *L. 22. §. 46. ad admin. Tut.* aliquas tamen ejusm. donationes consuetudo excusat. *L. 12. ff. citat.* Ex defectu liberæ administrationis invalida est donatio pupilli, minoris cum limitatione, prodigi, filiusfam. in bonis adventitiis sine consensu patris. Ex defectu utriusque Religiosus privatus administrationem non habens invalide donat absque superioris vel expresso vel tacito consensu; Prælati tamen etiam Regularium possunt pro ratione sui monasterii moderatas facere eleemosynas, & donationes in pias causas, modo immobilia non alienent; ita consuetudo & honestas suadet. Multo magis id procedit de Episcopis & Prælatiis sæcularibus, qui quid possint vide Schmauzlgr. *hoc a num. 34.* Confert Pirh. *b. t. §. 3. n. 8. §. tit. seq.* Ratione prohibitionis donare non potest Pater filio, quem in sua potestate habet. *L. 11. cap. b. t. excipitur donatio ex causa facta. L. 15. Cod. de neg. gest. nec miles suæ focariæ. L. 2. Cod. de donat. inter. vir. §. uxor. & ex paritate Clericus non suæ concubinæ, plura de Clericis tit. seq. de donatione inter conjuges ad tit. 20. L. 4. Decret.*

Q. 3. *Quenam donari possint vel non possint?* Resp. 1. Possunt donari res omnes existentes in commercio humano, sive corporales sint, sive incorporales. *L. 9. pr. L. 17. §. 27. ff. b. tit.* etiam alienæ, saltem ad fundandum titulum usufructus. *tot. tit. ff. pro donato.* De calicibus, reliquiis vasis sacris Ecclesiæ donatis, item de beneficiis Ecclesiasticis vide *c. 4. §. 8. b. tit.* Pirh. *b. t. a num. 17.* Valere etiam donationem omnium bonorum,

præsentium & futurorum, est probabile, saltem speculative loquendo; tum quia Dominus potest de re sua libere disponere, tum quia favere videtur. *L. 35. C. de donat. L. 3. Cod. de revoc. don.* Latius agit desuper Franz: ad *Inst. b. t. n. 4.* ubi & *num. 5.* an sub donatione omnium bonorum comprehendantur etiam nomina; & *n. 6.* an sub tali donatione contineantur etiam bona futura. Demum donatio ultra 500. Solidos, id est, duccatos eidem simul & uno moraliter actu facta regulariter quoad excessum est invalida; in foro scil. externo tantum, ita ut donatum etiam quoad excessum a donatario retineri possit, donec vel a donante vel ejus hæredibus revocetur. Ratio, quia *Lex 36. §. 3. C. b. t.* irritans talem donationem non meminit fori interni. *Daxi, regulariter*; propter *cit. L. & L. 34. cum subject. Auth. cap. 11. de testam. L. 5. & 19. §. 1. ff. b. t.*

Resp. 2. Donari non possunt a Principe bona subditorum citra necessitatem publicam; quia eorum non est dominus. Nec bona Coronæ, nisi adsit populi consensus, aut eorum qui populum representant. *Zoes b. t. n. 27.* nec hæreditas viventis. *L. 29. §. fin. ff. b. t.* nec regulariter bona avita vel fideicommissaria. *Lauterb. hoc tit. §. 30.*

Q. 4. An & quando revocari possit donatio? *Resp.* Donatio inter vivos semel rite perfecta regulariter irrevocabilis est. *L. 5. & fin. C. de revoc. donat.* Revocari tamen potest donatio inter vivos pure liberalis. 1. Ob ingratitudinem donatarii, & quidem in totum. *L. ult. C. de revoc. donat.* Porro *Ingratum faciunt atrox injuria; damnum, impiæ dextra; fides fracta, pericla necis.* Si tamen donatio facta sit Ecclesiæ, ejusque Prælati sit ingratus; non revocatur. *cap. 7. de R. J. in 6.* vide *Pich. b. t. n. 13.* 2. Revocari etiam potest donatio inofficiosa, saltem quoad excessum, ea scil. quæ contra officium pietatis parentum in liberos ita fit, ut hi debita sibi legitima priventur. *L. 2. §. 7. C. de inoffic. donat.* 3. Si quis liberos non habens omnia sua bona vel notabilem eorum partem donavit, & postea inopinato ac præter spem liberos suscipit. *L. 8. C. de revoc. donat.*

TITULUS XXV.

De Peculio Clericorum.

Quest. 1. Quid sit, & quotuplex *peculium Clericorum*? Resp. 1. *Peculium* sic dictum, quasi *pusilla pecunia* seu *parvum patrimonium*, dicitur in jure Civili ea bonorum portio, quam servus vel filiusfam. a rationibus domini aut patris separatam habet. L. 5. ff. de *peculio*, hic autem sumitur pro patrimonio & bonis quibuscumque Clericorum.

Resp. 2. *Peculium Clericorum* est triplex, five triplis generis bona possunt habere Clerici. 1. *Patrimonialia*, quæ Clerici non acquirunt qua Clerici & ex suo beneficio, sed vel hæreditate, legato, donatione, propria industria, vel alio modo, quo laici acquirunt. 2. *quasi patrimonialia*, quæ acquiruntur quidem Clericis ut talibus, non tamen tanquam fructus beneficii, sed ut merces pro labore Clericali, v. gr. cantu, lectione Sacri &c. Huc revocantur jura stolæ, probabiliter etiam distributiones quotidianæ. Item illa, quæ Clerici sibi de congrua sustentatione parcus vivendo, subtrahunt, dicunturque *parishmonialia*. 3. *Beneficialia*, & sunt redditus five fructus, qui ipsis competunt & obveniunt ratione beneficii, quod habent. Præter hæc dantur *Ecclesiastica pure & in specie* dicta tum mobilia tum immobilia ad cultum divinum vel immediate deputata, ut vasa sacra, paramenta, &c. vel mediate, ut fundi & prædia, quæ pro Ministrorum sustentatione &c. impendenda.

Q. 2. Quorum bonorum Clerici sint domini? Resp. 1. Bonorum *patrimonialium* & *quasi patrimonialium*. Clericos plenos esse dominos, habet communis & certa; quia patrimonialia per assumptionem Clericatus non amittunt; quasi patrimonialia tanquam mercedem laboris & industriæ absque alia obligatione recipiunt. 1. Bonorum, e contra *pure Ecclesiasticorum* & *in specie* sic dictorum, Clericos particulares non esse dominos, sed tantum administratores, itidem communis & certa est, patetque ex intentione fidelium. 3. Bonorum *beneficia-*

lium, saltem eorum, quæ ad honestam sustentationem sunt necessaria, Clericos esse dominos, satis inter A.A. convenit, quia fructus hi a Clericis percipiuntur velut stipendium. Idem est judicium de *parifimonialibus*, quod horum Clerici sint domini. Magna est contentio inter A.A. an Clerici post divisa Ecclesiæ bona, instituta beneficia, assignatas singulis beneficiis certas fructuum pensionis vere sint domini reddituum & bonorum beneficialium superfluum, seu quoad partem non necessariam pro congrua (quænam ea sit, vide apud Pichl. b. t. n. 4.) sustentatione. Nos cum D. Thom. 2. 2. qu. 185. art. 7. in O. & pluribus aliis affirmamus, Clericos esse dominos reddituum superfluum. Probatur ex Trident. Sess. 23. cap. 1. §. *Si quis autem*, Sess. 24. cap. 12. de reform. canon. 27. caus. 12. qu. 2. cap. 2. de fidejuss. Accedit ratio fundata in præsumptione mentis Fundatorum ac Pontificum, in facta a Simplicio Papa anno 471. divisione bonorum, in communi persuasione ac praxi timoratorum &c.

Quæst. 3. Quomodo Clerici possint expendere bona, quæ sub dominio habent? Resp. 1. Clericus bona patrimonialia, quasi patrimonialia, & parifimonialia in quoscunque usus honestos, etiam profanos, non secus ac laicus, licite expendit; quia plenum illorum dominium habet, nullo modo ligatum. Imo expensa ex his ad pias causas compensare sibi potest ex beneficialibus, quamvis animum compensandi non habuerit. Schmalzgrueb. hoc num. 17. & 18. 2. Bona beneficialia congruæ sustentationi superflua tenetur expendere in pauperes aliasve pias causas sub culpa ex genere suo mortali. Trid. Sess. 25. cap. 1. de reformat. Quando nam committatur culpa gravis, & qui nomine pauperum intelligantur, vide citat. leg. num. 22. 23. 24. 3. Provenit autem obligatio ita erogandi superflua non ex *justitia*, quia neque ex mente fundatorum, neque ex SS. Canonibus constat, beneficiarios lege justitiæ obligari ad partem reddituum suorum alteri dandam; non ex *Religione*; quia fructus beneficii non sunt proprie res sacræ: non ex *charitate* aut *miserericordia* in pauperes; quia satisfaciunt Clerici expendendo superflua non præcise in pauperes, sed alias etiam pias causas: ex so-
lo

lo itaque præcepto Ecclesiastico est illa obligatio. Trident. loc. cit.

T I T U L U S XXVI.

De Testamentis & Ultimis Vo- luntatibus.

Quest. 1. *Quid & quotuplex sit testamentum?* Resp. 1. Proprie sumptum, & prout a Codicillis, legatis, donatione mortis causa distinguitur, est ultima voluntas directam hæredis institutionem continens. Factio testamenti quoad substantiam est juris naturalis & gentium, quoad modum & solemnitates juris Civilis. Pich. b. t. num. 47.

Resp. 2. Testamentum aliud est *solemne & perfectum*, quoad habet omnes solemnitates a jure requisitas; aliud *non solumne*, dicitur etiam *privilegiatum*, quod nullas vel saltem non omnes solemnitates habet, ex speciali tamen privilegio juris subsistit. Solemne dividitur in scriptum & nuncupativum. *Scriptum* est, quo testator volens latere hæredem in scripto elapso voluntatem suam ultimam declarat cum debita subscriptione & signatione; manifestatio tamen hæredis non pugnat cum testamento scripto. *Nuncupativum* sive *aperium* est, quo testator absque scripto & subsignatione testium voce tantum hæredem coram testibus nuncupat. §. *fin. Inst. de ordin. testam.* Quamvis & hodie hæc declaratio soleat scripto excipi, quin tamen desinat esse testamentum nuncupativum.

Quæst. 2. Quenam sint solemnitates ad testamentum requisitæ? Resp. 1. Scriptum solumne sequentes exigit. 1. Ut sit scriptum a testatore, vel ab alio ejus jussu, expresso & testatoris & hæredum nomine; si testamentum ipse testato non scripserit, subscribere idem debet, aut si nesciat scribere testem ultra præscriptum numerum adhibere, §. 3. *Inst. de test. ord. L. 21. Cod. b. t.* 2. Ut adhibeantur 7. testes idonei, rogati, simul animo & corpore præsentis. *L. 21. cit.* excluditur ratione inidoneitatis femina. §. 6. *Inst. b. tit. & L. 20. §. 7. qui test. fac. poss.*

poss. impubes, cit. L. furiosus, prodigus, cecus, mutus, surdus. cit. §. 9. L. hæres, §. 10. Inst. de testam. ordin. non tamen Legatarius, §. 11. Inst. eod. domesticus testatoris aut hæredis, id est, illi, quorum alter in alterius, vel qui ambo in tertii potestate sunt constituti. §. 15. cit. Lege jussus esse intestabilis. Pirh. h. num. 3. 3. Ut & suum & testatoris nomen a testibus propria manu subscribatur, aut loco nescientis scribere ab alio, qui tamen mentionem faciat alienæ subscriptionis; utque a singulis apponatur sigillum vel proprium vel alienum. §. 3. Inst. de testam. ord. L. 21. ff. qui testam. fac. poss. L. 21. Cod. h. t. 4. Ut totum hoc negotium peragatur uno eodemque loco & tempore, unoque contextu. LL. cit.

Resp. 2. Testamentum nuncupativum easdem requirit solemnitates, excepta scriptura & signatura; sufficitque, si testator coram 7. testibus idoneis, rogatis, simul & eodem tempore præsentibus voluntatem suam ultimam circa hæredis institutionem, legata &c. ore tenus & articulatim declarat. L. 26. C. h. t. neque certa verborum forma in nominando hærede requiritur. L. 15. C. h. t. Si tamen testator non nominaret hæredem, sed se ad schedam referret, in qua diceret eum esse scriptum, non valeret testamentum. L. 21. ff. qui testam. fac. poss. L. 21. §. 5. L. 29. C. h. t. Idem dicit Pichl. hoc n. 27. de testamento nuncupativo; quod quis facit ad interrogationem alterius, præcise dicendo placet, volo, vel annuendo capite.

Quæst. 3. Quomodo solemnitates ad testamentum requirantur? Resp. 1. Certum est testamentum solemnitatibus a jure requisitis destitutum, factum ad causas profanas, nec aliunde privilegiatum nullum esse in foro externo, §. 7. in fin. Inst. quib. mod. testam. infirm. L. 21. Cod. h. tit. Notetur casus L. fin. C. de fideicomm. 2. Probabilius est, pro foro interno valere testamentum ob defectum solemnitatum imperfectum. Ratio, quia valet tale testamentum de jure naturæ, de jure positivo non probatur sufficienter ejus irritatio pro foro interno, ergo & de hoc valet. 3. Jus Civile requirens 7. testes ad testamentum correctum non est per Jus Canonicum in cap. cum esset 10. b. t. ex regula communi tradi solita ad c. 1. de

de

de N. O. N. quod utrumque jus in suo foro sit observandum, quando Jus Can. & Civ. discrepant circa materiam profanam & peccatum non concernentem; adeoque dispositio Juris Canon. procedit solum pro territorio temporali Papæ, possuntque se soli Clerici in fac-tione testamenti extra territorium S. Pontificis accommodare Juri Canon. nisi forte & in horum testamentis illud exigat consuetudo. Addit P. Engel *hoc n. 14.* præsentiam Parochi & 2. vel 3. testium in *cap. cum esses*, requisitam non esse de substantia, sed tantum de probatione Testamenti, ubi etiam rationes ejus legi poterunt. *n. 15.* non posse de Jure Canonico, de quo solo dubium ob *cap. cum tibi*, 13. *b. t.* ultimam voluntatem in alterius arbitrium conferri.

Quest. 4. In quibus testamentis solemnitates intervenire necesse non sit? Resp. Testamentum, quod, licet aliquas solemnitates non habeat, ex privilegio tamen & speciali Juris favore sustinetur, diciturque ideo *non-solemne ac privilegiatum*, est septuplex. 1. *Testamentum pium* sive ad causas pias ex motivo supernaturali factum quo nomine veniunt Ecclesiæ, Monasteria, Hospitalia, pauperes, & teste Menochio causæ publicæ. Hoc nullas in utroque foro solemnitates requirit, sed tenet, modo sufficienter, quomodocumque demum, etiam per solam scripturam aut nutum, de voluntate testatoris constet. *cap. 7. & 10. de Constitut. cap. 11. b. t.* derogatum itaque quoad hoc est Juri Civili; cum humanæ Legis subtilitas non debeat impedire bonum animæ ac spirituale. Valent etiam pia legata in testamento alioqui ob defectum solemnitatum invalido contenta; imo & legatum ad causas profanas in testamento pio, licet non solenni, quia accessorium sequitur principale, *nisi illi specialiter derogetur*. 2. *Testamentum militis* in actuali expeditione, conflictu, vel procinctu ad conflictum existentis & eorum, qui cum simili periculo vitæ castra sequuntur; quod itidem nullas requirit solemnitates, sed sufficit, quomodocumque de illorum voluntate constet. §. 1. *Instrum. de milit. testam.* Ad testamentum militis in castris quidem degentis, sed extra conflictum, duo saltem testes, non tamen qualitatibus ad testes Testamentarios requisitis instructi, sunt adhibendi. *Reces. Im-*

per. de anno 1512 tit. de test. §. 2. Testamentum militis existentis in hybernis vel post impetratam missionem indiget solemnitatibus communibus; quia nullibi privilegium aliquod tali conceditur. 3. *Testamentum parentum inter liberos, aliosque in linea recta descendentes;* quod si sit *nuncupativum*, in utroque foro valet sine omnibus solemnitatibus, modo intervenerint duo testes, vel alio modo constet de voluntate testatoris. *L. fin. C. famil. hercisc. Auth. quod sine; Cod. h. t. si vero scriptum;* illa *hodie* tantum scriptura valet, quæ habet conditiones expressas in *Nov. 107. c. 1.* 4. *Testamentum Rusticorum*, quorum nomine veniunt non soli agricolæ, sed & cives, ac, juxta alios, Nobiles ruri degentes. Sunt isti ita privilegiati, ut sufficiant 5. testes, nec, ubi scribere nesciverint, ac non habuerint sigilla, requiratur testium subscriptio aut sigilli appositio. *L. fin. C. h. t. Recess. Imper. cit.* 5. *Testamentum tempore pestis factum;* ad quod licet jure stricto necessarii sint 7. testes, successive saltem adhibendi, hodie tamen valet, etiam coram duobus aut tribus factum. 6. *Testamentum oblatum principi*, quod fit, dum, testator vel oretenus coram Principe, illiusve deputato suam ultimam voluntatem manifestat, vel eam libello supplici insertam Principi offert. *L. 19. C. h. t.* Nulla ad hoc solemnitas requiritur, quia principis autoritas loco omnium est. 7. *Testamentum ad acta factum vel judiciale:* fit illud, quando testator ipse vel oretenus coram judice ejusve deputatis testamentum facit, vel a se scriptum aut saltem subscriptum judici vel ejus deputato offert, petens ut ad acta referatur. Valet etiam hoc absque omni solemnitate, quia acta judicialia non minus suppleant numerum & nomina testium, omnemque remonent falsitatis suspicionem, quam autoritas Principis. Perinde insuper est, siue judex competens sit, siue non; quia factio testamenti est actus jurisdictionis voluntariæ, qui coram quovis judice, & tam in, quam extra territorium jus dicentis potest expediri.

Q. 5. Quinam testamentum condere possint? Resp. Omnes, qui specialiter non prohibentur. *L. 43. ff. de vulg. & pupil. subst.* Prohibentur autem *Jure naturali* infans, amens, ebrius. *Jure Civili* surdus & mutus simul a naturali-

tivitate. §. 3. *Inst. quib. non est permiss.* impubes. §. 1. *inst. cit.* prodigus, cui a iudice bonorum administratio interdicta. §. 2. *inst. cit.* qui incestas nuptias scienter contraxit. *Nov. 12. c. 1.* damnatus ob crimen famosum. *L. 18. ff. qui test. fac. poss.* Reus criminis læsæ Maj. *L. 20. ff. de accusat.* deportatus aut bannitus ab Imperatore. *L. 8. §. 1. ff. qui test. fac. poss.* Filiusfam. extra castrense & quasi castrense, ut ne quidem de bonis adventitiis cum consensu Patris testari possit ad causas profanas. *Pr. Instit. quib. non est permiss.* potest probabilius ad causas pias, etiam sine consensu patris, non obst. *cap. pen. de sepult. in 6.* Prohibentur *Jure Canonico* seq. Usurarius manifestus, *cap. 2. de usur. in 6.* excommunicatus, de quo *in cap. 13. §. credentes de hæret.* qui hostiliter persequitur, capit, vel percutit S. R. E. Cardinalem, *cap. 5. de pæn. in 6.* Religiosus post emissâ vota solemnia vel publica, *c. 2. b. t. excipitur casus can. si qua mulier, 9. caus. 19. q. 3.* Clericus de redditibus beneficialibus superfluis. *c. 1. §. 9. b. t.* probabilius tamen & privilegio Pontificis & consuetudine induci potest, ut Clerici valide & licite ad causas etiam profanas de his testentur. Ratio, quia omni præcepto positivo per consuetudinem & privilegium derogari potest, cum ergo Clerici domini sint bonorum superfluatorum, & non nisi præcepto Ecclesiæ de iis testari prohibeantur, contraria consuetudo potest introduci, & hodie in pluribus jam locis invaluit. Demum Engel *b. n. 4.* ait; testari prohibitos de jure Civ. ad pias causas testamentum condere posse. arg. *L. 13. §. 2. ff. de Testam. mil.*

Quæst. 6. Qui possint aut debeant institui hæredes &c.
Resp. 1. Hæredes possunt institui omnes, qui non prohibentur, Laici, Clerici, Religiosi, Communitates, Monasteria, Congregationes &c. *Princ. Inst. & L. 31. ff. hered. instit.* Prohibentur autem deportati. *L. 1. C. de hered. instit.* liberi perduellium. *L. 5. §. 1. C. ad L. Jul. Maj.* Collegia illicita, Communitates Judaicæ &c. *L. 8. Cod. de hered. instit. & c. 13. §. credentes. & de hæret.* percussores & persecutores Cardinalium. *c. fin. de pæn. in 6.* Ordines Religiosi bonorum temporalium incapaces. *cap. 3. W. ad hæc de V. S. in 6. Constit. Soc. p. 6. c. 2. §. 12.* legata tamen pia talibus Ordinibus relinquere potest.

poterunt, non obest. §. 24. *Inst. de legat. de simpliciter indignis* vide Schmalzgr. *h. a n. 91*. Filii naturales tantum, legitimis presentibus, scribi duntaxat possunt hæredes in unica uncia. *L. 2. C. de natur. Spuriis.* juxta Jus Can. talibus, alimenta quidem necessaria relinquenda sunt. *cap. 5. de eo, qui duxit in matrim. quam poll.* ab ipsis tamen parentibus hæredes scribi, vel iis ab intestato succedere non possunt. *Auth. licet, C. de natur.*

Resp. 2. Potest vel unus hæres institui vel plures, qui simpliciter instituti æquis partibus succedunt. §. 6. *et seq. Inst. de hered. inst.* ubi plura. Potest etiam vel pure vel sub conditione institui, conditio tamen impossibilis habetur pro non adjecta; ex certo tempore vel ad certum tempus nequit hæres institui, §. 9. *et 10. Inst. citat.*

Resp. 3. Hæredes institui debent, qui & ideo hodie dicuntur *necessarii*, omnes liberi legitimi (his præmortuis nepotes) sive moriente patre sub ejus potestate constituti, sive emancipati, nisi ex causis *Nov. 115. c. 3. et 4.* adsit quæpiam, quæ nominatim filius exhæredetur. Etiam posthumi, etiam ab ascendentibus adoptati. §. 1. *Inst. de exhæred. liber.* Liberis aut nepotibus non existentibus a filiis institui debent parentes, vel his deficientibus ascendentes alii gradu propinquiore. *L. 15. ff. de inoffic. test. Nov. 115. prin. cap. 4.* nec frater fratrem vel sororem reg. ob *L. 27. C. de inoff. test.* nec maritus uxorem, vel contra, nec alium consanguineum tenetur pro hærede instituere. §. 1. *Inst. de hered. instit.*

Resp. 4. Hæredes etiam *necessarii* in tota substantia necessario instituendi non sunt; hoc enim nimis durum foret pro testatoribus: sufficit relinquere illis legitimam, quæ quanta sit, vers. *seq.* docet: *quatuor aut infra dant natis jura trientem, semissem vero, fuerint si quinque, vel ultra*, de hæreditatis aditione; ejusve repudiatione videantur Civilistæ.

Quest. 7. Quinam esse possint et quomodo Executores testamentarii? Resp. 1. Executores testamentorum (quorum alii vocantur *Testamentarii*, quia a Testatore, alii *Legitimi*, quia a Lege seu Jure, alii *Dativi*, quia a Magistratu seu judice constituti) possunt esse non tantum mares, sed etiam feminae, *cap. 3. h. t.* non tantum

majo-

maiores 25. annis, modo 17. exceſſerint, *c. 5. §. ſin. de procur. in 6.* non tantum Laici, ſed & Clerici, imo & Religioſi, *cap. 17. & 19. b. t. cap. 2. eodem in 6.* hi tamen non abſque licentia ſuperioris, ut licite procedant. Schmalzgr. *hoc n. 195.* FF. Minores nequidem cum licentia Superioris executores teſtamentorum eſſe poſſunt. *Clem. 1. §. item quod W. cumque diſti, de V. S.* Nemo regulariter ad munus hoc ſuſcipiendum cogi poteſt, *arg. cap. 19. b. t.* Si teſtator ipſe certum tempus non præſcripſit, & hæres ſive executor prævia a iudice facta monitione, ſaltem una, intra annum voluntatem ultimam non exequatur, eo elapſo poteſtas exequendi, ſaltem quoad legata pia ad Episcopum devolvetur. *cap. 3. b. t. Auth. hoc amplius, C. de fideicomm.* ubi etiam, ſimulque in *c. 6. b. t.* pœna privationis rerum ſibi a deſuncto relictarum una cum fructibus ſtatuitur in hæredem & executorem negligentem intra tempus a jure ſtatutum exequi voluntatem ultimam.

Reſp. 2. Executor voluntatem teſtatoris ultimam commutare non poteſt. *cap. 16. de for. compet. c. 3. b. t. Clem. 2. de Relig. dom. Trid. Seſſ. 22. c. 6. de ref.* poteſt tamen terminum executioni a teſtatore præfixum prævenire. *arg. L. 12. C. de fideicomm.* Poteſt etiam, ſi quid in genere pauperibus legatum, ipſeque ſit vere pauper, partem ſibi ipſi applicare; quia in hoc exequitur voluntatem deſuncti, & pariter ordinem charitatis obſervat. Ad commutandam itaque voluntatem ultimam neceſſaria eſt authoritas ſuperioris, quam interponere poſſe in relictis ad cauſas pias S Pontif. patet ex *Clem. 2. citat.* ſupremum Principem in relictis ad cauſam profanam, ex *L. 4. ff. de admin. rer. ad civit. pertin.* Episcopum abſque recurſu Romam commutare poſſe voluntates ultimas, præſente etiam juſta cauſa, licet negent Pirh. *b. n. 132. in ſin. & alii*, affirmativa tamen eſt communior & in praxi recepta ob *can. præter hoc 6. W. deinde, diſt. 32. Trid. Seſſ. 22. c. 6. de reſor.*

Quæſt. 8. Quot modis infirmantur teſtamenta? Reſp. 1. Ruptione, dum perſona teſtatoris in eodem ſtatu juridico permanente vitium infirmans directe in ipſum teſtamentum incurrit, quod ſit agnatione poſthumi. §. 1. *W. poſthumi Inſt. de exher. libr.* adoptione vel arrogatione

zione. §. 1. *inst. quib. mod. test. infirm.* juncta L. 10. C. *de adoption.* Voluntate testatoris mutata, quæqualis esse debeat, Vide Schmalzgr. *b. t. num.* 176. 2. Irritatione, dum scil. vitium testamentum infirmans ac resolvens directe afficit personam testatoris, quod iste facto rite testamento patitur capitis diminutionem, reg. etiam minimam, §. 4. *inst. quib. mod. test. infirm.* L. 6. §. 5. *seq. ff. de injust. rupt. irrit. test.* non tamen irritatur testamentum antea legitime factum per secutam Professionem. Rationes vid. apud Schmalzgr. *b. num.* 183. 3. Destitutione, quando vitium ex parte hæredis supervenit non volentis scil. aut non potentis adire hæreditatem. 4. Rescissione, quando Judex ad quærelam inofficiosi testamenti illud rescindit. vid. tit. *Inst. de inoff. testam.*

Q. 9. *Quid de aliis speciebus ultimæ voluntatis, scil. Codicillo, Fideicommissio, Legatis, Donatione mortis causa dicendum?* Resp. Ad primum 1. Codicillus est ultima voluntas minus solemnis defuncti de eo, quod is post mortem de rebus suis fieri vult *absque directa hæredis institutione*; per quæ ultima verba *potissimum* a Testamento differt. 2. Requirit præsentiam 5. testium; actus unitatem; si Codicillus scriptus sit, subscriptionem testium. L. *fin. §. fin. C. de Codicill.* testis etiam femina hic esse potest. L. 20. §. 6. *ff. qui test. fac. poss.* 3. Potest fieri vel scripto vel voce L. *fin. cit.* vel testato, idest, ante aut post conditum testamentum; priori casu per subsequens testamentum confirmatur vel revocatur; posteriori fit in ordine ad explicandum, addendum, suppleendum. Vel intestato. §. 1. *inst. de Codicill.* Imo & subsidarie, adjecta testamento clausula codicillari. L. 20. §. 1. *ff. qui test. fac. poss. &c.*

Resp. ad secundum. 1. Substitutio in genere est unius vel plurium in locum alterius vel aliorum in ultima voluntate vocatio. Est alia *directa*, alia *indirecta*. *Directa* est, qua substitutus hæreditatem immediate & sine ministerio hæredis a testatore ipso consequitur, dicente verb. gr. testatore. *hæres meus erit Mævius, si vero Mævius non erit* (quia forte non volet, aut non poterit, quod perinde est. L. 4. *pr. ff. de vulg. substitut.*) *Cajus sit hæres meus.* Hæc dividitur in *vulgarem*, *pupillarem*,

rem, exemplarem, quibus additur *reciproca & compensatoria*. 2. Substitutio *indirecta* est, quæ etiam *fideicommissaria* dicitur, qua substitutus hæreditatem non immediate consequitur ab ipso testatore, sed mediate, hærede istam, vel ejus medietatem, aut tertiam partem restituere rogato. 3. Si hæres gravatur seu obligatur a testatore totam hæreditatem restituere alteri, dicitur hæc substitutio indirecta *fideicommissum universale*, si partem vel potius rem certam, *fideicommissum particulare*, quod cum legato hodie est exæquatum; is, qui ita jubetur restituere, vocatur *hæres fiduciarius*; cui restitutio facienda, *fideicommissarius*. 4. Hæres fiduciarius fideicommissario, sive hæredi per fideicommissum universale substituto non tenetur restituere omnia, sed potest sibi detrahere quartam partem bonorum testatoris (dictam Trebellianicam a Trebellio Consule Rom. & a S. C. sub ipso facto) quæ tempore *restitutionis* faciendæ deductis funeralibus & ære alieno residua sunt. §. 5. *Inst. de fideicom. hered.* 5. hanc quartam Trebellianicam hæres necessarius, v. g. filius fideicommissio universalis gravatus una cum legitima deducere potest, *cap. Raynutius* 16. *¶ c. Raynaldus* 18. *h. t.*

Resp. ad tertium 1. Legatum *active* est ultima voluntas, qua defunctus rem singularem alicui liberaliter relinquit ab hærede præstandam, scil. quoad *possessionem*, quam propria autoritate legatarius sub pœna amissionis legati nequit capere. *L. 1. §. 2. ff. quod legator. L. 5. Cod. de Legat.* 2. Legare omnes possunt, qui condere testamentum, est certa. 3. Legari res omnes possunt, quæ sunt in commercio. §. 4. *Inst. de legat.* ipsa etiam res hæredis. §. *cit.* Imo & res aliena, modo sciverit defunctus, esse alienam. *ibid.* si nescivit, non valet legatum. *ibid.* *¶ L. 67. §. 8. de legat. 2.* nisi personæ conjunctæ relictum. *L. 10. C. de legat.* aut piæ causæ, arg. *L. 38. pr. ff. de fideicom. libert.* vel pure vel sub *conditione* legata fieri possunt; de conditionatis vide *Vviestn. b. tit. num. 140.* Res una pluribus legari potest, ubi si omnes acceperint, legatum inter ipsos est dividendum. §. 8. *inst. de legat.* si unus deficiat, & *conjunctum* res legata, collegatario conjuncto accrescit §. 8. *cit.* *plura eodem tit. 4.* Relinqui legata possunt omnibus, qui pos-

possunt esse hæredes, sed non solis, cum incapaces hæreditatis, legati tamen non sint incapaces, v.g. Professi S. J. & Coadjutores formati, FF. Minores &c. 5. Infirmitur legata ademptione & translatione. *Inst. tot. tit. de adempt. & translat. legat.* 6. Si quis ultra duodrantem bonorum legaverit, hæres potest quartam partem bonorum tempore mortis repertorum detrahere & sibi retinere, quod est beneficium *Legis Falcidiae*, ita dictæ ab ejus authore Cajo Falcidio Trib. pleb. ipsa pars quarta dicitur Falcidia; quæ priusquam detrahatur, deducendum est omne æs alienum defuncti, expensæ funeris, & legata privilegiata. §. *fin. Inst. de Legè Falcid.* Demum casus, ubi celsset Falcidia, vide apud Civilistas.

Resp. ad quartum 1. Donatio mortis causa quid sit, dictum est supra ad *tit. de donat.* 2. Ibid. quoniam mortis causa donare possint. 3. Res omnes, quæ legari, donari etiam mortis causa possunt. arg. §. 1. *Inst. de donat.* 4. Forma donationis hujus desumitur a requisitis, quorum plura enumerat *Lauterb. ff. de mort. caus. don. &c.*

T I T U L U S XXVII

De Successionibus ab intestato.

Quest. 1. *Quid sit successio ab intestato?* Resp. 1. Est hæreditatis acquisitio extra casum ultimæ voluntatis defuncti, dum scil. defunctus decessit intestatus, quod fit, quando vel nullum condit testamentum, vel non jure fecit, aut id, quod fecit, nullas habet vires, quia ruptum irritumve factum est &c. 2. Alia est successio *in capita*, alia *in stirpem* vel *stirpes*: *in capita* fit, dum proprio jure acquiritur hæreditas, eaque in portiones viriles, sive tot partes, quot sunt personæ & capita, æqualiter dividitur. *In stirpes*, dum unus vel plures nulla habita multitudinis personarum ratione, loco & ex jure alterius, quem repræsentant, v. gr. liberi parentem succedunt, ita ut, sive multi sive pauci sint, eam omnes simul accipiant portionem hæreditariam, quam accepturus esset ille, quem repræsentant. 3. Inter quos datur successio legitima, sunt in duplici clas-

classe, prout ex duplici causa successio hæc defertur; nimirum vel *jure cognationis*, juxta quod 3. sunt ordines succedentium, scil. *descendentium*, qui excludunt omnes alios, *ascendentium*, & *collateralium*: vel ex *civili aliqua ratione*, dum deficientibus tribus dictis ordinibus, patrimonium defuncti defertur conjugi superstiti jure Prætorio. 4. Modus computandi gradus in ordine ad successiones hæreditatis inter *consanguineos lineæ rectæ & lineæ transversæ* unus idemque est, scil. *tot sunt gradus, quot sunt generationes & personæ una dempta*; adeoque computatio gradus lineæ collateralis pro successione differt a modo computandi gradus lineæ collateralis in ordine ad matrimonium. 5. Nobis hic potissimum sermo est de successione in bonis allodialibus, & de jure communi.

Q. 2. *Qui & quo ordine succedant ab intestato descendentes?* Resp. 1. Succedunt defuncti liberi primi gradus, naturales & legitimi simul, sine differentia sexus vel status, etiam Clerici & Religiosi, si parentes moriantur ante Religiosum professum. *L. 56. §. 2. C. de Ep. & Cler.* & si facta professione atque ex regula non sit incapax. Succedunt liberi sive constituti tempore mortis patris sub potestate patria, sive emancipati; sine differentia natiuitatis, sive jam nati; sive ex eodem matrimonio post mortem patris nascituri; ita ut excludant ascendentes, collaterales, descendentes sive nepotes, casu quo horum pater vivit. *Nov. 118. c. 1.* præmortuo patre suo nepotes, saltem si cum superstitibus patruis suis succedant, succedunt in stirpes.

Resp. 2. Extenditur successio hæc ad legitimatos per subsequens matrimonium *cap. 6. qui fil. sint legit.* 2. Ad legitimatos per oblationem Curie, ut & hi æqualiter patri succedant cum legitimis. *Nov. 29. cap. 3.* modus tamen hic legitimandi abiit in desuetudinem. 3. Ad legitimatos per rescriptum Principis, ad quod tamen tria requiruntur ex *Nov. 74. c. 1.* & *Nov. 89.* 4. Ad legitimos tantum sive adoptivos, etiam præsentibus naturalibus & legitimis simul, in allodialibus scil. *L. 5. C. de legit. hæred. §. 2. Inst. L. 10. C. de adopt.* 5. Ad liberos pariatos per unionem prolium, hi enim æqualiter succedunt parentibus unionem facientibus.

Q. 3. Quinam descendentes non succedant ab intestato? Resp. Præter privignos, de quibus certum est ex *L. 3. §. 7. C. comm. de success.* quod non succedant vitrico vel novercæ, excluduntur 1. liberi naturales & legitimi si mul, si vel renuntiaverint jurato successioni paternæ. *c. quamvis, 2. de pact. in 5.* vel si alicubi consuetudo sit, ut filiæ Nobilium in bonis paternis non succedant, sed dote tantum sint contentæ. 2. A successione omni ascendentium liberi parentum reorum criminis perductionis. *L. 5. C. ad Leg. Jul. Majest.* vide etiam *L. 1. Cod. de hered. inst. L. 4. §. 19. C. de heret.* 3. A successione patris liberi naturales tantum, idest, nati ex femina soluta instar concubinæ domi habita, si naturales & legitimi simul, vel saltem legitima conjux adsit. *Nov. 89. c. 12.* deficientibus vero liberis & conjuge legitima, succedunt cum matre sua in sextante, in reliquis 10. unciiis defuncti patris consanguinei. *Nov. cit.* 4. Spurii juxta jus Civ. sumpti pro vulgo quæsitis & ex meretrice natis ab hæreditate patris penitus repelluntur, matri cum aliis legitimis succedunt. *L. 8. ff. unde cognati.* Accepti juxta Jus Can. spurii nec patri nec matri succedunt, licet nulli extent liberi legitimi. *Auth. ex complexu. C. de incest. nupt.* Imo Leges alimenta iis negabant, quarum rigorem temperavit Jus Canon. *cap. 5. de eo, qui dux. in matr. quam poll.*

Q. 4. Qualiter ab intestato ascendentes succedant descendentes? Resp. Deficientibus omnibus descendentes succedunt ab intestato in bonis allodialibus ascendentes legitimi utriusque sexus, avus v. gr. & avia, æquis portionibus, etiamsi vel omnia vel plura bona provenerint ab uno parentum, v. g. a linea paterna *Nov. 118. c. 2.* ita tamen, ut proximior excludat semper remotiorem, v. g. mater avum, item etiam, ut ab ascendentes excludantur collaterales omnes, exceptis fratribus germanis & sororibus defuncti, qui in capita admittuntur cum ascendentes proximis. *Nov. cit.* Si tamen soli fratrum germanorum liberi præmortuis suis parentibus extent cum ascendentes, de jure liberi hi neque in capita, neque in stirpes succedunt ob eand. *Nov. quæ correctæ non est per Nov. 117. c. 1.* cum hæc tantum loquatur de casu, quo cum liberis germani defuncti

Si superest alius germanus defuncti & respectu illorum patruus.

Q. 5. Quomodo succedant ab intestato collaterales? Resp. Si deficient tam ascendentes quam descendentes, succedunt consanguinei collaterales propinquiore; scil. 1. Fratres germani & sorores, exclusis consanguineis & uterinis tam fratribus, quam sororibus; si tamen ex altero prædefuncto germano fratre vel sorore liberi adsint, hi in stirpes cum germanis defuncti succedunt. 2. Si fratrum liberi soli adsint, succedunt patruo in capita. *L. 2. §. 2. ff. de suis & legit. hered.* excluduntque fratres unilaterales. 3. His & fratribus germanis deficientibus succedunt fratres consanguinei, vel uterini, vel, si adsint, utrique, & probabilius absque distinctione inter bona, utrum ea paterna, an materna sint. 4. Deficientibus etiam his eorumque liberis, succedunt absque discrimine reliqui propinquiore consanguinei, etiam probabilius in infinitum. Vid. Nov. 118. c. *Auth. cessante cum seqq. C. de legit. hered.*

Quæst. 6. Quomodo ab intestato succedant sibi conjuges &c. Resp. 1. Si defunctus nec ascendentes, nec descendentes, nec collaterales sanguine junctos reliquit, succedit conjux superstes sive uxor, sive maritus, excluso fisco. *L. un. ff. & L. un. Cod. unde vir. & uxor.* In hac tamen materia potissimum pacta dotalia, consuetudines & statuta attendi debent. 2. Si & omnes consanguinei & ipsa uxor deficiat, nec defunctus vixerit in communitate quadam legitime instituta, devolvuntur bona ejus ad fiscum, hoc est, ærarium vel Cameram Principis. *L. 1. & 4. Cod. de bon. vacant.* Peregrinorum ita mortuorum bona sunt per Episcopum in pias causas eroganda. *Auth. omnes peregrini. Cod. commun. successionibus.*

Q. 7. Qualiter ab intestato Clericis & Religiosis succedatur? Resp. 1. In bonis Clericorum patrimonialibus, industrialibus, parsimonialibus succedant consanguinei, computatione graduum etiam hic juxta Jus Civile facta; his deficientibus, Ecclesia, cui præfuit Clericus; aut si non habuerit beneficium, fiscus Episcopi. Engel *b. num. 21. & 22.* 2. In beneficialibus (qualia in dubio præsumantur Clericorum bona) congrua sustenta-

tionis superfluis de jure communi succedit Ecclesia. *c. 1. & fin. de pecul. Cler. & c. 12. de test.* nisi vel ex indulto Pontificio, vel recepta consuetudine, etiam in his bonis ex parte saltem consanguinei succedant, vel jus spoliū vigeat, quo tamen Episcopis ratione scandali parce utendum monet Pichl. *b. n. 18.* 3. Novitiis ab intestato decedentibus monasterium non succedit. D. Kees ad *Inst. b. tit. n. 16.* Professi bona, si ante professionem suam nihil de iis disposuit, nec Religio capax est successionis, ad hæredes ab intestato alias successuros devolvuntur, si autem est capax Religio, bona professa quocunque titulo vel tempore acquisita transeunt in monasterium non quidem jure hæreditario proprie tali, sed jure cujusdam acquisitionis naturalis & accessoriz personæ. Auth. *ingressi*, & Auth. *si qua mulier. C. de Ss. Eccles.* vide Schmalzgr. *b. d. n. 67.* ubi plura.

T I T U L U S XXVIII.

De Sepulturis.

Quest. 1. Quid sit sepultura & quid de loco sepulture in genere dicendum? Resp. ad 1. Sepultura pro loco, in quo cadavera sepeliuntur, accepta, hodie juxta *Ss. Can.* definitur, locus Religiosus auctoritate Episcopi deputatus ad sepulturam fidelium, arg. *c. 3. b. tit. c. 4. de Relig. dom.* potest etiam sepultura accipi pro jure sepeliendi mortuorum corpora. *Clem. 2. b. t. & pro actu, ritu, officio, in sepeliendis humanis corporibus impenso. can. 105. caus. 1. q. 1.*

Resp. Ad secundum 1. Locus sepulturæ (*cemeteryum* vel *dormitorium*) solet plerumque prope Ecclesiam vel in aditu urbium constitui. Imo hodie in ipsa Ecclesia non tantum Episcopi & Presbyteri digniores, ut olim per *canon. 15. & 18. caus. 13. qu. 2.* verum etiam laici sepeliri possunt. Pirh. *hoc nam. 1. 2.* Ecclesiis solum Parochialibus jus sepeliendi competit; ex privilegio tamen Apostolico in templis suis & cœmeteriis, Ordini Prædicatorum S. Dominici & Minorum Sancti Francisci. *Clem. 2. v. hujusmodi Extrav. 2. v. hujusmodi quoque inter Comm. hoc tit. per communicationem aliis*

aliis quoque Religiosis Ordinibus. 3. Qui nec juri suo, sepultura in Ecclesia Regulari jam erecta, renuntiare absque solemnitatibus possunt. *Extravag. ambitiosa*. 4. Posse Regulares concedere sepulchrum proprium familiare de licentia suorum superiorum expresse tradit Pirh. *b. t. num. 34*. 5. Quid & quomodo possit aliquid accipi occasione sepulturæ vide *cap. 13. hoc tit. & cap. 9. de Simon.* quæ tamen cum *cap. 42. de Simon.* combinanda sunt.

Quæst. 2. In quonam loco ex his, quibus jus sepeliendi competit, quisque debeatur sepeliri? Resp. 1. Potest sibi quilibet pubes regulariter eligere sepulturam; *c. 1. h. t. c. 3. & 4. eodem in 7.* etiam filiusfam. absque consensu patris. *c. 4. cit.* etiam Prælatus Regularis, tam supremus, quam inferior; etiam Novitius. Pirh. *b. num. 25.* non tamen Religiosus proprie talis; nisi vel procul a suo monasterio decedat; vel extra claustrum beneficio sit præpositus. *Glos. in cap. fin. h. t. in 6.* Deinde eligi sepultura potest extra Ecclesiam Parochialem & sepulchrum majorum in loco in quo divina rarius celebrantur. *c. 2. §. fin. h. t. in 6.* non obstat. *c. 3. h. t.* non tamen in Ecclesiis Monialium; vide Schmalzgr. *hoc num. 18. & 19.* ubi ait; nequidem a puellis educationis causa in Monasteriis Monialium degentibus id fieri posse. Præterea, notabilis est Constitutio in *cap. 1. h. t. & Clem. 3. in fin. de pæn.* quam vide. Demum, quomodo Religiosi possint funus illius, qui apud ipsos sepulturam elegit, excipere &c. consule consuetudinem & P. Engel *b. tit. num. 8.* qui etiam *num. 7.* ait, nullam ad electionem sepulturæ solemnitatem; neque exactam requiri probationem.

Resp. 2. Casu, quo quis nullam elegit sepulturam; elegerunt tamen ejus majores, non in parochia, sed in sepultura Majorum est sepeliendus. *cap. 1. h. t. c. 3. eod. in 6.* Si sepulchra Majorum sint in diversis Ecclesiis, non conveniunt A.A. vide Pirh. *b. num. 4.* Schmalzgr. *num. 28.* De uxore post maritum suum defuncta statuitur in *canon. 2. & 3. caus. 13. qu. 2. junct. cap. 3. §. mulier. h. t. in 6.* sepeliendam eam esse in sepulcro mariti, non Majorum suorum, & si plures maritos habuit, in ultimi sepulchro; quod de uxore dictum, non tenet

vicissim de marito ob disp. ration. De *famulis domesticis*: Ordinum Mendicantium, decedentibus intra septa Monasterii vel Collegii, habetur in privilegiis a Clem. IV. FF. Minoribus, a Paulo III. Societatis JESU &c. concessis, quod hi absque electione sepulturæ mortui, in Ecclesiis vel cœmeteriis Religiosorum, quibus servierunt, possint sepeliri.

Resp. 3. Qui nec elegit sepulturam, nec habet electam a Majoribus, de jure sepeliendus est in propria Parochia, ubi domicilium vel quasi habuit. *cap. 1. h. tit. c. 2. eodem in 6.* etiamsi non fuisset ibidem mortuus, sed in villa verb. gr. modo commode ad Parochialem sepulturam possit deportari. *c. 3. pr. h. t. in 6.* Si defunctus domicilium habuit in duabus Parochiis, in illa sepeliatur, in qua decessit, si extra utramque, ad quam arbitrio amicorum commodius potest deferri. *arg. c. 2. h. t. in 6.* Peregrini, vagi &c. sepeliendi sunt in Parochia, ubi decedunt. *Pirh. h. n. 8.* Clericus Beneficiatus decedens, non electa a se vel Majoribus suis sepultura, in Parochia sui beneficii sepeliendus est; etiamsi in alia Parochia habuerit habitationem, & in hac posteriori decesserit, uti contingere posset in magnis urbibus plures Parochias habentibus. *arg. cap. 1. & cap. 1. in 6. hoc tit.*

Quest. 3. Quid juris competat Parocho si Parochianus alibi sepeliatur? Resp. 1. Si Parochianus sepulturam elegit, vel alibi electam a Majoribus habuit, de jure illa Ecclesia, in qua sepultura sit, quartam partem per *c. 8. h. tit.* vel tertiam, prout consuetudo est, aliquando etiam mediam per *cap. 1. & 2. h. t.* de omnibus bonis occasione & intuitu funeris sibi obvenientibus date tenetur Ecclesiæ Parochiali, vel potius Parocho, ob onus Parochianis adhuc vivis Sacramenta administrandi, &c. Vocatur pars ista Parocho obveniens *portio Canonica, quarta funeralium, mortuaria.* Parochus vero ex ipsa quarta hac sive portione Canonica præstare de jure debet Episcopo novam quartam partem. *arg. c. 16. de off. Jud. Ordin.* Verum portiones istas Canonicas tum consuetudo, tum privilegia Ordinibus Mendicantium concessa sustulerunt. Videatur etiam *Reiffenst. h. num. 38. & Pichl. h. t. num. 4.* ubi posterior affirmat, Ecclesiam

Paro-

Parochialem jure pretendere, ut exequiæ & officia funebria apud se celebrentur, si Parochianus alibi elegit sepulturam; prior negat; optime attenditur consuetudo.

Resp. 2. Deciditur in *cap. 5. 6. 10. fin. b. t.* quod Parochus agere possit ad restitutionem cadaveris contra eum, qui illius Parochianum, non electa a se aut Majoribus suis sepultura, extra Ecclesiam Parochialem sepelivit; & vicissim, quod alii habentes ex privilegio jus sepeliendi eodem modo agere possint contra Parochum violenter rapientem funus illius, qui alibi sepulturam vel a se vel a Majoribus electam habebat. Neutrum in praxi facta jam corporis humatione tentandum propter scandalum &c.

Q. 4. *Quinam repellantur a sepultura sacra, tanquam indigni?* Resp. 1. Judæi, pagani, Turcæ. *can. 28. de Consecr.* quo spectant infantes fidelium sine baptismo mortui. Reiffenst. *b. num. 77.* Vide etiam *cap. 12. b. t. can. fin. caus. 24. q. 2.* Item notorie & nominatim interdicti, nisi dederint signa penitentiae. *c. 28. de sent. excom. c. 20. eodem in 6.* usurarii manifesti, nisi penituerint, & vel restituerint, vel idonee de restitutione caverint. *c. 3. de usur. raptores & incendiarii. cap. 2. & 5. de raptor. Religiosi proprietarii. cap. 2. & 4. de statu Monach. omit-* tentes confessionem annuam & communionem paschalem. *cap. omnis utriusque 12. de penit. & remiss. conf.* Engel *b. num. 20.* decimias Ecclesiæ injuste detinentes. *c. 19. de decim. maledici sive blasphemii. cap. 2. de maled.* & omnes in notorio peccato mortali decedentes. *can. 16. caus. 13. qu. 2.* suicidæ, qui se ipsos sponte occiderunt, *can. 12. caus. 23. qu. 5.* in dubio benignius præsumitur; neque is privatur sepultura Ecclesiastica qui se lethaliter vulneravit, aliquamdiu tamen supervixit & penituit. Schinalzgr. *b. num. 64.* Item privantur sepultura Ecclesiastica, qui in torneamentis & hastiludiis occiduntur. *cap. 1. & cap. fin. de torneam.* qui occumbunt in duello, etiam privato, ex condicto certo loco & tempore instituto; & hi, qui in duello vel torneamentis occumbunt, etiam si penitentes moriantur. Trident. *Sess. 25. cap. 19. de refor. cum Constit. Gregor. XIII. Ad tollendam. Clem. VIII. Illius vices.*

Resp. 2. Quid dicendum, si defacto aliquis ex ejusmodi indignis in loco sacro sepultus fuerit, videantur AA. in c. 12. b. t. & cap. 7. de Consecr. Eccles. It. de illo, quam culpam & poenam incurrant scienter sepelientes indignum. Clem. 1. d. t. Schmalzgr. h. num. 53. cum seq. Agit etiam hic Leur. a Q. 802. de actione funeraria, qui videatur.

T I T U L U S XXIX.

De Parochiis & alienis Parochianis.

Quest. 1. Quid sit Parochia, & quae ad illam constituendam requirantur? Resp. ad 1. Parochia sive Parœcia bodie & stricte loquendo est certa alicujus Diœcesis Ecclesia, quæ populum certis limitibus distinctum habet, & Presbyterum sive Rectorem, a quo Sacramenta, Verbum DEI, aliaque spiritualia ex officio eidem administrentur. Sumitur etiam Parochia pro ipso territorio & districtu, quo hujusmodi populus alicui Ecclesiae deputatus continetur, Parochia & beneficium curatum non sunt idem; cum hoc latius pateat, quam illa; Parochiani autem dicuntur, qui hoc modo certæ Ecclesiae subjecti sunt, sive dein verum, sive tantum quasi domicilium habeant: Imopotest etiam quis respectu duarum Parochiarum proprius esse Parochianus.

Resp. ad 2. Requiruntur ad constituendam Parochiam seqq. 1. Locus certis limitibus constitutus, qui limites a sola potestate Ecclesiastica determinari possunt, juxta antiquissimam Ecclesiae praxin, & quidem ab Episcopo per Trident. Sess. 24. de reform. c. 13. Vide Engel h. num. 3. ubi ex Trident. Sess. 21. c. 4. de reform. varia notat circa novarum Parochiarum constitutiones. Neque si certis sint limites Parochiarum aut diœcesium, præscriptioni sunt obnoxii. canon. 4. & seq. caus. 16. q. 3. c. 4. b. t. 2. Requiruntur populus certæ Ecclesiae itidem ab Episcopo deputatus; nomine populi venit pluralitas aliqua hominum ad decem saltem familias ascendens, 3. Presbyter seu Rector certus & unicus, potestate instructus administrandi populo Sacramenta, præf. Poenitentia.

ten.

rentiæ, aliaque spiritualia. canon. 41. caus. 7. q. 1. c. 15. de præb.

Q. 2. *Quæ jura competant Ecclesiæ Parochiali?* Resp. 1. Fons baptismalis. 2. Forum pœnitentiale; ubi notetur. cap. 12. de penit. & remiss. 3. Dispensatio Eucharistiæ. Vide Clem. 1. de privil. 4. Solemnizatio & benedictio nuptiarum, de qua Trid. Sess. 24. c. 1. de reform. matr. 5. Administratio extremæ Unctionis, de qua ad tit. 15. l. 1. Decret. 6. Obligatio ex parte populi audiendi missam & verbum divinum in Parochia propria; ubi tamen notentur privilegia Regularium & consuetudo. 7. Jus sepulturæ, decimarum, &c. Præterea licet illa ordinarie reperiantur in Ecclesiis Parochialibus, & ubi reperiuntur, signa sint, Ecclesias esse Parochiales; præcisè tamen ex his juribus non probatur, Ecclesiam esse Parochialem, sicut nec ex adverso ex defectu horum jurium reprobat; unde *naturalia* Parochiæ sunt prædicta jura, non *essentialia*, de quib. in priori Resp.

Quæ hic Queri possent de officio Parochi, partim ex sparsim dictis potest colligi, partim videri in Trident. Sess. 24. de reform. c. 4. Sess. 25. c. 1. de reform. Demum h. n. 21. addit Engel, jurisdictionem in foro externo nullam Parocho competere; posse autem jurisdictionem fori interni non in propria tantum Parochia, sed etiam in aliena erga suos subditos (modo id fiat privatim & absque disturbio) exercere.

TITULUS XXX.

De Decimis, Primitiis, & Oblationibus.

Q. 1. *Quid & quotuplices sint decimæ?* Resp. 1. Decimæ scilicet Ecclesiasticæ *objective* sumptæ sunt de jure decima pars fructuum & lucrorum juste acquiritorum Ecclesiæ Ministris solvenda; in recognitionem universalis & supremi dominii Deo debita. *Formaliter* sunt jus vel facultas exigendi decimam istam partem. 2. Decimæ Ecclesiasticæ aliæ sunt *strictæ Ecclesiasticæ* vel *spirituales*, quæ scil. statum suum primævum retinent, & Ministris Ecclesiæ solvuntur tan-

quam stipendia ob spirituales eorum functiones; aliæ temporales; minus stricte Ecclesiasticæ, quæ quidem ad sustentandos Ecclesiæ Ministros primitus fuerunt institutæ, dein tamen autoritate legitima laicis in feudum &c. obvenerunt. Si jus decimandi vel decimæ etiam quoad proprietatem in laicos transferantur, titulo spirituali penitus extincto, quod potest solus Papa, dicuntur decimæ mere laicales & secularizatae. 3. Aliæ sunt reales seu prædiales, ex fructibus fundorum pendi solitæ; aliæ personales, quæ solvuntur ex lucro, hominis industria quæsito. Reales subdividuntur in Majores, & Minores sive minutas; item in decimas Novalium, quæ petuntur ex terris noviter coli cœptis, & in veteres seu antiquas.

Q. 2. Quo jure debeantur decimæ? Resp. 1. Decimæ spectatæ materialiter pro necessaria Ministrorum Ecclesiæ sustentatione ipsis adhuc hodie debentur non tantum jure divino. Matth. 10. V. 10. 1. Cor. 9. v. 7. 11. 17. &c. sed etiam naturali; quia recta ratio dictat, laborantibus in aliorum gratiam stipendium justum solvendum. Sumptæ formaliter non nisi jure Ecclesiastico debita sunt. Ratio, quia partem decimam nec jus naturæ, nec jus divinum N. L. determinavit.

Q. 3. Cuinam debeantur decimæ? Resp. 1. Olim diocesis nondum in Parochias divisas pertinebant cujusque diocesis decimæ ad Clerum ejusdem dioceseos, quæ ab Episcopo colligebantur & dein cum proportionem in Clericos distribuebantur. canon. 1. & 3. caus. 17. qu. 7. hodie solvendæ sunt de jure communi Parocho proprio, qui super earundem perceptione habet fundatam in jure intensionem contra quemcumque, etiam Episcopum. c. 29. 30. h. t. c. fin. de restit. spol. in 6. Casus, in quibus debeantur etiamnum integræ Episcopo, recenset Schmalzgr. b. num. 27.

Resp. 2. In specie. Decimæ personales debentur Parocho illi, qui Sacramenta alicui ex obligatione administrat. cap. fin. de Paroch. c. 20. h. t. decimæ prædiales illi Parocho, in cujus distinctu sita sunt prædia, vel intra cujus fines pascuntur animalia, ex quorum foetura dantur, c. 4. 13. 16. h. t.

Resp. 3. Decimæ Novalium improprie dictorum; a præ-

præcisè scil. mutetur facies soli, & fiat ex agro, v. gr. vinea, pertinent ad eum, qui prius perceperat decimas ex fructibus certæ speciei vel ex fructibus de certis fundis, *cap. 4. 30. b. tit. cap. 31. de privil.* Si vero fundus, qui prius nunquam tulit fructus decimabiles, nunc vero variatus decimabiles producat, loquendum est uti de decimis Novalium proprie dictorum in Resp. seq. per *L. ultim. ff. de term. mot. & est comm. AA. in cap. 4. b. t.*

Resp. 4. Decimæ Novalium proprie dictorum (dum locus scil. vel terra ad culturam redigitur, de qua non extat memoria, nec sulcus aut indicium, quod fuerit aliquando culta) præstandæ sunt de jure comm. Parocho vel Ecclesiæ Parochiali, intra cujus fines exurgunt. *c. 13. & 29. b. t.* Si in loco ad nullam Parochiam pertinente exurgant, Episcopo loci *c. 13. cit.* Imo de eodem jure comm. debentur Parocho tales decimæ, licet alius in ejus Parochia percipiat decimas antiquas, vel ex privilegio, vel præscriptione. *c. 25. & 29. b. t.* Neque aliud dicendum, etiamsi persona Ecclesiastica sit, quæ percipiat decimas antiquas. *cap. 31. de privil. c. 25. b. t.* non enim apparet, quid ad rem faciat, si antiquus decimator sit laicus, si Clericus; textus *c. 27. b. t.* intelligi debet de casu, de quo loquitur. Notetur interim *c. 29. b. t.* in verbis: *nisi rationibus causa ostendatur*, conf. Engel *b. t. n. 12.* Pichl. *b. t. a num. 25.*

Quæst. 4. Quibusnam aliis possit competere jus decimandi? Resp. 1. Præter Parochum, cui de jure communi competit, possunt habere jus decimandi alii Clerici, non Parochi, & aliæ Ecclesiæ sæculares & Regulares; idque 1. Collatione vel unionem beneficii Curati, *cap. 30. b. tit.* de qua unionem etiam ab Episcopis fieri, & parte decimarum Ecclesiis aliis applicari permissa, vide Trident. *Sess. 7. c. 5. 6. 7. de reform. & c. cap. 13. b. t.* 2. Ex privilegio Apostolico. 3. Donatione laicorum juste habentium alicubi jus decimandi, *cap. 7. de his, quæ a Prel.* 4. Consuetudine; *cap. 18. & 20. b. t.* 5. Præscriptione, *cap. 29. & 31. b. t.* ad quam si currat contra Parochum aut Ecclesiam Parochialem, ait Pichl. *b. nu. 11.* requiri 40. annos cum titulo, absque titulo tempus immemorabile. *c. 1. de præscript. in 6.* quia præscribenti jus
refi-

resistit, 5. Permutatione, si decimæ unius Ecclesiæ cum decimis alterius permutentur. *cap. 6. de rer. permut.* 7. Transactione. *c. 2. & 8 de transact.* 8. Per arbitros compromissarios. *c. 7. de his, quæ fiunt a Præl. c. 1. de arbitr.*

Resp. 2. Laici sunt 1. capaces decimarum mere laicalium, quæ titulo mere profano instar tributi a Dominis temporalibus subinde prædiis subditorum imponuntur & exiguntur, deque iis pro libitu possunt dispo-
nere, ut patet. 2. Ante Concil. Lateran. celebratum anno 1179. poterat non tantum a S. Pontifice sed etiam ab Episcopis concedi laicis in feudum vel emphyteusim jus decimandi *utile*, id est, jus percipiendi decimam partem fructuum absque respectu ad officium spirituale. *cap. 7. de his, quæ fiunt a Præl. cap. 13. h. t.* per dictum Conc. hæc potestas Episcopis est adempta. *canon. 1. caus. 16. qu. 7. c. 7. de præscript. cap. 17. & 31. h. t.* potest tamen S. Pontifex adhuc hodie ita separare decimas Ecclesiæ a titulo spirituali, ut fiant quasi laicales, & laicis in perpetuum velut alia bona concedantur &c.
3. Juris decimandi *primarii & directi*, siue decimarum spiritualium & non legitima auctoritate abstractarum a titulo spirituali sunt omnino incapaces laici. Ratio, quia jus hoc est spirituale, & Clericis competit propter ministerium spirituale; adeoque & neque primarium & directum, neque utile jus decimandi laici possunt præscribere. Ratio, quia non possunt possidere *can. 13. & 15. caus. 10. qu. 1. cap. 15. 17. 19. h. tit. cap. 6. de præscript.* 4. Quod laici defacto in multis locis possideant decimas, in eaque possessione defendantur, non provenit ex præscriptione, sed ex præsumptione legitimæ concessionis & privilegii, arg. *cap. 1. de præscript. in 6. c. 26. de V. S.* Vide Engel *h. t. a num. 25. usque ad num. 41.*

Quest. 5. *Quinam ad decimas solvendas obligentur?*

Resp. 1. Decimas *personales*, ubi adhuc sunt in usu, solvere tenentur omnes & soli baptizati, qui in spiritualibus alicui Parocho subjecti ab eo tenentur Sacramenta recipere. *cap. 20. 23. 28. h. t.* Decimas *prædiales* solvere tenentur omnes, qui intra fines Parochiæ alicujus prædium, fundum &c. titulo non spirituali possident. *c. 4. 6. 8. 20. h. t.* Item qui prædium vel fundum antea obnoxium

noxium decimis defecto obtinent; cujuscunque status, ordinis, conditionis sint, nisi legitime ab iis dandis fuerint exempti: *c. 24. b. t.* Ratio datur, quia res transit cum suo onere. *L. 20. ff. de acq. rer. domin.* Vide Pichl, *b. n. 15.* ubi, quomodo Clerici non Parochi & Religiosi obligati sint de jure comm. citra privilegium emptio- nis ad solvendas decimas prædiales, & *n. 16.* ubi, si Dominus locavit prædium decimabile colonò hoc pacto, ut conductor seu colonus omnes fructus percipiat, soluta certa pensione quotannis, conductorem solum teneri ad decimas, uti emphyteuta tenetur. *c. 8. b. t.* Si vero tam dominus, quam colonus fructuum partem aliquotam percipit, utrumque pro rata teneri ad decimas. *c. 24. & 26. b. t.* Huc spectat casus, quem cum aliis resolvit Engel *b. t. n. 16.* nimir. quod, si Titius prædium suum vendidit Cajo, illudque tradidit, decimæ prioribus annis a Titio non solutæ, possint a Cajo exigi. arg. *L. 7. ff. de publican. L. 36. ff. de jure fisci.*

Quest. 6. An & quomodo possit immunitas obtineri a solvendis decimis? Resp. ad 1. Aff. Ratio, quia obligatio solvendi decimas, prout singulas personas respicit, non est juris naturalis aut divini, sed positivi Ecclesiastici tantum.

Resp. ad secundum 1. Obtineri potest immunitas hæc a decimis per *privilegium* non quidem a Principe seculari per *c. 25. b. t.* nec ab Episcopo aliisque Prælati Ecclesiasticis, utpote non valentibus in Lege superioris dispensare, sed a S. Pontifice concessum: patet ex privilegiis Religiosorum. Privilegium hujusmodi est quidem strictæ interpretationis, quia juri communi derogat, & cedit in præjudicium tertii; non tamen recedendum est a propria significatione verborum; adeoque concessum terminis generalibus intelligi debet etiam de decimis Novalium, arg. *cap. 12. b. t.* & de prædiis postea acquirendis, *c. 22. de privil.* ita Pichl. *b. n. 19.* licet *num. 26.* consentiat nobiscum quoad ea, quæ dicta sunt *b. t. q. 3.* Resp. 4. Potest insuper privilegium hoc semel concessum denuo amitti, ut patet ex *c. 9. c. 8. c. 6. b. t. & cap. 15. de privil.* 4. Obtineri potest immunitas a decimis per *consuetudinem*, etiam a laicis introductam, modo aliunde habeant congruam sustentationem Mini-

stri Ecclesiæ. c. 32. *in fin. b. tit. 3. Per præscriptionem. c. 18. b. tit. c. 1. de præscript. in 6. idem a laicis, quia jus immunitatis est quid temporale. Vide Engel b. a num. 47. ubi explicat. L. cum notissimi. 7. §. fin. C. de præscript. 30. annor. & num. seq. plura de præscriptione decimarum habet. 4. Per transactionem & amicabilem compositionem; quomodo tamen ea procedat, habet Schmalzgr. b. n. 65. Pichl. nam. 17. Demum allegans immunitatem, eam probare debet. c. 24. b. t.*

Q. 7. Quomodo solvendæ sint decimæ? Resp. 1. In prædialibus nulla fit expensarum deductio. c. 4. 8. & c. b. t. secus in personalibus. c. 28. b. t. 2. Quomodo numeratio manipulorum, mensurarum, animalium faciendæ. vide Pichl. b. num. 32. 3. Solvendæ sunt decimæ, decimatore licet non exigente, quia dies interpellat pro homine. 4. Nec Parochus nec alius decimator decimas sibi non solutas per vim invitis potest extorquere. Ratio, quia decimæ, antequam solvantur, adhuc vere sunt in bonis & dominio Parochiani, ergo propria autoritate occupandæ non sunt. 5. Spectato jure communi in agro solvendæ sunt decimæ, quia hic solutio maxime sincere fieri potest; neque, seclusa consuetudine, necessario deferuntur decimæ a fidelibus in horrea decimatorum; quia jura hanc obligationem, maxime propriis solventium sumptibus faciendam, non exprimunt.

Q. 8. Quis Judex sit in causis decimarum, & quæ pene defraudantium decimas? Resp. ad primum 1. Si agitur in petitorio, quicumque sit reus conventus, spectat cognitio causæ decimalis, & decisio privative ad judicem Ecclesiasticum. c. 15. 25. & seq. b. t. 2. Si agatur in possessorio, reus tamen conventus sit Clericus, judex iterum privative competens erit Ecclesiasticus. c. 2. 4. 12. de for. comp. 3. Si agatur in possessorio, & reus conventus sit laicus, quæstio tamen super possessione admixtam habeat quæstionem juris, iterum solus judex Ecclesiasticus erit competens; quia causa hæc non temporalis, sed spiritualis est; dum autem nulla involvitur quæstio proprietatis, erit mixti fori, prout praxis habet.

Resp. ad secundum. Defraudantes in decimis præter reatum peccati mortalis & obligationem restitutionis incurrunt excommunicationem, si sint laici, & injuste

exigant, usurpent, occupent decimas. *Bull. Censæ can. 17.* vel si Religiosi, & alios a solutione decimarum retrahant. *Clement. 3. §. 1. de pœn.* aut ipsi injuste acceptent decimas, aut non solvant debitas, quo casu si beneficiati sint, nec moniti intra 2. menses satisfecerint, suspensi sunt ab officiis, administrationibus, & beneficiis. *Clem. 1. h. t.* Item renuentes solvere decimas privandi sunt sepultura Ecclesiastica. *c. 19. h. t.*

Q. 9. Quid de Primitiis & Oblationibus, de quibus est secunda rubricæ pars, dicendum? Resp. ad primum. 1. *Primitiæ* sunt primi fructus, qui Dei beneficio ex agris, vineis, hortis producuntur; *Primogenita* sunt primi partus animalium. *Exod. 23. V. 13. & 15. Num. 18. V. 12. Deut. 16. V. 2.* 2. Debentur tantum semel, & quidem in gratitudinem Deo debitam pro novis fructibus, unde patet differentia a decimis. 3. In L. V. debebantur primitiæ & Primogenita jure divino; in L. N. ex præcepto tantum Ecclesiastico. *can. 6. dist. 32. can. 65. caus. 16. qu. 1.* hodie contraria consuetudine passim sunt sublata. Engel *h. t. n. 52. & c.*

Resp. ad secundum 1. Oblatio propriæ & prout hujus loci accepta est donum, quod fideles de bonis propriis & licitis ad altare Deo & Ecclesiæ offerunt. 2. Ad illas faciendas *per se* nulla est obligatio. Ratio, quia ex se sunt donum gratuitum, neque lex adest præceptiva: per accidens deberi possunt promissione aut voto, donatione, consuetudine, præscriptione, indigentia Ecclesiæ vel Ministrorum ejus. 3. *Nisi aliud constet de mente offerentium*, oblationes sive fiant ad altare, sive ad piam imaginem, sive Parochus, sive alius celebret, ad Parochum spectant. *c. 10. de præscript. c. 9. de his, quæ sunt a Præl.* factæ tamen oblationes in Ecclesiis Regularium ex privilegio in Corpore Juris clauso ad Regulares ibi Deo servientes pertinent. *c. 1. de stat. Monach. c. 16. de excess. Præl.* ex quibus cc. etiam probatur, posse Religiosos, nisi Constitutiones ipsorum obstant, vel consuetudo, habere in suis Ecclesiis truncos, capsulas, mensas ad oblationes fidelium recipiendas, &c.

T I T U L U S XXXI.

De Regularibus & Transeuntibus ad Religionem.

Quest. 1. Quid sit Religio &c. Resp. 1. Religio pro statu Religioso accepta est *modus stabilis in communi vivendi ab Ecclesia approbatus, in quo fideles editis votis substantialibus paupertatis, castitatis, & obedientiae, ad Evangelicam Christianae vitae & charitatis perfectionem tendunt*: Itaque Religiosi sive Regulares dicuntur illi, qui praedictis votis in communitate juxta regulam ab Ecclesia approbatam adstringuntur. 2. Quoad substantiam institutus est status Religiosus a Christo, ut patet ex illis textibus Evangelii, quibus homines ad consilia Evangelica est cohortatus. *Matth. 19. v. 21. ad paupertatem. v. 12. ad castitatem. Matth. 16. v. 24. ad obedientiam*; quoad peculiarem & determinatum modum vivendi debet originem suam Ecclesiae. *Schmalzgr. b. n. 3. ejus approbatio olim fieri poterat etiam ab Episcopis; hodie non nisi a S. Pontifice. cap. fin. de Relig. dom. c. un. eod. in 6. 3. Status Religiosus essentialiter est unicus; & omnes Religiosi Ordines non nisi numero differunt, quia in substantialibus conveniunt; accidentaliter tamen ob speciales fines, media, & regulas est multiplex: sic ratione finis tria sunt genera Religiosorum, scil. eorum, qui vitam contemplativam; eorum, qui activam; eorum, qui mixtam ex utraque profitentur. Ratione mediorum seu Regularum Religio dividitur praecipue in 4. Ordines, scil. Sancti Basilii; S. Augustini; S. Benedicti; S. Francisci, quorum regulas alii plerique Ordines cum aliqua tamen mutatione sunt amplexi; regulam a ceteris distinctam & peculiarem Constitutiones habent Carthusiani, Minimi S. Francisci de Paula; Societatis JESU.*

Q. 2. Quae sint requisita ad substantiam status Religiosi? Resp. 1. Ut servantur tria consilia Evangelica, paupertatis, castitatis, obedientiae. *cap. 6. in fin. de stat. monach.* 2. Ut haec 3. Concilia voto perpetuo firmentur.

tur. D. Th. 2. 2. qu. 186. art. 6. non tamen requiritur, ut sint vota ista solemnia, sed sufficit esse simplicia, quibus se aliquis in perpetuum Religioni, non autem Religio ipsi se obligat, quin possit illum iustis de causis dimittere. Constit. Gregorii XIII. *Ascendente*. 3. Ut hæc vota fiant in Religionem in vim veræ Religionis a Sede Apostolica approbata, ut supra. 4. Ut is, qui hæc vota emisit, vivat sub jurisdictione aut potestate speciali alicujus superioris ad servandas certas regulas compellere potentis.

Q. 3. *Quinam teneantur & qui possint ingredi Religionem?* Resp. ad 1. Nemo tenetur ingredi Religionem, nisi ejus ingrediendæ votum emisit. Ratio, quia status Religiosus est consilii, non præcepti, conf. Trid. Sess. 15. de Regular. cap. 19. & Engel b. n. 22. ubi is, ad quid teneatur vovens ingredi Religionem, si in uno monasterio non suscipiatur.

Resp. ad secundum, Generaliter loquendo possunt ingredi Religionem omnes Christiani, qui jure non prohibentur. Prohibentur autem sic, ut invalide emittant Professionem 1. Minor 16. annis Trid. Sess. 25. c. 15. de Regular. nec supplet hic malitia vel potius prudentia defectum ætatis, quia hoc nullibi a jure statuitur. In Societate JESU anni 17. requiruntur ad emittenda post Novitiatum vota Scholasticorum; ad Professionem 4. votorum 25. completi. 2. Qui non per integrum & continuum annum in Novitiatu & probatione fuit. Trid. loco cit. 3. Conjux post matrimonium consummatum absque consensu alterius &c. cap. 3. de convers. conjug. 4. Metu gravi injusto ad Professionem coactus. cap. 1. b. t. 5. Episcopus confirmatus vel consecratus absque licentia Papæ. cap. 18. b. tit. 6. Laborans impedimento substantiali.

Prohibentur sic, ut illicite ingrediantur & suscipiantur. 1. Servus tam proprie dictus, quam adscriptitius vel originarius, de quo vide can. fin. caus. 17. qu. 2. 2. Ratiociniis sive rationibus reddendis obnoxius, ære alieno gravatus, vitiatus corpore &c. de quibus in Libr. primo. 3. Habens parentes in gravi vel extrema necessitate constitutus, quos juvandi, si in sæculo maneret, probabilius & propinqua spes affulgeret; extra hunc

hunc casum de honestate quidem requirendi parentes, non vero, si reluctentur, attendendi sunt. *Luc. 9. & 14. Matth. 8.*

Q. 4. An & quomodo præmittendus annus probationis Professioni? Resp. 1. In omni Religione simpliciter necessarius est annus Novitiatus ad *valorem* subsecutæ Professionis. *Trid. Sess. 25. c. 15. de Regul.* exceptiones aliquas refert Schmalzgr. *b. num. 47.* Soc. JESU biennium etiam ita requirit, ut si quis absque dispensatione Præpositi Generalis admissus fuisset ante illud completum ad vota Religiosa, hæc forent invalida. 2. Non tamen necessario transigitur in Monasterio. *cap. 17. b. t. c. fin. qui Cler. vel vov.* nec in habitu Religioso, *c. 3. b. t. in 6.* 3. Interim annus tum ætatis tum probationis debet esse integer & de momento ad momentum completus. *Trid. Sess. 25. & 15. de Regul. & continuus, seu non interruptus. loco cit.* interruptitur autem per dimissionem status perfectam, etiam minimam, qualis esset, si Novitius dimisso habitu vel ad horam e Monasterio egrederetur.

Quæst. 5. Quæ privilegia & jura Novitiis competant? Resp. 1. In favorabilibus comprehenduntur nomine Religiosorum, gaudent privilegiis canonis & fori, aliisque suæ Religionis, *c. 21. §. quamvis, de sent. excomm. in 6.* 2. Ad præcepta & statuta per se & directe non tenentur, multo minus ad vota, quia ad ea se necdum obligarunt, tenentur tamen de honestate & decentia, *cap. 8. de stat. Monac.* Imò subiaciuntur jurisdictioni spiritali quasi Episcopali sui Prælati Regularis, si is exemptus est, tam in foro inquam externo. *Pirh. b. t. n. 69.* 3. Possunt, si voluerint, aut Religionem sibi non conveniri crediderint, libere & licite absque alia causa, & superiorum licentia non requisita ad sæculum redire, *c. 23. b. t. c. 1. eod. in 6.* nec tenentur per se ad refusionem sumptuum in sui sustentationem a Monasterio factorum *c. 23. cit. & cap. 2. eod. in 6.* 4. Durante probatione retinere possunt, si quod habuerunt, beneficium Ecclesiasticum, modo constituent Vicarium, *c. 4. b. t. in 6.* 5. Conc. *Trid. Sess. 25. cap. 16. de Regul.* statuit, ut imposterum nulla renuntiatio aut obligatio, etiam cum juramento, & in favorem cujuscunque causæ pæ valseat, nisi cum licentia

tia Episcopi vel ejus Vicarii (hoc consuetudo immutasse videtur) fiat *intra 2. menses proximos ante Professionem*. Ibidem tamen Trid. excipit Societatis JESU Novitios volentes disponere; nec universim comprehenduntur actus illi & contractus, quibus bona & jura Novitiorum non notabiliter minuuntur. Quid observandum in renuntiatione beneficii, quod in sæculo habuit Novitius, vid. Schmalzgr. *b. n.* 124. & *n.* 129. ubi putat, non esse irritas donationes ante ingressum Novitiatus, etiam intuitu ingressus factas, aliis æque vel etiam magis probabiliter contrarium tenentibus, ex mente Trid. 6. Si Monasterium sit capax bonorum, illaque vel bona vel jura Monasterio convenient. Novitio de illis non disponente, omnia per Professionem ad Monasterium transeunt Auth. *si qua mulier*, & Auth. *ingressi*. C. de SS. Eccles.

Q. 6. Quid sit Professio, & quæ circa eam notanda? Resp. 1. Accepta *stricte* est contractus facer ultro citroque obligatorius, quo quis per emissionem votorum paupertatis, castitatis & obedientiæ Deo & Religioni approbatæ se tradit, & Religio vicissim talem traditionem acceptat cum onere ipsum voventem perpetuo retinendi, alendi, & tanquam filium tractandi. 2. Alia est Professio *expressa*, quæ verbis, scriptis, vel utrisque simul fit; alia *tacita*, quæ hodie tamen rara est. 3. Qua forma Professio emitti debeat, quisque Novitios possit ad Professionem admittere, consulenda sunt singularum Religionum instituta. 4. Intra quinquennium potest Professus coram superiore suo & Ordinario reclamare adversus Professionem suam, illamque arguere nullitatis. Trident. *Sess.* 25. *cap.* 19. *de Regul.* quod ipsum etiam conceditur Religioni. Pirh. *b. num.* 154. post quinquennium non auditur amplius volens reclamare, nisi sit impedimentum perpetuum, vel temporale adhuc durans, ob quod invalida erat Professio. Imo ignoranti vel intra quinquennium reclamare impedito non denegatur remedium extraordinarium restitutionis in integrum. Ita praxis habet. Neque tenetur invalide Professus, si nullitatem Professionis nequit probare, eam ratificare in foro conscientiae, sed potest etiam, scandalo secluso, recedere. 5. Varii

sunt effectus Professionis validæ. Schmalzgr. *b. n.* 206. recenset undecim, inter quos præcipuus, quod obliget ad servanda perpetuo vota substantialia, & manendum in Religione, ita ut ne mutuo quidem Religiosi & Religionis consensu dissolvi hoc vinculum possit, &c. Potest tamen S. Pontifex ex justa & legitima causa dispensare, solvendo vinculum per Professionem inductum, sic ut, qui hactenus fuit Religiosus, non amplius sit, nec porro votis adstringatur. Sumitur ex *Matth. 16. c. under rot. in 6.* Talis tamen dispensatio non fit hoc ipso, dum Religiosus ad Episcopatum promovetur. Pirh. *b. num.* 145.

Q. 7. *An Professo nunquam licitum sit recedere a Religione, vel Religioni Professum ejicere?* Resp. 1. Licitum est utriusque sexus Religiosis transire ad Religionem strictiorem, modo transitus non fiat temere vel leviter, petatur ad hoc licentia superioris, & literæ dimissoriæ, fiatque sine infamia Religionis deferendæ. *cap. 18. b. t. can. 3. caus. 19. q. 3.* Ad Religionem laxiorem transitus de jure permissus non est. *c. 10. b. t.* Si tamen justa causa v.g. infirmitatis subsit, potest fieri cum licentia superioris Regularis & Capituli, si Monasterium sit exemptum; si non sit exemptum, accedente consensu Episcopi, Quid in hac parte possit Præpositus Generalis Societ. JESU, vid. Const. Gregor. XIII. *Cum alias.* Pauli III. *Licet debitum.* S. Pii V. *Æquum reputamus.* Quid interdictum sit Religiosis etiam licite transeuntibus a Religione Mendicantium ad non Mendicantem, vide Clem. 1. *b. tit.* Trident. *Sess. 14. c. 11. de reform.* Transiens tenetur in alio Monasterio subire Novitiatum, quia hic ad valorem Professionis requiritur. Bona, quæ ita transiens vel tempore Novitiatus in secundo Monasterio vel post factam Professionem acquirit, indistincte adjudicat, Schmalzgr. *b. num.* 242. Monasterio posterioris Religionis.

Resp. 2. *Religiosus* Professus, casu quò est incorrigibilis & Religioni intolerabilis, etiam invitus ex Religione expelli potest. *c. 10. de major. & obed. c. fin. de stat. Monach.* hodie tamen præter incorrigibilitatem in crimine gravi & publico requiritur prævia trina correctio, monitio, punitio, ac præterea incarcerationio unius anni

anni in jejunio & pœnitentia, juxta Decret. S. Congr. Card. jussu Urbani VIII. edit. *de Regular. apost. & eject.* Non liberatur ejectus a votis substantialibus Religionis; quia non cessat esse Religiosus: liberatur tamen a cæteris observantiis Regularibus; quia hæ illos tantum afficiunt, qui vivunt sub regula. Præterea obligatur ejectus gestare habitum (nisi & illo in pœnam privatus sit) a paritate Religiosi ad Episcopatum assumpti; & se disponere per emendationem, ut iterato suscipiatur. Schmalzgr. *b. num.* 252. & *num.* 256. ubi, quod Religio plene emendatum teneatur denuo recipere ex *cap.* 16. *b. t.* & *num.* 263. ait, de *jur. comm.* bona ejecti (a fortiori, fugitivi & apostatæ) Monasterio, a quo ejectus, acquiri. *a num.* 266. agit de fugitivis & apostatis. *Leur. b. t. a qu.* 869.

T I T U L U S XXXII.

De Conversione Conjugatorum.

Idest, de traseuntibus ad Religionem post matrimonium contractum.

Quest. 1. An & quomodo liceat ante consummationem matrimonii sponsis de præsentì ingredi Religionem? Resp. 1. A jure concessum est sponsis de præsentì bimestre, intra quod matrimonium consummare non tenentur, sed pars una altera etiam invita Religionem poterit inire. AA. ex *c. 7. b. t.* potest hoc tempus a Judice vel restringi vel prorogari. Pirh. *b. n.* 52. 2. Si bimestri transacto matrimonium nondum sit consummatum, licet adhuc transire ad Religionem, quantumcunque tempus fuerit elapsum. Schmalzgr. *b. n.* 8. ex *cit. c.* 3. Si sponsa de Religione cogitans intra bimestre per vim aut metum fuerit cognita, probabilius adhuc poterit per se loquendo Religionem ingredi. Ratio quia sponsus ex delicto non debet sentire commodum, nec sponsa per injuriam sibi illatam jure suo privari.

Q. 2. An & quomodo liceat conjugibus matrimonio consummato ingredi Religionem? Resp. 1. Per se patet, lice-

re, si uterque mutuo consensu ingrediatur. 2. Unus etiam conjugum Religionem poterit ingredi, si alter consentiat, & si sit juvenis, & ipse ingrediatur, vel, si senex & de incontinentia non suspectus, votum saltem continentiae in saeculo emittat. *c. 1. 4. q. 13. 18. b. t.* invalida erit Professio, si consensus sit extortus metu gravi. *c. 17. b. t.* vel dolo. arg. *c. 16. b. t.* vel sit tantum praesumptus ex mera conjugis alterius taciturnitate. Pirh. *b. n. 26.* tenebiturque talis Professus, si revocetur a manente in saeculo, redire, & reddere debitum, non tamen poterit petere, *c. 3. §. 12. b. t.* Valida quidem erit Professio, si conjux altero consentiente, sed illo non sequente, aut non emittente pro ratione personae votum castitatis fuerit in Religionem ingressus; interim tamen illicita erit Professio. *c. 9. b. t. 3.* Si alter conjugum committat adulterium, innocens poterit ingredi Religionem. *cap. 21. caus. 27. qu. 2. c. 15. cum duob. seq. b. tit. 4.* Si alter incidat in haesim vel apostasiam. *c. 21. b. t. §. c. 5. de divort. 5.* Quae hic de ingredientibus Religionem dicta sunt, eadem tere tenent in suscipiente S. Ordines.

Q. 3. *An matrimonium dissolvatur per ingressum in Religionem?* Resp. 1. Non quidem per solum ingressum in Novitiatum, nec per vota simplicia, licet Religiosum constituent, sed per solam Professionem solemnem in Religione approbata dirimitur matrimonium etiam quoad vinculum, si tantum fuerit ratum. *cap. 2. 7. 14. b. t. Trid. Sess. 24. can. 6. de Sacram. matrim. 2.* Privilegium hoc dirimendi matrimonium ratum non habent Ordines Sacri suscepti. *cit. text. & Extrav. Antiquae. Joan. XII. de vot. 3.* Juxta Pirh. *b. n. 45.* probabilius matrimonium ratum solvitur per Professionem jure solum Ecclesiastico, quia nec jure naturali, nec immediate jure divino positivo solvi probatur.

T I T U L U S XXXIII.

De Conversione infidelium.

Q. *uest. Un. Quid de conversis ad fidem b. tit. statuatur?* Resp. 1. Si conjux infidelis strictè talis, scilicet non

non baptizatus baptismum suscipiat, & ita ad fidem convertatur, altero in infidelitate remanente, potest factus fidelis infideli parte dimissa, licet matrimonium inter illos fuerit consummatum nubere alteri fideli, *c. 7. de divor.* non tamen per ipsum statim baptismum, sed dum actu ad secundas nuptias transitur, prius matrimonium dissolvitur, *c. 8. de divor.* & si talis infidelis plures habuerit uxores, cæteris dimissis primam solum, si & ipsa convertatur, retinere debet. *arg. citat. c. 8.* modo non fuerit matrimonium inter ipsos de iure naturæ nullum. Item, si conjugum unus convertitur ad fidem, siue is pater, siue mater sit, altero nolente converti, proles communis assignanda est converso, si doli nondum est capax. *c. fin. b. t.*

Resp. 2. Statuitur impedimentum dirimens, ut, si infidelis & fidelis in mortem conjugis sunt machinati, ut conjugum hoc sublato inter se contrahant matrimonium, hoc sit nullum, licet infidelis convertatur ad fidem. *c. 1. b. t.*

T I T U L U S XXXIV.

De Voto, & Voti Redemptione.

Quest. 1. *Quid & quotuplex sit Votum?* Resp. ad 1. Votum est deliberata promissio Deo facta de meliori bono. Comm. Differt a proposito, quia in proposito deest promissio & animus, se vi talis actus obligandi. In dubio, an votum factum, an solum propositum, contra votum præsumitur. *c. 65. de R. J. in 6.*

Resp. ad secundum. 1. Aliud est *personale*, quo personæ voventis actio; aliud *reale*, quo res voventis; aliud *mixtum*, quo res & actio Deo promittitur. 2. Aliud *reservatum* S. Pontifici quoad dispensationem, qualia quinque sunt. *Extravag. Etsi Dominici. fin. de pæn. & remiss. inter Comm.* aliud *non reservatum*. 3. Aliud *purum*, aliud *conditionale*. 4. Et præcipue aliud *solemne*, quod ut tale acceptatur ab Ecclesia; & sunt hæc duo, votum castitatis, quod majoribus Ordinibus annexum, & votum Professionis Religiosæ. Aliud *simplex*, scil. illud omne, quod talem solemnitatem annexam non habet. Vide *L. 4. Decret. tit. 6.*

Dd 3

Quest. 2.

Quest. 2. Quæ sint requisita ad valorem voti? Resp. 1. Requiritur promissio vera, si enim facta sit absque animo se obligandi, non tenet votum; ut patet. 2. Promissio debet esse cum advertentia rationis plena, quanta requiritur ad peccandum mortaliter. Si dubitetur, an adfuerit sufficiens deliberatio, alii cum Pichl. *b. tit. n. 3.* judicant, tale votum non obligare, conformiter dictis in *Q. priori*, alii cum Engel *b. t. n. 5.* tenent contrarium. 3. Debet promissio esse libera; unde metu gravi injuste incusso emissum votum solemne aut (juxta multos) Religiosum constituens est nullum, saltem de jure Ecclesiastico, *c. 1. de his, quæ vi.* & votum factum ex errore, qui versetur circa rei substantiam, vel circumstantiam redundantem in substantiam, vel circa motivum formale principale, idem nullum est; quia omnem suam vim habet a voluntate, & intentione votantis. 4. Debet promissio DEO fieri: facta sanctis non est proprie votum, nisi in honorem Sancti ad DEUM ipsum immediate dirigatur. Ratio, quia votum est cultus patriæ soli DEO debitus. 5. Debet esse res, quæ promittitur, *possibilis*; hinc nullum est votum, nunquam peccandi venialiter: *honestæ*; unde non sufficit res tam de se quam respective indifferens ad finem; & *quidem de meliori bono*, hoc est, de eo, quod omnibus spectatis melius est, quam oppositum; hinc si quis voveat inire matrimonium ad vitandam consuetudinem peccandi, potest non obstante hoc voto per se loquendo vel Religionem ingredi, vel amplecti continentiam, quia hoc absolute melius est.

Quest. 3. Quæ sit obligatio voti? Resp. in genere 1. Licitum esse vovere, patet ex pluribus Scripturæ textibus, præsertim Num. 30. *V. 3.* Deut. 23. *V. 21.* Eccles 5. *V. 3.* & 4. Interim ad vovendum nulla est obligatio, post votum tamen factum necessario illud implendum. Utrumque suadet ratio, & habetur *c. 6. b. t. 2.* In specie. Obligatio implendi votum est vel gravis vel levis, prout aut mens voventis est; cum vovens se etiam possit obligare sub levi, licet materia gravis sit, ut Insung *de vot. num. 101.* aut, si mentem suam non expressit, prout materia est. Pichl. *b. t. n. 8.* 3. Votum personale tantum obligat voventem, nec tenetur vovens, nec potest

test per alium illud implere. Engel *b. tit. num. 15.* ubi etiam *Resp. ad cap. 8. b. t.* Votum reale potest impleri per alium; quia nihil interest, an vovens, an aliusejus nomine de ipsius substantia eleemosynam expendat: affixum est bonis vovens, adeoque & obligatio voti hujus ad hæredes transit. *c. 18. de censib.* non tamen prius est solvendum, quam soluta sint ea, quæ defunctus debebat ex justitia. Ratio, quia debetur ex bonis defuncti, quæ non sunt, nisi deducto ære alieno. Votum *mixtum* transit ad hæredes, quatenus est reale, si illa realitas separari potest; uti & dicitur, quod si materia voti sit dividua, possitque quoad unam partem impleri, ad id teneatur vovens. Vid. tamen Engel *b. n. 14. 4.* Si pro nullo determinato tempore votum emisum, implendum illud est, quam primum viri prudentis arbitrio commode fieri poreft: arg. *Deut. 23. V. 21. Eccles. 5. v. 3.* Si dies vel tempus præfixum, implendum est intra illud tempus; quod si hoc omittat vovens, peccavit contra votum; non tamen ideo liberatur ab ejus executione, sed postea tenetur implere, si ex intentione vel natura voti res promissa certo tempori fuerit affixa. Schmalzgr. *b. t. n. 58.*

Q. 4. Qualiter obligatio voti tollatur, Resp. In genere, dupliciter. 1. Nullius autoritate interveniente, idque vel mutatione materiæ voto promissæ, si illa fiat impossibilis de facto aut de jure; vel desirione conditionis; a qua pendeat; etiam si ipse vovens malitiose eventum conditionis impediret; quia scil. nec hoc casu impleta est conditio. 2. Interveniente autoritate humana; scil. *irritatione*, qua obligatio voti tollitur ab eo cujus potestati subjecta est voluntas vovens, vel voti materia, sic ut votum ab ejus consensu dependeat. *Commutatione*, qua non quidem omnino tollitur obligatio voti, sed in locum materiæ voto promissæ alia substituitur; si pio operi, quod voto promissum est, substituatür pecunia in eleemosynam danda, dicitur proprie *redemptio* voti. *Dispensatione*, qua nomine DEI ab habente potestatem penitus remittitur obligatio voti; quod dispensatio non fiat proprio nomine, differt ab irritatione.

Quest. 5. Quæ vota & a quibus irritari possint? Resp. 1. Omnia vota *impuberum* simpliciter & directe irritari pos-

possunt a patre, in hujus defectu ab Avō paterno; vel si in horum defectu impubes Tutorem, aut matrem saltem habeat, ab his ejus vota possunt irritari. *canon. 2. caus. 20. q. 2.* Ratio est judicii imbecillitas in ea ætate. Ampliationes hujus responsion. vid. apud Laym. *L. 4. Tr. 4. c. 7. n. 10. V. amplia secundo.* Puberum vota irritari nequeunt, quamvis hi sint etiamnum sub potestate patriæ, nisi quatenus obsunt disciplinæ & gubernationi familiæ. arg. *cit. can.* & quia jam habent discretionem & maturitatem judicii sufficientem ad votendum. 2. Maritus non potest omnia uxoris vota irritare, sed illa tantum, quæ usui matrimonii, rectæ prolium educationi, domesticæ gubernationi & administrationi familiæ præjudicium asserre possunt. Ratio, quia nullo jure probatur potestas marito concessa in omnes omnino actiones uxoris suæ: quæ etiam de uxore procedunt. Engel *b. n. 23. in fin.* 3. Prælati sive superior Religiosus, quo nomine non quidem Sub-Prior aut Minister, Abbatissa tamen venit, potest *omnia* Religiosorum sibi subditorum vota irritare, exceptis, quæ ex institutio Religionis fiunt, & voto strictioris Religionis, *can. cit.* Superior tamen Novitiorum non potest eorum vota directe & simpliciter irritare, sed solum *suspendere*; quæ demum emissa Professione ex dispositione juris censentur commutari in vota Religionis.

Quæst. 6. Quinam possint commutare vota & quomodo? Resp. 1. potest unusquisque propria autoritate commutare votum suum in id, quod manifeste est melius. *cap. 3. de jurejur.* Utrum sola voluntate voventis votum in evidenter æquale commutari possit, dubitant AA. negatur communius, ob periculum, ne sæpe minus bonum præ majori aut æquali exhibeatur. 2. Ut fiat commutatio in minus bonum, certum est, requiri auctoritatem Superioris vel habentis privilegium Pontificium, quale varii Regulares, & dispensandi & consequenter commutandi vota, 5. reservatis exceptis, habent; insuper & justam causam requiri certum est, de qua Schmalzgr. *b. num. 100.* 3. Licet etiam post commutationem voti voventi redire ad votum prius; quia, cum commutatio facta fuerit in ejus favorem, renunciare huic potest. 4. Votum tamen factum in favorem

ter-

tertii, ab eoque acceptatum nequit commutari absque ejus consensu; quia per acceptionem jus illi fuit acquisitum.

Q. 7. Quis dispensare possit in votis? Resp. 1. Potest in omnibus Pontifex coll. ex *cap. 16. Matth.* Episcopi, alique Prælati jurisdictionem quasi Episcopalem obtinentes, & quidem potestate ordinaria a S. Pontifice sibi communicata in non reservatis *c. 1. & 7. b. t.* uti & Religiosi Mendicantes ex potestate delegata. Patet ex privilegiis ab Innoc. VIII. Eugen. IV. Martino V. Paulo III. concessis. 2. Dantur tamen casus, in quibus Episcopi etiam in reservatis possunt dispensare. Schmalzgr. *b. n. 110.* quod Reiffenst. *b. t. n. 40.* pariter ad Religiosos Mendicantes extendit, posse & istos & hos in votis, quæ similia sunt reservatis, dispensare, adeoque hæc reservata non esse, certum est juxta omnes. 3. Præter potestatem in dispensante requiritur causa justa, fundata in pietate, utilitate, & necessitate. Sanch. *Lib. 4. Moral. c. 45. a num. 26.*

T I T U L U S XXXV.

De Statu Monachorum & Canonicorum Regularium.

Quest. 1. *Ad quid vi voti paupertatis obligetur Religiosus?* Resp. Postquam actum est in genere prior titulo de votis, in hoc de iis in specie tractatur, ad quid nimir. Religiosi, qui hic nomine *Monachorum & Regularium* veniunt, in statu suo, id est, in *stabili sua vivendi ratione* vi votorum teneantur; ac 1. quidem in genere: ex *voto paupertatis* Religiosi omnes solemniter Professi obligantur, ne quid proprium habeant, aut aliquo tanquam proprio utantur. *Trid. Sess. 25. c. 2. de Regul. c. 2. 4. 6. b. t.* 2. In specie, quod Religiosi proprii nihil habere possint, oritur non ex alio, quam ex ordinatione Ecclesiæ, *text. cit.* quæ afficit solos Religiosos in particulari, Communitates enim (exceptis PP. Minorib. de Observantia, PP. Capuc. Domibus Professis Soc. JESU.) sunt capaces bonorum temporalium tam mobilium quam immobilium. *Trid. loc. cit. cap. 3. &c.*
3. Quod

3. Quod Religiosi in particutari nihil proprii habere possint, intelligitur circa res temporales & externas, *bona fortune* dictas, quia jus eligendi & præsentandi, titulum beneficii &c. acquirere & retinere possunt; neque per Professionem *hoc ipso* honori ac famæ renuntiatur. 4. Scholastici Soc. JESU, etsi veri Religiosi pauperes sint, retinent tamen ad aliquod adhuc tempus dominium rerum suarum, non tamen liberum earum usum ita quidem, ut vel *invalide*, ut putant Mol. Les. Haun. &c. vel *saltem illicite*, ut volunt Suar. Sanchez, Laym. Schmalz. absque superiorum voluntate de iis disponant. Vide Bull. Greg. XIII. *Quanto fructuosius, & Ascendente*. Quod nulli Religiosi post emissâ vota re tanquam propria uti valeat, intelligitur, eos peccare vel graviter vel leviter pro ratione materiæ, si quid accipiant, donent; absumant absque superioris licentia vel *expressa*, vel *tacita*, ita omnes. Imò ad vitandum peccatum proprietatis juxta Schmalz. *b. n.* 28. sufficit licentia superioris præsumpta, etiam dum potest commode adiri superior, modo præsumi possit non esse absolute invitus. arg. L. 46. §. 7. *de furt.* & quia talis dispositio non fit nomine proprio. Idem *n.* 14. *b. tit. & seq.* decidit, licitum esse Religiosis habere peculium & præstationes annuas de licentia superioris, modo & istud & istæ sint revocabiles ad nutum, & superioribus consignentur. 6. Pœnæ Religiosi proprietarii exprimentur in *c. 1. & 6. b. t. Trid. Sess. 25. de Regul.* expulso tamen e monasterio *c. 6. b. t.* statuta non amplius obtinet.

Q. 2. *Ad quid obligetur Religiosus vi voti Castitatis?*
 Resp. 1. Religiosi per hoc votum obligantur abstinere ab omni delectatione venerea tam interna quam externa, tam intra, quam extra matrimonium; ita ut Religiosus contra castitatem peccans duo committat peccata; luxuriæ scil. & Sacrilegii. 2. Ex defectu advertentiæ & deliberationis potest quidem peccatum veniale contra castitatem committi, non tamen ob parvitatem materiæ. Rationes Schmalzgr. *b. n.* 42. notandum hic venit *c. 6. b. t.* ratione dispensationis, de qua cit. Auctor plura *a num.* 47.

Quæst. 3. *Ad quid vi voti Obedientiæ Religiosus obligetur?* Resp. 1. Ad omnia præstanda quæ superior præcipit,

pit, si iusta, honesta, & Regulæ, aut instituto sint conformia. Laym. L. 4. tr. 5. c. 9. n. 1. adeoque si superior tam mediatius quam immediatus præcipiat talia, quæ vel directe vel indirecte, aut implicite in Regula continentur, obediendum est, non tamen si ultra Regulam quid præcipiat, quia ad hoc Religiosus per votum obedientiæ se non obligare voluit, nec obligavit. 2. Tenetur Religiosus ex voto obedientiæ ad servandas regulas & Constitutiones, quæ sub peccato ex intentione fundatoris obligant; non tamen peccabit *per se loquendo* graviter Religiosus, qui ex consuetudine transgreditur regulas aut sub nulla culpa, aut tantum sub levi obligantes. Ratio, quia talis non intendit transgredi obligationem sub gravi. 3. Violatio voti obedientiæ plures continet malitias, præsertim transcendentales, sed hæc tractant TT. in Tr. de peccat.

Q. 4. *Quenam alia circa Regulares utriusque sexus de jure comm. statuta sint?* Resp. 1. Seclusis privilegiis subiecti sunt Episcopo, c. 2. b. t. non sunt pro pretio recipiendi, c. 1. b. t. de Capitulis Provincialibus Regularium, de visitationibus & modo visitandi agit c. 6. *fin. b. tit.* de Monialium visitationibus *Clem. 2. hoc tit.* Trid. *Sess. 25. c. 9. de Regul.*

Resp. 2. Circa clausuram Monialium & egressum illarum ex Monasteriis statuta sunt seq. 1. Omnes & solæ Moniales Professæ tenentur tam stricte ad clausuram, ut extra monasterii sui septa ipsis non liceat sine gravi causa & licentiâ egredi. 2. Causa gravis est morbus talis, ut non possit Monialis cum reliquis absque gravi periculo seu scandalo commorari; it. incendium, incursio hostium, coloniæ alio ducendæ &c. 3. Licentiam cedit Episcopus potestate ordinaria, si Moniales ipsi subiectæ sint; delegata, si sint exemptæ, ejus loco Vicarius Generalis. Requirenda & obtinenda est hæc licentia semper, nisi causa sit manifesta & periculum tam urgens, ut moram non patiatur; quia hoc casu necessitas non habet legem. 4. Moniales clausuram violantes, iisque cooperantes incurrunt ipso jure excommunicationem reservatam; per sententiam declaratoriam privationem dignitatum, Administrationum, officiorum superioritatem habentium. Habentur hæc *cap. un. b. tit.*

in 6. Trident. *sess. 25. cap. 5. de Regul. Constitut. Sancti Pii V. Pastoralis & Decoris. 5.* Quoad ingressum aliarum personarum in Monasteria Monialium absolute statuitur *c. un. b. t. in 6.* ne ulli personæ ad ea monasteria accessus pateat absque justa causa (quæ in necessitate consistit) & absque licentia, & quidem, ut Trident. addidit *sess. 25. cap. 5. de Regul.* in scriptis obtenta. Exceptiones, & limitationes vide apud Schmalzgr. a. num. 112. b. t.

T I T U L U S XXXVI.

De Religiosis Domibus, ut Episcopo sint subjectæ.

Quest. 1. *Quenam dicantur in præsentî domus Religiosæ?* Resp. Nomine domus Religiosæ, de qua hic agitur, postquam in superioribus de Professione & statu Religiosorum tractatum, venit in genere locus divino cultui vel aliis piis usibus auctoritate Episcopi destinatus, *cap. 4. b. tit.* Si locus ille sit consecratus, dicitur *domus sacra*; si domus auctoritate tantum Episcopi erecta, non tamen consecrata, in specie vocatur *domus religiosa*; si nec auctoritas Episcopi intervenit, nec consecratio, proprie *domus pia* appellatur. Pichl. *b. tit. num. 1.* ubi pariter, quod in dubio, num auctoritas Ecclesiastica intervenerit, id ex conjecturis possit colligi. *Ibidem* quædam habet notanda de Oratoriis privatis.

Q. 2. *An & cui Episcopo sint subjectæ Ecclesiæ, Monasteria, aliaque loca pia?* Resp. 1. Jurisdictioni Episcopi diocesani subsunt *de jure communi* Monasteria, Ecclesiæ, & loca pia, si hæc auctoritate Episcopi sint erecta, ita ut, si quæ exemptionem prætendant, probatio ipsis incumbat, *c. 3. 4. 6. 7. b. t.* 2. Ecclesia vel Monasterium alterius dioceseos Ecclesiæ vel Monasterio unitum, manet subjectum Episcopo, cui prius subiciebatur, *c. 2. b. t.* 3. Dum dubitatur, in cujus Episcopi diocesi Ecclesia sita, adeoque cui subjecta, & a quo consecranda, dicendum, subjecta esse & consecrandam ab Episc-

Episcopo, qui prius in incolas illius loci jura Episcopalia exercuit, quam ea ædificaretur, *c. 1. b. t.*

Q. 3. Quid juris competat Episcopo ratione subjectionis locorum Religiosorum? Resp. 1. Episcopus in locis Religiosis sibi subiectis & non exemptis habet jurisdictionem etiam contentiosam & exactionem jurium Episcopaliū, uti omnes ex *c. 9. b. t.* quod capitulum bene notandum. 2. Potest Episcopus visitare ejusm. loca Religiosa (etiam exempta, sed hæc autoritate Apostolica) & rationes exigere administrationis, nisi tamen sint sub immediata protectione Regum, aut aliter in fundatione cautum. Trident. *Sess. 22. cap. 8. & 9. de reform.* neque subsunt Episcopi visitationi pia loca Ordinum militarium, aut aliorum Religiosorum *Clem. 2. §. 2. b. t.* 3. Quomodo curandum sit Episcopo, ut piæ defunctorum voluntates mandentur executioni, quidque hac in re possit Episcopus, desumitur ex *Clem. 2. b. t. & Trid. Sess. 25. c. 8. de reform.*

Quæst. 4. Quenam requirantur, ut novum Monasterium possit erigi? Resp. Recensentur seq. a Pichl. *b. n. 3.* 1. Consensus Episcopi. Trid. *Sess. 25. c. 3. de Regul.* & forte S. Pontificis ob *c. un. b. t. in 6. c. an. de excess. Præl. in 6.* Constit. Urbani VIII. 1624. Constit. *Instaurandæ.* Innoc. X. 1652. quæ tamen de consensu Pontificis dicta, in nostris partibus non tenent. 2. Consensus Parochi vel Capituli, quod inibi curam animarum exercet. 3. Principis & incolarum. 4. Religiosorum in vicinia, scil. hodie ad 140. cannas habitantium, &c. de quibus alii. 5. Requiritur, ut saltem 12. Religiosi possint ex redditibus sibi assignatis vel ex eleemosynis competenter vivere. 6. Quid Episcopo in erectione novæ monasterii Monialium observandum, habet Schmalzgr. *a. n. 38. b. t. Engel b. t. n. 5.* qui & *num. 4.* refert Bullas *Clem. VIII. & Greg. XV.* in hac materia editas.

Q. 5. Quid possit Episcopus circa mutationem status locorum Religiosorum? Resp. 1. Loca proprie Sacra & Religiosa, Ecclesiastica autoritate, constituta, absque eadem autoritate profanis usibus nequeunt destinari, *cap. 4. & 5. b. rit.* 2. Ecclesiæ Regulares, non possunt ullius Prælati Pontificæ inferioris autoritate mutari in sæculares, nec Monasteria in Collegia Clericorum

ſæcularium, niſi caſu quo reperiri non poſſint Religioſi, quibus illa reſormentur, & reſtauretur collapſa diſciplina. c. 5. b. t. confert Schmalz. b. t. n. 26.

T I T U L U S XXXVII.

De Capellis Monachorum & aliorum Religioſorum.

Queſt. 1. *Nomine Capelle quid veniat?* Reſp. Varias in jure ſignificationes habet; ſubinde enim ſignificat altare in templo extructum; nonnunquam Orationarium vel ſacram ædiculam a templo ſeparatam; interdum omnem Eccleſiam etiam Parochialem per ſe & ſeorſim exiſtenteſ, modo non ſit Collegiata; hic intelligitur nomine Capellæ Eccleſia Parochialis unita ſeu incorporata Monafterio ſive Eccleſiæ Regulari.

Q. 2. Quis, a quo, & qualiter præſciendus ſit Eccleſiæ Parochiali, ſeu habenti populum cum annexa cura animarum, dum talis Eccleſia Monafterio eſt unita? Reſp. 1. Dum Eccleſia Parochialis unita eſt Monafterio *jure non pleno*, id eſt, tantum quoad percipiendas decimas alioſque redditus, præſciendus eſt illi ab Ordinario, de conſilio tamen & conſenſu Religioſorum, Sacerdos ſæcularis. Habentur hæc & alia c. 1. b. t. c. 31. de præb. 2. Dum Eccleſia Parochialis unita eſt Monafterio *jure pleno*, ita nimirum, ut Religioſi non tantum decimas alioſque fructus temporales talis Eccleſiæ percipiant; ſed etiam prælatus Regularis principalis Rector & Parochus ſit, hodie is non prohibetur ibi conſtituere Vicarium Regularem, examinandum tamen & approbandum ab Epifcopo, & viſitationi Epifcopali quoad Parochialia ſubjectum Trident. *ſeſſ. 7. c. 7. de reform.* 3. Dum Eccleſia eſt unita Monafterio *jure pleniffimo*, ſive quoad omnia, ita ut etiam populus ſit exemptus a juriſdictione Epifcopi, Epifcopus diœceſanus nihil habet in ea juris quoad institutionem, deſtitutionem, viſitationem, ſed Prælatus loco Epifcopi eſt, cap. 21. de privil. Trid. *ſeſſ. 25. c. 11. de Regul.* 4. Quomodo de jure (de conſuetudine ſæpe quid aliud obtinet) Religioſi in Parochiis

chiis viventes debeant habere socium, dicitur in c. 3.
 & 4. b. t. c. 2. de statu Monach.

T I T U L U S XXXVIII.

De Jure Patronatus.

Quest. 1. Quid & quotuplex sit jus Patronatus. Resp. ad 1. Est jus sive facultas nominandi aut præsentandi, quæ duo fere in hac materia conveniunt, Clericum instituendum ad Ecclesiam vel beneficium vacans. Vel juxta alios, est jus honorificum, onerosum, & utile competens alicui in Ecclesia, quam de Ordinarii consensu fundavit, construxit, aut dotavit ipse, vel is, unde causam accepit. Utraque definitio latius explicabitur in seq. Illud hic notandum, quod jus Patronatus neque mere temporale sit, neque omnino spirituale, sed spirituali annexum antecedenter, c. 16. b. t.

Resp. ad secundum 1. Aliud est Ecclesiasticum, aliud sæculare, aliud mixtum. Ecclesiasticum est, quod Collegio Ecclesiastico aut personæ Ecclesiasticæ ratione Ecclesiæ, dignitatis, vel beneficii competit, vel quod ex bonis Ecclesiasticis ad fundandam, construendam, aut dotandam Ecclesiam applicatis est comparatum. Laicale vel sæculare est, quod vel ex bonis patrimonialibus, vel ex alio titulo sæculari competit; qui titulus Jus Patronatus Ecclesiasticum a laico distinguit, non possessor. In dubio attenditur, num deferatur jure successionis hæreditariæ, & tum præsumitur laicale arg. c. 1. de præb. neque nihil hoc in casu facit persona possidens, Schmalzgr. b. n. 9. Potest ex laicali jure Patron. Ecclesiasticum fieri, & contra, cap. un. b. t. in 6. Mixtum est, quod partim ratione Ecclesiæ, partim ratione patrimonii competit. 2. Aliud est hæreditarium, scil. ad hæredes quoscumque transiens; aliud familiare sive gentilitium, quod ad eos tantum hæredes transit, qui ex familia certa v. gr. fundatoris vel a fundatore nominata descendunt. 3. Aliud est reale sive accessorium, quod annexum est rei alicui temporali, v. g. castro, prædio, adeoque in quemcumque rei talis possessorem, sive Ecclesiasticum sive sæcularem, modo sit capax feudi, transit.

fit. Aliud *personale* sive *principale*, quod adhæret personæ v. gr. fundatoris & hæredum independenter a re aliqua temporali. In dubio censetur personale. Engel *b. num. 23. not. 5.*

Q. 2. *Quenam sint differentie inter Jus Patronatus Ecclesiasticum & laicale?* Resp. Præcipue sunt seqq. 1. Patronus Ecclesiasticus habet semestrem, laicus quadrimestrem ad præsentandum, *c. un. §. verum, b. t. in 6.* incipit utrique currere a die vel hora vacationis cognitæ, estque dein continuum, *c. 5. de concess. præb.* 2. Ecclesiasticus variare nequit, sic ut plures successive possit præsentare; quod autem simul possit, inde probatur, quia simultanea præsentatio Patrono Ecclesiastico nullibi reperitur prohibita. Laicus econtra præsentare potest plures tam simul quam successive, modo prius id faciat, quam unius ex pluribus a se præsentatis secuta sit institutio, & modo non excludat prius præsentatum. *c. 5. 24. 29. b. t.* 3. Pontifex, nisi clare exprimat, non censetur derogare juri Patronatus sæculari, sed tamen Ecclesiastico *c. 28. b. t.* 4. Laicus præsentando indignum pro illa vice probabilius non privatur jure præsentandi, sed tamen Ecclesiasticus *c. 2. de sup. negl. Præl. c. 4. de off. jud. ord.* 5. Dum beneficium Curatum est juris Patr. Ecclesiastici, debet observari forma a Trid. sess. 24. *c. 18. de ref. præscripta*, & juxta *§. si vero, ib.* institui *concursum*, non vero necessario in beneficio Curato juris Patron. laicalis.

Q. 3. *Quinam sint capaces juris Patronatus?* Resp. In genere omnes *Christiani*; in specie, de quibus dubium videri poterat, sunt capaces juris Patronatus 1. *laici*, qui per privilegium universale ad hoc sunt habilitati, *cap. fin. de concess. præb. c. 7. b. t.* etiam si illegitimi sint, spurii, vel irregulares, excommunicati; quia nec hi reperiuntur excepti. 2. *Minores & pupilli*, qui intra annos impubertatis etiamnum constituti, modo usum rationis habent, absque tutoris autoritate valide præsentant, *arg. tot. tit. de despons. impub. & c. fin. de jud. in 6.* 3. *Fœminæ*, *c. 7. b. t. c. fin. de concess. præb.* Si tamen jus Patronatus annexum sit bonis marito in dotem datis, hic, non fœmina, præsentabit. Ratio, quia non tantum fructus rerum dotalium, sed fictione juris ipsum etiam dominium Civile penes maritum est quoad omnes

omnes effectus jure non exceptos. arg. *L. 9. C. de R. N.* ergo, 4. Etiam *possessor* b. f. juris præsentandi valide & licite præsentat. *c. 19. d. t.* etiam mota jam lite super proprietate juris Patronatus. *c. 2. ut lit. pend.* & licite postea succumbat, præsentatus ab illo & institutus in suo beneficio debet sustineri. *c. 19. cit.* 5. Competere præterea potest jus præsentandi *Collegiis & Capitulis*, quibus si *ut universis* seu *per modum unius corporis* competit, invalide præsentant singuli aut plures, sic ut vel unus non vocatus agere de contemptu possit. arg. *cap. 28. 36. 42. de elect.* vide Pichl. *b. a num. 7.*

Q. 4. Quibus modis acquiratur jus Patronatus? Resp.

1. Originaliter acquiritur. 3. modis, ut Gloss. in *can. 26. caus. 16. qu. 7.* ait: *Patronum faciunt dos, ædificatio, fundus*; non quasi vero unus conjunctive deberet Ecclesiam fundare, construere, & dotare ad hoc, ut jus patronatus acquirat, sed sufficit, quod unus det fundum in eum finem, ut Ecclesia ædificetur; alter propriis sumptibus cum consensu Ordinarii eam ædificet, vel penitus destructam restituat; tertius dotet, id est, sufficientes in sustentationem Ministrorum redditus assignet. *c. 3. d. 25. b. t.* Trident. *Sess. 14. c. 12.* & præcipue. *Sess. 25. c. 9. de ref.* hocque casu tres erunt patroni, de quibus latius Schmalzgr. *b. a num. 25.* Neque requiritur, ut qui fundat, construit, aut dotat Ecclesiam, expresse sibi jus Patronatus reservet, sed tantum, ut actu contrario non remittat; quia Ecclesia ipso jure id in remunerationem indulget, per *c. 41. de testib.* Quarumcunque tamen Ecclesiarum fundatione, ædificatione, dotatione non acquiritur jus Patronatus plenum & quoad omnes effectus, nam si sit *Ecclesia Collegiata* vel *Conventualis*, acquiritur solum quoad honorem & similes effectus, non quoad jus nominandi aut præsentandi Prælatum ad talem Ecclesiam vacantem, nisi specialiter hoc sit obtentum per indultum Pontificium. *c. 25. b. t.* Nec potest fundator *laicus* sine consensu Pontificis in limine foundationis reservare sibi suisque successoribus jus hoc coeligendi *Prælatum c. 31. de elect.* bene tamen jus præstandi assensum electioni Prælati sibi intimatæ, arg. *c. 25. cit.* quæ Patroni approbatio modo post electionem communem de jure communi petenda est & præstanda;

P. Adami Husb.

Ee

quia

Quia tum modo intelligitur facta esse electio. c. 42. & 43. de elect.

Resp. 2. Acquiritur præterea jus Patronatus ex speciali concessione S. Pontificis; quod ex suprema ejus in Ecclesiasticis potestate desumitur. 3. Præscriptione, qualis ea esse debeat, vide apud Reiffenst. b. a num. 12.

Quæst. 5. Quæ jura competant Patronis respectu Ecclesiarum, quarum sunt patroni? Resp. Comprehenduntur seq. vers. Patrono debetur bonus, onus, emolumentum, præsentet, præsit, defendat, alaturegenus. In specie 1. Competit Patrono bonus, qui consistit in digniore sede præ aliis laicis (domino territoriali excepto) in Ecclesia, & honoratiore loco in Processionibus, suscipienda pace & thurificatione, oblatione palmarum & candelarum, c. 25. caus. 16. qu. 7. cap. 25. b. t. quod aliqui velint, Rectorem Ecclesiæ indigere venia, dum Patronum vult convenire in judicio, caret fundamento & est Ecclesiis præjudiciosum. 2. Onus incumbens Patrono est cura & defensio Ecclesiæ, ne hæc a potentioribus opprimatur. c. 50. caus. 16. qu. 1. ne dos aliave ejus bona male alienentur aut male impendantur. cap. 31. & seq. caus. 16. qu. 6. estque plerumque Patronus etiam Advocatus Ecclesiæ. c. 23. b. t. Interim tamen vi curæ suæ & defensionis nequit patronus laicus ullam exercere jurisdictionem de jure comm. aut bonorum Ecclesiasticorum administrationem. c. 18. 23. 25. caus. 16. qu. 7. c. 12. de pæn. c. 4. b. t. Trid. sess. 24. c. 3. de refor. & sess. 25. c. 9. ib. Ecclesiasticus tamen rationes de administratione in temporalibus tum a beneficiato, tum ab aliis Administratoribus petere potest. c. 7. b. t. c. 3. §. in Ecclesiis de privil. Correctum est. c. 51. de appell. per Trid. Sess. 24. c. 18. de refor. 3. Si Patronus ad inopiam vergat, illud emolumentum ei competit, quod ab Ecclesia Patronata alimenta ei sint subministranda, & quidem abundantius quam aliis pauperibus, text. & AA. in c. 25. b. t. c. 29. & 30. caus. 16. q. 7. Census quoque, si quos sibi reservavit cum consensu Episcopi in limine foundationis, percipere potest. c. 23. b. t. non vero post foundationem jam factam novis gravare Ecclesiam. c. 7. & seq. de Cens. arg. L. 4. C. de donat. Ratio, quia tum Ecclesiæ jam est jus quæsitum. 4. Competit præcipue Patrono jus præsentandi, sive præsentatio, de qua. Q. 6.

Q. 6. Quid de jure presentandi & ipsa actuali presentatione dicendum? Resp. 6. Presentatio est exhibitio personæ idoneæ ad Ecclesiam vel beneficium vacans Episcopo, vel alteri, ad quem institutio pertinet, legitime facta; hæc si sit acceptata, jus ad rem tribuit, ut commun. neque ad sui valorem requirit presentiam patroni; arg. *cap. 6. de his, quæ a Prel. c. fin. de concess. præb.* neque presentati; quia ex nullo textu hæc presentia colligitur. Est tamen presentatio ita necessaria, uti si collatio beneficii patronati vel contradicente vel ignorante Patrono ab Episcopo facta fuerit, collatio illa sit invalida. *c. 8. h. tit. quod alias objicitur. c. 14. & 29. h. t.* Ratio, quia caret Episcopus potestate ejusmodi Ecclesias vel beneficia libere conferendi. 2. Qui presentatur, debet esse dignus, id est, qualitatibus in beneficiato requisitis instructus, indignus enim, it. laicus, illegitimus, excommunicatus invalide presentatur. arg. *c. 15. h.* neque se ipsum quis valide præsentat. *c. 26. h. t. cap. final. de Inst.* quia inter dantem & accipientem debet esse distinctio. Casus, in quibus patronus consequi beneficium sui patronatus possit, recenset Schmalzgr. *b. num. 170.* Flum tamen suum, alias dignum, pater presentare potest. Idem ex *cap. 15. h. t. a num. 178.* plura habet de presentatione consanguineorum a fundatore reservata. 3. Illicite presentatur minus dignus relicto digniore, saltem si beneficium sit curatum Trid. *Sess. 24. c. 1. V. itaque. c. 18. V. si vero de ref.* Multi judicant, satisfacere Patronum laicum, modo dignum presentet, idque probant ex Trid. *Sess. 24. cap. 18. V. quod si,* quod satisfaciat pro foro externo, certum est. 4. Si unus idemque patronus presentet plures, dignior ab Episcopo est instituendus. *c. 24. h. t. Trident. loco cit. valida tamen foret institutio minus digni. c. 29. h. tit. si plures a patrono presentati sunt paris meriti, non quidem extraneum a presentatis distinctum instituere potest Episcopus; quia presentati habent aliquod jus; locus tamen est gratificationi inter presentatos. c. 3. h. tit. c. 24. cod. 5.* Si plures sint patroni, & diversi diversos presentent, sic tamen, ut votis pares sint, nullius presentatio tenet, neque Episcopus tenebitur aliquem instituere, saltem si nullus sit dignior. Pirh. *boc num. 100.*

ex cap. 3. b. t. 6. De tempore præsentatione præfixo, & an aut quomodo variare possit Patronus, dictum est supra b. t. Q. 2.

Q. 7. *Quibus modis jus Patronatus semel legitime acquisitum in alios transferatur?* Resp. 1. *Successione hereditaria*, & quidem in hæredes fundatorum quosunque, nisi familiare sit, aut aliquis eorum sit hæres in re aliqua certa; quo casu ad hunc non transit jus Patron. si res, in qua succedit, illud non habeat annexum. c. 1. Q. 3. b. tit. Clem. 2. cod. Schmalzgr. b. a num. 123. usque ad num. 145. 2. *Donatione*, cap. 8. & cap. un. pr. b. tit. ubi habetur, quod Patronus laicus irrequisito Episcopo jus Patronatus, sive reale fuerit, sive personale, donare possit plura Schmalzgr. a n. 146. b. t. 3. *Venditione rei*, v. gr. castri, cui jus Patronatus accessorie annexum. c. 13. junct. Glos. V. *emptorum* & c. 7. b. t. non tamen castrum pluris vendi potest; quia jus Patronatus annexum; nec de eo fieri debet specialis conventio, aut mentio *conjunctive*; cæteroquin committeretur simonia. c. 7. cit. 4. *Permutatione*, ut habetur. c. 40. caus. 16. q. 7. & quidem *reale* accessorie permutari potest cum re quacunque temporali, ut dictum de venditione; *personale* cum alia re aut jure duntaxat spiritali interveniente tamen consensu Episcopi, saltem si transferatur in laicum vel Clericum privatum. Pith. b. t. num. 79. hinc cum immunitate ab obligatione solvendi decimas nequit permutari; quia hæc immunitas est quid mere temporale: sed nec cum jure decimas percipiendi, quia laicus juris hujus est incapax, 5. *Locatione prædii*, cui est annexum jus Patronatus, in conductorem, saltem si locatio fiat ad longum tempus; quia talis conductor pro possessore habetur. L. 1. §. 3. ff. de superficieb. vide cap. 7. b. t. 6. *Emphyteuticationem* etiam & *infeudationem* castri, cui annexum jus Patron. cap. 7. Q. 13. b. t. non tamen *oppignoratione* seu *hypothecatione* castri transferatur in creditorem. cap. 18. de sent. Q. re jud. 7. *Præscriptione*, de qua vide, VViestn. b. n. 173. Schmalzgr. num. 166.

Quæst. 8. *Quomodo probandum, & cui jus Patronatus?* Resp. ad primum. 1. Si dubium sit, probari debere hoc jus, patet. Ratio, quia in dubio præsumuntur potius

his beneficia Ecclesiastica collativa esse, quam patronata. 2. Modus probandi jus Patronatus a Trid. Sess. 25. c. 9. de ref. præscribitur duplex, unus observandus privatis, alter Magistratui & Communitatibus. vid. Trid. & Schmalzgr. a. n. 234. ad n. 244.

Respond. ad secundum: Judici, cui probari debet, est Judex Ecclesiasticus, qui solus est competens ad cognoscendas causas juris Patronatus, si sit quæstio juris & non meri facti. cap. 3. de judic. Ratio, quia jus Patronatus vel spirituale est vel spirituali annexum, ergo.

Q. 9. Quibus modis amittatur jus Patronatus? Resp. Amittitur vel potius extinguitur jus Patronatus sine delicto Patroni. 1. Voluntaria cessione, eaque vel expressa vel tacita. c. um. h. t. in 6. 2. Unione Ecclesiæ vel beneficii cum alia Ecclesia libera, consentiente patrono & sibi jus Patronatus non reservante. cap. 8. de Constit. 3. Non usu positivo per longum tempus; sic enim præscriptio privativa inducitur. 4. Destructione Ecclesiæ totali aut dotis interitu. 5. Extincta omnino familia fundatoris, dum pro illa tantum jus Patronatus erat reservatum. 6. Suppressione vel ablatione Pape, nec tamen is solet, nec licite potest auferre jus Patronatus, late Pirh. h. t. num. 133. Deinde ex delicto amittitur jus Patronatus per rædem aut mutilationem Rectoris vel Clerici in Ecclesia patronata a patrono factam. c. 12. V. sacri de pen. per venditionem aut translationem Simoniacam juris Patronatus. r. 6. h. t. Trid. Sess. 25. c. 9. V. nec dictum jus de ref. per perceptionem illicitam fructuum beneficii aut honorum istius temerariam usurpationem. Trid. loco cit. V. patroni autem, demum per crimen læsæ Majestatis, aliave similia delicta, de quibus vide. Engel, Vviest. Vall. & alii.

T I T U L U S XXXIX.

De Censibus, Exactionibus, & Procurationibus.

Q. uest. 1. Quid de Censibus dicendum? Resp. Cum duplex sit potestas Episcopi juxta c. 18. de offic. Ord. aliaque

quæ dicitur *Lex Jurisdictionis*, & consistit in *danda*, ut in datione Ordinum, beneficiorum, dispensationum &c. alia, quæ dicitur *Lex diœcesana*, & consistit in *accipiendo* v. gr. in accipiendis per Episcopum pensionibus &c. inde de iis hic agitur. Et 1. quidem *Census* varie accipitur, prout videre est apud *Leur. b. t. qu. 939.* & *Schmalzgr. b. t. num. 1.* hodie loco est onus reale vel quælibet pensio annua, quæ ex redditibus Ecclesiæ, Monasterii, Beneficii ex iusta causa solvitur Episcopo vel auctoritate illius aliis. *c. 2. penult. hoc tit. c. 6. de Relig. dom.* estque vel *antiquus*, qui fuit impositus tempore foundationis aut consecrationis Ecclesiæ, vel *novus*, qui modo post foundationem aut consecrationem Ecclesiis imponitur. Uterque vel *temporalis*, vel *perpetuus*. 2. Dictum jam est superius ad *Tit. 12. huj. Libri* in genere, posse Papam censum vel pensionem, etiam perpetuam, ipsi beneficio imponere. *c. 2. de præb. in 6.* estque id intelligendum tam de novo censu quam antiquo. Porro in specie, antiquum pariter potest constituere Episcopus tam in propriam quam in patroni aut alterius utilitatem, *c. 23. de jure Patronat. c. 16. §. 21. d. t.* It. patronus cum consensu Episcopi. *c. 23. cit.* novum *perpetuum* nequit constituere Episcopus aut alius Papa inferior. *c. 7. b. tit.* excipitur casus, quo Episcopus cum consensu Capituli eximit aliquam Ecclesiam a sua jurisdictione *c. 6. de Relig. dom.* & quando nova pensio non obvenit Episcopo; sed Ecclesiæ pauperi, aut tenui beneficio. *c. 9. de bis, quæ fiunt a Præl.* addunt alii, quando Episcopus imponit pensionem alumnaticam pro Seminario fundando, quod *Trid. Sess. 23. c. 18. de ref.* vulgè erigi in quacunque diœcesi, cui aliunde non est provisum. 3. Ex sola præstatione annua census facta Episcopo ab aliqua Ecclesia vel Monasterio non satis colligitur aut probatur ejus subjectio, Ratio, quia ex aliis justis causis deberi potest, ut patet ex *c. 8. de privil. c. 35. de jure Patron.* 4. In qua moneta solvendus sit census, videri debent dicta ad *Tit. de solution.*

Q. 2. *Quid juris circa exactiones?* Resp. *Exactionum* nomine in genere veniunt contributiones & collectæ pecuniariæ, quæ aliquando a Prælati Ecclesiasticis, aliquando a Magistratu seculari imperantur; quæ si sta-

tis temporibus pendantur, v. gr. singulis annis, dicuntur *ordinariæ*, si ex iusta superveniente causa, *extraordinariæ*. In specie Jure Canonico cognitæ sunt seqq.

1. *Portio Canonica*, eaque vel *Episcopalis*, & est certa pensio, quæ debetur Episcopo ex legatis relictis piis locis in sua diœcesi; vel *Parochialis*, quæ Parocho aut Ecclesiæ Parochiali debetur ex iis, quæ obveniunt ratione funeris alteri Ecclesiæ, in qua Parochianus ejus sepelitur. Neutra amplius in usu est, de utraque tamen agit Schmalzgr. de Episcopali Tit. 26. a num. 222. de Parochiali Tit. 28. a num. 83.
2. *Quarta decimarum*, quæ a Parocho de jure communi pendi debet Episcopo. c. 16. de off. Ordin. c. 19. de Censib. c. 13. b. t. idque ad imitationem Legis Veteris, in qua populus Levitis solvebat decimas, Levitæ vero ex his decimis decimam partem dabant Sacerdotibus. 2. Esdræ 10 v. 37. neque hæc amplius in usu est, agit tamen de illa Leur. Lib. 1. Decret. Q. 855. num. 2. & in for. benef. part. 1. Q. 480. a num. 5.
3. *Cathedraticum* ita dictum, quia Episcopo in signum subjectionis, & honorem cathedræ, cui præest, solvitur; appellatur alio nomine *Synodaticum*, quia in Synodo singulis annis celebranda ab omnibus ad eam vocatis consuevit præstari; Engel ait b. tit. n. 5. hodie in Capitulis ruralibus ipsis Decanis Cathedraticum solvi ad Episcopum transmittendum. Solvi debent hoc nomine *duo solidi* de jure communi. cap. 16. de off. Ordin. Debetur Cathedraticum ab omnibus Ecclesiis, Capellis, beneficiis, Parochiis sæcularibus. cap. 16. citat. non tamen a Monasteriis & Ecclesiis Regularibus, etiamsi alias non exemptis. canon. 8. caus. 10 qu. 3. Totaliter, stante subjectione, nequit tolli per consuetudinem aut præscriptionem argum. L. 6. C. de prescript. 30. vel 40. annor. 4. *Subsidium charitativum* est pensio moderata propter manifestam & justam causam ab Episcopo ex redditibus Ecclesiasticis cum charitate postulata. cap. 6. b. t. si tamen negetur, compelli possunt ad solvendum ii, quia negant; quia est charitas præcepta. Non tantum Pontifex ab omnibus Clericis & Ecclesiis totius Ecclesiæ Catholicæ, sed etiam Episcopus, & Capitulum sede vacante possunt per totam suam diœcesim ab omnibus Clericis beneficiatis, etiam Canonicis, ultra

congruam sustentationem redditus habentibus, subsidium charitativum exigere. *c. 16. de off. Ord. c. 6. b. t.* exempti tamen sunt iterum ab hoc subsidio Regulares, & Monasteria, alias etiam non exempta. *can. 8. caus. 10. q. 3. can. 34. caus. 16. q. 1.* nisi præsentent beneficiis & Ecclesiis secularibus; & de his intelligitur *Clem. un. de excessib. Prel.* Liberi etiam sunt Laici a præstando subsidio charitativo, ut colligitur ex *c. 16. cit.* & habet generalis consuetudo. Interim Episcopi, qui simul Principes Imperii sunt, Tributa, staturas, & collectas illas subditis imponere possunt, quas æquitas, jus & LL. Imperii permittunt. Sed de Tributis vide P. Soll. in *Tract. de Trib. a n. 13. a num. 75. & n. 330.*

Q. 3. Quid nomine Procuracionum veniat? Resp. Procuraciones hic sumuntur pro necessariis sumptibus & impensis, quibus Episcopi, vel alii illorum loco, actualiter visitantes diocesim vel Ecclesias indigent pro sustentatione competenti. arg. *c. 24. b. t. Trid. Sess. 24. c. 3. de reform. 2.* Primitus per *c. 1. & 2. b. tit. in 6.* victualia dari debeant in natura, hodie per *Trid. cit.* licet etiam eorum loco pecunias accipere, plura *ibid. 3.* Omnes Ecclesie tam seculares, quam Regulares, quæ & quando visitantur, procuraciones præstare debent. *Trid. loco citat. c. 14. & 23. b. t.* non tamen Oratoria privata. *c. fin. b. tit.* nec Ecclesie vel per privilegium, vel per consuetudinem exemptæ. *cap. 17. hoc tit.* Vide *b. tit. num. 10.*

T I T U L U S XL.

De Consecratione Ecclesie vel altaris.

Q. 1. Quid de consecratione Ecclesie sentiendum?
 Resp. Prævic. Postquam actum est de juribus Clerici, agitur fere usque ad calcem præsentis Libri de iis, quæ ad Ecclesias ipsas pertinent. 2. Ecclesie nomine *hic* venit ædes sacra, in qua fideles ad rem divinam audiendam & percipienda Sacramenta congregantur, quæ profecto ædes merito apud nos Catholicos consecrantur, id est, DEO dedicantur a legitimo Ministro, debita materia & forma interveniente cum intentione

tionē Canonica, dum ex L. V. constat, loca illa populi Hebraici, in quibus præfigurativa tantum sua sacrificia offerebant, Domino fuisse consecrata. Differt consecratio a *benedictione*, quod benedictio fiat per asperersionem aquæ benedictæ tantum & per certas preces, adhæreatque pavimento, quod aspergitur; consecrationis vero *materia* sit Chrisma, quo inunguntur parietes, *forma* consistat in solemnī verborum pronuntiatione, quibus consecrans utitur. 3. Extra locum vel ab Episcopo consecratum, vel *benedictum*, vel saltem ad publicum DEI cultum deputatum *regular.* divina non licet celebrare. *can. 1. 11. 12. 15. de Consecr. dist. 1.* excipitur casus necessitatis, *can. 12. cit.* vel dum Episcopus v. gr. iter faciens vult celebrare. *c. fin. de privil. in 6.* vel dum privilegium, aut a S. Pontifice aut ab Episcopo, concessum est celebrandi super altari portatili in loco non sacro. Schmalzgr. *b. a n. 8.* 4. Ecclesiæ consecratio fieri debet ab Episcopo eoque proprio. *c. 1. de Relig. dom. c. 2. b. t.* neque ab eo alteri non Episcopo v. g. Sacerdoti simplici committi potest. Ratio, quia est actus Ordinis Episcopalis; prout est benedictio. Ita omnes. 5. Ecclesia non debet consecrari ab Episcopo, nisi fuerit sufficienter dotata, aut prius non consecrata; vel non iterum execrata, id est, si non amiserit consecrationem; quod quo pacto fiat, vid. Pich. *b. t. n. 4. can. 26.* assertio probatur ex *can. 26. caus. 16. q. 7.*

Quest. 2. Quid sit de altaris consecratione? Resp. 1. Nomine altaris venit lapis ad sacrificandum ordinatus & consecratus. Aliud est *fixum* sive *immobile*, quod scil. certo loco tanquam basi affixum, ita ut superior mensa & inferior basis simul componant universum altare, ipsa conjunctura principaliter constituere altaris fixi substantiam. Barbosa. in *c. 1. b. t. num. 2.* Aliud *portatile*, mobile, vel, ut in *cap. ultim. de privil. in 6.* dicitur *viaticum*, est, quod moveri & de loco in locum transferri potest. 2. Utrumque debet esse lapideum. *canon. 31. de consecr. dist. 1.* & portatile quidem tantæ saltem capacitatis, ut capiat calicem & patenam. *Comm.* 3. Utrumque *consecrari* debet ab hoc, ut desuper sacrificium peragi possit. Ita habetur de fixo *canon. 19. de consecr. dist. 1.* & *cap. 1. b. t. de portatili Canon. 30. dist.*

dist. cit. & ex usu antiquissimo in Lege naturæ, scripta, & in Lege gratiæ. Et quidem de jure ab Episcopo. *canon. 25. de consecr. dist. 1.* ex solo privilegio Pontificio committi potest, & commissa est facultas consecrandi altaria non Episcopis, ut patet ex privileg. *Ordin. de quibus Schmalzgr. b. n. 37. 4.* Ad valorem consecrationis altaris necessarium non est, imponi reliquias Ss. quia ex nullo jure tale præceptum generale erui potest. 5. Execratur altare, id est, amittit consecrationem, ut de novo sit consecrandum, dum enormiter læditur aut frangitur. *c. 1. 3. 6. b. t.* juxta aliquos dum sepulchrum, sive locus reliquiarum, &, ut vocatur, lapidis sigillum tollitur, aperitur, frangitur. Item dum altaris fixi mensa seu lapis superior removetur a basi, *c. 19. de consecr. dist. 1.* non tamen Ecclesia iterato est consecranda, dum altare fuit execratum, aut contra. Ratio, quia una consecratio alteri non est accessoria. *c. 1. b. t.*

Q. 3. Calices, patenæ & paramenta Sacerdotalia qualiter consecrentur, & quid de campanis? Resp. 1. Calices & patenæ etiam cum inunctione consecrari debent, & quidem ab Episcopo vel ab aliis privilegium habentibus. *Comm.* Debent esse de auro vel argento, vel ob causam paupertatis ex stanno. *can. 44. & 45. de consecr. dist. 1.* Amittitur consecratio calicis & patenæ per amissionem formæ & usus; non amittitur, si diuturnitate temporis deauratio est absumpta; si vero de novo calix deauretur, sufficit aliquibus eum ablui aqua benedicta, alii judicant, de novo esse consecrandum.

Resp. 2. Benedici debent paramenta & vestes Sacræ ad sacrificium Missæ pertinentes. *can. 9. dist. 23. can. 39. 40. 42. de consecr. dist. 1.* Non tantum Episcopi, sed etiam Abbates & superiores Mendicantium benedicere possunt paramenta hujusmodi, in quibus Chrisma non intervenit. *Declar. Cardin. apud Gallemart ad Trid. Sess. 23. c. 10. de ref. n. 1.* etiam pro aliis Ecclesiis, ut praxis habet. Amittunt consecrationem paramenta, dum ita franguntur, ut non sint apta ad usum, ad quem destinabantur, vel quando non amplius retinent formam priorem. Engel *b. n. 8.*

Resp. 3. Campanæ Ecclesiarum recte benedicuntur & chrismate unguntur, ut probat Engel *num. 7. b. tit.* Sch-

Schmalzgr. n. 55. Fit hac benedictio vel ab Episcopo, vel etiam ab Abbatibus Pontificalia exercentibus. La Croix Lib. 6. par. 2. 406. ubi etiam ait, praxin multorum locorum habere, ut ab Episcopo aliis, quin adeo Superioribus Ordinum Mendicantium benedictio campanarum committatur. Addendum, quod & cœmeteria soleant & debeant vel consecrari vel benedici. Rationes affert Engel ad tit de sepult. n. 1.

Q. 4. Quid sit notandum de reconciliatione Ecclesiæ?
 Resp. 1. Violari sive pollui Ecclesia dicitur, dum manente ejus forma materiali, adeoque & consecratione accidit in ea aliquid, quod a sanctitate loci maxime alienum est. 2. Actiones, quibus pollui censetur Ecclesia, sunt homicidium, vel sanguinis humani ex vulnere & per injuriam graviter peccaminosam in ipsa Ecclesia facta copiosa & notoria effusio; fornicatio, aliave voluntaria & illicita humani seminis emissio, aut copula carnalis, præsertim illicita, in Ecclesia & notorie habita; sepultura hominis excommunicati vitandi, aut non baptizati. Sola hæc delicta sunt, per quæ Ecclesia polluitur, quia in odiosis extensio non est facienda. Interim eadem de cœmeterio procedunt, quo tamen polluto non censetur polluta Ecclesia, quamvis vicissim. c. un. h. t. in 6. 3. Effectus Ecclesiæ ita violatæ est, quod absque peccato mortali in ea nequeant peragi Sacra aut officia divina, neque in illa vel cœmeterio sepeliri mortuus ante reconciliationem vel Episcopi dispensationem; si violatio fiat durante missa, ait Schmalzgr. b. num. 65. si ante consecrationem, missam cœptam esse abrumpendam, secus, si post consecrationem. 4. Reconciliatio consistit in asperzione aquæ cum vino cinere & sale benedicto ab Episcopo, si Ecclesia fuit aliquando consecrata; qui & per se loquendo tum solus reconciliare eam potest. cap. 9. h. t. per privilegium alii non Episcopi, uti Superiores Minorum & Societ. Si Ecclesia fuerit solum benedicta aut deputata tantum ad publicum cultum divinum, reconciliatur per asperionem aquæ lustralis, & non expectata Episcopi licentia, a quolibet simplici Sacerdote. c. fin. h. t. per solam tamen subsequentem Missæ celebrationem Ecclesia non reconciliatur. Ratio, quia c. 4. & 9. h. t. præscribitur forma

ma & modus Ecclesia reconciliandi, nullibi tamen fit mentio reconciliationis per celebrationem Missæ.

T I T U L U S XLI.

De Celebratione Missarum, & Sacramento Eucharistiæ, & Divinis Officiis.

Quest. 1. Quid sit Eucharistia, quæ ejus materia; quæ forma &c. Resp. 1. Eucharistia est Sacramentum Corporis & sanguinis Christi sub speciebus panis & vini ad spiritualem animarum refectionem divinitus institutum. Ita Cathol. omnes explicantque hanc definitionem TT. 2. Materia hujus Sacramenti est panis triticeus & vinum de vite. *Florent. in Decret. Eug. & traditio* perpetua Ecclesiæ tum Latine tum Græcæ. Panis iste convenientius ex mente Ecclesiæ Latine debet esse azymus, quam ex Græca fermentatus. Ratio petitur ex *D. Thom. in 4. dist. 2. q. 2. art. 2.* quæ desumpta est ex *Matth. 26. & Marc. 14.* Vino autem ob sacram significationem vi præcepti pauxillum aquæ debet admisceri. *Flor. in Decret. Trid. Sess. 22. cap. 7.* 3. Forma consecrationis ad valorem Sacramenti necessaria & sufficiens est; *Hoc est Corpus meum: Hic est sanguis meus;* quia his verbis usus est Christus *Matth. 26. Marc. 14. Luc. 22.* 4. In Augustissimo Eucharistiæ Sacramento vere, realiter, ac substantialiter præsens est corpus & sanguis Christi. Patet ex promissione Christi *Joan. 6. caro mea vere, NB. vere, est cibus, & sanguis meus vere. NB. vere, est potus,* ergo non figurate. Patet ex institutione: *Hoc est Corpus meum,* ergo non figura Corporis. Patet ex PP. quorum plures videre est apud *Bellarminum.* 5. Minister hujus Sacramenti quoad consecrationem est solus Sacerdos; quia Christus solis Sacerdotibus hanc potestatem concessit *Luc. 22.* solus etiam Sacerdos ex officio & ordinarius dispensator est hujus Sacramenti. *cap. 28. de consecr. dist. 2. Trid. Sess. 22. c. 8. de Sacrif. Miss. Notetur cap. omnis utriusque sexus. 12. de pœnit. & remiss. & vid. Moralist. qui agere solent de subjecto Eucharistiæ de dispositione tam corpo-
ris*

ris quam animæ requisita ad hujus Sacramenti susceptionem &c.

Q. 2. *An Missa sit sacrificium, quæ & qualis obligatio sacrificandi?* Resp. ad primum. Affirm. Missa est verum & proprie dictum Sacrificium, sive in Missa offertur Deo vere & proprie Sacrificium, estque idem numero sacrificium crucis quoad substantiam rei oblatæ & principalem offerentem. Desumitur 1. ex eo, quod Christus in ultima Cœna primus panem & vinum consecrando sacrificavit, ut impleretur figura Gen. 14. v. 18. *Melchisedech Rex Salem protulit*, hoc est, obtulit panem & vinum; additur namque causa: *erat enim Sacerdos Altissimi*, & vaticinium Ps. 109. *Tu es Sacerdos in æternum secundum ordinem Melchisedech*, ita sentiunt Ss. PP. apud Bellarm. præcepit autem Christus, ut & Apostoli illud facerent: *Hoc facite*, ergo. 2. Desumitur ex antiquissimis Liturgiis, ex CC. Nicæno primo, Later. sub Innoc. III. Flor. Trid. 3. Ex PP. antiquissimis Cyrillo, Ambrosio, Cypriano, Augustino &c. 4. Ex ipsa ratione, alias enim defacto nusquam sacrificium esset in Ecclesia Christi; deficeret inter actus Religionis perfectissimus; deterior esset conditio Ecclesiæ Christi, quam ulla unquam alia Religio, quæ nunquam fuit sacrificio destituta. Effectus hujus sacrificii recenset Schmalzgr. b. n. 24. ex Trid. sess. 22. can. 3. de Sacrif. Miss.

Resp. ad secundum 1. Probabilius est, Sacerdotem simplicem mortaliter peccaturum, nisi aliquoties in anno, puta 3. vel 4. in festis præsertim solemnioribus sacrificium offerret: D. Thom. in 3. p. qu. 82. art. 10. & desumitur ex Luc. 22. *hoc facite in meam commemorationem*. Trid. Sess. 22. cap. 1. de Sacrif. Miss. Beneficiati Curati, sive Parochi obligantur vel per se vel per alium omnibus illis diebus sacrificare, quibus plebs illius subdita tenetur audire Missam; quia hoc tum munus pastorale exigit, tum reditus & oblationes, quas accipiunt; imo ex quadam decencia & consuetudine, si non ex præcepto, ut putant Sotus & Azor, semel atque iterum in septimana. Beneficiati non Curati toties, quoties vi foundationis exigitur; qui tamen hoc casu non possunt accipere stipendium pro sua Missa, alii licite regulariter: Colligitur ex 1. Cor. 9. Qualiter obligatus sit Paro-

Parochus offerre Missam pro suis Parochianis, habet Reiffenst. *b. a n. 22.*

Resp. ad secundum 2. Uno eodemque die hodie non licet plures Missas celebrare. *c. 12. b. t. excipitur solemnitas Natalis Domini, ubi 3. Missæ legi possunt. c. 3. b. t. & in casu, quo ab aliquibus binari potest. Nec licet de jure communi celebrare ante ortum solis, nec post meridiem, nisi necessitas, dispensatio Episcopi, speciale privilegium, consuetudo legitima aliud permittat. De loco, ubi celebrare liceat, dictum est supra, & videri potest Pichl. *b. t. n. 4.* An & qualiter & a quo numerus Missarum ad minorem numerum reduci possit, habet *b. t. Leur. q. 977. & Schmalzgr. b. a n. 137.**

Quæst. 3. *Quinam obligentur ad officium divinum & quomodo?* Resp. 1. Ad officium divinum, quo nomine venit *Breviarium* sive *Horæ Canonice*, in dies recitandum tenentur omnes Clerici in majoribus constituti, licet sint suspensi, depositi, aut degradati. *c. 1. & 9. b. t.* Religiosi (idem est de Monialibus) ad chorum professi, licet forte ex causa a choro sint absentes; vigenere consuetudinis Ordinum. Beneficiati, etiam tunc beneficium habentes. Latius Schmalzgr. *b. a n. 51.* 2. Præter reatum gravem, quem incurrunt omnes, qui vel semel breviarium omittunt sine causa, aut notabilem ejus partem, si *beneficiatus* post 6. menses ab obtento beneficio tali modo horas omiserit, *non facit fructus suos*, & tenetur ad eorum restitutionem faciendam in fabricam vel pauperes pro rata temporis & officii omissi. *Concil. Later. sub Leon. X. Sess. 9. §. statumus, Pius V. in Bulla: Ex proximo. Alex. VII. in prop. 20. damn.* Beneficiatus tamen Curatus non tenebitur ad restituendos omnes fructus diei, quo omissum Breviarium, correspondentes, sed illos tantum, qui correspondent Breviario. Engel *b. num. 23.* 3. Modus recitandi Breviarium præscribitur in *cap. 9. b. t.* plura Engel *a n. 27. b. tit. 4.* Causæ excusantes a recitatione Breviarii sunt, *oblivio & incogitantia naturalis. Infirmitas gravis*, si absque magna difficultate vel periculo corporis recitari non possit; in dubio de sufficiente morbi gravitate standum est judicio Confessarii, vel prudentis & probi Medici. *Repentina & necessaria occupatio* vel ex officio

ficio vel charitate suscepta. *Dispensatio* vel Pontificis, vel impropria Episcopi, aut Superioris Regularis. *Impotentia recitandi*, ut cœcitas, defectus Breviarii, inculpabiliter amissi, si aliud haberi nequit. Qui tamen non potest totum officium legere, tenetur ad partem. Innoc. XI. in *damn. propos.* 54.

T I T U L U S XLII.

De Baptismo & ejus effectu.

Quest. 1. *Quid sit Baptismus, quæ ejus necessitas, materia & forma?* Resp. 1. Baptismus verus scilicet & proprius fluminis (de Baptismo enim sanguinis, quod est Martyrium, & fluminis, sive in voto, quæ est contritio perfecta, nihil hic attinet dicere) est *Sacramentum regenerationis per lavacrum aque in verbo vitæ*. Ita Comm. ex Catech. Rom. Pii V. Joan. 3. v. 2. Ephes. 3. v. 26. Est institutus ante Christi mortem, ut indicatur. c. 10. de consecr. dist. 4. & coll. Joan. 4. Act. 19. 2. Defacto necessarius est vel in re vel voto susceptus non tantum necessitate præcepti, sed etiam medii. Ita cum Ecclesia Trid. Sess. 7. can. 6. ex verbis Christi Joan. 3. v. 4. 3. *Materia* Baptismi remota est omnis & sola aqua naturalis, ut patet ex perpetua traditione & praxi Ecclesiæ, definitione Conc. Lateran. Flor. Trid. Sess. 7. can. 2. de Bapt. ipsisque Christi verbis Joan. 3. *Materia proxima* est ablutio per aquam, juxta illud Eph. 5. v. 26. *mundans lavacro aque*. 4. *Forma* Baptismi in Ecclesia latina est: *Ego te baptizo in nomine Patris & Filii & Spiritus sancti*, desumitur ex Matth. 28. v. 19. quæ quidem explicita trium Personarum invocatio ad valorem est necessaria, coll. ex Act. 19. v. 2. Tradit. PP. ex quibus Ambros. L. *variar.* QQ. qu. 2. ait: *Si quis dicat, ego te baptizo in Christo JESU, & non dicat in nomine Patris & Filii & Spiritus sancti, sicut dominus instituit, non est verus Baptismus*. Canon a quodam Judeo. 24. dist. 4. de consecr. opponuntur canon. 28. & 81. ead. dist. 5. Valide confertur Baptismus a quovis homine, etiam non baptizato. can. a quodam Judeo cit. licite, extra casum necessitatis, a Parocho proprio. Commun. 5. Sub-

5. Subjectum baptismi capax est omnis & solus homo viator, siue contraxerit originale, siue non. *Matth.* 28. v. 19. &c. In specie, quinam possint aut debeant baptizari, vide *Leur. h. t. Q. 180.*

Q. 2. Quinam sint effectus Baptismi? Resp. Seqq. *primus*, gratia sanctificans cum, habitibus fidei, spei & charitatis, & deletio omnimoda peccati originalis in parvulis & perpetuo amentibus, in adultis etiam peccatorum actualium omnium, modo hi de actualibus habeant saltem attritionem. *cap. 3. h. t. c. 1. & Clem. un. de summ. Trin. Trid. Sess. 5. in Decret. de pecc. orig. secundus*, remissio totius poenæ temporælis & æternæ. *Trid. Sess. 6. c. 14. tertius*, character indelebilis, ob quem Baptismus sine sacrilegio nequit reiterari. *Trid. Sess. 9. de Bapt. can. 12.*

T I T U L U S XLIII.

De Presbytero non baptizato.

Quest. Un. *An & qualiter Baptismus fluminis sit necessarius ad alia Sacramenta suscipienda & administranda?* Resp. Dictum est in *priori Tit.* necessarium esse ad salutem consequendam Baptismum vel fluminis vel fluminis; dicendum est hic. 1. Baptismum fluminis absolute necessarium est, ita ut Baptismus fluminis non sufficiat, ad omnia alia Sacramenta valide recipienda, utpote januam ad cætera, ex *c. 1. & 3. h. t. comm. Cathol.* adeoque siquis ordinatus est Presbyter non baptizatus, de novo baptizari & ordinari debet, cæteroqui manet laicus. *Idem.* 2. Dicendum, a Presbytero non baptizato baptismo fluminis invalide administrari Sacramenta illa omnia & actus ab Ordine vere suscepto dependentes, quales sunt consecratio Eucharistiæ, absolutio a peccatis &c. Ratio, quia in his Ecclesia supplere non potest. 3. Sacramentum tamen Confirmationis non prærequiritur in Ordinando ad valorem Ordinis, requiritur tamen de præcepto, ut patet ex Decreto *Trid. Sess. 23. c. 4. de ref.* quale illud & quomodo obligans præceptum sit, vide apud *Schmalzgr. h. n. 9.*

T I T U L U S XLIV.

De Custodia Eucharistiæ, Chrismatis, & aliorum Sacramentorum.

Quest. Unic. Quidnam præcipiatur vel prohibeatur duobus capitulis hoc titulo contentis? Resp. 1. In cap. 1. *b. t.* præcipitur, ut Sacrosancta Eucharistia & S. Olea, aliaque Sacramenta, seu potius Sacramentalia decenter & sub fideli custodia in Ecclesiis asserventur. Ex quo etiam cap. uti & ex D. Clem. L. 8. *Constit. Apostolic. c. 13.* & recepto a tempore Concil. Nicæni in Ecclesia more probatur, recte Eucharistiam in Ecclesiis asservari. Causas, ob quas olim in Ecclesiis asservata sit Eucharistia recenset Schmalzgr. *b. t. num. 6.* suntque inter præcipuas, ut petentibus præsertim infirmis ministrari possit; ut fideles semper habeant Christum præsentem sibi etiam quoad humanitatem, ad implendam ipsius promissionem *Matt. 28. v. 20.* ut publice adorari, in altari exponi, & in processionibus possit circumferri. Porro Ecclesiæ, in quibus asservari solet & debet Eucharistia, sunt solæ Parochiales, Cathedrales, & Regulares; in Monasteriis tamen Monialium non est asservanda intra chorum vel septa, sed in Ecclesia. *Trid. Sess. 25. de Regul. c. 10.* Item asservari debet in tabernaculo mundo ac in pyxide deaurata cum lumine perpetuo; clavis autem tabernaculi in Ecclesiis Parochialibus privative a Parocho asservari debet, juxta S. Congreg. Conc. in Asculana. 25. *Jun. 1689.* in non Parochialibus ab earum Rectore, nunquam a Monialibus vel laicis. *Gloss. in can. final. caus. 24. qu. 1.*

Resp. 2. In cap. 2. *b. tit.* præcipitur, ut oratoria, vasa, corporalia, pallæ altaris & vestimenta sacra Ministrorum munda & nitida sint. Prohibetur insuper, ne suppellectilia profana tam Clericorum quam laicorum extra casum necessitatis in Ecclesiis reponantur.

T I T U L U S XLV.

De Reliquiis & Veneratione Sanctorum.

Quest. Un. *Nomine reliquiarum Sanctorum quæ veniant, & quid de Sanctis eorumque reliquiis in præstit. statutum?* Resp. ad primum. Nomine reliquiarum veniunt Sanctorum corpora, vel eorum partes, ossa, cineres, vestes, vela, panni, instrumenta martyrii aut mortificationis &c.

Resp. ad secundum 1. Prohibetur, nequis non Canonizatus a S. Pontifice (ad quem solum spectat canonizatio aut beneficiatio. AA. ad c. 1. b. t.) cultu publico colatur pro Sancto, privatus enim non censetur prohibitus c. 1. b. t. 2. Ne reliquæ antiquæ ostendantur extra capsam, vel exponantur venales, c. 2. b. t. non tamen vetitum est, eas vendere ratione materiæ, ex qua conficiuntur, vel cui commisceantur contusæ aut etiam ratione expensarum in iis conficiendis aut deportandis factarum, uti & ratione capsarum &c. Pichl. b. t. n. 10. 3. Ne noviter inventæ exponantur cultu publico, nisi approbatæ a S. Pontifice; sufficit tamen approbatio Episcopi, si vel cum reliquiis inveniat instrumentum authenticum aut scriptura, vel si aliunde constet, eas esse Sancti antiquitus approbati, cit. cap. & Trid. sess. 25. in Decret. de invocatione, & veneratione & reliquiis Sanctorum, & sacris imaginib. Ex quo etiam Trid. loc. cit. & 3. Reg. 18. 4. Reg. 2. & 4. Gen. 18. Josue 5. Jo. 12. Luc. 12. probatur, Sanctos non quidem cultu *Latriæ*, qui soli Deo debetur, sed *duliæ* tanquam amicos Dei & intercessores honorandos. Item ex c. 19. Gen. V. 32. Zach. 1. Tob. 12. Apoc. 4. & 8. Mach. 15. eos invocandos. Demum ex cit. Trid. Añ. 5. V. 15. Añ. 19. V. 11. & 12. &c. probatur, recte coli Sanctorum corpora & reliquias. Quid sit circa ritum canonizandi Sanctos, vide Schmalz. b. t. §. 1.

T I T U L U S XLVI.

De observatione Jejuniorum.

Quest. 1. *Quid sit jejunium, & in quo illud consistat?*
 Resp. 1. Jejunium in genere est abstinencia a cibis vel par-

parsimonia victus in quantitate & qualitate. Est vel *naturale*, scil. abstinencia ab omni cibo & potu in stomachum transmissio; quale servari debet a media nocte usque ad Missæ celebrationem & sumptionem Eucharistiæ; vel *Ecclesiasticum*; quod secundum formam ab Ecclesia præscriptam instituitur, & definitur, quod sit abstinencia a carnibus, & subtractio prandii, ac post cenam cujuslibet cibi usque ad diem sequentem. Dum Ecclesia solam abstinenciam a carnibus præcipit, uti diebus Veneris & ex consuetudine diebus Sabbatinis; excepto die natali Domini in hujusmodi diem incidente, *Abstinencia* dicitur; dum præter abstinenciam a carnibus prohibet simul alteram de die refectioem, vocatur *Jejunium*.

Resp. 2. Jejunium requirit tria 1. *abstinenciam ciborum certigenis*, non etiam potus simpliciter talis; præcipue exigit abstinenciam a carnibus. *can. 6. dist. 4. can. 10. dist. 3. de Consecr.* & ab iis, quæ sementinam carnis originem habent, uti lac, butyrum, ova. *can. fin. V. par autem est: dist. 4.* quæ tamen in nostra Germania permittuntur; de lardo porcino, pinguedine anserum &c. contrarium sentit Laym. præsertim propter periculum, ne ad alia v.g. farcimina, juscula carniū &c. licentia hæc cum scandalo & detrimento jejunii Ecclesiastici extendatur. Quorundam animalium esus, uti sunt testudo, fiber, lutra, ranæ, limaces, obique est concessus. Disputant hic AA. an habens simpliciter facultatem edendi carnes die jejunii, censeatur totaliter liber ab obligatione jejunii, ita ut possit etiam sæpius edere. Tres, quæ circum materiam hanc sunt sententiæ, sunt omnes probabiles. 2. Requirit jejunium *refectionem unicam*, integram tamen & plenam, cujus brevi interruptione; vel modicissimi cibi sumptione jejunium non solvitur, prout *b. n. 12. & 13.* exemplificat VViestn. 3. Ut ista refectio unica *cena* sit, non prandium; quæ tamen hodie tempore prandii sumitur, ita commun. consuetudine receptum: qua pariter inductum est, ut liceat præter unam integram refectioem adhibere vesperæ *collatiunculam*, quæ quoad qualitatem & multo magis quoad quantitatem valde moderata esse debet: ubi iterum optime attenditur consuetudo.

Q. 2. *Quinam teneantur ad jejunium, & qui ab eo excusentur?* Resp. ad primum. 1. Ad abstinenciam a carni-

bus tenentur diebus Veneris & Sabbatinis omnes & soli illi Christiani, qui septimum ætatis annum compleverunt. Ratio, quia præceptis Ecclesiasticis non ligantur, nisi ratione præditi, quales non præsumuntur parvuli ante septimum annum.

Resp. ad primum. 2. Ad jejunium, id est, ad unam tantum refectionem tenentur diebus jejunii stricte sumpti omnes Christiani, qui compleverunt 21. annum, non prius, etiamsi robusti sint. Ita comm. sensus A.A. & ipsius Ecclesiæ. Tenentur autem usque ad sexagesimum annum; quia ætas talium jam solet esse infirma; alii tamen judicant, certum pro senibus tempus quo deobligentur a jejunio, statutum non esse.

Resp. ad secundum. Causæ excusantes a jejunio sunt. 1. *ætas*, secundum dicta. 2. *Corporis infirmitas*. 3. *Pauertas*, qualis est eorum, qui habere non possunt, quod eis ad unicam congruam refectionem sufficiat. 4. *Labor corporalis*, ubi tamen notandæ propositiones damnatæ ab Alex. VII. 30. sic habet: *Omnes officiales qui in Rep. corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio*, & 31. *Excusantur absolute a præcepto jejunii omnes illi, qui iter agunt, equitando, utcumque iter agant, etiamsi iter necessarium non sit, & etiamsi iter unius diei conficiant*. 5. *Pietas* sive opus præstantius & Deo gratius impossibile cum jejunio. 6. *Dispensatio*, dum scilicet causa alia non est evidens, sed dubia; est autem dispensatio petenda a superiore, qui respectu Regularium est superior localis, respectu sæcularium Episcopus, vel eo absente, aut, juxta multos, etiam præsentem Parochus, juxta cujusque diocesis consuetudinem.

T I T U L U S XLVII.

De Purificatione post partum.

Quest. Un. An & quanto tempore puerperis abstinendum ab ingressu templi &c.? Resp. 1. In L. V. præceptum quidem divinum erat *Levit. 12.* quo arcebantur foeminae ab ingressu templi per 40. dies, si masculum; per 80. si foemellam peperissent; hodie tamen illud utpote

ceremoniale sublatum est, ut mulieri, si velit & possit, statim post partum templum liceat ingredi, nec peccet, si secluso contemptu se negligat purificari, *cap. un. b. t.* Mortiferum interim non est præceptum purificationis, cum Leges ceremoniales tantum *typicæ* (non *religiosæ*, qualis est lex purificationis post partum, lex decimarum) sint mortiferæ: hinc honeste adhuc observatur in Lege gratiæ, & consuetudo videtur habere, ut & abstineant mulieres per aliquot hebdomadas ab ingressu Ecclesiæ; & in illam dein prævia benedictione &c. introducantur. 2. Ubi consuetudo contrariam non habet, introductio illa mulierum & benedictio privative ad Parochum spectat, juxta Declarat. S. Congr. Conc. in *Antuerpiens.* 19. Nov. 1662. &c.

T I T U L U S XLVIII.

De Ecclesiis ædificandis vel reparandis.

Quest. 1. *Quenam requirantur ad novæ Ecclesiæ constructionem?* Resp. 1. Justa causa. 2. Consensus Episcopi vel expressus vel tacitus, etiam subsequens. *c. 4. de priv. in 6.* qui hunc sine justa causa negare non potest pro Ecclesiis novis construendis; pro oratoriis privatis consensus Episcopi necessarius non est, *can. 33. & 35. dist. 1. de Consecr.* Ut tamen in iis legantur sacra, facultatem absque rationabili causa non recte concedit Episcopus. Trid. *Sess. 22. de Sacrif. Miss. c. 8.* 3. Locus congruus, in quo Episcopus vel per se vel per alium crucem figat & primum lapidem ponat, *c. 9. dist. 1. de Consecr.* 4. Dos congrua. *cit. can. 5.* Ut Ecclesia noviter erigenda non vergat in præjudicium alterius. Plura vide apud Pich. *b. t. n. 2. & n. 3.* affert requisita ad hoc, ut intra fines alterius Parochiæ nova Ecclesia Parochialis ædificetur.

Q. 2. *Penes quos sit obligatio reparandi Ecclesias Parochiales, & ædes Parochorum, si evadant ruinosæ?* Resp. 1. Debet ante omnia attendi, & siquæ adest, observari consuetudo & particularia statuta tam circa reparationem Ecclesiarum quam ædium Parochialium. 2. De reparatione Ecclesiarum Parochialium Trid. *Sess. 21. c. 7. de ref.* habet seq. *Parochiales vero Ecclesias, etiamsi juris Patronatus sint, ita collapsas refici & instaurari procurent* (Episcopi)

fructibus & proventibus quibuscunque, ad easdem Ecclesias quomodocunque pertinentibus, qui si non fuerint sufficientes, omnes patronos & alios, qui fructus aliquos ex dictis Ecclesiis provenientes percipiunt, aut in illorum defectum Parochianos omnibus remediis opportunis ad prædicta cogant... Ex his Pichl. *h. n. 2.* VViestn. *n. 45.* Schmalzgr. *n. 51.* Pichl. *n. 5.* inferunt, Patronos non accipientes pensionem aut redditus aliquos ad concurrendum pro reparatione non obligari; secus autem, si hos percipiant. Similiter & decimatores tam qui patroni sunt, uti certum est ex Trid. *cit.* quam qui non sunt, hi tamen sub aliqua limitatione, concurrere obligantur. Schmalzgr. *h. n. 54.*

T I T U L U S XXXVII.

De Immunitate Ecclesiarum, Cæmeterii, & rerum ad eas pertinentium.

Quest. 1. Quid & quotuplex sit Immunitas Ecclesiastica, & quo jure introducta? Resp. 1. Est Jus, quo loca, res, vel personæ Ecclesiasticæ a communi onere seu obligatione liberæ sunt & exemptæ. 2. Dividitur hinc in localem, quæ locis; realem, quæ rebus; personalem, quæ personis competit. Engel *h. n. 2.* facit distinctionem inter Immunitatem Ecclesiarum & Immunitatem Ecclesiasticam. 3. Immunitas localis, pro jure asyli sumpta, est in L. N. Jure tantum positivo, quia aliud non probatur; Civili tamen & Canonico, ut patet t. r. C. de his, qui ad Eccles. confug. & tot. tit. & *h. t.* & Constit. Greg. XIV. *Cum alias*, & Bened. XIII. Ex quo, valde rationabiliter introducta. 2. Personalis & realis Immunitas quo jure competat, dictum est ad Tit. *de for. compet.* & latius habet Pichl. *h. t. n. 38. ex c. 4. de Censib. in 6.*

Q. 2. In quo consistat Immunitas personalis Clericorum & personarum Ecclesiasticarum? Resp. 1. In privilegio canonis si quis suadente, 29. *caus.* 17. *q. 4.* 2. In privilegio fori, vi cujus, ad forum sæculare Clerici non possunt pertrahi, de quo ad Tit. *de for. comp.* 3. In exemptione ab obligatione Legum Civilium, uti dictum Tit. *de Const.* Q. 7. R. 4. & Q. 16. R. 2. 4. In exemptione ab oneribus personarum libus,

libus, capitatione, c. 1. b. t. in 6. L. 1. & Auth. Item, *nul-*
la C. de Episc. & Cler. angariis & parangariis, c. 4. b. t.
L. 2. & Auth. cit. a muneribus & obsequiis fordidis. L.
12. C. de excus. mun. ab indifferentibus & honorabilibus
etiam excusantur, nisi velint sponte suscipere. L. 17. &
52. C. de Ep. & Cler. 5. In exemptione ob oneribus mix-
tis, quæ vel laborem personalem exigunt & simul sum-
ptus, uti est ire ad bellum propriis sumptibus; vel quæ
imponuntur subditis propter res uti sunt collectæ seu con-
tributiones novæ, vectigalia, portoria, accisæ, indebi-
ta, c. 4. de Censib. in 6. Clem. fin. eod. Ratio, quia exactio
similium fundatur active in jurisdictione, passive in sub-
jectione, Casus aliquos exceptos refert Pichl. b. t. n. 33.
& n. 35. ait, personas Ecclesiasticas immunes non esse
ab onere concurrendi ad opera publica, seu publice ne-
cessaria & utilia, vel construenda vel reparanda, quorum
usus immediate ad singulos Clericos æque ac laicos per-
tinet, uti est, si purgandus sit puteus communis, si repa-
randæ viæ, pontes, fontes, &c. Ratio, quia talia vi Jurisdic-
tionis non exiguntur, sed impensarum, aut vi taciti pacti.

Q. 3. In quo consistat Immunitas realis Ecclesiarum
 ac personarum Ecclesiasticarum? Resp. 1. Res Ecclesiæ
 sacras & benedictione aliqua aut consecratione affectas
 immunes esse ab exactione sæculari; item bona benefi-
 cialia vel titulo spirituali aut sacri ministerii acquisita,
 quo spectant etiam decimæ, omnes consentiunt. 2. Bo-
 na temporalia Ecclesiarum & personarum Ecclesiastica-
 rum exempta esse a collectis Laicorum novis, titulo ju-
 risdictionis exactis, vix ullus negat, & desumitur ex c.
 4. de Cens. in 6. c. 4. 7. & cap. 1. b. t. in 6. & c. 3 Non sunt
 tamen exempta bona temporalia Ecclesiarum, nec pa-
 trimonialia Clericorum a tributis Principum aut Magi-
 stratuum sæcularium antiquis, titulo dominii, pacti,
 vel reservationis impositis, c. 22. caus. 23. qu. 8. neque,
 ut probabile est, ab antiquis titulo jurisdictionis im-
 positis, priusquam bona illa ad Ecclesias pervenirent, arg.
 c. 5. de pignor. c. 79. de R. J. in 6. cap. 1. de Cens. can. 21. 22.
 caus. 23. qu. 8. Neque a novis, quæ titulo pacti im-
 ponuntur, dum actu in Ecclesias vel personas Ecclesiasti-
 cas talia bona transferuntur. cap. 4. de condit. appos. c. 6.
 de donat. c. 23. de Jure Patron. 4. Quinam gaudeant Im-

munitate reali, desumitur partim ex tit. *de vita & honest. Cler.* partim ex Schmalzgr. *b. t. n. 15.* qui etiam num. seq. questionem illam decidit, utrum coloni *partiarum* fundorum Ecclesiasticorum quoad partem colonicam collectis & aliis oneribus laicalibus possint gravari. 6. Poenæ in violantes Immunitatem Ecclesiasticam circa actiones &c. sunt statutz in *c. 4. & 7. b. t. c. 4. de Cens. in 6. Clem. unic. & Extrav. quod olim inter Commun. b. t. Bull. Cæn. & Bull. Urban. VIII. Romanus Pontifex.*

Q. 4. In quo consistat Immunitas localis? Resp. 1. In hoc, quod ob reverentiam locis sacris debitam actus profani prohibeantur, quales essent, ferre sententiam vel placitum, per *cap. 1. & 5. b. t. c. 2. eodem in 6. mercatus & nundinz. cit. cap. 2. Universitatum & Societatum* quarumlibet profana consilia, *c. 2. cit. ludi theatrales & spectacula*, nisi sint ad pietatem comparata, per *can. 1. dist. 93. c. 12. de vit. & honest. Cler. Trid. Sess. 22. decret. de observ. & evit. in celebr. Miss. V. ab Ecclesiis.* 2. Quod illud confugientes tuti sint in vita & membris; quo secundo modo considerata Immunitas localis appellatur *Jus asyli*, vel *asylia*, aut *asylum*.

Q. 5. Quibus locis Jus asyli competat? Resp. 1. *Ecclesiis*, quæ, ut hoc jure gaudeant, non debent necessario esse consecratæ, aut benedictæ, vel plene constructæ, sufficit, eas esse ad publicum Missæ Sacrificium deputatas; imo Ecclesiis etiam interdictis, pollutis, & destructis, sed cum spe reedificationis, jus illud competit: Schmalzgr. *b. t. a num. 112. cum seqq. ex cap. 9. b. t. &c.* Extenditur hoc jus ad Sacristias Ecclesiarum, turres, porticus, januas, atrium &c. *L. 3. Cod. de his, qui confug. ad Eccles. can. 20. & 36. caus. 17. q. 4. non tamen ad 30. & 40. passus a templis, quam extensionem, si quando de jure locum habuit, consuetudo videtur arrogasse.* 2. *Cæmeterio*, siue contiguum sit Ecclesiæ, siue separatum, modo legitime sit erectum. *Rubr. b. t. c. fin. o. t. 3. Hospitali* autoritate Episcopi erecto & cum altari ad celebrandum. *c. 4. de Reliq. dom. L. 35. Cod. de Episc. & Cler. 4. Monasterii, Conventibus, & Collegiis Regularium.* Constit. Gregor. XIV. *Cum alias. 5. Oratoriis*, etiam privatis, si tamen cum autoritate Episcopi erecta, & in perpetuum cultui divino sint deputata; in

in quibus tantum ex licentia Episcopi celebrantur Missæ certis diebus, hoc jure non gaudent. 6. *Domini seu Palatio Episcopi*, per *can. 36. caus. 17. q. 4. 7.* Extenditur Jus asyli ad *Tabernaculum*, si in hoc actu asservetur Eucharistia, & ad Sacerdotem Sanctissimum portantem. AA. com.

Quæst. 6. Quibus hominibus Jus asyli competat? Resp. Omnibus specialiter non exceptis, nulla sexus, ætatis, status & conditionis habita ratione; & 1. Infidelibus, Judæis, paganis, saltem si se velint convertere. 2. Excommunicatis, interdictis, & similibus. 3. Servis, ob grave delictum ad Ecclesiam confugientibus, sive dein sint proprie tales sive adscriptitii & originarii; quo etiam spectant desertores militiæ. 4. Debitoribus civilibus ad carcerem evitandum. 5. Fugitivis, vel e carcere vel manibus liktorum elapsis. 6. Clericis & Religiosis non tantum contra judices sæculares, sed etiam eatenus contra Ecclesiasticos & suos Superiores, ut ab illis (propter crimina sc. non excepta) inde extrahi & judici ac Brachio sæculari nequeant extradi secundum Leges puniendi, non vero eatenus, ut nequeant extrahi, puniendi correctione & pœna Ecclesiastica secundum Canones. Habet hæc omnia fuisse Schmalzgr. §. 4. b. t. a n. 154. ad n. 185.

Quæst. 7. Quenam sint crimina, quæ ab asylo excludunt? Resp. De his extant præcipuæ Bullæ duæ, Gregorii XIV. Cum alias, & piissime modo regnantis Benedicti XIII. edit. anno 1725. sexto Idus Junii incip. Ex quo. Bulla Gregoriana habet in terminis seqq. "Hac itaque no-
stra perpetuo valitura Constitutione omnia & quæcunque
privilegia. sublatâ penitus omni differentia ita ad unam
tantum formam reducimus & moderamus, ut laicis ad
Ecclesias, locaque sacra & religiosa confugientibus, si
fuerint publici latrones viarumque grassatores, qui itinera
frequentata publicasque stratas obsident, ac viatores ex
insidiis aggrediuntur: aut depopulatores agrorum, quive
homicidia & mutilationes membrorum in ipsis Ecclesiis
earumque cœmeteriis committere non verentur: aut qui
proditorie proximum suum occiderint, aut assassinii,
vel. aut læsæ Majestatis in personam ipsiusmet Principis rei,
Immunitas Ecclesiastica non suffragetur."

Bulla Benedicti XIII. sic inter alia habet. "Cum itaque prædicta Gregoriana Constitutione cautum sit, ut pu-

bli-

33 blicis latronibus, viarumque grassatoribus, qui itinera
 33 frequentata vel publicas stratas obsident, aut viatores ex
 33 insidiis aggrediuntur, Immunitas Ecclesiastica minime
 33 suffragetur, non levis autem inter Doctores emerferit
 33 controversia, an quis ex unico actu publicus latro & gras-
 33 sator dici possit, vel plures ad id actus requirantur; Nos
 33 ejusmodi controversiam dirimere intendentes, unicam
 33 tantum grassationem in via publica aut vicinali admis-
 33 sam sufficere ad hoc, ut quis publicus latro & grassator
 33 dici valeat, dummodo tamen grassati mors aut membro-
 33 rum mutilatio secuta fuerit, tenore presentium definimus.

33 “ Insuper ab Ecclesiasticæ Immunitatis beneficio exclu-
 33 dimus atque repellimus, & pro exclusis atque repulsis
 33 haberi volumus nedum eos, qui homicidia aut mutila-
 33 tiones membrorum in Ecclesiis, earumve cœmeteriis
 33 committere audent, quemadmodum in Gregoriana Con-
 33 stitutione sancitum est; verum etiam eos, qui stantes in
 33 Ecclesia vel cœmeterio, interficiunt stantes extra Eccle-
 33 siam vel cœmeterium, aut ipsis membrum mutilant: nec
 33 non eos, qui stantes extra Ecclesiam vel cœmeterium,
 33 occidunt stantes intra Ecclesiam vel cœmeterium, aut iis
 33 membrum mutilant: ac eos tandem, qui confugientibus
 33 vim inferunt, atque ipsos ab Ecclesia, aliove loco immu-
 33 ni violenter extrahunt, & abducunt, declarantes in qua-
 33 tuor præmissis casibus ejusmodi reos non illius tantum
 33 Ecclesiæ, quam violarunt, sed cujuscunque etiam al-
 33 terius Ecclesiæ Immunitate gaudere nequaquam posse
 33 aut debere.

33 “ Ad hæc in crimine assassinii non modo mandatarios,
 33 qui in ipsamet Gregoriana Constitutione aperte exci-
 33 piuntur, sed etiam mandantes, qui certum præmium
 33 aut mercedem, sive in pecunia, sive in aliis rebus tra-
 33 diderint aut promiserint, quamvis promissio nullum ha-
 33 buerit effectum, dummodo assassinium reipsa patratum
 33 fuerit, ab Ecclesiasticæ Immunitatis beneficio exclu-
 33 dimus, ac pro exclusis haberi volumus & mandamus.

33 “ Excludimus pariter, repellimus, atque privamus ejus-
 33 dem Immunitatis privilegio interficientes proximum
 33 suum animo præmeditato & deliberato: falsificantes Li-
 33 teras Apostolicas: Ministros Montis pietatis, vel alte-
 33 rius publici Telonii, aut banci pro depositis Principis,

pri- 33

privatarumque personarum, furtum, aut falsitatem in
 prædictis locis committentes, cujus ratione arca pecunia-
 ria ita minuatur, ut pœnæ ordinariæ locus sit: Conflan-
 tes, adulterantes, vel tondentes quascunque monetas au-
 reas vel argenteas, etiam Principum exterorum, quoties-
 cunque in loco, aut provincia, ubi crimen admittitur, li-
 berum habeant usum & commercium; vel ipsas monetas
 conflatas, adulteratas, aut detonsas scienter ita expende-
 re & erogare præsumentes, ut fraudis conscii atque parti-
 cipes censi possint: Illos demum, qui sub nomine
 Curia sese introducunt in alienas domos, animo ibi-
 dem perpetrandi rapinas, easque reipsa committunt
 cum homicidio, aut mutilatione membrorum alicujus
 ex domesticis earundem ædium, vel etiam extranei,
 quem ibi forte reperiri contigerit, dummodo homi-
 cidium, vel membrorum mutilatio sequatur.

Ubi notandum, licet in hac Benedicti XIII. Constitutio-
 ne aliquorum in Gregoriana exceptorum criminum mentio
 fieri non videatur, esse tamen & modo illa de exceptis, cum
 Constitutio Gregoriana cum omnibus & singulis in ea con-
 tentis & dispositis amplissime, ut Bulla loquitur, confirmata
 sit, approbata, & innovata, & criminum in illa exceptorum
 reis & delinquentibus Immunitatem Ecclesiasticam suffraga-
 ri nequaquã debere, iterum ac de novo decretum sit & declaratum.

Q. 8. Quis modus & norma circa hanc materiam servanda?
 Resp. In novissima Bulla Benedicti XIII. cassata omni in-
 terpretatione Gregorianæ a DD. facta, nulla habita ratione
 praxeos a Curia & Tribunalibus quibuslibet investæ, nec
 Declarationum sive a Tribunalibus Urbis, sive Congrega-
 tione S. R. E. Cardinalium emanatarum &c. inviolabiliter
 servanda statuuntur seqq. Verba Bullæ sunt: "Quoties-
 cunque igitur Curia Ecclesiastica a Curia sæculari fuerit
 requisita, ut laicum aliquem delinquentem e loco immu-
 ni extrahi, eique consignari faciat, eaque super delicti ex-
 cepti qualitate, ac personæ reitate subministrata vel ac-
 quisita sint indicia, quæ ad capturam decernendam suffi-
 cere videantur; tunc Curia Ecclesiastica ad ejusdem de-
 linquentis extractionem ab Ecclesia, aliisve locis immu-
 nibus, ope ac medio suorum Executorum, implorato
 etiam, quatenus opus sit, Brachii sæcularis auxilio, &
 cum interventu Personæ Ecclesiasticæ ab Episcopo depu-
 ,, tan-

„ tandæ , procedere teneatur extractumque ad suos carceres
 „ asportari , ac ibi sub tuta custodia detineri curet & faciat.
 „ Ubi vero ex processu informativo desuper conficiendo
 „ constet de crimine excepto , ac insuper adversus eundem
 „ extractum talia resultent indicia , ut crimen ab eo fuisse
 „ patratum moraliter credi possit (qua quidem indicia juxta
 „ regulas juris vocantur ultra torturam) eo tandem casu præ-
 „ factum extractum Ministris & Officialibus Curiae sæcula-
 „ ris tradere & consignare possit ac debeat, exacta tamen re-
 „ ceptaque prius ab ipsis obligatione in forma juris valida
 „ restituendi extractum Ecclesiae, sub pœna Excommunica-
 „ tionis latæ sententiæ Nobis ac pro tempore existenti Ro-
 „ mano Pontifici reservatæ, quatenus idem extractus indi-
 „ cia contra ipsum acquisita in suis defensionibus purget, ac
 „ diluat. Quodsi ea minime purgaverit, & vere delinquens
 „ repertus fuerit. Curiae sæculari in ipsum tali casu, ut ju-
 „ ris esse censuerit, agere atque procedere liceat. „
 „ Præterea considerantes sæpe dictum Gregorium Præ-
 „ decessorem in sua Constitutione optimo quidem jure san-
 „ xisse, ut soli Episcopi, & non alii Episcopis inferiores,
 „ etiam si locorum Ordinarii sint, aut nullius diocesis, aut
 „ Conservatores a Sede Apostolica specialiter vel genera-
 „ liter deputati, cognoscere & declarare valeant, an deli-
 „ cta, pro quibus inquisiti ad loca immunita confugerunt,
 „ & in iis se receperunt, sint, nec ne de genere & numero
 „ exceptorum: Nos providam ejusmodi dispositionem ap-
 „ probantes & confirmantes, eique inhærentes, motu, scien-
 „ tia, ac potestatis plenitudine similibus, tenore præsentium
 „ quibuscunque Magistratibus, Officialibus & Ministris sæ-
 „ cularibus, nec non quibuscunque aliis Personis cujusque gra-
 „ dus & conditionis existant, etsi Imperiali, Regia, Ducali,
 „ aut alia quavis mundana dignitate, aut auctoritate præ-
 „ fulgeant, districte interdiciamus, ac inhibemus, ne hujus-
 „ modi causis, vel conficiendo processus, vel inquisitos ex-
 „ trahendo a locis immunibus, vel declarando crimina ab
 „ eis admissa esse de exceptis in Gregoriana, aut in præsen-
 „ ti nostra Constitutione, ullo pacto sese ingerant, aut im-
 „ misceant. Quodsi secus quidquam attentare præsumpse-
 „ rint, ex nunc omnia in contrarium præmissorum ge-
 „ rendæ irrita & inania, nulliusque roboris vel momen-
 „ ti perpetuo fore, ipsosque attentantes in censuras &
 „ alias „

alias pœnas a sacris Canonibus & Constitutionibus Apostolicis adversus eos, qui jurisdictionem Ecclesiasticam quoque modo lædunt ac violant, inflictas incurrere decernimus & declaramus; volentes, intendentes ac præcise mandantes, quod omnimoda cognitio atque iudicium de criminibus in Gregoriana Constitutione exceptis, & a Nobis superius explicatis, tum etiam de aliis, quæ in præsentis nostræ Constitutione adjicienda & similiter excipienda duximus, quemadmodum, ut præfertur, adjecimus & excepimus, ad Episcopos tantum, private quoad alios, perpetuo spectet & spectare debeat; & donec ipsi in occurrentibus casibus declararint, delictum esse de exceptis, & cætera omnia a Nobis superius constituta impleverint, inquisitos Ecclesiæ vel alterius loci sacri, ad quem confugerunt, immunitate gaudere tuto debere, ac in ea conservandos & manutenendos esse statuimus, præcipimus, & mandamus.

Tum Constitutionis præsentis Executores deputantur Patriarchæ, Prælati, Archi-Episcopi & Episcopi, simulque, ut immunitatem Ecclesiasticam sacerdotali animo defendant, admonentur. Demum iterum monitio, ut Constitutio hæc inviolabiliter observetur, *non obstantibus quibuscumque &c.* concludit Ss. Pontifex, nulli hominum licere paginam hanc suæ voluntatis, sanctionis, declarationis, confirmationis, præcepti, decreti, mandati, prohibitionis & derogationis infringere, vel ei ausu contrario contraire &c.

T I T U L U S L.

Ne Clerici vel Monachi secularibus Negotiis se immisceant.

Quest. 1. *Quæ Negotiatio Clericis & Religiosis sit prohibita, & quomodo?* Resp. 1. *Negotiatio simplex; æconomica & improprie dicta, dum venduntur res non prius emptæ, sed provenientes ex propriis fundis &c. vel dum emuntur res ad propriam & familiæ sustentationem, & quæ ex his superflua sunt, pretio currente venduntur, Clericis & Religiosis non est illicita. Ratio, quia per se non distrahit, nec impedit, quo minus Deo & divinis vacare possint.*

Resp. 2.

Resp. 2. *Negotiatio lucrativa minus proprie* talis, dum res emuntur eo fine, ut arte, industria, ac labore in aliam formam mutatae carius vendantur, v.g. emitur lana; ut inde pannus; hordeum & lupuli, ut cerevisia inde confecta cum lucro vendatur, prohibita est Clericis & Religiosis, si *mere lucris studio* res emunt & per artem aut industriam *alienam* immutatas carius vendunt. Ratio, quia hæc negotiatio proxime accedit ad negotiationem proprie dictam, de qua Resp. seq. & dedecet statum Clericalem. Latius hæc habet Schmalzg. b. a n. 17. 18. 19. quid in specie licitum sit, quid non; & n. 20. defendit, a Religiosis licite vendi pharmaca, arte sua & industria, confecta.

Resp. 3. *Negotiatio lucrativa proprie* talis, quando res emuntur, & quo ad formam suam non mutatae vel valde parum mutatae venduntur carius, v. gr. vinum, frumentum, panni emuntur, & majori pretio distrahuntur, certo est prohibita Clericis, ac praesertim Religiosis. c. 9. & plurib. aliis, dist. 88. c. fin. de vit. & honest. Cler. Clem. 1. cod. Trid. Sess. 22. c. 1. de ref. Ratio, quia hæc negotiatio multo maxime dedecet statum Clericalem; nimium avocat a rebus divinis, sapit avaritiam, &c. Ubi & notandum, nomine Clericorum, quibus interdictum est negotiatione, venire Clericos in sacris constitutos, quod nemo negat; constitutos etiam in Minoribus, si habeant beneficium, non vero Minoristas beneficio carentes; quia hi a jure non exprimuntur, & licite alia negotia secularia tractant. Nomine Religiosorum hic veniunt indistincte omnes utriusque sexus Religiosi, quia prohibitio praesens est favorabilis, utpote in bonum spirituale Religionum & ad vitanda peccata introducta.

Resp. 4. Prohibita est negotiatio lucrativa sub peccato mortali praedictis Clericis & Religiosis, quod patet ex gravitate poenarum contra tales negotiatores statutarum, ut infra dicitur. Excusatur autem a peccato saltem gravi, qui semel aut iterum est negotiatus; quia negotiator non dicitur, nisi a frequentatis actibus. Item, qui negotiationem proprie talem exercet per alios totam industriam praestantes, quia fere cessat ratio prohibitionis, &c.

Q. 2. *Quinam alius alii Clericis & Religiosis sint prohibiti?* Resp. 1. Clericis sive in Majoribus, sive in Minoribus.

noribus tantum constitutis (procedit a fortiori de Religiosis) prohibetur interesse *authoritative iudicio criminali sanguinis*, adeo ut Clericus in hoc immediate NB. & per se NB. *ob c. fin. b. t.* nihil omnino possit *c. 5. & 9. b. t.* In iudicio criminali, ubi non imponitur pœna, ex qua mors vel mutilatio sequatur, cognoscere iudex Ecclesiasticus potest. *c. 5. de pœn. 2.* Prohibetur Clericis & Religiosis etiam laicis, ordinare aciem, & dirigere milites in pugna more Ducum. *cap. 9. b. t.* excipitur casus gravissimæ necessitatis. *c. 2. de Immun. Eccles.* nec prohibentur bello interesse Religiosi & Clerici ad functiones suas sacras obeundas aut milites in bello iusto animandos. 3. Prohibetur Clericis & Religiosis exercitium artis Chirurgicæ per incisionem & adustionem, imo & artis Medicæ; quia has artes exercere spectat ad negotia sæcularia, ipsis generaliter prohibita. *c. 1. b. t. c. 15. de vit. & honest. Cler.* excipitur, si huiusmodi artem erga personas pauperes vel cognatas causa pietatis exercent, modo absque incisione & adustione fiat. Schmalzg. *b. t. n. 47.* 4. Prohibetur Clericis & Religiosis officium Procuratoris in rebus & causis laicorum coram iudice laico. *c. 2. & 4. b. t.* Licitum facit hoc officium causa pietatis. 5. Officium Vice-Domini, Cancellarij, Præsidis Curia, Præfecti &c. Principum sæcularium absque dispensatione. *c. 5. & jubemus. b. t.* limitationem ponit Engel *b. t. n. 4.* & est, dum tractatio negotiorum sæcularium redundat in utilitatem Ecclesiarum. 6. Officium TABELLIONIS seu Notarii publici. *c. 8. b. t.* confectum tamen a talibus Notariis instrumentum *regulariter* valet. arg. *c. 8. cit.* Item licite id officij exercent Clerici in Curia Romana, & sicubi est consuetudo, in Curiis Ecclesiasticis inferioribus. 7. Prohibetur Clericis & Religiosis studium Physicæ, idest, Medicinæ, & Legum mundanarum, si-ve Juris Civilis, scil. publice. *c. 3. & fin. & quid vero. b. t.* Consuetudo tamen & privilegium speciale, cujusmodi plures Universitates habent, excusant Clericos & Religiosos. Imo sunt, qui illos etiam excusant, quia his seclusis Legibus student in ordine ad melius intelligendi Jus Canonicum.

Q. 3. *Quæ pœnæ sint statuta in Clericos & Religiosos immiscentes se negotiis sæcularibus?* Resp. 1. Contra Clericos & Religiosos negotiatores statuta est excommunicatio,

catio, scil. ferendæ sententiæ. *c. 6. b. t.* suspensio ab officio & depositio a gradu & Ordine Clericali, itidem sententiæ ferendæ. *can. 1. caus. 14. q. 3. c. 4. b. t.* Privatio Immunitatis a vectigalibus & portoriis, arg. *Clement. 1. de Cens.* ubi tamen discrimen faciendum inter res negotiationi subjectas aut per eam acquisitas, & inter res alias Clericorum proprias, quia, ut quoad posteriores amittant privilegium immunitatis, requiritur trina monitio ab Episcopo facta, *c. fin. de rit. & honest. Cler.* non quoad priores. *Clem. 3. de Cens.* Quomodo contra Clerici negotiatoris bona in commissum cadentia procedendum, habet *Pichl. b. n. 7.* Demum statuitur in Clericos negotiatores pœna inhabilitatis ad testandum, etiamsi alias facultatem testandi haberent, & tanquam spolia ad Cameram Apostolicam pertinent ex *Constit. Pii IV. Decens.* edit. ann. 1560. nonis Nov. in Germania ad fiscum Episcopi.

Resp. 2. In Clericos & Religiosos judicium sanguinis agitantes statuta est pœna excommunicationis, & privationis beneficii ac officii. *c. 9. b. t.* In ordinantes aciem & dirigentes milites in pugna itidem pœna excommunicationis. *can. 3. caus. 20. q. 3.* In exercentes artem Chirurgicam per incisionem vel adustionem, si mors aut mutilatio sequatur, irregularitas. *cap. 9. cit. & c. 19. de homicid.* In procurantes aut administrantes negotia & res laicorum pœna depositionis ab Ecclesiastico ministerio seu officio, & si Sacerdotes sint, qui sublimiora Vice-Domini, Cancellarii &c. munia suscipiunt, excommunicationis, *c. 2. 4. 5. b. t.* In exercentes officium Tabellionis pœna privationis beneficiorum, si beneficiati sint, & moniti non desistant. *c. 8. b. t. c. 1. V. ad conscribendas, de heret. in 6.* In audientes publice Medicinam aut Jus Civile excommunicatio latæ sententiæ. *c. 3. & fin. b. t.* Hæc tamen omnia intelligenda sunt de casibus, in quibus Clericis & Religiosis permissum non est, talia exercere.

Finis III. Libri.

LIBER QUARTUS

DECRETALIUM

GREGORII IX.

TITULUS I.

De Sponsalibus & Matrimonio.

§. I.

De Sponsalibus.



Quæst. 1. Quid sint sponsalia? Resp. Sponsalia sunt mentio & r: promissio futurarum nuptiarum lib. 1. ff. de sponsal. vel quod idem est, sunt mutua promissio futuri matrimonii, scil. inter personas habiles. can. 3. caus. 30. quæst. 5. Alia sunt de futuro, proprie dicta & modo definita, alia de præsentī, ipsum scil. matrimonium ratum.

Quæst. 2. Utrum promissio necessario debeat esse vera, vel an sufficiat ficta absque animo promittendi ad constituenda sponsalia? Resp. Non sufficit ficta aut simulata promissio; quod patet ex essentia omnis contractus, non subsistentis sine vero consensu interno. l. 2. ff. de ritu nuptiar. & cap. 26. h. t. Si tamen ad promissionem fictam non facile advertibilem accedat copula vel imprægnatio, taliter deflorans tenetur determinate ducere defloratam. Ratio; tum quia intervenit hoc casu tacitus contractus inominatus, facio, ut facias; tum quia injuria puellæ illata modo alio resarciri non potest, nisi ponendo verum consensum.

Q. 3. Quæ advertentia, libertas, & deliberatio requiratur
P. Adami Huth. Gg tur

Utrum in promissione sponsalia constituantur? Resp. Ea, quæ requiritur & sufficit ad peccandum mortaliter: qui alias non esset actus humanus; nec ullus præsumitur in gravem obligationem, qualis hæc est, consentire, nisi eam deliberate suscipiat. Unde amens, furiosus, plene ebrius contrahere sponsalia non possunt: Econtra metu etiam gravi eoque injusto inita sponsalia valent; cum juxta c. 2. de his quæ vi, & L. fin. eod. Cod. rescindenda tantum veniant, quæ metu cogente sunt facta. Valent insuper sponsalia ex ira; amore, similive passione contracta; tales enim passiones hominem usu rationis privare non solent.

Q. 4. An sufficiat ad valorem sponsalium facta ab una parte promissio? Resp. neg. sed præter acceptationem, repromissio insuper requiritur. Ratio; quia promittens aliter se obligare non censetur, quam secundum naturam sponsalium, & sub tacita conditione, si & altera pars promittat; hinc Titio promittente, Sempronia non repromittente sponsalia non sunt, neque oritur sponsalitia obligatio.

Q. 4. Utrum censeatur repromittere puella, quæ ad factam sibi promissionem, vel tacet vel gratias agit? Resp. Seclusis aliis circumstantiis negative. Ratio; quia tacturnitas sola vel gratiarum actio indifferens est ad assensum. Si tamen parentes pro liberis præsentibus & tacentibus etiam sine eorum mandato sponsalia contrahant, hæc sustinentur; quia in casu posito jus præsumit consensum liberorum. c. 1. de despons. impub.

Q. 6. An mutua promissio clandestine facta constituat sponsalia? Resp. Sponsalia contracta absque præsentia Parochi & aliorum testum valida sunt, imo per se loquendo, etiam licita. Ratio; quia nullo jure irrita vel prohibita reperiuntur sponsalia clandestina.

Q. 7. Debeatne promissio sponsalitia fieri uni determinatæ personæ? Resp. Affirmative, & non sufficit, si Cajus promittat, cum una ex tribus Mævii filiabus contrahere matrimonium, licet singulæ repromittant. Ratio; quia cum matrimonium non possit contrahi, nisi cum una determinata, non dabitur obligatio, nisi quia ad illud cum una determinata contrahendum obligetur.

Q. 8. An & qualiter promissio debeat esse extrinsece manifesta? Resp. Debet promissio esse extrinseca, tum quia

Quia nullus verus & perfectus voluntatum consensus satis esse potest; nisi sensibiliter exterius exprimatur. *h. cum plures 60. §. locator. ff. locati.* tum quia id contractus humani natura exposcit. Perinde autem est; siue sine verba formalia, siue virtualia. *c. 21. §. 25. b. t.* siue promissio fiat per se, siue per internuntium, internuntiam, vel Procuratorem; vel litteras. *c. fin. de Procurat.*

Q. 9. Per quæ verba constitui censeantur sponsalia?

Resp. Regula hic generalis tradi nequit, sed attendendum est ad modum loquendi in quovis regno usitatum. Juxta plerisque A.A. verba, quibus significantur sponsalia de futuro absoluta, sunt: *promitto tibi matrimonium: ducam te in uxorem: nubam tibi &c.* Per verba: *nullam aliam ducam, nisi te*, probabilius non significatur absoluta promissio futuri matrimonii, sed tantum conditionata; facit enim dicta propositio hunc sensum: *non ducam uxorem, vel si aliquam duxero, te ducam*; adeoque sensus ejus est negativus, ut non tam referat promissionem matrimonialem, quam excludat.

Q. 10. Per quæ facta inferatur promissio futuri matrimonii? *Resp. 1.* Subarrhatio vel immissio annuli in digi-

gitum, munera, eorumque acceptatio, & similia ex se signum sponsalium sufficiens non sunt. Ratio; quia talia ex aliis vel honestis, vel inhonestis causis fieri possunt. *Resp. 2.* Nec defloratio sola puellæ est signum consensus sponsalitiæ, quia fieri frequentissime solet ex libidine absque ulla promissione. *Resp. 3.* Matrimonium inter impuberes, vel puberem inter & impuberem contractum inducit sponsalia, siue habet vim sponsalium. *c. fin. de spons. impub. & cap. un. eod. in 6.* Ratio; quia tales contrahentes licet expresse solum velint alteri tradere sum corpus ad usum matrimonii, virtualiter tamen intendunt, si ea traditio effectum non habeat, tradere saltem jus ad traditionem. *Resp. 4.* Matrimonium tamen clandestine ac ideo invalide contractum inter puberes; vim sponsalium non retinet. Ratio; quia Tridentinum *sess. 24. c. 1. de reform. matr.* annullando penitus contractum matrimonii clandestinum etiam separat ab eo rationem sponsalium.

Q. 11. An liceat penam adicere sponsalibus? *Aff.* ut scilicet hæc ab injuste resiliente solvatur. Ratio: aliis

contractibus pœna conventionalis in perfide resiliens apponi potest, ergo & sponsalicio. Item juxta omnes ex l. 3. §. 5. C. b. t. arrha potest adjici sponsalibus, cur non & pœna; quæ juxta aliquos A.A. solvenda non est in conscientia, nisi petatur.

Q. 12. *Quis sit effectus sponsalium legitime contractorum?* Resp. Est triplex: *Primus* est, obligatio justitiæ gravis, utpote in materia gravi, ad contrahendum matrimonium c. 19. §. 17. h. & nullo certo tempore statuto, quamprimum pars altera petierit; quia id generale est in omni debito, cui certus dies præfixus non est. Si tamen sponsum unus cum tertio fornicetur; solo peccabit peccato intemperantiæ, non justitiæ; eo quod per sponsalia sola necdum corpus unius fiat corpus altarius, & proinde fornicando non tradatur alienum. *Secundus* est, impedimentum *impediens*, quo tam sponsus quam sponsa impediuntur contrahere cum quovis alio matrimonium; quod ita contractum matrimonium, quidem valeret, peccaretur tamen graviter, & injuria, damnumque illatum alteri esset compensandum. *Tertius* effectus est, impedimentum publicæ honestatis non tantum impediens sed & *dirimens*. De quo inferius.

Q. 13. *Qualiter dissolvantur sponsalia consensu?* Resp. Solvuntur, si uterque sponsus in dissolutionem consentit. c. 2. b. t. nam res omnis (quæ solubilis est) per quas causas nascitur, per eas dissolvi potest, c. 1. de reg. jur. & obligationes, quæ consensu contrahuntur, contraria voluntate dissolvuntur §. fin. inst. quib. mod. oblig. idque valet, etiamsi sponsalia fuerint jurata; quia juramentum contractui appositum ejus naturam sequitur. c. 25. de jur. jur. Imo dissensu unius, pubertatem adepti, solvuntur, si impubes contraxit. c. 7. de despons. impub. ne tales cogantur approbare; quod non satis firma ætate fecerunt.

Q. 14. *An & qualiter per ingressum in Religionem solvantur sponsalia?* Resp. Per professionem religiosam vel susceptionem S. Ordinum ex parte utriusque solvuntur sponsalia. c. 2. de convers. conjug. Per ingressum in Novitiatum quocunque animo factum solvuntur statim quoad remanentem in sæculo; tum quia ingrediens tacite renuntiat, tum quia notabilis ejusdem fit mutatio; ex parte ingredientis suspenduntur usque ad professionem,

nein, non statim solvuntur; quia neque ex natura rei, neque ex ullo jure positivo talis dissolutio soli in Religionem ingressui conceditur.

Q. 15. Quenam sit differentia inter ingressum Religionis post contracta sponsalia & inter susceptionem S. Ordinum?
Resp. Quod illicite renuente sponsa suscipiantur S. Ordines, e contra autem post sponsalia etiam juramento firmata, invita altera parte licitus sit ingressus in statum Religiosum. Ratio disp. est, quod nullo jure concedatur sponso post datam alteri fidem suscipere Ordines & sic privare sponsam jure suo; e contra autem concedatur ingressuris Religionem *cap. 2. de convers. conjug.*
& Extrav. Antiquæ. Joan. XXII. de voto.

Q. 16. An sponsalia de futuro per alia de futuro solvantur? *Resp.* Neg. *cap. 22. & c. un. de sponsal. in 6.* etiamsi posteriora jurata sint; quia sunt invalida, utpote de re iniqua cedente in præjudicium tertii; neque juramentum debet esse vinculum iniquitatis. *c. 2. de pact. in 6. c. 28. de jurejur. it.* etiamsi secundis accesserit copula; quia post Trid. talis copula censetur esse mere fornicaria, nec ullum juris effectum habet.

Q. 17. An sponsalia de futuro per alia de presenti, sive per subsequens cum alia matrimonium solvantur?
Resp. Ad hunc effectum solvuntur, ut teneatur cum secunda remanere taliter contrahens. *c. 1. de spons. duor. c. 31. b. t.* non vero omnino extinguitur obligatio respectu prioris sponsæ, sed suspenditur, ut si uxor, quacum contra fidem priorum sponsalium contraxit Titius, moriatur ante sponsam primam, hanc vi priorum sponsalium ducere teneatur. Ratio; nec Jure positivo probatur omnimoda dissolutio priorum, cum *c. 22. & 31. b. t.* solum velint, remanendum esse penes secundam, an obligatio priorum sponsalium penitus extincta sit, altum silent. Nec jure naturali probatur, cum priorum illorum sponsalium obligatio optime consistere possit cum matrimonio cum alia contracto, suspensa veluti & eo soluto reviviscens: paritas est in vovente Religionem, & tamen contrahente matrimonium, talis namque matrimonio soluto Religionem amplecti tenebitur.

Q. 18. Quibus aliis de causis sponsalia de futuro solvantur? *Resp.* 1. Lapsum temporis vel *conventionalis* in con-

tractu sponsalium finiendæ obligationi adjecti. *cap. 22. b. t. & ibi Gloss. sive legalis*, nulla a contrahentibus temporis facta mentione, quod aliqui cum Civilistis volunt esse triennium, intra quod sponsum a sponsa expectandum dicunt, si hic extra provinciam migravit. *l. 2. C. de repudiis*. Aliis probabilius sentientibus, si sponsus infcia vel invita sponsa se conferat in alienas terras aniano mutandi domicilium, statim licere sponsæ a sponsalibus etiam juratis resilire, quæcunque discessus causa fuerit. Ratio, quia sic discedens videtur renuntiassse sponsalibus: deinde quia sponsa non tenetur sponsum domicilium mutantem sequi.

Resp. 2. Fornicatione sive *corporali*, ut cum sponsa cum alio fornicatur, *can. raptor. 33. caus. 27. q. 2.* etiamsi vi oppressa *c. 25. de jurejur.* quia reddita est notabiliter vilior, & probrosum est talem ducere: sive *spirituali*, ut si alteruter in hæresim vel idololatriam inciderit. *can. non solum 6. & can. jam nunc 8. caus. 28. q. 1.*

Resp. 3. Fama Canonici impedimenti *c. 27. b. t. & c. 22. de testibus*, cur autem hæc probatio admittatur, ratio est, quia agitur de impediendo peccato, quod sponsi impediti incurrerent contrahendo.

Resp. 4. Qualibet notabili mutatione sponsalibus contractis superveniente ex parte illæsi sponsalia solvuntur, licet jurata; cum juramentum includat omnes condiciones contractus, cui adjicitur *l. fin. C. de non numer. pecun. videatur cap. 25. de jurejur.*

Q. 19. An ex superveniente fortunarum mutatione solvantur sponsalia? Resp. Si post sponsalia uni sponforum obveniant magnæ divitiæ in suo statu altero permanente, per hoc sponsalia non solvuntur; cum altera pars non sit deterior facta, & universum facultas resiliendi detur tantum personæ non mutatæ. Quod executio sponsalium ditiori facta sit durior, est per accidens.

Q. 20. Quando opus sit autoritate judicis ad dissolvenda sponsalia. Resp. Si mutuo consensu partes velint a sponsalibus recedere, non indigent autoritate judicis; quia nullo jure probatur ejus necessitas; nec etiam tum, si adest certa causa de jure (qualis dicitur, dum causa in jure expressa) & defacto (qualis est, dum certum est, causam, quæ allegatur, adesse) solvendi sponsalia;

falia; cum dissolvens utatur jure suo. Ubi dubium est, judicis autoritas semper debet intervenire, ne scil. proximo fiat injuria.

§. 2. De Matrimonio.

Quest. 1. *Quid sit matrimonium?* Resp. Sumptum *quasi casualiter* est ipse actualis contractus, in quo personæ legitimæ, consensu verbis vel signo expresso se mutuo obligant ad perpetuam vitæ societatem & generationis usum. Sumptum *formaliter* juxta l. 1. ff. de ritu nuptiar. est maris & femine conjunctio individuum vitæ societatem continens.

Q. 2. Quotuplex sit matrimonium? Resp. Aliud est *legitimum tantum*, quod legitimo consensu sive secundum leges inter personas habiles contractum est, non tamen Ecclesiæ ratificationem vel rationem Sacramenti habet. Aliud *ratum*, quod a fidelibus sive baptizatis contractum, habet rationem Sacramenti, non secuta copula carnali. c. 7. de divort. Aliud *consummatum*, quod accedente copula carnali perfectum & completum est. 2. Dividitur matrimonium in *verum*, quod in veritate & cum valore contractum; in *presumptum*, quod a jure præsumitur. Quæ olim in c. 15. & 30. h. t. c. 6. de condit. appof. præsumebantur matrimonia, hodie post Trid. locum amplius non habent. In *putativum*, quod putatur legitime contractum, cum tamen ob latens aliquod impedimentum sit nullum.

Q. 3. Quæ ulterior matrimonii divisio? Resp. Matrimonium aliud est *Canonicum*, quod habet ea, quæ a SS. Canonibus præscripta sunt. Aliud *politicum* sive *civile*, in quo etiam ea concurrunt quæ civiliter & politice requiruntur, variz scil. solemnitates, pacta dotalia, tractatio sponsæ in ædes sponsi &c. Pertinet ad *Canonicum* matrimonium ad *Morganaticum* contractum sive *matrimonium conscientie* quod nihil aliud est, quam legitima conjunctio viri illustris cum femina inferioris conditionis, eo pacto inita, ut uxor & liberi dono nuptiali vel alia certa portione, tempore sponsalium destinata, contenti sint, & a cæteris bonis avitis, ac paternis una cum titulis abstineant. Tale matrimonium licitum

est, tum quia nullam præfert turpitudinem, utpote inventum, ut non valens se continere sit extra periculum illiciti concubitus, quæ ratio affertur 2. *feud.* 29. tum quia non est contrarium substantiæ matrimonii, cum habeat omnia Canonice & Theologice requisita, licet careat civiliter requisitis.

Q. 4. Quenam sint requisita ad matrimonium? Resp. 1. Jus Civile requirit *L. 3. Cod. de incestis nuptiis*, ut contrahentes sint cives Romani, sed in hac materia jus Civile non attenditur. 2. Requiritur iusta ætas, de qua in *seqq.* 3. Deliberatus contrahentium consensus, hic enim velut basis & fundamentum est matrimonii. 4. De jure novo *Trid. sess. 24. de reform. matrim.* præsentia Parochi & duorum saltem testium. 5. Jus Civile *prin. Inst. de nupt. ad valorem* matrimonii requirit consensum parentum. Jus Canonicum tantum *de honestate*; & huic standum esse patet ex *Trid. cit.*

Q. 5. An Matrimonium sit verum Sacramentum? Resp. 1. Matrimonium inter fideles seu baptizatos contractum est verum Sacramentum. Est de fide definitum in *Flor. Trid. & Ephes. 5. v. 35.* Apostolus ait de conjugio, *magnus hoc Sacramentum est, ego autem dico in Christo & Ecclesia.* S. August. *lib. de fide & operibus*, in Ecclesia, inquit, nuptiarum non solum vinculum, sed etiam Sacramentum commendatur. Denique est signum practicum ex institutione Christi gratiæ collativum; ergo. 2. Sacramentum est matrimonium inter Fideles per Procuratorem contractum. Ratio, quia Christus elevans naturalem matrimonii contractum ad esse Sacramenti aliud nihil requisivit, quam quod requiritur ad legitimum contractum matrimonii, qualis debeat esse Procurator pro contrahendo matrimonio, vide *cap. fin. de Procur. in 6.* 3. Materia matrimonii remota sunt ipsa corpora conjugum; proxima & ex qua Sacramentum matrimonii constituitur, actualis & mutua corporum traditio & acceptatio; Forma utriusque in eam traditionem & acceptionem consensus verbis vel signis expressus. Ratio; quia recensita sunt materia & forma contractus matrimonialis, ergo & Sacramenti. *Minister* non est Sacerdos, sed ipsi contrahentes; quia hi ponunt formam Sacramenti. 4. Sacramentum non est ma-
tri-

rimonium a baptizato cum gentili ex dispensatione Pontificis contractum. Ratio, Sacramentum est unicum & indivisibile; sicut & est unus contractus virum & feminam afficiens, ergo cum non possit infidelem afficere, nec fidelem afficiet.

Q. 6. An consensus mutuus ad valorem matrimonii semper sit necessarius? Resp. Affirm. ita quidem, ut non possit ab ulla potestate creata suppleri; quia concessa non est talis facultas a Deo, neque conveniens fuit, eam concedi.

Qu. 7. In quid ferri debeat consensus matrimonialis? Resp. Non requiritur, ut formaliter feratur in ipsam copulam, sed sufficit ferri in jus eam exigendi; quia per hoc jam impletur finis matrimonii; unde patet inter B. V. & S. Josephum verum fuisse matrimonium: item patet, posse contrahi matrimonium sub conditione vel potius sub modo servandicastitatem, ingrediendi Religionem ante consumationem matrimonii, non petendi aut reddendi debitum; quia tales modi non sunt contra substantiam matrimonii, neque aliud requiritur, nisi ut detur jus mutuum & potestas in corpora in actu primo.

Q. 8. An consensus utriusque conjugis debeat simul existere? Resp. Ut consensus actualis & physicus utriusque conjugis simul sit, non requiritur; nec ratione Sacramenti, utpote ad quod sufficit partes inter se moraliter conjungi, quemadmodum fieri solet in Sacramento poenitentiae; neque ratione contractus, in quo facilius adhuc admittitur moralis illa conjunctio; adeoque valebit matrimonium, dum hodie exprimitur consensus unius coram Parocho & testibus, & alterius consensus coram eodem Parocho & iisdem testibus die alia.

Q. 9. Qualiter consensus matrimonialis exprimendus? Resp. Vel verbis vel signis est exprimendus, cum matrim. sit contractus respectivus, humanus, & politicus; verba tamen etiam in valentibus loqui non sunt necessaria, neque de necessitate Sacramenti; arg. *c. un. §. fin. de despons. impub. in 6.* & ex Flor. quod certe expressisset, si verba forent necessaria; neque de necessitate praecepti; quia nullibi tale extat. *cap. 25. §. 28. h. t.* indicant tantum, decens esse, adhibere verba, & hae aptiora esse signa consensus.

Q. 10. An consensus matrimonialis debeat esse liber?

Resp. Affirm. ita ut si matrimonium metu gravi injuste incusso contrahatur, ipso jure sit nullum *c. 14. 19. 15. b. 1.* Ratio; quia matrimonium semel validum & consummatum, nulla autoritate humana est rescindibile, uti tamen alii actus sunt. Tridentinum etiam *sess. 24. c. 9.* Dominos territoriales, qui subditos suos injuste ad matrimonia cogunt, pœna excommunicationis ferit, ipso facto incurrenda. Parentes, licet pœnas a Trident. statutas non incurrant, nequidem sublevi possunt obligare proles ad matrimonium, si aliunde non teneantur illud contrahere; eo quod non sit conveniens gravissima matrimonii onera aliena voluntate cogi subire.

Q. 11. Quid faciendum, si unus conjugum consensit fide in matrimonium? Resp. 1. Non tantum peccavit talis peccato Sacrilegii contra reverentiam Sacramenti, & peccato injustitiæ ob gravem deceptionem alterius; sed tenetur in conscientia ponere adhuc verum consensum, & ita matrimonium redintegrare, quia id exigit justitia commutativa.

Resp. 2. Sufficit ad restaurationem matrimonii, si is, qui fide contraxit, solus ponat consensum verum etiam internam tantum, cum enim conjux alter semper tractet compartem ut conjugem, censetur moraliter permanere prior consensus. Neque etiam ex aliis impedimentis occultis (excepto impedimento clandestinitatis) nulla matrimonia ad sui validationem exigunt præsentiam Parochi & testium. Ratio, quia Lex & Decretum Trid. volens contrahi matrimonia publice, non videtur comprehendere casum, quo matrimonium jam semel publice, sed ex defectu solius consensus, vel ob impedimentum occultum nulliter contractum revalidatur. Requiritur tamen, ut matrimonium ob impedimentum occultum nullum in casu obtentæ dispensationis utriusque partis consensu revalidetur; quia impedimentum reddiderat contrahentes ad consensum validum inhabiles: ergo prior consensus erat nullus.

§. 3. De impedimentis matrimonii.

Quest. 1. *Impedimenta matrimonii quotuplicia & penes quem sit potestas ea statuendi?* Resp. Sunt duplicia, *impedientia* tantum, quæ impediunt, quo minus licite contrahatur matrimonium; & *dirimentia*; non quod valide contractum matrimonium dirimant, sed quod faciant, ut ne quidem valide contrahi possit. Resp. ad 2. Potestas statuendi impedimenta dirimentia circa fideles est penes S. Pontificem, illique soli reservata; nimirum ob rei gravitatem, & praxin Ecclesiæ.

Q. 2. *An consuetudine induci possint impedimenta dirimentia nova, & abrogari jam constituta?* Resp. Affirmatio petitur ex c. 1. & 3. de cogn. spir. & c. fin. de consuet. ubi approbatur, consuetudine jus novum induci, antiquum vero abrogari posse, si illa sit rationabilis & legitime præscripta; atqui talis potest esse consuetudo inducens vel abrogans impedimenta matrimonii. Ergo.

Q. 3. *Quænam sint impedimenta impedientia, & quæ dirimentia?* Resp. 1. *Impedientia* hæc quatuor tantum hodie dantur:

Sacratum tempus, vetitum, sponsalia, votum, De tempore sacratio & vetito Ecclesiæ agitur in tit. 16. quomodo *sponsalia* impediant matrimonium, dictum est tit. 1. quomodo *votum* tit. 6. dicetur. Reliqua impedimenta impedientia non sunt amplius in usu.

Resp. 2. *Impedimenta dirimentia* comprehenduntur seqq. versiculis:

Error, conditio, votum, cognatio, crimen.

Cultus disparitas, vis, ordo, ligamen, honestas.

Ætas, affines, si clandestinus & impos.

Raptæ sit mulier, nec parti reddita tuxæ.

hic agamus de impedimento publicæ honestatis, disparitatis cultus, impedimento raptus & erroris, reliquis ad proprios titulos rejectis.

Q. 4. *An Acatolici in Germania obligentur impedimentis matrimonii Jure tantum Ecclesiastico inductis?* Resp. Licet subsint Acatolici jurisdictioni Ecclesiæ, neque se per contumaciam suam eximere vel contra obedientiam Ecclesiæ debitam possint præscribere; Ecclesia

tamen Catholica Leges suas circa impedimenta talia non urget, nec dirimit matrimonia Hæreticorum cum consanguineis v. gr. in tertio gradu contracta. Ratio, quod prudenter non urgeat, est tum moralis impossibilitas, observantiam legum suarum obtinendi; tum evitatio fornicationum, concubinatuum, illegitimitas prolium; communis error, suavior Acatholicorum reductio &c.

Q. 5. *Quid importet impedimentum publicæ honestatis, siue publicæ honestatis justitia?* Resp. 1. Est propinquitās siue quasi affinitas inter sponsum & consanguineos sponsæ, & vice versa inter consanguineos sponsi & sponsam, ortum habens ex sponsalibus de futuro, & matrimonio rato tantum, vi cujus neuter sponsum matrimonium contrahere potest cum consanguineis alterius.

Resp. 2. Introducitur est jure solum Ecclesiastico c. 3. 4. 8. de spons. & jure novo Trid. sess. 24. c. 3. de reform. matr. nascitur ex sponsalibus de futuro, sed validis tantum, iisque puris ac determinatis, nec primum gradum excedit. Nascitur etiam hoc impedimentum ex sponsalibus de presenti, dirimens matrimonium contrahendum usque ad quartum gradum inclusive. Ita S. Pius V. in Bulla data cal. Junii 1568. modo matrimonium sit pure absque conditione initum, nam conditio uti suspenderet valorem matrimonii, ita & honestatem publicam. It. modo tale matrimonium non sit nullum defectu consensus, v. g. ob gravem metum, vel cum errore circa personam initum, nam ex alio capite invalidum, v. g. ob impedimentum consanguinitatis, affinitatis, clandestinitatis adhuc dirimit matrimonium contrahendum usque ad quartum gradum. Ita S. Pius V. *ibid.*

Resp. 3. Impedimentum hoc est perpetuum, quacunque de causa sponsalia solvantur, siue morte alterius sponsum, can. 11. caus. 27. qu. 2. & cap. 7. de sponsal. siue mutuo consensu, c. 5. de desponsat. impuber. & Declar. Card. Trid. interp. de anno 1658. die 6. Junii, quam sub die 10. ejusd. mensis approbavit Alexand. VII. teste Fagn. & Gobat.

Resp. 4. Hoc impedimentum non agit retro, hoc est, si Titius post sponsalia de futuro inita cum Semproniam, attentat contrahere matrimonium ratum cum sorore Semproniam, quod tamen invalidum erit ob impedimentum

publicæ honestatis ex prioribus sponsalibus ortum, non oritur ex hoc matrimonio invalido impedimentum Publicæ honestatis respectu *Sempronie*, ut eam ducere non possit. Ita deciditur *c. un. de spons. in 6.* NB. non oritur in præjudicium *Sempronie*, quæcum sponsalia prius contracta fuerant, oritur tamen respectu aliarum *Sempronie* consanguinearum.

Q. 6. Quid dicendum de impedimento disparitatis cultus? Resp. 1. Disparitas cultus sumitur hic pro diversitate Religionis inter contrahentes matrimonium, quælis esse censetur, si fidelis cum strictè infideli, id est, non baptizato nititur contrahere.

Resp. 2. Tale matrimonium licet jure divino & naturali illicitum sit *per se* loquendo, ob periculum perversionis conjugii fideli imminentis, invalidum tamen solum est jure Ecclesiastico, eoque non scripto (nullo nimirum jure scripto Pontificio aut Concilii generalis hac de re extante) sed traditio, prout colligitur *ex caus. 28. qu. 1.*

Resp. 3. Impedimentum disparitatis cultus se non extendit ad matrimonia Catholicorum cum Hæreticis, hæc siquidem valida sunt, nisi, ut sæpe fit, Hæreticus habeat intentionem repugnantem fini matrimonii. Sumitur *ex cap. decrevit 14. de hæret. in 6.* ubi uxores quæ scilicet Hæreticis nupserunt, privantur dote, non tamen præcipitur, eas a viris separandas.

Resp. 4. Illicita tamen sunt matrimonia Catholicorum cum Hæreticis. 1. Jure Ecclesiastico *ex Concil. Carthag. 3. cap. 12. Chalced. c. 14. Agath. can. 67. can. 16. caus. 28. qu. 1.* deinde jure naturæ illicita sunt, dum adest periculum perversionis conjugis Catholici, vel malæ educationis prolium in hæresi &c. Demum maxime impium est pactum de parte prolium in hæresi educanda, quia jus naturale & divinum parentes obligat, ut omnes liberos DEO educent, & non tam quoad corpus, quam quoad animam provideant.

Q. 7. Quid circa impedimentum raptus præsertim jure Trident. observandum? Resp. 1. Raptus est violenta virginis alteriusve femine renitentis abductio. Dirimit matrimonium raptorem inter & raptam, etiam post rapum consentientem, quatinus hæc manet in potesta-

te raptoris, nec in loco tuto ac libero est constituta; Raptor etiam & omnes illi quoquo modo auxilium præbentes ipso jure sunt excommunicati & infames, omniumque dignitatum incapaces, & si Clerici fuerint, de proprio gradu decidunt. Porro raptor tenetur raptam; siue eam duxerit, siue non, decenter dotare *Trident. sess. 24. c. 6. de reform. matr.*

Resp. 2. Cum Concilium generaliter loquatur de *rapiente feminam*, impedimentum hoc dirimens incurrit, qui rapit mulierem etiam corruptam, inhonestam, meretricem.

Resp. 3. Non est matrimonium nullum; si puella consentiens abducatur, invitis etiam parentibus, cumque ea coram Parocho & testibus matrimonium contrahatur; quia hic non est proprie raptus.

Resp. 4. Non est invalidum matrimonium cum ea contractum; quam quis invitam abduxit solius libidinis causa; modo femina; etiam necdum extra potestatem raptoris constituta, libere consentiat in matrimonium. Ratio; quia decretum Concilii utpote poenale & correctorium juris communis; & quia intendit favere libertati matrimonii, talis autem raptus cum eam non lædat, non est extendendum ad raptorem ex causa libidinis.

Resp. 5. Nec est impedimentum dirimens secundum Pirh. VViestn. & alios; si femina rapiat virum nolentem & contradicentem ad ineundum secum matrimonium; eo quod Tridentinum non loquatur nisi de viro raptore, hicque casus sit de raro contingente adeoque non videatur decreto Trid. comprehensus. Sententia tamen contraria, quam tenet Pich. n. 120. de sponsa. valde etiam probabilis est.

Q. 8. Quid impimenti ponat error? Resp. 1. Error versans circa substantiam seu individuum personæ, siue sit *antecedens*, siue *concomitans*; jure naturæ reddit contractum matrimoniale nullum. Ratio; quia error tollit consensum, l. 15. ff. de jurisd. om. jud. c. un. caus. 29. q. 1. l. 9. C. de jur. & fact. ignor.

Resp. 2. Error circa qualitates, siue *intrinsecas*, uti sunt virginitas & nobilitas, siue *extrinsecas*, siue error det causam contractui, siue ex alterius dolo proveniat, ma-
tri-

rimonium non dirimit; eo quod reddat tantum involuntarium *secundum quid*. Potest tamen per accidens fieri, ut tale matrimonium sit nullum. 1. Si error qualitatis redundet in errorem personæ, nimirum si qualitas est simul cum persona intenta. 2. si qualitas inconditionem deducatur, conditio enim suspendit consensum, & consequenter dum deficit, consensum simul & contractum deficere facit.

Resp. 3. Si alteruter vel uterque contrahentium *per errorem* credat, se laborare impedimento dirimente, quod revera non subest, valebit tale matrimonium, modo contrahentes, quantum in se est, intendant consentire. Ratio; quia tales personæ ex una parte sunt vere habiles ad contrahendum; cum revera non laborarent impedimento; ex altera vero parte intendunt, quantum possunt contrahere; ergo vere contrahunt.

T I T U L U S II.

De Desponsatione impuberum.

Quest. 1. *Quenam ætas ad sponsalia de futuro requiratur?* Resp. Tam quoad masculos, quam femellas jus statuit septennium. c. 4. 5. 13. b. t. & c. un. cod. in 6.

Q. 2. *Si usus rationis septennium antevertat, an sponsalia ante istud impletum inita subsistant?* Resp. Quod de jure naturæ subsistant, certum est; de jure positivo probatur ex c. juvenis 3. de spons. l. 14. ff. ibid. Deinde in matrimonio malitia ætatem supplet, cur non in sponsalibus? Si vero malitia seu prudentia ætatis defectum non supplet, septennium debet esse physice completum. Ratio; quia quoties a jure determinatur aliquod tempus, id physice compleri debet, ut patet in 14. ætatis anno ad condendum testamentum requisito, & in 1610. ante quem noluit Trid. valere Professionem.

Q. 3. *An & qualiter liceat resilire a sponsalibus contractis tempore impubertatis, scil. intra 7. & 14. aut respective 12. ætatis annum?* Resp. Si uterque, dum contraherentur sponsalia, fuit impubes, neuter in impubertate a sponsalibus potest resilire, c. 7. b. t. ne obfragile iudicium temere ineantur & temere sponsalia dissolvantur

tur. Pubertatem adepti, vel uterque vel unus, invita altera parte, absque alia causa possunt sponsalia in impubertate inita dissolvere, *cap. cit.* neque qui prius pubertatem adeptus est, expectare tenetur, quoadusque alter pubes fiat. Imo procedunt hæc, etiamsi sponsalia in impubertate fuissent jurata, quia juramentum sequitur naturam actus: nisi tamen impuberes jurato contrahentes proximi sint pubertati *c. 10. de sponsal.* Si pubes, juvenis v. gr. 16. annorum contraheret sponsalia cum puella 10. annorum, is resilire non potest, licet illa possit pubertatem adeptam, *c. 7. h. t.*

Q. 4. Quenam etas ad matrimonium valide contrahendum requiratur? Resp. pubertas *legalis*, id est, annus 14. in masculo & 12. in femina, *c. 5. 10. 11. h. t.* vel pubertas *naturalis*, nimirumabilitas ad actus generationi prolis sufficientes, & capacitas doli sive discretio ad intelligendam vim consensus conjugalis, *per cap. & interp. in c. 3. 9. & ult. h. t.* Etiam si masculus post annum 14. item femina post 12. ad generandum nondum sit habilis proxime, matrimonium valebit, quia nulla impotentia nisi perpetua impedimentum dirimens constituit, *c. 5. & fin. de frigid.* Potest etiam S. Pontifex utpote supremus Legislator dispensare, ut fideles infra pubertatem validum matrimonium inire possint.

Q. 5. An valeant sponsalia a parentibus ad id non constitutis contracta pro liberis? Resp. 1. Sponsalia de futuro a parentibus pro liberis presentibus, & vel expresse vel tacite, non contradicendo, consentientibus contracta valent, *c. un. §. porro h. t. in 6.* ubi jus præsumit consensum filiorum scientiam, quod parentes nihil in suum præjudicium sint acturi.

Resp. 2. Non valent sponsalia de presenti sive matrimonium a parentibus nomine liberorum contractum, si hi presentes sint & non contradicant. Ratio, quia id quod in sponsalibus utrique parenti concessum non est, utpote a jure exorbitans, ad matrimonium extendendum. Hic etiam casus in locis, ubi Trid. receptum, vix potest contingere.

Resp. 3. Ad valorem matrimonii a liberis contracti consensus parentum non requiritur. *Trid. sess. 24. c. 1. de refor. matr.* Imo hi peccant graviter, dum absque iusta causa

causa matrimonia liberorum impediunt, *c. fin. de jud. in* 6. uti & regulariter liberi, dum parentibus inconsultis & invitis ad matrimonia provolant. *arg. can. 13. caus. 32. q. 2.* possuntque ideo non quidem exheredari jure communi per *Nov. 115. c. 3.* jure tamen speciali & pœna exheredationis & aliæ a Magistratu etiam seculari statui possunt. Ita praxis habet multarum Provinciarum; quia hujusmodi Legibus magna affertur Reip. utilitas; & si a Fundatoribus certæ conditiones primogenituris & majoratibus possunt adjici, ne v. g. judaico sanguine infectis nubant, cur non & Magistratus statuta ejusmodi possit condere.

T I T U L U S III.

De Clandestina desponsatione.

Quest. 1. *Quotupliciter matrimonium dicatur clandestinum?* Resp. Duæ sunt species matrimoniorum, clandestinorum a jure reprobatorum, & punitorum, dum vel contrahuntur absque præsentia Parochi & testium; & hæc dicuntur *clandestina simpliciter*; vel dum contrahuntur sine præmissis denuntiationibus, & hæc vocantur *clandestina secundum quid*, & huic clandestinitati non obstat, etsi de cætero contrahantur in medio foro ac plena Ecclesia.

Quest. 2. An & quatenus præmittendæ denuntiationes?

Resp. 1. debent præmitti matrimonio triuæ denuntiationes. *Trid. sess. 24. de ref. matr. c. 1.* iis tamen omissis validum est matrimonium: eum enim matrimonium tale fuerit jure antiquo validum, neque tamen quoad hoc a *Trid.* sit correctum, valet etiamnum tale matrimonium. 2. Graviter tam Parochus denuntiationes omit- tens, quam contrahentes peccabunt seclusa dispensatione vel iusta causa: quia violant præceptum Ecclesiæ in materia gravi, ut constat ex fine, qui est scire velle, num subsistat matrimonium, nec ne, propter impedimentum. 3. Debent fieri inter *missarum solemnia tribus continuis diebus festivis* a proprio contrahentium Parocho, vel alio de ejus licentia; & dum contrahentes sunt ex diversis Parochiis, de-

P. Adami Huth.

Hh

bent

bent in utriusque Parochia proclamari; quia alias fin a Concilio intento, qui est detectio impedimenti, non esset satis provifum. 4. Si sponfi, antequam denuntietur matrimonium, domicilium mutant, inque loco domicilii novi vel pauci sint, vel nullus omnino, qui eos noverit; tum faciendæ sunt etiam denuntiationes in Parochia, ubi prius sponfi, aut unus eorum, habitaverunt, quia tali modo magis fatisfit intentioni Trident. si vero sponfi in loco, in quo defacto domicilium habent, vel quasi, diu satis fuerint morati, sufficit in hoc loco domicilii fieri promulgationes, quia veri sunt parochiani talis loci.

Quæst. 3. Quinam dispensare possint in denuntiationibus & quibus de causis? Resp. 1. Trid. soli Ordinario (quo nomine venit Episcopus, Prælati jurisdictionem quasi Episcopalem habentes, & in specie Vicarius Generalis) hanc facultatem dedit. Potest tamen & Parochus non quidem proclamationes tales remittere, sed declarare, non obligare legem earum, si periculum in mora sit, nec tamen Episcopus possit adiri, talesque adsint causæ, ob quas Episcopus debeat dispensare. Debet autem hic dispensare, quoties bono communi vel particulari contrahentium maxime expedit concedi dispensationem: tenetur enim Episcopus providere bono communi & speciali subditorum.

Resp. 2. Facta ab Ordinario dispensatio in proclamationibus absque iusta causa, est invalida: cum dispensationem reliquerit prudentiæ Episcopi Trid. quæ verba arbitrium prudentiale & ratione regulatum important, quod nequit consistere absque iustæ causæ cognitione.

Resp. 3. Concilium quidem unicam tantum allegat causam dispensandi, scil. suspicionem de matrimonio malitiose impediendo, sufficit tamen etiam alia quævis iusta; v.g. infamia, si viventes in concubinato, habiti pro veris conjugibus publicentur: disparitas conditionis, si denuntietur senex cum juvencula, damnum & periculum animæ &c.

Quæst. 4. An, qui scit impedimentum inter denuntiatos, teneatur illud manifestare? Resp. Affir. idque sub gravi peccato tum jure naturæ, tum ex præcepto Ecclesiæ; quia quilibet tenetur consulere salutem proximi, valde

valori Sacramenti, bono communi. Si tamen denun-
tianti grave ideo damnum imminere vel probare non
non posset, non tenebitur; cum Leges Ecclesiastica ut-
pote jugum suave hoc casu non obligent; neque tene-
tur quis jure natura cum gravi suo damno peccata pro-
ximi impedire.

*Quæst. 5. An & qualiter matrimonia sine presentia Pa-
rochi & testium contracta sint irrita?* Resp. 1. Fuerunt
olim talia matrimonia semper quidem prohibita, ut pa-
tet in cap. 1. & seq. caus. 3. q. 5. non tamen invalida; uti
nec modo in locis, in quibus Trid. publicatum & re-
ceptum non est; quia Trid. sess. 24. c. 1. anathemate dam-
nat eos, qui clandestina matrimonia vera esse negant,
quamdiu Ecclesia ea irrita non facit.

Resp. 2. Hodie jure novo Trid. sess. 24. c. 1. de reform.
matrimonia clandestina ita sunt nulla & irrita, ut et-
iam sic contrahentes ab eodem Consilio inhabiles red-
diti sint ad sic contrahendum. Potuisse autem Conci-
lium irritare matrimonia clandestina, patet; quia id fa-
ctum, ut pericula animarum gravissima, aliaque incom-
moda vitarentur; neque Ecclesia hoc modo ex Sacra-
mento fecit non Sacramentum directe, sed tantum mu-
tavit aliquid sub Ecclesiæ directione relictum.

*Quæst. 6. Quinam afficiantur irritatione matrimonii clan-
destini ab Ecclesia facta?* Resp. 1. Non pagani & judæi;
ut patet. Resp. 2. Non illi fideles, in quorum Provin-
ciis nunquam Trid. est promulgatum Trid. sess. cit. c. 1.
in fin. quemadmodum quia ante annum 1564. Anglia,
Scotia, Hibernia, Svecia, Dania, Saxonia, Borussia,
Pomerania a Fide Catholica defecerunt, si quis vel do-
micilium habeat in tali loco, vel illuc bona fide abeat
a loco recepti Concilii, valide contrahet matrimonium.
cap. 1. de sponsal. secus si in fraudem abeat. Declar. Card.
approbata ab Urb. VIII. 14. Ap. 1627.

Resp. 3. Probabilius non A catholici moderni; sed
valebunt eorum matrimonium non observata forma Tri-
dentini contractum, licet fuerit ibi Decretum aliquan-
do promulgatum, illique vivant immixti Catholicis.
Ratio sumitur ex morali impossibilitate observationis
Trid. ex communi persuasione & praxi fidelium, ex l.
Barbarius 3. ff. de offic. Præb.

Resp. 4. Afficiuntur autem decreto Trid. Catholici omnes existentes in loco & Parochia promulgati, neculsi contrario abrogati Tridentini; etiam peregrini & vagi, qui si non aliis, legibus tamen contractuum tenentur *c. fin. de foro comp.* Tenentur, inquam, etiam si ignorent hoc decretum, ob verba, aliter non valiturum matrimonium, quam presente Parocho & testibus, etiam si urgeat necessitas privata, ob eandem rationem, cum actus absque forma sua substantiali nullus sit.

Quest. 5. Quis sit Parochus proprius valens assistere matrimonio? Resp. 1. Præter Parochum, Ordinarius, cujus præsentia cum testibus sufficiat, est imprimis S. Pontifex respectu omnium fidelium; Legatus Pape in Provincia legationis; Cardinales respectu subditorum Ecclesiæ sui tituli; Archi-Episcopus vel Episcopus respectu Diocesanorum suorum; Capitulum Sede vacante; Vicarius Generalis; Prælati jurisdictionem quasi Episcopalem habentes; Vicarius curam Parochialem exercens sive temporalis, sive perpetuus sit; it. etiam Cooperatores.

Resp. 2. Parochus proprius non tantum est respectu matrimonii contrahendi Parochus domicilii, sed & quasi domicilii arg. *c. fin. de Paroch.* modo sit ita proprius alterutrius, plus enim Trid. non requirit. Deinde vagorum proprius est Parochus is omnis & solus, in cujus Parochia transeunter morantur; ubi tamen notetur *cap. 7. Trid. sess. 24. de reform. matrim.* Ad vagos nonnulli reducant milites, quod verum est, nisi habeant Parochum Castrensem ab Ordinario cura animarum instructum. Pichler ait *b. nu. 22.* si milites sint in hybernis, ubi nanciscuntur quasi domicilium, eos esse censendos habere duplicem Parochum, adeoque non private sed cumulative, secluso privilegio vel consuetudine Castrensem assistere posse eorum matrimonio. Demum Parochus proprius respectu A catholicorum in ordine ad assistendum etiam licite eorum matrimonio est Parochus Catholicus, in cujus parochia degunt, cum id non sit illi prohibitum, neque ratione communicationis cum hæreticis post Conc. Constantiense; neque propter irreverentiam Sacramento illatam, quod A catholici indigne recipiunt; Parochus enim minister non est hujus Sacramenti.

Quest. 8.

Quæst. 8. Quæ qualitates in Parocho assistente matrimonio requirantur? Resp. 1. Assistit valide & licite matrimonio Parochus non Sacerdos; quia Trid. assistentiam Parochi tantum requirit, qui esse potest etiam non Sacerdos c. 14. de elect. in 6. 2. valide Parochus excommunicatus, suspensus, interdictus, irregularis, notorius percussor Clerici, etiam denunciatus; quia hæc omnia qualitates Parochi non auferunt, nec exercet actum jurisdictionis assistendo, cum & invitus valide assistat. 3. Valide assistit etiam putativus tantum l. 3. ff. de offic. Prætor. 4. Etiam extra fines parochiæ suæ valide matrimonio assistit Parochus, modo alteruter ejus parochianus sit; de loco enim Trid. non facit mentionem: imo & licite, modo id non faciat solenniter, itaque invollet in alienum officium publicum in re gravi. Ratio, quia talis assistentia nullibi est prohibita, estque minus aliquid, quam actus jurisdictionis voluntariæ.

Quæst. 9. Quid requiratur, ut alius loco Parochi valide assistat matrimonio? Resp. 1. Ut sit Sacerdos, sess. est. non refert, an sit curatus, nec ne; excommunicatus, &c. nec ne. 2. Ut sit instructus licentia vel ab Ordinario vel a Parocho, non quidem inscripto, sed etiam oretenus concessa vel generaliter, vel specialiter, vel per se, vel per alium obtenta. Ratio; quia & aliæ potestates ita committi solent. 3. Debet talis licentia esse actu concessa, præsumpta enim non sufficit; uti enim mandatum debet præcedere actum mandatarii vel procuratoris l. 25. §. 4. ff. de acq. hered. uti etiam requiritur licentia prius impertita absolvendi alienos subditos, c. 12. de pen. ita a pari. It. licentia mere præsumpta non est licentia, sed esset, si peteretur; ergo non sufficit. 4. Non requiritur, ut actu sit intimata licentia; modo sit concessa vel ad instantiam assistentis, vel eo volente aut confcio; quia hoc casu privilegium valet a tempore date, si tamen acceptatio & consensus accipientis adfuerit. Quid ratione testium exigatur, videatur Trident.

Q. 10. Quæ pene contrahentium clandestine simpliciter, id est, absque Parocho & testibus; & quæ pene contrahentium clandestine secundum quid, id est, absque denunciationibus? Resp. 1. Poena contrahentium culpabiliter absque Parocho & testibus, præter peccatum grave,

nullitatem matrimonii, prolium illegitimitatem, est arbitraria, gravis tamen ab Episcopo infligenda; alienos autem parochianos coniungens absque licentia, ipso iure suspensus est. Vide *Trid. sess. 24. c. 1. de ref. matrim.*

Resp. 2. Eodem modo poenae omittentium denuntiationes, praeter reatum culpa & poenae aeternae sunt; quod assistens tali matrimonio Parochus subiaceat triennali suspensioni, sententiae ferendae, *c. fin. b. t. 2.* Quod ita contrahentes matrimonium forte nullum non impetrent facile dispensationem, ipsorumque proles sint illegitimae. *Trid. sess. 24. c. 5. de reform. & cap. fin. b. t. §. si quis.*
 3. Quod Parochus, contrahentes, testes & alii cooperatores arbitrarie insuper a iudice Ecclesiastico sint puniendi.

T I T U L U S IV.

De Sponsa Duorum.

Quest. 1. De qua tractetur in presenti titulo? *Resp.* De impedimento *ligaminis*, quod est vinculum, quo conjux conjugii sic alligatur, ut durante matrimonio & vivente conjuge aliud matrimonium contrahi nequeat. Dum vir unus simul & semel habet duas vel plures uxores, dicitur *polygamia*; dum una femina simul & semel habet duos vel plures viros, *polyviria* nominatur.

Q. 2. Quid requiratur ad inducendum impedimentum ligaminis? *Resp. 1.* Ut praecesserit matrimonium ratum saltem *c. fin. b. t.* ex sponsalibus enim de futuro consurgit tantum impedimentum impediens. 2. Ut prius matrimonium vero consensu & non ficto contractum fuerit; ficto enim initum in foro conscientiae non inducit impedimentum ligaminis, cum iterum in hoc foro rei veritate. 3. Ut matrimonium etiamquam perseveret, si enim consummatum morte alterutrius, ratum vel Professione, vel dispensatione solutum sit, & per se loquendo non obstat valori alterius matrimonii.

Q. 3. Quis sit effectus impedimenti ligaminis? *Resp.* Effectus *primarius* est, ut impediatur matrimonium contrahendum & si nihilominus contrahatur, dirimat, sic ut qui cum duabus de presenti contraxit, ei adherere

de

debet, quacum prius contraxit, etiamsi matrimonium cum prima ratum tantum sit c. 2. 3. 4. *Et fin. b. t.* Effectus secundarius est pœna attentantium secundas nuptias durante priori matrimonio; de iure Civ. pœna infamiae L. 2. C. de incest. nup. Si matrimonium secundum fuerit consummatum, in Germania pœna gladii. O. din. crim. Caroli V. art. 121. Olim de iure Canonico imponebatur pœnitentia publica per 7. annos cum jejuniis per 40. dies in pane & aqua, quod *carenam* vocant. c. 2. b. t. hodie est tali pro arbitrio prudentis confessarii pœnitentia imponenda. Deinde secunda etiam post mortem sui legitimi conjugis ducere non potest, si sciverit, illam esse uxorem alterius, eamque cognoverit vivente adhuc priore viro, quod est *impedimentum criminis* adhuc hodieum perseverans, ut dicitur tit. 7.

Quæst. 4. Polygamia quò jure sit prohibita? Resp. 1. Jure positivo humano vetitam esse, patet c. 2. 3. 4. *fin. b. t.* L. 1. ff. de his qui notant. infam. L. 2. C. de incest. nup. de Jure divino habetur clare Matth. 19. Ephes. 5. idque testatur Trid. sess. 24. de Sacram. matr. can. 2. Jure etiam naturali prohibitam esse, suadet natura matrimonii, cujus fini secundario saltem repugnat: suadet natura justitiæ commutativæ &c. De polyviria multo magis procedunt, quæ dicta sunt de polygamia; pluralitas enim virorum respectu unius foeminae non fini tantum secundario matrimonii, sed etiam primario, generationi scilicet & educationi prolis repugnat; neque DEUS unquam legitur dispensasse in polyviria.

Quæst. 5. An DEUS dispensaverit in polygamia, & potuerit dispensare, & quando dispensatio cessaverit? Resp. 1. Dispensavit DEUS cum populo Israelitico, ut supponitur Deut. 31. & colligitur ab exemplo sanctissimorum Patriarcharum, qui sane plures non duxissent uxores, si contra legem divinam fuisset. Exemplum horum gentiles tum temporis sunt secuti, extensa ad se dispensatione divina, idque licite secundum D. August. relat. in can. 7. caus. 32. q. 4.

Resp. 2. Potuit dispensare DEUS, quia, dum pene ipsum est dominium corporum nostrorum, potuit usum illorum hoc vel illo modo concedere, sine præstetim honesto ad id movente, adeoque polygamia non est

vetita jure naturali *absoluto*, uti blasphemia, perjurium, mendacium, quæ ex proprio objecto suo intrinsece mala sunt, sed tantum *conditionato*, uti furtum, occisio innocentis, bonorum alienorum direptio. Sanch. Laym. Castrop. volunt, DEUM in ipsa etiam polyviria dispensare posse.

Resp. 3. Cessavit dispensatio lege Evangelica, ut constat ex illo *Matt. 5. 31. 19.* ubi Christus matrimonium reduxit ad primam sui institutionem. Hinc infideles ad fidem conversi primam tantum uxorem retinere possunt, aliis dimissis. Nulla item consuetudine licita fieri potest poligamia, quia consuetudo juri divino & naturali derogare non potest.

T I T U L U S V.

De Conditionibus apposis in dispensatione, aliisque contractibus.

Quest. 1. Quid sit conditio, *modus, causa, demonstratio*? Resp. 1. *Conditio* est qualitas actui vel contractui adjecta in dubium eventum futurum, suspendens obligationem illius aut resolvens. Explicatur communiter per particulam, *si*. *Conditio* de præterito vel præsentis non propria talis, nec facit contractum conditionatum. *Conditiones* aliæ sunt *generales*, quæ omni contractui insunt, ut: *si vixerimus*: aliæ *speciales*, exque vel *intrinsecæ* contractui, v.g. *Si mihi non es sanguine juncta, duco te*: aliæ *extrinsecæ*: *duco te, si es dives*. Aliæ *possibiles*, aliæ *impossibiles*, vel *naturaliter*, vel *civiliter*: aliæ *suspensivæ*, aliæ *resolutorie*: aliæ sunt *honestæ*, aliæ *indifferentes*, aliæ *turpes*, & inter has aliæ contra substantiam matrimonii, si vel bono *fidei*, vel bono *prolis*, vel bono *Sacramenti* repugnent.

Resp. 2. *Modus* est onus, gravamen, vel moderamen actui adjectum; solet efferri per *Ly ut*; *contrabo tecum*, ut *mecum mercimonia exerceas*. *Modus* actum non suspendit.

Resp. 3. *Causa* est id, ob quod tanquam præsens vel præteritum aliquid fit; exprimitur per *Ly quia* v.g. *duco*

te, quia nobilis es. Nec causa suspendit actum, vitiat re potest, si sit finalis, & non subsistat.

Resp. 4. *Demonstratio* est appositio signi exprimens qualitatem demonstrativam rei, & denotatur per relativum, qui, quæ, quod, v. g. *duco te, quæ es filia Caji.* Nec hæc suspendit actum, nec regulariter vitiat; licet demonstratio sit falsa, nisi habeat rationem conditionis.

Q. 2. *An apponi possit sponsalibus aut matrimonio conditio honesta de præterito, præsentē, futuro?* Resp. Aff. sequuntur enim sponsalia & matrimonium naturam aliorum contractuum: etiam apponitur licite, quia id nulli prohibetur; ut tamen matrimonium contrahatur sub conditione de futuro, consultum non est ob plurima incommoda, ut Gobat ait *Trid. 9. num. 138.* Sponsalibus etiam potest adjici conditio *resolutoria*, cum hæc mutuo consensu dissolvi possint; non tamen matrimonio talis conditio *ex partium arbitrio* apponi potest, cum repugnet indissolubilitati ejusdem, adeoque vitiet.

Q. 3. *An conditio de præterito vel præsentē suspendat aut vitiet matrimonium?* v. g. *duco te, si es virgo; si Pater tuus est mortuus.* Resp. Negative sed actu contrahitur vel non contrahitur obligatio pro ratione conditionis præsentis vel præteritæ. §. 1. *Inst. de V. O.* etiam si contrahentes ignorent existentiam conditionis, quia non alligarunt consensum suum notitiæ, sed tantum existentiae conditionis.

Q. 4. *An conditio de futuro necessaria, v. g. si cras sol orietur, vel contingens quidem, sed necessario existens, v. g. si Anti-Christus existet, suspendat sponsalia vel matrimonium aut saltem vitiet?* Resp. Regulariter neutra suspendit aut vitiat, sed purus est contractus vel sponsalicius vel matrimonialis; quia cum talis conditio jam sit determinata in causa, pro præsentē & existente habetur.

Q. 5. *An conditio de futuro honesta sponsalibus vel matrimonio appositā eorum valorem suspendat?* Resp. Aff. ut ante ejus eventum non nascatur obligatio sponsalitia, vel impedimentum publicæ honestatis. *cap. 3. 5. fin. b. tit.* Probabilius tale matrimonium adveniente conditione subsistit sine novo consensu, ex paritate cum aliis contractibus, qui posita conditione fiunt absolutes

L. 11. ff. qui potior. in pignor. de sponsalibus videtur esse certum ex c. un. de sponsal. in 6.

Q. 6. Quando conficiatur Sacramentum a contrahentibus conditionate? Resp. Quando impletur conditio; quia tum habetur consensus perfectus & absolutus ad Sacramentum requisitus; necesse tamen non est, ut Parochus & testes adsint impletioni conditionis; quia Trident. horum tantum præsentiam requirit, dum contrahitur matrimonium, quod non fit tempore purificatæ conditionis.

Q. 7. An obftet matrimonii valori adjecta illi conditio impossibilis? Resp. Sive conditio impossibilis de futuro, sive de præsentī, sive de præterito; sive impossibilis ex natura rei vel de facto adjiciatur, qualis esset, si quis pauperi dicat, *si mille mihi dederis in dotem*, non vitiabit contractum, sed habebitur matrimonium pro pure contracto. *cap. fin. v. licet b. t.* Sed tamen præsumptive solum, quæ simul præsumptio non est *juris & de jure.*

Q. 8. Qualiter subsistat matrimonium contractum sub conditione turpi? Resp. 1. Si substantiæ matrimonii non repugnet, v. g. *duco te, si mecum fueris*, habetur pro non adjecta, & matrimonium statim ut pure contractum valebit. *c. fin. b. t.* Illa conditio, *si te virginem invenero*, semper rejicienda est, quia id nunquam intelligi potest de concubitu legitimo.

Resp. 2. Si repugnet conditio adjecta substantiæ matrimonii, v. g. *duco te, si corpus tuum prostituieris*, vitiatur & est nullum matrimonium. *cit. c. fin. b. t.* quæ responsio non tantum intelligitur de conditionibus turpibus, sed & honestis, substantiæ matrimonii contrariis.

Q. 9. An sicut in matrimonio, sic etiam in sponsalibus de futuro conditiones turpes & impossibiles habeantur pro non adjectis, adeoque censeantur sponsalia absolute contracta? Resp. Neg. quia textus tantum de matrimonio loquitur *in c. fin. b. t.* nec eadem pro sponsalibus ac matrimonio ratio militat: demum dispositio *c. fin. cit.* est correctiva juris communis, stricte autem correctio est accipienda. *L. 32. in fin. C. de appell.* unde intertur, si quis dicat, *promitto tibi matrimonium, si me in tali scelere juveris*, talem non obligari, nisi ope in petito scelere præstita.

Quæst. 10. Quid dicendum, si matrimonium contrahatur

pur sub modo, causa, demonstratione? Resp. 1. Matrimonium sub modo contractum statim valet, sic enim differt modus a conditione, quod hic non suspendat actum, sed illa. Modus impossibilis & turpis habetur pro non adjecto; si tamen sit contra substantiam matrimonii, v. gr. *contraho tecum, ut sterilitatem procures*, matrimonium est nullum *c. fin. cit. h.*

Resp. 2. Causa vel demonstratio, siue sit honesta, siue turpis, vel etiam contraria substantiæ matrimonii, siue vera, siue falsa, per se nunquam suspendit matrimonium, sed habetur pro non adjecta, v. g. *Cajus contrahit cum Sempronia, quia est nobilis, quia sterilis*; matrimonium tenet; quia causa nobilitatis, sterilitatis, &c. spectat ad qualitatem solum accidentalem contractus; hinc excipitur, si causa sit finalis & simul falsa; si consistat in errore circa substantiam personæ, vel causa sit per modum conditionis apposita, tunc enim censetur existentia ipsius causæ alligatus esse consensus.

T I T U L U S VI.

Qui Clerici vel voventes matrimonium contrahere possunt.

Quest. 1. Clerici qui & sub quibus pœnis prohibeantur contrahere matrimonium? Resp. 1. Clerici in minoribus constituti valide & licite ineunt matrimonium, ut habet communis; si tamen beneficiati sunt, beneficium ipso facto amittunt. *c. 3. de Cler. conjug. pro*, non contra nos facit. 2. Clerici in Sacri constituti prohibentur contrahere matrimonium vi tantum præcepti Ecclesiastici, non divini, quale non extat. 3. Obligatio se continendi oritur immediate ex voto SS. Ordinibus annexo, quia hoc Clerici in majoribus in sua ordinatione vel expresse vel tacite emittunt, *can. 1. dist. 28.* 4. Si ordinibus sacris insigniti attentant matrimonium, præterquam quod illud invalidum sit, excommunicationem insuper & irregularitatem ipso facto incurrunt *c. 2. h. t. Clement. 4. de consang. & aff. a* quibus tamen pœnis resipiscentes potest Episcopus absolvere.

Quest. 2.

Quest. 2. An vota simplicia dirimant vel impediant tantum matrimonium contrahendum? Resp. 1. Vota simplicia castitatis, ingrediendi Religionem, suscipiendi SS. Ordines, non nubendi, ex natura impediunt tantum matrimonium contrahendum, idest, illicitum reddunt, non invalidum *c. un. de vot. in 6.* Votum tamen simplex *Castitatis* perpetuæ cum duobus aliis verum constituens Religiosum, matrimonium contrahendum dirimit. *Bulla Gregor. XIII. Ascendente Domino.* Non vero contrahendum, etiam ratum tantum. Quia nec ex natura sua, nec ex jure communi positivo hanc vim habet, quod tantum meminit *Professionis Religiosæ*, valentis matrimonium fatum dissolvere; *Bulla Ascendente* autem loquitur tantum de matrimonio contrahendo. 2. Votum simplex *castitatis* usum etiam matrimonii reddit illicitum, ita ut vovens non possit petere debitum, quia quoad hanc partem servari potest. *c. 3. & 12. de convers. conjug.* reddere tenetur *c. 11. eod. tit.* 3. Votum *Religionis*, *Sacri Ordinis*, vel *non nubendi* usum matrimonii consummati non facit illicitum, sed solum facit, ut novum matrimonium, priore per mortem dissoluto, illicitè contrahatur. Ratio, quia his casibus materia voti reddita est impossibilis.

Q. 3. An votum simplex Castitatis, Religionis, vel SS. Ordinum dirimat sponsalia? Resp. 1. Sponsalia contrahenda post votum facit irrita. Ratio; obligarent enim sponsalia ad fidem DEO violandam, si post votum valerent. Resp. 2. Non fiunt irrita sponsalia antecedentia ex parte illius, qui contractis sponsalibus votum v.g. castitatis vovit. Habetur tum in *c. 5. b. t.* tum ex ratione, quod DEUS non acceptet votum rei jam alteri per sponsalia promissa. Qui tamen ingressum in Religionem vovit post sponsalia, hæc tenetur dissolvere ingrediendo Religionem. Ratio; quia cum sponsalibus & matrimonio insit conditio, *nisi statum religiosum elegero*, obligatio esse non potest ad matrimonium, sed ad votum implendum. *c. 2. & 7. de convers. conjug.*

Quest. 4. An votum solemne castitatis, nimirum emissum vel in Professione vel susceptione SS. Ordinum (præter hæc non dantur vota solemnia, c. un. de vot. in 6.) dirimat matrimonium, & qualiter? Resp. 1. Votum solemne

Iemne emissum in Religione approbata dirimit matrimonium contractum ratum. *c. 2. 7. 14. de conv. conjug. Trid. can. 6. Sess. 24. de Reform. matr.* Non tamen hanc vim habet votum solemne castitatis emissum in susceptione SS. Ordinum, cum enim jure tantum Ecclesiastico positivo, non naturæ a voto matrimonium dirimatur, Ecclesia potius vim illam voto solemnī in Religione, quam susceptione SS. Ordinum emisso voluit attribuire; eo quod, ut Laym. ait, per Professionem censeatur fieri perfectissima sui ipsius traditio, cujusmodi non reperitur in susceptione Ordinum. *Resp. 2.* Votum solemne castitatis tam in Religione emissum, quam Ordini S. annexum dirimit matrimonium contrahendum. *Trid. sess. 24. ca. 9. de refor. matr. c. un. de vot. in 6.*

Quest. 5. An votum Solemne Professionis stare possit cum matrimonio, ejusque usu? *Resp. Neg.* ex *c. 6. de stat. monach.* ubi ita: *abdicatio proprietatis, sicut & custodia castitatis adeo est annexa regulæ monachali, ut contra eam nec summus Pontifex possit licentiam indulgere, scilicet taliter a Papa dispensatus verus manet Religiosus.*

T I T U L U S VII.

De eo, qui duxit in matrimonium, quam polluit per adulterium.

Q*uest. 1. Quotuplex crimen sit, ex quo oritur impedimentum dirimens matrimonium?* *Resp.* Hic non nisi de duobus sermo est, *adulterii scil. & homicidii*, in quorum penam Ecclesia reddit reos inhabiles ad contrahendum matrimonium, non cum omni quidem persona, sed cum ea, quacum peccatum est.

Quest. 2. Quid requiratur, ut adulterium sit crimen dirimens? *Resp.* Solum adulterium a Mazio cum Sempronia stante legitimo matrimonio commissum non obest, quo minus Sempronia a Mazio valide duci possit post mortem uxoris suæ. *cap. 6. h. t.* Nec sola promissio matrimonii post mortem legitimæ conjugis; nec sola attentatio matrimonii absque adulterio. *c. fin. h. t.* Ratio, quia licet & sola promissio & attentatio sola matrimo-

nii inducere votum possit captandæ mortis, debent tamen impedimenta hæc matrimonii ad literam potius *cap. hujus tit.* restringi, quam ampliari. Requiritur itaque, ut præter adulterium, vel matrimonium post mortem conjugis cum complice ineundum promittatur, vel superstiti conjugæ de facto attentetur. *Deinde*, ut sit adulterium formale ex utraque parte *cap. 1. h. t. Tum*, ut promissio sit vera, & ab altera parte acceptata, non acceptata enim nuda est pollicitatio, *L. 10. ff. de donat. Demum*, ut promissio sit pura & in nullum eventum suspensa. *Pirb. b. 1. n. 15.*

Quæst. 3. An requiratur, ut promissio facta sit & adulterium commissum eodem matrimonio legitimo durante? Resp. Aff. Ita ut si promissio facta sit Semproniz a Titio tempore legitimi matrimonii Titii cum Caja, adulterium vero commissum a Titio cum Semproniam tempore posterioris legitimi matrimonii Titii cum Bertha, possit adhuc adulter, mortua secunda uxore, ducere adulteram, quia per secundum matrimonium legitimum adulter recessit a fide adulteræ data; spes etiam per secundum matrimonium extincta est, ineundi cum adultero matrimonium. Impedimentum tamen criminis semel contractum perpetuum est, quia nullo jure probatur cessare illud circa dispensationem *c. 5. h. t.*

Quæst. 4. Quibus casibus oriatur ex homicidio impedimentum criminis dirimens matrimonium? Resp. Duo sunt casus: *Primus est*, si duo committunt adulterium, eoque perpetrato ipsorum alter animo matrimonii cum altero ineundi occidit vel proprium conjugem vel conjugem sui in adulterio complicitis, commissum est impedimentum criminis, ut hos inter matrimonium non possit consistere. *c. si quis vivente 5. caus. 31. q. 1. c. 1. 3. 6. h. t. Secundus est*, si quidem adulterium non intervenit, intervenit tamen occisio conjugis facta ab ipsis communi utriusque consensu, vel eorum consilio aut jussu; eo animo, ut possint conjugæ sublato NB. inter se nuptias contrahere. *c. 1. de convers. infidel.* Nota, juxta plerosque requiri occisionem factam, & non tantum attentatam, sive puram machinationem, cum LL. maximè penales, de crimine consummato sint intelligendæ, & verba cum effectu accipiendæ. *c. 4. de Cler. non resid. Aque autem in-*

curritur, siue uxoricidium, siue viricidium commissum sit *c. si quis vivente. cit. c. 1. de convers. infid.* Item tamen si occisor infidelis sit, modo adultera sit fidelis, cum Ecclesia, licet punire infideles non possit, possit tamen punire fideles, eos inhabilitando ad matrimonium, si delicto ab infideli commissio cooperati sunt.

Quest. 5. An ab ignorantibus tali crimini annexum esse impedimentum dirimens, illud incurratur? Resp. Probabile est, quod non. Ratio; quia penæ præsertim per Leges Ecclesiasticas impositæ non incuruntur ab ignorantibus eas annexas delicto; ut patet in ignorante censuram annexam delicto; esse autem Legem hanc penalem probatur ex ipsa Legis penalis definitione. Deinde ignorantia facti excusat ab impedimento criminis, cum mulier peccans cum viro sub promissione matrimonii, quem ignorat esse conjugatum, illud non incurrat, ergo ob paritatem rationis etiam ignorantia juris excusabit.

T I T U L U S VIII

De Conjugio Leproforum.

Quest. 1. An Lepra, (vel alius morbus contagiosus, ut pestis, tabes venerea, phthisis) dissolvat sponsalia de futuro contracta? Resp. Si sit lepra superveniens sponsalibus, dissolvit *c. fin. h. t.* non quidem ipso iure, sed ubi sanus velit ea dissolvi; si præcessit sponsalia, sed fuit ignorata, eodem modo dissolvit; quia verisimile non est, quod quis leprosa matrimonium promittere cogitaverit; habendaque hæc est pro notabili mutatione.

Quest. 2. An per Lepram supervenientem vel præcedentem ignoratam dissolvatur matrimonium quoad vinculum? Neg. siue matrimonium sit jam consummatum, utpote cujus vinculum est indissolubile *Matth. 19. v. 9.* siue sit ratum tantum, quia vis ipso iure dirimendi matrimonium ratum, soli Professioni Religiosæ competit *c. 7. & 7. de convers. conjug.* Possit tamen matrimonium ratum tantum dispensative a S. Pontifice solvi, esseque hanc causam sufficientem & iustam, dispensationis obtinendæ, tenet cum aliis Sanchez,

Quest. 3.

Quæst. 3. An sanus conjugii leproso tentatur reddere debitum? Resp. 1. Si judicio Medicorum lepra non sit maligna, nec contagiosa, conjux sanus tenetur tam ad cohabitandum, quam reddendum debitum. *cap. 1. & 2. b. t.* Secus est, si probabile infectionis periculum immineret, hoc enim casu ordinata charitas individui proprii incolumitatem præferre docet. *Vvictn. b. t. n. 6.* ait, illum difficilius a cohabitatione & redditione debiti absolvi, qui sciens cum infecta matrimonium contraxit, eo quod sibi periculum infectionis debeat imputare. Item quod facilius absolvatur a redditione debiti, quam ab omnimoda cohabitatione, cum ex cohabitatione sola tantum periculi incurri non soleat, quantum ex commercio carnali.

T I T U L U S IX.

De Conjugio Seroorum.

Quæst. 1. An subsistat matrimonia cum servis inita?
 Resp. 1. Matrimonium cum servo improprie dicto, v. g. cum adscriptitio, originario, homine proprio, etiam cum ignorantia hujus qualitatibus, contractum valet, modo nullum aliud impedimentum intercedat. Ratio; quia tale matrimonium nullibi reperitur irritatum, & tales homines vere sunt liberi. *L. 13. C. de agric. & censit. Lib. XI.* 2. Valet etiam matrimonium servi proprie dicti, contractum cum paris conditionis persona, licet dominus sit invitus. Ratio *primi*, quia Ecclesia in ordine ad matrimonium considerat homines secundum naturam suam, secundum quam omnes sunt æqualiter liberi. Ratio *secundi* est tum decisio *c. 1. b. t.* tum quia matrimonium jure naturali & divino concessum est hominibus in propagationem generis humani, & remedium concupiscentiæ, quod jus Domini servis auferre non possunt. Ex qua ratione sequitur matrimonium tale non validum tantum, sed & licitum esse.

Quæst. 2. An validum sit matrimonium, quod liber seu ingenuus contrahit cum persona conditionis servilis vel cum serva proprie dicta? Resp. 1. Si liber ignorans conditionem alterius servilem contraxerit, matrimonium est nullum

lum c. 2. *¶ fin. h. t.* non quidem jure naturæ, sed jure tantum positivo Ecclesiastico; adeoque ad impedimentum *dirimens conditionis* requiritur, ut una tantum pars sit conditionis servilis, & ut pars libera id ignoret, neque postea ratificet matrimonium; nam Resp. 2. Si liber sciat conditionem alterius servilem, & tamen contraxerit, subsistet matrimonium; imputet enim sibi, quod statum matrimoniale sibi reddiderit graviolem: quod subsistat, habetur *can. 4. & 5. caus. 29. q. 2. cap. 2. ¶ fin. cit. h. t.*

Resp. 3. Subsistit matrimonium, quod contraxit liber cum libera, quam servam; servus cum libera, quam servam: quod servus cum serva, quam liberam existimavit. Ratio; quia Ecclesia matrimonium inter personam liberam & servilem eo solum casu irritavit, quo ignoratur status contrahentis conditionem reddens deteriolem.

Q. 3. *An Dominus indirecè saltem possit impedire matrimonium servi, v. g. cum vendendo in partes remotas, dum tractat servus de matrimonio?* Resp. Ante sponsalia potest, quia Dominus utitur jure suo; non vero potest servum in partes longinquas vendere contractis jam sponsalibus accedente Domini voluntate & licentia, cum tunc censendus sit tacite promississe, se non impediturum matrimonium, quando commodè fieri possit. Imo etiamsi sponsalia a servo sine licentia Domini sint contracta, Castropalao ait, Dominum ex charitate obligari, ne venditione in terras longinquas impediatur matrimonium, quia præsumeretur id animo iniquo facere.

Q. 4. *Quando servus consequatur libertatem ex matrimonio permissu Domini inito?* Resp. 1. Si Dominus servum proprium vel servam in matrimonium tradat personæ liberæ, ignoræ hujus servitutis, nec eam detegat, vel sciens eos contrahere cum ignorantia, studio taceat, eo ipso servus vel serva libertatem consequitur favore matrimonii, idque absque omni sententia judicis, *Auth. Ad hoc Cod. de Lat. libert.*

Resp. 2. Ancilla libertatem consequitur, si Dominus tradat eam nuptui, conficiens dotale instrumentum, homini libero, etiam scienti servitutem. *arg. L. un. Cod. de Latin. libert. toll.*

Resp. 3. Contracto matrimonio, consentiente etiam

P. Adami Huth.

li

Do-

Domino, a servo cum serva, vel a servo cum libera, Domino non consentiente, non eximuntur a potestate Domini & servitiis ei debitis, Deciditur clare in *c. l. b. t.* quia servus se obligare non potest ad usum matrimonii, nisi in quantum Domino non præjudicat.

T I T U L U S X.

De natis ex libero ventre.

Quest. 1. In quibus casibus partus sequatur ventrem? Resp. 1. Quoad statum libertatis & servitutis liberi non Patris, sed Matris conditionem sequuntur, quantum est *de jure communi*, adeoque si mater est libera, licet pater servus fuerit, liberi erunt filii, & contra. *L. 7. C. de R. V. c. un. b. t.*

Resp. 2. Filii quoad familiam, nobilitatem, dignitatem sequuntur conditionem patris, non matris. *L. 19. ff. de stat. hom.* Ratio; quod proles recipiat esse a patre tanquam a causa principali & nobiliori, merito quoad ea, quæ ad esse & familiam pertinent, sequitur patrem. Hæc tamen regula, quod proles nata a patre nobili nobilis sit, licet mater fuerit ignobilis, multum temperatur per statuta particularia locorum & provinciarum, dum in plerisque Ecclesiis Cathedralibus ad Canonicatus, in Aulis Principum ad solemnes ludos equestres non admittuntur, qui nobilitatem suam ex linea utraque docere non possunt.

Q. 2. Quid requiratur, ut proles sequatur conditionem maternæ servitutis? Resp. Ut mater & tempore conceptionis, & intermedio, & nativitatis fuerit serva; si enim uno ex his, etiam brevissimo, fuerit libera, v. g. prægnationis, etiamsi tempore partus sit serva, proles nata libera erit, quantum est *vi natalium*. *pr. Insti. de ingenuis, L. 5. §. 2. ff. de stat. hom.* Triplex tamen ab hac regula exceptio statuitur, 1. in *L. fin. C. de serv. fugiti.* dum ex privata ancilla (licet libera) servus publicis operibus deputatus prolem suscipit, hæc una cum matre fit serva ob delictum patris. Deinde si pater liberatur ob ingratitudinem revocatur in servitutem, quo casu & filii post commissam ingratitudinem nati servi sunt,

fiunt, etsi nati ex matre libera. *Ex 2. §. filius. C. de libert. & eorum liberis.* Demum casu quo mater gerens uterum iusto bello capta & in servitutem redacta parit, proles quoque serva fit, non quidem vi natalium, sed quia occasione iusti belli beneficium a parentibus accepit, ne una cum matre interimeretur.

T I T U L U S XI.

De cognatione spirituali.

Quest. 1. *Quid sit cognatio spiritualis?* Resp. Propinquitas personarum, jure Ecclesiastico sic statuentes, orta ex collatione & susceptione Baptismi & Confirmationis, ac dirimens matrimonium inter certas personas. Dicitur 1. *propinquitas*, quod est genus, in quo convenit cum cognatione carnali. 2. *Jure Ecclesiastico sic statuyente*, ex hoc enim solo dicta propinquitas oritur, occasione sumpta a cognatione carnali, cum enim Baptismus assimiletur natiuitati corporali hominis in utero, Confirmatio natiuitati ex utero; cum baptizans etiam & confirmans, item patrini intelligantur esse parentes spirituales, statuit Ecclesia ob reverentiam erga se ortam ex tali vinculo, ut hac cognatio non minus ac carnalis esset impedimentum dirimens. 3. *Ex collatione & susceptione Baptismi & Confirmationis*, ex nullis enim aliis dicta propinquitas oritur, quia reliqua Sacramenta non conferunt gratiam per modum regenerationis spiritualis.

Q. 2. Quas personas afficiat cognatio spiritualis? Resp. Jure novo Trid. sess. 24. de reform. matr. c. 2. sublata juris antiqui confusione, oritur cognatio spiritualis, adeoque & matrimonium tantum dirimitur inter patrimum & baptizatum ipsum, & inter baptizati patrem & matrem; item inter baptizantem vel confirmantem, & baptizatum vel confirmatum, & baptizati vel confirmati patrem & matrem. Hinc duo patrini inter se non contrahunt hanc cognationem, nec baptizans vel confirmans respectu patrinorum, neque baptizatus vel ejus pater cum uxore baptizantis vel levantis, nisi & ipsa matrina fuerit.

Q. 3. Ex quo Baptismo, solemnī, an privato, oriatur cognatio spiritalis? Resp. 1. Baptizans sive solemniter sive privatim baptizet, semper contrahit cognationem spiritualement cum baptizato, ejusque patre & matre, cum Baptismus solemnīs & privatus in se & formaliter non differant, sed tantum quoad caeremonias.

Resp. 2. Levans infantem in privato etiam Baptismo, si faciat animo munus patrini obeundi, contrahit cognationem spiritualement; quia jura generaliter loquuntur, nec distinguunt inter baptismum solemnem & privatum; & quia in privato baptismo aequale locum habet, quod assistentia patrini sit officium aliquod ad representandam & perficiendam spiritualement generationem ab Ecclesia ordinatum.

Q. 4. Quid si sponsus de futuro baptizet vel levet sponsae suae prolem, an contrahat cognationem spiritualement, & quid si parens sobolem suam baptizet? Resp. 1. Sponsus baptizans etiam in casu necessitatis prolem sponsae, contrahit impedimentum solvens sponsalia & dirimens matrimonium contrahendum. *Trid. l. cit.* Idem est, si levet prolem sponsae suae. Layman cum aliis ait, non incurri illud impedimentum, si inscienter & nesciens esse prolem sponsae suae levet; non tamen satis consequenter, si enim baptizans prolem sponsae suae juxta Laym. etsi nesciat prolem ejus esse, cognationem contrahat, quia vere baptizat, intentionem habens hominem praesentem baptizandi; cur non ex paritate rationis levans fiat verus pater & cognationem contrahat, cum & is habeat intentionem, praesentem levandi.

Resp. 2. Patens baptizans in necessitate prolem propriam vel levans, non contrahit cum sua uxore ita cognationem spiritualement, ut privetur jure petendi debitum conjugale, vel ab eo dando liberetur. *can. 7. caus. 30. qu. 1.* quia talis laudabiliter agit, illudque est inculpabile judicandum, ad quod necessitas impulit, idem est, si extra necessitatem, laborans tamen probabili ignorantia juris aut facti, id faciat; quia quatenus excusatur a culpa, eatenus poena vacat, qualis est cognatio contracta, praesertim si privet jure jam quæsito, petendi debitum. Imo multi probabiliter asserunt, quod parens, etiam extra casum necessitatis baptizans vel

vel levans sobolem propriam, sive scienter, sive ignoranter, ne tum quidem privetur jure petendi debitum, aut ab obligatione illud reddendi liberetur: probant ex cap. 2. h. t. ibi: *nobis videtur*, ait Pontifex, *sive ex ignorantia, sive ex malitia id fecerint* (vir & mulier) *non sint ab invicem separandi, nec alter alteri debitum debet subtrahere*. Deinde privatio juris petendi debiti absque textu claro, qualis non affertur, astrui non debet: ergo.

Q. 5. *Quinam patrini esse possint?* Resp. Omnes Catholici, si intentionem habeant, munus patrini obeundi, & rationis usu præditi sint, *regulariter* valide & licite patrilinos agere possunt, neque certa ætas requiritur, neque, ut habet communis, necesse est, ut levans ætate excedat levatum: in Confirmatione patrinus debet esse confirmatus. Nota tamen Ly *regulariter*, licet enim absque causa *Religiosi ac Monachi* in patrilinorum officium se ingerentes contrahant cognationem, valide tantum & non licite id muneris administrabunt. Vide *can. placuit 8. caus. 15. q. 1. c. 103. dist. 4. de Consecr.* Neque *Hæretici* licite, quamvis valide, adhibentur pro patrilinis in baptismo, tum quia aut nolunt, aut non possunt officio suo satisfacere; tum quia indecens est ad hanc sacram cæremoniam admittere Hæreticum; dantur tamen casus, ubi Acatholicus etiam licite in patrimum Catholici admittitur: facilius permittitur, ut Catholici patrimum in baptismo Acatholici agat. *Gob. tr. 2. n. 565.*

Q. 6. *An gentiles, Judæi, Turcæ patrini esse possint, & cognationem spiritualem contrahant?* Resp. Neg. Sed si ve levat, si ve baptizat gentilis ejusmodi, licet sit Cathechumenus, incapax est cognationis spiritualis. Ratio, quia Ecclesiæ, ejusque legibus, vi quarum hoc impedimentum introductum, subjectus non est. *can. 102. dist. 4. de Consecr.* dicitur, *in Baptismate vel Crismate* (Confirmatione) *non potest alium suscipere in filiolum, qui non est ipse baptizatus vel confirmatus.*

Q. 7. *An dum plures sunt patrini, omnes pariter contrahant cognationem spiritualem?* Resp. Si plures, quam unus & una, sint designati ab iis ad quos id pertinet, contrahunt singuli cognationem & impedimentum. *cap. fin. h. t. in 6.* a quo jure antiquo recedendum non est,

dum aliud non statuitur jure novo. It. quamvis Trid. vetuerit plures designari, quam unum & unam in baptismo, factum tamen plurium non irritavit. 2. Qui ultra designatos tangunt vel levant baptizatum, non contrahunt cognationem, quod expresse habetur in Trident. sess. 24. c. 2. de re-form. matrim. 3. Si nullus est designatus, probabile est, quod omnes levantes contrahant cognationem; nisi constet, quis primus tetigerit, qui tum solus contrahit. Ratio, quia c. fin. b. t. in 6. a Trid. correctum tantum videtur pro casu, quo patrini & matrinæ designatio aliqua est facta.

Q. 8. Dum quis per Procuratorem aliquem suscipit ex Baptismo vel Confirmatione, quis eorum contrahat cognationem? Resp. 1. Non procurator, quia requiritur, ut quis suo non alieno nomine levet infantem, ut habet Barb. cum pluribus. Tum quia talis caret animo, se constituendi in patrinum; qui tamen animus ad verum patrinum requiritur.

Resp. 2. Ipse principalis est verus patrinus & contrahit cognationem. Ratio; quia potest quilibet per Procuratorem prestare, quæ per seipsum potest, si alias prohibitus non sit, c. 72. de reg. jur. in 6. Confirmatur ab exemplo matrimonii, & a praxi Magnatum, quam consuetudinem sane non permetteret Ecclesia, si tales per Procuratorem patrini esse non possent, permetteret enim Baptismum solemnem celebrare absque patrino.

T I T U L U S XII.

De Cognatione Legali.

Q. uest. 1. Quid sit & quotuplex adoptio, ex qua oritur cognatio legalis? Resp. 1. Adoptio in genere definitur, quod sit personæ extraneæ in filium vel nepotem legitima susceptio. Per personam extraneam intelligitur, quæ non est in potestate adoptantis, siue sit ex descendens ejus, siue alias consanguinea, nec ne; per *Ly legitima*, quod debeat servari forma a LL. Civ. statuta §. 3. 4. 9. 10. Inst. L. 2. 24. 26. ff. L. 1. & fin. C. de Adoption. approbata a SS. Canonibus can. 1. & 5. caus. 30. q. 3. c. un. b. t.

Resp. 2.

Resp. 2. Adoptio est duplex: *perfecta*, quæ & *arrogatio* dicitur, est, qua persona extranea, quæ sui juris est, rescripto Principis transit in potestatem & familiam adoptantis, ita, ut talis non minus ac filii naturales, hæres adoptantis necessarius ex Testamento in quarta parte bonorum fiat. §. 3. *Inst. L. 2. C. de adoption.* Adoptio *imperfecta*, *simplex*, seu *adoptio in specie* est actus legitimus, quo filiusfamilias, sub patris scil. potestate constitutus, autoritate iudicis inferioris assumitur ita, ut non transeat in potestatem & familiam adoptantis, sed maneat adhuc in potestate sui patris, jus tamen succedendi ab intestato acquirat. Adoptioni in Germania similis est *unio prolium*, quæ tamen non tam personarum, quam bonorum conjunctio est. Pro legaliter cognato aut adoptato habendus non est juvenis, qui citra auctoritatem Magistratus & solemnitates juris in ædes assumitur & alitur.

Q. 2. Quid sit & quod duplex cognatio legalis? Resp. 1. Cognatio *legalis* est propinquitas personarum ex adoptione proveniens. Pirh. adjicit hæc verba: *Jure Ecclesiastico jus Civile approbante.*

Resp. 2. Cognatio *legalis* tam ex adoptione perfecta, quam imperfecta proveniens, est triplex: *Prima* in linea recta, inter adoptantem & adoptatum, & descendentes adoptati, si hi in ejus potestate existant. *L. 55. ff. de rit. nuptiar.* *Secunda* Lateralis, seu in linea transversa inter adoptatum & filios, & alios descendentes adoptantis; de qua *c. 6. caus. 30. q. 3. c. un. h. t.* *Tertia* fundatur in legali quadam affinitate ad similitudinem affinitatis carnalis inter adoptantem & uxorem adoptati, & contra. *L. 14. ff. de ritu nuptiar.*

Q. 3. Ex qua adoptione oriatur cognatio legalis dirimens matrimonium? Resp. Quod ex arrogatione oriatur, certum est *L. 14. & seq. ff. de ritu nuptiar. cap. un. h. t. c. 6. caus. 30. q. 3.* Quod oriatur ex adoptione specificæ tali, negat Sanch. citans plures. *L. 7. dist. 63. num. 9.* Pirh. *h. t. num. 3.* Ratio, quod hæc adoptio non sit proprie & simpliciter talis, adeoque leges statuentes impedimentum cognationis legalis, utpote odiosæ sint restringendæ, neque extendendæ, nisi ad adoptionem proprie dictam. Deinde quod hac ratione cesset periculum

nii inducere votum possit captanda mortis, debent tamen impedimenta hæc matrimonii ad literam potius *cap. bujus tit.* restringi, quam ampliari. Requiritur itaque, ut præter adulterium, vel matrimonium post mortem conjugis cum complice ineundum promittatur, vel superstitute conjugis de facto attentetur. *Deinde*, ut sit adulterium formale ex utraque parte *cap. 1. h. t. Tum*, ut promissio sit vera, & ab altera parte acceptata, non acceptata enim nuda est pollicitatio, *L. 10. ff. de donat. Demum*, ut promissio sit pura & in nullum eventum suspensa. *Pirb. h. t. n. 15.*

Quæst. 3. An requiratur, ut promissio facta sit & adulterium commissum eodem matrimonio legitimo durante? Resp. Aff. Ita ut si promissio facta sit Sempronie a Titio tempore legitimi matrimonii Titii cum Caja, adulterium vero commissum a Titio cum Sempronie tempore posterioris legitimi matrimonii Titii cum Bertha, possit adhuc adulter, mortua secunda uxore, ducere adulteram, quia per secundum matrimonium legitimum adulter recessit a fide adulteræ data; spes etiam per secundum matrimonium extincta est, ineundi cum adultero matrimonium. Impedimentum tamen criminis semel contractum perpetuum est, quia nullo jure probatur cessare illud circa dispensationem. *c. 5. h. t.*

Quæst. 4. Quibus casibus oriatur ex homicidio impedimentum criminis dirimens matrimonium? Resp. Duo sunt casus: Primus est, si duo committunt adulterium, eoque perpetrato ipsorum alter animo matrimonii cum altero ineundi occidit vel proprium conjugem vel conjugem sui in adulterio complicitis, commissum est impedimentum criminis, ut hos inter matrimonium non possit consistere. *c. si quis vivente 5. caus. 31. q. 1. c. 1. 3. 6. h. t.* Secundus est, si quidem adulterium non intervenit, intervenit tamen occisio conjugis facta ab ipsis communi utriusque consensu, vel eorum consilio aut jussu; eo animo, ut possint conjugem sublato NB. inter se nuptias contrahere. *c. 1. de convers. infidel.* Nota, juxta plerisque requiri occisionem factam, & non tantum attentatam, siue puram machinationem, cum LL. maxime penales, de crimine consummato sint intelligendæ, & verba cum effectu accipiendæ. *c. 4. de Cler. non resid.* Equæ autem incur-

curritur, five uxoricidium, five viricidium commissum sit *c. si quis vivente. cit. c. 1. de convers. infid.* Item tametsi occisor infidelis sit, modo adultera sit fidelis, cum Ecclesia, licet punire infideles non possit, possit tamen punire fideles, eos inhabilitando ad matrimonium, si delicto ab infideli commissio cooperati sunt.

Quest. 5. An ab ignorantibus tali crimini annexum esse impedimentum dirimens, illud incurratur? Resp. Probabile est, quod non. Ratio; quia pœnæ præsertim per Leges Ecclesiasticas impositz non incuruntur ab ignorantibus eas annexas delicto; ut patet in ignorante censuram annexam delicto; esse autem Legem hanc penalem probatur ex ipsa Legis pœnalis definitione. Deinde ignorantia facti excusat ab impedimento criminis, cum mulier peccans cum viro sub promissione matrimonii, quem ignorat esse conjugatum, illud non incurrat, ergo ob paritatem rationis etiam ignorantia juris excusabit.

T I T U L U S VIII.

De Conjugio Leprosorum.

Quest. 1. An Lepra, (vel alius morbus contagiosus, ut pestis, tabes venerea, phthisis) dissolvat sponsalia de futuro contracta? Resp. Si sit lepra superveniens sponsalibus, dissolvit *c. fin. h. t.* non quidem ipso jure, sed ubi sanus velit ea dissolvi; si præcessit sponsalia, sed fuit ignorata, eodem modo dissolvit; quia verisimile non est, quod quis leprosa matrimonium promittere cogitaverit; habendaque hæc est pro notabili mutatione.

Quest. 2. An per Lepram supervenientem vel præcedentem ignoratam dissolvatur matrimonium quoad vinculum? Neg. five matrimonium sit jam consummatum, utpote cujus vinculum est indissolubile *Matth. 19. v. 9.* five sit ratum tantum, quia vis ipso jure dirimendi matrimonium ratum, soli Professioni Religiosæ competit *c. 7. & 7. de convers. conjug.* Posse tamen matrimonium ratum tantum dispensative a S. Pontifice solvi, esseque hanc causam sufficientem & justam, dispensationis obtinendæ, tenet cum aliis Sanchez.

Quest. 3.

Quæst. 3. An sanus conjugii leproso teneatur reddere debitum? Resp. 1. Si judicio Medicorum lepra non sit maligna, nec contagiosa, conjux sanus tenetur tam ad cohabitandum, quam reddendum debitum. *cap. 1. §. 2. b. t.* Secus est, si probabile infectionis periculum immineret, hoc enim casu ordinata charitas individui proprii incolumitatem præferre docet. *Vviesn. b. t. n. 6.* ait, illum difficiliter a cohabitatione & redditione debiti absolvi, qui sciens cum infecta matrimonium contraxit, eo quod sibi periculum infectionis debeat imputare. Item quod facilius absolvatur a redditione debiti, quam ab omnimoda cohabitatione, cum ex cohabitatione sola tantum periculi incurri non soleat, quantum ex commercio carnali.

T I T U L U S IX.

De Conjugio Servorum.

Q*uæst. 1. An subsistat matrimonia cum servis inita?* Resp. 1. Matrimonium cum servo improprie dicto, v. g. cum adscriptitio, originario, homine proprio, etiam cum ignorantia hujus qualitatæ, contractum valet, modo nullum aliud impedimentum intercedat. Ratio; quia tale matrimonium nullibi reperitur irritatum, & tales homines vere sunt liberi. *L. 13. C. de agric. & censit. Lib. XI.* 2. Valet etiam matrimonium servi proprie dicti, contractum cum paræ conditionis persona, licet dominus sit invitus. Ratio *primi*, quia Ecclesia in ordine ad matrimonium considerat homines secundum naturam suam, secundum quam omnes sunt æqualiter liberi. Ratio *secundi* est tum decisio *c. 1. b. t.* tum quia matrimonium jure naturali & divino concessum est hominibus in propagationem generis humani, & remedium concupiscentiæ, quod jus Domini servis auferre non possunt. Ex qua ratione sequitur matrimonium tale non validum tantum, sed & licitum esse.

Quæst. 2. An validum sit matrimonium, quod liber seu ingenuus contrahit cum persona conditionis servilis vel cum serva proprie dicta? Resp. 1. Si liber ignorans conditionem alterius servilem contraxerit, matrimonium est nullum

lum c. 2. & fin. h. t. non quidem jure naturæ, sed jure tantum positivo Ecclesiastico; adeoque ad impedimentum *dirimens conditionis* requiritur, ut una tantum pars sit conditionis servilis, & ut pars libera id ignoret, neque postea ratificet matrimonium; nam Resp. 2. Si liber sciat conditionem alterius servilem, & tamen contraxerit, subsistet matrimonium; imputet enim sibi, quod statum matrimonialem sibi reddiderit graviolem: quod subsistat, habetur *can. 4. & 5. caus. 29. q. 2. cap. 2. & fin. cit. h. t.*

Resp. 3. Subsistet matrimonium, quod contraxit liber cum libera, quam servam; servus cum libera, quam servam: quod servus cum serva, quam liberam existimavit. Ratio; quia Ecclesia matrimonium inter personam liberam & servilem eo solum casu irritavit, quo ignoratur status contrahentis conditionem reddens deteriorem.

Q. 3. An Dominus indirec̃te saltem possit impedire matrimonium servi, v. g. cum vendendo in partes remotas, dum tractat servus de matrimonio? Resp. Ante sponsalia potest, quia Dominus utitur jure suo; non vero potest servum in partes longinquas vendere contractis jam sponsalibus accedente Domini voluntate & licentia; cum tunc censendus sit tacite promississe, se non impediturum matrimonium, quando commode fieri possit. Imo etiamsi sponsalia a servo sine licentia Domini sint contracta, Castropalao ait, Dominum ex charitate obligari, ne venditione in terras longinquas impediat matrimonium, quia præsumeretur id animo iniquo facere.

Q. 4. Quando servus consequatur libertatem ex matrimonio permissu Domini inito? Resp. 1. Si Dominus servum proprium vel servam in matrimonium tradat personæ liberæ, ignoræ hujus servitutis, nec eam detegat, vel sciens eos contrahere cum ignorantia, studio taceat, eo ipso servus vel serva libertatem consequitur favore matrimonii, idque absque omni sententia judicis, *Auth. Ad hoc Cod. de Lat. libert.*

Resp. 2. Ancilla libertatem consequitur, si Dominus tradat eam nuptui, conficiens dotale instrumentum homini libero, etiam scienti servitutem. *arg. L. un. Cod. de Latin. libert. toll.*

Resp. 3. Contracto matrimonio, consentiente etiam

Domino, a servo cum serva, vel a servo cum libera, Domino non consentiente, non eximuntur a potestate Domini & servitiis ei debitis. Deciditur clare in *c. l. b. t.* quia servus se obligare non potest ad usum matrimonii, nisi in quantum Domino non præjudicat.

T I T U L U S X.

De natis ex libero ventre.

Quest. 1. In quibus casibus partus sequatur ventrem? Resp. 1. Quoad statum libertatis & servitutis liberi non Patris, sed Matris conditionem sequuntur, quantum est *de jure communi*, adeoque si mater est libera, licet pater servus fuerit, liberi erunt filii, & contra. *L. 7. C. de R. V. c. un. b. t.*

Resp. 2. Filii quoad familiam, nobilitatem, dignitatem sequuntur conditionem patris, non matris. *L. 19. ff. de stat. hom.* Ratio; quod proles recipiat esse a patre tanquam a causa principali & nobiliori, merito quoad ea, quæ ad esse & familiam pertinent, sequitur patrem. Hæc tamen regula, quod proles nata a patre nobili nobilis sit, licet mater fuerit ignobilis, multum temperatur per statuta particularia locorum & provinciarum, dum in plerisque Ecclesiis Cathedralibus ad Canonicatus, in Aulis Principum ad solemnes ludos equestres non admittuntur, qui nobilitatem suam ex linea utraque docere non possunt.

Q. 2. Quid requiratur, ut proles sequatur conditionem maternæ servitutis? Resp. Ut mater & tempore conceptionis, & intermedio, & nativitatis fuerit serva; si enim uno ex his, etiam brevissimo, fuerit libera, v. g. prægnationis, etiam si tempore partus sit serva, proles nata libera erit, quantum est *vi natalium*. *pr. Inst. de ingenuis, L. 5. §. 2. ff. de stat. hom.* Triplex tamen ab hac regula exceptio statuitur, 1. in *L. fin. C. de serv. fugiti* dum ex privata ancilla (licet libera) servus publicis operibus deputatus prolem suscipit, hæc una cum matre fit serva ob delictum patris. Deinde si pater liberatur ob ingratitudinem revocatur in servitutem, quo casu & filii post commissam ingratitudinem nati servi fiunt,

fiunt, etsi nati ex matre libera. L. 2. §. filius. C. de libert. & eorum liberis. Demum casu quo mater gerens uterum iusto bello capta & in servitutem redacta parit, proles quoque serva sit, non quidem vi natalium, sed quia occasione iusti belli beneficium a parentibus accepit, ne una cum matre interimeretur.

T I T U L U S XI.

De cognatione spirituali.

Quest. 1. Quid sit cognatio spiritualis? Resp. Propinquitas personarum, jure Ecclesiastico sic statuentes, orta ex collatione & susceptione Baptismi & Confirmationis, ac dirimens matrimonium inter certas personas. Dicitur 1. propinquitas, quod est genus, in quo convenit cum cognatione carnali. 2. Jure Ecclesiastico sic statuyente, ex hoc enim solo dicta propinquitas oritur, occasione sumpta a cognatione carnali, cum enim Baptismus assimiletur natiuitati corporali hominis in utero, Confirmatio natiuitati ex utero, cum baptizans etiam & confirmans, item patrini intelligantur esse parentes spirituales, statuit Ecclesia ob reverentiam erga se ortam ex tali vinculo, ut hac cognatio non minus ac carnalis esset impedimentum dirimens. 3. Ex collatione & susceptione Baptismi & Confirmationis, ex nullis enim aliis dicta propinquitas oritur, quia reliqua Sacramenta non conferunt gratiam per modum regenerationis spiritualis.

Q. 2. Quas personas afficiat cognatio spiritualis? Resp. Jure novo Trid. sess. 24. de reform. matr. c. 2. sublata juris antiqui confusione, oritur cognatio spiritualis, adeoque & matrimonium tantum dirimitur inter patrum & baptizatum ipsum, & inter baptizati patrem & matrem; item inter baptizantem vel confirmantem, & baptizatum vel confirmatum, & baptizati vel confirmati patrem & matrem. Hinc duo patrini inter se non contrahunt hanc cognationem, nec baptizans vel confirmans respectu patrinatorum, neque baptizatus vel ejus pater cum uxore baptizantis vel levantis, nisi & ipsa matrina fuerit.

Q. 3. Ex quo Baptismo, solemnī, an privato, oriatur cognatio spiritualis? Resp. 1. Baptizans five solemniter five privatim baptizet, semper contrahit cognationem spiritualem cum baptizato, ejusque patre & matre, cum Baptismus solemnīs & privatus in se & formaliter non differant, sed tantum quoad caeremonias.

Resp. 2. Levans infāntem in privato etiam Baptismo, si faciat animo munus patrini obeundi, contrahit cognationem spiritualem; quia jura generaliter loquuntur, nec distinguunt inter baptismum solemnem & privatum; & quia in privato baptismo aequale locum habet, quod assistentia patrini sit officium aliquod ad representandam & perficiendam spiritualem generationem ab Ecclesia ordinatum.

Q. 4. Quid si sponsus de futuro baptizet vel levet sponsae suae prolem, an contrahat cognationem spiritualem, & quid si parens sobolem suam baptizet? Resp. 1. Sponsus baptizans etiam in casu necessitatis prolem sponsae, contrahit impedimentum solvens sponsalia & dirimens matrimonium contrahendum. *Trid. l. cit.* Idem est, si levet prolem sponsae suae. Layman cum aliis ait, non incurri illud impedimentum, si inscīenter & nesciens esse prolem sponsae suae levet; non tamen satis consequenter, si enim baptizans prolem sponsae suae juxta Laym. etsi nesciat prolem ejus esse, cognationem contrahat, quia vere baptizat, intentionem habens hominem praesentem baptizandi; cur non ex paritate rationis levans fiat verus pater & cognationem contrahat, cum & is habeat intentionem, praesentem levandi.

Resp. 2. Parens baptizans in necessitate prolem propriam vel levans, non contrahit cum sua uxore ita cognationem spiritualem, ut privetur jure petendi debitum conjugale, vel ab eo dando liberetur. *can. 7. caus. 30. qu. 1.* quia talis laudabiliter agit, illudque est inculpabile judicandum, ad quod necessitas impulit, idem est, si extra necessitatem, laborans tamen probabili ignorantia juris aut facti, id faciat; quia quatenus excusatur a culpa, eatenus poena vacat, qualis est cognatio contracta, praesertim si privet jure jam quæsito, petendi debitum. Imo multi probabiliter asserunt, quod parens, etiam extra casum necessitatis baptizans

vel

vel levans sobolem propriam, sive scienter, sive ignoranter, ne tum quidem privetur jure petendi debitum, aut ab obligatione illud reddendi liberetur: probant ex cap. 2. h. t. ibi: *nobis videtur*, ait Pontifex, *sive ex ignorantia, sive ex malitia id fecerint* (vir & mulier) *non sint ab invicem separandi, nec alter alteri debitum debet subtrahere*. Deinde privatio juris petendi debiti absque textu claro, qualis non affertur, astrui non debet: ergo.

Q. 5. *Quinam patrini esse possint?* Resp. Omnes Catholici, si intentionem habeant, munus patrini obeundi, & rationis usu præditi sint, *regulariter* valide & licite patrilinos agere possunt, neque certa ætas requiritur, neque, ut habet communis, necesse est, ut levans ætate excedat levatum: in Confirmatione patrinus debet esse confirmatus. Nota tamen *Ly regulariter*, licet enim absque causa *Religiosi ac Monachi* in patrilinorum officium se ingerentes contrahant cognationem, valide tantum & non licite id muneris administrabunt. Vide *can. placuit 8. caus. 15. q. 1. c. 103. dist. 4. de Consecr.* Neque *Hæretici* licite, quamvis valide, adhibentur pro patrilinis in baptismo, tum quia aut nolunt, aut non possunt officio suo satisfacere; tum quia indecens est ad hanc sacram cæremoniam admittere Hæreticum; dantur tamen casus, ubi Acatholicus etiam licite in patrillum Catholici admittitur: facilius permittitur, ut Catholici patrillum in baptismo Acatholici agat. *Gob. tr. 2. n. 565.*

Q. 6. *An gentiles, Judæi, Turcæ patrini esse possint, & cognationem spiritualem contrahant?* Resp. Neg. Sed sive levet, sive baptizet gentilis ejusmodi, licet sit Catechumenus, incapax est cognationis spiritualis. Ratio, quia Ecclesiæ, ejusque legibus, vi quarum hoc impedimentum introductum, subjectus non est. *can. 102. dist. 4. de Consecr.* dicitur, *in Baptismate vel Crismate* (Confirmatione) *non potest alium suscipere in filiolum, qui non est ipse baptizatus vel confirmatus.*

Q. 7. *An dum plures sunt patrini, omnes pariter contrahant cognationem spiritualem?* Resp. Si plures, quam unus & una, sint designati ab iis ad quos id pertinet, contrahunt singuli cognationem & impedimentum. *cap. fin. h. t. in 6.* a quo jure antiquo recedendum non est,

dum aliud non statuitur jure novo. It. quamvis Trid. vetuerit plures designari, quam unum & unam in baptismo, factum tamen plurium non irritavit. 2. Qui ultra designatos tangunt vel levant baptizatum, non contrahunt cognationem, quod expresse habetur in Trident. sess. 24. c. 2. de re-form. matrim. 3. Si nullus est designatus, probabile est, quod omnes levantes contrahant cognationem; nisi constet, quis primus tetigerit, qui tum solus contrahit. Ratio, quia c. fin. h. t. in 6. a Trid. correctum tantum videtur pro casu, quo patrini & matrinæ designatio aliqua est facta.

Q. 8. Dum quis per Procuratorem aliquem suscipit ex Baptismo vel Confirmatione, quis eorum contrahat cognationem? Resp. 1. Non procurator, quia requiritur, ut quis suo non alieno nomine levet infantem, ut habet Barb. cum pluribus. Tum quia talis caret animo, se constituendi in patrinum, qui tamen animus ad verum patrinum requiritur.

Resp. 2. Ipse principalis est verus patrinus & contrahit cognationem. Ratio; quia potest quilibet per Procuratorem præstare, quæ per seipsum potest, si alias prohibitus non sit, c. 72. de reg. jur. in 6. Confirmatur ab exemplo matrimonii, & a praxi Magnatum, quam consuetudinem sane non permetteret Ecclesia, si tales per Procuratorem patrini esse non possent, permetteret enim Baptismum solemnem celebrare absque patrino.

T I T U L U S XII.

De Cognatione Legali.

Q. uest. 1. Quid sit & quoduplex adoptio, ex qua oritur cognatio legalis? Resp. 1. Adoptio in genere definitur, quod sit personæ extraneæ in filium vel nepotem legitima susceptio. Per personam extraneam intelligitur, quæ non est in potestate adoptantis, sive sit ex descendentibus ejus, sive alias consanguinea, nec ne; per *Ly legitima*, quod debeat servari forma a LL. Civ. statuta §. 3. 4. 9. 10. Inst. L. 2. 24. 26. ff. L. 1. c. fin. C. de Adoption. approbata a SS. Canonibus can. 1. c. 5. caus. 30. q. 3. c. un. h. t.

Resp. 2.

Resp. 2. Adoptio est duplex: *perfecta*, quæ & *arrogatio* dicitur, est, qua persona extranea, quæ sui juris est, rescripto Principis transit in potestatem & familiam adoptantis, ita, ut talis non minus ac filii naturales, hæres adoptantis necessarius ex Testamento in quarta parte bonorum fiat. §. 3. *Inst. L. 2. C. de adoptione*. Adoptio *imperfecta*, *simplex*, seu *adoptio in specie* est actus legitimus, quo filiusfamilias, sub patris scil. potestate constitutus, autoritate judicis inferioris assumitur ita, ut non transeat in potestatem & familiam adoptantis, sed maneat adhuc in potestate sui patris, jus tamen succedendi ab intestato acquirat. Adoptioni in Germania similis est *unio prolium*, quæ tamen non tam personarum, quam bonorum conjunctio est. Pro legaliter cognato aut adoptato habendus non est juvenis, qui citra autoritatem Magistratus & solemnitates juris in ædes assumitur & alitur.

Q. 2. Quid sit & quotuplex *cognatio legalis*? Resp. 1. *Cognatio legalis* est propinquitas personarum ex adoptione proveniens. Pirh. adjicit hæc verba: *Jure Ecclesiastico jus Civile approbante*.

Resp. 2. *Cognatio legalis* tam ex adoptione perfecta, quam imperfecta proveniens, est triplex: *Prima* in linea recta, inter adoptantem & adoptatum, & descendentes adoptati, si hi in ejus potestate existant. *L. 55. ff. de rit. nuptiar.* *Secunda* Lateralis, seu in linea transversa inter adoptatum & filios, & alios descendentes adoptantis; de qua *c. 6. caus. 30. q. 3. c. un. h. t.* *Tertia* fundatur in legali quadam affinitate ad similitudinem affinitatis carnalis inter adoptantem & uxorem adoptati, & contra. *L. 14. ff. de ritu nuptiar.*

Q. 3. Ex qua adoptione oriatur *cognatio legalis dirimens matrimonium*? Resp. Quod ex arrogatione oriatur, certum est *L. 14. & seq. ff. de ritu nuptiar. cap. un. h. t. c. 6. caus. 30. q. 3.* Quod oriatur ex adoptione specificæ tali, negat Sanch. citans plures. *L. 7. dist. 63. num. 9.* Pirh. *b. t. num. 3.* Ratio, quod hæc adoptio non sit proprie & simpliciter talis, adeoque leges statuentes impedimentum cognitionis legalis, utpote odiosæ sint restringendæ, neque extendendæ, nisi ad adoptionem proprie dictam. Deinde quod hac ratione cesset pericu-

lum incontinentiæ inter cognatos legales, dum hi, cum non transeant in potestatem adoptantis, non habitant simul; quod periculum vitandum præcipuum fundamentum fuit impedimenti hujus ab Ecclesiâ approbandi. Econtra affirmant cum gloss. plures, inter quos Castrop. Ratio horum est, quod licet adoptio specificæ sumpta sit minus perfecta, sit tamen vere & proprie adoptio. *L. 14. ff. de ritu nuptiar.* Proinde cum textus utriusque juris, quibus hoc impedimentum asseritur, absolute loquantur de adoptione, & de hac textus accipiendos esse, cum necesse non sit, hanc cognationem in omnibus assimilari cognationi carnali.

Q. 4. An & quæ cognatio ex tribus illis scilicet ex cognatione legali in linea recta, collateralis, & affinitate legali dirimat matrimonium? Resp. Earum singulæ, utpote approbatæ a Jure Can. tum in Decreto, tum in hac rubrica, tum etiam specialibus capitulis v. g. *can. 1. caus. 30. qu. 3. can. 6. ibid.* constituunt ejusmodi impedimentum dirimens, etiam de Jure Canonico.

Q. 5. Ad quos gradus se extendat impedimentum legalis cognationis, & quamdiu duret? Resp. 1. Nullo jure satis id est expressum: hinc variant AA. In Jure Canonico cognationis *Legalis linea rectæ* non reperitur prohibitio alia matrimonii, nisi tantum inter adoptantem & adoptatum, adeoque & inter filios vel filias, quos vel quas adoptatus in potestate patria habet, *can. 1. caus. 30. qu. 3. c. un. b. t.* Sunt tamen, qui cum D. Thom. cognationem legalem lineæ rectæ in ratione impedimenti se extendere, ajunt, indiscriminatim ad omnes descendentes in infinitum, eo quod sic se extendat de Jure Civili, cognatio autem legalis a Jure Civ. inducitur approbetur a SS. Canonibus. Impedimentum hoc lineæ rectæ, ad quemcunque se gradum extendat, durat semper, neque cessat per mortem adoptantis vel emancipationem adoptati.

Resp. 2. Cognatio legalis in linea *transversa* præstat impedimentum matrimonio inter adoptatum & filios naturales adoptantis, & durat tamdiu solum, quamdiu adoptio, qua dissoluta cessat. *L. 17. ff. de ritu nuptiar. cap. un. b. t.*

Resp. 3. Cognatio legalis per modum *affinitatis* inducit

est impedimentum quidem perpetuum & durans etiam soluta adoptione; aliqui verodiciunt, contrahi illud solum inter uxorem adoptantis cum adoptato, & inter uxorem adoptati cum adoptante; alii ad modum affinitatis carnalis ad quartum gradum extendunt.

T I T U L U S XIII.

De eo, qui cognovit consanguineam uxoris sue seu Sponsæ.

T I T U L U S XIV.

De Consanguinitate & Affinitate,

N O T A.

Coniunguntur duo hi tituli, eo quod posterior prioris materiam totam exhauriat; cum enim in posteriori agatur de affinitate in tota sua latitudine sumpta, adeoque de orta tam ex copula licita, quam illicita, agetur pariter de ea, quam contrahit cognoscens consanguineam uxoris sue.

§. 1. De Consanguinitate.

Quest. 1. *Quid sit consanguinitas?* Resp. Juxta communem, est vinculum seu conjunctio personarum ab eodem stipite propinquo per carnalem propagationem descendentium. Dicitur *ab eodem stipite propinquo*, ne omnes homines utpote ab Adamo descendentes sint consanguinei. Dicitur *per carnalem propagationem*, non addendo *ordinariam*, cum inter Christum & B. V. vera fuerit consanguinitas, non tamen propagatio carnalis ordinaria. Neque etiam addendo: *vel quarum* (scil. personarum) *una ab alia descendit*, quia non definimus illam consanguinitatem, quæ inter pro- to parentem Adamum fuit ejusque filios, sed prout hodie in usu est.

Quest. 2. *Quid sit arbor consanguinitatis, stipex, linea, gradus?* Resp. 1. *Arbor consanguinitatis*, in latitudine sua sumpta, est collectio personarum de uno sanguine propinquo participantium, distincta per stipitem, lineas
&

& gradus; a parte rei nihil aliud est, quam omnes personarum consanguinearum collectivae sumptae.

Resp. 2. *Stipes* est illa persona, a qua descendunt reliquae, de quarum cognatione quaeritur, & in qua coincidunt & conveniunt proxime.

Resp. 3. *Linea* est series personarum sanguine junctarum ab eodem stipite descendantium, diversos continens gradus. Dividitur in *rectam* & *obliquam*, seu *transversam*, *transversalem*, *collateralem*. Recta iterum est vel *ascendentium*, & continet personas, a quibus originem nostram debemus, quales sunt pater, avus, proavus &c. Vel *descendentium*, & continet personas a nobis genitas, ut est filius, nepos, pronepos &c. *Linea obliqua* dicitur, quae complectitur personas, quarum una altera non genuit, & tamen, ab una stirpe & sanguine sunt propagatae; tales sunt Frater, Soror, eorumque liberi. Haec subdividitur in *aequalem*, quae continet personas aequaliter a communi stipite distantes, uti duo fratres sunt; & in *inaequalem*, quae continet personas, quarum una est remotior a communi stipite, quam altera; uti frater & fratris filius.

Resp. 4. *Gradus* est distantia unius personae ab alia, qua cognoscitur, quanta sit inter se illarum propinquitas.

Quaest. 3. Quae sint regulae pro cognoscendis & computandis gradibus consanguinitatis? Resp. Prima tam jure Canon. quam Civili pro linea recta, ascendentium & descendentium, recepta est haec: *Tot sunt gradus, quot sunt personae, una dempta, sive ut alii: Tot sunt gradus, quot sunt generationes usque ad illam personam, de cujus cognatione quaeritur.* Exemplis res fiet clarior; sic volo scire, quoto gradu ego distem ab Abavo meo, vel volo scire quoto gradu meus pronepos distet ab Avo meo;

Sit primum Exemplum.

Abavus.
Proavus.
Avus.
Pater meus.
Ego.

Secundum Exemplum.

Avus meus.
Pater meus.
Ego.
Filius meus.
Nepos.
Pronepos.
dema-

dematur jam una persona, & remanebunt quatuor in primo exemplo, ut proin ab abavo meo distem, 4. gradibus. In secundo prostant 6. personæ, una dempta 5. remanebunt; ergo pronepos meus a meo Avo distat 5. gradibus, quia tot sunt gradus, quot personæ una dempta.

Resp. 2. Regula secunda pro linea collateralī equali, desumpta ex cap. 2. & 4. caus. 35. q. 5. est talis: quoto gradu distat uterque a communi stipite, eodem gradu distant inter se. Sic quia duo fratres uno solum gradu distant a communi stipite in linea recta, ideo illi uno tantum gradu distant inter se in linea transversa; quia filia amita meæ sive filia sororis Patris mei & ego a communi stipite nostro, avo scil. distamus duobus gradibus, etiam inter nos duobus distamus; quia nepos meus & neptis patruelis mei a communi stipite, avo suo, distant 4. gradu, 4. etiam gradibus inter se distabunt. *Exempla sunt seqq.*

Pater.

Frater unus, Frater alter.

Aliud exemplum.

Avus.

Pater meus, Amita, sive soror
Patris.

Ego, Filia ejus.

Tertium exemplum.

Avus.

Pater, Patruus.

Ego, Patruelis.

Filius meus, Filius ejus.

Nepos meus, Neptis ejus.

Resp. 3. Regula tertia, quæ locum habet in linea collateralī inequali, desumpta est ex c. fin. h. t. & est ista: quo o gradu distat remotior a communi stipite, eodem gradu distant inter se; si scire volo, quo gradu neptis fratris mei distet a me, videre debeo, quoto gradu distet a stipite, in quo ego & frater convenimus, & invenio, quod 3. gradibus distet. Vel volo scire, quo gradu ego distem a promatertera mea sive proavia mea

mez sorore, inquirendus est mihi stipes, in quo proavia mea ejusque soror conveniunt; qui est abavus; unde a me incipiendo & ascendendo tanquam a remotiore usque ad stipitem gradus quatuor reperiam; videri ntrumque potest in subjectis figuris:

Pater.	Abavus.
Ego. Frater meus,	Proavia. Promatertera.
Filius ejus,	Avia.
Neptis ejus.	Mater.
	Ego.

Hæc est computatio graduum Juris Canonici, servanda quoad matrimonia fidelium: quoad successiones hereditarias tam in foro Ecclesiastico, quam Civili servatur computatio Juris Civilis, juxta quod tantum unica regula quoad lineam rectam & obliquam observatur, quæ est sequens; Tot gradibus distant duo consanguinei inter se, quot inter ipsos intercedunt generationes; vel quod idem est: Tot distant inter se gradibus; quot sunt persone dempto stipite.

Quæst. 4. Consanguinitas intra quos gradus secundum JUS ECCLESIASTICUM dirimat matrimonium? Resp. In linea collateralis usque ad quartum gradum inclusive; sive ex generatione licita sive illicita oriatur, c. 8. h. t. quo fuit correctum jus antiquum extendens impedimentum consanguinitatis ad septimum gradum. In linea recta cum de jure Canonico nihil certi statuatur, accommodant se multi Juri Civ. quod §. 1. Inst. de nupt. l. 53. ff. de ritu nupt. impedimentum consanguinitatis extendit in linea recta usque in infinitum.

Quæst. 5. Intra quos gradus de JURE NATURÆ consanguinitas matrimonium dirimat? Resp. 1. In primo gradu lineæ rectæ, scil. inter patrem & filiam dirimit jure naturæ. Ratio quia talis copula parentum cum liberis secundum se & ex natura rei est turpis, ut patet ex instinctu omnium fere gentium; ergo & matrimonium, quod ad talem copulam refertur, jure naturæ invalidum est, seu tale, cujus contrahendi potestas humano generi non sit concessa a DEO. Hoc tamen impedimentum dirimens est tantum de jure naturæ conditionato, scil. nisi

nisi det DEUS facultatem, in cujus pleno dominio sunt corpora, uti enim dispensare potest DEUS in occisione innocentis, ita & in tali matrimonio.

Resp. 2. Consanguinitas in gradu secundo lineæ rectæ, consequenter & in ulterioribus non dirimit matrimonium jure naturæ, Ratio; quia ascendentes ultra primum gradum non sunt principium essentialiter descendendum, sed accidentale, applicantes tantum principium, generando nimirum patrem ejus, adeoque avo v. g. non debetur eadem reverentia, quæ patri, & consequenter ea turpitudine non est, quæ est in copula cum parentibus.

Resp. 3. Consanguinitas in gradu primo lineæ transversæ facit solum illicitum de jure naturæ matrimonium inter tales consanguineos, non invalidum, ut probabilius sentit D. Th. contra Bellarm. Ratio, quia non sufficienter probatur invaliditas talis matrimonii; item quia Frater & Soror non habent rationem principii & principati; adeoque nec pudor & reverentia naturalis sufficiens est ad irritandum matrimonium, Colligitur inde a fortiori, quod matrimonium in secundo, cæterisque gradibus lineæ collateralis irritum non sit jure naturæ.

§. 2. De affinitate.

Quest. 1. Quid sit affinitas? Resp. Est propinquitās quædam personarum, quæ ex copula carnali, sive in, sive extra matrimonium habita, etiam cum invitæ & dormiente, oritur inter consanguineos viri & solam mulierem; item inter consanguineos mulieris & solum virum: vir autem & mulier copulam habentes non sunt proprie affines, sed fiunt una caro, & sunt radix affinitatis, quæ affinitas & suos gradus habet, licet non proprie tales, uti consanguinitas. Regula pro cognoscendis gradibus affinitatis est hæc: *quoto gradu qui conjunctus est marito in genere consanguinitatis, eodem gradu junctus est in affinitate*; & contra.

Quest. 2. Ad quos se extendat affinitas? Resp. Affinitas consanguineorum viri extenditur ad solam mulierem, & non ad consanguineos mulieris, & contra; nam hæc mediata, remota & secundi generis affinitas est sublata. Hinc si Afra vidua nubat filio Claræ itidem viduæ, potest Clara

Clara ducere filium Afræ ex priore marito susceptum, & tunc si Afræ pariat filium; poterit Clara dicere: hic est filius filii mei & simul frater mariti mei.

Q. 3. *An affinitas aliqua reddat jure naturæ matrimonium irritum v. g. in primo gradu lineæ transverse cum uxore fratris sui?* Resp. Neg. quia licet contineat aliquam dedecentiam naturalem; ob quam reddatur illicitum; & nonnisi urgentissima de causa debeat permitti; ea tamen dedecentia tanta non est; ut contractum vel contrahendum jure naturæ sit irritum; cum insuper nec ratio principiati; nec specialis reverentia; amicitia; aut pudor inter tales personas detur. A posteriori probatur ex Deut. 25. ubi præcipitur; ut frater ducat uxorem fratris sui defuncti; ex facto Jacobi Patriarchæ; qui duxit duas sorores; ex facto plurimum Pontificum dispensantium in primo gradu affinitatis. Responsio etiam intelligenda est; quod matrimonium non sit irritum jure naturæ in primo gradu affinitatis lineæ rectæ; v. g. inter vitricum & privignam; inter novarcam & privignum; ob easdem rationes.

Quest. 4. *Ad quem gradum affinitas jure Ecclesiastico dirimat matrimonium?* Resp. 1. Orta ex copula licita modo usque ad quartum gradum inclusive cap. 8. h. 1. Sic Titius nec licite; nec valide contrahit matrimonium cum Cajæ defunctæ uxoris suæ consanguineis intra quartum gradum.

Resp. 2. Orta ex copula illicita dirimit matrimonium ad secundum tantum gradum, Trid. sess. 24. c. 4. de res. matrim. sic impedimentum affinitatis ex copula illicita restringente; quæ tamen restrictio de consanguinitate ex generatione illicita orta intelligi non debet.

Qu. 5. *An affinitas ex copula illicita dirimat sponsalia; vel quid operetur?* Resp. 1. Sponsalia de futuro contrahenda & contracta dirimit; ita qui contraxisset sponsalia de futuro successive cum duabus sororibus; & secundam insuper carnaliter cognosceret; neutram habere posset; non primam; cum ex copula cum secunda nata fuerit vera affinitas dirimens sponsalia præcedentia; cap. 8. de eo qui cognov. neque etiam secundam ob impedimentum publicæ honestatis; quod talis fiat inhabilis ad quamvis extraneam ducendam juxta c. 1. de eo; qui

qui cognov. importat solum impedimentum impediens, quod vel ex usu recessit, vel in eo Episcopus dispensare potest.

Resp. 2. Affinitas ex copula incestuosa seu illicita superveniens sponsalibus de presenti sive matrimonio rato, non solvit illud, multo minus matrimonium consummatum. *c. 6. de eo, qui cogn.* sed si quis habeat scienter & libere copulam cum consanguinea uxoris sue in primo & secundo gradu, privatur, etiam ipso facto, jure petendi debitum a sua uxore, *c. 1. h. n.* ratione affinitatis cum uxore sua contractæ; non tamen privatur uxor innocens jure petendi debitum, nec peccans liberatur ab obligatione reddendi, *c. 6. & 10. h. n.* cum conjugis incestus alteri innocenti obesse non debeat.

Resp. 3. Non semper incestuosus, seu cognoscens consanguineam uxoris sue privatur jure petendi debitum. 1. Si ignoravit esse consanguineam, vel scivit quidem, nescivit tamen, esse in primo & secundo gradu, quia cum tunc non commiserit incestum, nec penam incurrere dicendus est. 2. Juxta *Tamb. Bon. Spor. Pichl.* excusatur a privatione petendi debitum, qui novit quidem a se cognitam esse uxoris suæ consanguineam, ignoravit tamen hanc privationem esse a jure annexam huic debito; quia quatenus impedimentum affinitatis respectu uxoris propriæ est privativum juris quæsiti, & consequenter pena, ab ignorante non incurritur. 3. Si per violentiam conjux fuit cognita, vel per metum gravem, a consanguineo mariti; quia Lex Ecclesiastica, per quam hæc pena inducta, non videtur coacte peccanti imposita.

T I T U L U S X V.

De Frigidis, & Maleficiatis, & impotentia coeundi.

Quest. 1. *Impotentia quid sit & quotuplex?* Resp. Impotentia proprie talis, quæ sit impedimentum dirimens, est inhabilitas ad copulam carnalem perfectam: est vel *naturalis*, dum provenit ex defectu ipsius naturæ, & quasi congenita est homini; vel *acciden-*

dentalis, dum provenit a causa aliqua extrinseca & accidentaria, v.g. morbo, maleficio, castratione. Utraque vel est *absoluta* respectu omnium, vel *respectiva* respectu unius. Si impotentia sine peccato, aut sine gravi periculo mortis, citra miraculum per media ordinaria & licita, eaque naturalia vel spiritualia tolli potest, *temporalis* dicitur; sin secus, *perpetua*.

Q. 2. An & qualis impotentia dirimat matrimonium?

Resp. 1. Impotentia perpetua & absoluta si præcedat matrimonium, dirimit illud jure naturæ, siue fuerit a contrahentibus cognita, siue ignorata; non tamen superveniens matrimonio etiam rato tantum, illud dirimit, *c. 1. b. t.* Ratio primi; quia est de essentia matrimonii, ut conjuges fieri possint una caro; quod fieri nequit, dum absolute & perpetuo inepti sunt ad copulam. Ratio secundi; quia matr. etiam ratum dissolvi nequit, nisi per Professionem vel dispensationem S. Pontificis.

Resp. 2. Impotentia respectiva perpetua est impedimentum dirimens matrimonii contrahendi cum ea persona, respectu cujus est, non autem cum aliis; quia respectu illius quidem personæ impossibilis est actus conjugalis non respectu aliarum.

Resp. 3. Si temporalis tantum impotentia sit, quæ per media licita & ordinaria, siue spiritualia siue naturalia tolli potest, non dirimitur matrimonium subsequens, cum tales non sint absolute impotentes ad actum conjugalem.

Quest. 3. Quinam in specie sint impotentes, ut matrimonium contrahere non possint, & qui non? Resp. 1. Invalide contrahunt matrimonium *spadones* siue *enuchi*, utroque testiculo orbat, ut declaravit, propria Bulla, Sixtus V. anno 1587. quod si tamen talis impotentia effundendi verum semen, quæ est impotentia ad generandum præcise, superveniret matrimonio, non impediret petitionem & redditionem debiti, cum id per accidens contingat: Si impotentia coeundi superveniret, nullo modo foret licitum, uti copula.

Resp. 2. Non sunt impotentes, sed possunt contrahere matrimonium *steriles*, idque valide & licite. Ratio, quia possunt habere veram copulam, de se ad generationem prolis sufficientem. Deinde *senes* in quacumque

etate, modo iudicio Medicorum & arte juvari possint ad copulam; hic habet usus & praxis Ecclesiæ. 3. *Infirmi* in articulo mortis constituti, licet enim tales defectu virium impediuntur, retinent tamen potentiam coeundi, quæ vi morbi non præsumitur destructa. 4. *Hermaphroditi* secundum sexum, qui prævalet: &c.

Quest. 4. An conjuges in casu impotentie possint se separare, & an ad hoc requiratur auctoritas iudicis?

Resp. 1. Si impotentia antecesserit, sitque perpetua, & conjugibus (qui putatitii tantum sunt) certa, non tamen publice notoria, possunt quidem cohabitare ut frater & soror secluso periculo incontinentiæ, tactuum &c. quod periculum rarissime abest; non tamen tenentur, sed possunt quocunque velint tempore separationem petere. *c. 5. 6. fin. b. t.* quia matrimonium est nullum, non itaque obligatorium.

Resp. 2. Ad separationem faciendam requiritur auctoritas iudicis & probatio legitima pro foro externo. *c. 3. de divortiis*, ne oriantur scandala, fraudes, collusiones conjugum. Ne incautos & vitiose curiosos scandalizemus, omittimus reliqua ab aliis hic solita tractari.

T I T U L U S XVI.

De matrimonio contracto contra interdictum Ecclesiæ.

Q*uest. 1. Quenam sint impedimenta matrimonii impediencia tantum?* *Resp.* Enumerata ea sunt in *tit. 1. §. 3.* & sunt sublati reliquis ista 4. *Tempus feriatum*, interdictum Ecclesiæ, *sponsalia de futuro*, nunc dum soluta; de quibus in *tit. 1. Votum* scil. simplex castitatis perpetuæ, ingrediendi Religionem, suscipiendi sacros Ordines, vel matrimonii nunquam ineundi: quæ vota, quia e diametro repugnant statui matrimoniali, ponunt impedimentum impediens, non tamen dirimens, ut dictum *tit. 6.*

Quest. 2. Quod impedimentum importet tempus feriatum? *Resp.* Tempus feriatum vel feriarum jure novo *Trid. sess. 24. de matrim. c. 10.* est ab Adventu Domini usque ad Epiphaniam, & a feria quarta cinerum usque

ad octavam Paschæ; & prohibetur hoc impedimento sub mortali & sub pœna separationis, non contractus matrimonialis etiam præmissis denuntiacionibus, & in facie Ecclesiæ, sed nuptiarum solemnitas extrinseca, quæ consistit in benedictione nuptiarum & traductione sponsæ ad templum vel domum sponsi cum pompa, signisque aliis lætitiæ, convivio publico &c. Ordinarie tamen Parochis opus est licentia Episcopi ad assistendum his temporibus.

*Quest. 3. Quid hic intelligatur per interdictum sive votum Ecclesiæ? Respondeo: Non intelligitur nomine hujus impedimenti interdictum Ecclesiæ generaliter, sive late sumptum, prout significat prohibitionem a SS. Canonibus factam; sic enim impedimentum omnia dirimentia & impedientia complectitur; sed intelligitur interdictum Ecclesiæ stricte sumptum, seu prohibitio hic & nunc specialiter facta a Superiore Ecclesiastico, ob legitimam causam interdicente matrimonium celebrare ad tempus, donec melius, dum forte objicitur impedimentum, de habilitate contrahentium cognoscatur, vel caveatur de scandalo. Tale interdictum procedere potest non tantum a Papa, Episcopo, & jurisdictionem Episcopalem habente, sed etiam a Parocho. *cap. fin. de clandest. desponsat.* Non tamen vi hujus interdicti a Parocho vel Episcopo lati irritatur matrimonium, nec potest irritari, cum hi impedimentum dirimens statuere non possint; imo factum interdictum a Papa ipso solum impedit, non dirimit matrimonium. *cap. 1. & 2. b. 1.* A quocunque tamen feratur, etiam si a solo Parocho, inducit obligationem sub mortali; quia materia gravis est. *arg. c. 1. b. 1.**

*Q. 4. An & quis in impedimentis jure Ecclesiastico impedientibus, uti est interdictum & tempus sacratum; It. an. & quis impedimentis jure naturali ac divino impedientibus uti sunt sponsalia & votum simplex, dispensare possit? Resp. 1. In impedimentis impedientibus juris Ecclesiastici, nempe tempore feriato & Ecclesiæ interdictio non tantum S. Pontifex. *c. 4. de concess. præb.* utpote supremus Legislatoꝝ; sed etiam Episcopus ejusque Vicarius, sede vacante Capitulum, ac quilibet jurisdictionem quasi-Episcopalem habens dispensare possunt*

sunt vi consuetudinis. c. 2. de eo, qui cognov. excipitur nisi a superiore v. g. a Papa fuisset quibusdam specialiter interdictum matrimonium.

Resp. 2. In impedimento sponsalium & voti reservati, uti est votum Religionis & castitatis integre ac perpetue, potest dispensare Papa, sed regulariter solus. Quod possit in sponsalibus dispensare. v. g. si timerentur gravia incommoda; inde arguitur, quia id potest in matrimonio rato. Quod solus possit; inde constat, quia solius supremi Principis est, aliquem urgente causa gravi jure jam quasi, quale habet sponsus, privare. Quod in voto possit S. Pontifex dispensare, colligitur ex Matt. 16. quodcumque solveris. Quod solus possit, habetur Extrav. 5. de pœnit. & remiss. Requiritur insuper, uti & Pontifex, cum non suo, sed DEI nomine dispense, justam habeat & gravem causam dispensandi. In casu difficilis recursus ad S. Pontificem censent communiter AA. dispensare posse in utroque voto & castitatis perpetue & Religionis Episcopum, quia in tali casu Pontifex non videtur sibi reservasse dispensationem, eamque exigit bonum commune animarum.

Quest 5. An & quis in impedimentis dirimentibus dispensare possit? Resp. 1. In impedimentis, jure naturali ac divino dirimentibus, qualia sunt error in persona, impotentia perpetua, ligamen, consanguinitas in primo gradu lineæ rectæ saltem, dispensare non potest, etiam ipse S. Pontifex. cap. 16. de major. c. 13. de restit. spol. Ratio, quia est inferior respectu Legis naturalis ac divinæ; Si tamen impedimentum supponat determinationem humanæ voluntatis v. g. Votum solemne, potest dispensare. AA. communiter.

Resp. 2. In omnibus impedimentis dirimentibus, Jure Ecclesiastico tantum introductis, Pontifex absolute dispensare potest. cap. 8. de consanguin. & affin. cap. 24. prin. de sent. excommun. in 6. Quia respectu Legis Ecclesiasticæ est superior; actu tamen in quibusdam non dispensat.

Resp. 3. Nullus Papa inferior, siue Episcopus sit, siue Legatus dispensare potest jure ordinario in impedimentis dirimentibus. c. 16. de Major. Clem. 2. pr. de Elect. Jure extraordinario subinde potest; de quo videatur

Pichl. b. n. 33. ex c. 2. de observ. jejun. & Frid. sess. 24. c. 3. de reform. matrim.

Q. 6. An requirantur & quæ sint justæ causæ dispensandi in impedimentis matrimonialibus? Resp. ad primum. Causam requirit Papa ad dispensandum licite in impedimentis jure Ecclesiastico scil. dirimentibus, ne imprudenter agat: inferior Papa ad dispensandum valide; quia transgrederetur limites potestatis suæ solum concessæ, ut rationabiliter, non temere dispenseret.

Resp. ad secundum. 1. Causæ ad dispensandum in votis vel reservatis vel non reservatis assignantur ab AA. variz. 1. Periculum incontinentiæ magnum. 2. Difficultas valde notabilis exequendi votum. 3. Majus bonum, quod speratur ex nuptiis. 4. Cessatio causæ impulsivæ v. g. emisit quis votum castitatis propter spem admissionis in Religionem. 5. Dubium de deliberatione sufficienti habita, dum votum emissum. 6. Dum leviter emissum, vel ex metu, aut dolo, licet levi.

Resp. ad secundum. 2. Ad dispensandum in impedimentis dirimentibus causæ justæ censentur esse sequentes. 1. Evitatio scandali, peccati, damni, infamiæ gravis &c. 2. Defectus paræ conditionis ob ætatem femine nimis proæctam, aut insufficientiam dotis, aut loci angustiam. 3. Prærogativa Majestatis aut dignitatis Regiz, &c.

Quæst. 7. Quid præterea circa causas dispensationis observandum? Resp. 1. Quod dispensatio sit invalida, si causa finalis & movens, quæ allegatur, non subsistat, licet per ignorantiam vel errorem etiam inculpabilem fuerit allegata; valida sit autem, si causa impulsiva tantum fuerit falsa, nisi scienter & dolose sit allegata: sed de his agitur in tit. de rescriptis. Deduci inde possunt seqq. 1. Invalida est dispensatio, dum una tantum causa in rescripto allegata fuit, eaque est falsa. 2. Si reticeatur copula scienter habita cum consanguinea. 3. Si impedimentum exprimat sub dubio, quod est certum. 4. Si impedimentum consanguinitatis ponatur pro affinitate & contra, quia dispensatio est strictæ interpretationis, & non extenditur ultra expressa. 5. Si quis dicat se in gradu remotiori v. g. quarto esse, cum sit in tertio &c.

Resp. 2.

Resp. 2. Probabilius valet dispensatio, si causa, quæ fuit allegata, reipsa quidem fuit insufficiens, fideliter tamen allegata est, & pro sufficiente habita a dispensante. Ratio; quia bonum publicum & tranquillitas conscientiarum exigit, ut subsistant b. f. & prudenter acta a Prælati.

T I T U L U S XII.

Qui Filii sint legitimi.

Quest. 1. Quinam veniant nomine filiorum, & quotuplicis generis sint? Resp. ad 1. Nomen filii in plurali expressum communi usu utriusque sexus liberos complectitur, dum materia indifferens & pars utriusque est ratio. arg. *bujus rubr. & L. 116. ff. de V. S.*

Resp. ad 2. Liberi alii sunt *legitimi*, alii *illegitimi*. Legitimi alii sunt *legitimi tantum*, qui non natura, sed beneficio adoptionis vel arrogationis a Lege approbatæ in liberorum numero habentur. §. 1. *Inst. & L. 1. ff. de adop.* Alii *legitimi & naturales simul*, vel *legitime nati* sunt, qui ex justis nuptiis sunt procreati. *Illegitimi* in genere sunt omnes, qui extra matrimonium ex copula fornicaria nati. Ex his alii sunt *naturales*, & dicuntur de Jure Canonico ii, qui extra matrimonium procreati sunt a parentibus, inter quos tempore conceptionis, vel nativitatis vel intermedio consistere potuisset matrimonium. Alii *non naturales* seu *spurji*, inter quos prædicto toto tempore matrimonium esse non poterat. Horum alii sunt *adulterini*, alii *sacrilegi*, alii *incestuosæ*, alii *nefarii*.

Q. 2. Quinam in specie habentur pro filiis legitimis?

Resp. 1. Non solum nati ex justis nuptiis, seu matrimonio valido, licet vel unus vel uterque conjugum prius emiseric votum simplex castitatis, vel prius contraxerit sponsalia de futuro; quia hæc sunt tantum impedimenta impediencia; sed etiam nati ex matrimonio putative justo, hoc est, contracto publice in facie Ecclesiæ, nullo contradicente, & b. f. seu ambobus parentibus (vel saltem uno eorum, ut Glossa in c. *cum inhibitis. 3. de Clandest. despons.*) nullius impedimenti dirimentis ante consummationem matrimonii, siue tempore

conceptionis, siue intermedio sibi consciis procreati, etsi dein just illa ignorantia, apparente nimirum impedimento, cessaverit ante nativitatem. c. 2. b. t. c. 3. §. *si quis de Gland. st. despons.* 2. Secundum aliquos nati ex parentibus, qui vel cum dubio speculativo contraxerunt & consummarunt matrimonium; quia hoc dubium iuxta illos non tollit bonam fidem; vel quorum matrimonio contracto dubium practicum supervenit; quia sufficit matrimonium p. f. esse initum & copulam absque peccato habitam. 3. Nati stante matrimonio legitimo ex uxore, quam certum est esse adulteram, modo cohabitaverit marito tempore illo, quo concipi proles potuit: L. 6. ff. de *hij, qui sui vel alieni.* 4. Nati ex matrimonio, quod non erat Sacramentum, nempe infidelium. 5. Nati ex parentibus, quorum unus vel uterque post consummatum matrimonium professus est in Religione, an legitimi sint, controvertunt AA. Zoes b. nu. 5. Vvieln. n. 23. & 24. Schmalzgrueber nu. 35. distinctionem faciunt inter Jus Civile & Canonicum. 6. Pro legitimis habendi sunt expositi; quia plures nati ex legitimo matrimonio a parentibus, non valentibus eos alere, exponuntur. 7. Qui nati sunt ad initium septimi mensis post initum matrimonium, L. 12. ff. de *stat. hom.* vel decimo post mortem mariti mense &c.

Quest. 3. Quid sit legitimatio, quotupliciter fiat, in quo a dispensatione differat? Resp. 1. Legitimatio est restitutio natalium quoad ea, quæ jure positivo illegitimis denegantur.

Resp. 2. Fit dupliciter talis natalium restitutio, vel vi subsequents matrimonii legitimi inter eorum parentes. c. 6. b. t. L. 6. 10. 11. C. de *natur. liberis*; vel rescritto, & indulgentia Principis.

Resp. 3. Distinguitur legitimatio a dispensatione, quod illegitimum habiliter ad omnia jura, dispensatio vero solum ad quædam.

Quest. 4. Quid requiratur ex parte prolis, ut matrimonium subsequens legitimandi vi polleat? Resp. 1. Ut proles sit suscepta ex utroque parente, qui deinde contraxit matrimonium; nam si Bertha prolem ex Titio suscepit, dein autem Cajo matrimonio jungatur, per isthoc

isthoc matrimonium proles ex Titio suscepta non legitimatur. 2. Ut proles illa non sit spuria, prout Ly spurius secundum Jus Canonicum sumitur.

Quest. 5. Quid requiratur, vel sufficiat ex parte matrimonii, ut legitimet? Resp. 1. Alii cum Covarr. Zoes. Engel requirunt matrimonium subsequens esse validum & verum, & non tantum putativum, quale esset contractum in facie Ecclesiæ cum impedimento dirimente ignorato. Ratio, quia, quod de jure nullum est, nullum præstat effectum; & quia vis legitimandi prolem naturalem non tribuitur b. f. sed ipsi matrimonio, per quod simpliciter prolatum verum tantum intelligitur. Alii cum Schmalzgrueb. b. n. 57. putativum sufficere asserunt. Ratio; quia matrimonium putativum sufficit ab initio, quo suscipitur proles; atqui matrimonium subsequens retrahitur, & fictione juris censetur, acsi ab initio extitisset; ergo si tum sufficisset putativum, etiam sufficet, quando tale subsequitur.

Resp. 2. Sufficit ad legitimationem prolis matrimonium *ratum* tantum, & contractum a senibus, infirmis, moribundis, quia vera matrimonia hæc sunt.

Resp. 3. Sufficit matrimonium *mediatum*, si nempe aliud matrimonium intermediet, ex ratione data. Imo matrimonium etiam habet vim legitimandi nepotem, filio naturali illegitimo mortuo; quia legitimatio filii non est fundamentum legitimationis nepotis, sed hæc, cum favore matrimonii fiat, ex ipso matrimonio avi cum concubina inito immediate ad nepotem derivatur.

Quest. 6. Quo tempore parentes debeant esse habiles ad contrahendum matrimonium, ut, hoc subsecuto, proles legitimetur? Resp. Sufficit, si vel tempore conceptæ, vel tempore natæ proles fuerint habiles ad contrahendum. L. 5. §. 2. ff. de stat. hom. L. 11. C. de natural. lib. Nov. 89. cap. 8. fin. Ratio universim est: quia hoc est liberis favorabilius & utilius.

Quest. 7. An ad legitimationem proles per subsequens matrimonium necessarius sit vel parentum, vel legitimandi, vel cæterorum liberorum consensus? Resp. Neg. quia legitimatio hæc absolute tribuitur matrimonio, & est favor publicus, cui privatorum contradictio vel renuntiatio præjudicare non potest. c. 12. de ref. compet.

Q. 8. *Qui sint effectus factæ per subsequens matrimonium legitimattonis?* Resp. Acquirat talis jus succedendi in bonis; participat statum, nobilitatem, familiam patris; fit capax consequendi officia honorata; & hi sunt effectus civiles. Deinde habilis est ad omnes Ordines, & beneficia, etiam Episcopatum, non tamen Cardinalatum, ex speciali Sixti V. dispositione, quæ incipit: *Postquam verus.*

Q. 9. *An legitimati per subsequens matrimonium succedant in Feudo?* Resp. De jure scripto negative ex §. *naturales*. 2. feud. 26. ubi hæc verba: *Naturales filii licet postea fiant legitimi, ad successionem feudi nec soli, nec cum aliis admittuntur.* Qui textus de legitimatis per rescriptum Principis intelligi non potest, quia loquitur de casu, quo cum legitimatis concurrunt adhuc alii liberi, in verbis: *nec soli, nec cum aliis*: sed existentibus aliis liberis, naturalibus scilicet & legitimis, Princeps non legitimat. Nov. 74. c. 2. Nov. 89. c. 9.

Q. 10. *An legitimatio tribuat jus primogenituræ?* Resp. Casu quo Princeps ex concubina fusciperet Titium, ex uxore deinde Sempronium, ubi hic, mortua uxore, concubinam duceret, jus primogenituræ non ad Titium, sed ad Sempronium pertinet. Ratio; quia Sempronius, filius naturalis & legitimus ex matrimonio intermedio procreatus, habet jus quæsitum, quod sine facto suo ipsi non est auferendum. L. 11. ff. de R. J. Deinde Legitimatio per rescriptum Principis non tribuit jus primogenituræ, quia Princeps non censetur velle præjudicare filiis jam antea natis; sed hæc ratio locum etiam habet in legitimatone per subsequens matrimonium, cum & nuptiæ non habent vim legitimandi, nisi quatenus substantiant privilegio Principis.

Q. 11. *Legitimatio per rescriptum Principis quomodo differat a legitimatone per subsequens matrimonium?* Resp. Legitimatio hæc (quæ est actus graciosus, quo ex indulgentia Principis illegitimi redduntur legitimi) differt a legitimatone per subsequens matrimonium, quod sit remedium extraordinarium, & quod se non ad liberos tantum naturales, sed & ad spurios & ex damnato coitu ortos extendat; quod non valeat extantibus liberis legitimis, Nov. 74. cit. non fiat dissentiente legitima-

timato. *Auth. Cod. Quib. mod. natural. efficiantur sui: non se extendat ad inhabilitates Jure Pontificio indultas tollendas, si fiat a Principe seculari, & vice versa, &c. quæ omnia in legitimatione per subsequens matrimonium secus obtinent.*

Q. 12. A quibus legitimatio per Rescriptum fieri possit?
*Resp. Potestas hæc per se & jure communi competit soli summo Principi, qualis in Ecclesiasticis est Papa, in Civilibus Imperator, Rex vel alius Superiorem non recognoscens; quia spectat ad Regalia Principis & quidem majora, & quia soli Principi potestas competit, jus vel a se vel a Prædecessoribus suis latum abrogandi vel ei derogandi. Competit tamen etiam ex hodierna observantia Legitimatione per Rescriptum Electoribus, Principibus, Statibus Imperii; it. ex privilegio a Principe sibi concessio Comitibus Palatinis & Sedis Apostolicæ Legatis; qui si limites privilegii sui excedant, ab ipsis acta nullius sunt momenti. *cap. 22. de Rescript.**

T I T U L U S XVIII.

Qui matrimonium accusare possunt vel contra illud testificari.

Q. 1. Quis sit judex competens in causa matrimoniali? *Resp. 1. in genere. Solus Judex Ecclesiasticus. c. 3. de ord. cogn. c. 4. & 5. qui fil. sint legit. Trid. Sess. 24. can. 12. de Sacram. matr.* Ratio; quia matrimonium est unum e 7. Sacramentis, deoque res spiritualis. Etiam si quæstio incidat tantum de valore matrimonii, casu hoc judex secularis in causa principali supersedebit, illamque de valore matrimonii quæstionem ad Judicem Ecclesiasticum debet remittere, *Engel. h. n. 1.*

Resp. 2. In specie. Judex in causis matrimonialibus jure ordinario competens Episcopus est, non inferior. c. 12. de excess. Prel. Trid. Sess. 24. c. 20. V. ad hæc de reform. Nomine Episcopi autem veniunt non Prælati tantum Ordinis Episcopalis, sed quicunque alii, jurisdictionem quasi Episcopalem habentes.

Q. 2. Quæ causæ hic nomine matrimonialium veniant?
Resp. Non tantum matrimonium, sed & illi connexa

Clement. 2. de jud. uti sunt sponsalia, conjugum & spon-
 forum jura, benedictio nuptialis, legitimas prolium,
 impedimentum & dispensationes &c. si quaestio *juris* &
 & non *meri facti* moveatur. Ad forum contra saecula-
 re spectant, nec veniunt nomine causarum matrimo-
 nialium causa dotis & donationis propter nuptias, suc-
 cessio, alimentatio, & similes, quia ex se mere sunt
 temporales. Si tamen hujusmodi quaestio incidat in cau-
 sam matrimonialem principaliter a Judice Ecclesiasti-
 co agitatam, ipse hic de temporali illa causa inciden-
 te cognoscet & pronuntiabit. *cap. 1. qui fil. sint. legis.*
cap. 3. 6. 7. de donat. inter vir. & uxor. & ratio est; quia
 Judex Ecclesiasticus ex se non est incapax cognoscen-
 di causas temporales, uti Laicus incapax est respectu
 spiritualium.

*Q. 3. Quibus conjugum & conjugiorum accusatio com-
 petat?* Resp. 1. Si agitur ad impediendum matrimonium
nondum initum ob impedimentum. v. g. inter spon-
 sos intercedens, non possunt tantum, sed & debent de-
 nuntiare omnes, qui notitiam impedimenti habent.
Vide tit. 3. supr. q. 4. & c. 5. X. h. t.

Resp. 2. Si agitur de matrimonio jam contracto *quo-
 ad thorum* duntaxat dissolvendo, ad accusandum admit-
 titur solus innocens. Ratio; quia illius solius interest,
 ejusque favore principaliter jus separandi se a conjuge
 nocente est introductum *arg. c. 5. de procurat. cap. 4. de
 adult. & supr.* Dum vero accusatio non fieret ad divor-
 tium, sed ad poenam v. g. de adulterio, dum illud pu-
 blicum est, sumendam, institui a quolibet posset, mo-
 do mas sit & 25. annis major. *L. 43. §. 10. ff. de ritu nupt.*

Resp. 3. Si agitur ad dissolvendum matrimonium jam
 contractum *quoad vinculum* ob impedimentum dirimens,
 non omnes promiscue, sed certi tantum pro qualitate
 impedimenti admittuntur; sic in impedimento *impotentiae*,
 & in impedimento *erroris, metus, aut defectus consen-
 sus* soli admittuntur conjuges; quia horum solorum in-
 tereat matrimonium dissolvi; in impedimento *consan-
 guinitatis, affinitatis, honestatis publicae* primo omnium
 admittuntur parentes, dein fratres & sorores; tum alii
 consanguinei; & his deficientibus extranei viciniore,
 utpote quibus genealogia & propinquitas conjugum ma-
 gis

gis est nota, c. 1. de 3. caus. 35. q. 6. c. 3. b. t. Demum si impedimentum est aliud, v. g. defectus Parochi, Professio religiosa; non conjuges tantum & consanguinei, sed alii etiam testes veraces admittuntur, arg. c. 1. de his, que vi.

Q. 4. *Quinam in specie repellantur ab accusatione matrimonii & consequenter a testificatione vel contra vel pro eo?* Resp. 1. Qui turpis quævis causa accusant. c. fin. b. t. secundo repelluntur, qui cum proclamationes fierent, impedimentum non manifestarunt, quia præsumuntur ob dilatatam manifestationem calumniose accusare. c. fin. b. t. potest tamen ista præsumptio elidi per iuramentum ostendendo, quod vel ex causa absentia, infirmitatis &c. ignoraverint, vel ipsius impedimenti notitiam prius acceperint. 3. Repellitur ea, quæ matrimonium ab initio quidem metu gravi coacta contraxit, postea tamen carnalem copulam admisit. c. 4. b. t. 4. Qui id accusant tantum per literas, non personaliter præsentem, nisi alia adminicula suffragentur, c. 2. b. t.

Q. 5. *Quinam testes admittantur in causa matrimoniali?* Resp. Illi præ reliquis, qui notitiam impedimenti meliorem habent, & non sunt suspectæ fidei. c. 47. de test. & attest. etiam pater, fratres & consanguinei. c. 3. b. t. etiam pro matrimonio sustinendo contra accusantem illud, nisi appareat, arbitrio iudicis, ex circumstantiis suspectum esse illorum testimonium.

Q. 6. *Quid præterea hic observandum?* Resp. 1. Quando quis possit propria autoritate divertere a conjugē, dicitur tit. seq. §. 2. q. 6. 2. Licet alias confessio sit optima probatio, si tamen conjugati ultro faterentur impedimentum v. gr. consanguinitatis, impotentia, criminis, non statim propterea sunt separandi ob periculum collusionis. c. 5. de eo, qui cognovit. 3. Causa matrimonialis est inter maxime arduas; itaque si agatur de matrimonio jam contracto dissolvendo, requiruntur probationes plenæ & integræ; cum semiplena tantum sufficiat ad matrimonium necdum contractum impediendum. c. 12. de sponsal. c. 2. de consang. & affin. 4. Causæ matrimoniales tractandæ sunt summarie, & quantum fieri potest, brevissime, ne litigantes ob longiorem moram periculo incontinentia exponantur. Clem. 2. de jud.

Jud. de V. S. 5. Sententia lata in causa matrimoniali non transit in rem judicatam, etsi ab ea non sit appellatum *c. 7.* ibi & gloss. *de sent. & rejud.* 6. Accusatio matrimonii post lapsum etiam 30. & 40. annorum institui potest; quia matrimonium ab initio invalidum tractu temporis non convalescit; nec impedimentum tollitur. 7. Transactio super impedimento Canonico non est permissa, nec juramentum voluntarium, nec compromissum. *cap. fin. de Transact.*

T I T U L U S XIX.

De Divortiis.

Quest. Divortium quid, quotuplex? Resp. Divortium, quod est viri ab uxore & hujus a viro separatio legitima, est duplex, scil. prout vel importat dissolutionem matrimonii *quoad thorum & habitationem*, vel prout importat dissolutionem matrimonii *quoad ipsum vinculum*. Porro separatio, quæ perpetua non est, divortium proprie non appellatur

§. 1. *De Divortio conjugum quoad vinculum.*

Quest. 1. *An & qualiter matrimonium sit indissolubile?* Resp. Discrepat in hoc jus Civile a jure Canonico; secundum illud olim dissolvebatur etiam quoad vinculum, ut patet. ex *L. 2. 9.* & passim *ff. b. r.* ex *L. 8. C. de repudiis*, qua Lege Theodos. & Valentinian. Imp. Christiani ad certas causas divortium restrinxerunt. Hodie in causis divortii Jus Civile Leges Juris Canonici sequi debet, ex cujus declaratione matrimonium semel legitime contractum, superstitie utroque conjuge, quoad vinculum dissolvi nequit, nisi ex tribus causis infra *quest. 3.* & 4. ponendis. A quo jure indissolubilitas hæc proveniat, non conveniunt AA. melius sentiunt, qui dicunt, *insolubilitatem matrimonii aliquo modo fundari in jure naturæ*, cum ex natura sua tendat ad amorem mutuum, procreationem & educationem prolium, ad quæ perpetuitas plurimum confert; *non tamen competere ex solo jure naturæ*, cum hoc sit immutabile,

le, matrimonii autem dissolutio nec fuerit, nec sit omni casu illicita & invalida; *sed indissolubilitatem matrimonii supposita institutione divina, induci jure naturali.* Ratio; quia juri naturali repugnat concessio usus rei alienæ invito Domino, aut modo alio, quam ab illo permissum sit; cum ergo DEUS supremus corporum dominus nonnisi per nexum insolubilem voluerit transferri dominium corporum. *Matth. 9. v. 6. Flor. in decret. union. §. septim. Trid. Sess. 24. princ. ii,* qui temporaneum corporum suorum usum transferre vellent, contra jus naturale peccabunt.

Quæst. 2. An matrimonium fuerit insolubile in L. V. ?
 Resp. 1. Aff. quoad *Legem naturæ* ex verbis Christi, *ab initio autem non fuit sic, Matth. 19.* Resp. 2. In *L. scripta* seu *Mosaica* Hebræis permissum fuit, dispensante DEO, repudium uxorum suarum, quod & factum iusta de causa erat licitum. *Deuteron. 24. V. 1. & 4. Lev. 21. V. 13.* Idem extendunt aliqui ad Gentiles tum temporis. Defacto tamen *post Legem Evangelicam promulgatam* neque Judæis, neque Gentilibus licitum est repudium: quia *Lege Evangelica Matth. 19. V. 6.* Libellus repudii est antiquatus, & matrimonium ad primævam indissolubilitatem reductum, ut etiam expresse habetur, *cap. gaudemus. 8. b. t.*

Q. 3. An matrimonia infidelium, hoc est, non baptizatorum, semel legitime contracta sint defacto penitus indissolubilia ? Resp. 1. Si uterque conjugum perseverat in infidelitate, etiamsi conjugium tantum sit ratum; nec a Pontifice, utpote cujus jurisdictioni subjecti non sunt; nec a Principe sæculari, cui potestatem a DEO solvendi matrimonia concessam esse, non constat; nec mutuo contrahentium consensu solvi potest, quia insolubilitatem uti consensu suo conjuges hi non induxerunt, ita nec eam tollere possunt.

Resp. 2. Dum uterque ad fidem convertitur, eorumque matrimonium *copula carnali necdum fuit consummatum*, solubile est vel Professione Religiosa vel dispensatione Pontificia, quemadmodum dicitur *quæst. seq. de talibus fidelium matrimoniis.* Si vero *consummatum fuerit*, nulla potest humana potestate quoad vinculum solvi, cum a DEO ipso insolubilitatem habeat.

Resp. 3.

Resp. 3. Si unus conjugum infidelium ad fidem convertitur, altero nolente converti, & renuente cohabitare, adeoque discessionem *physicam* faciente: vel volente quidem cohabitare, sed non absque injuria Creatoris vel *directe* vel *indirecte* irrogata, adeoque facientem discessionem *moralem*; solvi potest matrimonium etiam consummatum, etiam *quoad vinculum*, in favorem fidei ex privilegio & dispensatione divina, quam innuit S. Paulus 1. Corinth. 7. V. 16. & habetur. c. 7. & 8. b. 1. Tale autem matrimonium non statim a puncto; quo infidelis renuit converti, & cohabitare fidelis sine contumelia Creatoris, sed tum modo solvitur, cum fidelis secundum matrimonium contrahit. c. 8. b. 1. *can. 1. caus. 28. q. 2.* quo secundo matrimonio a fidei contracto, valide & licite ad alias quoque nuptias transit infidelis, quia nullo jure prohibetur; quod tamen secus est, dum conversus non complectitur statum matrimoniale, sed vel *sacros Ordines* suscipit aut emittit *Professionem*, cum nullibi annexum esse legatur S. Ordinibus vel Professioni privilegium matrimonium *consummatum quoad ipsum vinculum* dissolvendi.

Q. 4. An matrimonium ratum fidelium sit indissolubile?

Resp. Neg. sed duplici casu etiam *quoad vinculum* solvi potest 1. per *Professionem* Religiosam solemnem: c. 2. & 7. de *conv. conjug.* Trid. Sess. 24. *can. 6. de Sacram. matrim.* quæ tamen vis neque Votis simplicibus competit, neque S. Ordinibus. 2. Potest quoque dissolvi matrimonium ratum per *dispensationem Summi Pontificis* Ratio; quia potestas Papæ *Matth. 16.* data extendi debet, quantum potest & exigit bonum animarum; ac recta Ecclesiæ gubernatio; estque reipsa exercita a *Greg. VII. Eug. & Pio IV. Julio & Paulo III. Clement. & Urban. VIII. Gregor. XIII. &c.* Dispensatio concessa sine iusta causa invalida est; cum enim insolubilitas matrimonii rati descendat ex jure divino, in hoc non nisi urgente causa gravi juxta *D. Thom. 2. 2. q. 88. art. 12.* Papa dispensare potest; potestate utpote ad ædificationem; non destructionem & dissipationem a Christo concessa. *Schmalzgr. b. n. 51.*

Q. 5. Quantum tempus concessum sit conjugibus ad deliberandum de Religionis ingressu? Resp. Post matrimonium

nium contractum & non consummatum duo menses conjugibus dantur ad deliberandum de Religionis ingressu, ita ut intra id temporis debitum reddere non teneantur. *c. 7. de convers. conjug.* Duo autem illi menses primo conceduntur non ad ingressum cum effectu vel Professionem, sed ad ingressum solummodo in Novitiatum. 2. Bimestre hoc computandum est *regulariter* a die contracti matrimonii: *ita communis*. 3. Potest hoc bimestre autoritate judicis vel abbreviari vel prorogari, tempus enim a Lege præscriptum, sed a iudice imponendum, ab eo exigente causa coarctari potest vel prolongari. *L. 2. ff. de re judicat.* 4. Quod si conjux intra tempus a jure vel iudice concessum uxorem de statu religioso deliberantem vi opprimat, matrimonium quidem redditur indissolubile quoad vinculum, utpote vere consummatum, *per se tamen loquendo* femina poterit Religionem ingredi, eo quod maritus non debeat referre commodum ex sua iniquitate. 5. Bimestre dictum juxta Sanch. conceditur omnibus conjugatis, etiam de ingressu in Religionem non cogitantibus; aliis cum Laym Castrop. Hurtad. contrarium sentientibus.

Q. 6. An matrimonium fidelium consummatum sit indissolubile? Resp. Aff. ut neque ob adulterium, neque ob hæresim, neque alia de causa matrimonium fidelium simul *valide* contractum & consummatum quoad vinculum possit dissolvi. Ratio ex scriptura *Marci 10. v. 11.* ubi generaliter negatur, posse conjugem, ex quacunque causa compartem dimiserit, eo superstitite alteri cuiquam copulari. *Matth. 19. v. 6.* Quod Deus conjunxit, homo non separet ex Apostolo *1. Cor. 7. v. 10.* ubi ait, *iis, qui matrimonio juncti sunt, præcipio non ego, sed Dominus, uxorem a viro non discedere, quodsi discesserit, manere innuptam, aut viro suo reconciliari.* 2. Probant aliqui indissolubilitatem matrimonii consummati ex ejus *significatione*, cum significet perpetuam Christi cum Ecclesia conjunctionem. 3. Probatur ex Concil. Flor. in Decret. union. Trid. Sess. 24. *can. 7. de Sac. matrim.* 4. Ex plurimis incommodis, quæ & proli & conjugibus hac via accersuntur.

Quest. 7. An matrimonia A catholicorum nostri temporis sint indissolubilia, sive inter se, sive cum Orthodoxis

his contracta? Resp. sub distinctione: Vel enim habens intentionem contrahendi matrimonium, quale ex institutione Christi potest contrahi: licet putent matrimonium inter Christianos in quibusdam casibus solvi posse, matrimonium eorum erit insolubile. Ratio; quia hoc casu prævalet intentio generalis contrahendi matrimonium validum, quod revera est insolubile. Vel ita contrahunt, ut intentionem huic errori suo alligent, & expresse nolint aliter contrahere, nisi sub conditione solubilitatis; tale matrimonium, utpote invalidum, erit solubile; quia talis intentio & consensus aperte substantiæ matrimonii repugnat. Interim præsumendum non est, alligare eos mentem suam errori huic; adeoque matrimonium Hæreticorum est Sacramentum simulque indissolubile. Ratio præsumptionis est, quia in dubio favendum est semper matrimonio jam contracto, proque ejus valore pronuntiandum. *c. fin. de sent. & re judic.*

Q. 8. Quid requiratur, ut matrimonium sive ratum, sive consummatum contractum cum impedimento dirimente dissolvatur quoad vinculum? Resp. 1. Debet fieri auctoritate legitimi judicis. *c. 3. h. t.* 2. Non potest judex matrimonium in facie Ecclesiæ contractum ex hoc solo dissolvere, quod unus vel uterque etiam conjux fateatur, se cum impedimento dirimente contraxisse. *c. 5. de eo, qui cognov.* Ratio ibi redditur ob periculum collusionis. 3. De impedimento ipso debet constare judici per plenam & perfectam probationem v.g. per testes duos omni exceptione majores. *Arg. c. 1. de consang. c. 22. de testib.* 4. In dubio debet judex pro valore matrimonii pronunciare. *Sequitur ex dictis.* 5. Conjux tamen, cui de impedimento dirimente certo constat, nec petere potest debitum, nec reddere. *c. 13. de ressit. spoliat.*

§. 2. De dissolutione matrimonii quoad thorum & cohabitationem.

Quest. 1. *Quot modis matrimonium quoad thorum separari in perpetuum possit?* Resp. Duobus: uno, per mutuum consensum conjugum, si votum solemne in susceptione S. Ordinum, aut Professione Religiosa, altero con-

consentiente, emittatur, c. 4. §. &c. de conv. conjug. modo altero ob adulterium ab uno commissum, quod quia per se & directe repugnat fidei conjugali, causa sufficiens est divortii quoad thorum perpetui. Hæc est constans Catholicorum Doctrina propter illud Christi Matth. 5. & 19. nisi ob fornicationem, prout explicat Hier. ad cit. cap. 19. Matt. & in Epist. ad Amand. D. August. L. 2. de adult. conjug. cap. 9. Conceditur tam marito innocenti ob adulterium uxoris, quam uxori innocenti ob adulterium mariti, cum jus divortii faciendi oriatur ex violatione fidei conjugalis, ubi conjuges æquales sunt. Modo tamen adulterium fuerit consummatum, & formale sive continens malitiam formalem adulterii; quia nisi formale adulterium sit; fides conjugalis injuriose non violatur; nisi sit consummatum, caro in aliam carnem non dividitur.

Q. 2. Quando non liceat facere divortium propter adulterium? Resp. 1. Si uterque conjugum adulterium commisit; quia tum paria delicta mutua compensatione delentur, c. 4. & 5. h. t. 2. Si maritus adulterii uxoris fuit author; quia hoc casu æque culpabilis est, ac uxor. 3. Si conjux innocens nocenti condonavit adulterium; quia sic cessit juri acquisito faciendi divortium.

Q. 3. An conjugem adulterum innocens teneatur dimittere? Resp. Per se nulla est ad hoc obligatio. Ratio; quia dimissio adulteræ a Christo Matth. 19. non præcipitur, sed tantum permittitur, ut notat S. Aug. relatus can. 5. caus. 27. qu. 1. Dicunt aliqui per accidens ratione scandali & sinistrae suspicionis teneri posse maritum ad dimittendam adulteram; quibus contradicit Castr. eo quod uxor, quæ in domo mariti reprehendentis eam & punientis delinquit, inde dimissa liberius sit peccatura; neque teneri, ait, maritum uti remedio dubio, posseque scandalo & suspicioni remediis aliis occurrere. A fortiori rarissime vel nunquam uxor innocens se a marito adultero separare tenebitur.

Qu. 4. An si conjux innocens velit ultro reconciliari nocenti post factum divortium, teneatur nocens acceptare & ad cohabitationem redire? Resp. Affirm. quia divortium ex causa adulterii solum in gratiam innocentis concessum est; ergo non debet in ejus incommodum re-

torqueri, *cap. 61. de Reg. jur. in 6.* Neque censetur innocens cedere suo jure, dum dimittit nocentem, sed potius adulter jure suo, quod prius habuit in innocentem ex matrimonio, privatur. *Leuren. b. t. q. 303.* refert aliquot casus, ubi etiam nocens redire ad innocentem non tenetur.

Resp. 3. An adulterum resipiscentem recipere, & cum eo redintegrare conjugium innocens teneatur, vel an possit pro libitu suscipere SS. Ordines aut Religionem ingredi?

Resp. 1. Potest quidem innocens facto etiam per sententiam divortio nocenti reconciliari; cum per sententiam non debeat privari jure suo, non tamen tenetur, emendato etiam nocente. Ratio; quia adulterium est causa divortii perpetui. *Resp.* Potest etiam innocens suscipere SS. Ordines, Religionem ingredi, vel emitte votum castitatis; absque eo, quod nocens emendatus illum possit repetere. Ratio; quia amisso ob adulterium jure exigendi debitum & mutuam cohabitationem, innocens ab omni debito conjugali liber efficitur. Debet tamen, ut licite & absque peccato innocens assumat alium statum, divortium per sententiam judicis factum esse, cum alias nocens regulariter restitutionem in integrum petere possit.

Q. 6. An conjugum uno in adulterium lapsa possit innocens propria ab eo auctoritate divertere? *Resp. Aff.*
1. Dum adulterium est notorium *c. 9. de sponsal. c. 4. b. t.* *2.* Secluso scandalo etiam ob adulterium occultum, saltem pro foro conscientie. Ratio; quia ea est natura matrimonii, ut conjuges sibi obligentur ad mutuam cohabitationem debique redditionem, quamdiu carnem non dividerint, facta hac divisione cessat obligatio in innocente, qui adeoque sibi ipsi jus non dicit sed jure a matrimonii natura concessa utitur. Habetur hoc ipsum in *canon. 2. caus. 32. quest. 1. 3.* Innocens propria auctoritate volens divertere debet esse moraliter certus de adulterio conjugis, *cap. 9. de sponsal.* Ratio, quia nemo ob dubium vel suspensionem tantum probabilem jure suo est privandus. *4.* Licet innocens non expectata sententia, ut dictum, separare se possit, si tamen spoliatus restitutionem petat, statim est restituendus, nisi adulterium esset notorium, vel incont-

nenti

nienti probaretur; c. 13. de *restit. spoliat.* Spolians tamen certus moraliter de impedimento dirimente utut in foro externo compellatur ad cohabitandum; in foro conscientie matrimonio uti non potest; c. 44. de *sentent. excomm.* quia talis usus est fornicatio intrinsece mala & peccaminosa.

Q. 7. An & quæ præter adulterium sint causæ divortii iusti, quoad thorum? Resp. ad 1. Aff. Trid. Sess. 24. canon. 8. de *Sacram. matr.* clare hanc veritatem definit, constatque ex toto tit. de *divort. & conv. conjug.* Quando Christus solam assignavit fornicationem pro causa divortii; de causa separationis perpetuæ; & obstante contractui matrimoniali est locutus. Resp. ad 2. Causa prima est *Hæresis*; non quæcumque; sed pertinax juxta illud Apost. Ad Titul. 3. & cap. fin. de *conv. conjug.* cap. 6. & 7. h. tit. Ratio est; quia ex cohabitatione cum Hæretico pertinaci plerumque imminet periculum perversionis; quo imminente & urgente graviter jure naturali; & divino obligatur innocens se separare; etiam propria auctoritate. Separatio hæc autem non est perpetua; sed durat; quoadusque Hæreticus resipiscat. c. 7. h. t. Facta autem *Judicio Ecclesie* est ita perpetua juxta multos; ut non teneatur talem Hæreticum etiam resipiscentem conjux Catholicus ad sui consortium recipere cap. 6. h. t. cap. ultim. de *Hæreticis*. Aliis sententiam hanc de rigore juris valde probabilem moderantibus; ut cum procedat; si conjux Catholicus ad Religionem transire; non autem; si velit in sæculo remanere; probant ex c. ult. de *conv. conjug.* & ex illa *Capitulum 6. h. t.* interpretantur. *Secunda* causa est; *periculum animæ*; dum conjux conjugem ad gravia peccata v. g. latrocinii; veneficii; &c. impellit; cessante autem hac inductione; quantumcumque conjux vitiis sit deditus; excepto adulterio & hæresi; divortium non licet. Ad hanc separationem sententia judicis opus non est; quia ipso jure naturali conceditur. *Tertia*; *Periculum corporis*; quod imminere solet v. g. conjugi sano ob alterius lepram; uxori ob latrocinationem viri; &c. *Quarta*; *Jævitia aut furor mariti* v. g. consortem suam odio gravi persequentis; ejusque vitæ ferro; veneno; &c. insidiantis; vel mortem aut mutilationem serio minantis;

aut aliis modis crudeliter tractantis, c. 18. & 13. de rest. spol. Ratio; quia uxor non est mancipium viri. Quinta, Molestia cohabitatio ex frequentia jurgiorum & rixarum; quia grave malum reputatur, habere semper offensum illum, quocum quis perpetuo vivere cogitur. Ad separationem a thoro, ob tres ultimas causas fere semper necessaria est auctoritas judicis, nisi periculum in mora sit.

Q. 8. Apud quem conjugum facto divortio educandi & alendi liberi? Resp. Apud innocentem expensis partis nocentis. Auth. si pater, C. divortio facto; adeoque non minus apud patrem, innocentem, expensis matris nocentis, quam apud matrem innocentem expensis patris nocentis: quia vir & uxor sunt correlativa; ergo dispositum de uno censetur etiam de altero dispositum, ubi eadem, quemadmodum hic, ratio militat. Ipsa tamen Auth. cit. tres patitur limitationes, quas vide.

T I T U L U S XX.

De donationibus inter virum & uxorem, & de dote post divortium restituenda.

Q. 1. Donatio inter virum & uxorem quotuplex? Resp. Duplex; alia quæ fit omnino gratis & mera liberalitate L. 1. ff. de Donat. alia quæ fit ob causam aliquam; qualis est donatio propter nuptias facta a marito in compensationem dotis sibi datæ ab uxore.

Q. 2. An & quatenus donationes inter conjuges valeant vel non valeant? Resp. Donatio mera liberalis, & qua donans sit pauperior, cum locupletatione donatarii, facta stante matrimonio, inter conjuges privatos tam de Jure Civili L. 1. 2. 3. ff. h. t. quam de Jure Canonico c. fin. h. t. est invalida, non quidem ita, ut careat omni effectu, cum juxta dicenda confirmetur morte donantis, transeatque saltem possessio rei donatæ in donatarium, cum ea sit quid facti, arg. L. 1. §. 4. ff. de acq. & amitt. poss. Imo & acquirat fructus sua industria ex re donata perceptos. L. 17. ff. h. Extenditur responsio 1. ut donatio pure liberalis adhuc sit invalida, si fiat inter sponsum & sponsam de præsentibus, matrimonio necdum consum-

juramento. Pirh. b. t. n. 3. 2. Facta ante matrimonium contractum, dum ejus effectus differtur in tempus contracti matrimonii. L. 4. C. de donat. ante nupt. 3. Etiam si fiat per personam intermediam, ut dum maritus dat aliquid Titio, ut donet uxori suae. 4. Ut etiam si contractus alii v.g. venditio, permutatio inter conjuges valide incantur, remissio tamen pretii animo donandi facta sit invalida. L. 5. §. 5. ff. b. t.

Q. 3. An donatio mere liberalis inter conjuges putative tantum tales sit valida? Resp. 1. Si uterque conscius est nullitatis matrimonii, valet quidem donatio pro foro interno, in foro tamen externo fiscus auferre posset rem donatario in poenam m. f. in qua sunt tales putativi conjuges. L. 32. §. fin. ff. b. t.

Resp. 2. Si solus donans conscius est nullitatis, valet donatio; quia talis censetur velle donare extraneo; non vero valebit, si donatarius solus nullitatem sciret.

Ratio est, quia deficit consensus in donante ob errorem.

Resp. 3. Si uterque ignoravit nullitatem matrimonii, itidem invalida est donatio, non quidem ob resistantiam legis, nam per hanc irritatae sunt Donationes inter virum & uxorem, quales isti non sunt, sed ex defectu intentionis in donante, nolentis donare extraneo. L. 32. cit. §. 27. ff. eod.

Q. 4. Quomodo donatio inter conjuges confirmetur? Resp. 1. Confirmatur juramento de non revocando; ex ratione textus c. 28. de jurejur. & cap. 2. de pact. in 6.

Resp. 2. Confirmatur per mortem naturalem donantis, si is in vivis donationem non revocavit tacite vel expresse: c. ult. b. t. L. 32. §. 1. ff. b. t. & L. 25. C. eod. Ratio; tum quia matrimonio per mortem soluto cessat finis legis; tum quia non revocans in vita, censetur in eadem voluntate perseverasse, ac proinde per ultimam voluntatem relinquere. Quae requirantur, ut morte confirmetur donatio, vide apud Schmalzgr. b. a. n. 38. ad 41. Leut. b. t. q. 312. n. 2.

Resp. 3. Per mortem civilem confirmatur donatio respectu fisci, cui alias cedunt bona (non vero respectu donantis, cui semper revocare licet) ita nimirum, ut fiscus revocare non possit rem donatam coniugi, sed ut huic maneat, nisi donans revocet ante mortem naturalem.

ralem. *L. 13. §. ff. L. 24. C. b. t.* Debet tamen mors civilis in hoc consistere, ut donans deportetur vel mittatur in exilium, vel fiat servus penæ v. g. per damnationem ad metalla; si enim fiat servus hominis, donatio non confirmatur, sed evanescit. *L. 33. §. 6. ff. b. t.* vel si emitat Professionem in Ordine bonorum capace, donatione facta non obstante, donans Professus eam de consensu superioris revocare potest, adeoque irrevocabiliter non firmatur ante mortem talis Professus naturalis; in Religione tamen incapace bonorum temporalium per Professionem statim confirmatur. *Pirch. b. n. 20. Vviesln. n. 34. Reiffen. n. 30.*

Q. 5. Quando dos repeti possit? Resp. Dos (quo nomine hic venit omne illud, quod marito ratione matrimonii ad ejus opera sustinenda datur, vel promittitur; sive ab aliquo ascendente, vel intuitu patris, quæ dicitur *dos profectitia*; sive ex bonis propriis uxoris, vel extranei sine respectu ad patrem, & est *dos adventitia*) non repetitur, nisi soluto matrimonio, *c. fin. b. t.* Excipiuntur tres casus, quibus stante etiam matrimonio dos potest repeti, 1. Si maritus sua culpa ad inopiam vergat. *L. 24. pr. ff. solut. matr.* 2. si bona mariti fisco inferantur, v. g. ob crimen læsæ Majestatis &c. arg. *L. 31. ff. solut. matr.* 3. pro liberis prioris matrimonii, pro parentibus, fratribus, aut sororibus egenis alendis. *Engel b. n. 9.* Caterum quod uxor habeat in repetenda dote hypothecam privilegiam in omnibus mariti bonis, & ante omnes alios creditores, etiam expressam anteriorem hypothecam habentes, solutionem dotis accipere debeat, defendimus cum Fachin. *lib. 10. Controv. c. 35. L. 30. C. de Jure dot. L. 12. C. qui potior. in pign. L. fin. C. ibid.*

Q. 6. Quid juris circa dotem in matrimonio QUOAD VINCULUM soluto? Resp. Si matrimonium quoad vinculum solvatur vel per mortem alterutrius, vel per ingressum in Religionem, vel propter impedimentum dirimens, quod *b. f. ignoratum erat*, nunc vero est detectum, dos uxori, ejusve hæredibus, & donatio propter nuptias marito, vel ejus hæredibus est restituenda, salvo tamen beneficio competentis, & seclusis pactis donalibus, aut consuetudine contraria, aut statuto locali.

dicenda sunt *in C. de rei uxor.* Eadem dicenda sunt jure communi.

ni de paraphernalibus & Morgengaba. L. fin. Cod. de pact. convent. item de acquasibus seu lucris, stante matrimonio uni conjugii particulari acquisitis c. 2. b. t.

Qu. 7. Cui restitutio dotis fieri debeat soluto QUOAD THORUM ET HABITATIONEM matrimonio? Resp. Si absque delicto & culpa unius ex conjugibus fiat, v. g. si maritus consentiente uxore suscipiat SS. Ordines, dos redit ad uxorem, donatio propter nuptias ad maritum, c. 1. b. t. L. un. C. cit. Si ob culpam v. g. propter unius adulterium separatio quoad thorum fiat, dos vel donatio propter nuptias non restituitur parti adulteræ, sed eam innocens lucratur per sententiam iudicis, simulque id, quod dedit, recuperat; nisi dotem constituens voluerit ad se reverti, vel nisi pars adultera innocentis fuerit reconciliata, vel nisi adessent liberi partis adulteræ ex hoc vel alio matrimonio. Habentur hæc in c. 4. b. t. L. 8. §. 4. & 5. C. de repud. Nov. 117. c. 3. & 9.

Q. 8. An uxor ob adulterium separata amittat etiam paraphernalia? Resp. Bona paraphernalia seu parapherna (qualia sunt, quæ uxor jam dotata habet præter dotem, aut acquirit in suos usus; v. g. donatione, jure hæreditario &c.) non amittit uxor adultera, quia poenalis hæc dispositio de amissione dotis non debet extendi, c. 15. c. 49. de R. f. in 6. & licet c. 4. b. t. dicatur dotem vel dotalitium repeti posse, non tamen per dotalitium intelligi debent parapherna, sed vel donatio propter nuptias, vel sponsalitia largita, vel alia bona ex pactis dotalibus, secluso adulterio, uxori debita.

T I T U L U S XXI.

De secundis nuptiis.

Quæst. 1. Num licite & honeste sint nuptiæ secundæ, tertiæ, quartæ? Resp. 1. Aff. est Catholica veritas, antiquissima & universali Ecclesiæ consuetudine confirmata, esse licitæ nuptias secundas; & præter ex illo Apost. 1. Corint. 7. v. 39. 1. Tim. 5. c. fin. c. 31. q. 1. & can. 1. ead. caus. & q. Ratio; quia ex præcedentibus nuptiis nullum obstat impedimentum, quominus semper ad ulteriores procedi possit.

Resp. 2. Sunt etiam honestæ, cum nonnisi quod honestum est, ab Ecclesia possit approbari. Quod negentur nuptiis secundis benedictiones, non est ideo, quasi inhonestæ sint, sed una ex causis est, quod in iis deficiat perfecta significatio Sacramenti; & quia alias quoque benedictiones Ecclesia non repetit, uti Virginum, Ecclesiarum, altarium.

Qu. 2. Quæ pena viduis ante annum luctus elapsum nubentibus de jure Civili statuta, & num ea pariter teneat de Jure Can.? Resp. ad 1. Statuitur de jure Civ. infamia, ipso facto incurrenda tam ab ipsa, quam a viro eam ducente. *L. 1. C. de secund. nupt. L. 11. ff. de his, qui non infam. L. 15. C. ex quibus caus. infam. irrog. Nov. 22. c. 22.* idque ad tollendam sanguinis turbationem per secundum matrimonium, & patris incertitudinem.

Resp. ad 2. Leges Civ. statuente infamiam sunt correctæ a Jure Can. *c. 4. b. 1.* ubi ita: *Super illa questione, qua questum est, an mulier possit sine infamia nubere intra tempus luctus per legem definitum; respondemus, quod, cum Apostolus dicat, mulier viro suo mortuo soluta est à lege viri sui, in Domino nubat, cui voluerit, per licentiam & auctoritatem Apostoli ejus infamia aboletur.* Unde sequitur in utroque foro non esse amplius infames mulieres illas intra annum luctus ad secunda vota transeuntibus: quod idem *c. fin. b. 1.* confirmatur.

Q. 3. Quotuplicis generis & quæ penæ Jure Civ. statuta sint secundo nubentibus? Resp. ad 1. Duplicis generis; quædam præcise in odium secundarum nuptiarum, & punitionem præmaturi transitus ad alteras nuptias tendunt; aliæ respiciunt primario favorem liberorum ex priori matrimonio susceptorum, etiamsi post annum luctus secundæ nuptiæ incantur, & cessant nullis existentibus liberis, vel his ante parentem binubum mortuis. *L. 3. §. 1. C. b. 1.*

Resp. ad 2. Penæ in odium secundarum nuptiarum sunt seqq. 1. Infamia, ut dictum. 2. Uxor viro posteriori, titulo dotis vel ultimæ voluntatis ultra tertiam bonorum suorum partem dare vel relinquere non potest. *L. 1. Cod. hoc tit.* etiamsi nulli extent liberi. 3. Fit incapax cujuscumque hæreditatis, legati &c. a quocumque alio, quam viro consequendi, ut nullum in talibus

libus acquirat dominium, sed omnia vel hæredibus scriptis, vel cohæredibus ab intestato venientibus sint applicanda: *L. 1. C. cit. 4.* Non succedit consanguineis ultra tertium gradum, adeoque nec fratris filio, utpote cui de Jure Civili in quarto gradu conjuncta est. *L. 1. citat.* Pœnæ hæ viros binubos etiam intra annum luctus non tenent; cum non sit eadem ratio in dicto casu viros inter feminas. *Pœnæ primario in favorem liberorum sunt fere seqq. 1.* Uxor (idem dicendum de marito ob rationis paritatem, & *L. 5. §. 1. ff. h. t.*) quocunque tempore ad secunda vota transeat, amittit dominium omnium eorum, quæ mortui mariti liberalitate, ultimave ejus dispositione accepit, eorumque tantum usumfructum retinet, proprietate liberis prioris matrimonii reservata. *L. 3. C. 6. §. 1. Cod. h. tit. 2.* Mulier, vel vir, novo conjugii sive inter vivos sive ultima voluntate plus relinquere non potest, quam uni ex liberis prioris matrimonii, & si divisio facta est inæqualis inter liberos, non plus conferre viro potest, quam illi ex liberis, qui minimum accepit. *L. 6. cit. C. L. 10. pr. Cod. h. tit. 3.* Amittit liberorum tutelam. *L. 2. C. Auth. Sacramentum. Cod. quando mul. off. Tut.* Nec eam recuperat, novo marito mortuo, ut communiter AA. Idem de curatela dicendum, *L. 31. §. 14. ff. de adilit. edict. 4.* Pupilli post secundas nuptias a matre licet alias eidem liberorum educatio quam maxime competat, separandi, & apud aliam personam educandi sunt. *L. 1. Cod. ubi pupilli educ. deb. C. Nov. 22. cap. 38. 5.* Vidua secundo nubens amittit privilegia honoris & immunitatis prioris mariti. *L. 13. Cod. de dignit. &c.*

Quest. 4. Num pœnæ prædictæ sint a Jure Canonico sublatae? Resp. 1. Quoad utrumque forum sublatae sunt cum infamia pœnæ aliæ principaliter ob præproperam reiterationem matrimonii inter annum luctus statuta. Ratio; quia ideo cessat pœna infamiae, quod ob Apostoli permissionem & Ecclesiae approbationem vacent culpa secundæ nuptiæ, & matrimonia debeant esse libera; evitari insuper periculum incontinentiæ, atqui hæc ratio non tantum probat, infamiam, sed & alias pœnas sublata: ergo.

Resp. 2.

Resp. 2. Ceteræ poenæ primario ob favorem liberorum statutz pro utroque foro in suo robore persistunt. Ratio; quia Legibus has poenas inducentibus nullo textu Juris Canonici derogatum est, neque derogandum fuisse ulla rationabilis causa.

Resp. 3. Ex Nov. 22. c. 43. & seqq. & Auth. cui relinquitur. C. de indist. viduit. ubi correctum est Jus Civile antiquum L. 2. Cod. de indist. viduit. liquet, posse conjugem conjugi ita legare, *Lego tibi mille, si non amplius nups-eris*, eo quod nullam hæc dispositio poenam contineat, sed conditionem honestam, licitam, & validam adeoque observandam. Illa tamen conditio habetur pro non adjecta, si Titius Caxæ nunquam adhuc nuptæ leget mille, si non nupsit. L. 22. & 72. §. 5. ff. de condit. & demonstrat.

Quæst. 5. Utrum poenæ transeunti ad secundas nuptias statutz incurrantur a vidua fornicante? Resp. Si intra annum luctus fornicetur, incidit in omnes poenas Jure Civ. statutas secundo nubentibus tempore luctus; ceteras autem favore filiorum inductas, si post annum luctus fornicetur. Nov. 39. c. 2. §. 1. ubi: *non enim aliquid amplius habebit castitate luxuria*. Neque hæc poenæ per Jus Can. correctæ sunt; sed neque poenæ prædictæ locum habent in conscientia ante omnem judicis sententiam, ut vidua intra annum luctus fornicata nulla expectata sententia restituere teneatur, quidquid a marito accepit. Ratio; quia et si ipso jure privetur bonis, cum tamen hæc privatio statuatur in delicti poenam, necessario requiritur sententia criminis declaratoria. Porro extendi dictas poenas ad viduum tempore luctus fornicantem, tenet Palao cum pluribus. Ratio; quia poenæ memoratæ v.g. restitutio bonorum facienda liberis sancita est in satisfactionem injuriæ conjugii defuncto per fornicationem illatz; quæ ratio tam in viro, quam muliere fornicante tenet.

Quæst. 6. Quomodo constare debeat de obitu conjugis, ut liceat ad secunda vota transire? Resp. Certitudo moralis requiritur, siue quis propria, siue autoritate judicis velit contrahere secundas nuptias. c. 2. b. t. c. 19. de sponsal. Ratio; quia novi matrimonii contractus eedit in præjudicium prioris conjugii, si forte superstes est,

est, qui proinde jure suo in casu dubio spoliari non debet. Habetur autem hæc certitudo non præcise per famam, utpote ortam ab incerto authore & sæpe fallaci, nisi simul concurrant alia adminicula, præsumptiones, & conjecturæ vehementes; quæ tamen fama etiam adminiculata probari debet plene per testes duos omni exceptione majores. Nec habetur certitudo moralis per testimonium unius præcise & secundum se, nisi aliæ concurrant circumstantiæ, aut major probatio haberi non possit. Itaque habetur per attestationem Magistratus vel Civilis, vel Militaris, vel Ecclesiastici, Parochi, Notarii publici, duorum testium de visu &c.

Quæst. 7. Quid si stante dubio de morte prioris conjugis secundum matrimonium fuerit contractum, an uti licebit matrimonio, vel illud est dissolvendum? Resp. ad 1. Qui stante dubio, adeoque m. f. transit ad secundas nuptias (idem est de eo, qui b. f. iniit matrimonium, & deinde dubitare incipit de morte prioris conjugis) petere non potest debitum; quia nemo potest uti re, de qua dubitat, an sit sua. Tenetur tamen reddere debitum alteri in b. f. constituto; quia is jure suo privari non debet absque culpa sua ob alterius f. m. cap. 6. de eo, qui cogn.

Resp. ad 2. Matrimonium secundum contractum cum tali dubio ex parte unius non statim est dissolvendum, cap. 2. b. t. neque etiam dum contractum est cum dubio ex parte utriusque; quia etiam in hoc casu pro possessione & valore matrimonii standum, quamdiu non constat de contrario, tametsi possessio illa contrahentium Juris utendi matrimonio sit infructuosa. Si tamen conjux secundas nuptias b. f. & forte etiam Judicio Ecclesiæ iniisset, & ex secundo viro suscepisset liberos, malletque cum eo remanere, reduce viro priore, remanere cum secundo non potest, sed conjugaliter debet convivere primo. cap. 1. caus. 34. q. 2. cap. 2. ib. & cap. 2. b. t. & patet, quia secundum matrimonium nullum fuit.

Quæst. 8. Quid sit benedictio nuptiarum, & num adhibenda secundis nuptiis? Resp. 1. Nomine Benedictionis hic veniunt precès & ceremoniæ ex præscripto Ecclesiæ adhiberi solitæ in solemnitate nuptiarum. can. 1. caus. 30. quæst. 5.

quest. 5. quæ tum ad majorem Sacramenti honorem ,
tum ad impetrandam Neo-Sponsis gratiam adhibentur :
Videatur de his Trid. Sess. 24. de Sacram. matr. can. 11.
Idem Sess. 24. c. 1. V. præter. de reform. matrim.

Resp. 2. Ex præcepto adhiberi debet benedictio in
primis nuptiis can. 3. & 5. caus. 30. q. 5. & Trid. cit. quod
tamen præceptum seclulo contemptu non obligat sub
mortali ; quia non est in gravi materia.

Resp. 3. In secundis nuptiis adhiberi benedictio non
debet, quantum est de Jure communi, si uterque, vel
alteruter in priori matrimonio benedictionem suscepit,
secus si neuter eam accepit. c. vir autem 3. b. t. ita
dicitur ; *Vir autem vel mulier ad bigamiam transiens non
debet a Presbytero benedici* ; cum ergo loquatur textus
disjunctive, vir vel mulier, si alteruter benedictionem
accepit in primo conjugio, ejus iteratio, spectato jure
communi, prohibetur : dico, spectato Jure Communi ; quia
consuetudine benedictio Sacerdotalis in pluribus Diocæ-
sibus secundis nuptiis impeditur, quoties ea uni, ma-
xime sponsæ, & in aliquibus etiam sponso, in primis
nuptiis non fuit pensa, eaque solum omittitur, quan-
do ab utroque jam ante recepta. Pirh. b. t. n. 17.

Finis IV. Libri.

LIBER QUINTUS

DECRETALIUM

GREGORII IX.

DE

DELICTIS, ET POENIS.



Quæst. Un. De quibus in Libro V. Decretalium tractetur? Resp. Adornatur in præsentî Libro *Processus Criminalis*, ut ne, dum in prioribus Libris de causis Ecclesiasticis & ad forum Ecclesiasticum spectantibus civiliter intentandis actum est, crimina, si quæ in foro Canonico occurrerent, forent impunita. Hinc in *primo* statim *Titulo* traditur modus, quo crimina in iudicem deducenda, scil. per accusationem, vel per inquisitionem, vel per denunciationem: dein agitur de criminibus, quæ cultui divino & Religioni adversantur: ab his descenditur ad illa, quæ proximâ vitam, famam, fortunas lædunt: tum examinantur delicta reliqua: demum pœnæ tam *vindicativæ*, quam *medicinales* in delicta statuuntur.

TITULUS I.

De Accusationibus, Inquisitionibus, & Denunciationibus.

Quæst. 1. general. Quid sit & quoduplex delictum?
 Resp. 1. In ordine ad forum externum est *libera* & *exterior sensibilibus transgressio legis divinæ vel humanæ*. 2. Est vel *verum*, dolo nimirum & culpa vera perpetratum; vel *quasi tale*, ortum ex culpa præsumptâ. It. *Publicum*, quod tendit directe contra Dei cultum, res Sacras, Principis Majestatem, adeoque ad certos effectus juridicos ordinatum & publice vindicandum est. Delictum publicum.

aut aliis modis crudeliter tractantis, c. 18. & 13. de rest. spol. Ratio; quia uxor non est mancipium viri. Quinta, Molestia, cohabitatio ex frequentia jurgiorum & rixarum; quia grave malum reputatur, habere semper offensum illum, quocum quis perpetuo vivere cogitur. Ad separationem a thoro, ob tres ultimas causas fere semper necessaria est autoritas judicis, nisi periculum in mora sit.

Q. 8. Apud quem conjugum facto divortio educandi & alendi liberi? Resp. Apud innocentem expensis partis nocentis. Auth. si pater, C. divortio facto; adeoque non minus apud patrem, innocentem, expensis matris nocentis, quam apud matrem innocentem expensis patris nocentis: quia vir & uxor sunt correlativa; ergo dispositum de uno censetur etiam de altero dispositum, ubi eadem, quemadmodum hic, ratio militat. Ipsa tamen Auth. cit. tres patitur limitationes, quas vide.

T I T U L U S XX.

De donationibus inter virum & uxorem, & de dote post divortium restituenda.

Q. 1. Donatio inter virum & uxorem quotuplex? Resp. Duplex; alia quæ sit omnino gratis & emera liberalitate L. 1. ff. de Donat. alia quæ sit ob causam aliquam; qualis est donatio propter nuptias facta a marito in compensationem dotis sibi datæ ab uxore.

Q. 2. An & quatenus donationes inter conjuges valeant vel non valeant? Resp. Donatio mera liberalis, & qua donans sit pauperior, cum locupletatione donatarii, facta stante matrimonio, inter conjuges privatos tam de Jure Civili L. 1. 2. 3. ff. h. t. quam de Jure Canonico c. fin. h. t. est invalida, non quidem ita, ut careat omni effectu, cum juxta dicenda confirmetur morte donantis, transeatque saltem possessio rei donatæ in donatarium, cum ea sit quid facti, arg. L. 1. §. 4. ff. de acq. & amitt. poss. Imo & acquirat fructus sua industria ex re donata perceptos. L. 17. ff. h. Extenditur responsio 1. ut donatio pure liberalis adhuc sit invalida, si fiat intersponsum & sponsam de præsentem, matrimonio necdum consum-

Summato. Pirh. b. r. n. 3. 2. Facta ante matrimonium contractum, dum ejus effectus differtur in tempus contracti matrimonii. L. 4. C. de donat. ante nupt. 3. Etiam si fiat per personam intermediam, ut dum maritus dat aliquid Titio, ut donet uxori suae. 4. Ut etiam si contractus alii v.g. venditio, permutatio inter conjuges valide incantur, remissio tamen pretii animo donandi facta sit invalida. L. 5. §. 5. ff. b. r.

Q. 3. An donatio mere liberalis inter conjuges putative tantum tales sit valida? Resp. 1. Si uterque conscius est nullitatis matrimonii, valet quidem donatio pro foro interno, in foro tamen externo fiscus auferre posset rem donatario in penam m. f. in qua sunt tales putativi conjuges. L. 32. §. fin. ff. b. r.

Resp. 2. Si solus donans conscius est nullitatis, valet donatio; quia talis censetur velle donare extraneo; non vero valebit, si donatarius solus nullitatem sciret. Ratio est, quia deficit consensus in donante ob errorem.

Resp. 3. Si uterque ignoravit nullitatem matrimonii, itidem invalida est donatio, non quidem ob resistantiam legis, nam per hanc irritatae sunt Donationes inter virum & uxorem, quales isti non sunt, sed ex defectu intentionis in donante, nolentis donare extraneo. L. 32. cit. §. 27. ff. eod.

Q. 4. Quomodo donatio inter conjuges confirmetur? Resp. 1. Confirmatur juramento de non revocando, ex ratione textus c. 28. de jurejur. & cap. 2. de pact. in 6.

Resp. 2. Confirmatur per mortem naturalem donantis, si is in vivis donationem non revocavit tacite vel expresse: c. ult. b. r. L. 32. §. 1. ff. b. r. & L. 25. C. eod. Ratio; tum quia matrimonio per mortem soluto cessat finis legis; tum quia non revocans in vita, censetur in eadem voluntate perseverasse, ac proinde per ultimam voluntatem relinquere. Quae requirantur, ut morte confirmetur donatio, vide apud Schmalzgr. b. a. n. 38. ad 41. Leir. b. r. q. 312. n. 2.

Resp. 3. Per mortem civilem confirmatur donatio respectu filii, cui alias cedunt bona (non vero respectu donantis, cui semper revocare licet) ita nimirum, ut fiscus revocare non possit rem donatam coniugi, sed ut huic maneat, nisi donans revocet ante mortem natu-

valet. *L. 13. §. ff. L. 24. C. b. t.* Debet tamen mors civilis in hoc consistere, ut donans deportetur vel mittatur in exilium, vel fiat servus penæ v. g. per damnationem ad metalla; si enim fiat servus hominis, donatio non confirmatur, sed evanescit. *L. 33. §. 6. ff. b. t.* vel si emitat Professionem in Ordine bonorum capace, donatione facta non obstante, donans Professus eam de consensu superioris revocare potest, adeoque irrevocabiliter non firmatur ante mortem talis Professus naturalis; in Religione tamen incapace bonorum temporalium per Professionem statim confirmatur. *Pirch. b. n. 20. Vvieslm. n. 34. Reiffen. n. 30.*

Q. 5. Quando dos repeti possit? Resp. Dos (quo nomine hic venit omne illud, quod marito ratione matrimonii ad ejus opera sustinenda datur, vel promittitur; sive ab aliquo ascendente, vel intuitu patris, quæ dicitur *dos profectitia*; sive ex bonis propriis uxoris, vel extranei sine respectu ad patrem, & est *dos adventitia*) non repetitur, nisi soluto matrimonio, *c. fin. b. t.* Excipiuntur tres casus, quibus stante etiam matrimonio, dos potest repeti, 1. Si maritus sua culpa ad inopiam vergat. *L. 24. pr. ff. solut. matr.* 2. si bona mariti fisco inferantur, v. g. ob crimen læsæ Majestatis &c. arg. *L. 31. ff. solut. matr.* 3. pro liberis prioris matrimonii, pro parentibus, fratribus, aut sororibus egenis alendis. *Engel b. n. 9.* Caterum quod uxor habeat in reperenda dote hypothecam privilegiam in omnibus mariti bonis, & ante omnes alios creditores, etiam expressam anteriorem hypothecam habentes, solutionem dotis accipere debeat, defendimus cum Fachin. *lib. 10. Controv. c. 35. L. 30. C. de Jure dot. L. 12. C. qui potior. in pign. L. fin. C. ibid.*

Q. 6. Quid juris circa dotem in matrimonio QUOAD VINCULUM soluto? Resp. Si matrimonium quoad vinculum solvatur vel per mortem alterutrius, vel per ingressum in Religionem, vel propter impedimentum dirimens, quod *b. f. ignoratum erat*, nunc vero est detectum, dos uxori, ejusve hæredibus, & donatio propter nuptias marito, vel ejus hæredibus est restituenda, salvo tamen beneficio competentiz, & seclusis pactis dotalibus, aut consuetudine contraria, aut statuto locali. *L. un. C. de rei uxor.* Eadem dicenda sunt jure commu-

ni de paraphernalibus & Morgengaba. L. fin. Cod. de pact. convent. item de acquisitionibus seu lucris, stante matrimonio uni conjugum particulari acquisitis c. 2. b. t.

Qu. 7. Cui restitutio dotis fieri debeat soluto QUOAD THORUM ET HABITATIONEM matrimonio? Resp. Si absque delicto & culpa unius ex conjugibus fiat, v. g. si maritus consentiente uxore suscipiat SS. Ordines, dos redit ad uxorem, donatio propter nuptias ad maritum, c. 1. b. t. L. un. C. cit. Si ob culpam v. g. propter unius adulterium separatio quoad thorum fiat, dos vel donatio propter nuptias non restituitur parti adulteræ, sed eam innocens lucratur per sententiam iudicis, simulque id, quod dedit, recuperat; nisi dotem constituens voluerit ad se reverti, vel nisi pars adultera innocentis fuerit reconciliata, vel nisi adessent liberi partis adulteræ ex hoc vel alio matrimonio. Habentur hæc in c. 4. b. t. L. 8. §. 4. & 5. C. de repud. Nov. 117. c. 3. & 9.

Q. 8. An uxor ob adulterium separata amittat etiam paraphernalia? Resp. Bona paraphernalia seu parapherna (qualia sunt, quæ uxor jam dotata habet præter dotem, aut acquirit in suos usus; v. g. donatione, jure hæreditario &c.) non amittit uxor adultera, quia pœnalis hæc dispositio de amissione dotis non debet extendi, c. 15. c. 49. de R. j. in 6. & licet c. 4. b. t. dicatur dotem vel dotalitium repeti posse; non tamen per dotalitium intelligi debent parapherna, sed vel donatio propter nuptias, vel sponsalitia largita, vel alia bona ex pactis dotalibus, secluse adulterio, uxori debita.

T I T U L U S XXI.

De secundis nuptiis.

Quest. 1. Num licite & honeste sint nuptiæ secundæ, tertiæ, quartæ? Resp. 1. Aff. est Catholica veritas, antiquissima & universali Ecclesiæ consuetudine confirmata, esse licitæ nuptias secundas; & patet ex illo Apost. 1. Corint. 7. v. 39. 1. Tim. 5. c. fin. caus. 31. q. 1. & can. 1. ead. caus. & q. Ratio; quia ex præcedentibus nuptiis nullum obstat impedimentum, quo minus semper ad ultiores procedi possit.

Ll 4

Resp. 2.

Resp. 2. Sunt etiam *honestæ*, cum nonnisi quod honestum est, ab Ecclesia possit approbari. Quod negentur nuptiis secundis benedictiones, non est ideo, quasi inhonestæ sint, sed una ex causis est, quod in iis deficiat perfecta significatio Sacramenti; & quia alias quæque benedictiones Ecclesia non repetit, uti Virginum, Ecclesiarum, altarium.

Qu. 2. Quæ pena viduis ante annum luctus elapsum nubentibus de jure Civili statuta, & num ea pariter teneat de Jure Can. ? Resp. ad 1. Statuitur de jure Civ. infamia, ipso facto incurrenda tam ab ipsa, quam à viro eam ducente. *L. 1. C. de secun. nupt. L. 11. ff. de his, qui non infam. L. 15. C. ex quibus caus. infam. irrog. Nov. 22. c. 22.* idque ad tollendam sanguinis turbationem per secundum matrimonium, & patris incertitudinem.

Resp. ad 2. Leges Civ. statuentes infamiam sunt correctæ a Jure Can. *c. 4. b. t.* ubi ita: *Super illa questione, qua quæsitum est, an mulier possit sine infamia nubere intra tempus luctus per legem definitum; respondemus, quod, cum Apostolus dicat, mulier viro suo mortuo soluta est à lege viri sui, in Domino nubat, cui voluerit, per licentiam & auctoritatem Apostoli ejus infamia aboletur.* Unde sequitur in utroque foro non esse amplius infames mulieres illas intra annum luctus ad secunda vota transseuntibus: quod idem *c. fin. b. t.* confirmatur.

Q. 3. Quotuplicis generis & quæ penæ Jure Civ. statuta sint secundo nubentibus? Resp. ad 1. Duplicis generis; quædam præcise in odium secundarum nuptiarum, & punitionem præmaturi transitus ad alteras nuptias tendunt; aliæ respiciunt primario favorem liberorum ex priori matrimonio susceptorum, etiam si post annum luctus secundæ nuptiæ inceantur, & cessant nullis existentibus liberis, vel his ante parentem binubum mortuis. *L. 3. §. 1. C. b. t.*

Resp. ad 2. Penæ in odium secundarum nuptiarum sunt seqq. 1. Infamia, ut dictum. 2. Uxor viro posteriori, titulo dotis vel ultimæ voluntatis ultra tertiam bonorum suorum partem dare vel relinquere non potest. *L. 1. Cod. hoc tit.* etiam si nulli extent liberi. 3. Fit incapax cujuscumque hæreditatis, legati &c. a quocumque alio, quam viro consequendi, ut nullum in talibus

libus acquirat dominium, sed omnia vel hæredibus scriptis, vel cohæredibus ab intestato venientibus sint applicanda: *L. 1. C. cit. 4.* Non succedit consanguineis ultra tertium gradum, adeoque nec fratris filio, utpote cui de Jure Civili in quarto gradu conjuncta est. *L. 1. citat.* Poenæ hæ viros binubos etiam intra annum luctus non tenent; cum non sit eadem ratio in dicto casu viros inter feminas. Poenæ primario in favorem liberorum sunt fere seqq. 1. Uxor (idem dicendum de marito ob rationis paritatem, & *L. 5. §. 1. ff. b. t.*) quocunque tempore ad secunda vota transeat, amittit dominium omnium eorum, quæ mortui mariti liberalitate, ultimave ejus dispositione accepit, eorumque tantum usumfructum retinet, proprietate liberis prioris matrimonii reservata. *L. 3. C. 6. §. 1. Cod. b. tit. 2.* Mulier, vel vir, novo conjugii sive inter vivos sive ultima voluntate plus relinquere non potest, quam uni ex liberis prioris matrimonii, & si divisio facta est inæqualis inter liberos, non plus conferre viro potest, quam illi ex liberis, qui minimum accepit. *L. 6. cit. C. L. 10. pr. Cod. b. tit. 3.* Amittit liberorum tutelam. *L. 2. C. Auth. Sacramentum: Cod. quando mul. off. Tut.* Nec eam recuperat, novo marito mortuo, ut communiter AA. Idem de curatela dicendum. *L. 31. §. 14. ff. de ædilit. edit.* 4. Pupilli post secundas nuptias a matre licet alias eidem liberorum educatio quam maxime competat, separandi, & apud aliam personam educandi sunt. *L. 1. Cod. ubi pupilli educ. deb. C. Nov. 22. cap. 38. 5.* Vidua secundo nubens amittit privilegia honoris & immunitatis prioris mariti. *L. 13. Cod. de dignit. &c.*

Quest. 4. Num poenæ prædictæ sint a Jure Canonico sublatae? Resp. 1. Quoad utrumque forum sublatae sunt cum infamia poenæ aliæ principaliter ob præproperam reiterationem matrimonii inter annum luctus statuta. Ratio; quia ideo cessat poena infamiae, quod ob Apostoli permissionem & Ecclesiae approbationem vacent culpa secundæ nuptiæ, & matrimonia debeant esse libera; evitari insuper periculum incontinentiæ, atque hæc ratio non tantum probat, infamiam, sed & alias poenas sublata: ergo.

Resp. 2.

Resp. 2. Ceteræ pœnæ primario ob favorem liberorum statutz pro utroque foro in suo robore persistunt. Ratio; quia Legibus has pœnas inducentibus nullo textu Juris Canonici derogatum est, neque derogandum fuisse ulla rationabilis causa.

Resp. 3. Ex Nov. 22. c. 43. & seqq. & Auth. cui. reli-
ctum. C. de indict. viduit. ubi correctum est Jus Civile antiquum L. 2. Cod. de indict. viduit. liquet, posse conjugem conjugi ita legare, *Lego tibi mille, si non amplius nups-
eris*, eo quod nullam hæc dispositio pœnam continet, sed conditionem honestam, licitam, & validam adeoque observandam. Illa tamen conditio habetur pro non adjecta, si Titius Caxæ nunquam adhuc nuptæ leget mille, si non nupsit. L. 22. & 72. §. 5. ff. de condi-
dit. & demonstrat.

Quæst. 5. Utrum pœnæ transeunti ad secundas nuptias statutz incurrantur a vidua fornicante? Resp. Si intra annum luctus fornicetur, incidit in omnes pœnas Jure Civ. statutas secundo nubentibus tempore luctus; ceteras autem favore filiorum inductas, si post annum luctus fornicetur. Nov. 39. c. 2. §. 1. ubi: *non enim aliquid amplius habebit castitate luxuria*. Neque hæc pœnæ per Jus Can. correctæ sunt; sed neque pœnæ prædictæ locum habent in conscientia ante omnem judicis sententiam, ut vidua intra annum luctus fornicata nulla expectata sententia restituere teneatur, quidquid a marito accepit. Ratio; quia esto ipso jure privetur bonis, cum tamen hæc privatio statuatur in delicti pœnam, necessario requiritur sententia criminis declaratoria. Porro extendi dictas pœnas ad viduum tempore luctus fornicantem, tenet Palao cum pluribus. Ratio; quia pœnæ memoratæ v.g. restitutio bonorum facienda liberis sancita est in satisfactionem injuriæ conjugii defuncto per fornicationem illata; quæ ratio tam in viro, quam muliere fornicante tenet.

Quæst. 6. Quomodo constare debeat de obitu conjugis, ut liceat ad secunda vota transire? Resp. Certitudo moralis requiritur, sive quis propria, sive autoritate judicis velit contrahere secundas nuptias. c. 2. b. 1. c. 19. de sponsal. Ratio; quia novi matrimonii contractus co-
dit in præjudicium prioris conjugii, si forte superstes
est,

est, qui proinde jure suo in casu dubio spoliari non debet. Habetur autem hæc certitudo non præcise per famam, utpote ortam ab incerto authore & sæpe fallaci, nisi simul concurrant alia adminicula, præsumptiones, & conjecturæ vehementes; quæ tamen fama etiam adminiculata probari debet plene per testes duos omni exceptione majores. Nec habetur certitudo moralis per testimonium unius præcise & secundum se, nisi alia concurrant circumstantiæ, aut major probatio haberi non possit. Itaque habetur per attestationem Magistratus vel Civilis, vel Militaris, vel Ecclesiastici, Parochi, Notarii publici, duorum testium de visu &c.

Quæst. 7. Quid si stante dubio de morte prioris conjugis secundum matrimonium fuerit contractum, an uti licebit matrimonio, vel illud est dissolvendum? Resp. ad 1. Qui stante dubio, adeoque m. f. transit ad secundas nuptias (idem est de eo, qui b. f. init matrimonium, & deinde dubitare incipit de morte prioris conjugis) petere non potest debitum; quia nemo potest uti re, de qua dubitat, an sit sua. Tenetur tamen reddere debitum alteri in b. f. constituto; quia is jure suo privari non debet absque culpa sua ob alterius f. m. cap. 6. de eo, qui cogn.

Resp. ad 2. Matrimonium secundum contractum cum tali dubio ex parte unius non statim est dissolvendum, cap. 2. b. t. neque etiam dum contractum est cum dubio ex parte utriusque; quia etiam in hoc casu pro possessione & valore matrimonii standum, quamdiu non constat de contrario, tametsi possessio illa contrahentium Juris utendi matrimonio sit infructuosa. Si tamen conjux secundas nuptias b. f. & forte etiam Judicio Ecclesiæ iniisset, & ex secundo viro suscepisset liberos, malletque cum eo remanere, reduce viro priore, remanere cum secundo non potest, sed conjugaliter debet convivere primo. cap. 1. caus. 34. q. 2. cap. 2. ib. & cap. 2. b. t. & patet, quia secundum matrimonium nullum fuit.

Quæst. 8. Quid sit benedictio nuptiarum, & num adhibenda secundis nuptiis? Resp. 1. Nomine Benedictionis hic veniunt precæ & ceremoniæ ex præscripto Ecclesiæ adhiberi solitæ in solemnitate nuptiarum. can. 1. caus. 30. quæst. 5.

quest. 5. quæ tum ad majorem Sacramenti honorem ,
tum ad impetrandam Neo-Sponsis gratiam adhibentur .
Videatur de his Trid. Sess. 24. de Sacram. matr. can. 11.
de Sess. 24. c. 1. & præter. de reform. matrim.

Resp. 2. Ex præcepto adhiberi debet benedictio in
primis nuptiis can. 3. & 5. caus. 30. q. 5. & Trid. cit. quod
tamen præceptum secluso contemptu non obligat sub
mortali ; quia non est in gravi materia.

Resp. 3. In secundis nuptiis adhiberi benedictio non
debet, quantum est de Jure communi , si uterque , vel
alteruter in priori matrimonio benedictionem suscepit ,
secus si neuter eam accepit . c. vir autem 3. b. t. ita
dicitur ; Vir autem vel mulier ad bigamiam transiens non
debet a Presbytero benedici , cum ergo loquatur textus
disjunctive , vir vel mulier , si alteruter benedictionem
accepit in primo conjugio , ejus iteratio , spectato jure
communi , prohibetur : dico , spectato Jure Communi ; quia
consuetudine benedictio Sacerdotalis in pluribus Diocæ-
sibus secundis nuptiis impeditur , quoties ea uni , ma-
xime sponsæ , & in aliquibus etiam sponso , in primis
nuptiis non fuit pensa , eaque solum omittitur , quan-
do ab utroque jam ante recepta . Pirb. b. t. n. 17.

Finis IV. Libri.

LIBER QUINTUS

DECRETALIUM

GREGORII IX.

DE

DELICTIS, ET POENIS.



Uest. Un. De quibus in Libro V. Decretalium

tractetur? Resp. Adornatur in presenti Libro *Processus Criminalis*, ut ne, dum in prioribus Libris de causis Ecclesiasticis & ad forum Ecclesiasticum spectantibus civiliter intentandis actum est, crimina, si

quæ in foro Canonico occurrerent, forent impunita. Hinc in *primo* statim *Titulo* traditur modus, quo crimina in iudicem deducenda, scil. per accusationem, vel per inquisitionem, vel per denunciationem: dein agitur de criminibus, quæ cultui divino & Religioni adversantur: ab his descenditur ad illa, quæ proximam vitam, famam, fortunas lædunt: tum examinantur delicta reliqua: demum pœnæ tam vindicativæ, quam medicinales in delicta statuuntur.

TITULUS I.

De Accusationibus, Inquisitionibus, & Denunciationibus.

Q*uest. 1. general. Quid sit & quotuplex delictum?*
 Resp. 1. In ordine ad forum externum est libera & exterius sensibilis transgressio legis divine vel humane. 2. Est vel verum, dolo nimirum & culpa vera perpetratum; vel quasi tale, ortum ex culpa præsumptâ. It. Publicum, quod tendit directe contra Dei cultum, res Sacras, Principis Majestatem, adeoque ad certos effectus juridicos ordinatum & publice vindicandum est. Delictum publicum.

publicum alias in specie *Criminis* nomine venit: Vel *Privatum*, quod directe tendit ad læsionem privatæ tantum personæ. Hodie omnia delicta reputantur pro publicis, saltem vi consuetudinis. Item delictum aliud est *ordinarium*, quod certum nomen, formam, & penam a Lege taxatam habet; aliud *extraordinarium*, quod talia non habet, sed arbitrarie tantum a iudice punitur. Aliud *exceptum*, aliud *Non-exceptum*: *Ecclesiasticum*, *seculare*, aut *mixtum*: *notorium*, vel *occultum*: 3. Qui usum rationis & libertatem habent, ii sunt tantum capaces delicti committendi. Ratio clara est: Perinde autem est; quoad delictum & penam delicti incurrendam; sive quis physice & moraliter simul; sive tantum moraliter; mandando; consulendo; vel antecederet rati habendo delictum patraverit: *L. 1. §. 12. ff. de vi & vi arm. L. 52. §. 21. ff. de furt. c. pen. de sent. excomm. in 6.*

Quest. 2. Quid sit accusatio? Resp. 1. Ut hic accipitur pro actione criminali, est *delatio Rei criminis alicujus apud judicem competentem legitime facta vindictæ publicæ causa*. 2. Differt accusatio ab actione civili, quia accusatio tendit ad vindictam publicam; non actio civilis; potest tamen de omni delicto vel civiliter vel criminaliter agi: deinde; quia in accusatione non fit conclusio in causa; cum Lex ipsa concludat; si tamen & in libello criminali concluderetur in causa; ille propterea non vitatur: e contra in actione civili debet necessario in causa concludi; 3. Differt accusatio ab *inquisitione*; cum inquisitio delationem ex instituto factam non requirat; a *Denuntiatione*; quod Denuntiatio non semper fiat publicæ vindictæ, sed vel privatæ correctionis causa; si sit Evangelica; vel sine intentione penæ; si sit Canonica; siquæ publicam utilitatem respiciat: Ab utraque; quia Accusatio modum & formam diversam habet; & fit solemniter.

Quest. 3. Quæ sit forma accusationis criminalis instituenda? Resp. 1. Debet fieri apud judicem competentem; qui non est Magistratus municipalis in causis criminalibus; sed qui jurisdictionem criminalem; sive metum imperium habet. 2. Debet fieri in scriptis (saltem in delictis gravioribus) *Auth. offeratur: C. ut lit. contr. pef libellam litæ formatum*, exprimendo tam suum; quam delati

delati nomen; indicando ipsum crimen, locum, tempus, ubi tamen probant ex L. 3. ff. b. t. horam aut diem addere necessum non esse. 3. Olim requirebatur inscriptio seu subscriptio Accusatoris, qua is tenebatur ad penam talionis se subscribere, obligando se ad crimen objectum probandum, vel si deficeret, ad eandem penam subeundam, quam subiturus fuisset reus, probato delicto. Hodie & pena talionis & subscriptionis necessitas, imo ipsa Accusatio ex usu recessit: sic ubi tamen etiamnum servatur jus commune.

Quaest. 4. Quinam possint accusare? Resp. Omnes, exceptis iis, qui specialiter sunt prohibiti, & recensentur fule L. 8. ff. de accusat. can. 13. caus. 11. q. 1. & pluribus can. caus. 11. q. 7. Glossa in c. 1. de accusat. seqq. vers. comprehenditur eos, qui prohibentur alios accusare: *Femina, pupillus, delatus, crimine tentus, suspensus, questu corruptus, sortilegusque, infamis, servus, pauper, cum milite Princeps, libertus, socius socium, nec non inimici, Clericus Ecclesiam nullus deferre valebit.* Vid. Engel b. n. 11. ubi praeterea ait fratrem a fratre, n. 13. liberos a parentibus & contra accusari non posse. Haec dicta procedunt maxime quoad accusationem ad vindictam publicam; plerique enim, si in delictis etiam capitalibus accusationem instituunt ad suum tantum interesse privatum, vel suam suorumque injuriam persequendam, admittuntur etiam in delictis valde atrocibus: dum vero quis alterum vult deferre, necesse non est laborasse reum infamia, modo delictum probari possit; quia nulla Lex praerequit infamiam, debetque potius utilitas publica, quam privati cuiusdam fama spectari. Ubi tamen delictum adhuc occultum foret, neque ex omissione Accusationis Reip. vel alteri privato damnum alia via irreparabile immineret, nemo in conscientia tenetur Reum delicti accusare.

Quaest. 5. Quinam accusari possint? Resp. Regulariter omnes delinquentes absque ulla sexus & status differentia; etiam impuberes pubertati proximi, qui praesuntur esse doli capaces. L. 111. ff. de reg. Jur. Respectu quorum tamen iudex poterit ex commiseratione aetatis penam mitigare. L. 37. Si in delictis ff. de minorib. Exciipiuntur a communi regula 1. supremi Principes supe-

superiorem non agnoscetes. *can. 13. caus. 9. q. 3. Bull. Aur. cap. 5. §. 3. 2.* Jam semel accusatus criminaliter, & legitime absolutus per sententiam *cap. 4. de Accusat. 3.* Qui accusationi jam præscripsit. *L. 3. ff. de requir. vel absent. cond. mn.* quod fit fere per 20. annos in delictis non habentibus tractum successivum & in delictis carnis per 5. *L. 29. §. 5. & 6. ff. ad L. Jul. de adult.* excepto stupro cum vi publica, & adulterio cum incestu. *L. 39. §. 5. ff. ad L. Jul. de Adult. 4.* Illi, de quibus in *L. fin. ff. ad L. Jul. Maj. L. 38. §. ult. ff. ad L. Jul. de adult. L. 6. Cod. de Accusat.* quæ ultima lex potissimum dicit, non posse reum absentem accusari, scil. ad deducendam in judicio & finiendam accusationem. Porro quomodo contra contumacem & nolentem comparere procedendum sit, vide apud Engel *b. t. n. 18.*

Quest. 6. Quid & quoruplex sit Denunciatio, de qua tertia pars rubricæ agit? Resp. 1. Denunciatio est delatio sive manifestatio criminis superiori legitime quidem factæ, sed absque solemnitate. Dividitur communiter a Canonistis in Evangelicam, Canonicam, Civilem; a TT. vero primo in Evangelicam, & judicialem ita dictam, quia non fit superiori ut patri, sed ut judici, sive ut habenti potestatem & curam publicam; judicialis in Canonicam & Civilem.

Quest. 7. Quid sit Denunciatio Evangelica, & quid circa illam tenendum? Resp. 1. Denunciatio Evangelica, vel alio nomine fraterna, paterna, vel charitativa, est rei alicuius criminis moniti & non emendati ad superiorem tanquam patrem facta delatio, ad hoc, ut reus paterne corrigatur, citra pœnam vel vindictam publicam. 2. Modus in ea de præcepto reg. adhibendus præscribitur *Matt. 18. v. 15. & seq. Si peccaverit in te frater tuus, corripe eum inter te & ipsum solum :: si te non audierit, adhibe tecum adhuc unum, vel duos, ut in ore duorum vel trium testium stet omne verbum; quod si non audierit, dic Ecclesiæ, idest, denuncia superiori vel Judici Ecclesiastico tanquam patri.* Renunciari tamen potest huic Denunciationis ordini. Ratio, quia quilibet est dominus famæ suæ. 3. Non tantum quilibet potest, quia cuilibet lex charitatis permittit emendationem proximi; sed etiam regulariter tenetur, proxi-

proximum charitative denunciare. Ratio, quia tum lex divina ex *cit. textu Matth. 18.* tum lex naturalis, non modo permittit, sed etiam præcipit, ut proximus peccans in salutis viam reducatur. 4. Si reus alias denunciandus, etiamsi Religiosus foret, jam sit certo emendatus, locus non est huic denuntiationi. *cit. c. ejusque vers. 15. si te audierit, lucratus eris fratrem tuum.* Ratio, quia hoc casu deficit finis denuntiationis Evangelicæ, qui est correctio delinquentis.

Quæst. 3. Quid sit Denunciatio Canonica, & quid circa eam observandum? Resp. 1. Est *delatio criminis ad superiorem Ecclesiasticum absque solemnitate Accusationis*, 2. Est vel *Generalis*, dum agitur ad delictum aliquod, damnum, vel aliud incommodum impediendum, uti habetur in *c. 12. de spons. c. 13. de desp. impub. c. fin. de cland. despons.* Ad hanc, cujus effectus est, impedire delictum, regulariter tenentur omnes, si eam possint absque gravi incommodo suo facere *c. 13. de jud.* Nec opus est, ut præcedat monitio. Gloss. in *c. 13. de despons. impub.* Vel est *specialis*, quæ fit pariter superiori, ut qui male præest, vel administrat, corrigatur, vel etiam a Prælatura removeatur. *can. 45. & 46. caus. 2. q. 7. can. 31. caus. 16. q. 7. c. 31. de Simon.* Hæc tantum permissa est iis, quorum interest, adeoque soli Religiosi Prælatum, Parochiani Parochum eo fine denunciare possunt, ut removeatur. Requiritur præterea, ut licite fiat hæc denunciatio, bina aut trina monitio, *c. cit.*

Quæst. 9. Quid sit Denunciatio Civilis, & quid juris circa illam? Resp. 1. *Civilis*, sic dicta, quia LL. ortum debet, & quam Canonistæ solent confundere cum *judiciali*, est *delatio Criminis ad superiorem tanquam judicem*, vel ad interesse proprium, & tum dicitur *privata*, vel ad vindictam publicam, & nominatur *publica*. 2. Differt a Denuntiatione Canonica non tantum ratione *originis*, sed etiam ratione *judicis*, cum Canonica coram solo iudice Ecclesiastico, Civilis coram sæculari aut Ecclesiastico proponi possit; item etiam ratione *finis*, cum Canonica spectet damnum aut peccatum removendum, Civilis satisfactionem pro damno vel læsione facta privato aut Reip. Differt insuper ab *Accusatione*, quod ad denuntiationem non requiritur inscriptio. *c. 16. b. t. & denuncians, etiam priva-*

Aut, non subeat onus probandi, sed tantum indicia appetendi. 3. Ejus itaque effectus est, quod aperiat judici viam ad inquisitionem specialem. 4. Privatus per se loquendo ad denunciationem Civilem non obligatur, *arg.* a pari cum Accusatione, qua cum fere coincidit, paucis exceptis. Officiales tamen & custodes ad denunciandum constituti, si eos, qui v.g. vestigalia non solvunt, merces veritas im- aut exportant, tenentur ad compensanda damna Dominis suis vel Reip. illata. Agunt hic AA. Schmalzgr. a. n. 241. Pichl. n. 23. Pirh. n. 103. b. t. de criminis delatione *per viam exceptionis*, quæ valde vicina est denuntiationi judiciali, qui videantur.

Quest. 10. Quid & quotuplex sit inquisitio, de qua secunda pars rubricæ? Resp. 1. Inquisitio est criminis vel criminosis per judicem scil. ex officio procedentem legitime facta investigatio: introducta est iustissime, ne, dum rarissimi sunt, qui velint ad judicem *via accusationis*, vel etiam *denuntiationis* reos deferre, crimina maneant impunita *c. 24. b. t. l. 13. ff. de off. Præsid.* *Resp. 2. Inquisitio est triplex; Generalissima*, ab aliis *generalis simpliciter dicta*, est, quando nulla præcedente infamia, nec indicii criminum Judex aut Superior in genere investigat, num in Provincia, Diœcesi, civitate, monasterio perpetrata sint delicta, prout fieri solet in visitationibus. *Generalis*, quam & alii *mixtam* dicunt, est, quando quidem constat de delicto v. g. homicidio perpetrato, author autem ignoratur, nec suspicio cadit in personam certam. *Specialis* est, dum & constat de certo delicto, & suspicio perpetrati criminis, v. g. homicidii habetur de certa persona. *Generalis* tendit eo, ut in notitiam delinquentis veniatur, *specialis*, eo, ut condemnetur & puniatur; ad quod devenitur vel *per inquisitionem mansuetam*; per solas scil. interrogationes & articulos ad examinandum reum formatos, vel *per inquisitionem severam, sive torturam.*

Quest. 11. An, quando, & quomodo ad inquisitionem procedendum? Resp. 1. Inquisitio generalissima non potest tantum, sed etiam debet certis temporibus fieri, arg. c. 1. de off. Ordin. c. 1. §. sane de Censib. in 6. juncta Trid. Sess. 25. c. 8. de Regular. non requiritur infamia præcedens, aut denuntiatio. Ita praxis. Inquisitio generalis sive mixta etiam debet fieri a judice, dum vel delictum commissum

con-

constat, author tamen illius nescitur; vel etiam dum tantum suspicio delicti habetur, &c. Nec ad hanc inquisitionem instituendam prærequiritur infamia: L. 1. §. 21. ff. de Quæst.

Resp. 2. Inquisitio *specialis* non potest pro libitu a solo iudice inchoari, sed debet præcedere aliquid, quod viam inquisitioni aperiat; hinc 1. debet constare illi de corpore delicti. L. 1. §. 24. ff. ad S. C. Syllan. plene & liquido, si sit delictum *facti permanentis*; si sit delictum *facti transeuntis*; idest, nullum post se relinquens vestigium, saltem per conjecturas. 2. Debet vel accusatio aut denuntiatio criminis præcedere, vel si iudex procedat ex officio, *infamia* (qualis hæc debeat esse, vide apud Schmalzgr. h. n. 199.) vel alia sufficientia indicia. L. 7. C. c. 19. 21. 24. h. t. 3. Debet reus præsens esse vel saltem citari. cap. 24. cit. 4. Debet iudex reo puncta inquisitionis communicare; depositiones & dicta testium, saltem regulariter proponere; si quas habet exceptiones, audire, admittere, & examinare. cap. 24. cit. Hæc si observata non fuerint, reusque contra inquisitionem sic protestatus, inquisitio & processus *regulariter* erunt invalida. cap. 21. & 24. h. t.

Quæst. 12. Quis sit effectus inquisitionis? Resp. 1. Effectus Inquisitionis *generalis* est, quod viam sternat ad specialem, si ex illa emergant indicia probationes sufficientes contra certam personam.

Resp. 2. Effectus inquisitionis *specialis* a iudice legitimo susceptæ & inchoatæ sunt, 1. quod producat obligationem in inquisito ad manifestandam veritatem juxta dicta ad Tit. de Confess. L. 2. Decret. q. 5. per totam. 2. Quod si reus detrectet fateri, iudex tamen habeat legitimam indicia, idest valde urgentia, & tanta, ut sola fere confessio desit; si insuper delictum sit dolose commissum, & tale, quod penam mereatur corporalem & relegatione majorem, iudex ad torturam procedet, circa quam quid porro sit observandum, consulantur Criminalistæ, & Ordin. Carol. art. 18. & seqq.

Resp. 3. Effectus inquisitionis *specialis terminatæ* siue *absolutæ* est, ut si reus quidem erat gravatus, nec tamen crimen confessus, nec legitime de eo convictus, præstito a se juramento purgationis absolvatur, ut latius ad

Resp. 2. Ceteræ poenæ primario ob favorem liberorum statutz pro utroque foro in suo robore persistunt. Ratio; quia Legibus has poenas inducentibus nullo textu Juris Canonici derogatum est, neque derogandum suavit nulla rationabilis causa.

Resp. 3. Ex Nov. 22. c. 43. & seqq. & Auth. cui relinquitur. C. de indict. viduit. ubi correctum est Jus Civile antiquum L. 2. Cod. de indict. viduit. liquet, posse conjugem conjugi ita legare, *Lego tibi mille, si non amplius nups-eris*, eo quod nullam hæc dispositio poenam contineat, sed conditionem honestam, licitam, & validam adeoque observandam. Illa tamen conditio habetur pro non adjecta, si Titius Caxæ nunquam adhuc nuptæ legat mille, si non nupsuriz. L. 22. & 72. §. 5. ff. de condi. & demonstrat.

Quæst. 5. Utrum poenæ transenti ad secundas nuptias statutz incurrantur a vidua fornicante? Resp. Si intra annum luctus fornicetur, incidit in omnes poenas Jure Civ. statutas secundo nubentibus tempore luctus; ceteras autem favore filiorum inductas, si post annum luctus fornicetur. Nov. 39. c. 2. §. 1. ubi: *non enim aliquid amplius habebit castitate luxuria*. Neque hæc poenæ per Jus Can. correctæ sunt; sed neque poenæ prædictæ locum habent in conscientia ante omnem judicis sententiam, ut vidua intra annum luctus fornicata nulla expectata sententia restituere teneatur, quidquid a marito accepit. Ratio; quia etiam ipso jure privetur bonis, cum tamen hæc privatio statuatur in delicti poenam, necessario requiritur sententia criminis declaratoria. Porro extendi dictas poenas ad viduum tempore luctus fornicantem, tenet Palao cum pluribus. Ratio; quia poenæ memoratz v.g. restitutio bonorum facienda liberis sancita est in satisfactionem injuriæ conjugii defuncto per fornicationem illatz; quæ ratio tam in viro, quam muliere fornicante tenet.

Quæst. 6. Quomodo constare debeat de obitu conjugis, ut liceat ad secunda vota transire? Resp. Certitudo moralis requiritur, sive quis propria, sive autoritate judicis velit contrahere secundas nuptias. c. 2. b. 1. c. 19. de sponsal. Ratio; quia novi matrimonii contractus cedit in præjudicium prioris conjugii, si forte superstes est,

est, qui proinde jure suo in casu dubio spoliari non debet. Habetur autem hæc certitudo non præcise per famam, utpote ortam ab incerto auctore & sæpe fallaci, nisi simul concurrant alia adminicula, præsumptiones, & conjecturæ vehementes; quæ tamen sania etiam adminiculata probari debet plene per testes duos omni exceptione majores. Nec habetur certitudo moralis per testimonium unius præcise & secundum se, nisi alia concurrant circumstantiæ, aut major probatio haberi non possit. Itaque habetur per attestationem Magistratus vel Civilis, vel Militaris, vel Ecclesiastici, Paroichi, Notarii publici, duorum testium de visu &c.

Quæst. 7. Quid si stante dubio, de morte prioris conjugis secundum matrimonium fuerit contractum, an uti licebit matrimonio, vel illud est dissolvendum? Resp. ad 1. Qui stante dubio, adeoque m. f. transit ad secundas nuptias (idem est de eo, qui b. f. iniit matrimonium, & deinde dubitare incipit de morte prioris conjugis) petere non potest debitum; quia nemo potest uti re, de qua dubitat, an sit sua. Tenetur tamen reddere debitum alteri in b. f. constituto; quia is jure suo privari non debet absque culpa sua ob alterius f. m. cap. 6. de eo, qui cogn.

Resp. ad 2. Matrimonium secundum contractum cum tali dubio ex parte unius non statim est dissolvendum, cap. 2. b. t. neque etiam dum contractum est cum dubio ex parte utriusque; quia etiam in hoc casu pro possessione & valore matrimonii standum, quamdiu non constat de contrario, tametsi possessio illa contrahentium Juris utendi matrimonio sit infructuosa. Si tamen conjux secundas nuptias b. f. & forte etiam Judicio Ecclesiæ iniisset, & ex secundo viro suscepisset liberos, malletque cum eo remanere, reduce viro priore, remanere cum secundo non potest, sed conjugaliter debet convivere primo. cap. 1. caus. 34. q. 2. cap. 2. ib. & cap. 2. b. t. & patet, quia secundum matrimonium nullum fuit.

Quæst. 8. Quid sit benedictio nuptiarum, & num adhibenda secundis nuptiis? Resp. 1. Nomine Benedictionis hic veniunt precès & ceremoniæ ex præscripto Ecclesiæ adhiberi solitæ in solemnitate nuptiarum. can. 1. caus. 30. quæst. 5.

quest. 5. quæ tum ad majorem Sacramenti honorẽ , tum ad impetrandam Neo-Sponsis gratiam adhibentur : Videatur de his Trid. Sess. 24. de Sacram. matr. can. 11. & Sess. 24. c. 1. V. præter. de reform. matrim.

Resp. 2. Ex præcepto adhiberi debet benedictio in primis nuptiis can. 3. & 5. caus. 30. q. 5. & Trid. cit. quod tamen præceptum secluso contemptu non obligat sub mortali ; quia non est in gravi materia.

Resp. 3. In secundis nuptiis adhiberi benedictio non debet, quantum est de Jure communi , si uterque , vel alteruter in priori matrimonio benedictionem suscepit , secus si neuter eam accepit . c. vir autem 3. b. t. ita dicitur ; Vir autem vel mulier ad bigamiam transiens non debet a Presbytero benedici , cum ergo loquatur textus disjunctive , vir vel mulier , si alteruter benedictionem accepit in primo conjugio , ejus iteratio , spectato jure communi , prohibetur : dico , spectato Jure Communi ; quia consuetudine benedictio Sacerdotalis in pluribus Diocesis secundis nuptiis impeditur , quoties ea uni , maxime sponsæ , & in aliquibus etiam sponso , in primis nuptiis non fuit pensa , eaque solum omittitur , quando ab utroque jam ante recepta . Pirh. b. t. n. 17.

Finis IV. Libri.

LIBER

LIBER QUINTUS

DECRETALIUM

GREGORII IX.

DE

DELICTIS, ET POENIS.



Uest. Un. De quibus in Libro V. Decretalium tractetur? Resp. Adornatur in presenti Libro Processus Criminalis, ut ne, dum in prioribus Libris de causis Ecclesiasticis & ad forum Ecclesiasticum spectantibus civiliter intentandis actum est, crimina, si

quæ in foro Canonico occurrerent, forent impunita. Hinc in primo statim Titulo traditur modus, quo crimina in iudicem deducenda, scil. per accusationem, vel per inquisitionem, vel per denunciationem: dein agitur de criminibus, quæ cultui divino & Religioni adversantur: ab his descenditur ad illa, quæ proximi vitam, famam, fortunas lædunt: tum examinantur delicta reliqua: demum pœnæ tam vindicativæ, quam medicinales in delicta statuuntur.

TITULUS I.

De Accusationibus, Inquisitionibus, & Denunciationibus.

Q*uest. 1. general. Quid sit & quod simplex delictum?*
 Resp. 1. In ordine ad forum externum est libera & exterius sensibilis transgressio legis divinæ vel humanæ. 2. Est vel verum, dolo nimirum & culpa vera perpetratum; vel quasi tale, ortum ex culpa præsumptâ. It. Publicum, quod tendit directe contra Dei cultum, res Sacras, Principis Majestatem, adeoque ad certos effectus juridicos ordinatum & publice vindicandum est. Delictum publicum.

publicum alias in specie *Criminis* nomine venit: Vel *privatum*, quod directe tendit ad læsionem privatæ tantum personæ. Hodie omnia delicta reputantur pro publicis, saltem vi consuetudinis. Item delictum aliud est *ordinarium*, quod certum nomen, formam, & penam a Lege taxatam habet; aliud *extraordinarium*, quod talia non habet, sed arbitrarie tantum a iudice punitur: Aliud *exceptum*, aliud *Non-exceptum*: *Ecclesiasticum*, *seculare*, aut *mixtum*: *notorium*, vel *occultum*: 3. Qui usum rationis & libertatem habent, ii sunt tantum capaces delicti committendi. Ratio clara est. Perinde autem est; quoad delictum & poenam delicti incurrendam; sive quis physice & moraliter simul; sive tantum moraliter; mandando; consulendo; vel antecedenter ratihabendo delictum patraverit. L. 1. §. 12. ff. de vi & vi arm. L. 52. §. 21. ff. de furt. c. pen. de sent. excomm. in 6.

Quest. 2. Quid sit accusatio? Resp. 1. Ut hic accipitur pro actione criminali, est *delatio Rei criminis alicujus apud judicem competentem legitime facta vindictæ publicæ causa*. 2. Differt accusatio ab actione civili, quia accusatio tendit ad vindictam publicam; non actio civilis; potest tamen de omni delicto vel civiliter vel criminaliter agi: deinde; quia in accusatione non fit conclusio in causa; cum Lex ipsa concludat; si tamen & in libello criminali concluderetur in causa; ille propterea non vitatur: e contra in actione civili debet necessario in causa concludi: 3. Differt accusatio ab *inquisitione*; cum inquisitio delationem ex instituto factam non requirat; a *Denuntiatione*; quod Denuntiatio non semper fiat publicæ vindictæ, sed vel privatæ correctionis causa; si sit Evangelica; vel sine intentione penæ; si sit Canonica; siquæ publicam utilitatem respiciat: Ab *utraque*; quia Accusatio modum & formam diversam habet; & fit solemniter.

Quest. 3. Quæ sit forma accusationis criminalis instituendæ? Resp. 1. Debet fieri apud judicem competentem; qui non est Magistratus municipalis in causis criminalibus; sed qui jurisdictionem criminalem; sive metum imperium habet: 2. Debet fieri in scriptis (saltem in delictis gravioribus) *Auth. offeratur: C. ut lit. contr. per libellam rite formatum*, exprimendo tam suum; quam delati

delati nomen; indicando ipsum crimen, locum, tempus, ubi tamen probant *ex L. 3. ff. b. t. horam aut diem* addere necessum non esse. 3. Olim requirebatur inscriptio seu subscriptio Accusatoris, qua is tenebatur ad penam talionis se subscribere, obligando se ad crimen objectum probandum, vel si deficeret, ad eandem penam subeundam, quam subiturus fuisset reus; probato delicto. Hodie & pena talionis & subscriptionis necessitas, imo ipsa Accusatio ex usu recessit: sic ubi tamen etiamnum servatur jus commune.

Quæst. 4. Quinam possint accusare? Resp. Omnes, exceptis iis, qui specialiter sunt prohibiti, & recensentur fusc *L. 8. ff. de accusat. can. 13. caus. 11. q. 1. & pluribus can. caus. 11. q. 7.* Glossa in *c. 1. de accusat. seqq. vers. completur* eos, qui prohibentur alios accusare: *Femina; pupillus, delatus, crimine tentus, suspectus, questu corruptus, sortilegusque, infamis, servus, pauper, cum milite Princeps, libertus, socius socium, nec non inimici, Clericus Ecclesiam nullus deferre valebit.* Vid. Engel *b. n. 11.* ubi præterea ait fratrem a fratre, *n. 13.* liberos a parentibus & contra accusari non posse. Hæc dicta procedunt maxime quoad accusationem ad vindictam publicam; plerique enim, si in delictis etiam capitalibus accusationem instituunt ad suum tantum interesse privatum, vel suam suorumque injuriam persequendam, admittuntur etiam in delictis valde atrocibus: dum vero quis alterum vult deferre, necesse non est laborasse reum infamia, modo delictum probari possit; quia nulla Lex prærequirit infamiam, debetque potius utilitas publica, quam privati cujusdam fama spectari. Ubi tamen delictum adhuc occultum foret, neque ex omissione Accusationis Resp. vel alteri privato damnum alia via irreparabile immineret, nemo in conscientia tenetur Reum delicti accusare.

Quæst. 5. Quinam accusari possint? Resp. Regulariter omnes delinquentes absque ulla sexus & status differentia; etiam impuberes pubertati proximi, qui præsumuntur esse doli capaces. *L. 111. ff. de reg. Jur.* Respectu quorum tamen iudex poterit ex commiseratione ætatis penam mitigare. *L. 37. Si in delictis ff. de minorib.* Excipiuntur a communi regula 1. supremi Principes supe-

superiorem non agnoscetes. *can. 13. caus. 9. q. 3. Bull. Aur. cap. 5. §. 3. 2.* Jam semel accusatus criminaliter, & legitime absolutus per sententiam *cap. 4. de Accusat. 3.* Qui accusationi jam præscripsit. *L. 3. ff. de requir. vel absent. cond:mn.* quod sit fere per 20. annos in delictis non habentibus tractum successivum & in delictis carnis per 5. *L. 29. §. 5. & 6. ff. ad L. Jul. de adult.* excepto stupro cum vi publica, & adulterio cum incestu. *L. 39. §. 5. ff. ad L. Jul. de Adult. 4.* Illi, de quibus in *L. fin. ff. ad L. Jul. Maj. L. 38. §. ult. ff. ad L. Jul. de adult. L. 5. Cod. de Accusat.* quæ ultima lex potissimum dicit, non posse reum absentem accusari, scil. ad deducendam in judicio & finiendam accusationem. Porro quomodo contra contumacem & nolentem comparere procedendum sit, vide apud Engel *b. t. n. 18.*

Quæst. 6. Quid & quotuplex sit Denunciatio, de qua tertia pars rubricæ agit? Resp. 1. Denunciatio est *delatio* sive manifestatio criminis superiori legitime quidem factæ, sed absque solemnitate. Dividitur communiter a Canonistis in *Evangelicam, Canonicam, Civilem*; a TT. vero primo in *Evangelicam, & judicialem* ita dictam, quia non fit superiori ut patri, sed ut judici, sive ut habenti potestatem & curam publicam; *judicialis* in *Canonicam & Civilem.*

Quæst. 7. Quid sit Denunciatio Evangelica, & quid circa illam tenendum? Resp. 1. Denunciatio Evangelica, vel alio nomine *fraterna, paterna, vel charitativa*, est rei alicujus criminis moniti & non emendati ad superiorem tanquam patrem facta delatio, ad hoc, ut reus paterne corrigatur, citra pœnam vel vindictam publicam. 2. Modus in ea de præcepto reg. adhibendus præscribitur *Matt. 18. v. 15. & seq. Si peccaverit in te frater tuus, corripe eum inter te & ipsum solum* : si te non audierit, adhibe tecum adhuc unum, vel duos, ut in ore duorum vel trium testium stet omne verbum; quod si non audierit, dic Ecclesiæ, idest, denuncia superiori vel Judici Ecclesiastico tanquam patri. Renunciari tamen potest huic Denunciationis ordini. Ratio, quia quilibet est dominus famæ suæ. 3. Non tantum quilibet potest, quia cuilibet lex charitatis permittit emendationem proximi; sed etiam regulariter tenetur, proxi-

proximum charitative denunciare. Ratio, quia tum lex divina ex *cit. textu Matth. 18.* tum lex naturalis, non modo permittit, sed etiam præcipit, ut proximus peccans in salutis viam reducat. 4. Si reus alias denunciandus, etiamsi Religiosus foret, jam sit certo emendatus, locus non est huic denuntiationi. *cit. c. ejusque vers. 15. si te audierit, lucratus eris fratrem tuum.* Ratio, quia hoc casu deficit finis denuntiationis Evangelicæ, qui est correctio delinquentis.

Quest. 8. Quid sit Denunciatio Canonica, & quid circa eam observandum? Resp. 1. Est *delatio criminis ad superiorem Ecclesiasticum absque solemnitate Accusationis*, 2. Est vel *Generalis*, dum agitur ad delictum aliquod, damnum, vel aliud incommodum impediendum, uti habetur in *c. 12. de spons. c. 13. de desp. impub. c. fin. de cland. despons.* Ad hanc, cujus effectus est, impedire delictum, regulariter tenentur omnes, si eam possint absque gravi incommodo suo facere *c. 13. de jud.* Nec opus est, ut præcedat monitio. Gloss. in *c. 13. de despons. impub.* Vel est *specialis*, quæ fit pariter superiori, ut qui male præest, vel administrat, corrigatur, vel etiam a Prælatu removeatur. *can. 45. & 46. caus. 2. q. 7. can. 31. caus. 16. q. 7. c. 31. de Simon.* Hæc tantum permitta est iis, quorum interest, adeoque soli Religiosi Prælatus, Parochiani Parochum eo fine denunciare possunt, ut removeatur. Requiritur præterea, ut licite fiat hæc denunciatio, bina aut trina monitio, *c. cit.*

Quest. 9. Quid sit Denunciatio Civilis, & quid juris circa illam? Resp. 1. *Civilis*, sic dicta, quia LL. ortum debet, & quam Canonistæ solent confundere cum *judiciali*, est *delatio Criminis ad superiorem tanquam judicem*, vel ad interesse proprium, & tum dicitur *privata*, vel ad vindictam publicam, & nominatur *publica*. 2. Differt a Denuntiatione Canonica non tantum ratione *originis*, sed etiam ratione *judicis*, cum Canonica coram solo iudice Ecclesiastico, Civilis coram seculari aut Ecclesiastico proponi possit; item etiam ratione *finis*, cum Canonica spectet damnum aut peccatum removendum, Civilis satisfactionem pro damno vel læsione facta privato aut Reip. Differt insuper ab *Accusatione*, quod ad denuntiationem non requiritur inscriptio. *c. 16. b. t. & denuntians, etiam priva-*

Aut, non subeat onus probandi, sed tantum indicia apertendi. 3. Ejus itaque effectus est, quod aperiat judici viam ad inquisitionem specialem. 4. Privatus per se loquendo ad denunciationem Civilem non obligatur, arg. a pari cum Accusatione, qua cum fere coincidit, paucis exceptis. Officiales tamen & custodes ad denunciandum constituti, si eos, qui v.g. vectigalia non solvunt, merces veritas im- aut exportant, tenentur ad compensanda damna Dominis suis vel Reip. illata. Agunt hic AA. Schmalzgr. a n. 241. Pichl. n. 23. Pirh. m. 103. b. t. de criminis delatione per viam exceptionis, quæ valde vicina est denuntiationi judiciali, qui videantur.

Quæst. 10. Quid & quotuplex sit inquisitio, de qua secunda pars rubricæ? Resp. 1. Inquisitio est criminis vel criminosi per judicem scil. ex officio procedentem legitime facta investigatio: introducta est justissime, ne, dum rarissimi sunt, qui velint ad judicem via accusationis, vel etiam denuntiationis reos deferre, crimina maneant impunita c. 24. b. t. L. 13. ff. de off. Præsidi. Resp. 2. Inquisitio est triplex; Generalissima, ab aliis generalis simpliciter dicta, est, quando nulla præcedente infamia, nec indiciis criminum Judex aut Superior in genere investigat, num in Provincia, Diœcesi, civitate, monasterio perpetrata sint delicta, prout fieri solet in visitationibus. Generalis, quam & alii mixtam dicunt, est, quando quidem constat de delicto v. g. homicidio perpetrato, author autem ignoratur, nec suspicio cadit in personam certam. Specialis est, dum & constat de certo delicto, & suspicio perpetrati criminis, v. g. homicidii habetur de certa persona. Generalis tendit eo, ut in notitiam delinquentis veniatur, specialis, eo, ut condemnetur & puniatur; ad quod devenitur vel per inquisitionem mansuetam; per solas scil. interrogationes & articulos ad examinandum reum formatos, vel per inquisitionem severam, sive torturam.

Quæst. 11. An, quando, & quomodo ad inquisitionem procedendum? Resp. 1. Inquisitio generalissima non potest tantum, sed etiam debet certis temporibus fieri, arg. c. 1. de off. Ordin. c. 1. §. sane de Censib. in 6. juncta Trid. Sess. 29. c. 8. de Regular. non requiritur infamia præcedens, aut denunciatio. Ita praxis. Inquisitio generalis sive mixta etiam debet fieri a judice, dum vel delictum commissum

con-

constat, author tamen illius nescitur; vel etiam dum tantum suspicio delicti habetur, &c. Nec ad hanc inquisitionem instituendam prærequiritur infamia. L. 1. §. 21. ff. de Quest.

Resp. 2. Inquisitio *specialis* non potest pro libitu a solo iudice inchoari, sed debet præcedere aliquid, quod viam inquisitioni aperiat; hinc 1. debet constare illi de corpore delicti. L. 1. §. 24. ff. ad S. C. Syllan. plenè & liquido, si sit delictum *facti permanentis*; si sit delictum *facti transeuntis*; idest, nullum post se relinquens vestigium, saltem per conjecturas. 2. Debet vel accusatio aut denuntiatio criminis præcedere, vel si iudex procedat ex officio, *infamia* (qualis hæc debeat esse, vide apud Schmalzgr. h. n. 199.) vel alia sufficientia indicia. L. 7. C. c. 19. 21. 24. h. t. 3. Debet reus præsens esse vel saltem citari. cap. 24. cit. 4. Debet iudex reo puncta inquisitionis communicare; depositiones & dicta testium; saltem regulariter proponere; si quas habet exceptiones, audire, admittere, & examinare. cap. 24. cit. Hæc si observata non fuerint; reusque contra inquisitionem sic protestatus, inquisitio & processus *regulariter* erunt invalida. cap. 21. & 24. h. t.

Quest. 12. Quis sit effectus inquisitionis? Resp. 1. Effectus Inquisitionis *generalis* est; quod viam sternat ad specialem, si ex illa emergant indicia probationes sufficientes contra certam personam.

Resp. 2. Effectus inquisitionis *specialis* a iudice legitimo susceptæ & inchoatæ sunt, 1. quod producat obligationem in inquisito ad manifestandam veritatem juxta dicta ad Tit. de Confess. L. 2. Decret. q. 5. per totam. 2. Quod si reus detrectet fateri, iudex tamen habeat legitima indicia, idest valde urgentia, & tanta, ut sola fere confessio desit; si insuper delictum sit dolose commissum, & tale, quod penam mereatur corporalem & relegatione majorem, iudex ad torturam procedet, circa quam quid porro sit observandum, consulantur Criminalistæ, & Ordin. Carol. art. 18. & seqq.

Resp. 3. Effectus inquisitionis *specialis terminatæ* sive *absolutæ* est, ut si reus quidem erat gravatus, nec tamen crimen confessus, nec legitime de eo convictus, præstito a se juramento purgationis absolvatur, ut latius ad

Tit. 34. condemnatur autem talis inquisitus, etiam pœna ordinaria, si vel crimen confessus, vel legitime fuerit convictus. *L. 2. C. de abolition. L. 4. Cod. de sepulchr. viol. c. 2. de conf. c. fin. de celebr. miss.* Quid de Processu in crimine notorio, aut dum delinquens deprehenditur in flagranti, sit statuendum, vide Criminalistas, & Reiffenstuel fufe. desuper agentem. *h. t. §. 6. 7. 8.*

T I T U L U S II.

De Calumniatoribus.

Quest. 1. *Quid sit calumnia & quotuplex?* Resp. Cum ad hunc Titulum interpretes agant de triplici modo quo Accusatores delinquant, scil. *calumniando, prævaricando, tergiversando*; hinc *L. calumnia* proprie dicta est *delictum*, quo quis falsum crimen alteri scienter & dolose intendit, sive contra alterum proponit, & qui id facit, dicitur *calumniator*. *L. 1. §. 1. ad S. C. Turpill. 2.* Si quis, crimen objectum probare non potest, dicitur calumnia *presumpta*, nisi elidatur præsumptio, quod fit, dum quis vel ex necessitate officii denuntiat, vel saltem semiplene probat vel si accusator a testibus est deceptus, &c. imo certæ personæ sunt omnino immunes a præsumptione calumniæ. Vera autem calumnia est, si certo, v. g. ex propria confessione, vel testium depositionibus constet, quod quis scienter & malitiose de falso crimine alterum detulerit.

Quæst. 2. Quonam sint pœnæ in calumniantes statutz? Resp. Calumniator *verus* (idem quoad pœnas dicendum esse de *presumpto* arg. *c. 2. h. t.*) fit infamis infamia juris post condemnationem de calumnia. *can. 1. caus. 2. q. 3. L. 1. & 4. §. 4. ff. de his, qui not. infam. tenetur ad refusionem expensarum, omnisque damni, arg. Constit. Crim. Carol. art. 12.* Clericus calumniose accusans Clericum privandus est beneficio Ecclesiastico cum relegatione in exilium. *c. 1. h. t.* Imo & pœna talionis in calumniatores statuta est *can. 2. & 3. caus. 2. q. 3. L. fin. C. h. t.* in locum tamen hujus pœnæ arbitraria successit in utroque foro, etiam post innovatam Constitut. Cum primum a S. Pio anno 1566. quia vel non ubique fuit recepta, vel per non usum abrogata.

Quæst. 3.

Quæst. 3. Quid sit prævaricari & tergiversari? Resp. 1. Ille dicitur *prævaricari*, qui postquam accusavit vel denunciavit aliquem de crimine, dissimulat veras delicti probationes, aut falsas admittit, ut reus absolvatur. Pœna prævaricationis est infamia juris, & alia extraordinaria, sive arbitraria. L. 1. & 2. ff. de *Prævaricat.*

Resp. 2. *Tergiversari* dicitur, qui accusationi oceptæ tergum vertit, seu desistit. Olim in pœnam erat multa. 5. librar. auri & infamia juris. L. 3. & 4. ff. de *Prævar.* hodie sublata esse dicitur, quia iudex ex officio instituit novum processum inquisitionis.

T I T U L U S I I I.

De Simonia, & ne aliquid pro spiritualibus exigatur, vel promittatur.

Quæst. 1. Quid sit Simonia? Resp. 1. Simonia a Simone Mago dicta, qui primus in Lege novum crimen hoc admisisse legitur. *Actor. 8. v. 20.* est studiosa voluntas emendi aut vendendi aliquid spirituale vel spirituali annexum. Ita D. Th. vel etiam cum Suarez *Tom. I. de Relig. L. 4. c. 1. n. 7.* definiri potest, quod sit *Sacrilegium commissum emptione vel venditione, aut quovis alio contractu, quo spirituale pro temporali commutatur.* Quæ definitio ostendit, Simoniam opponi virtuti Religionis, esse speciem Sacrilegii, non dari parvitatem materiæ.

Quæst. 2. Quotuplex sit Simonia? Resp. 1. Simonia passim dividitur in Simoniam juris naturalis vel divini, quæ committitur, quando pro re temporali datur vel promittitur res in se vere spiritualis, aut huic annexa, vel contra; hoc enim indecens esse lumen rationis dicitur. Et in Simoniam juris positivi Ecclesiastici, quæ est, quando non quidem datur spirituale pro temporali, vel vicissim, sed dum res una spiritualis vel huic annexa commutatur authoritative cum spirituali, v. g. beneficium cum beneficio; vel si temporale datur pro temporali, v. g. dum officia Ecclesiastica Oeconomi, Vice-Domini &c. pro pecunia comparantur contra Legem Ecclesiasticam ex motivo Religionis positam sub pœnis Simonie juris divini.

Mm 3

Resp. 2.

Resp. 2. Alia est Simonia mentalis, alia conventionalis [ad quam reduci solet confidentialis) alia realis .
 1. Simonia *mentalis* non sumitur hic pro mero interno proposito committendi Simoniam absque ullo actu externo, hæc quippe melius dicitur Simonia *interna*; sed Simonia mentalis est, dum quis ipsa dat aliquid temporale pro spiritali vel vicissim, sine ullo quidem pacto expresso vel tacito externe manifestato, cum hæc tamen interna intentione & proposito, ut alterum obliget, moveat, & alliciat ad dandum spirituale pro temporali, vel contra. Et hæc Simonia esse potest tantum ex parte unius. 2. Simonia *conventionalis* est, quæ fit conventionem vel expressa vel tacita, dandi temporale pro spiritali, vel vicissim, utrimque manifestata, ut tamen intra terminos Simonie conventionalis permaneat, requiritur, vel ex nulla, vel ex una tantum parte executionem accessisse. *cap. 12. b. 1.* Si ex nulla parte secuta sit executio; dicitur Simonia *pure conventionalis*, si vero ex alterutra tantum parte, *mixta* dicitur. 3. *Realis* est, quæ præter conventionem & pactum utrimque traditione consummatur. 4. Simonia *confidentialis*, quæ locum tantum obtinet in beneficiis Ecclesiasticis, est & committitur, dum quis alteri beneficium procurat quocunque modo, v. g. eligendo, præsentando, conferendo, cum hac *confidentia*, idest, pacto vel expresso vel tacito, ut is, cui procuratur, vel resignet beneficium procuranti aut tertio cuiuspiam post aliquod tempus, vel ut certam pensionem ex hoc beneficio præster. Vid. Bull. Pii V. apud Reiffenst. *n. 42. b. 1.* Simonia confidentialis iterum suas species habet, quatenus nim. confertur vel resignatur beneficium cum pacto *accessus*, vel *ingressus*, vel *regressus*.

Quæst. 3. Quid requiratur ad constituendam Simoniam, & quando pactum Simoniacum interveniat? Resp. ad 1. Seqq. ad Simoniam debent concurrere, pactum, tanquam forma, pretium temporale, & merx, sive res spiritalis aut spiritali annexa, tanquam materia.

Resp. ad 2. Primo: Nomine pacti Simoniaci venit omnis contractus reciprocus, seu utrinque obligatorius, quo alter ad rem spiritualem tradendam obligatur, sive dein sit pactum *expressum*, quo disertis verbis pacifcentes

tes dicant, *promitto, do, vel dabo temporale pro spirituali*; siue *tacitum*, si scil. faciant tale quid, in quo contineatur, aut unde eliciatur & præsumatur consensus.

Resp. ad 2. Secundo: Pactum Simoniacum est, promittere vel dare aliquid temporale in compensationem gratuitam pro spirituali, aut contra, si compensatio gratuita *determinate* sit exhibenda, ut imponatur obligatio gratitudinis nova & modificata, quia quis jure naturali, ad satisfaciendum scil. præcise obligationi antidotali, prius non obligabatur. Innoc. XI. damnata propositio ordine Quarta sic inter alia habet: *dare temporale pro spirituali non est Simonia, si temporale sit solum gratuita compensatio pro spirituali, aut e contra.*

Resp. ad 2. Tertio; Pactum Simoniacum involvit dare aliquid temporale pro spirituali, vel e contra, si temporale detur *ut motivum* conferendi aut efficiendi spirituale; vel etiam si detur *ut finis* rei spiritualis, siue primarius, siue secundarius. Ita cit. propos. inter alia habet: *Dare temporale pro spirituali Simonia non est, quando temporale non datur tanquam pretium, sed duntaxat tanquam motivum conferendi vel efficiendi spirituale.* Et prop. 46. *Et id quoque locum habet, etiamsi temporale sit principale motivum dandi spirituale, imo etiamsi sit finis ipsius rei spirituales, sic ut illud prius æstimetur, quam res spiritualis.* Ratio autem est, quia temporale dare ut motivum conferendi spirituale involvit pactum vel inchoatum, vel virtuale & tacitum, quo alter ad spirituale obligatur: dare temporale ut finem rei spiritualis est pacisci, & intendere temporale tanquam pretium, æque vel pluris æstimandum, quam spirituale.

Q. 4. *In quibus casibus non interveniat pactum Simoniacum?* Resp. 1. Si detur aliquid temporale *sub spe* tantum, etiam exterius manifestata, consequendi quid spirituale, aut huic annexum, vel contra, non committitur Simonia. Ratio, quia qui sperat tantum, sibi spirituale dandum intuitu temporalis, si speret ex benivolentia dandum, nec obligat alterum, nec intendit obligare, ergo pactum Simoniacum desigit. Vide Schmal. b. 1. n. 53. & seqq. Reiffenst. a n. 87. ad 105. ubi & scil. n. 100. ostendit, unde pro utroque foro delumi possit, an temporale sit principaliter datum pro spirituali &c.

Resp. 2. Si temporale promittatur *ut incitamentum* ad opus bonum, v. g. si parentes donent liberis, ut frequentent templa: vel si temporale promittatur *sub conditione & modo*, ut opera pia exerceantur, Simonia non committitur. Ratio, quia nec contractus onerosus his casibus intervenit, nec ut pretium nec ut compensatio pro spirituali datur temporale, sed vel ut remuneratio laboris, vel ut stipendium.

Resp. 3. Si Sacerdotes vel alii Ecclesie Ministri conveniant *de stipendio*, priusquam administrent spiritualia, ad quæ aliunde non tenebantur, Simoniacum non est. Ratio, quia quod debetur de jure naturæ, nec est consuetudine aut lege determinatum, licite in pactum deduci potest, ut determinetur. Procedit etiam Responsio de Clericis habentibus aliunde, unde vivant. *can. fin. caus. 1. qu. 2. &c.*

Resp. 4. Quando ad obtinendum quid spirituale pro *redimenda* vexa datur temporale, v. gr. pecunia, etiam illud absque Simonia fieri potest, si jus spirituale, quod quis vult hoc modo tueri, est *certum*, jam *questum*, & vexatio est *injusta*, insuper etiam non *quid spirituale* sed tantum *temporale* datur pro vexa redimenda. *c. 28. b. 1.* Ratio quia hoc casu temporale non datur pro spirituali, sed vel pro remotione injusti impedimenti, vel temporale habet se ut medium, quo alterius malitia, & illata sibi injuria tollatur.

Resp. 5. Si pactum ex una parte fictum sit, & per fictam ejusmodi promissionem rei temporalis reipsa obtineatur quid spirituale, Schmalzgr. *b. 1. n. 51.* ait, non incurrere in foro interno Simoniam; rationem dat quod ad hanc incurrendam requiratur animus emendi spirituale pro temporali, qui hic deficeret; Contrarius est Pichl. *b. num. 40.*

Q. 5. *Quid nomine pretii in hac materia veniat, & quomplex sit?* Resp. 1. In emptione & venditione pretium quidem consistit in pecunia numerata, quia tamen hic nomine emptionis & venditionis intelligitur omnis contractus onerosus, ideo etiam nomine pretii venit quævis res temporalis pecunia vel alia utilitate æstimabilis, & vocari solet *munus*, non quod sit donum liberale & gratuitum, sed potius debitum justitiæ commutativæ.

Resp. 2.

Resp. 2. Triplex communiter adstruitur pretium Simonie scil. *munus a manu*, *munus ab obsequio*, *munus a lingua*. Intelligitur per *munus a manu* res omnis temporalis, c. 34. & 36. de Simon. neque refert, an illa præstetur vere vel virtualiter, cum & is, qui pro consequendo spirituali remittit debitum, aut se promittit remissurum, sit Simoniacus, c. 45. b. t. c. 10. de testib. Per *munus ab obsequio* intelliguntur quæcumque servitia, v. g. Præceptorum, famulatus &c. sub expresso vel tacito pacto, & obligatione rei spiritualis conferendæ, c. 12. b. t. Per *munus a lingua* veniunt laudes, preces, commendationes apud Principem v. gr. in alia causa interponendæ pro eo, qui beneficium vel quid aliud spirituale contulit; vel si quis pecunias v. g. det, non Episcopo, a quo vult beneficium, sed tertio, ut hic suam interponat intercessionem, qua beneficium consequatur. D. Thom. 2. 2. q. 100. art. 2. ad 7. arg. can. 3. caus. 1. q. 1.

Q. 6. Quando munera & obsequia ei, qui rem spiritua-
lem exhibet, præstita constituent pretium Simoniacum?
Resp. 1. Si talia munera & obsequia præstentur mere gratuite & pure, sine conditione, sine pacto, sine animo alterum sibi obligandi, præstatio talis erit libera a Simonia; secus vero, si fiat non pure, sed sub conditione aut pacto, aut animo alterum sibi obligandi, qui animus etiam præsumitur, si munera antecedant collationem rei spiritualis. Schmalz. b. n. 115. & seq. num. sequelas ex hac doctrina deducit. Item siue ipse is, qui petitor est rei spiritualis, siue tertius, ejus tamen nomine, quid ejusmodi muneris det aut promittat, semper est Simonia, prout deceditur inc. 27. b. t. quod vid.

Q. 7. Quenam res constituent mercem siue materiam Simonie? Resp. 1. Nomine rei spiritualis hic non intelliguntur res incorporeæ, sed quæ sunt aliquo modo supernaturales, & ad spiritualement animæ salutem ordinatæ; suntque aliæ vel in se & intrinsece spirituales, ut gratia sanctificans, dona Spiritus S. vel causaliter, ut Sacramenta, potestas, jurisdictio Ecclesiastica, vel secundum effectum, ut operationes, quæ alicui spirituali & supernaturali dono conveniunt, ut administratio Sacramentorum, dispensatio, commutatio in votis: item aliæ sunt res, valentes esse materia Simonie spiritualibus

annexa, vel *antecedenter*, ut jus Patronatus ad beneficium, vel *concomitanter*, ut labor in spirituali officio; vel *consequenter*, quemadmodum redditus beneficiorum.

Resp. 2. Jure naturali, divino, & humano *c. 1. 8. 9. 10. & seq. b. 1.* Simoniacum foret pretium temporale dare vel accipere pro rebus intrinsece, vel causative, vel effective spiritualibus; pro Sacramentis, & labore intrinseco in iis administrandis; pro collatione Ordinum, etiam primæ tonsuræ; pro literis dimissorialibus, aut examine Clericorum in concursu pro Parochia ne quidem sponte oblatum licet accipere: it. Simoniacum foret dare vel accipere pretium temporale pro officiis divinis, horis Canonicis, precibus, Processionibus, verbi divini prædicatione, jurisdictione Ecclesiastica, ejusque actibus tum fori in-tum externi. Ratio omnium horum est ipsa natura Simonia. Interim tamen titulo *sustentationis & stipendii*, titulo *laboris extrinseci*, titulo *gratitudinis* in sensu ad *Qu. 3.* Resp. 2. *ad secundum* explicato; titulo *consuetudinis*, sed suo modo juxta *c. 42. de Simon.* aliquid licet accipere.

Resp. 3. Simoniacum etiam est pro Sacramentalibus permanentibus, sive pro rebus consecratis & benedictis, & antecedenter rei spirituali annexis, uti sunt templa, altaria, patenæ, pretium dare aut accipere; si in concreto res hæ vendantur aut emantur. *canon. 7. & 12. caus. 1. q. 3.* Ratio, quia hæ res in concreto involvunt consecrationem & benedictionem. Possunt tamen probabilius absque Simonia in abstracto emi aut vendi, si scil. pretium in solam materiam, aut si quam habent, in formam artificiosam constituatur. *can. 10. 15. 16. caus. 12. q. 2. c. 7. de Jure Patr.*

Q. 3. Quid in specie de Simonia circa beneficia Ecclesiastica sit statuendum? Resp. 1. Dare vel accipere aliquid temporale pro præsentatione, electione, confirmatione ad beneficium aliquod, sive proprie sive minus proprie dictum, est Simonia, etiam secundum multos Juris naturalis vel divini: quod sit Simonia, habetur *c. 34. b. 1. c. 4. 6. & ult. de pact.* quod sit Simonia juris naturalis inde probant, quia ita connectitur jus percipiendi redditus temporales & jus officii spiritualis, ut unum esse censeatur *c. 25. de præb.* atqui vendere aut emere jus sacri officii est Simonia juris naturalis: ergo.

Resp. 2.

Resp. 2. Simonia juris positivi Ecclesiastici est resignare beneficium in favorem alterius in manibus Prælati Papa inferioris, *c. fin. de pact. Constit. Quanta Ecclesie S. Pii V. c. un. de rer. permut. in L. Engel b. n. 30.* quarrit, utrum, si beneficia sint inæqualium reddituum, pacisci liceat, ut ei, qui minus beneficium recepit, fiat compensatio pecuniaria; & resolvit, fieri id non posse ex parte partium, & n. 32. ait, nec transactionem in lite beneficiâli fieri posse ut v. gr. adversarius accepta pecunia desistat, probatur ex *c. 2. & 7. de trans.* 2. Simonia juris positivi est resignare beneficium cum onere, ut resignatarius expensas solvat factas in ejus ademptione. Ratio, quia datur hoc casu beneficium sub obligatione solvendi expensas, adeoque non gratis, quod reprobatur a jure. 3. Conferre beneficium alteri, ut dimittat beneficium cum novo compatibile jam prius habitum. Ratio, quia sic subiret cessionarius onus indebitum, & obligationem, quæ aliunde non existeret.

Resp. 3. Simoniacum non est, sed licitum, si vendantur, permutentur, aut locentur fructus beneficiales sive pendentes, sive a solo separati. Ratio, quia sunt quid mere temporale. 2. Nec Simoniacum est resignare beneficium cum pacto, ut resignatarius solvat debita ob utilitatem vel necessitatem Ecclesie contracta. Ratio, quia hoc absque eo de jure inest. 3. Licet consuetudo exigendi prandium, aut convivium in receptione Canonicorum, item pecunia seu sumptus onerosi reprobentur in *c. 44. b. t. & Trid. sess. 24. c. 4. de ref.* AA. tamen cum Pirh. *b. t. n. 91.* non audent eam damnare tanquam Simoniacam, eo quod & ab Episcopis, & S. Pontifice toleretur.

Q. 9. An & quomodo Simonia circa ingressum Religionis committi possit? Resp. 1. Si pro ipso ingressu in Religionem, id est, vel pro ingressu in Novitiatum vel pro Professione Religiosa temporale quid detur, exigatur, aut accipiatur, Simonia est juris divini & naturalis, *cap. 8. 19. Extrav. 1. inter Comm. b. t.* Ratio, quia uterque ingressus ordinatur ad salutem æternam.

Resp. 2. Potest tamen monasterium, licet dives accipere ab ingressis vel ingressuris quid sponte oblatum. *Extrav. citat.* vel si sit inops, titulo sustentationis. *S. Thom. 2. 2. qu. 100. art. 3. ad 4. & arg. ex Trid. sess. 25. cap. 16.*

cap. 16. de regul. Vel titulo dotis, etiamsi monasterium sit bene fundatum. Patet ex privil. *Innoc. VIII.* id expresse Monialibus concedentis; aut etiam in monasteriis virorum titulo donationis propter nuptias aut legitimæ. *Pichl. b. m. 50.*

Q. 10. Quenam sint pœnæ in Simoniacos jure humano statuta? Resp. 1. Nec Simonia *mentalis* in foro externo pœnam annexam habet, sed quia in solo animo consistit, sufficit per pœnitentiam fori interni peccatum hoc expiare, *c. ult. b. t.* Nec Simonia *conventionalis* pure talis certas habet pœnas annexas, quia SS. Canones, dum pœnas statuunt in Simoniacos, dationis & acceptationis meminerunt, *c. 8. 34. b. t. Extrav. 1. & 2. inter Comm. eod.* Imo multi sunt, qui dicunt, nec Simoniam *conventionalem mixtam* subiacere certis pœnis, excepta confidentiali, de qua postea. Ratio eorum est, quia versamur in materia odiosa, adeoque cum *dantes & accipientes* pœnis à jure statutis tantum subjiciantur, non debere ad alios extendi. Possunt tamen, imo debent Simoniaci, quorum peccatum in actum externum prodit, arbitrarie a Judice puniri.

Resp. 2. Simonia *realis* non quidem omnis, sed in tribus solum casibus, scil. quæ committitur circa ordinationem, circa provisionem beneficiorum, & circa ingressum in religionem punitur determinatis a Jure pœnis: sic 1. ob Ordines Simoniacæ scienter & cum culpa collatos Ordinans & Ordinatus incurrunt excommunicationem Papæ reservatam & suspensionem ab omnibus officiis & functionibus Ordinum, *c. 37. & 44. b. t. Extrav. 2. inter Comm. eod.* 2. Ob Simoniam realem in provisione beneficiorum præter excommunicationem Pontifici reservatam, quam omnes scienter concurrentes incurrunt, electio, præsentatio, & quævis alia collatio ipso jure nulla est, nec ullum proviso jus acquiritur, sed ante omnem sententiam fructus beneficiales restituere, & ipsum beneficium tenetur dimittere, *Extrav. 2. cit.* Inhabilitatur etiam (per sententiam) ad idem & alia omnia beneficia, privatur jam habitis, deponi debet a ministerio altaris, S. Pius V. in *Constit. Cum primum*. Nullitas provisionis etiam inducitur, non tamen pœnæ aliæ, licet quis ignoranter sit Simoniacæ promotus, pecunia v.g. a parentibus vel tertio infcio promotus

Col-

Collatoribus data. 3. Ob Simoniam commissam circa ingressum in Religionem, quæ rarissima est, hodie solum incurritur suspensio, quia *Extrav. cit.* quo ad excommunicationem a Nav. Les. & aliis dicitur non esse recepta.

Resp. 3. Simonia *Confidentialis* præter excommunicationem reservatam, nullitatem resignationis & collationis, inhabilitatem ad idem beneficium, & ad alia omnia, seq. habet speciales pœnas in Bulla Pii IV. *Romanus*, & in Bulla S. Pii V. *Intolerabilis* expressas, scil. 1. est interdictum ab ingressu Ecclesiæ latum in Episcopos aliosque Prælatos superiores loco excommunicationis, si forte hujus criminis rei sint. 2. Privatio non beneficiorum tantum prius obtentorum, sed etiam pensionum. 3. Applicatio fructuum male perceptorum Cameræ Apostolicæ. 4. Reservatio ipsius beneficii ita nulliter acquisiti, quæ tamen reservatio apud Germanos propter Concordata non obtinet.

Q. 11. *Quis sit iudex competens in Crimine Simonie?*

Resp. Solus Ecclesiasticus privative cognoscit & pronuntiat, licet delinquens sit laicus, c. 2. de jud. Deinde inter Ecclesiasticos solus S. Pontifex *per se loquendo* absolvit a Censuris in hac materia incurfis, & in pœnis dispensat, etsi dispenset rarissime. Præterea si delictum Simonie sit adhuc occultum, absolvere a Censuris potest Episcopus vi Trid. *sess. 24. cap. 6. de refor.* Mendicantes vi privilegii, si excipiat Simonia in collatione & susceptione Ordinum commissæ, ubi recepta est Bulla Sixti V. *Sanctum*. Item Episcopus dispensat cum eo, qui per tertiam Simoniam se inscio commissam ad beneficium promotus est, c. penult. de elect. vide etiam canon. 1. caus. 1. q. 5.

T I T U L U S IV.

Ne Prælati vices suas vel Ecclesias sub annuo censu concedant.

Q. uest. 1. *Quid in præsentis titulo Prælati vi prioris rubricæ partis prohibeatur?* Resp. 1. In hoc titulo (qui cum seq. est quasi appendix ad priorem, quia in utroque de qua iam Simonie specie agitur) prohibetur Prælati,

ne

he vices suas; id est exercitium jurisdictionis; potestatis aut administrationis Ecclesiasticæ pro annua pensione elocente; sive dein omnimode relinquunt suam jurisdictionem; sive potius habitualiter retineant; c. 1. 2. 3. b. 1. Trid. sess. 5. 6. 1. de ref.

Resp. 2. Non autem prohibetur Episcopis constituere Vicarios Generales, iisque committere jurisdictionem dioeceseos suæ; præstando simul annum salarium in pecuniis consistens. Ratio, quia hoc salarium non constituitur per modum pretii sed per modum stipendii. Sic etiam licet Episcopo remittere jurisdictionem sibi competentem; eximendo scilicet Ecclesiam vel Monasterium a jurisdictione, ut præstetur sibi tamen singulis annis pensio. Ratio; quia pensio hæc datur tantum in recognitionem præteritæ subjectionis, & in signum libertatis concessæ.

Q. 2. Quid prohibeatur Prælati vi posterioris rubricæ partis? Resp. 1. Prælati non possunt ipsas Ecclesias; ut v. g. quis ibi pro libitu celebret; pro pensione annua dare; rubr. *hujus tit.* Possunt autem ipsos fructus Ecclesiarum; attamen juxta Extravag. *Ambitiosæ inter Comm. de reb. Eccl. alien.* ubi hæc in usu est, tantum ad triennium; elocare; &c.

Q. 3. Quæ pænæ sint statutæ contravenientibus prohibitioni prædictæ rubricæ? Resp. 1. Prælati locantibus pro censu Ecclesias pœnâ in jure statuta non legitur; licet; secundum dicta, locatio prohibeatur. 2. Prælati vices suas aliis concedentes sic per sententiam puniri debent; ut dans & accipiens ab Ecclesia excludantur; cap. 38. de Simon. dein; ut dans pecuniam pro exercitio jurisdictionis; aut officii, id perdat, conferens autem potestatem conferendi amittat; c. 1. b. 1. de iur.; ut dans petuniam removeatur a Clero; conferens; etiam si Episcopus; pro qualitate delicti vel deponatur; vel suspendatur c. 2. b. 1.

T I T U L U S V.

*De Magistris & ne aliquid exigatur pro
licentia docendi.*

Quest. 1. *Quid de Magistris, de quibus mentio fit h. tit. dicendum?* Resp. 1. Licet pars prior hujus tituli non eam habeat cum præced. connexionem, qualem posterior, *notandum* tamen 1. Quod nomine *Magistrorum* vel *Doctorum* veniant omnes insigniti in facultate quadam suprema laurea, usus interim in Germania duo illa vocabula sic distinxit, ut qui in Theologia, Jure, Medicina supremum gradum sunt consecuti, *Doctores*, qui in Philosophia, *Magistri* vocentur. Doctores in dignitate sequuntur *Licentiati*, quibus dignis repertis facta est *licentia* sive facultas, petendi & capeffendi supremam in aliqua scientia lauream: *Licentiatis* inferiores sunt *Baccalaurei*, ii scil. qui sui in scientia profectus primum publicum testimonium adepti sunt. *Notandum* 2. Quod alii sint Doctores in Universitate quadam promoti; dicti *Accademici*, alii *Bullati*, & quod penes diversos pro diversitate Jurium Academicorum sit potestas, DD. creandi. *Notandum* 3. quod vel examen, idque non umbratile, vel æquivalens positionum ex præcipuis Facultatis partibus selectarum defensio publica & sufficiens (præter fidei professionem juxta Trid. & Const. Pii IV. *injunctum* sub pœnâ nullitatis edendam) debeat præcedere, L. 7. C. de Prof. & Med. Lib. 10. *Notandum* 4. quod varia competant Doctoribus privilegia, scil. *nobilitas*, arg. c. 28. de prob. Recej. Imp. de ann. 1577. tit. 11. & 12. dein *exemptio* a conditione plebeja Clem. 2. b. 1. *specialis honor* & rever. L. 2. & 3. C. de off. divers. jud. *præsumptio* insignis scientiæ, & virtutis, c. 7. de elect. *exemptio* a tortura. Vide Schmal. b. a. n. 4. *Notandum* 5. A. Concil. Later. in c. 4. b. 1. relato & Trid. sess. 5. c. 1. de ref. varia, quæ videri possunt, circa Præbendam Theologicam esse constituta; & passim conveniunt AA. ad hanc præbendam Theologicam admitti etiam posse Canonistam, probant id tum ex variis Congr. Declat. tum ex ipsa ratione.

Quest. 2.

agitur, quia ipsa opponitur multo maxime Religioni, cum fundamentum cultus divini evertat) proprie dicta est peccatum ita oppositum internæ fidei ex suo objecto, ut cum eo impossibilis sit voluntas credendi, & actus fidei vere divinæ. 2. Tres numerat species. *Paganismum, Judaismum, & Hæresim*. Ad *Paganismum* reducuntur etiam Sarraceni, ut constat ex c. 10. & 18. b. tit. stricte tamen differunt a Paganis, quia *Pagani* sunt, qui idola colunt verum Deum negantes; *Sarraceni* autem, qui non baptizati unum tamen & verum adorant Deum, nec tamen novum Testamentum, nec vetus saltem totum recipientes, dogmatibus Mahometis in Alcorano contentis inhærent. Deinde *Judaismus* est infidelitas illorum, qui legem duntaxat Mosaicam absque fide in Christum sectantur. De Sarracenorum & Judæorum origine, appellatione &c. plurima referunt Historici. Demum de *Hæresi*, tertia specie infidelitatis, agetur seq. Tit.

Q. 2. *Utrum licite Judæi a Principibus Christianis recipiantur, & recepti tolerantur?* Resp. 1. Judæi possunt quidem absolute loquendo recipi licite, ubi prius non fuerunt, id tamen non expedit. Ratio, quod recipi possint, est, quia perpetuum dant testimonium non solum scripturæ veteris Testamenti, sed etiam Religionis Christianæ veritati. Quod autem non expediat, inde est, quia eorum multiplicatio summe est damnosa & periculosa, immanesque ab eis blasphemix & injuriæ in Christum redundant.

Resp. 2. Ubi semel recepti, & de protectione sunt assecurati, expelli pro libitu non possunt sine legitima causa, qualis causa eos expellendi foret: dum sibi non temperarent a blasphemis, fraudibus, maledictione, seductione ad suam superstitionem. Ratio, quia fides semel juste data etiam gentili & judæo servanda est. Secundum eruitur ex. L. 11. 14. 16. 18. C. b. 1.

Q. 3. *Quid commodi præterea Judæi consequantur ex sui receptione, quidve eis sit interdictum?* Resp. ad 1. Habere permittuntur ad ritus suos exercendos Synagogas veteres, easque possunt restaurare, non tamen novas ædificare, aut habitas ampliores efficere. cap. 3. & 7. b. 1. 2. Sacra sua & Sabbata celebrare permittuntur.

P. Adami Hutb.

Na

tur.

tur, nec eo tempore in jus vocari debent. *c. 9. b. t. & L. 2. 4. & 13. C. eod.* ut tamen nihil agant in contemptum Religionis Catholicæ. *c. 14. & 15. b. t. 3.* non debent cœmeteria illorum violari, nec aliunde temere offendi. *c. 9. b. t.* imo si ad fidem conversi fuerint, bonis & possessionibus spoliari non debent. *c. 5. V. si quis b. t.* retinent itaque jus successionis erga parentes æque ac reliquos.

Resp. ad 2. Non possunt Judæi officio publico fungi inter Christianos, neque jurisdictio in hos ipsis committi. *c. 16. b. t. L. fm. pr. C. eod.* sed etiam si Judæi a Christianis conveniantur, ab Ordinariis judicibus Christianis lites dirimendæ. *L. 8. C. b. t. 2.* Non possunt institui hæredes a Christianis. *L. 1. C. de judæis.* 3. Licet non prohibeantur de Jure communi habere bona immobilia. *c. 18. de usur. c. 16. de decim.* in pluribus tamen locis id eis interdictum. 4. Distinctum, quo a Christianis secernantur, vestitum adhibere debent. 5. Non possunt usuras ultra 5. pro 100. accipere. *L. 8. C. h. t.*

Q. 4. *Qualis communicatio cum Judæis, Paganis & Sarracenis prohibita sit Christianis?* Resp. 1. Patet, quod non liceat cum eis communicare in divinis v. g. Sacramentorum participatione, ritibus & cultu superstitioso; imo nec vesci azymis licet. *can. 13. caus. 28. q. 1.* nec eorum templa adire, quo tempore superstitiosa a Judæis vel Paganis sacra celebrantur; ob scandalum & perversionis periculum; hoc si absit, peccatum grave non erit, imo nullum, si finis bonus præfigatur. 2. Etiam non licet cum Judæis communicare in multis politicis, in quibus ex familiaritate nimia scandalum aut perversionis periculum metui potest: sic prohibentur Christiani cohabitare Judæis. *can. 13. caus. 28. q. 1.* contractus celebrare cum ipsis possunt, non tamen matrimonium, quod ob cultus disparitatem nullum est. Item prohibentur Christiani uti eodem cum Judæis balneo. *can. cit.* Medicos Judæos aut medicinas ab ipsis præparatas extra casum necessitatis adhibere. Constit. Greg. XIII. *Alias piæ.* ann. 1581. adire convivia, nuptias, choreas. *can. 14. caus. 28. q. 1.* eadem prohibitio procedit respectu paganorum & Sarracenorum. Ulterius prohibentur Christiani famulari Judæis, probabiliter etiam, licet fiat extra illorum ædes, aut non frequenter, quia filias

filias liberæ filiis ancillæ inservire non decet; per hoc tamen non prohibetur, quo minus possint Christiani suas Judæis operas locare. Denique inter alia prohibentur Christianæ mulieres nutrire & lactare liberos Judæorum. *cap. 5. & 8. b. 8. Constit. Pauli III. Cum enim. Constit. Gregor. XIII. Antiqua* idque ob familiaritatem.

Q. 5. Quid specialiter circa Sarracenos, aliosque infideles Christianis sit interdictum? Resp. 1. Nec pacis, multoque minus belli tempore licet Christianis ad Sarracenos, aliosque infideles arma deferre; aliave ad bellum servientia. *Jure Civili* rei hujus delicti plectuntur capite, & bonorum confiscatione. *L. fin. C. quæ res exportat. Jure Canonico* sunt ipso facto excommunicati excommunicatione S. Pontifici reservata *per Bullam Cæne in Casu seprimo*, sequæ non ad Paganos tantum, sed & ad Hæreticos extendente: aliz pœnæ legi possunt *c. 6. 11. W. illi quoque, & c. 17. b. t. Extrav. unic. Joân. XXII. cod. 2.* Tempore belli qui alias, etiam quascumque merces, ad prædictos Sarracenos & alios Paganos deferunt, eandem incurrunt excommunicationem. Ratio, nè occasione mercium ipsis consilia Christianorum manifestentur. Imo ulterius adhuc proceditur *cit. Bulla Cæn. caus. 7.*

Resp. 2. Loquendo *practice* nunquam fere licet Principi Catholico inire fœdus cum Sarracenis & infidelibus auxilii contra fideles ferendi causa, etiamsi bellum contra fideles justum foret. Ratio, quia in praxi rarissime abest periculum perversionis, scandali, propagandæ infidelitatis: *speculative* tale fœdus defendi potest tum exemplo Patriarcharum veterum, tum quod quisque jus habeat ad necessariam sui defensionem.

Q. 6. An Judæi, aliorve infideles invito ad fidem Catholicam cogi possint? Resp. 1. Directe cogi non possunt. *can. 3. & 5. dist. 45. c. 9. b. t. & ex praxi Ecclesiæ.* Ratio, quia Ecclesia non habet jurisdictionem in infideles. *1. Cor. 5. nec Principes suam ad spiritalia possunt extendere.*

Resp. 2. Tanquam valde probabile defendunt Engel. *b. 1. n. 9. Pich. n. 12.* posse contra infideles licite moveri bellum ob idololatriam, & alia peccata contra jus divinum & naturale; præf. si summi Pontificis consensus accedat. Ratio, quia licitum est habenti jurisdictionem vindicare injurias homini illatas, ergo multo magis illatas Deo.

Resp. 3. Eodem modo infidelium infantes probabilit-
ter baptizantur licite, invitis etiam parentibus, modo
spes sit, eos religiose educandos, aut si Princeps, cu-
jus imperio subsunt, id fecerit. Ratio, quia universale
præceptum Christi fuit, omnes esse baptizandos, quod
prævalet & extinguit jus omne & potestatem parentum,
in liberos, neque parentes contra istud Christi præce-
ptum possunt julte esse inviri, ergo.

T I T U L U S VII.

De Hæreticis.

Quest. 1. Quid sit Hæresis, quis Hæreticus, & qui eo-
rum Credentes &c. Resp. 1. Hæresis, scil. forma-
lis, est error intellectus voluntarius & pertinax contra
fidem assertus ab eo, qui se Christianum profitetur. Il-
le itaque, qui est baptizatus, & tamen errorem in in-
tellectu, sive judicium erroneum voluntarium, id est,
vincibile & culpabile habet contra veritatem aliquam
revelatam & sufficienter a vera Ecclesia propositam, si-
mul etiam cum pertinacia in voluntate errorem profi-
tetur, Hæreticus dicitur. Consentiunt AA. inter quos
Brunnem. in. L. 2. C. h. t. n. 3. sic habet: Hæreticus est,
qui vel in levi articulo fidei ab Ecclesia vere Catholica
pervicaciter dissentit. Quæ pervicacia & voluntatis per-
tinacia consistit in deliberata & efficaci voluntate con-
tradicens veræ Ecclesię, illi nimir. quam motiva & no-
tæ ostendunt, prudenter credi posse & debere esse veram.

Resp. 2. Hæretici alii sunt *formales* jam descripti,
materiales alii, qui quidem adhærent errori fidei Ca-
tholicæ contrario, sed absque pertinacia. v. g. ex sim-
plicitate, ex defectu informationis debitæ &c. Alii *in-
terni*, qui mente sola errorem retinent. *Externi* alii,
qui eum etiam exterius produnt. Cæteras divisiones vi-
de passim in Canonistis.

Resp. 3. *Credentes* Hæreticorum dicuntur, qui qui-
dem nihil in particulari & actu credunt contra fidem,
verbis tamen vel factis profitentur, assentiri se illorum
doctrinæ, vel etiam, qui doctrinam veræ fidei con-
trariam audiunt, animo vel absoluto consentiendi, vel

conditionato, si motiva placuerint. *Receptatores* vel *Receptatores* sunt, qui *Hæreticos* qua tales hospitio accipiunt. *Defensores*, qui eos qua tales protegunt. *Fautores*, qui quovis modo iis qua talibus favent.

Q. 2. An & qualiter prohibitum vel licitum sit communicare cum Hæreticis. Resp. 1. In rebus sacris & divinis cum illis communicare jure divino & naturali vetitum est, si vel scandalum, vel suspicio, vel periculum spirituale animæ inde sequatur, ut patet. 2. Olim etiam quævis communicatio in profanis erat prohibita, hodie tamen cum omnibus, etiam manifestis & notoriis, etiam generaliter in Bulla Cœnz contentis, modo non sint specialiter & nominatim excommunicati, secluso scandalo & periculo perversionis in actibus profanis communicare licet, Bulla Martini V. *Ad evitanda*. 3. An, quibus, & quando liceat disputare cum ejusmodi hominibus, vide late apud *Leur. b. t. Q. 154. Pichl. b. a. n. 23.* 4. De exercitio Religionis videantur AA.

Q. 3. Quenam pœnæ in jure contra Hæresim sint statutæ? Resp. Pœnas spirituales & Canonicas in *Hæreticos* formales & externos (item in eorum *Credentes*, *Receptatores*, *Defensores*, *Fautores*) videre est in c. 8. 9. 15. *b. t. cap. 2. eod. in 6.* in Bulla Cœnz *cas. 1.* Pœnas temporales & civiles in c. 9. 13. 15. *fin. b. t. L. 4. 5. 8. & Auth. Gazaros. C. b. t.*

Q. 4. Quid præterea de jure circa hanc materiam decretum? Resp. 1. A variis emitti debet professio fidei, de qua dictum ad *Tit. 1. Libri 2. Decretal. Q. 2.* & habetur in *Trid. sess. 24. cap. 12. de ref. sess. 25. c. 1. de refor.* *Constit. Gregor. XIV. Onus Apostolicæ. Pii IV. injunctum nobis. Pii V. in Sacrosancta.*

Resp. 2. Absque licentia & in materia notabili legere scienter ex quocunque fine libros *Hæreticorum* de Religione tractantes, vel hæresim continentes, imo & eos retinere, imprimere, defendere, per se graviter prohibet Ecclesia, etiam sub pœna Excommunicationis Pontifici reservata. c. 4. *b. t. CC. & Extrav. præcipue Bulla Cœnz.* Vid. *Pichler b. n. 7. & 8.* in quo posteriori ait, rigorem Bullæ prædictæ in prohibenda lectione & retentione librorum ejusmodi, saltem respectu viro- rum piorum & doctorum, licet Bulla ipsa recepta sit, vi-

deri esse mitigatum per consuetudinem, & ob moraliter impossibilem observantiam. Contrarius est Reiffenstuel *eod. tit. §. 3. per tot.*

Resp. 3. In indice librorum prohibitorum, quem Pius IV. juxta decretum Tridentini primitus confici curavit, & plures postea Pontifices continuarunt & auxerunt. 3. continentur classes de quibus quid ulterius dicendum, consule Engel. *h. n. 9.* Reiffenst. *n. 111. & seq.* Pichl. *n. 9.*

Q. 5. *Quis sit judex in causa hæresis?* Resp. Judex Ecclesiasticus privative, sive questio hæc principaliter, sive incidenter in judicium deducatur. *c. 18. h. t. in 6.* Ratio, quia hoc crimen est mere Ecclesiasticum. Schmal. *h. t. a n. 175.* refert in specie illos judices Ecclesiasticos, qui hac in causa cognoscere possunt.

Q. 5. *Quinam possint ab hæresi absolvere?* Resp. 1. Præter summum Pontificem, qui ab hæresi quacunq; penitentes absolvit, Episcopi vel per se ipsos, vel per Vicarium ad hoc specialiter deputatum pro foro interno ab hæresi completa & occulta, eique annexa excommunicatione possunt absolvere. Trid. *sess. 24. c. 6. de ref.* Idem dicendum de capitulo Sede vacante Leur. *in Vicar. Episc. Q. 467.* Idem de Prælatiis quasi jurisdictionem Episcopalem habentibus. Ratio, quia hi æquiparantur Episcopis in iis, quo competunt Episcopis tanquam Ordinariis, atqui potestas absolvendi videtur concessa a Trid. Episcopis tanquam Ordinariis, ergo. Quid circa absolutionem ab hæresi potestatis competat Religiosis, indulta & privilegia ipsis concessa & non revocata, inspiciantur.

Resp. 2. Potestas ab hæresi & aliis delictis occultis a Tridentino concessa Episcopis, probabiliter non est revocata per Bullam Cœnæ, saltem in Germania. Ratio est 1. Quia specificè & non terminis tantum generalibus decretum alicujus Concilii generalis, ut illic sentitur derogatum, revocari debet, hoc non fit in Bulla Cœnæ respectu Concilii Tridentini, in quo Episcopis data est facultas a criminibus occultis absolvendi, ergo. 2. Correctio jurium, quoad fieri potest, vitanda est, potest autem vitari, dicendo, Bullam Cœnæ revocantem quasvis facultates absolvendi ab hæresi &c. intelligi

ligi debere de hæresi publica & pro foro externo. 3. Quod addatur, *saltem in Germania* ratio est; quia pro hac speciales militant rationes.

T I T U L U S VIII.

De Schismaticis & Ordinatis ab eis.

Quest. 1. *Schisma quid & quotuplex sit?* Resp. 1. *Schisma* græce, *scissura* latine, est separatio seu disjunctio, qua quis se separat a communione & unitate Ecclesiæ Catholicæ, quatenus illa est corpus mysticum, ex universis fidelibus tanquam membris, & Rom. Pontifice tanquam capite constans. 2. Differt ab hæresi, quod quidem omnis hæreticus sit schismaticus, licet non pure talis, quatenus scil. deferendo fidem etiam quoad unum articulum, utpote quæ quoad omnes una est, separat se a præcipua Ecclesiæ unitate in fide consistente; non tamen contra omnis schismaticus est hæreticus; hinc.

Resp. 2. Datur aliud schisma *purum*, quod descripsimus: & est dum quis *S. Pontifici qua tali*, licet eum agnoscat esse caput Ecclesiæ, omnesque alios fidei articulos credat, pertinaciter nihilominus detrectat obedire. *Non purum sive conjunctum cum heresi* est, dum quis aliquem præterea negat fidei articulum.

Q. 2. *Quenam sint pœnæ Schismaticorum?* Resp. Si non pure tales sunt, omnes hæreticorum incurrunt pœnas, ut patet. *Pure autem & proprie tales* incurrunt. 1. Excommunicationem majorem, quæ respectu ipsorum hodie vi *Bull. Cœn. cas. 1.* est reservata S. Pontifici, non tamen respectu fautorum ipsorum. 2. Redduntur inhabiles ad obtinenda beneficia, & Dignitates Ecclesiasticas, antequam dispensentur cum ipsis, probabilius licet jam egerint penitentiam, & reversi sint ad unitatem Ecclesiæ. *c. 5. de elect.* 3. Privantur ipso facto jurisdictione Ecclesiastica, ut nec excommunicare, nec absolvere, nec indulgentias concedere, aut beneficia possint conferre. *c. 1. b. t.* 4. Confiscationem bonorum incurrunt. *c. un. b. t. in 6. &c.*

Quest. 3. *Num Ordinationes a Schismaticis factæ, &*

alii alius valeant? Resp. 1. Ordinationes seu collationes Ordinum, aliorumque plerorumque Sacramentorum *valide* ab ipsis conferuntur. Ratio, quia collatio Ordinum dependet a potestate Sacramentali Ordinis, quam non amittunt Schismatici, modo substantialia observent; taliter tamen Ordinati executionem Ordinis citra dispensationem non recipiunt. arg. c. 1. & 2. b. 1.

T I T U L U S IX.

De Apostatis reiterantibus Baptisma.

Quest. 1. *Apostasia quid & quotuplex?* Resp. 1. Apostasia est recessus vel defectio, qua receditur temerarie a vitæ prioris instituto, quod quis publica & solemnī professione tuendum susceperat; adeoque ille *Apostata* est, qui ita a Deo aut vitæ instituto recedit. 2. Apostasia est triplex, scil. *Apostasia a fide* vel *perfidie*, *a Religione*, *ab Ordine*, *Apostasia a fide* & *proprie* talis est, dum quis a fide Christiana penitus recedit, eamque totaliter deserit, transeundo. v. g. ad Paganismum, Judaismum, Turcismum. Differt hæc *ab heresi*, quod licet vulgo quis dicatur Apostata, si transeat ad Lutheranos aut Calvinistas non tamen *ex toto*, sed parte duntaxat in uno vel pluribus a fide deflectit. *Apostasia a Religione* est, dum quis sine licentia sui superioris regularis, vel alterius, qui eam dare potest, ab Ordine vere religioso post emissā vota substantialia etiam simplicia tantum, recedit a Religione sine proposito redeundi, vel cum proposito nunquam redeundi, sive dimisso, sive retento habitu. *Fugitivus* dicitur, qui non obtenta licentia recedit, sed cum animo redeundi. *Apostasia ab Ordine* est, dum quis constitutus in *Sacris Ordinibus* ad statum laicalem vel conjugalem, propria temeritate, transit.

Q. 2. *Quæ sint Apostatarum pœnæ?* Resp. 1. Apostatæ a fide pœnas omnes incurrunt, quas utroque Jure hæretici, cum omnes sint veri hæretici, licet non omnes hæretici sint Apostatæ; nec ipsos juvat in Imperio toleratio certarum Religionum, cap. 13. de heret. in 6. Imo gravius contra hos Apostatas proceditur ob gra-

gravius peccatum, dum & semper, quamdiu vivunt; & post mortem ad quinquennium accusari & in suis puniri possunt. *L. 2. §. 4. C. hoc tit.*

Resp. 2. Apostata a Religione sic puniuntur, ut sint feriendi excommunicatione, quæ adeoque est ferendæ tantum sententiæ, nisi dimiserint habitum. *c. 2. ne Cler. vel Monach.* aut nisi sint Apostata Societ. *Const. Greg. XIII. Ascendente.* 2. Suspensi sunt ab executione Ordinum in Apostasia susceptorum, quoad accesserit dispensatio Pontificia. *c. fin. b. tit.* 3. Amittunt omnia privilegia Religionis suæ, saltem si sequatur sententia declaratoria & Apostata habitum dimiserint. *Trident. Sess. 9. 25. c. 19. de ref.*

Resp. 3. Pænæ Apostatarum ab Ordine Sacro sunt; quod amittant privilegium Canonis. *c. 1. b. t. c. 23. de sent. Excomm.* 2. Quod incurrant excommunicationem, quæ est ferendæ sententiæ, assumpto tantum statu laicali; lata autem per *c. 3. b. tit.* si matrimonium attentent contrahere. 3. Quod dure sint incarcerandi juxta *c. 5. b. tit.* 4. Quod fiant infames, & irregularitatem incurrant, attentato præsertim matrimonio ob bigamiam similitudinariam.

Quæst. 3. Qui intelligantur per rebaptizantes seu reiterantes baptismum, & quæ pænæ iterantium baptismi?

Resp. 1. Intelliguntur ii per rebaptizantes, qui semel rite & absolute baptizatos scienter sæpius, quam semel baptizant, & hinc Anabaptistæ dicuntur. De similibus agitur in *can. 103. & 112. dist. 4. de Consecr.*

Resp. 2. De Jure Civ. rebaptizans, & repaptizatus scil. scienter afficiuntur ultimo supplicio. *L. 1. §. 2. Cod. ne sanct. bapt. iter.* neque gaudent immunitate, qua tolerati in Germania. De Jure Canonico rebaptizans, rebaptizatus, omnesque in eo officio ministrantes irregularitatem incurrunt. *cap. 2. hoc tit.* non tamen si iteretur aliud Sacramentum, v.g. Confirmationis, quia irregularitas non incurritur, nisi in jure expressa. Deinde si fuerit Clericus, punitur depositione; si fuerit laicus, excommunicatione ferendæ sent. *can. 118. dist. 4. de Consecr.*

T I T U L U S X.

De his, qui filios occiderunt.

Quest. 1. *Quanam comprehendantur hoc titulo?* Resp. Tametsi hoc titulo juxta ejus rubricam solum agi videatur de iis, qui filios occidunt, postquam in prioribus actum erat de criminibus religioni & cultui divino immediate adversantibus, veniunt tamen parricidæ omnes tam proprie quam improprie dicti. *Parricida proprie* dictus est, non tantum, qui patrem vel matrem occidit, juxta. *L. 1. ff. ad Leg. Pomp. de parricid.* sed etiam, qui vel avum aut aviam, aliosve ascendentes, aut contra, qui filios, vel nepotes ex filio aut filia, aliosque descendentes in linea recta occidit. *Parricida improprie* dictus est, qui occidit consanguineum collateralem usque ad quartum gradum. *L. cit.*

Quest. 2. *Quenam sit pena parricidii?* Resp. 1. De *Jure Civili* pena parricidii improprie dicti est Legis Cornel. de Sicar. id est, gladius. *L. 9. ff. ad L. Pomp. & Jus Palatin. p. 5. tit. 20. in fin.* pena parricidii proprie talis olim erat pena culei. *L. pen. ff. ad Leg. Pomp. L. un. C. de his qui fil. occid. §. 6. Inst. de publ. jud. juxta Const. Crim. Caroli V. ar. 131.* eidem successit, ut si mater (idem est de patre) occidat suam prolem, viva in terram defodiatur, palo per ejus corpus transfixo, vel ut aqua suffocetur ad vitandam desperationem. Verum & hæc pena usu sublata est, & aliæ successerunt, cum exasperatione tamen pro ratione circumstantiarum delicti. *Jure Palat.* maribus parricidium committentibus ad minimum rota, feminis vel gladius vel suffocatio *loco cit.* dictatur pro circumstantiis cum vel sine exasperatione. De *Jure Canonico* pœnæ statutz in *can. 15. caus. 33. q. 2. & cap. 1. b. t.* solum habebant locum in foro conscientiz, ut satisfieret Deo, sed neque nunc in usu amplius sunt. *Judex Ecclesiasticus* modo parricidam Laicum jurisdictioni suæ subiectum statim remittit judici sæculari, Clericum vero prius depositum & degradatum idem tradit Curiz sæculari. *Pirh. b. t. n. 5.*

Resp. 2. *Femina*, quæ procurat abortum fœtus animati,

mati, vere est rea parricidii, & punienda de *Jure Civili* secundum antecedenter dicta; *Jure Pal. p. 5. T. 21.* suffocatione, vel etiam pœna gladii punitur. *Jure Ecclesiastico* juxta Bull. Sixti V. *Ad effrœnatam* (quam Gregor. XIV. in Const. *Sedes Apostolica* nonnisi quoad absolutionem ab Excommunicatione, & quoad procurantes abortum fœtus necdum animati mitigavit) directe vel indirecte, per se vel per alios quocunque modo ad abortum cooperantes incurrunt pœnas omnes quocunque jure statutas in homicidas; quas refert *Leur. b. 1. Q. 217. n. 2.* Cui pœna subiaceant parentes, qui in eodem secum lecto proles collocant, easque sine dolo malo, non tamen sine culpa opprimunt, videatur *idem Q. 216.*

TITULUS XI.

De infantibus & languidis expositis.

Quest. 1. *Quinam intelligantur per infantes & languidos expositos?* Resp. 1. Intelliguntur per *infantes* liberi recenter nati vel septennio minores, qui a parentibus, vel aliis, cum consensu, scientia, aut ratihabitione parentum exponuntur, & relinquuntur ad hoc, ut vel alimentis destituti pereant, vel ab aliis suscipiantur alendi & educandi. Ubi & id notandum, parentes *ordinarie*, nisi excuset egestas summa &c. peccare graviter, liberos exponendo, cum eos censeantur necare, ut dicitur. *L. 4. ff. de agn. & alend. lib. c. ult. dist. 87. Pichl. n. 3.* ait, feminæ alias bonæ famæ licitum esse, loco tuto, & premente egestate exponere infantem absque peccato, & absque infamia.

Resp. 2. Nomine *languidorum* veniunt omnes, qui gravi ac diuturno morbo, præsertim perpetuo & incurabili detinentur, quoad labores, negotia, alimenta querenda inhabiles sunt, in quacunque demum ætate fuerint constituti.

Quest. 2. Quenam pœna sit liberos suos injuste exponendum? Resp. 1. De *Jure Civili*, si infans fuerit extinctus, eo quod in loco periculoso, v.g. solitario esset expositus, est pœna Capitis. *Const. Crim. Carol. art. 132.*

in fine. Censent, Jus Palat. p. 5. Tit. 22. ut talis exponens, morte infantis secuta, vel capite plectatur, vel suffocetur aquis. Si vero mortuus non fuerit infans, pœna arbitraria obtineat. *l. cit.* Pater, si illicite exponat proles suas, amittit potestatem patriam, nisi in quantum favorable est infanti. *c. un. b. t. L. 2. 3. 4. C. cod.* Idem de servis proprie dictis, si languidi sint, & exponantur, dicendum, quod hi statim in libertatem & ingenuitatem asserantur *cit. c. un.* De Jure Can. obtinet in taliter exponentes pœna arbitraria. Engel *b. n. 2.*

Q. 3. Quis teneatur alimentare & educare infantes expositos? R. 1. Si ignorentur eorum parentes, & in loco, ubi reperti fuerint tales infantes, existat hospitale vel brephotrophium pro ejusmodi piis officiis erectum, illud eos tenetur suscipere & alere. *Leur. b. t. n. 221.* his deficientibus Ecclesia, & hac non habente sufficientes redditus, Communitas loci. *Pichl. b. n. 3.*

Resp. 2. Qui tamen talem, taleve infantes suscipit & sustentat, nihil propterea in eos acquirit juris. *cit. c. un. L. 3. C. b. t. L. 24. C. de Episc. audient.* Potest nihilominus suscipiens & alere expositos, si parentes resciantur, sintque satis habentes, repetere ab iis expensarum refusionem. Ratio quia nemo præsумitur, velle parentum divitum liberos alere, &c.

Q. 4. Utrum infantes expositi habeantur pro legitimis? R. Aff. si non sciantur eorum parentes: arg. *c. un. b. t.* in quo cap. liberantur expositi a potestate patria, quæ non nisi in legitimis locum habet. Deinde, quia subinde exponuntur legitimi, quibus ne fiat præjudicium, legitimitas omnibus conceditur. 2. Ad officia tamen, Dignitates, & Canonicatus, in quibus certa requiritur nobilitas, tales non admittuntur &c. Vide *Pichl. b. n. 7.*

Quest. 5. An & qualiter Dominus famulo ægrotanti teneatur providere de necessaria cura? *Resp. 1.* Ratione famulatus tenetur talis dominus famulo ægrotanti suppeditare alimenta & tenues saltem expensas facere in Medicos & pharmaca. *Schmalzgr. b. n. 21.* Ad majores expensas tenetur Dominus ex *charitate*, si ipse dives, famulus pauper sit. Ratio; quia quilibet tenetur alteri in extrema vel gravi necessitate constituto de sibi superflui subvenire.

Resp. 2.

Resp. 2. Tenetur insuper Dominus famulo ægrotanti mercedem dare integram pro illo anno; quem servire incepit. L. 38. ff. locat. L. 1. §. 13. ff. de var. & extraord. cogn. L. 15. C. de Advoc. div. jud. Ratio, quia in locatione operarum seu factorum merces etiam datur pro ipsa obligatione serviendi. Vid. Gail. L. 1. Obs. 44. n. 12. & L. 4. §. 5. ff. de statu liber.

T I T U L U S XII.

De homicidio voluntario vel casuali.

Quest. 1. *Homicidium quid sit & quotuplex?* Resp. 1. Est violenta exanimatio hominis, seu separatio animæ a corpore, facta ab homine. 2. Juxta rubric. Tit. præcipue dividitur in voluntarium & casuale. *Voluntarium* est, quod vel per se & directe, ac expresse intenditur, ut dum alterum pugione petis, animo illum occidendi, vel quod citra intentionem quidem committitur, posita tamen causa, directe volita, ex qua moraliter certo mors alterius secutura prævidetur, ut si mulier prægnans conculcatur pedibus, ut inde foetus animatus moriatur. *Voluntarium* dividitur in *justum & injustum*, sive *illicitum*; hoc in *simplex & qualificatum*; qualificatum est vel *assassinium*, vel *proditorium*, vel *insidiosum*, vel *veneficium*; quo pertinent *parricidium*, *latrocinium*, *sacrilegium*. *Casuale* est, quod nec directe nec indirecte intenditur, fierique potest *sine culpa*, aut *cum culpa*. *Sine culpa* fit, dum quis quid facit, ex quo occisio sequitur, nullo modo vel prævisa vel volita, ut si quis feram in silva petat, & hominem casu intervenientem tangat. *Casum culpa*, si quid fiat, unde prævideri potuit alterum posse occidi, & tamen, quo minus contingeret, debita diligentia non fuit adhibita.

Resp. 2. Aliter Civilistæ dividunt homicidium scil. in *Necessarium*, quod fit vel autoritate publica, vel etiam privata ad sui necessariam defensionem cum modamine inculpatæ tutelæ. *Dolosum*, quod fit dolo malo, sive animo & intentione occidendi. *Culposum*, quod committitur absque tali intentione & dolo, culpam tamen involvit. *Casuale* proprie dictum, quod citra omnem

omnem vel directam aut indirectam intentionem; & citra omnem culpam mere fortuito & casu accidit.

Q. 2. *Quinam constituentur rei homicidii injusti?* R. 1. Occisor alterius; licet id fiat in æstu iracundiæ. L. 16. §. 2. ff. de pæn. Const. Carol. art. 137. vel sit semi-ebrius, quia & talis retinet usum rationis. Vel etiamsi plene sit ebrius; modo ea se intentione inebriasset, quo redderetur audacior; quia tale homicidium esset voluntarium in causa. Item reus est homicidii, ut culpam, & pœnam (hanc tamen mitiorem) incurrat; qui filiam in adulterio deprehensam vel adulterum in flagranti occidit. Patet ex damnata ab Alex. VII. propositione 19. *non peccat maritus occidens propria autoritate uxorem in adulterio deprehensam*. Ratio; quia nulli privato dominium competit in vitam & necem alterius. Unde & sequitur; reum homicidii injusti effici; qui vel servum proprie dictum; vel judæum & infidelem vel se ipsum directe occidit. Num & quando licitum vel illicitum sit occidere Bannitum habet Leut. ad b. t. Q. 245.

R. 2. Damnatae sunt præterea seqq. propositiones in hac materia. 1. ab Alex. VII. damnata est propositio 18. *Licet interficere falsum accusatorem, falsos testes; ac etiam Judicem; a quo iniqua certe imminet sententia; si alia via non potest innocens damnum evitare*. 2. ab Innoc. XI. propositio 31. *Regulariter occidere possum furem propter conservationem unius aurei*. Propositio 32. *Non solum licitum est defensione occisiva defendere: quæ actu possidemus, sed etiam, ad quæ jus inchoatum habemus, & quæ nos possessuros speramus*. Propositio 30. *Fas est, viro honorato occidere invasorem; qui nititur calumniam inferre; si aliter hæc ignominia vitari nequit*. Ab Alex. VII. propositio 17. *Est licitum Religioso vel Clerico calumniatorem gravia crimina de se; vel de Religione sua spargere minantem occidere; quando alius modus defendendi se non suppetit; aut suppetere non videtur*.

Quæst. 3. *Quando occisio excusetur a culpa & pœna?* Resp. 1. Scelerati & Reip. noxii licite a Magistratu habente merum Imperium ad mortem condemnantur, & per Ministros justitiæ occiduntur, modo juris ordo servet delictique gravitas id postulet. Exod. 22. Rom. 13. N. 4. can. 44. caus. 23. q. 4.

Resp. 2.

Resp. 2. Licite etiam occiduntur a Ducibus & militibus in bello justo, siue sit offensivum, siue defensivum tantum; nocentes tamen solum & arma sumentes *directe*. Ratio, quia si bellum licet, licita pariter esse debent media, per quæ geritur bellum, ergo. Imo hostes devicti, capti & arma deponentes regulariter non amplius occiduntur licite. Reiffenst. *b. n.* 74.

Resp. 3. Licite insuper occiditur aggressor injustus siue formaliter siue materialiter talis respectu vitæ & membrorum propriorum; & alienorum scil. parentum, fratrum, & quorumcunque. Ratio, quia omni jure licitum est vim vi repellere tam respectu sui, quam proximi, quem uti se ipsum oportet diligere: modum tamen semper servetur moderamen inculpatæ tutelæ. *c. 18. b. t.* quod requirit *causam justam*, hoc est, ut aggressio actualis justa præcedat: *modum*, ut aliter mors evitari non possit, sitque defensio aggressioni injustæ proportionata: *tempus*, ut fiat in continenti. An realis aggressor famæ & honoris possit licite occidi, habet Leuren. *b. num.* 242. an & quomodo invasor bonorum temporalium, *n.* 243.

Resp. 4. Licita quoque, siue non peccaminosa est occisio alterius mere & proprie casualis. Per se patet, & sumitur ex *c. 9. q. 13. seq. c. 22. 23. fin. & Clem. si furiosus. b. t.* 2. Fit tamen illicita, si accedat aliqua culpa; eaque si sit Theologica in foro etiam conscientiæ, si Juridica, in foro saltem externo. arg. *c. 7. & 8. b. t.* & ratio est, quia sic censetur aliquo modo voluntaria occisio. 3. Siquis operam dederit rei cuiuspiam illicitæ, quæ tamen prohibita non est tanquam periculosa, aut facile inductiva homicidii, occisio secuta præter intentionem adhitæque sufficienti diligentia caret omni culpa & poena quia *mere casualis* reputatur, si autem actio sit prohibita, quia periculosa & facile inductiva homicidii, pro foro saltem externo censetur homicidium præsumptive voluntarium in causa, nisi casus necessitatis excuset.

Q. 4. *Quam penam in homicidas statuta sint?* Resp. 1. Poena homicidii dolosi a quocunque perpetrati, de *Jure Civili* est ultimum supplicium, subinde gladius, si simplex est, subinde rota pro qualitate circumstantiarum delicti. *Const. Crim. Carol. V. art. 137.* Consentit Jus

Palatin. p. 1. tit. 16. de pœna Homicidii & 17. de supplicio assassinii. Culpofi pœna est extraordinaria, pro ut culpa vel lata, vel levis est. 2. Tenetur quoque injustus occisor (idem de mutilatore dicendum) ad compensationem damnorum illis præstandam, qui ex tali homicidio per se & directe læsi sunt. Ratio, quia id exigit justitia commutativa, ut resarciatur damnum omne cum peccato mortali injuste datum; & quidem ante omnem judicis sententiam, si dolosum fuerit homicidium, aut ex culpa lata cum peccato gravi conjuncta commissum. Vid. Engel b. a n. 36.

Resp. 2. Pœna homicidii injusti a laico perpetrati de Jure Canonico est excommunicatio ferendæ sententiæ. can. 20. caus. 24. qu. 3. a Clerico commisi depositio ab omnibus beneficiis & Ordinibus; & ubi depositus se non correxerit, excommunicatio, dein anathematizatio, demum degradatio & traditio Curie sæculari. Reiffenst. b. t. a n. 21. Demum & Clerico & Laico homicidæ statuta est irregularitas, ita ut, licet homicidium sit occultum, Ordines laicus suscipere, Clericus in susceptis nequeat ministrare absque dispensatione S. Pontificis. c. 21. de Accusat. junct. Gloss. ib. W. si homicidium. Clem. un. lat. Trid. Sess. 14. c. 1. & Sess. 24. c. 6. de reform.

Q. 5. Quinam in specie irregularitatem ex delicto contrahant, & qui non? Resp. 1. Irregularitatem hanc, ex delicto dictam, ipso facto incurrit, qui committit homicidium culposum cum culpa lata & moraliter peccaminosa. cap. 9. & 8. b. t. Ratio, quia irregularitas propter delictum inflictæ rationem pœnæ, ejusque gravis habet, ergo & delictum debuit grave fuisse. 2. Multo magis is, qui committit homicidium dolosum ipso effectu occidendo, sive directe, sive indirecte, sive physice & moraliter simul, sive tantum moraliter: mandando scil. consulendo, consentiendo concurrat, item sive positive aut negative, scil. non impediendo, dum ex justitia tenebatur. c. 4. & seq. dist. 50. Clem. un. b. t. & c. 3. Etiam is debet se pro irregulari gerere, & pro irregulari haberi, qui dubitat, utrum homicidium, quod factum esse constat, contigerit sua culpa, &c. cap. 12. & 18. b. t. 4. Imo is etiam efficitur irregularis, qui mutilat, id est, truncat aut amputat membrum proprie dictum

sui

fui aut alieni corporis c. 4. & seq. dist. 55. c. 5. Ne Cleri
vel Mon. cap. fin. h. t. in 6.

R. 2. Non incurrit irregularitatem, neque ex delicto, neque ex defectu lenitatis Christianæ, qui tanquam furiosus, amens, infans, dormiens, aut mere casualiter, aut se defendendo contra aggressorem injustum vitæ membrorum, bonorum, alterum occidit. *Clem. un. h. t. & c. 13. eod.* Regula generalis hæc est, quam tradit Palao de Cens. d. 6. p. 15. n. 9. *quicumque privata auctoritate licite occidit, irregularis non est.* 2. Nec irregularis est, qui pure rati habet homicidium antecederet commissum *Suar. Cov.* nec mandans aut consulens, si mandans revocet, aut consulens novis rationibus enervet priores suasivas homicidii. Ratio, quia sic cessat mandans aut consulens esse causa moralis homicidii.

Q. 6. Quinam ex defectu lenitatis Christianæ contrahant irregularitatem? R. 1. Qui auctoritate publica concurrunt propinque ad occisionem aut mutilationem, licet iuste, sancte & licite agant, irregulares fiunt. *can. 1. dist. 51. can. 28. & 29. caus. 23. quest. 8. cap. 5. & 9. Ne Cler. c. 21. h. t. & c. 2. eod. in 6.* tales sunt *Judex, Assessores, Consiliarii, Accusator*, ad vindictam publicam, *Advocatus* stans contra reum, *Notarius, Ministri justitiæ*: a multis testes excusantur. Immunes etiam sunt ab irregularitate *S. Pontifex*; *Inquisitores* hæreticæ pravitatis, licet aliquem jubeant occidi; *Episcopi* jus gladii habentes, si vel constituent judices in causa sanguinis, vel mandent justitiam administrari, etiam circa particularem personam: *Judex Ecclesiasticus* tradens Curie sæculari; *Confessarius* renuens absolvere judicem, detrectantem ferre sententiam mortis; *Professor* explicans LL. *Civiliter* de crimine conveniens; *opifices* gladium aut furcam conficientes; *spectatores* etiam Clerici, aut si *infidelis*, utpote non subjectus Legibus Ecclesiæ, quoquo modo concurrat.

Resp. 2. Irregularitatem etiam incurrit, ex defectu scil. mansuetudinis Christianæ, qui in bello iusto offensive per se ipsum, vel proprio facto mutilat. *c. 1. dist. 51. c. 24. h. t. c. 3. de Cler. percuss.* Imo etiam is, qui prudenter dubitat, num propria manu quempiam occiderit. *cap. 24. cit.* In bello vero injusto omnes cooperantes

& pugnantes, licet unicus tantum fuerit occilus aut mutilatus.

Q. 7. Quis dispensare possit in irregularitate? R. 1. Regulariter solus S. Pontifex dispensat; quia hic est supra jus Ecclesiasticum, quo irregularitas introducta est. 2. Episcopus tamen etiam in irregularitate hac potest dispensare, si delictum sit occultum, & necdum ad forum contentiosum deductum, v. g. mutilatio; aut si sit, homicidium hoc non fuerit plene & perfecte voluntarium, quale foret casuale cum culpa gravi. *Trid. Sess. 24. c. 6. de reform. 3.* Prælati Regularibus vi specialis privilegii competit potestas, cum suis subditis dispensandi in ea etiam irregularitate, quæ est ex homicidio plane voluntario, injusto, occulto, & justo ex defectu lenitatis. *Schmalzgr. b. n. 266.*

T I T U L U S XIII.

De Torneamentis.

Q. 1. Torneamenta quid sint & quotuplicia? R. Torneamenta sunt nundinæ, seu feriæ & hastiludia, aut solemnes pugnæ equestres, quibus milites, vel, ut olim in Germania, Nobiles equestri Ordinis ex condito convenire, & ad ostentationem virium ac animositatis suæ congregari solebant. *c. 1. b. 1. & AA. comm.* Fiebant vel temere hastis, habentibus acutas sibi cuspides præfixas, aliisque armis ad infligenda vulnera expeditis, vel adhibita cautela, v. gr. hastis cuspidē carentibus. Torneamentis affines sunt *Agitationes Taurorum*.

Q. 2. An & sub quibus pœnis torneamenta sint prohibita? R. Torneamenta *primi generis* licet forte jure veteri Civili permissa fuisse videri possint. *arg. L. 7. §. 4. ff. ad L. Aquil. L. 2. ff. de aleat.* Jure tamen novo Codicis *L. unic. Cod. de gladiat. Lib. 11.* & præcipue Jure Can. *c. 1. & 2. b. 1.* prohibita sunt sub pœnis alias in homicidas statutis, respectu eorum, qui occidunt, & sub pœna privationis sepulturæ Ecclesiasticæ in eum *Laicum*, qui ibi occubuit. *Posterioris generis* torneamenta pariter olim prohibuerat Clemens V. *Constit. Passiones*, idque ob immodicos sumptus; Constitutionem tamen illam, &

Censuras in ea contentas ad instantiam Regis Gallie & Principum Germanie Joannes XXII. in *Extrav. ubi b. tit.* revocavit; unde hodieum torneamenta, Ludi equestres, modo fiunt cum moderatione, licent *Laici*? Clericis enim adhuc hodie interdicta sunt, quia referunt speciem exercitationis bellicae. Decret. *Conc. Herbipol.* tempore Honorii IV. *can. 4.* & *Conc. Salisburg.* poenam Excommun. in Clericos secundi tantum generis torneamenta exercentes statuunt. Quod de torneamentis, idem de *agitationibus Taurorum* dicendum, has enim pariter *si fiant temere* & cum periculo vite, S. Pius V. sub poena excommunicationis contra Dominos permittentes tales agitationes, & sub poena privationis sepulturæ Ecclesiasticæ contra ibidem decedentes, prohibuit.

TITULUS XIV.

De Clericis pugnancibus in Duello,

Quest. 1. *Quid & quodplex sit Duellum?* Resp. 1. Græce *Monomachia*, latine *duellum* sic dictum, quasi bellum duorum, est singularis pugna duorum inter se ex condictione suscepta. Explicatius & in ordine ad incurrendas poenas ex Gobat duellum describit Pichh *b. t. n.* quod sit certamen singulare ex privatis causis, & ex condictione ab utraque parte deliberate susceptum, designato tempore & loco ad occisionem, mutilationem, aut gravia vulnera infligenda.

Resp. 2. Aliud est *Solemne*, quod fit servata certa forma & solemnitatibus, adhibitis scilicet patrinis seu secundantibus, missis literis provocatoriis, in loco securitatis privilegio munito. *Privatum* est, quod fit quidem ex condictione, & loco ac tempore statuto, citratamen solemnitates alias quoad loci securitatem aut adhibitionem patrinorum.

Quest. 2. An & quale duellum sit illicitum? Resp. 1. in genere Duellum sive solenne, sive privatum regulariter loquendo illicitum & prohibitum est jure naturali & divino, jure humano Civili *L. un. Cod. de gladiat. lib. 11.* & jure Canonico *cap. 1. & 2. b. t. & c. Trid. Sess. 15. c. 19.*

de ref. Constit. Julii II. Leonis X. Pii IV. Gregorii XIII. Clem. VIII. Alexandri VII.

Resp. 2. in specie. 1. Illicitum est duellum, respectu acceptantis æque ac offerentis, quod initur ad manifestationem veritatis, probationem innocentiam, purgationem criminis. 2. Multo magis illicitum est, quod suscipitur vel ad ostentandam animositatem, aut peritiam duellandi; vel ad oblectandos spectatores, vel ad vindicandam injuriam privatam, aut determinandam litem Civilem. Ratio, quia quoad omnia hæc duellum non est aptum medium, exponitur periculo vel vita propria, vel iustitia causæ, tuncque viæ aliæ ad finem obtinendum. 3. Imo & illicitum est duellum, ea conditione initum, ut si alteruter sit vulneratus, aut post certum congressum vel ictum numerum cessetur; quia & hoc periculosum est quoad vitam; item quod fictè suscipitur, aut absque animo se vulnerandi, sed tantum Legibus duelli satisfaciendi; quia scandalum præbetur, & prohibitum est duellum omne, etiam non fatale, a Clemente VIII.

Resp. 3. Illicitum est omni jure acceptare, multo magis offerre duellum, ob punctum honoris, seu dum quis videt, se casu quo illud respuit, non modicam incurrere infamiam. Damnata ab Alex. VII. 24. Sept. 1665. propositio secunda sic habet: *Vir equestris ad duellum provocatus potest illud acceptare, ne timiditatis notam apud alios incurrat.* Ratio, quia acceptatio talis duelli nec defendendi honoris necessarium medium est, nec idoneum. Interim tamen casum unum ex P. Seybold in *Dicæomach. sua* p. 2. 2. Sess. 4. §. 1. n. 14. refert Pichl b. t. n. 8. quo liceat ad honoris sui defensionem acceptare vel etiam offerre duellum, si scil. recusans periclitaretur de amittendo officio, statu, dignitate, ex qua sustentatio statui competens dependeat. Ratio, quia hoc casu non ageretur præcise de puncto honoris, sed talis injuriens foret perpetuus aggressor in rebus fortunæ magni momenti aliter, ut supponitur, non recuperabilibus; propter quam causam natura & Leges permittunt defensionem etiam occisivam.

Quest. 3. *Quibus casibus licitum sit, & honestetur duellum?* Resp. 1. Si duo rei ad mortem a Principe sine con-

condemnati, eisque indicatur duellum, ut ei, qui superstes manserit, vita condonetur, illicite quidem agit Princeps, cum talis oblatio duelli speciem quandam crudelitatis habeat, ipsi tamen rei facultatem sibi a Principe factam licite exequuntur. Ratio, quia a Jure naturali alienum non est, rem unum alterius constitui ministrum. 2. Si assumatur ob bonum Reip. v. g. ad finiendum bellum; bellicque calamitates, & decidendam Principum controversiam, multorum alias sanguine vix terminandam. Exempla plura S. Literę & Historia profana suppeditant. 3. Si suscipiatur ad defendendam vitam vel bona, ut si quis intentet certam mortem, direptionem bonorum, incendium, nisi cum ipso duello congrediari, ex supposito, aliam rationem hæc defendendi non apparere. Ratio, quia hoc casu acceptatio vel oblatio duelli est potius prælatio minoris mali, quam invitatio ad malum; est acceptatio periculi dubii ad evitandum damnum certum. Nec paritas est cum acceptante duellum præcise ad punctum proprii honoris tuendum. 4. Ob defensionem honoris divini, Religionis, boni communis, dum quis a blasphemis, profanatione rerum sacrarum, persecutione Reip. desistere non vult, nisi duellum cum ipso ineatur, licite item duellum acceptatur. Ratio, quia bonum commune honoris divini, Religionis, & Reip. multo pluris æstimandum, quam privatum vitæ propriæ &c.

Quæst. 4. Quenam pœnæ illicite duellantibus sint statutæ? Resp. 1. Duellum proprie dictum de Jure Civili si provocans occiderit provocatum, punitur pœna Legis Corneliæ scil. gladii; si provocatus provocantem occiderit, mitius punitur; pœna nimirum extraordinaria, quia ignoscendum ei, qui provocatus se ulcisci voluit, ut dicitur L. 14: §. 6. ff. de Bon. libert. L. 4. Cod. ad leg. Jul. de adult.

R. 2. De Jure Can. Conc. Trid. Sess. 25. c. 19. de ref. sequentes pœnas statuit verbis seq. Imperator, Reges, Duces, Principes, Marchiones, Comites, & quocunque alio nomine Domini temporales, qui locum ad monomachiam in terris suis inter Christianos concesserint, eo ipso sunt excommunicati, ac jurisdictione ac dominio civitatis, castri, aut loci, in quo vel apud quem duellum fieri permiserint, quod ab Ecclesia obtinent, privati intelligantur, &

si feudalia sint, directis Dominis statum acquirantur, quæ vero pugnam commiserint, & qui eorum patrini vocantur, excommunicationis, ac omnium bonorum suorum proscriptionis, ac perpetuæ infamiae poenam incurrant, & ut homicide juxta SS. Canones puniri debeant. Et si in ipso confecti decesserint, perpetuo careant Ecclesiastica sepultura. Illi etiam, qui consilium in causa duelli, tam in jure, quam facto dederint, aut alia quacunque ratione ad id quinquam suaserint, nec non spectatores, excommunicationis & perpetuæ maledictionis vinculo teneantur; non obstante quocunque privilegio, seu prava consuetudine etiam immemoriali. Hæc Trid. Postmodum Gregor. XIII. in Bulla; *Ad tollendum*, extendit easdem penas ad duella privata, dum Trid. non erat locutum nisi de publicis. Clemens VIII. ita extendit in Bulla; *Illius vices*, ut absolutionem Sedi Apostolicæ reservaverit. Demum ulteriorem Const. Trid. explicationem videre licet apud Piehl *b. t. n. 10.* Reiffenst. *b. t. n. 41.*

R. 3. Clericus tam provocans ad duellum, quam acceptans oblatum præter penas communes illi cum Laicis duellantibus juxta Bull. Pii IV. quæ incipit: *Ea, quæ a Prædecessoribus*, incurrit privationem beneficiorum & inhabilitatem ad illa; & licet olim juxta *c. 1. b. t.* solum per sententiam fuerit deponendus, hodie tamen tam privationem & inhabilitatem, quam excommunicationem & infamiam ipso facto incurrit. Engel *b. n. 4.*

TITULUS XV.

De Sagittariis.

Quest. Un. Quinam hic veniant nomine Sagittariorum, & quid jura circa illos statuant? R. ad 1. Sagittariorum nomine veniunt, qui olim ex arcibus una vice plures sagittas, & nomine Ballistariorum, qui ex ballistis seu catapultis saxa noverant dextre jacere in hostem, cum strage plurium, vel etiam cum dejectione murorum. Istis hodie successerunt, qui ex Tormentis & mortariis bellicis globos, glandes, pilas in hostes & hostium arces sciunt ejaculari.

Resp. ad 2. Olim uti arte ex arcibus Sagittas aut ex cata-

catapultis lapides ejaculandi, & hodie uti arte tormentaria pro hostibus Christiani nominis, v.g. pro Turcis contra Christianos, vel etiam artem hanc docere tantum infideles, prohibitum est *c. un. h. t.* & quidem sub pena lata & reservata excommunicationis. arg. *c. 6. de Judæis & Bull. Cæn.* Ratio de tormentis est, quia horum usus Sagittis & ballistis successit. Non autem prohibitum est in bello justo ejusmodi armis uti aut Christianos contra infideles, aut Christianos & Catholicos contra se invicem. *can. 2. caus. 22. q. 2.* modo artes illicitæ, quales forent incantationes & superstitiones, ac venena non adhibeantur ad certius hosti nocendum.

T I T U L U S XVI.

De adulterio & stupro.

Quest. 1. De quibus agatur in presenti titulo? R. Post homicidium, quo corpus & vita proximi læditur, transit Compiler ad ea delicta, per quæ proximi vel thorus vel pudicitia violatur; & licet rubrica duarum habeat partes, de adulterio unam, alteram de stupro, solent tamen AA. hic etiam tractare de aliis delictis carnis, fornicatione, concubinato, incestu &c. Reiff. §. 3. Schmalzgr. §. 1. 4. & 5. h. t. &c.

Q. 2. Quid & quotuplex sit adulterium? R. 1. Proprie sumptum est carnalis ad alienam vi conjugii non suam accessio, cumque ea conjunctio, qua fides & thorus conjugalis violatur; vel brevius juxta *can. 2. caus. 36. q. 1.* est voluntaria violatio alieni thori. Continet duplicem maliciam, luxuriæ scilicet & injustitiæ, quæ consentiente etiam altera parte non tollitur, cum adhuc inferatur injuria DEO auctori naturæ, qui vinculo indissolubili conjugem utrumque astrinxit. Innocent. XI. damnavit hanc propositionem: *copula cum conjugata, consentiente marito, non est adulterium, adeoque sufficit dicere in confessione, se esse fornicatum.*

R. 2. Dupliciter dividitur adulterium; si una coeuntium personarum sit soluta, dicitur *simplex*; si utraque sit ligata *bilaterale* vel *duplex* vocatur. Committitur adhuc adulterium, licet præcesserit divorcium quoad

thorum inter conjuges; quia vinculum matrimoniale durat. It. licet sponsa, quacum peccatur, sit tantum de presenti, necdum cognita a viro suo; quia sponsalia de presenti verum constituunt matrimonium; non autem committitur adulterium proprie tale a soluto cum sponsa alterius de futuro. Ratio, quia adulterium est violatio alieni thori, quod in casu posito non fieret.

Q. 3. *Quinam accusare vel accusari possint de adulterio?* Resp. ad 1. Licet aliqua dicta sint ad tit. 18. Lib. IV. Decret. qu. 3. notanda sunt tamen seqq. 1. Super adulterio agere civiliter in ordine scil. ad lucrandam dotem, vel donationem propter nuptias, permittitur soli marito & uxori; marito vero & liberis legitimis ad petenda alimenta pro prole spuria ab adultero & adultera, & ut excludatur hæc a successione paterna, & suo modo etiam a materna. Ratio, quia hi soli in suo interesse læsi sunt. In ordine ad divortium solus agit conjux innocens; quia in hujus solius favorem concessum est a jure divortium. Vide Pichl. *h. t. n. 5. & n. 6.* ubi resolvit, feminam quæ concepit & peperit ex adulterio, non teneri ordinarie marito vel spurie proli delictum suum aperire, ut viro caveatur damnum ex alenda prole adulterina, reliquis liberis legitimis ex successione hæreditaria oriturum. Rationem dat, quia si revelaret marito, subiret periculum vel mortis vel exprobrationis perpetuæ; si proli adulterinæ, hæc non teneretur credere, etiamsi juraret mater, aut in articulo mortis constituta assereret. 2. Ad accusandum criminaliter adulterium ante omnes admittitur maritus. L. 2. §. 8. ff. ad L. Jul. de adult. & vice versa uxor de jure Canonico. *can. fin. caus. 33. q. 5.* quam Juris Can. dispositionem secutus est Carolus V. *Constit. Crim. art. 120.* Post maritum nolentem accusare admittitur pater adulteræ, post hunc consanguinei, his negligentibus quilibet de populo, modo mas sit & 25. annis major. L. 43. §. 10. ff. de ritu nuptiar.

Resp. ad 2. Omnes adulterii rei aut rez, minores, senes, Clerici, Nobiles, & in dignitate constituti de hoc crimine accusari possunt, modo adulterium formale commiserint. Leur. *h. t. qu. 281.*

Q. 4. *Quis sit iudex competens in causa adulterii,* &

quo-

quomodo huic adulterium probari debeat? Resp. ad 1. Si criminaliter ad pœnam sanguinis agitur, solus Judex Laicus; ut patet. 2. Si agitur criminaliter, sed ad alias pœnas, locus est præventioni, quia tum adulterium est delictum mixti fori c. 8. de for. compet. L. 30. Cod. ad L. Jul. de adulte. 3. Si agitur civiliter vel mixte ad divortium, solus Judex Ecclesiasticus est competens; cap. 5. de Procurat. c. 3. & 4. de divort. ubi & notandum, vel per viam accusationis ut supra, vel per viam inquisitionis judicem respectu delicti hujus procedere posse.

Resp. ad 2. Sufficit & requiritur ad hoc, ut judex condemnare possit reum adulterii, si habeat eas probationes; quæ faciant contra reum præsumptionem violentam & vehementissime urgentem, aut ortam ex talibus indiciis, ut certitudo moralis patrati delicti inducatur. L. fin. C. de probat. cap. 12. de præsumpt. Ratio, quia alias adulterium nunquam fere posset pœna ordinaria puniri. Porro quænam in specie sint tales præsumptiones, vide Leur. b. t. Q. 285.

Q. 5. Quenam pœnæ sint statutz adulterio? Resp. 1. Pœna Criminalis de Jure divino pro V. T. erat lapidatio tam adulteri, quam adulteræ. Levit. 24. V. 10. Jos. c. 8. V. 5. Jure humano Civili, licet olim obtinuerit tantum pœna deportationis; postea autem pœna gladii. L. 30. C. ad L. Jul. de adult. & Constit. Crimin. Caroli V. art. 120. hæc tamen fere nullibi in usu est, sed attendi debet loci cujusque consuetudo. Imo licet Jure Pal. p. 5. tit. 30. in adulterio etiam simplici tam adultero, quam adulteræ pœna gladii aut suffocationis diceretur, id tamen per consuetudinem pariter est abrogatum. 3. Jure Ecclesiastico pœna criminalis adulterantis Laici erat Excommunicatio ferendæ sententiæ, c. 6. b. t. mulieris adulterantis, si eam vir recipere nollit, detrusio in monasterium, c. 19. de conver. conjug. hodie relinquuntur omnes laici Curiz seculari. Clerici autem adulterantis, deque adulterio vel confessi vel convicti de jure Can. pœna est, ut deponatur ab officio, ab Ordine Clericali, a beneficio; privetur communione fidelium & Sacramentorum, collocetur in monasterio ad agenda tota vita pœnitentiam, canon. 10. & seq. dist. 81. Sed & hæc detrusio exolevit, eique successit incarcerationio, aut similis.

lis poena, subinde etiam pecuniaria. Deinde Clerico suspecto, aut infamato de hoc crimine, indicenda est purgatio Canonica, c. 5. b. t. Demum si quis Clericum cum matre, filia, vel sorore deprehensum percutiat, excommunicationem non incurrit, c. 3. de sent. excomm.

Resp. 2. Poena Civilis constituta contra adulteros est, quod innocens possit agere ad divortium, quoad thorum scil. c. 2. 4. 5. de divort. & secundum dicta, ad alimentionem prolis adulteræ, & 2. Quod adultera amittat dotem, quam maritus innocens lata sententia lucratur, c. 4. de donat. inter vir. & uxor. L. 8. §. 4. & seq. C. de repud. 3. Quod vir adulter perdat donationem propter nuptias, eamque uxor innocens lucretur. L. 8. cit. 4. Casus excusantes a poenis adulterii tam Civilibus quam criminalibus recenset Leur. partim Q. 288. b. t. partim Q. 289. cod.

Q. 6. Quid sit stuprum & quod duplex? Resp. 1. Stuprum proprie sumptum est Virginis nondum corruptæ, vel viduæ honeste viventis illicita defloratio, nulla præcedente pactioe conjugali. §. 4. Instit. de publ. Jud. Proprissime sumptum est defloratio Virginis illicita, dum non præcessit pactio conjugalis, can. 2. caus. 36. qu. 1. V. stuprum. 2. Duplex est, violentum, vel voluntarium. Violentum, quo virgo vel vidua honesta per vim opprimitur; secundum quid violentum, id est, per insidias, fraudem, metum extortum continet præter peccatum luxuriæ, etiam peccatum injustitiæ, adeoque utrumque distinguitur a fornicatione simplici. Stuprum voluntarium seu non violentum est, quod infertur virgini aut viduæ in sui violationem consentienti.

Q. 7. Quæ poenæ statuta stupro? Resp. 1. de Jure Civili attentatum punitur extraordinarie & ordinarie. L. 1. §. 2. ff. de extraor. crim. 2. Consummatum, sed non violentum olim puniebatur publicatione dimidiæ partis bonorum in honestioribus, in personis autem conditionis vilioris fustigatione cum relegatione, §. 4. Inst. de publ. jud. hodie ex usu recessit. hæc poena, observarique dicunt Jus Canon. de quo statim. 3. Consummati violenti poena statuitur ultimum supplicium, scil. gladius L. fin. ff. de re milit. L. 29. §. fin. ff. ad L. Jul. de adult. Jus Palat. p. 5. tit. 35. 4. De Jure Canonico Clericus olim punie-

puniebatur depositionem ab officio, *can. 44. caus. 2. q. 7.* simulque tenebatur dotare puellam, arg. *c. 1. b. t.* hodie præter dotationem punitur arbitrarie. *Laicus stuprator violenter oppressam vel ducere debet vel decenter dotare, c. 1. b. t.* in quo dum dicitur, quod, qui seduxit virginem, eamque oppressit, debeat eam dotare & uxorem habere, *Ly* & intelligitur disjunctive juxta *cap. 2. b. t.* juxta dicta tamen *Libr. IV. Decret. tit. 1. q. 2.* casus datur, ubi deflorans determinate defloratam ducere tenetur. Econtra & dantur casus, ubi ad neutrum tenetur stuprator, v. g. si femina libere in violationem sui consensit: si libere remisit dationem dotis: si puella, etiam vi aut fraude violata, commodum postea matrimonium iniit. Vide *Leur. b. t. Q. 294.*

Q. 8. Quid de aliis speciebus Luxuriæ consummatæ dicendum? Resp. Fornicatio simplex sive *stricte* sumatur, scil. pro concubitu soluti cum soluta, sive *strictissime* pro concubitu soluti cum soluta jam deflorata, omni jure, divino & naturali, & humano positivo vetita est. Patet ex damnata ab *Innoc. XI. Anno 1679.* propositione hac: *tam clarum videtur, fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum videatur.* Varie pro consuetudinibus locorum particularibus & statutis puniri solet. De concubinato dictum ad *Lib. 3. Decret. Tit. 2.*

Resp. 2. *Incestus*, qui est concubitus inter personas consanguineas vel affines in eo gradu, in quo vi juris divini aut humani prohibentur inter se contrahere matrimonium, punitur gladio juxta *art. 19. §. 21. Ord. Crimin.* Josephi 1. quam *hic n. 21.* allegat *Pichler*, quem etiam vide *num. seqq.* de Sacrilegio, Lenocinio, Sodomia, bestialitate, mollitie, & a *num. 25.* de delictis luxuriæ non consummatæ differentem. Quid circa incestum statuatur Jus Palat. vide *p. 5. tit. 32.*

T I T U L U S XVII.

*De Raptoribus, Incendiariis, & Violatori-
bus Ecclesiarum.*

Quest. 1. Raptus personarum quid sit, & quæ pœnæ raptoribus sint constitutæ? Resp. 1. De raptu in ordine ad matrimonium dirimendum, actum est ad *Lib. IV. Decret. Tit. 1. §. 3. Q. 7.* in ordine ad pœnas alias definitur raptus, quod sit delictum publicum, quo virgo aut alia mulier, siue soluta, siue ligata, honesta tamen & ingenua violente abducitur de loco in locum moraliter diversum libidinis exercendæ, aut etiam matrimonii cum ea contrahendi causa. *Pirh. h. t. num. 1. Vvieslm. num. 1. argum. L. un. C. de rapt. Virg.*

Resp. 2. Pœna raptui mulieris inhonestæ viventis de *Jure Civili* est tantum arbitraria, quia raptus proprie non est: de *Jure* tamen *Canon.* vi Trident. statutas pœnas talis rapiens incurrit. Dein Pœnas in raptores virginum, & aliarum feminarum honestarum de *Jure Civil.* statutas videre est in *L. un. C. de rapt. Virg.* per quam parentibus & propinquis licebat raptorem in raptu deprehensum, eique auxiliantes impune occidere; post suam deprehensum & legitime convictus raptor & Socii jubebantur ultimo supplicio affici, quam pœnam confirmavit *Constit. Crim. art. 118.* bona mobilia eorundem raptæ addicebantur; matrimonium inter raptorem & raptam non poterat consistere. Demum de *Jure Canonico antiquo* licet potuerit inter raptorem & raptam matrimonium consistere per *cap. fin. h. t.* raptor tamen efficiebatur servus mulieris, si eam invitam rapuisset, patris autem, si consentientem quidem, sed patre reluctante abduxisset; *cap. 3. caus. 35. qu. 1.* raptor & ejus fautores excommunicabantur, si Laici essent, *canon. 1. caus. 36. q. 2.* si Clerici, deponebantur a gradu & ordine Clericali, *can. 4. caus. & qu. cit.* Quid *Jure novo* Trident. statuatur, vide *sess. 24. c. 9. de ref. matrim. & dicta superius ad Lib. 4. loc. cit.*

Q. 2. Raptus rerum seu rapina quid sit, & quæ pœnæ raptoribus constitutæ? Resp. 1. Rapina proprie sumpta est

est iniusta rei alienæ mobilis aut se moventis per vim facta ablatio. Hodie ex *Constit. Carol. art. 126.* est delictum publicum. Distinguitur ab *invasione*, qua res *immobiles* proprie invadantur, non rapiuntur: a *furto*, quod committitur absque vi; a *concussione*, in qua quidem *vis compulsiva* per metum, non *ablative* intervenit, cum concussio sit delictum, quo alicui terror absque vi parata incutitur, pecuniæ v.g. extorquendæ causa: a *prædatione* seu *viarum grassatione* (*robbaria* etiam dicta) quod prædatio addat violentæ ablationi insidiosam aggressionem, cui aggressioni si accederet occisio, *latrocinium* diceretur: a *raptu* & *plagio*, quia raptus committitur, dum quis personam honestam per vim abducit &c. *plagium*, dum quis alia de causa furatur hominem liberum vel servum, eumque vendit, aut persuadet, ut filius a parentibus, servus a Domino auferatur.

Resp. 2. Præterquam quod raptor contrahat duplicem obligationem, unam, quæ ad reparationem damni tendit, ejusque gratia prodita sunt remedia persecutoria rei; alteram ad pœnam, quo spectant remedia pœna persecutoria, uti est actio vi bonor. rapt. &c. hodie, cum ex usu recesserit *actio vi bonor. rapt. & furti*, raptores proprie dicti de *Jure Civili* puniuntur criminaliter ex *Const. Carol.* que juxta *ar. 126.* est ultimi supplicii, gladii scil. vel pro consuetudine loci. De *Jure Can.* raptor est ab Episcopo loci, ubi contigit rapina, excommunicandus, & si renuat satisfacere, mortuus caret sepultura Ecclesiastica, *c. 1. 2. 3. b. t. c. 2. de furt. Pyratæ* infestantes mare ad ditionem Rom. Ecclesi. pertinens & qui bona Catholicorum in mari naufragantium diripiunt, excommunicationem incurrunt latæ sententiæ, Bulla *Cæn. cas. 3. & 4.* Grassatores viarum & latrones publici excluduntur a sylo *Const. Greg. XIV. Cum alias*, & *Const. Benedicti XIII. Ex quo*, edit. 6. Id. Junii 1725.

Q. 3. Incendiarii qui dicantur, & quæ eorum pœna?

Resp. 1. Proprie dicti incendiarii sunt, qui dolo & dedita opera sive scientes prudentes appposito igne urbes, domos, prædia, ædificia, aliave bona aliena, per se vel per alios accendunt, aut ad hoc mandatum, auxilium, consilium præstant.

Resp. 2.

Resp. 2. *Jure Canonico* incendiarii tales excommunicandi sunt & privandi sepultura Ecclesiastica, nisi ante mortem pœnituerint; & facta pro modo facultatum damni reparatione absoluti fuerint *c. 5. b. t.* obligatio satisfaciendi etiam transit ad hæredes pro viribus hæreditariis *c. 5. cit.* per quod cap. *Jus Civile* statuens ex delicto defuncti non teneri hæredem, correctum est. De *Jure autem Civili* ex *cit. Const. Carol. art. 125.* & hodie in incendiarios *proprie* dictos pœna ignis statuta, Pœna incendii non quidem *dolo* sed *culpa* facti pro modo culpæ est arbitraria; quod negative probatur; quia non reperitur in *jure* certa pœna. Locum tamen habet Actio Civilis ad reparanda damna, *t. t. Instit. ff. C. ad L. Aquil. Inc. fin. de injur.* ad quorum reparationem tum modo quis ante sententiam judicis obligatur, si culpa Theologice gravis subsit. Demum & illud ex *Pichler n. 8. b. t.* notandum; quod si in cujusquam ædibus ortum sit incendium, non præsumi quidem *dolo* inhabitantium id factum, quia dolus non præsumitur, aliquam tamen culpam inhabitantium *in genere* præsumi; saltem levem vel levissimam. *L. 3. §. 2. ff. de off. Pres. Vig.* nullus autem *in particulari* absque indicibus. Ulterius pergit, casu quo de nullo in particulari præsumptio culpæ emergat; nec Patremfam. nec alium compelli posse ad reparandum damnum; sed quoad hoc inter casus fortuitos incendium esse reputandum ex *L. 23. in fin. ff. 3. R. J.* Ratio, quia grave adeo onus absque præsumptione moralem certitudinem faciente non imponendum. Quod si vero constet de alicujus culpa, tunc si ipse Patremfam. sit, esse ipsum conveniendum ab iis, qui damnum passi sunt; si vero *servus*, isque extra officium deliquerit; aut pro diligente semper sit habitus; Patremfam. non posse conveniri.

Q. 4. *Quinam sint violatores Ecclesiarum, & quæ illis pœna statuta?* Resp. 1. Violatores Ecclesiarum *hic* dicuntur, qui Ecclesias, aliaque loca Sacra & Religiosa violenter effringunt & spoliant. Fures *Sacrilegi* vocantur illi, qui citra effractionem & violentiam vel rem sacram de loco sacro; vel rem sacram de loco non sacro (vel rem non sacram de loco sacro juxta *Jus Can. can. 21. §. Sacrilegium, caus. 17. qu. 4.*) auferunt.

Resp. 2.

Resp. 2. *Hodierno Jure* juxta *Ord. Carol. art. 172. & seq.* qui Hierothecam sive Ostensorium cum hostia consecrata abstulerit, etiamsi sine effractione factum, jubetur comburi vivus: qui aliud vas sacrum argenteum, cum vel sine reliquiis, calicem, patenam, alio mortis genere plectendus est. De *Jure Can.* autem excommunicatione ipso facto, & privatione sepulturæ, nisi satisfiat, c. 22. de sent. excom. c. fin. de furt. c. 16. de for. comp.

T I T U L U S XVIII.

De furtis.

Quest. 1. *Quid & quotuplex sit furtum?* Resp. 1. Furtum juxta D. Thom. 2. 2. q. 68. art. 3. est occulta acceptio rei alienæ, domino rationabiliter invito: vel aliquanto fusus, est contrectatio dolosa sive acceptio rei alienæ, vel usus ipsius, aut etiam possessionis, lucri faciendi gratia, § 1. *Inst. de oblig. quæ ex delict.* L. 1. princ. ff. h. t. Ex qua utraque definitione sequitur, rem, circa quam furtum versatur, debere esse corporalem, alienam, actu ad incurrendas penas auferri, fieri contrectationem animo fraudulento & lucri faciendi gratia, & dominum debere esse rationabiliter invitum. Ulteriore explicationem vide apud *Leur. h. t. Q. 322.* Ratione rei ablata furtum varia sortitur nomina: si homo auferatur, *plagium*; si pecora ex pascuis &c. *abigeatus*; si pecunia publica, *peculatus*; item si pecunia publica ab eo, cujus fidei erat commissa, dicitur *crimen de residuis &c.*

Resp. 2. Præterquam quod juxta dicta furtum dividatur in furtum rei, usus, possessionis, aliud est furtum manifestum, aliud non-manifestum: ab objecti quantitate aliud magnum, aliud parvum: ratione qualitatis objecti, aliud rerum sacrarum, vel sacrilegium; aliud publicum scil. *peculatus*, *residuum* aliud; aliud privatum, de quo hic. Item ratione adjunctorum aliud est diurnum, aliud nocturnum; aliud loci, scil. in navi, caupona, stabulo perpetratum, aliud infortunii, tempore incendii, naufragii, ruinæ commissum; ratione circumstantiarum aliud est simplex, in quo circumstantiæ aggravantes non concurrunt, aliud qualificatum vel periculosum; aliud primum, aliud reiteratum.

Quest. 2.

Q. 2. Quando & per quem actum censeatur quis fur-
tum committere? Resp. 1. Non tantum is, qui rem alien-
nam vel per se vel per alium aufert invito Domino,
ut sibi acquirat, furtum committit, sed etiam is, qui
citra voluntatem Domini (quæ vox hic late sumitur)
illam tantum contrectat aut ea utitur, §. 3. *Inst. de obl.*
quæ ex del. hinc dominus Creditori auferens rem oppi-
gnoratam, §. 14. *Inst. cit.* Creditor, si contra volunta-
tem domini, pignore; commodatarius, si commodato
aliter, atque conventum, utatur, furti reus est. L. 40.
& 54. *prin. ff. h. t.* liberi, si fraudulenter quid de rebus
patris; uxor, de rebus mariti aliquid sublegat, licet in
tales actio furti non competat, furtum committunt:
uti & is, qui rem furtivam scienter a fure emit. arg.
L. 2. & 5. *C. b. t.* & de Jure Can. qui beneficium Ecce-
siasticum absque legitima institutione occupat, c. 54. *de*
elect. & cap. 18. *de restit. spol.*

Resp. 2. Furti reus non est, qui videnti & tacenti,
itaque in ablationem consentienti rem aufert. argum.
can. 5. dist. 83. nec is, qui præcise furẽ non indicat,
nisi ex officio publico id facere tenebatur. L. 48. §. 1. *ff.*
h. t. nec ille creditur, qui debitori aufert tantum, quan-
tum hic ipsi debet, modo hæc ablatio debitis condi-
tionibus sit instructa, de quibus Schmalzgr. *h. num. 39.*
nec inventor rei alienæ, dum rei inventæ dominus
ignoratur, debitoque modo in rei inventæ dominum
est inquisitum. Ratio, quia talis res censeatur non am-
plius habere dominium; sed derelicta, & naturalem li-
bertatem esse consecuta. Nec is furti reus est, qui in
necessitate extrema, vel quasi extrema aliquid surripit.
argum. *can. 26. dist. 5. de Consecr.* Ratio, quia tali casu
desinit res ablata esse aliena. Imo qui in tali necessi-
tate constitutos rem abstulit & consumpsit, probabilius
non tenetur, ad pinguiorem forte sortem perveniens
postea, restituere illam. Ratio, quia adversarii non
probant res in extrema necessitate fieri communestan-
tum sub conditione restitutionis, sed dicendum absolute
fieri communes. Deinde talis est reputandus pro b. f.
possessore, qui juxta comm. fructus b. f. consumptos
irrevocabiliter suos facit.

Qu. 3. Quodnam dicatur furtum Theologice & juri-
dice.

dice magnum: Resp. 1. Furtum *Theologice* censetur *magnum*, adeo ut inducat obligationem restituendi ante omnem actionem aut sententiam, si auferatur tantum, quantum requiritur ad sustentationem pro una die congruam respectu ejus, cui auferatur. Ratio, quia merito ab omnibus multum æstimatur, posse pro una die honeste subsistere, & cui tantum tollitur, vere censetur grave damnum pati & rationabiliter esse invitus, ergo.

Resp. 2. Furtum *juridice* magnum & in ordine ad pœnas publicas, dicitur, si æquarit pretium, valorem & æstimationem 5. solidorum, *Const. Carol. art. 160.*

Q. 4. Quæ actiones ex furto competant domino? Resp.

1. Actiones *rei persecutoriæ*, ad rem ipsam scil. consequendam sunt *actio ad exhibendum*, *rei vindicatio*, *condictio furtiva*, quarum duæ postremæ sunt actiones principales, & quarum una vel altera cum actione furti concurrat, & una cum hac apud eundem judicem institui potest. Lauterb. ff. b. t. §. 34. & seq. *Rei vindicatio* est actio realis & datur domino non tantum contra furem, sed etiam contra *quemcunque* talis rei possessorem. §. *fin. de obl. quæ ex del.* *Condictio furtiva* est actio personalis, qua repetitur res ipsa furto ablata, si adhuc exstet, & dicitur *condictio certi* L. 8. ff. de *Cond. furt.* Competit soli rei furtivæ Domino. L. 11. ff. de *condict. furt.* *Condictio furtiva incerti*, etiam non Dominis. L. 12 §. *fin. ff. eod.*

Resp. 2. Actio *pœnæ persecutoriæ* est *Actio furti*, quam non Dominis tantum, sed omnibus competit, quorum immediate interest, rem non fuisse sublatam. §. 3. & 13. *Inst. b. t.* Dum oritur hæc actio ex furto *manifesto*, datur ad quadruplum si ex *non manifesto* ad duplum; de quibus passim *Inst.* & Lauterb. *l. cit.* Utraque tamen hæc actio videtur ex usu recessisse, & plerumque furtum hodie criminaliter punitur.

Qu. 5. Quæ pœnæ in furtum hodie sint statutz? Resp.

1. Pœna Criminalis pro foro *Civili* juxta *Constit. Crim. art. 157.* est pœna laquei. Consentit. *Jus Palat. p. 5. a tit. 42.* ubi tamen & *tit. conseq.* pro qualitate & frequentia Furti, circumstantiis &c. vel mitigat, vel exasperat pœnas. His & illud notari oportet, quod res furtiva apud furem reperta non Fisco applicanda, sed Domino, cui ablata, sit restituenda. L. 20. ff. de *Captiv.*

L. 2. C. b. t. &c. It. quod, siue fur morte, siue poenā alia corporali punitus fuerit, resque etiamnum extet, Domino restitui debeat; si vero non extet amplius, neque fur, neque ejus hæredes ad aliquid teneantur per *Nov. 22. c. 20.*

Resp. 2. De *Jure Can.* fur notorius aut de furto condemnatus fit infamis, sicut infamis fit fur laicus condemnatus de furto in foro sæculari. *can. 17. caus. 16. q. 1.* adeoque & irregularis. arg. *can. 5. diff. 51.* & arg. a sensu contrario ducto ex *c. fin. b. t.* Clericus in furto notabilis quantitatis deprehensus vel convictus deponendus est ab Ordine & officio Clericali. *can. 12. diff. 8.* depositio illa tamen verbalis tantum est, non realis. Si depositus non resipiscat, excommunicari, si & incorrigibilis evadat, Curie sæculari tradi jubetur *c. 10. de jud.* Pœnitentiæ antiquorum Canonum non sunt amplius in usu.

T I T U L U S XIX.

De Usuris.

Quest. 1. *Quid & quotuplex sit Usura?* *Resp. 1.* Usura in genere significat usum alicujus rei; in specie sumitur vel *pro contractu usurario*, qui definitur a Covarr. *Conventio dandi vel accipiendi lucrum aliquod temporale ultra sortem ex vi & causa mutui principaliter.* Vel sumitur *pro incremento ex contractu usurario proveniente*, & est lucrum immediate ex mutuo & ratione mutui præcise proveniens tanquam debitum; & hæc dicitur usura *objective stricte* sumpta siue *mere lucratoria*. Nomine lucri autem intelligitur omnis res temporalis pretio æstimabilis, ex justitia indebita, quam mutuans ultra sortem præcise ratione mutui tanquam debitam vel titulo justitiæ, vel gratitudinis specialis aut benevolentię exigit aut recipit. Vide Pich. *b. n. 9.* Late dicta est lucrum ex mutuo non præcise vi mutui, sed vi alterius justii tituli proveniens, potestque esse vel *Compensatoria*, quando aut lucrum cessans aut damnum ratione mutui emergens compensatur; vel *punitoria*, quæ ex adjecta contractui pœnali stipulatione, ut puta, *si intra certum tempus non restituat*, solvitur.

Resp. 2.

Resp. 2. Dividitur insuper usura in *mentalem* & *realem*, quam alii *conventionalem* appellant; hæc in *aper- tam*, seu *expressam* & *formalem*, & in *palliatam* sub specie scil. alterius contractus a mutuo distincti laten- tem. Rursus aliæ sunt usuræ *Gentesimæ*, aliæ *Bessales*, aliæ *Semisses*, *Quincunces*, *Quadrantes*, *Trientes*: aliæ demum *simplices*; aliæ *usura usurarum*: addunt alii, alias esse *usuras mordentes*.

Q. 2. *Quenam & quo jure usura sit prohibita?* Resp. Mere *Lucratoria* prohibita est 1. *Jure Divino* *Levit. 25. Deutr. 23. Ezech. 18. v. 5. Ps. 54. v. 12. Luc. 6. v. 35.* unde concludit Pontifex: *c. 4. b. t. quod usurarum crimen utriusque Testamenti pagina detestetur.* 2. *Prohibita est jure humano Ecclesiastico* patet *t. tit. de usur. c. 4. & in 6. Clem. unic. §. fin. eodem*: 3. *Prohibita est etiam Jure nature*. Ratio, quia absque justo titulo aliquid exigere aut accipere, qualis injustus titulus esset titulus solius mutui: aliquid ultra summum rei pretium exigere: ex re non amplius sua lucrum acquirere, est contra jus naturæ; quæ tamen omnia per usuram mere lucratoriam fierint. 4. *Non tamen prohibita erat*, sed *permissa Jure Civili*, antiquo saltem, ut constat ex *L. 1. & 26. C. de usur. L. 29. ff. eod.* 5. *Usura punitoria seu moratoria* nullo jure est prohibita, *c. 4. de arbitr. L. 14. C. de pact. modo* *fraus & dolus absit*, mutuatarius vere sit in mora culpabili & notabili, & pœna sit proportionata culpæ. 6. *Usura etiam compensatoria non est prohibita*, sed licet; ratio, quia non accipitur aliquid ultra fortem præcise vi mutui, sed ex aliis justis titulis; de quibus sit.

Q. 3. *Quinam sint justis tituli, ut quid supra fortem accipi possit?* Resp. 1. *Lucrum cessans & damnum emergens*: quia in neutro casu aliquid exigitur vi mutui, sed ratione damni, quod subit mutuans ob mutuum datum; vel ratione carentiæ lucri, alias ex pecunia sua percipiendi. 2. *Periculum morale amittende sortis*; quia exponere rem suam periculo in gratiam alterius est pretio æstimabile. 3. *Assicuratio sortis*; si creditor in se suscipiat periculum sortis, ita ut ea amissa mutuatarius ad nihil reddendum teneatur; quia & talis molestia ac sollicitudo ex assicuratione resultans onerosa est. 4. *Probabilius etiam statutum Magistratus vel consuetudo usu-*

ram lucratoriam minus stricte sumptam permittens, modo sit moderata, nec aliunde charitati repugnans. Ratio, quia sicut Resp. per *prescriptionem* dominium rei alienæ transfert a Domino in possessorem, ita omnino sufficit dominium ætium Reip. disponendi de rebus & bonis subditorum præsentæ causæ publicæ, quales sunt plurimæ concedendi, ut 5. pro 100. singulis annis accipiantur.

Resp. 2. Neque sola carentia pecuniæ, neque obligatio eam non repetendi ad certum tempus titulus sufficiens est aliquid petendi aut ultra sortem accipiendi. Ratio, quia carentia rei mutuatæ est quid intrinsecum ipsi mutuo, ratione mutui autem accipi nihil potest. Innoc. XI. 1679. damnavit hanc propositionem: *Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra sortem a mutuuario exigere, & eo titulo ab usura excusari.* Quomodo usura committi possit, aut non committatur, si adjectum sit pactum mutuo, ut res mutuata restituatur in eâ mensura & bonitate, licet pretium ejus creverit tempore restitutioni præfixo, vide apud Leur. *h. t. Q. 347.*

Q. 4. An debitor ex mutuo teneatur solvere usuras lucratorias promissas, & an possit repetere solutas? Resp. 1. Debitor talis usuras mere lucratorias licet promiserit solvere non tenetur ex *justitia*, quia mutuans, vi promissionis de re prohibita exigi & accipi factæ jus ad illas nullum potuit acquirere. 2. Si jurato promisit solvere usuras debitor, ex *virtute Religionis* tenebitur. c. 6. de *jurejur.* potest tamen creditor adigi ad juramentum & consequenter ad usurarum solutionem relaxandam. Reiffenst. *h. t. n. 161.* 3. Si forte mutuarius vi juramenti solvisset usuras, possunt eæ etiam in judicio repeti, & creditor ad restituendum compelli c. 6. *cit.* Imo etiam si quis jurasset, se non repetiturum usuras solutas, potest tamen & debet iudex usurarium compellere ad restitutionem c. 13. *h. t.*

Q. 5. An usurarius acquirat dominium rerum per veram usuram acceptarum? Resp. Si vel debitor non habuerit verum animum usuras solvendi, vel res usurariæ remanserint inconfusæ, creditor non acquirit illarum dominium. L. 31. ff. de *acq. rer. dom.* 2. Si vero eas commiscuerit cum suis, v. gr. pecuniam cum sua pecunia, vinum

Vinum cum vino, oleum cum oleo, ut discerni amplius nequeat, acquirit illarum dominium, non secus ac furtum furtivarum. §. 27. *¶* 28. *Inst. de rer. div.* 3. Si usurarius cum pecunia usuraria negotietur, ex eaque faciat lucrum, aut si ex ea res alias emat, & lucri & rerum illarum dominium acquireret. *L. 1. ¶* 8. *C. si quis alteri, vel sibi.* Ratio, quia censetur ex industria propria lucrum, resve alias ex pecunia comparatas acquisivisse, cum pecunia de se sit sterilis. 4. Si usurarius ex re alia usuraria, quam pecunia sit, v.g. ex re usuraria frugifera fructus percipiat, horum dominium non ipse, sed dominus acquirat. §. 35. *Inst. de rer. div.* Si vendat rem usurariam frugiferam b. f. emptori, dominium quidem rei venditæ in emptorem non transfertur. *L. 12. §. 2. ff. de act. empt.* usurarius tamen fit dominus pretii ab emptore accepti, quia pretium rei usurariæ non est usurarium.

Q. 6. Ad quid teneatur usurarius mutuuario ob solutas sibi usuras, siue an & quomodo teneatur usurarius ad restitutionem? Resp. 1. Usurarius ipse, (etiamsi iudeus sit *c. 12. b. t.*) non tantum usuras, sed etiam, si res frugifera pro illis data sit, fructus inde perceptos, & quos mutuarius percipere potuisset; simul & damnum ob solutas usuras mutuuario emergens, & lucrum, quod illi ideo cessavit, restituere tenetur. Ratio, quia est peshimæ fidei possessor, ergo. Extenditur responsio etiam ad usurarium mentalem ob *c. 10. b. t.* 2. Tenentur in defectum usurarii ad restitutionem mutuuario faciendam omnes, qui ex parte mutuantis causa efficax fuerunt, cur usuræ exigenterent & solverentur, siue ut non daretur mutuum gratis; quia sunt hi vere causa omnis damni mutuuario dati. 3. Tenentur & compelli possunt hæredes ad restituendas usuras a defuncto usurario perceptas, & quemadmodum obligatio solvendi alia debita, ita & hæc solvendi usuras transit ad hæredes, *cap. 9. b. t.* ubi & notatum dignum est. *c. ult. de sepult. ¶ cap. 5. de raptor.* Si tamen plures sint hæredes, singuli in solidum non tenentur, sed solum secundum portiones hæreditarias; quia sicut commoda & jura, sic & onera inter hæredes sunt dividenda. 4. Omnes ad quos res usurariæ quoquo modo pervenerunt, si etiamnum extent, Ratio, quia sunt res alienæ. Denique. 5.

ram lucratoriam minus stricte sumptam permittens, modo sit moderata, nec aliunde charitati repugnans. Ratio, quia sicut Resp. per *prescriptionem* dominium rei alienæ transfert a Domino in possessorem, ita omnino sufficit dominium alium Reip. disponendi de rebus & bonis subditorum præsentæ causæ publicæ, quales sunt plurimæ concedendi, ut §. pro 100. singulis annis accipiantur.

Resp. 2. Neque sola carentia pecuniæ, neque obligatio eam non repetendi ad certum tempus titulus sufficiens est aliquid petendi aut ultra sortem accipiendi. Ratio, quia carentia rei mutuatæ est quid intrinsecum ipsi mutuo, ratione mutui autem accipi nihil potest. Innoc. XI. 1679. damnavit hanc propositionem: *Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra sortem a mutuuario exigere, & eo titulo ab usura excusari.* Quomodo usura committi possit, aut non committatur, si adjectum sit pactum mutuo, ut res mutuata restituatur in ea mensura & bonitate, licet pretium ejus creverit tempore restitutioni præfixo, vide apud Leur. *h. t. Q. 347.*

Q. 4. An debitor ex mutuo teneatur solvere usuras lucratorias promissas, & an possit repetere solutas? Resp. 1. Debitor talis usuras mere lucratorias licet promiserit solvere non tenetur *ex justitia*, quia mutuans, vi promissionis de re prohibita exigi & accipi factæ jus ad illas nullum potuit acquirere. 2. Si jurato promisit solvere usuras debitor, ex *virtute Religionis* tenebitur. *c. 6. de jurejur.* potest tamen creditor adigi ad juramentum & consequenter ad usurarum solutionem relaxandam. Reiffenst. *b. t. n. 161.* 3. Si forte mutuarius vi juramenti solvisset usuras, possunt eæ etiam in judicio repeti, & creditor ad restituendum compelli *c. 6. cit.* Imo etiamsi quis jurasset, se non repetiturum usuras solutas, potest tamen & debet iudex usurarium compellere ad restitutionem *c. 13. b. t.*

Q. 5. An usurarius acquirat dominium rerum per veram usuram acceptarum? Resp. Si vel debitor non habuerit verum animum usuras solvendi, vel res usurariæ remanserint inconfusæ, creditor non acquirit illarum dominium. *L. 31. ff. de acq. rer. dom.* 2. Si vero eas commiscuerit cum suis, v. gr. pecuniam cum sua pecunia, vinum

Vinum cum vino, oleum cum oleo, ut discerni amplius nequeat, acquirit illarum dominium, non secus ac furtum furtivarum. §. 27. & 28. *Inst. de rer. div.* 3. Si usurarius cum pecunia usuraria negotietur, ex eaque faciat lucrum, aut si ex ea res alias emat, & lucri & rerum illarum dominium acquirat. *L. 1. & 8. C. si quis alteri, vel sibi.* Ratio, quia censetur ex industria propria lucrum, resve alias ex pecunia comparatas acquisivisse, cum pecunia de se sit sterilis. 4. Si usurarius ex re alia usuraria, quam pecunia sit, v.g. ex re usuraria frugifera fructus percipiat, horum dominium non ipse, sed dominus acquirit. §. 35. *Inst. de rer. div.* Si vendat rem usurariam frugiferam b. f. emptori, dominium quidem rei venditæ in emptorem non transfertur. *L. 12. §. 2. ff. de act. empt.* usurarius tamen fit dominus pretii ab emptore accepti, quia pretium rei usurariæ non est usurarium.

Q. 6. Ad quid teneatur usurarius mutuuario ob solutas sibi usuras, sive an & quomodo teneatur usurarius ad restitutionem? Resp. 1. Usurarius ipse, (etiamsi iudex sit *c. 12. b. t.*) non tantum usuras, sed etiam, si res frugifera pro illis data sit, fructus inde perceptos, & quos mutuarius percipere potuisset; simul & damnum ob solutas usuras mutuuario emergens, & lucrum, quod illi ideo cessavit, restituere tenetur. Ratio, quia est pefsimæ fidei possessor, ergo. Extenditur responsio etiam ad usurarium mentalem ob *c. 10. b. t.* 2. Tenentur in defectum usurarii ad restitutionem mutuuario faciendam omnes, qui ex parte mutuantis causa efficax fuerunt, cur usuræ exigenterentur & solverentur, sive ut non daretur mutuum gratis; quia sunt hi vere causa omnis damni mutuuario dati. 3. Tenentur & compelli possunt hæredes ad restituendas usuras a defuncto usurario perceptas, & quemadmodum obligatio solvendi alia debita, ita & hæc solvendi usuras transit ad hæredes, *cap. 9. b. t.* ubi & notatū dignum est. *c. ult. de sepult.* & *cap. 5. de raptor.* Si tamen plures sint hæredes, singuli in solidum non tenentur, sed solum secundum portiones hæreditarias; quia sicut commoda & jura, sic & onera inter hæredes sunt dividenda. 4. Omnes ad quos res usurariæ quoquo modo pervenerunt, si etiamnum extent, Ratio, quia sunt res alienæ. Denique. 5.

restituī usuræ debent iis, a quibus sunt acceptæ; iis defunctis, eorum hæredibus; his autem non extantibus, vel si ignorentur, causis piis, Engel, *b. n.* 27.

Q. 7. Quenam pene sint in Usurarios statutz? Resp. 1. Cum usura sit crimen mixti fori, ut & a Judice Ecclesiastico per *cap. 2. & 7. b. t. & Clem. 2. de Jud. & a Laico*, siue quæstio facti sit, siue juris, possit judicari, *c. 12. b. t.* variz in usurarios maxime manifestos pœnz statutz sunt; præcipue autem de Jure Can. 1. infamia. *can. 2. §. fin. caus. 3. q. 7. c. 13. de excess. Prel. 2.* Suspendio Clerici usurarii, & si emendatio non sequatur, depositio. *can. 1. & seq. caus. 14. q. 3.* Excommunicatio laici usque ad satisfactionem. *c. 3. & 7. b. t. 4.* Privatio sepulturæ Ecclesiasticæ, *cap. 2. cod. in 6. 5.* Instabilitas activa, nisi ante mortem usurarius ejusmodi restituerit usuras, aut de earum restitutione sufficienter caverit. *c. 2. cit. Schmalzgr. b. t. a n. 313.* plura habet de Testamentis Usurariorum. Deinde de Jure Civili cum permixta fuerint usuræ etiam lucratoriz, de eo non puniebantur, nisi modum a LL. definitum excesserint. Juxta Recess. Imper. & imprimis juxta reformationem *Bonæ Politicæ*, Augustæ Vind. factæ ann. 1530. Tit. 26. de contractibus usurariis, usufrarius quartam partem Capitalis amittit &c. Quos contractus Jus Palat. pro usurariis habeat, quas item pœnas usurariis dicter, vide in Statutis Electoratus Palatini tit. 14. de Contractibus usurariis.

Qu. 8. In quibus aliis pactis præter contractum mutui usura committatur? Resp. 1. Licet usura proprie tantum committatur in contractu mutui juxta Comm. & *cap. 1. caus. 14. q. 3.* in aliis vero contractibus v. g. emptione, venditione, locatione dolus annexam habens obligationem restituendi, non usura habeat locum, quatenus tamen & illi *palliatum mutuum* subinde continent; hinc de ipsis non quoad pœnas in foro externo, sed quoad forum conscientiz quæstio procedit. Itaque.

Resp. 2. Usura palliata est, si venditor ob dilatam precise solutionem pretii pluris supra justum alias prætium rem vendat; aut minoris ob præstitam incontinenti solutionem. Primum probatur ex *c. 10. b. t. damnata Innoc. supra. Q. 3. Resp. 2. cit. & ratio est, quia dilatio*

latio solutionis est mutuum implicitum, quatenus, dum ob solutionem dilatatam pretium auctum, re ipsa & in effectu idem est, ac si pretium emptor solvisset, dein autem emptori iterum mutuo datum ea lege, ut post annum. v.g. præter sortem certam pecuniam superaddat. Quoad secundum eadem pugnat ratio. Eodem modo dicendum, quod emptio *chirographi* siue debiti alieni ob *solam dilationem solutionis aliquando certe futuræ* sit usuræ palliata, si pro minori pretio, ac debitum est, ematur.

Resp. 3. Contractus *Mohatræ*, quando quis vendit rem magno pretio cum pacto, ut ipsi emens statim revendat pro pretio minore, est illicitus & usura palliata. Dam-nata ab Innoc. XI. propos. 40. sic habet: *Contractus Mohatræ licitus est, etiam respectu ejusdem personæ, cum contractu retrovenditionis prævie inito, cum intentione lucri.*

Resp. 4. Usurarius est etiam *Anatocismus*, quo nomine veniunt usuræ usurarum, seu lucrum ex ipsis usuris non solutis & in sortem redactis petittum. Ratio, quia hæ usuræ, si mere lucratoriz sint, sunt æque ac ipsæ usuræ, quæ vi mutui exiguntur, imo magis quam istæ jure divino & naturali prohibitz; si non sint mere lucratoriz, sunt de jure saltem positivo prohibitz. L. 29. ff. de L. 3. & 28. C. b. t.

Resp. 5. Pactum *Anticbreticum*, quo Creditor rei frugiferæ. v.g. prædii pro mutuo sibi oppignorati fructus lucratur, & sortem nihilominus recipit integram, *regulariter* est usurarium. c. 1. & 2. b. t. c. 6. di pignor. excipitur casus in c. 1. de feud. c. 16. h. t. & si alius titulus justus adfuerit.

Q. 9. In quibus pactis & contractibus licet usura videatur committi, non tamen committatur? Resp. 1. Licitum est *Cambium*, quod est negotiatio seu contractus innominatus, in quo pecunia pro pecunia permutatur cum *moderato lucro* siue dein sit *reale* (quod & *minutum*, aut *manuale* dicitur) dem scil. pecunia unius speciei v.g. flor. pro pecunia alterius speciei, v.g. pro ducatis permutatur; siue *locale*, si pecunia præsens, quæ scil. est in hoc loco, permutatur cum absente. Ratio, quia lucrum, quod pro eo accipitur, variis titulis justum est.

Resp. 2. *Olla fortune* in Germania usitata nullam continet usuram aut injustitiam. Ratio, quia ollæ hujus ie

usus est, ut quot quis domino illius seu eam exponere
ti numerat v.g. florenos, tot ex ea schedas tollere pos-
sit, & quod in eis scriptum, sibi habere, sorte omni-
no incerta, periculo jacturæ spem lucri exæquante; at-
qui hoc non est usurarium aut injustum, cum ludus
hic emptio sit, quæ non ipse scyphus v.g. vel res ex-
tracta, sed ejus consequendæ spes, cum pari periculo
jacturæ conjuncta, emitur, ergo.

Resp. 3. *Montes pietatis* etiam immunes sunt ab usura. Imprimis *Montes* hi sunt ærarie a Principe aliquo, Domino, vel Communitate ex liberalitate vel piorum privatorum largitionibus constitutæ ad sublevandas indigentium necessitates, in quibus pecuniæ ad ærtum tempus iis dantur mutue sub pignoris sufficientis cautione, ea lege, ut si debitum præfixo tempore non solvatur, vendatur pignus, forsque Monti, residuum autem, si quod est, Domino restituatur. Alii sunt *puri*, in quibus nihil omnino ultra sortem exigitur; *mixti* sunt, in quibus aliquid solvitur ultra sortem, non pro lucro quidem aut incremento ipsius montis, sed pro sumptibus ad montis conservationem necessariis. Hi sunt vel *Italici*, qui Summam suam Capitaalem habent ex piorum fundatione, ut adeoque mutuatarii tantum aliquid modici pro sustentandis Ministris, conservandis ædificiis, & aliis necessariis dare teneantur; vel *Belgici*, qui Summam suam Capitaalem non habent saltem adæquate ex fundatione pia, sed ex pecunia per censum accepta, ut adeoque ultra Ministrorum sustentationem & ad solvendos censuum canones aliquid exigatur. Quod autem Montes hi pietatis honesti & liciti sint, non tantum probatur ex Conc. Later. Sess. 10. sub Leone X. Conc. Trid. Sess. 22. c. 8. de ref. sed ex ipsa etiam ratione, quia nihil exigitur aut accipitur ultra sortem propter mutationem, sed ob expensas necessario faciendas &c.

Resp. 4. De Censu seqq. 1. *Census* est annua pensio vel potius jus annuam pensionem percipiendi vel ex re alterius frugifera, & hic est census *realis*, vel ex alterius industria, & est *personalis*. 2. Uterque potest esse vel *redimibilis*, aut ex una, aut ex utraque parte vel *irredimibilis*. Realis alius est *census reservativus*, dum
quis

quis in alterum transfert dominium rei utile & directum; sibi que reservat solum vel certam pecuniæ summam solvendam, vel portionem aliquam fructuum; alius *consignativus*, dum quis retinet utrumque jus utile & directum, cedit tamen alteri, consignat aut vendit jus exigendi & percipiendi ex re illa pensionem annuam vel in fructibus vel pecunia consistentem. 3. Qui habet jus exigendi pensionem annuam, vocantur *Creditor*, *Emptor*, *Censualista*; qui vero habet obligationem solvendi, *censualarius*, *venditor*, *debitor*. 4. Emptio imprimis census realis licita est. *Extrav. 1. & 2. de empt. vend. inter Comm.* Pius V. in *Constit. Cum onus Apostolicæ*. Ratio est, quia licite emitur totum prædium, adeoque & jus omnes fructus percipiendi, ergo & jus partem fructuum, sive pensionem fructuariam, ergo & jus pensionem pecuniariam, cum hæc omnium rerum æstimationem recipiat. Dubium est, utrum census realis tam *redimibilis* quam *irredimibilis* permittatur, & spectato jure naturali certum est, utrumque permitti; jure positivo per *Extrav. cit.* permittitur quidem emptio census ex parte venditoris redimibilis, rejicitur autem emptio census irredimibilis, & redimibilis ex parte utriusque. *Extrav. & Constit. Pii V. cit. & Constit. Caroli V. in Com. Augustan. 1548.* ob periculum *usurariæ intentionis*. Utrumque tamen consuetudo fecit licitum, *Schmalzgr. b. a num. 178.* 5. Denique & emptio census personalis licita est, modo census constituatur in persona potente ex sua industria lucrum facere, & pretium sit justum. Ratio, quia ex paritate cum censu reali juri naturæ non repugnat census personalis; jus autem positivum scilicet *Constitutio S. Pii V. Cum onus. edit. 14. cal. Febr. 1558.* saltem in Germania vel non videtur recepta, vel contrariâ consuetudine abrogata.

T I T U L U S XX.

De Crimine falsi.

Quest. 1. *Crimen falsi quid sit & quotuplex?* Resp.
 1. *Falsum* vel *falsitas* proprie & juridice pro crimine per *La. Cornel. de falsis accepta*, est fraudulenta seu dolosa
 immu,

immutatio veritatis facta in præjudicium alterius. *Nov. 73. princ.* Requiritur ergo ut pervertatur veritas; ut fiat dolo malo seu animo decipiendi alterum, nec enim is habetur, nec punitur pro falsario, qui ex errore vel ignorantia falsum dicit. *L. 31. ff. h. t.* Ut falsitas hæc notabile damnum alteri inferat, vel inferre saltem possit, licet id forte impediatur. *Pirh. h. t. n. 1.*

Resp. 2. Crimen falsi dividitur in *Verum*, quod Lege Cornelia de falsis notatur, v.g. quod committitur circa testimonia, testamenta, nummos; & in *quasi tale*, quod non Lege Cornelia; sed aliis Principum Constitutionibus vindicatur, ut si quis rationes falsaverit. *L. 1. §. 2. & 4. ff. de Lege Cornel. de fals.* 2. Dividitur in *personale*, quod circa personam committitur, ut mutatio nominis, suppositio partus, judicis corruptio; & in *Reale*, quod committitur circa res.

Q. 2. Quot modis committatur crimen falsi? *R.* quatuor: 1. *Dicto*, dum verbis dolose immutatur veritas, a *Tesse*; scilicet in judicio falsum circa substantialia causæ deponente, aut verum supprimeute &c. ab *Advocato* causam clientis sui prodente, vel admittendo probationes falsas vel dissimulando proprias; a *Judice* vel ex malitia, vel ob corruptionem per munera sententiam falsam proferendo. 2. *Scripto*, quando per falsam scripturam immutatur veritas, quod potest fieri a *Notario* testamentum vel instrumentum, ab *alio* chirographum, manum, sigillum vitianti; modos novem recenset Pontifex in *c. 5. h. t.* quibus *Litteræ Apostolicæ* possint falsificari. 3. *Facto*, seu re, quando per aliquod factum veritas immutatur, v.g. dum quis propria autoritate cudie monetam, vel ex materia adulterina cudie; vel qui adhibet ad monetam aurum aut argentum per Alchimiam confectum; vel qui falsificat merces, pondera, mensuras &c. 4. *Uso*, vel potius *abusu*, quando quis falsitate ab aliis conficta scilicet utitur, v. g. instrumenta, leges, probationes falsas producendo in judicio, dolose colligendo & expendendo monetam falsam, nomen dignitatis, insignia familiæ alienæ usurpando &c.

Q. 3. Quenam sint pœne falsariorum? *Resp. 1.* Pro modo admissi criminis *hodie* in utroque foro, præter refectionem damni ante omnem sententiam faciendam, sunt

sunt pœnz fere arbitrariæ, *Jure tamen novo Civili statuta* sunt pœnz in seqq. sic testis, qui jurato falsum deponit in causâ civili, fit infamis, eique amputantur duo digiti in præstatione juramenti erecti. *Const. Carol. a 107.* pejerans in causâ criminali punitur pœna talionis. *cit. Const. art. 68.* falso cudens monetam adulterinam, eamque expendens, præcedente strangulatione, igne punitur, cudens quidem, sed non expendens gladio. *Const. Carol. ar. 111.* Consentit *Jus Palat. p. 5. tit. 12.* De *Jure Canonico* in seqq. certæ obtinent pœnz: *Testis* sive in civili, sive criminali causâ falsus præter infamiam, detrudendus est in monasterium, hodie in carcerem, aut ad triremes relegandus. *can. 9. caus. 3. q. 6.* *Judex Ecclesiasticus* dolo malo vel pecunia corruptus proferens sententiam falsam, ultra æstimationem litis incurrit suspensionem. *c. 1. de sent. & re jud. in 6.* *Falsarius Literarum Apostolicarum* excommunicatur ipso facto, & si Clericus sit, deponitur ab officio & beneficio. *c. 7. hoc tit. Bull. Cene cas. 6.* De aliis certorum falsariorum pœnis vide. *c. 2. de empt. c. 3. b. t. Extrav. Joan. XXII. hoc tit. Extrav. un. cod. inter Comm.*

T I T U L U S XXI.

De Sortilegiis,

Quest. 1. *Sortilegium quid sit & quotuplex sortes* & Resp. 1. *Sortilegium* seu *sortium missio* (de qua uti & de *Collusione* in seq. Tit. ideo post Tit. de *Crim. falsi*, quia falsitatem & deceptionem aliqua saltem ejus species continet) est adhibitio & observatio rerum quarundam veluti signorum facta eo fine, ut quid hic & nunc faciendum vel futurum sit, vel quod occultum est innotescat.

Resp. 2. *Sortes* ex triplici fine, ad quem assumuntur, dividuntur in divinatorias, consultatorias, divisorias. *Divinatorie* sunt, quæ adhibentur aut observantur, ad occultum quid vel futurum per media improporcionata cognoscendum; usus talium sortium *divinatio* vocatur, cujus varia est divisio pro varietate rerum & signorum, quæ adhibentur ad cognitionem occultorum; sic *Geomantia*

mantia dicitur, si fiat divinatio per terram: *Hydromantia*, si per aquam; si per animalium intestina, *Aruspicium*, *Chiromantia*; si per inspectionem manuum, & generali nomine, si pactum cum dæmone aliave similia interveniant, *Necromantia*; & si non tantum ad cognitionem rei occultæ, sed etiam ad effectum miraliscujus operis dæmonis opera adhibeatur, *Magia* dicitur: *Sortes Consultatoriæ* sunt, quæ adhibentur ad cognoscendum, quæ sit in re dubia Dei voluntas. *Divisoriæ* sunt, quibus jus indivisum aut dubium pluribus competens, inter eos dividitur, aut uni applicatur.

Quæst. 2. Quenam sortes permissæ aut prohibitæ sint?

R. 1. *Sortilegium divinatorium*, seu usus *sortium divinatoriarum* omnino est illicitus, etiamsi non interveniat pactum expressum cum dæmone *can. 3. 5. 6. 7. caus. 26. q. 5. c. 1. b. t.* Ratio quia talibus sortibus, cum sint medium omnino improporcionatum ad effectum intentum consequendum, admixta est tacita saltem dæmonis invocatio, ut sortes velit regere & occulta manifestare. Non prohibentur tamen aut illicitæ declarantur conjecturæ, quæ ex signis naturalem cum rebus futuris connexionem habentibus desumuntur.

R. 2. *Usus sortium consultatarum* per se est licitus, siue licet explorare divinam voluntatem in ancipiti quopiam negotio, modo id fiat necessitate urgente, servata debita erga Deum reverentia, ex speciali Dei instinctu; non ad lucrum temporale. Ratio, quia absolute nihil in illis mali apparet, sed potius actus Religionis foret: patetque exemplis tam V. quam N. L.

R. 3. *Usus sortium divinatoriarum* etiam per se loquendo est licitus. Ratio, quia nec superstitionem aut divinationem continet, cum ex supposito animo simplici fiat, nec a Deo, nec ab Astris &c. eventus sortis expectetur; nec continet injustitiam, cum usurpetur ex mutuo consensu habentium æquale jus; hinc licet sortibus divisiis uti in judiciis familiæ hercisc. & Commun. dividundo. *L. 5. ff. fam. hercisc. l. 3. cod. Commun. de legat.* plura exempla habet Scgmalzgr. *b. a. n. 27.* Specialiter tamen usus sortium in *electionibus* ad prælaturas aut alia beneficia Ecclesiastica prohibitus est, adeo ut electio per sortes facta, si indigni æque ac digni adsortes

tes admittantur, sit jure naturæ, si soli digni, electio tamen celebranda fuisset juxta c. 42. de elect. jure saltem positivo nulla. c. fin. b. 1.

Q. 3. Quenam sint pœnæ Sortilegorum? R. De Jure Can. Laicis admonitis & non emendatis, si fuerint personæ viles, verbera; si honestioris conditionis, perpetua incarcerationio distanda: item excommunicatio, & e diœcesi ejectio, c. 1. b. 1. can. 10. & 12. caus. 26. q. 5. præterea infamiam incurrunt, & si admixta sit Sortilegio hæresis, pœnas hæreticorum. c. 8. §. sane de hæret. in 6. Clerici vero Sortilegi secundum Canones in foro externo præter infamiam, quam incurrunt, sunt deponendi ab officio & beneficio, & in monasterium detrudendi. can. 4. & seq. caus. 26. q. 5. De Jure Civili, qui fere laicorum pœnæ, excepta excommunicatione, ubi hæresis immixta foret, relinquuntur ob crimen hoc sortilegii mixti fori intelligendæ, sunt publicatio omnium bonorum, & magiæ proprie dictæ cum damno tertii ultimum supplicium etiam ignis, L. 3. & 5. C. de malef. & Ordin. Crim. a. 109. Concord. Jus Palat. p. 5. tit. 9.

T I T U L U S XXII.

De Collusione detegenda.

Q. 1. Collusio quid sit, in quibus causis, & inter quos committi possit? Resp. ad 1. Est latens & fraudulenta conventio inter Actorem & Reum: potest fieri vel prævaricando, vel tergiversando, ut dictum ad Tit. 2. hoc Libro de Calumniat.

R. ad 2. Locum habet collusio in causis criminalibus & beneficialibus; quod utrumque negatur a nemine, & ratione causarum beneficialium casus habetur in c. 3. b. 1. In causis Civilibus habet tunc locum, si vel sint causæ matrimoniales, vel præjudicium tertii concernant, alias non. Ratio, quia in civilibus Actori & Reo licet invicem transigere.

Resp. ad 3. Committere possunt collusionem tam Clerici quam laici, imo non principales tantum, sed etiam Advocati & Procuratores, qui Advocati tamen & Procuratores magis falsarii juxta Tit. 20. b. 1. sunt vocandi arg. L. 1. §. 1. ff. de Prævar. Porro in casu commissæ collu-

collusionis, si collusor forsan per sententiam fuerit absolutus, potest nihilominus accusari denuo, & contra eum inquiri. arg. c. ult. b. t. L. 3. §. 1. ff. de prævar.

Q. 2. *Quæ sint pene Collusionis?* Resp. Si circa beneficium Ecclesiasticum facta sit, & probetur esse facta; privatio beneficii perpetua quoad utrumque colludentem. arg. c. 3. b. t. In Criminalibus cum incurfione infamiz est pena arbitraria pro modo criminis, & qualitate circumstantiarum. L. 2. & 4. ff. de prævar.

T I T U L U S XXIII.

De Delictis Puerorum.

Q. 1. *An & qualiter puniantur?* R. 1. *Infantes*; id est, ii, qui septimum ætatis annum necdum compleverunt, nulla penitus pœna plecti possunt: Ratio redditur in. L. 12. ff. ad L. Cornel. de Sicar. Idem fere dici oportet de *pueris infantie proximis*, id est; septennium non multum egressis; sive omissionis, sive etiam commissionis delicta patrarint. §. 10. Inst. de inutil. stipulat. 2. *Pueri doli jam capaces & pubertati proximi* ob delicta commissionis non sunt immunes a pœna legali extraordinaria: c. 1. b. t. pœnæ autem ordinariæ non subjacent regulariter, nec torqueri possunt: L. 1. §. 33. ff. ad S. C. Syllan. 3. *Minores pubertatem adepti*, id est; egressi quidem 14. non tamen 25. ætatis annum a pœna quidem ordinaria exempti non sunt, præsertim in delictis gravioribus, & in delictis commissionis; ubi spes emendationis non adest: L. 9. §. 2. & L. 37. §. 1. ff. de Minor. ordinariæ tamen possunt & solent mitius puniri quam majores: L. 108. ff. de R. J.

Q. 2. *An pater teneatur ex delicto filii pubertati proximi aut minoris ad multam pecuniariam; ad quam hic condemnatur?* Resp. Neg. si nec particeps delicti; nec in filii correctione negligens fuit, nec etiam factus est exinde ditior. L. 22. & 26. C. de pœn. L. 1. & L. 3. C. ne fili. pro patre; nec tenetur dare legitimam, ut filius exinde solvat: arg. L. 1. §. 21. ff. de collat. bon. Valeret tamen Lex statutaria, quæ Patrem pro filio obligaret. Ratio; quia cum pater se possit obligare pro filio

lio per pactum, poterit etiam per statutum obligari; utpote quod cederet in bonum publicum, & parentum in educandis liberis diligentiam acueret.

T I T U L U S XXIV.

De Clerico Venatore.

Quest. 1. *Quæ sit hujus cum prioribus Titulis connexio, quid venatio, & quotuplex?* Resp. 1. Cum dictum sit hucusque de delictis, quibuscumque personis communibus, ab hoc usque ad 31. Titulum inclusive de delictis vel statui soli Clericali propriis vel cum dedecentibus agitur, & quidem primo de Venatione. 2. Venatio est persecutio & occupatio animalium, quæ cælo, terra & mari nascuntur, & nullius sunt. 3. Venatio alia est *specificè & propriè* dicta, quæ & *saltatoria* & *silvatica* dicitur, & hæc ad feras terrestres capiendas: alia *aucupium*, quæ ad volucres: alia *piscatio*, quæ ad capiendos pisces ordinatur. Venatio specificè dicta dividitur in *clamorosam*, quæ magno apparatu retium, canum, hominum, magnoque tumultu, & in *quietam* seu *placidam*, quæ sine strepitu, sine magnis clamoribus, cum exiguo hominum vel etiam canum numero exercetur. Item ex parte objecti venatio alia est *maxima*, alia *major*, alia *minor*.

Qu. 2. Quenam venatio prohibita sit Clericis? Resp. Non *piscatio*; quam & Apostoli post conversionem exercuerunt; nec venatio *quieta & placida*, quæ vel necessitatis aut utilitatis corporalis, vel etiam recreationis causa rarius instituitur, est prohibita Clericis, in primis non jure naturali, ut patet; nec jure positivo, uti a contrario arg. ex Trid. *Sess. 24. c. 12. de refor.* ubi, uti & *c. 1. & 2. h. t. Clem. 1. §. porro de statu Monach.* prohibetur solum venatio *clamorosa*, quia multum abstrahit a divinis officiis &c. Consuetudo tamen venationem *clamorosam* a Clericis aliunde non prohibitis absque peccato mortali facit exerceri, modo non frequens sit, & absque scandalo, absque magno temporis pro cultu divino ordinati dispendio. Pœnas in *c. 1. h. t. in Clericos Venatores* constitutas eadem consuetudo abrogavit.

Quæ

Quæri hic etiam potest, *An Princeps possit universa-liter suis subditis jussu prohibere venationem, sibi que soli jus venandi reservare?* Resp. Aff. quia justas causas ad id habere potest, quales v.g. forent, ne subditi ab aliis functionibus cum damno Reip. abstrahantur. Ne armis tractandis cum periculo seditionis assuescant. Ne sub specie venationis prædas agant, latrocinia exercent. Pichl. *hoc tit. n. 5.* præterea affert rationes ex præscriptione, voluntaria subditorum cessione, occupatione bellica petitis. 2. Non peccat tamen per se loquendo graviter subditus, si unam alteramve feram contra Principis prohibitionem capiat. Ita habet communis persuasio, optima LL. humanarum interpret. 3. Nec peccat regulariter contra justitiam, quia prohibitio non fundatur in jure proprietatis. 4. Nec obligatur ad restituendam feræ illicite captæ æstimationem. Ratio, quia licet quis contra edictum Principis venetur, fera tamen ipsius fit, utpote antecedenter nullius &c.

T I T U L U S XXV.

De Clerico Percussore.

Quæst. 1. *An prohibitum sit Clericis, ne Laicum percutiant?* R. ad 1. Omnibus Clericis, præcipue constitutis in Ordinibus sacris, prohibita est percussio laici propria manu facta. *can. 1. & 7. dist. 45. can. 25. dist. 86. c. 1. b. tit.* Si fuerit verberario gravis, graviter, si levis, leviter reg. est prohibita. Ratio quia repugnat gravis graviter, levis leviter charitati proximi, modestiæ Clericali, & mansuetudini Christi. Possunt tamen Præceptores, Moderatores, & Magistri AA. LL. venire ad verbera moderata. *can. 19. dist. 1. de pœnit.* etiam si discipuli, quos corrigunt ita, sint Clerici. *cap. 10. & 54. §. fin. de sent. Excomm.* Episcopi etiam & superiores Regulares possunt Clericos sibi subditos, si fuerint in minoribus, ob causas leves, si in majoribus constituti, ob graviores verberibus castigare. *can. 8. dist. 45. can. 25. pr. dist. 86.* non tamen propria manu Episcopus potest percutere. *canon. 25. citat.* sed percussio-
nem

nem committere debet Clerico, non laico *de Jure*, nisi velit ipse cum Laico percutiente excommunicationem incurrere, etiamsi iusta verberationis causa subsit. *arg. cap. 24. de sent. Excomm.*

Quest. 2. Sub quibus pœnis prohibitum sit Clericis, percutere Laicum? Resp. 1. Si Clericus percussit laicum, pœna prima vice pro qualitate & circumstantia percussione, est arbitraria; si se Clericus non emendaverit, sed facile ac passim ex indignatione subitanea ob leviores etiam defectus ad verbera procedat, deponi potest & debet. *arg. c. 1. b. 1.*

T I T U L U S XXVI.

De Maledicis.

Q*uest. 1. Maledictum quid & quotuplex?* R. 1. In genere maledictum, nomine a maledicendo vel loquendo derivato, est mala locutio de altero; & qui ita male loquuntur; vocantur *maledici*. Dividitur maledictum in Blasphemiam, quæ Deum. Contumeliam & Detractionem, quæ homines respicit. *Blasphemia* est; quando vel aliquid affirmatur de DEO, quod ei non convenit, v. g. dicendo, quod sit injustus; vel negatur, quod ei convenit; v. g. omnipotentia, providentia; vel si creaturæ tribuatur, quod Creatori competit, & hæc Blasphemia dicitur *hereticalis*. *Simplex* est, quando quis detestatur Deum, vel ei malum imprecatur, aut Christum Dominum, ejusque vulnera per despectionem indecenter nominat. Ad Blasphemiam reducuntur verba injuriosa & contumeliosa in Deiparam, aliosque Sanctos conjecta. *Contumelia* est, dum quis præfenti & in faciem malum objicit, quod si sit falsum, *convitium* dicitur. *Detractio* est, quando absentis honor læditur. *Imprecatio*, qua malum aliquod optatur proximo in futurum, hujus loci non est.

Q. 2. Quanam sint pœne maledicorum? Resp. 1. Blasphemi in L. V. lapidibus obruebantur. *Levit. c. 24. v. 26.* Jure Can. antiquo Clerici blasphemi deponerentur, Laici excommunicabantur *can. 10. caus. 22. quest. 1.* postea præter penitentiam publicam multa pecuniaria

P. Adami Huib.

Q q

est

est exacta, c. 2. b. t. rursus alia poenae in Clericos aequae laicos blasphemantes a Leone X. Julio III. & S. Pio V. statutae. De Jure Civili Nov. 77. c. 1. §. 2. praeter amputationem linguae decretum est ultimum supplicium, quod in blasphemos saltem erga Deum disjunctive innovavit Carol. V. in Recess. August. de an. 1548: art. 1. §. 2. hodie de utroque jure est arbitraria, Concor. Jus Palat. par. 5. Tit. 8. Crimen blasphemiae est mixti fori, c. 2. b. t. nisi sub ratione haereticis & non blasphemiae tantum in iudicium deduceretur.

Resp. 2. Detractores & convitiatores respectu privatorum, praeterquam quod se reos faciant peccati mortalis, & ad famae reparationem in conscientia teneantur, in foro externo actione injuriarum conveniri possunt. L. 15. §. 25. ff. de L. 9. Cod. de injur. adeoque poenae arbitrariae obnoxii sunt. De Clericis maledicentibus vide can. 5. dist. 46. 2. Eodem modo si quis maledixerit Principi saeculari, aut Imperatori, hodie poenae arbitrariae locus est, nisi essent verba ad seditionem aut rebellionem, & ita ad crimen laesae Majestatis spectantia, arg. cap. 1. b. t. 3. Si quis maledixerit summo Pontifici, est quoque poena de jure communi arbitraria, c. 1. b. t. etsi conveniens sit Papam Christum in terris Vicarium imitari illius mansuetudinem, injuriam illatam remittendo. arg. can. 27. caus. 23. qu. 4. L. 10. C. de Episc. & Cleric. Quae de maledicis & blasphemis dicta, eo suo modo spargentibus libellum famosum sunt applicanda.

T I T U L U S XXVII.

De Clerico excommunicato, deposito, vel interdicto ministrante.

Quest. un. Qua poena afficiantur Clerici censurati, si ministrent in censura? R. Clericus temere exercens actum Ordinis, eumque proprium, dum est innodatus excommunicatione, suspensione (quae hic convenit cum depositione) interdicto personali, praeter reatum peccati mortalis, quem contrahit, est deponendus perpetuo, sc. per sententiam judicis, c. 4. b. t. privandus beneficiis, c. 6. eod.

6. *cod.* fit ipso jure & facto irregularis; ut de suspensio constat ex *c. 9. b. t.* de interdicto ex *c. 18. §. fin.* & *c. 20. de sent. excom. in 6.* de excommunicato ex *can. 7. caus. 11. q. 3.* si irretitus sit excommunicatione majori; non vero si minori tantum; *c. fin. b. t.* perinde autem est, siue sit excommunicatus vitandus, siue non. Ratio; quia jura indistincte loquuntur. Ob eandem rationem Clericus minorista censuratus exercens actum proprium sui Ordinis solemniter & quasi ex officio; fit irregularis. *Leur. b. t. q. 402.* ait, dubitantem utrum sit excommunicatus; nec ne, si stante dubio exerceat actum Ordinis proprium; incurrere irregularitatem; siue dubitet de jure, num excommunicatio sit legitime lata; siue dubitet de facto, an sit excommunicatus. Primum arg. ex *c. 5. b. t.* secundum ex *c. 12. de homic.* Ratio utriusque in *cit. c.* eadem datur, quod in dubio pars tutior sit eligenda; quod tamen Sanch. in Decal. *L. 1. cap. 10. nu. 11.* dicit, tantum debere intelligi de consilio, non de præcepto.

T I T U L U S XXVIII.

De Clerico non ordinato ministrante.

Quest. un. *Quas penas incurrat Clericus actum Ordinis exercens, quem non habet?* R. Clericus serio; scienter, & temere exercens actum Ordinis; quo non est insignitus, incurrit 1. Irregularitatem: vicus Diaconus si celebraret missam, ad Sacerdotium promoveri non posset &c. *c. 1. b. t.* & quidem juxta *c. 2. cod.* in perpetuum incurrit irregularitatem illam partialem, obstantem susceptioni Ordinum ulteriorum. 2. Suspensionem ferendæ sententiæ ab exercitio Ordinis proxime suscepti per triennium; *c. 2. b. t.* 3. Excommunicationem etiam ferendæ sententiæ, *c. 1. b. t.* Videatur Schmalzgr. a *n. 2. b.* usque ad 20. ubi etiam ait contra multos, a Laico exercente actus Ordinum etiam majorum irregularitatem non incurrere, eo quod irregularitas hæc in laicos nullibi sit statuta; interim tamen non tantum peccat gravissime; sed & Curiæ sæculari simile quid attentans est tradendus, quo debitæ poenis afficiatur, prout præjudiciis confirmat Pichl. *b. t. n. 4.*

T I T U L U S XXIX.

De Clerico per saltum promot.

QUÆST. un. *Quibus penis subiectus sit Clericus per saltum promotus, ille scil. qui non gradatim, sed omisso uno vel pluribus Ordinibus intermediis ad superiorem ascendit?* R. Valet quidem Ordo per saltum collatus juxta *c. un. b. t.* Episcopatu excepto, qui Sacerdotio, quod essentialiter præsupponit, non collato non valet; interim tamen Clerici per saltum promoti pena est suspensio ab Ordine sic suscepto ipso jure incurſa, donec omissus Ordo suppleatur, *c. un. cit.* & arg. *Trid. Sess. 23. c. 14. de ref.* & si in Ordine per saltum suscepto attentaverit ministrare, incurrit irregularitatem, quia est violator censuræ; a qua irregularitate, nisi occulta adhuc foret, per Episcopum non posset dispensari *Sess. 24. c. 6. de reſor.* licet huic dispensare concessum sit in suspensione, quam incurrit non gradatim promotus, *c. un. b. t. & Trid. Sess. 23. cap. 14. de ref.*

T I T U L U S XXX.

De eo, qui furtive Ordinem suscepit.

QUÆST. un. *Qualiter puniatur. Ordinem furtive suscipiens?* R. Clericus, qui vel in examine rejectus, vel absque examine, simulque absque consensu & licentia Episcopi Ordinatoris dolose cæteris Ordinandis se ingessit, vel qui uno eodemque die duos Ordines prohibitos suscepit, licet ordinetur *valide* regulariter loquendo, arg. *c. 1. b. t.* est tamen ipso jure suspensus ab executione Ordinis furtive suscepti. Engel *b. V. pena*, & si Episcopus suspensionem hujusmodi prohibuerit sub excommunicatione, tanquam excommunicatus suspenditur ab executione etiam cæterorum Ordinum rite susceptorum; adeoque nullum exercere potest, absque irregularitate, quam tamen non videtur incurrere per suspensionem furtivam. Ratio, quia id jura non exprimentur clare. Schmalzgr. *b. n. 8.* Deinde cum furtive sus-

ſcientē Ordinem diſpenſare poteſt Epiſcopus, ſi ſpecialis prohibitio ab Epiſcopo ſub excommunicatione facta non præceſſit, vel delictum ſit adhuc occultum; ſecus ſolus S. Pontifex. *Text. & DD. in c. 1. & ſeq. h. t.*

T I T U L U S XXXI.

De Exceſſibus Prælatorum & Subditorum.

Queſt. 1. *Quinam ſint exceſſus Prælatorum Eccleſiaſticorum contra ſubditos, id eſt, qualiter delinquant Epiſcopi & Epiſcopis inferiores in ſubditos?* R. 1. Epiſcopi & hiſ majoribus delinquant 1. ſi ſubditos gravent iniquis exactionibus, vel vexent cenſuris injuſte illatis, *c. 1. h. t.* 2. Si quid imperent inferioribus contra eorum privilegia, *c. 5. & 7. h. t.* 3. Si jura inferiorum imminuant, aut liberent Eccleſias eis ſubjectas a ſubjectione, *c. 2. h. t.* 4. Si Eccleſias & beneficia Eccleſiaſtica indignis conferant *c. 11. eod.* 5. Si Sacerdotes ſibi ſubjectos cogant ad revelanda peccata, *c. 13. eod.* 6. Si gravamina Religioſis inferant, de quibus vide *c. 16. & 17. h. t. & Clem. un. eod.*

Reſp. 2. Prælati inferiores Epiſcopis delinquant 1. uniendo Eccleſias ſibi ſubjectas absque conſenſu Epiſcopi *c. 8. h. t.* 2. cognoscendo cauſas matrimoniales, imponendo pœnitentias publicas, concedendo indulgentias, *c. 12. h. t.* ſi nec habeant ſpeciale privilegium, nec territorium proprium cum juriſdictione quaſi Epiſcopali. 3. erigendo monaſteria contra formam a jure & Conſtitutionibus Pontificiis præſcriptam, de quo vide *Leun. h. t. Q. 419. per totam.*

Q. 2. Quot modis peccent ſubditi contra ſuos Prælatos? R. Præter innumera delicta, quæ in ſuperiores poſſunt committi, notantur maxime in *h. t. ſeqq.* 1. ſi ſubditi non obſervent feſtivities, cenſuras, interdicta ab Epiſcopis lata; cum adeo Religioſi etiam exempti quoad talia parere debeant. *c. ſin. h. t. Trid. ſeſſ. 28. c. 12. de R. & gul.* 2. ſi a beneficiatis aſſumatur Perſonatus, vel cauſa poſſeſſionis mutetur, *c. 6. h. t.* 3. ſi plures Clerici, absque authoritate Epiſcopi erigant Collegium, conſtituant ſigillum, aliaque Collegiorum jura ſibi attribuant *c. 14. h. t.* 4. ſi contra juramentum aut homagium Epiſcopo præſtitum

vel Dominum suum cum negent, vel coram iudice sæculari illum conveniant, c. 15. h. t. 5. quando violatur clausura Monialium, de quo vide c. un. de statu Regul. in 6. Frid. sess. 25. c. 5. de Regul. Const. Circa Pastoralis. S. Pii V. Const. Decor, ejusdem &c. item Pichler h. t. n. 5. & seq. Leur. Lib. 3. Decret. tit. 35.

T I T U L U S XXXII.

De Novi Operis Nuntiatione.

Quest. 1. Quid sit, & quotuplex novi operis nuntiatione? R. 1. Cum tam prælati, quam subditi peccare possint, pia loca aut domos ædificando in damnum vel præjudicium Ecclesiarum vicinarum, aliorumve locorum piorum, hinc priori subjungitur titulus de novi operis nuntiatione, quæ est legitima prohibitio, ne Ecclesia, monasterium, aliudve opus novum extruatur, aut exstructum immutetur, aut incepta extruptione vel immutatione pergatur, donec constiterit de ædificantis jure, aut præstita sit eo nomine satisfactio L. 1. §. 11. ff. h. t. A Jure quidem civili ortum habet novi operis nuntiatione, ad cujus imitationem Canones jus prohibendi ædificium novum induxerunt, uti habetur in c. 1. h. t. in quo capitulo regula generalis statuitur, jus Civile Canonico, & contra debere succurrere.

Resp. 2. Alia est operis novi nuntiatione publica, quæ a Magistratu; alia privata, quæ fit privata autoritate. Utraque est Vel realis, quæ fit per appositionem manus, vel etiam (si in nostro ædificatum) opus destruendo. L. 7. §. 3. ff. quod vi aut clam, vel verbalis; dum solis verbis utimur.

Q. 2. Quinam nuntiare opus novum possit, & cui id nuntiarum? R. ad 1. Nuntiare potest omnis de populo, si opus novum fiat in præjudicium Reip. L. 3. §. ult. & L. 4. ff. h. t. sin. præjudicet privato, is, qui habet jus reale in eo loco, in cujus damnum ædificatur. L. 1. §. 19. & L. 3. §. 3. ff. h. t. vide Engel h. n. 4. ubi cautelam præscribit, ne ansa detur calumniosis denuntiationibus.

Resp. ad 2. Nuntiarum potest omnibus sive contra omnes, etiam contra superiorem opus novum molientem, L. 8.

L. 8. princ. ff. b. t. & vel ipsi in faciem, vel etiam eo absente fabris, opificibus, servis nuntiatio fieri potest. *L. 5. §. 3. ff. b. t.* modo fiat in vel prope locum, in quo sit opus novum. *L. cit. §. 2. &* modo opus sit novum, si enim ædificium vetus fulciatur, vel reficiatur forma antiqua non immutata, locum non habet nuntiatio. *L. 1. §. 2. ff. b. t.* nec locum habet, si opus jam sit perfectum, cum tunc recurri debeat ad interdictum, *quod vi aut clam. L. cit.* nec, si non sit opus solo conjunctum vel conjungendum; unde si quis messem colligit, putat vineam, hæc nuntiatio non datur. *L. 1. §. 12. cod. nec locum habet, si quis in suo ædificaverit; arg. L. 8. C. de servit. & aq.* nisi vicinus habeat in ædibus volentis ædificare servitutem urbanam &c. de quibus Engel *b. post n. 6. W. excipiuntur.*

Q. 3. Quis sit effectus nuntiationis novi operis? *R. 1.* Facit, ut is cui nuntiatur, siue cui prohibetur opus novum, statim debeat desistere, quoad re examinata constet de ædificantis jure. *L. 8. §. 4. ff. b. t.* id ni fecerit, propriis impensis demoliri debet, quidquid ædificaverit. *L. 1. & 20. §. 1. ff. b. t.* siue dein fuerit Ecclesia in præjudicium alterius constructa, *c. 1. b. t.* siue etiam juste aut injuste ædificantum, *c. 1. cit. & cit. L. 20. §. 2.* Imo opus in eo, *quod possidemus*, factum propria autoritate incontinenti potest destrui. *L. 27. ff. de serv. urb. præd.* Post nuntiationem vero, ubi ædificans perrexerit, licet in fundo suo, potest nuntians propria autoritate ædificatum destruere, aut vi adhibita ab ædificando repellere. *arg. tot. tit. ff. quod vi aut clam.*

Resp. 2. Nuntiationis effectus cessat 1. si iudex videat nuntiationem notorie esse frivolam, aut injustam. *L. 20. princ. ff. b. t.* 2. si nuntiatum cautionem præstiterit de opere demoliendo iterum, si apparuerit jus ædificandi sibi nullum fuisse. *L. 20. §. 9. ff. b. t.* 3. morte nuntiantis, re adhuc integra. *L. 8. §. 6. ff. b. t.* 4. remissione a nuntiante nuntiatio facta *c. 2. b. t.* 5. si iudex nuntiationem quam ipse fecit, revocavit, vel remisit ab alio factam *L. 16. ff. b. t.* 6. si periculum in mora sit, & dilatio ædificii cessura sit in grave damnum volentis ædificare. Shmalzgr. *b. n. 34.*

TITULUS XXXIII.

De Privilegiis & Excessibus Privilegiatorum.

Quest. 1. *Quid sit privilegium?* R. Cum inter species excessuum numeretur etiam alteratio privilegiorum per c. 7. h. 1. hinc de iis hic agitur: definitur autem privilegium, quod sit *jus singulare in certâ alicujus personæ, rei, vel causæ favorem ac gratiam a superiore constitutum*; vel ut Schmalzgr. ait h. n. 2. est *lex privata speciale aliquod beneficium vel favorem contra aut præter jus concedens*, n. 4. & seq. ostendit, quomodo a lege dispensatione, gratia, rescripto differat.

Quest. 2. Quotuplex sit privilegium? Resp. Dividitur 1. in reale & personale. *Personale* est, quod immediate & directe confertur alicui personæ certæ & determinatæ in favorem ipsius, v. g. privilegium non recitandi Breviarium. *Reale*, quod mediate tantum confertur personæ, immediate autem & directe rei alicui a persona distinctæ inhærent, sive dein res illa sit locus, fundus, sive communitas, dignitas. *Personale* cum persona expirat, *reale* ad eos transit, apud quos res reperitur. In dubio præsumitur esse *reale*, si favorabile sit; *personale*, si odiosum, c. 15. & 28. de R. J. in 6. 2. Dividitur privilegium in *concessum motu proprio*, quod independentem ab alterius precibus datum, vel si ad alterius preces sit concessum, clausulam habet annexam: *motu proprio*, & in *concessum ad instantiam*, quod ad supplicantis preces & absque dicta clausula est obientum. Prius est plenissimæ interpretationis, cap. 4. de præb. in 6. In posteriori subintelligitur, si preces veritate nitantur, qua deficiente ob vel subreptionis arguitur. cap. 2. de rescript. 3. Dividitur in *clausum Corpore juris*, quod inter alias LL. Corpori Juris insertum est, ut privilegia Ecclesiarum Ecclesiasticorum, studiosorum: & in *speciali concessione indultum*, vel cerræ alicui personæ, vel Communitati, vel loco per diploma & literas speciales. *Clausum Corpore juris* transit in jus commune, sit illius pars, a judice

dicere ignorari non debet, est ordinarie perpetuum, recipit amplam interpretationem, quæ omnia fere secus obtinent in privilegiis extra Corpus Juris. 4. Dividunt ulterius AA. privilegium in *commune* & *privatum*: in *affirmativum* & *negativum*, in *mere gratiosum*, *remuneratorium*, & *onerosum*: in *per se primo* & *ad instar concessum*: in *favorabile* & *odiosum*: in *concessum contra, ultra, præter jus commune*, &c.

Q. 3. Quis concedere privilegia possit, & cui ea possint concedi? Resp. ad 1. Omnis & solus, qui legem potest condere; quia privilegium est lex privata; in specie S. Pontifex in materia spiritali indistincte, in temporalis per se & directe in territorio proprio: Episcopi & alii Prælati Papa inferiores, per cap. 14. b. t. non tamen contra jus commune, nisi id per consuetudinem vel alia via obtinuerint, Imperator, Reges, & Principes temporales in sua materia & ditione; alii Magistratus superiorem recognoscentes in privilegia in iis tantum dare possunt, in quibus & ipsi Leges vel statuta condendi facultatem habent.

Resp. ad 2. Privilegia præter jus & mere concessiva gratiæ etiam non subditis dari possunt; quia meram liberalitatem continent. Privilegia contra jus nonnisi subditis. Ratio, quia dispensatio, quam involvit privilegium contra legem, est actus jurisdictionis voluntariæ, quæ nonnisi in subditum potest exerceri.

Q. 4. Qualiter in specie acquirantur privilegia? Resp. Ut dictum, Concessione superioris legitimi, ad quam tamen ut valeat, nec iusta causa, nec scriptura, nec promulgatio regulariter requiritur. Ratio, quia privilegium dependet unice a voluntate superioris illud concedentis. Engel b. num. 8. ait, de stylo Curie Rom. & ex Regul. Cancel. 25. de non judicando juxta formam supplicationis, sed literarum expeditarum, gratias ante expeditionem dici informes, & nulli suffragari dispensationes (secundum nos quoad forum externum) sive in, sive extra judicium, antequam super iis literæ Apostolicæ sint confectæ. Ratio, quia quod S. Pontifex in signatura ad libellum supplicantis simpliciter concedit per verbum fiat, id in expeditione cum certis clausulis extenditur vel limitatur, Ad quæ porro privilegia scriptura requi-

quiratur vide Trid. *Sess. 23. c. 1. de ref. Sess. 25. de Regular. c. 5. de Reg. 27. Cancell. juxta ordinem a Clement. XI. observatum. Extrav. 1. inter comm. de elect.*

Resp. 2. Acquiruntur privilegia *Communicatione*, dum superior privilegium, quod uni personæ vel Communitati simpliciter concessit, etiam ad aliam extendit: sic hoc dupliciter, scil. vel *absolute & pariformiter*, dum personæ vel Communitati superior communicat privilegium per se, & absque respectu ad alios, quibus id jam concesserat, Vel *ad instar & relative* ad alios, quibus jam ante idem privilegium erat concessum, v. gr. si Princeps dicat Mævio, *concedo tibi privilegium idem, quod Titio concessi*. Si fiat ad instar, *non per se, & non æque principaliter*, sed *propter connexionem & accessorie*, uti subinde communicantur privilegia Religiosorum eorum familiaribus, Dominorum servis, aucto vel imminuto, vel amisso respectu principalium privilegio, augetur, minuitur, amittitur in persona eorum, quibus communicatum est; quod secus est, si *ad instar directe, per se & æque principaliter* concessum sit; & ultimo hoc modo Regulares Ordinum Mendicantium omnes habent *generalem* mutuam privilegiorum communicationem inter se, imo etiam, sed non mutuam, cum Religiosis Ordinum non Mendicantium. Vide Pichl. *b. n. 13. Reiffenst. num. 57. b. Schmalzgr. a n. 77. b.*

Resp. 3. Acquiruntur privilegia *Consuetudine vel præscriptione*, vel potius consuetudo & præscriptio non immemorialis tantum sed etiam minoris temporis vim privilegii habere potest. *c. 13. de jud. cap. 9. de off. judic. Ord. c. 13. de for. compet. c. 26. W. præterea. de V. S.*

Q. 5. *Qualiter in usu privilegiorum se gerat privilegiatus?* Resp. 1. Nemo uti cogitur privilegio suo. *c. 6. b. t. nisi sit privilegium toti alicui Communitati concessum c. 12. de for. compet. vel aliunde superveniat obligatio, utendi privilegio, ut exemplificat Pirh. b. t. n. 125.* 2. Uti licet privilegio illimitate concessio, si sit personale, etiam extra territorium concedentis; quia privilegium personale inhaeret personæ, & concessio privilegii est actus jurisdictionis voluntariæ. 3. Uti potest privilegiatus suo privilegio, non obstante alterius privilegio, dum duo sunt privilegiati quoad eandem rem, v. g. quoad

quoad non solvendas decimas; quia alias implicaret idem privilegium exemptionis duobus concedi. Item uti potest privilegiatus suo privilegio contra privilegiatum, licet sibi privilegia aliquo modo opponantur: si enim tantum opposita sint quoad speciem, idest, si unum habeat imbibitam conditionem, nisi pars altera exempta sit, vel si unum sit speciale, alterum generale, patet, locum esse usui privilegii per *c. 34. de R. J. in 6.* Si utrumque est generale, vel utrumque speciale, præfertur privilegium a superiore concessum, aut si concedentes ejusdem sint potestatis, quod est antiquius. Pichl. *b. n. 23.* ex Haunold. Suarez &c. 4. Demum ex Engel *b. n. 12.* notandum, quod, si privilegium ad instantiam privilegiarii vel procuratoris sui concessum est, a die dati privilegii valeat, adeo ut ab hoc die privilegiatus super decimis non solvendis possit cessare; quia quando privilegiatus supplicat & superior concedit, jam adest consensus mutuus & perfecta donatio; secus autem est, si vel motu proprio, vel ad instantiam tertii alicujus absque mandato privilegiati fuerit concessum, tunc enim ante acceptionem, sicut alia quævis donatio, effectum non habebit. *L. 10. ff. de dona. c. 17. de præb. in 6.*

Q 6. *Quæ interpretatio & quæ extensio in privilegiis fieri possit?* Resp. ad primum 1. In interpretatione privilegii servari debet proprietas verborum. Ratio, ne alias in privilegiis nihil sit firmum. 2. Nunquam ita stricte fieri debet interpretatio, ut sit inutile. *L. 5. C. de LL.* quia non decet, Principem vanam & frustraneam actionem facere. 3. Privilegium mere favorabile, & in nullius præjudicium cedens late est interpretandum, licet lata interpretatio forte in præjudicium concedentis cedat. *c. 15. de R. J. in 6.* 4. Privilegium odiosum, quale est derogans juri communi, vel statuto & consuetudini juri communi non contrariæ, vel cedens in præjudicium tertii, strictæ est interpretationis. *c. 15. cit.* Limitationes vide apud Pichl. *b. t. n. 16.*

Resp. ad secundum 1. Privilegium, favorabile licet non extendi potest ad alios, quam qui in eo expressi sunt vel formaliter, vel *virtualiter* saltem. Ratio, quia vis privilegii pendet ex intentione concedentis, hæc significatur per verba, ergo ultra verborum proprietatem fieri

nequit extensio. 2. Præcedens ratio probat, quod etiam extendi non possit privilegium ad casus alios aut personas, pro quibus similis vel efficacior ratio militat.

Q. 7. Quomodo cessent aut amittantur privilegia? Resp.
 1. Per *interitum personæ privilegiatæ*, si est personale *cap. 7. de R. J. in 6.* per *interitum rei totalem*, & absque spe reedificationis factum, si est privilegium reale. *c. 25. de V. S. in fin. c. 2. de Religios. dom.* Per *mortem concedentis*, etiam re integra, non amittitur privilegium regulariter. *c. 9. de off. deleg. in 5. c. 36. de præb. in 6.* nisi gratia sit modo *facienda*, v. g. per Executores. Engel *b. num. 15.* 2. Per *lapsum temporis*, pro quo concessum, vel si non impleta, nec implenda sit conditio, sub qua concessum. *c. 4. de off. deleg.* 3. Si *cesset contrarie causa finalis*, & privilegium deroget juri vel communi, vel alicujus tertii, simulque tractum habeat successivum, cessat eo ipso etiam privilegium, licet necdum obinuerit effectum integrum. *c. 60. de appell. c. 12. de Cler. non resid.* 4. Per *renuntiationem liberam expressam* privilegiati, si privilegium in ipsius solius favorem concessum sit, amittitur privilegium. *c. 6. b. t.* 5. Per *renuntiationem tacitam*, quæ sit *non usu vel usu contrario*; & quidem amittitur privilegium per *non usum omissum*, id est, si fuit occasio privilegio utendi, & tamen quis illo usus non est, licet sub *conditione usus concessio*, arg. *L. penult. cod. de servit. L. un. ff. de nund.* eodem modo per *non usum* amittitur privilegium affirmativum, tam per viam præscriptionis, quam tacitæ renuntiationis, si illud privilegium in aliorum gravamen redundat. arg. *L. 6. ff. de servit. Præd. Urb.* Per *usum contrarium*, seu per actum repugnantem non quidem amittitur privilegium affirmativum, cum huic tantum sit contrarius non usus: nec privilegium negativum mere favorabile, v. g. non jejnandi, quia amissio hujus per usum contrarium non probatur; amittitur tamen per usum contrarium, vel via præscriptionis, vel tacitæ renuntiationis, privilegium negativum aliis onerosum, quale est non solvendi decimas. Pirh. *b. t. n. 178.* 6. Per *abusum privilegii*, vel extendendo illud ad non concessa, vel sumendo exinde ansam in concessione indulti intentum, amittitur privilegium, non tamen ipso facto regulariter, sed

Ted per sententiam. Ratio, quia *can. 7. dist. 74. cap. 24. b. t. c. 45. de sent. excommun.* solum dicitur, abutentem mereri amittere privilegium. Excessus sive abusus ejusmodi recensentur in *c. 3. 5. 10 11. b. t. c. 8. in 6. Clem. 1. eod. 7.* Per *revocationem expressam, vel tacitam* privilegiantis, ejusve successoris aut superioris privilegiato intinuatam. *cap. 1. de Constit. in 6. c. 1. & de R. J. Pichl. b. n. 25. & n. 26.* ait, illa privilegia Regularium ipsis ante Trid. concessa, per hoc censi revocata, quæ decretis Tridentini adversantur, saltem si his illa decreta expresse derogent. *Trid. Sess. 25. c. 20. fin. & c. 22. de Regular.* Damnata ab Alex. VII. *Regulares possunt uti privilegiis, quæ sunt expresse revocata a Conc. Trid.* Non tamen illa, quibus per nullam clausulam derogatoriam vel revocatoriam derogant decreta Trid. ita præter rationes praxis probat. Agit hic Engel a *n. 22. ad fin. de privilegio exemptionis a Jurisdictione Episcopi vel Ordinarii, qui videri potest.*

TITULUS XXXIV. & XXXV.

De Purgatione Canonica, & Vulgari.

Quest. 1. *Quid sit Purgatio Canonica, & quomodo fiat?*
 Resp. Ne quis de crimine vel excessu, de quibus hactenus, condemnatur innocens, agitur hic de *Purgatione, quæ est ostensio innocentie de objecto crimine; si est ostensio innocentie super objecto crimine secundum præscriptum Canonum, dicitur Purgatio Canonica; si est ostensio innocentie, vel probatio criminis ex supersticiosa observatione, vulgi moribus introducta, dicitur Purgatio Vulgaris, quæ prohibita est, & de qua postea.*

Resp. 2. Olim fiebat purgatio Canonica vel per iudicium S. Crucis, vel per juramentum tam ab Accusatore, quam a Reo præstitum ad sepulchra vel Reliquias Sanctorum. *can. 6. 7. 8. caus. 2. q. 5. vel per susceptionem Eucharistiæ, aut Missæ celebrationem. can. 25. & fin. caus. & q. cit.* Hodie dum iustis de causis modi illi se purgandi sublati sunt, observatur forma *c. 5. b. t. vicus* accusatus, *alias honestæ vitæ*, aut publice diffamatus de crimine, *cujus convinci nequit, & quod tamen*
 ali-

aliter dilui non potest, tactis SS. Evangeliiis jurare debet de innocentia sua, etiamsi Episcopus esset. 2. Debet adhibere *compurgatores*, prout qualitas personæ, vel criminis exigit; plures aut pauciores, qui juramentum credulitatis de innocentia rei deponant. 3. Juramentum utrumque alius, quam judex competens, qui judicare alias de crimine posset, nequit exigere. c. 6. 10. 15. b. t. &c. Vid. Schmalzgr. a n. 9. b. t.

Q. 2. *Quis sit effectus Purgationis Canonice?* Resp. 1. Si debite & legitime sit facta, absolvendus est ita se purgans non tantum a suspensione ab officio & beneficio, sin illa ob crimen objectum, vel scandalum ab initio fuit inflicta, sed etiam ab ipso crimine objecto; & infamia ex crimine objecto proveniens hoc ipso tollitur: ac ordinarie accusatus semel de crimine facta desuper legitima purgatione de eodem denuo nequit accusari. Leur. b. t. q. 467. & 468.

Resp. 2. Si vero diffamatus deficiat (quod potest varie contingere,) habetur pro convicto, potestque judex secundum multos etiam poenam ordinariam tali Reo infligere: Schmalzgr. n. 40.

Q. 3. *Quid de Purgatione Vulgari dicendum?* Resp. 1. Definitio data est b. t. n. 1. Fieri solebat vel per ignem, vel aquam ferventem; vel frigidam, vel per monachiam. 2. Quatuor illi modi se purgandi sunt certum de jure naturali, tum positivo illiciti; quia præter gentilitatis ritus continent Dei tentationem. 3. Ex eadem ratione illi actus illiciti sunt in quibus miraculosa divinæ virtutis operatio exspectatur. 4. Nec cruentatio cadaveris sufficiens probatio est; occisum esse hominem ab eo, ad cujus præsentiam sanguis profluit; cum id potius casui sit tribuendum. 5. Licet caute sit procedendum, & res sit periculosa videtur tamen provocatio ad divinum tribunal debito modo & fine facta licere. Patet Gen. 15. 1. Reg. 24. ratio; quia per talem provocationem debite factam appellatur ad judicem superiorem. 6. Id postremo hic notandum, quod sententia ex purgatione vulgari lata post fatalia appellationis possit retractari: c. 8. de purg. Can. c. 6. de except. totit. cod. de fals. instrum. L. 4. cod. de sent. & interloc.

T I T U L U S XXXVI.

De injuriis & damno dato.

Quest. 1. *Quid sit injuria & quotuplex?* Resp. 1. Injuria, quacum subinde fiunt delicta; vel sumitur *generaliter* pro omni eo, quod contra alium non fit iuste, vel *specialiter*, & est delictum, quo alterius honor aut existimatio dolo malo leditur. Unde si dolus, sive animus injuriandi absit, injuria non committitur, v. gr. si quis in colloquio verbum quodpiam ad alterius injuriam pertinens inconsiderate profert, vel si quis vi status sui quid injuriosum dicat aut faciat v. g. præceptor respectu discipuli, cessabit actio injuriarum: §. 11. *Inst. b. t. L. 3. §. 1. & 3. ff. eod.* Caterum in dubio animus injuriandi præsumitur ex verbis aut factis: *L. 5. C. b. t.*

Resp. 2. Injuria alia est *verbalis*, quando alicui vel præsentī vel absenti convitium fit, sive falsum sit crimen, sive verum; dum non interest Reip. id propalari: §. 1. *Inst. b. t. L. 15. §. 7. & seq. ff. L. 10. C. de injur.* quod etiam reducitur, quæ fit *scripto & libellus famosus* nominatur. Alia *realis*, quæ facto aliquo irrogatur, ut si quis alterum pulset, domum ejus vi introeat &c. *L. 5. & 15. §. 27. ff. b. t.* Deinde potest injuriam quis inferre per se ipsum & immediate; vel mediante alia persona, eaque potest esse vel *gravis*, vel *levis* &c.

Q. 2. Quinam inferre aut pati injuriam possint? Resp. ad 1. Inferre injuriam possunt soli & omnes doli capaces: *L. 3. §. ff. b. t.* etiam Magistratus: *L. 32. ff. eodem.* etiam Orator Ecclesiasticus: arg. *L. cit.*

Resp. ad 2. Pati possunt injuriam homines quicunque; licet sint usu rationis destituti. *L. 3. §. 1. ff. b. t.* imo & quis injuriam pati potest mediante alia persona immediate injuriata, quæ sibi conjuncta potestati suæ vel affectui subjecta est; ita ut talis etiam nomine proprio actionem injuriarum possit instituere. §. 1. *Inst. L. 1. §. 3. & 5. L. 15. §. 48. ff. b. t. cap. 21. de sent. Excomm. in 6.*

Quest. 3. Quænam actio in foro externo detur injuriato contra injuriantem? Resp. 1. Præterquam quod teneatur injurians in conscientia ante omnem judicis sententiam

tentiam reparare honorem; hic adversus injuriantem habet tam actionem Criminalem juxta §. 10. *Inst. b. t.* quam Civilem, eamque vel *penalem ex Jure Prætorio* ortam, quæ & *æstimatoria* dicitur, qua læsus petit, ut sibi reus persolvat æstimationem injuriæ? vel *Civilem penalem ex L. Cornelia descendente*, qua vindicantur quædam injuriæ reales. §. 8. *Inst. & L. 5. pr. ff. b. t.* daturque vel ad æstimationem injuriæ pro læso, vel ad multam pecuniariam pro fisco, vel ad afflictivam corporis. *L. cit.* Vel denique habet injuriatus actionem *Civilem rei persecutoriam*, hoc est, *recantatoriam*, sive *ad palinodiam*, ita consuetudo habet. 2. Actio Civilis pœnalis & criminalis non cumulative datur, sed disjunctive; quia utraque refertur ad eundem finem, scil. punitiōnem; recantatoria tamen cum civili, vel criminali cumulari potest. arg. §. 1. *Inst. si quadrupes pauper*. 3. Actione *ad palinodiam* juxta multos excepta, omnis actio injuriarum est personalis, tamosa tamen. §. 10. *Inst. b. t.*

Qu. 4. *Quibus modis tollatur seu cesset actio injuriarum?* Resp. Morte tam injuriantis, quam injuriati, si hæc contingat ante litem contest. *L. 13. pr. ff. b. t.* nisi simul damnum sit datum, hoc enim pro viribus hæreditariis ab hæredibus est resarciendum. *c. fin. de sepulch. c. 5. de raptor.* 2. *Remissione seu condonatione*, eaque vel expressa per *L. 17. §. 12. ff. b. t.* ubi & dicitur, quinam loco aliorum injuriam remittere possint; vel tacita §. *fin. Inst. & L. 11. §. 1. ff. b. 3. lapsu unius anni*, si intentata sit actio criminalis. *L. 5. C. b. t.* 4. *Satisfactione* pro injuria. *L. 17. §. 6. ff. b. t.* aut *transactione & pacto* *L. 11. §. 1. ff. eod.* 5. *retorsione*, dum scil. injuria verbalis honoris tuendi causa per modum defensionis naturalis & moderaminis inculpatæ tutelæ in continenti in ipsum injuriantem retorquetur, v. g. dicendo, eum esse mendacem, vel mentiri ut furem, aut esse talem, qualem te dicit: & hæc retorsio licita est arg. *L. 3. ff. de I. & I.*

Qu. 5. *Quid de damno dato, secunda hujus tit. parte dicendum?* Resp. Per damnum datum hic & in *Institut. ff. ac Cod. ad L. Aquil.* non intelligitur illud, quo quis cum lucro suo alterius rem aut patrimonium imminuit, sed intelligitur imminutio rei vel patrimonii alterius per injustam corruptionem & deteriorationem,

nem, absque commodo & lucro damificantis. Si damnum datum sit *ex vero delicto*, dolo scilicet vel culpa propria, prodita est famosa actio *L. Aquile*; sin *ex quasi delicto*, succurritur per *Leges Noxales*, quæ dant *Actionem de Syndicatu*, vel *malejudicati* vel *actionem in factum* contra judicem ex errore aut malitia male judicantem: *Actionem de dejecto vel effuso* contra habitatorem domus: *actionem positi vel suspensi* contra ponentem vel suspendentem aliquid cum periculo commeantium: *actionem in factum* contra cauponem, nautam, stabularium: *actionem quadrupedariam* contra dominum animalis irrationalis, quod alteri damnum intulit. 2. Inferri damnum potest dolo, culpa, eaque vel lata, vel levi, vel levissima, & demum fortuito. 3. Ad compensandum damnum, ex mero casu fortuito ortum in nullo foro per se quis obligatur, *cap. unico, de Commod. L. 1. §. 4. ff. de O. & A. 4.* Ad compensandum damnum ex dolo malo aut ex culpa non juridica tantum, sed etiam Theologica saltem gravi, proveniens datur obligatio in utroque foro ante omnem sententiam: patet ex jure naturali. 5. Ad compensandum damnum ex culpa mere juridica vel ex quasi delicto non datur obligatio in conscientia ante sententiam judicis. Ratio, quia non ostenditur, unde talis obligatio nascatur. Vide Pichl. *h. t. n. 15.* quod tamen post sententiam judicis obligatio in & pro conscientia detur, probabilius defenditur cum cit. Pichl. *h. n. 17.*

Q. 6. *Utrum repressaliæ sint licitæ?* Repressaliæ græce *Androlepsie*, latine *pignorationes* sunt, si res & bona alicujus, vel etiam persona, capiuntur pro delicto aut debito alterius. 2. Generaliter hæc sunt illicitæ & prohibitiæ in *cap. unic. h. t. in 6. Nov. 82. cap. 1.* ubi injuriis annumerantur. Ratio, quia non est æquum, ob culpam & crimen alterius penam innocentem infligi. 3. In casibus particularibus & conditionibus certis concurrentibus licitæ esse possunt, si nim. fiant autoritate Principis, & juxta Schmalzgr. *h. n. 111.* & alios passim, talis, qui bellum possit indicare; si fiant prævia monitione ad compensandum damnum acceptum; nec directe & per se in personas innocentes, *cc. cit.*

T I T U L U S XXXVII.

De Pœnis.

Quest. 1. *Quid & quotuplex sit pœna?* Resp. 1. Pœna, quæ est pedissequa delicti, est iusta delicti coercitio. Quam definitionem latius explicant Pichl. & Schmalz. uterque *b. n. 2.*

Resp. 2. Civilistæ dividunt pœnam in *Conventionalem*, quam solvere tenetur is, qui contravenit contractui, altero cum observante, c. 4. *de arb.* ubi & notetur, c. 9. *b. t.* & in *Legalem* a LL. scil. introductam. *Legalem* in *Civilem*, quæ privatum interesse spectat, & *Criminalem*, quæ respicit interesse publicum; hanc in *Capitalem*, quæ adimit vitam vel *Civilem*, tollendo scil. libertatem aut civitatem, vel *naturalem*, per gladium, suspendium, ignem, objectionem bestiarum, submersionem in aquis, vel per rotam. Et in *Non-Capitalem*, quæ ad capitis periculum non pertinet, quo spectat relegatio, fustigatio, mutilatio, carcer, confiscatio bonorum &c. quamvis hodie plerumque pœnæ Civiles dicantur illæ, quæ non sunt directe corporis afflictivæ; criminales, quibus agitur ad pœnam corporis afflictivam: & hæ criminales dividuntur dein in *Capitales* & *non Capitales*. Item pœna *Legalis* alia est *Ordinaria*, alia *Extraordinaria*. De iure Can. dividuntur pœnæ in *Vindicativas* & *Medicinales*: in *spirituales* & *temporales*: in *positivas* per actionem aliquam vel delinquentis vel alterius infligi solitas, qualis esset solutio pecuniæ, verberatio; & in *privativas*, sine tali actione solitas infligi: in *ferendæ sententiæ*, quæ primum a iudice infligi debent, & in *latæ sententiæ*.

Q. 2. *Quis, qualem pœnam, & cui teneatur imponere?* Resp. ad 1. Iudex competens delinquenti *per se* tenetur infligere pœnam delicto statutam a LL. vel Canone, vel consuetudine, L. 1. §. 4. ff. *ad S. C. Turpil. canon. 3. dist. 4.* aut si determinata non sit a Jure, arbitrariam, quæ quandoque ad pœnam mortis extendi potest. Engel, *b. t. num. 2.* Deinde Princeps supremus habet ius aggratiandi tum in delictis contra Legem suam

suam L. 25. ff. de LL. tum in delictis contra Leges V. T. utpote quæ fuerunt mere judiciales, & per N. T. abolitæ cap. unico, de purif. post part. Jus aggratiandi etiam competit vel ex consuetudine vel ex privilegio Statibus Imperii in delictis contra LL. communes, quas vi superioritatis territorialis immutandi facultatem habent.

Resp. ad 2. Imponi possunt pœnæ soli homini delinquenti (regulariter ob. L. 5. §. 1. C. ad L. Jul. Majest. cap. 10. & 12. b. t. cap. 10. de heretic. cap. 15. eodem in 6.) Ratio, quia delicta tenere debent suos auctores; Imo jam mortuo subinde pœnæ, sed minus proprie dictæ, imponuntur, uti patet in cap. 12. de sepult. cap. 8. de heretic. L. 20. ff. de accus. L. fin. ff. & L. fin. cod. ad L. Jul. Mai.

Q. 3. An pœnæ, præsertim Canonicae in conscientia obligent ante, an post judicis sententiam? Resp. 1. Pœnæ ferendæ sententiæ, ut ex terminis constat, ante sententiam non incurruntur. Idem Pichl. ait b. t. num. 8. de pœnis conventionalibus. Rationem dat, quia pacificantes, dum non clare exprimunt, velle se, deberi pœnam ante omnem sententiam, censentur sequi naturam & regulam pœnarum juris communis. 2. Pœnæ latæ sententiæ, si positivæ sunt, etiam non incurruntur ante sententiam, saltem criminis declaratoriam. Ratio, quia contrarium ex nullo jure probari potest. 3. Pœnæ latæ sententiæ si privativæ sunt, privantes jure jam quæsito eodem modo non incurruntur ante sententiam declaratoriam, cap. 19. de heret. in 6. exceptis per tit. de sentent. Excomm. & can. si quis suadente, 29. caus. 17. quæst. 4. censuris, irregularitatibus, inhabilitatibus, impedimentis &c. 4. Pœnæ privativæ Juris quærendi, v. grat. reddendo inhabilem ad beneficium, adimendo fructus ob non emissam fidei professionem incurruntur absque omni sententia. Ratio, quia Leges hujusmodi pœnam irrogantes sunt conditionales adeoque conditione non impleta jus nunquam potest absolute obtineri.

Qu. 4. Quenam sint in specie pœnæ fori Ecclesiasticæ, sive pœnæ Canonicae? Resp. 1. De pœnis fori interni agitur Tit. seq. de Medicinalibus Tit. de sentent. excomm.

Vindicativæ spirituales pro foro externo sunt sequæ *Irregularitas*; & hæc est impedimentum Canonicum primo, per se, & directe impediens susceptionem Ordinum & susceptorum usum, consequenter etiam obtentionem beneficiorum, *cap. fin. de rescript. in 6. quibus tamen habitis non privat ipso jure, cap. 10. de excessu Prælati*. Deinde oritur vel ex delicto, quod debet esse externum, consummatum, & ex objecto ac materia gravi, cujusmodi sunt iterare baptismum: suscipere Ordines in censura, furtive, per saltum, sine dimissoriis, ante legitimam ætatem, patrare homicidium &c. Vel ex defectu natalium, originis, libertatis, ætatis, corporis, mentis, famæ, significationis Sacramentalis, lenitatis &c. Demum irregularitas ex delicto probabiliter incurritur etiam a non sciente, specialiter prohibuisse delictum Ecclesiam, aut ignorante irregularitatem esse annexam, *cap. 9. de Cler. excomm. ministr.* Ratio, quia irregularitas non est principaliter & proprie pœna, sed inhabilitas in reverentiam SS. Eucharistiæ & decentiam status clericalis statuta. An irregularitas incurratur a dubitante, utrum actus a se commissus obnoxius sit irregularitati, vide superius dicta, & *cap. 12. & 18. de homic. Secunde* Pœna Juris Can. est *privatio beneficii*, quæ est ejus & fructuum amissio aut ipso jure statuta, uti in *cap. 12. h. t. cap. 5. eodem in 6. Clem. 1. eodem* vel per *judicis sententiam* statuenda in casibus a jure expressis: quæ tamen in re praxis Curiarum attendenda.

3. *Depositio simplex*, quæ est pœna Ecclesiastica Clericis solis propria, qua quis vel ab Ordine, scilicet quoad exercitium, vel a Beneficio, ita ut plene amittatur simulque ad idem & ad alia inhabilitetur, vel ab officio v. g. jurisdictione vel ab omnibus simul per sententiam removetur in perpetuum. Infligitur hodie propter crimina valde scandalosa, *VViesn. h. t. num. 75.*

4. *Degradatio*, quæ est pœna gravissima, qua Clericus ob incorrigibilitatem & criminis atrocitatem solemniter non tantum Ordine, Beneficio, Officio Ecclesiastico, sed ipso statu Clericali, sive privilegiis *fori & Canonis* privatur, & traditur Curie sæculari secundum Leges puniendus. Alia est *verbalis*, alia *realis*, cujus solemnitas in *c. 27. de V. S. cap. 2. h. t. in 6. cap. 1. de heret.*

in 6. *Trid. sess. 13. c. 4. de ref.* describitur. Merentur illam
crimina certa atrociora, de quibus exempla habentur in
in *cap. 9. de heret. & 4. eod. in 6. cap. 7. de crim. falsi*,
can. 18. caus. 11. q. 1. c. 1. de homic. in 6.

Resp. 2. Pœnæ temporales tum corporis tum animi
afflictivæ de jure Can. sunt seqq. 1. *infamia*, de qua
Schmal. *b. t. a num. 155. ad 177.* 2. *multa pecuniaria*,
quam a Judice Ecclesiastico subinde infligi posse pra-
xis, ratio, autoritas Canonum suadet. 3. *condemnatio*
in expensas litis a victo præstandas, si victor petiit, &
cætera concurrant, quæ in *c. 4. b. t. L. 79. ff. de judic. c. 7.*
de injur. continentur. 4. *confiscatio honorum* juxta *c. 10.*
de heret. cap. 19. eodem in 6. c. 26. de V. S. 6. *Incarceratio*,
quæ nonnunquam custodiæ, alias pœnæ locum habet,
etiam respectu Clericorum per *c. 3. b. t. in 6.* 6. *Detrusio*
in monasterium, *flagellatio* vel *verberatio* recesserunt ex
usu, *exilium* tamen sive *Relegationem extra diœcesim* ju-
dex Ecclesiasticus decernere potest. Vide Schmalzgr. *b.*
num. 205.

T I T U L U S XXXVIII.

De Pœnitentiis & Remissionibus.

Quest. 1. *Quid nomine Pœnitentiæ veniat?* Resp. Post
pœnas fori externi, agitur de pœnis fori inter-
ni, seu pœnitentialis: porro Pœnitentia sumi-
tur tripliciter. 1. *Pro virtute speciali*, quatenus est de-
testatio & dolor de peccatis, prout hæc sunt offensa
Dei. 2. *Pro Sacramento Pœnitentiæ*, si interno dolori
confessio coram Sacerdote, hujusque absolutio accedat.
3. *Pro Satisfactione*, si accedat opus pœnale.

**Q. 2. Quid specialiter de Sacramento Pœnitentiæ di-
cendum?** Resp. Pœnitentiæ Sacramentum a Canonistis
definiri solet, quod sit Sacramentum, quo peccata post
baptismum commissa, & cum dolore ac detestatione
debita legitimo Ministro manifestata per virtutem cla-
vium, seu absolutionis Sacramentalis delentur, quoad
reatum culpæ potissimum. Unde 1. conformiter scripturæ
Joan. 20. CC. Later. Flor. & Trident. sess. 7. canon. 1. sess.
14. canon. 1. datur Sacramentum pœnitentiæ, idque

a Baptismo distinctum, ut patet ex *Act. 8. 1. Corint. 5. Flor. Trid. sess. 14. canon. 2. SS. PP.* a Christo Domino immediate (per modum judicii) institutum, non tantum quoad partem suam formalem; seu quoad potestatem absolvendi a peccatis, sed etiam quod partes materiales, quæ sunt *dolor, confessio peccatorum, & satisfactio*. Catholici omnes cum *Trid. sess. 7. canon. 1. & sess. 14. cap. 1. & can. 1. 2.* Primum Requisitum ex parte Ministri ad valorem Sacramenti Penitentiae est approbatio, sive judicium & testimonium de idoneitate ad excipiendas confessiones ab Episcopo datum in ordine ad absolvendos a mortalibus sæculares, & ad absolvendas Moniales ita necessarium, ut absque ea nec licite, nec valide absolutio detur. *Trid. sess. 23. c. 15. de refor. & Const. Gregor. XV. 3.* Alterum requisitum ex parte Ministri est *jurisdictio*, seu potestas in actu secundo data, qua quis super alios constituitur tanquam subditos in ordine ad absolvendum, eaque vel *Ordinaria* est, vel *delegata*, *Trid. sess. 14. cap. 6. & 7.* & quia jurisdictio non solet ab Ecclesia concedi illimitate, sed cum exceptione certorum peccatorum, quæ Superiorum absolutioni reservat, hæc dicuntur *casus reservati*, a quibus directe & per se absolvere non potest nisi reservans, vel ejus superior, aut quibus hi potestatem hanc delegant, aut quibus jus vel speciale privilegium eam indulget. Patet per se. Religiosi Mendicantes habent quidem facultatem a casibus Papalibus extra Bullam Cœnæ, non tamen a reservatis in Bulla Cœnæ, nec ab Episcopalibus absolvendi. *Urb. VIII. Const. 17. Novembr. 1628. Alex. VIII. damnans hanc propositionem 12. Mendicantes possunt absolvere a casibus Episcopis reservatis, non obtenta ad id eorum facultate. 5.* Jure divino obligantur omnes Christi fideles post baptismum lapsi ad confessionem peccatorum mortalium. *Trid. sess. 14. cap. 5.* non tamen statim, ut peccarunt, *c. 12. h. t.* Jure positivo singulis annis semel. *Trident. sess. 14. cap. 5. & can. 8. de sacram. Pen. & cap. 12. h. t.* ubi & pœnæ in negligentes confessionem annuam statuuntur. Per confessionem scienter invalidam præcepto huic non satisficit. *Alex. VII. in damn. propos. 14.* nec per ignoranter invalidam. *arg. L. 30. ff. de Testam. tut.*

Pichl. *h. num.* 15. agit de sigillo confessionis, quod iuxta omnes strictissime obligat ex ipsa rei natura, &c.

Q. 3. Quid statutum sit specialiter in hoc Tit. de Pœnitentia, quatenus est satisfactio pro peccato? Resp. 1. Pœnitentia sic considerata, si *Sacramentalis* est, est opus bonum pœnale a Confessario impositum pœnitenti in pœnæ temporalis, ex peccato residuæ, compensationem; ut iustitiæ divinæ aliquo modo satisfiat. Trident. *sess. 14. cap. 8. Non Sacramentalis* illa est, quæ a pœnitente sponte suscipitur, vel a legitimo superiore extra Sacramentum imponitur. Sacramentalis proprie est huius loci. 2. Pœnitentia dividitur in *publicam*, & *privatam*: publica in *solemnem* & *non solemnem*. 3. Quod Confessarius teneatur aliquam pœnitentiam injungere, eamque secundum circumstantias proportionatam, habetur Trid. *sess. 14. cap. 8. de pœnit.* 4. Pœnitentia occidentis Presbyterum dicitur *c. 2. h. t.* Medici non morientis ægrotum de confessione faciendâ, *c. 13. h. t. de muliere*, quæ prolem ex adulterio suscepit, aut partum alienum in scio marito sibi supposuit, dictum est ad *Tit. 16. hoc Lib. Q. 3.* Resp. ad 1. *W. ubi resolvit*, & habetur *cap. 9. h. t.*

Q. 4. Quid in secunda rubricæ parte per Remissiones intelligatur? Resp. 1. Duplex est Remissionum genus in Ecclesia, unum culpæ, quod maxime fit per absolutionem Sacramentalem, alterum pœnæ, quod fit vel per impositionem satisfactionis in Sacramento pœnitentiæ, vel extra illud per *indulgentias*, quæ ita definiuntur: *Relaxatio pœnæ temporalis, pro peccatis actualibus remissis debitæ, per applicationem meritorum Christi & Sanctorum.* 2. S. Pontifex potest concedere indulgentias, easque vel *plenarias* vel *partiales*, vel *reales*, vel *locales*, vel *personales*, tam *pro vivis* per modum absolutionis, quam *pro defunctis* per modum suffragii seu solutionis, potestate dispensandi thesaurum Ecclesiæ a Christo accepta *Matth. 16. Extrav. inter Comm. h. tit. etque indulgentiarum usus in Ecclesia antiquissimus, ut constat ex Extrav. 1. h. tit. Trid. sess. 25. in Decret. de indulg. ex traditione, praxi Ecclesiæ, CC. PP. uti ostendunt Bellarm. L. 4. de pœnitent. cap. 3. Suarez D. 49. sess. 2. de Pœnitent. qui num. 3. usum indulgentiarum*

Ab ipsis Apostolis derivari colligit ex 2. *Corint.* 2. v. 16. Quid Prælati Papa inferiores in concedendis indulgentiis possint, attendi debent privilegium & consuetudo. Vide Schmalzgr. *b. a. n.* 123. 4. Ut indulgentiarum concessio, etiam a S. Pontifice facta, sit *valida*, requiritur iusta causa specialis; qualis est exaltatio Ecclesiæ, extirpatio hæresis &c. & non sufficit generalis illa, liberandi scil. animas a pœnis temporalibus, a fine indulgentiarum indistincta, *c. 4. b. t.* ratio quia Papa non est Dominus, sed dispensator tantum thesauri Ecclesiæ. Quid ad lucrandas indulgentias requiratur. Vide La-Croix *tom. 6. n.* 1301. Resp. 3. 5. *Jubilæum* est species indulgentiæ plenariæ, quæ præter plenissimam pœnæ pro peccatis adhuc debitæ remissionem alias quoque gratias continet, facultatem nim. eligendi Confessarium quemcumque approbatum ab Episcopo, dispensandi in votis, absolvendi a censuris, de hoc vide Schmalzgr. *b. a.* 140. qui *num. seqq.* plures, easque utiles quæstiones de Jubilæo resolvit.

T I T U L U S XXXIX.

De Sententia Excommunicationis, Suspensionis & Interdicti.

Quest. 1. Quid & quotuplex sit Censura in genere? Resp. ad 1. Censura, de qua utpote pœna Mediceali post Vindicativas agitur, est *Pœna spiritualis & medicinalis*, per quam homini baptizato & delinquenti per potestatem Ecclesiasticam auferitur usus quorundam bonorum spiritualium, quæ scil. sunt communia fidelibus, publica, & externa, arg. *Matth.* 18.

Resp. ad 2. Censura essentialiter & adæquate dividitur in 3. species, Excommunicationem, Suspensionem, & Interdictum, *cap. 1. b. t. in 6. c. 20. de V. S.* Accidentaliter quælibet ex his 3. dividitur in Censuram *juris*, quæ per SS. Canones, Constitutiones, & statuta Ecclesiastica infertur: & *hominis*, quæ a iudice sive Prælato Ecclesiastico per modum mandati vel sententiæ judicialis fertur. Iterum Censura alia est *lata*, alia *ferenda*.

rende sententia. Exempla vide apud Busembaum. de Censur. c. 2. dub. 2.

Q. 2. Quis & in quem ferre Censuram possit? Resp. ad 1. Quod a Christo relicta sit potestas in Ecclesia, censuras ferendi, probatur ex Matth. 18. & fuse La Croix h. a num. 2. deinde omnis & solus ferre Censuram potest, qui habet jurisdictionem Ecclesiasticam in foro externo, vel ordinariam, uti Papa, Episcopus, Capitulum Sede vacante, Vicarius Generalis, Nuntius Apostolicus, Abbates habentes jurisdictionem quasi Episcopalem &c. vel qui habet jurisdictionem delegatam. Vid. Schmalzgr. h. a num. 13. Hæc tamen potestas laicis aut feminis delegari non potest, quia incapaces sunt jurisdictionis Ecclesiasticæ & spiritualis. arg. cap. 16. de penit. & remiss. Pich. h. num. 4. tenet ex plenitudine potestatis Pontificiæ feminis potestatem censurandi delegari posse.

Resp. ad 2. Censura ferri potest in solos homines subditos. 1. Cor. 5. V. 12. cap. 21. hoc tit. In homines viatores, idest in vita præsentis existentes; quia mortui subtrahuntur jurisdictioni Ecclesiasticæ. In contumaces; quia censura est poena medicinalis, ad frangendam hominum contumaciam ordinata. In committentes peccatum externum; quia potestas Ecclesiæ vindictiva ad interna se non extendit: grave; quia est poena gravis: consummatum. arg. cap. 15. de R. J. in 6. Legi Ecclesiasticæ repugnans. argum. cap. 23. de V. S. & cap. 1. hoc tit. in 6.

Q. 3. Quomodo ferenda Censura, & quæ ab ea incurrenda excusent? Resp. 1. Si ab homine per sententiam particularem feratur, precedere debet regulariter monitio trina, vel una peremptoria; nisi necessitas aliud suaserit. cap. 48. h. t. cap. 1. 9. 13. eod. in 6. Deinde debet ferri in scripto, ipsaque sententia scripta esse debet. cap. 1. h. t. in 6.

Resp. 2. Quidquid excusat a peccato mortali, excusat etiam a censura, v. gr. materiæ parvitas, metus gravis impellens ad agendum contra legem pure Ecclesiasticam, vel superioris sententiam, aliquid sub censura præcipientem vel prohibentem; ignorantia invincibilis tam juris, quam facti cap. 2. de Constit. in 6. contra aq fieri

fieri dixi supra in irregularitate. Item appellatio legitima interposita, antequam feretur censura. *cap. 16. de appell.* Imo & dubitatio, an actus sub censura sit prohibitus, si post diligens examen dubium non potuit deponi: ratio, quia dubius hoc casu manet in possessione juris, quod habet ad bona spiritualia. Demum si cui de innocentia tam in foro inquam externo constet, & tamen censuretur, censura est nulla, & non timenda. *cap. 2. 7. §. potest. b. t. in 6.* idem est, si quis de culpa, quæ non adest, probatur tamen adesse, censuretur, censura nulla est; quia nititur præsumptione falsa. Schmalzgr. *b. n. 28.*

Quæst. 4. Quinam absolvere possint a censuris? Resp. 1. Si censura lata sit a jure communi, vel ab homine per sententiam generalem, nec fuerit reservata, absolvere quilibet potest, qui facultatem habet pœnitentem a mortalibus absolvendi. *cap. 29. hoc tit. & est comm.* Si vero fuerit reservata prædicta censura, ordinarie & per se potest tantum absolvere vel author legis, vel ejus successor, vel delegatus. *cap. cit.* Si censura fuerit lata per sententiam particularem, etiamsi non sit specialiter reservata, solus qui tulit, absolvere potest, vel ejus pleno jure superior, successor, delegatus. Probationes & aliquas limitationes vide apud Pichl. *b. t. num. 14. circa med.* 2. In articulo mortis potest quilibet sacerdos a quavis censura absolvere, si tamen absolutus evaserit periculum, tenetur se legitimo superiori sistere, eique se submittere. *Trid. sess. 14. cap. 7. de Sacram. Pœnit. c. 21. hoc tit. in 5.* 3. Episcopus potest in foro conscientie absolvere ab omni censura occulta, etiam in Bulla Cœnz reservata. Vid. *Trident. Sess. 24. cap. 6. de reform. & AA. a notoriis Papæ reservatis*, si quis Judicio viri prudentis non possit ire Romanam, ut si sit senex, infirmus, pauper, fœmina. 4. Varii Regulares, præsertim Mendicantes, possunt absolvere a plerisque Censuris Pontifici reservatis, exceptis iis, quæ in Bulla Cœnz contentæ sunt. Ceterum Censuræ non tolluntur reg. nisi per absolutionem, ut constat ex damnata ab Alex. VII. propositione 44. Quæ tamen absolutio ad sui valorem certa verba non requirit: quia nulla certa forma in jure habetur &c.

Quæst. 5.

Quest. 5. Quid sit Excommunicatio, & quotuplex?
 Resp. ad 1. Excommunicatio est censura, per quam homo Christianus a Communionem seu corpore fidelium excluditur, & bonis, quæ illi inter se communicant, privatur. *Anathema* essentialiter non differt ab excommunicatione, discrepat tamen accidentaliter, cum *anathema* stricte sumptum superaddat aliquam solemnitatem & specialem execrationem, ut videre est in *can. 106. caus. 11. quest. 3.* quo etiam facit *cap. 10. de judic.*

Resp. 2. Alia est Excommunicatio *Major*, alia *Minor* juxta *cap. 59. b. t.* Excommunicationis tamen nomine simpliciter prolato major venit. *c. cit.* Excommunicatio *Minor* est, quæ privat sola passiva receptione Sacramentorum. *Major*, quæ privat activa Sacramentorum administratione, passiva receptione, suffragiis Ecclesiæ, & fidelium communionem, sive quæ privat omnibus Ecclesiæ bonis communibus. Ex irritis Majori excommunicatione alii sunt *tolerati* seu *non vitandi*, alii *vitandi vel non tolerati*.

Quest. 6. Quinam sint Excommunicati vitandi, & quomodo? Resp. 1. Post Conc. Constantiensem & Bullam Martini V. *Ad evitanda*, hodie vitari tantum debent notorius percussor Clerici, & quivis nominatim excommunicatus, & specialiter ac publice denunciatus; adeoque cum aliis excommunicatis licet, etiam extra casum necessitatis, communicare; probabiliter tamen id procedere tantum in civilibus & politicis, non in divinis extra causam gravem & necessitatem, ait Pichl. *hoc num. 33.* ex Suarez *de Censur. dist. 11. sect. 4. numer. 11.*

R. 2. Casus, in quibus vitari debent excommunicati non tolerati, continentur in *can. 17. caus. 11. q. 3.* solentque exprimi trito illo: *os, orare, vale, communicatio, mensa negatur*; ejus explicationem vide passim apud AA. qui consentiunt, prohibitum esse fidelibus sub peccato mortali communicare formaliter cum excommunicatis non toleratis, sive dein fiat communicatio illa in facris & divinis, sive in civilibus & politicis, sive in sensibus negotiis & actionibus. Excusant tamen causæ expressæ *seq. V. Utile, lex, humile, res ignorata,*
ne

neceſſe per *Legem* intelligitur vinculum matrimoniale ; per *humile*, ſubjectio filiorum ; cætera patent.

Quæſt. 7. Quinam ſint alii effectus excommunicationis majoris? Reſp. 1. Immediati effectus ſunt ſeq. i. privatio uſus Sacramentorum tam activi, quam paſſivi. *cap. 52. hoc titul. cap. ſin. de Cleric. excomm. miniſtr.* tam reſpectu excommunicati tolerati; quam non tolerati; quamvis valida ſint Sacramenta, præter Sacramentum Pœnitentiæ. 2. Privatio communium Eccleſiæ ſuffragiorum, ex ſacrificiis, indulgentiis, precibus publicis, ut ſaltem pro vitandis nomine Eccleſiæ extra feriam paſceves offerri non poſſint *cap. 38. b. t.* 3. Privatio ſepulturæ Eccleſiaſticae *cap. cit. & Clem. 1. de ſepult.* quæ diſpoſitio etiam ad excommunicatos toleratos extenditur. 4. Inhabilitas ad dignitates, beneficia, officia Eccleſiaſtica, ita ut, etiamſi ſit excommunicatus non vitandus, collatio, præſentatio &c. ſit irrita. *cap. 8. de Cler. excomm. miniſtr.* 5. Privatio diſtributionum pro præſentia, argum. *cap. un. de Cler. non reſid. in 6.* ratio, quia divinis officiis intereſſe non poſteſt. 6. Quod impetrare nequeat ullum reſcriptum, præterquam in cauſa excommunicationis & appellacionis. *cap. 1. de reſcript. in 6.* 7. Privatio omnis juridiſtionis Eccleſiaſticae, ut excommunicatus, ſaltem non toleratus, nec valide eligat, nec præſentet, nec leges ferat. *cap. 24. de ſent. & re jud.* 8. Privatio communionis forenſis, ut nec in ſaculari, nec in iudicio Eccleſiaſtico poſſit eſſe iudex, Actor, Advocatus, teſtis, ille, qui excommunicatus eſt *non toleratus*. Reiffenſt. *h. tit. num. 71.* 9. Privatio cujuſvis officii publici, quale eſt Tutoris, Curatoris; & privatio cujuſvis communicationis politicæ, ita ut non poſſit excommunicatus cum aliis contrahere, negotiari, converſari, & ſi ſit vitandus, nec alii fideles cum ipſo, juxta dicta. 10. Si quis per annum inſorduerit in excommunicatione, redditur de hæreſi ſuſpectus, ut contra eum procedi poſſit tanquam de hæreſi ſuſpectum. *Trid. ſeſſ. 25. cap. 3. de reform.* imo ut etiam eondemnari poſſit tanquam hæreticus, ſi ſe recuſet purgare. *c. 7. de her. in 6.* & hic eſt effectus *mediatus* excommunicationis, ſicut & irregularitas, quam incurrit excommunicatus Ordinis

nls actum exercens. Porro quanam sint excommunicationes non reservatæ, quæ S. Pontifici extra, quæ in Bulla Cœnæ reservatæ, vide apud Busenbaum L. 7. de Cens. cap. 2. dub. 4.

Q. 8. *Quis sit effectus excommunicationis minoris.* R. 1. Excommunicationis minoris principalis, directus, & unicus effectus est, quod privet usu passivo Sacramentorum, ut adeoque sic excommunicatus licite Sacramenta non recipiat, sed graviter peccet. *cap. fin. de Cler. encom. ministr.* 2. Causa etiam unica hodie est, prædictam excommunicationem incurrendi, scil. communicatio illicita cum excommunicatis non toleratis. *c. 2. de except. c. 15. 29. 55. h. t.* 3. Absolvere ab ea potest quilibet potens absolvere a peccatis, arg. *cap. 29. h. t.*

Quæst. 9. *Quid de excommunicatione* Can. si quis suadente 29. caus. 17. quæst. 3. *ob percussione Clerici incurrere solita dicendum?* Resp. Videantur AA. passim de ea agentes: verba Can. cit. sunt seq. *si quis suadente diabolo hujus Sacrilegii reatum incurrerit, quod in Clericum vel Monachum violentas manus injecerit, anathematis vinculo subjaceat, & nullus Episcoporum illum præsumat absolvere (nisi mortis urgente periculo) donec Apostolico conspectui præsentetur, & ejus mandatum suscipiat.*

Quæst. 10. *Quid sit suspensio, & quæ circa illam statuta?* Resp. 1. Suspensio proprie sumpta est censura Ecclesiastica, qua Clericus vel Minister Ecclesiæ privatur usu officii, vel beneficii Ecclesiastici, aut utriusque simul qua talis, seu quatenus præcise functiones Ecclesiasticæ sunt, provenientes & dependentes ab officio & beneficio, solumque competunt Clericis. Patet hinc, quod suspensio ab excommunicatione & interdicto differat, & quod alia sit suspensio Totalis absolute, alia Totalis secundum quid, alia partialis. 2. Suspensio Clericis solis infligi potest: ut patet, non tamen singularibus tantum personis, sed integræ etiam Communitati, Capitulo, Collegio, *c. 40. de elect. in 6.* modo fuerit peccatum graviter, saltem ab aliquibus, non obstante *c. 2. de Constit. cap. 2. de his, quæ sunt a maj. part.* quia innocentes non privantur functionibus, quæ ipsis *qua singulis* competunt. *Leur, hoc tit. quæst. 570. 3.* Etiam Clerici soli infli-

infligere suspensionem possunt, isque tantum, qui in Clericum jurisdictionem habet fori externi & contentiosi. Comm. AA. taliter tamen suspensus etiam alibi pro tali habendus est; quia sententia particularis afficit subditum etiam extra territorium. 4. Effectus suspensionis violata est, tam quod peccatur reg. graviter, dum suspensus actum, a quo suspensus est, exercet; quam quod actum *Ordinis* exercens incurrat *irregularitatem*; privationem *beneficii*; si in ejus se administrationem ingerat; quod ultimum habetur *cap. 16 §. ceterum de elect. in 6.* de aliis dictum ad tit. *de Cler. excom. ministr.* Imo suspensus *non toleratus* agit invalide: *cap. 8. de consuet. cap. 18. de elect.* Illicite autem agit *toleratus*; si se ipsum ingerat, aut offerat, licite vero si a fidelibus requiratur: cc. cit. & Bull. Martini V. *Ad evitanda* secundum multos. 5. Suspendio proprie dicta tollitur *absolutione*, de qua vide *cap. 29. b. t. c. 11. de Constitut. Trid. Sess. 24. cap. 6. de reform. Compend. privil. Societ. W. absolutio*.

Q. 11. *Quid interdictum; & quid circa illud juris?* R. 1. Interdictum est censura Ecclesiastica, qua omnium divinorum officiorum, aliquorum Sacramentorum, scilicet Ordinis; Extremæ Unctionis; Eucharistiæ extra casum Viatici, & matrimonii cum benedictione solemni; demum etiam sepulturæ Ecclesiasticæ participatio prohibetur: 11. *de sponsal. & c. 11. de pœnit.* Differt ab *excommunicatione*, quod paucioribus privet bonis, quam *excommunicatio*; iisque tantum sacris, non politicis: a *suspensione*; quod interdictum se latius extendat, quam *suspensio*, cum & sepultura Ecclesiastica privet; & Laicos afficiat; *ab utraque*, quod formaliter & directe privet rebus sacris; sive quatenus sunt res sacræ ad Dei cultum pertinentes, cum *excommunicatio* privet rebus sacris, quatenus prohibet communionem cum fidelibus, *suspensio*, quatenus Clericos privat usu suæ potestatis Ecclesiasticæ. 2. Aliud interdictum est *locale*, quod directe fertur in locum, ne in eo legantur vel audiantur missæ &c. adeoque personæ alibi possunt interesse divinis &c. aliud *personale*, quod directe personas; aliud *mixtum*, quod & personas & locum directe ac immediate afficit. Locale dividitur in *generale*, quod
in.

in totum regnum, provinciam, communitatem; & in
particulare, quod in unam determinatam Ecclesiam
 vel personam fertur. 3. Non tantum loca & personæ
 singulares, juxta *capit. 11. de sponsal. & tot. hoc tit.*
 sed integræ etiam communitates qua tales interdicto
 possunt subjici, adeo ut suo modo etiam innocentes
 afficiantur *cap. 17. h. t. in 6.* Interdicto tamen genera-
 liter Clero non censetur interdictus populus, nec con-
 tra. *cap. 16. eod. in 6.* nec sub interdicto generali Cle-
 ri comprehenditur Episcopus, *cap. 4. h. t. in 6.* nec
 Religiosi; quia in odiosis nomine Clericorum non ve-
 niunt. Nec sub interdicto generali populi comprehen-
 duntur peregrini, exteri, uti sunt mercatores & studio-
 si, etiam diu in tali loco commorantes. 4. Interdicta
 civitate; etiam suburbia, & loca continentia, non
 contingua tantum; interdicta Ecclesia, Sacellum ejus
 & cœmeterium contiguum tantum interdictum cense-
 tur. *cap. 17. h. tit. in 6. vide etiam cap. unic. de Con-
 secr. Eccles. in 6.* Ad interdictum locale; siue sit ge-
 nerale, siue particulare tenentur omnes, incolæ, extra-
 nei, Regulares, seculares, non exempti, & exempti.
cap. 4. & 11. de privileg. in 6. qui causam interdicti
 dederunt, nec in loco interdicto, nec alibi divinis
 interesse possunt, arg. *cap. 16. hoc tit. in 6.* 5. De bo-
 nis, quibus privat interdictum, dicebatur in definitio-
 ne, & videri latius potest *Leur. hoc tit. q. 576. & q.*
seqq. ubi ait, esse obligationem gravem, servandi inter-
 dictum; & personas Ecclesiasticas, sæculares æque ac
 Regulares interdictum violantes incurrere irregularita-
 tem. *cap. 18. & 20. hoc tit. in 6.* suspensionem ab of-
 ficio, beneficio, & jurisdictione: *cap. 18. de excess. Præ-
 lat. privari jure electionis activæ & passivæ cap. 18. h.*
tit. in 6. perdere privilegium alias de jure competens
cap. 11. de pœn. & remiss. vi cujus tempore interdicti
 sepeliri possunt in loco sacro; Religiosos etiam exem-
 ptos, si non observent interdictum generale locale, præ-
 ter supradictas pœnas incurrere excommunicationem.
Clem. 1. hoc tit. Vid. etiam Trident. *Sess. 21. cap. 12.*
de Regular. Demum ait, Laicis interdictum violan-
 tibus pœnas certas statutas non esse, tamen peccare gra-
 viter, & excommunicationem Pontifici reservatam
 in-

Incurrere. Clement. gravi. hoc tit. Reiffenstuel hoc num. 225.

Quæst. 12. Quid de Cessatione a divinis dicendum?
Resp. 1. Cessatio a divinis definitur, quod sit prohibitio Ecclesiastica Clericis imposita, abstinendi ad mensum ab officiis divinis & Sacramentorum quorundam administratione in aliquo loco ob grave delictum in contestationem mœroris. AA. in cap. 11. de sponsal. & cap. 8. de off. Ordinar. in 6. Clem. 1. princip. V. in cessationibus. b. tit. 2. Cessatio hæc censura non est, consequenter differt ab omni censura, & speciatim ab interdicto, quod & ad significandam Ecclesiæ tristitiam, & semper ab homine, in locum immediate, mediate tantum in personas feratur &c. 3. Privilegium in loco interdicto celebrandi clausis januis, submissa voce, campanis non pulsatis concessum in cap. alma. hoc tit. in 6. extendi non debet ad cessationem in divinis. Ratio præter alias est, quia cessatio a divinis sub interdicto non comprehenditur. 4. Indicare illam potest is tantum, qui habet jurisdictionem in foro externo, uti de censuris dictum. 5. Eodem modo & cessationem relaxare potest, qui illam imposuit, vel ejus superior, vel qui ab imponente potestatem accepit; potestque fieri relaxatio vel expresse, vel tacite. cap. 8. in fin. de off. Ord. in 6.

T I T U L U S XL.

De Verborum Significatione.

Quæst. Un. Quenam sint regule de interpretanda Verborum Significatione? *Resp. 1. Verba debent sumi secundum mentem proferentis. cap. 6. b. t. L. 69. ff. de legat. 3. & nisi aliud de ejus mente constet, verba debent sumi in sensu proprio, etiamsi materia sit odiosa. L. 69. cit. cap. 2. de transl. Episc. cap. 2. de decim. saltem regulariter ob L. 69. cit. & cap. 6. hoc tit. 2. Verba generalia extendi debent ad omnia sub genere contenta. L. 1. ff. de legat. præst. nisi specialis adsit causa restringendi, uti in L. 47. §. 1. ff. de pact. L. 1. Cod. de SS. Eccles.*

Eccles. cap. 15. de rescript. c. 4. & 5. de Procur. in 6. Verba specialia plus, quam generalia operantur. L. 8. ff. & c. 34. in 6. de R. J. 3. Verba dubia interpretanda sunt ad mentem loquentis aliunde cognitam. c. 6. h. t. & L. 69. cit. cum effectu tamen, ut aliquid operentur. cap. 4. de Cler. non resid. L. 1. §. 1. ff. quod quisque Jur. L. 80. ff. de V. O. secundum materiam & naturam actus aut contractus, de quo agitur. c. 25. de jurejur. in eam partem, quæ excludit delictum, si in bonam & malam possint accipi. cap. 2. de R. J. L. 31. ff. pro Socio, contra profecrentem, obscurius forte loquentem. L. 172. ff. & c. 57. in 6. de R. J. ut non derogent juri alterius quæsito. can. 10. caus. 14. qu. 5. c. 15. de off. deleg. L. 4. Cod. de emanc. liber. &c.

TITULUS XLI. & ultimus.

De Regulis Juris.

Quest. Un. *Quæ summa sit postremi hujus tituli?*
 Resp. 1. Sicut in Digestis ad calcem Libri L. Regulæ 211. enumerantur, quæ velut axiomata & propositiones generales deserviunt ad causas rite & breviter decidendas juxta L. 1. ff. h. t. Ita ad finem Lib. V. Decretal. 2. regulæ 11. in sexto autem omnino 88. expressæ leguntur. 2. Aliæ sunt Regulæ *Authenticæ*, quæ auctoritate Apostolica Juri Canonico, vel auctoritate Imperatoria Juri Civili, præsertim sub hac rubrica sunt insertæ. Aliæ *Doctrinales* sive *Brocardicæ*, quæ nec a LLre approbatæ, nec in Corpore juris sunt positæ, sed vel a IGtis, vel aliis DD. ex testibus Juris aut etiam Philosophorum depromptæ sunt. Hæ licet contemnendæ non sint, caute tamen allegari debent, utpote vim probandi non habentes, nisi fuleantur Legis auxilio aut usu Curiarum. 3. *Authenticæ* natæ sunt ex reflexione ad ea, quæ particulariter circa personas, res, actiones erant in Jure constituta, v. gr. Regula 68. in 5. *potest quis per alium, quod potest facere per se ipsum*, ortuum suum debet *cap. fin. de Procur. in 6.* ubi, quod per alium quis possit contrahere matrimonium, & *cap. 1. de offic. Ordin. in 6.* ubi quod liceat per alium exercere

P. Adami Huth.

Sf

juris

jurisdictionem ordinariam. Itaque jus quidem novum hæ regulæ non constituunt, sed supponunt, magnæ tamen sunt utilitatis; nam 4. Habens pro se regulam authenticam non tantum liberatur ab onere probandi. arg. cap. 2. de restit. spol. in 6. sed etiam pro ipso est pronuntiandum, nisi adversarius doceat, id, de quo controversia est, sub tali Regula non comprehendi. L. 5. ff. de probat. 5. Dari autem exceptiones a Regulis juris, etiam generalibus & communibus, utpote quæ non sunt generales in sensu absoluto, sed accommodo, probat tum tritum illud: *nulla regula sine exceptione*, & *exceptio vicissim firmat regulam*, tum communis sensus AA. Qui specialia de Regularum Juris expositione considerat, adeat Dylum, Petrum Peckium, Henric. Canisium in *Summ. Juris Can.* Aug. Barbosam in *Collect. Liber 6. Decretal.* P. VViestner.

O: A. M. D. C. D. V. H.

F I N I S.



IN.

I N D E X.

Numerus primus indicat Librum Decretalium, Litera T. denotat Titulum Libri. P. paginam ejusdem Libri. Literæ Q. P. Quæstiones Proœmiales ad Librum I.

ABBAS per vota secreta eligitur. Lib. 1. Tit. 6. p. 52 Ordines minores confert. 1. Tit. 2. p. 66 obligatur ad residentiam. 3. Tit. 4. p. 307 habens jurisdictionem quasi Episcopalem fert censuras. 3. Tit. 19. p. 633

ABBATISSA non habet jurisdictionem quasi Episcopalem. Lib. 1. Tit. 11. p. 110

ABROGATIO Legis. 1. Tit. 2. p. 35 abrogatio consuetudinis. 1. Tit. 4. p. 38

ABSENS jus suffragii habens quando vocandus ad electionem. 1. T. 6. p. 46 an procuratorem possit constituere. ib. p. 47 subinde absens pro præsentem habetur. 3. Tit. 4. pag. 309 ad quos actus Capitulares absens vocandus. 3. Tit. 11. p. 339

ABSOLUTIO ab hæresi occulta potest fieri ab Episcopo. 3. Tit. 7. p. 566 quibam alii possint absolvere. ib. A casibus reservatis absolvit reservans, ejus superioris privilegium habentes. 5. T. 38. p. 330 Absolvere a censuris pro earum varietate variis possunt. 5. Tit. 39. p. 634 & seq.

ACCUSATIO matrimonii. 4. Tit. 18. p. 521 & seq. quanam in specie repellantur ab accusatione matrimonii. ibid. p. 522 Accusatio in genere quid sit. 5. T. 1. p. 542 accusationis forma. ibid. accusare qui possint, & qui accusari. 5. T. 1. p. 543 & seq.

ACTIO tam civilis quam criminalis competit injuriato contra injuriantem. 5. Tit. 36. pag. 623 tollitur variis modis. ib. p. 624 Actio Legis Aquiliæ. ib. p. 625 Actio precariorum. 3. Tit. 14. p. 350 Actio commodati. 3. Tit. 15. p. 352 Actio depositi. 3. Tit. 16. p. 355 Actio empti venditi. Actio redhibitoria. 3. Tit. 17. p. 360 Actio locati conducti. 3. Tit. 18. p. 364 Actio emphyteuticaria. 3. T. 18. p. 367

ACTOR quis esse possit. 2. T. 1. p. 156 & seq. Actor, licet Clericus, sequitur forum Rei. 2. T. 1. p. 159

ACTUS mere interni materia Ecclesiasticæ esse possunt. 1. T. 2. p. 14 Legis irritantis actus præteriti. 1. T. 2. ib. prohibitive actus etiam honesti. ib. Actus per legem prohibitus non est ipso jure nullus. 1. T. 2. p. 18 Actus peccaminosi introducere possunt consuetudinem. 1. T. 4. p. 35. quales porro actus esse debeant ad consuetudinem inducendam. ib. Actus ex metu gesti an & quomodo sint validi. 1. T. 46. p. 138

ADOPATIO quid & quotuplex. 4. T. 12. p. 503

ADULTERIUM quando sit & quomodo impedimentum dirimens. 4. Tit. 7. p. 493 dat justam causam divortii. 4. Tit. 19. p. 529 non tenetur innocens adulterium dimittere. ibid.

Sf 2 cen

nec readmittere adulterum respicientem. 4 T. 19. p. 529 an propria authoritate innocens ab adultero possit divertere. 4 T. 19 p. 530 Adulterium quid sit. 5 T. 16. p. 583 de adulterio accusare qui possint. 5. T. 16. p. 584 adulterii poenæ. 5. T. 16. p. 585

ADVOCATUS differt a Procuratore. 1. T. 37. p. 125 advocare qui possint. ibid. Clerici quando & quibus in causis possint advocare. 1. T. 37. p. 126 Advocatus quas causas possit perorandas suscipere. ib. p. 127 Advocati nequeunt pacisci de quota litis, nec de palmario. ibid. & seq.

ÆTAS quæ requiratur ad Ordines. 1. T. 11. p. 64 quæ ad dignitates Ecclesiasticas & beneficia. 1. T. 14. p. 71 ætas ad sponsalia requisita. 4. T. 2. p. 479 ætatis probatio. 1. T. 19

AFFINITAS quid sit, & ad quos gradus se extendat. 4. T. 14. p. 509 Nulla affinitas reddit matrimonium de jure naturæ invalidum. 4 T. 14. p. 510 Affinitas an & quomodo dirimat sponsalia. 4. T. 14. ib.

ALIENATIO JUDICII MUTANDI CAUSA 1. T. 42. p. 146 quomodo succurratur passo præjudicium per talem alienationem. 1. T. 41. ib. & seq.

ALIENATIONIS NOMINE CIRCA RES ECCLESIAE quid veniat. 3. T. 13. p. 343 quænam res Ecclesiasticæ sint prohibita alienari. 3. T. 13. p. 344 quæ alienari possint. ib. ex quibus causis alienatio rerum Ecclesiasticarum procedat. ib. p. 345 Solemnitates ad alienationem requisitæ. ib. Alienatio rerum Ecclesiasticarum an & quomodo sit invalida 3 T. 13 p. 346 circa alienationes injuste factas quomodo provisum Ecclesiis. ib. p. 347 poenæ male alienantium. ib. p. 348

ALTARE quid. 3. T. 40. p. 441 aliud mobile, aliud fixum. ib. consecrari altare debet. ibid. p. 441 quid sit, altare exequari. ib.

ANATHEMA quomodo differat ab excommunicatione. 5. T. 39. p. 634

ANATOCISMUS est usurarius. 5. T. 19. p. 599

ANNATÆ quid sint & qualiter solvenda. 3. T. 5. p. 323

ANTICHRESIS plerumque usuraria. 4. T. 19. p. 599

APOSTASIA quid sit & quotuplex. 5. T. 9 p. 568 Apostatarum poenæ. ib. p. 569

APOSTOLI quid, & quotuplices. 2. T. 28. p. 284 Apostolos petendi tempus non est in usu. 285 Tempus presentandi Apostolos. ib.

APPELLATIO differt ab aliis remediis. 2. T. 28. p. 276 appellare qui possint. 2. T. 28. p. 279 a quo possit vel non possit appellari. 2. T. 28. p. 280 ad quem appellandum. ib. pag. 281 contra quam sententiam & quos actus appellari permisum. p. 282 coram quo iudice interponenda appellatio. ib. p. 283 quomodo interponenda appellatio. ib. fatalia appellationis. ib. & seq effectus appellationis. ib. p. 286

APPROBATIO in Clerico curato est necessitatis. 3. T. 6. p. 330 a quo fieri possit. ib.

ARBITER quid sit. 1. T. 43. p. 148. Differentia arbitri ab aliis. 1. T. 43. ib. In arbitros qui possint compromittere. ib. p. 149 in arbitros quinam assumi possint. ibid. super quibus causis

causis in arbitros compromittatur. ib. p. 150. ad formam arbitrii quanam pertineant. ib. Effectus recepti & prolati arbitrii. ibid. p. 151 Arbitrorum potestas quomodo finiatur. ibid. 152

ARCHIDIACONUS quis dicatur. 1. T. 23 p. 87 quod eius officium & potestas ib.

ARCHI-EPISCOPUS quis. 1. Tit. 31. p. 108 eius potestas. ibid.

ARCHI-PRESBYTER. 1. Tit. 24. p. 89 officium Archi-Presbyteri. ib.

ARRHA emptioni venditioni licite adjicitur. 3 T. 17 p. 358 etiam sponsalibus. 4 T. 1. p. 467

ARROGATIO inducit impedimentum matrimonii. 4 T. 12. p. 503 quomodo inducat. ib.

ASCENDENTES ab intestato qualiter succedant. 3. Tit. 27. pag. 400

ASYLI JUS quibus hominibus competat. 3 Tit. 49. p. 457 quibus locis competat. 3. T. 49 p. 456 crimina ab asylo excludentia. ib. p. 457

AUSTREGÆ. 2. T. 2. p. 167

AUTHENTICUM instrumentum. 2. Tit. 21 p. 239 prout contradistinguitur a publico, quodnam in specie tale sit. 2. T. 21. p. 240 & seq.

BAPTISMUS est necessarius necessitate medii. 3 T. 42. p. 447. materia & forma baptismi. ib. minister baptismi. ib. effectus baptismi. ib. p. 448

BELLUM est licitum, si habeat requisita. 1. T. 34. pag. 117 in bello justo que licita sint. ib. Etiam si bellum iustum sit, non licet contra fideles inire foedus cum saracenis. 5. Tit. 6. pag. 563

BENEDICTIO Abbatum differt a Consecratione. 1. T. 6. p. 52 Benedictio Ecclesiarum quomodo fiat. 3. T. 49. pag. 441 benedici debent paramenta. ib. p. 442. benedictio nuptiarum non est adhibenda secundis nuptiis. 4 T. 21. p. 539

BENEFICIUM quid sit & quotuplex. 3 T. 5. p. 310 Beneficia quibus conferenda. ib. p. 313 quomodo conferenda. ib. plura beneficia incompatibilia uni non sunt conferenda. 3. T. 5. p. 314. Beneficia conferendi potestas quibus competat. ib. p. 315 Beneficiorum unio. ib. p. 316 & seq. dismembratio, divisio, sectio beneficiorum. ib. p. 318 Beneficiorum reservationes in genere. ib. Beneficium quomodo vacare debeat, ut alteri conferri possit. 3 T. 8 pag. 332 Beneficii non vacantis promissio est nulla. ib. p. 333 Beneficia sine diminutione conferenda. 3 T. 12. p. 341 Circa beneficia Ecclesiastica quid de Simonia statuendum. 5. Tit. 3 pag. 554 Beneficiis præficiendi quas debeant habere qualitates. Lib. 1. Tit. 14. pag. 72

BENEFICIATI Curati teneantur ad emittendam Professionem fidei intra bimestrem. 1. T. 1. pag. 12 ad residentiam in suis Ecclesiis. 3 T. 4. p. 305 quo iure teneantur. ib. pag. 304 Beneficiatus omittens horas Canonicas tenetur ad restitutionem fructuum. 3 T. 41. p. 446

- BIGAMIA** quid & quotuplex. Lib. 1. T. 21. p. 84 quomodo trahatur. ib. An & quis in bigamia dispense. ib.
BLASPHEMIA. 5. T. 26. p. 609 Poenæ blasphemix. ib.
BONA PATRIMONIALIA Clericorum quæ dicantur. 3. Tit. 25. p. 387 quæ quasi patrimonialia, quæ Ecclesiastica. ib. quorum bonorum Clerici sint domini. ib. & seq. quomodo Clerici bona sua possint expendere. ib. p. 388
BREVIARIUM recitare qui teneantur. 3. Tit. 41. p. 446 cause excusantes a recitatione. ib. modus recitandi. ibid.
BULLARIUM & ejus auctoritas. Quæst. Procem. p. 7
BULLA COENÆ. 5. Tit. 7. p. 565

CALICES & patenæ qualiter consecrentur. Lib. 3. Tit. 40. pag. 442

CALUMNIA quid. 5. T. 2. p. 548 poenæ in calumniantes statuta. ibi.

CAMBIVM est licitum. 5. Tit. 19. p. 599 tam reale quam locale. ibid.

CAMPANÆ Ecclesiarum recte benedicuntur. 3. Tit. 40. pag. 442

CANONICUS tenetur ad residentiam. 3. Tit. 4. pag. 308 absentes Canonici quando habeantur pro interessentibus ad distributiones quotidianas percipiendas. 3. Tit. 4. p. 309

CAPELLÆ nomine quid veniat. 3. Tit. 37. p. 430

CAPITULUM Cathedrale sede vacante Leges ferre potest. v. T. 2. p. 15 Capitulares qui ad electionem vocandi. 1. Tit. 6. p. 46 cum consensu Capituli qui actus fieri debeant. 3. Tit. 10. p. 336 cum solo Capituli consilio qui actus fiant. ib. p. 337 quid & quotuplex sit Capitulum. 3. Tit. 11. p. 337 & seq. Ad Capitulum quinam pertineant. ibid. p. 338 circa convocationem Capituli quid notandum. ib. Validitas actus Capitularis. ib. p. 339 Capituli tractatus, consensus, & collaudatio inter alias solemnitates ad alienationem rerum Ecclesiasticarum requiritur. 3. Tit. 13. p. 345 & 346 Capitulum Ecclesiæ Cathedralis quam habeat præcedentiam. 1. T. 33. p. 114
CARDINALES soli hodie jus habent eligendi S. Pontificem. 1. Tit. 6. p. 52 Cardinalium præcedentia. 1. T. 32. p. 113 & seq. Cardinalium S. R. E. potestas & officium. 1. Tit. 31. p. 105 Cardinali in Ecclesia sui tituli præstanda est obedientia. 1. Tit. 33. p. 115

CASTRATUS est irregularis. 1. T. 20. p. 83 circa fin. non tamen, qui quid simile invitæ passus est. ib. 84

CASUS RESERVATI qui dicantur. 5. T. 38. p. 630 quam ab his absolvendi Religiosi Mendicantes facultatem habeant. ib.

CATHEDRATICUM vi legis diocesanæ exigere potest Episcopus. 1. Tit. 31. p. 109 quid sit, & quantum ejus nomine solvi debeat. 3. Tit. 39. p. 439

CAUSÆ connexæ quæ dicantur. 2. T. 2. p. 169 Exceptio cause connexæ non dividendæ ante L. C. opponi debet. ib. In causis connexis, dum plures sunt iudices, quis ad eundem. ib.

CAUSÆ ECCLESIASTICÆ pure tales spectant ad forum Ecclesiasticum. 2. T. 2. p. 168 causæ seculares ad forum Ecclesiasticum quando trahi possint. 1. T. 10. p. 61 & 2. Tit. 2. p. 168

CAU-

CAUSÆ FEUDALES a quibus decidendæ. Lib. 2. Tit.

2. pag 170

CAUSÆ MIXTI FORI deciduntur a iudice præveniente. 2. T. 2. p. 168 quænam in specie tales sint. ib. p. 169

CAUSA POSSESSIONIS & proprietatis. 2. T. 12. p. 197 & seqq. quæ dicatur causa possessionis & quæ proprietatis. 2. Tit. 12. p. 202. Causa possessionis & proprietatis an coram eodem iudice tractanda. ib. Cumulari potest in eodem iudicio. ib. p. 204. causa possessionis & proprietatis cummulata qualiter procedendum. ib. p. 205

CENSURA quid sit. 5. T. 39. p. 632 quis & in quem ferri possit censura. ib. p. 633 quomodo censura ferenda. ibid. quid excuset ab incurrenda censura. ib. quis absolvere possit a censuris. ibid. In causa censurarum facta appellatio non habet effectum suspensivum. 2. Tit. 28. p. 282

CENSUS quid & quotuplex. 3. T. 39. p. 437 censum quis possit imponere. ib. p. 438 Emptio census usuraria non est. 5. T. 19. p. 600 sive sit irredimibilis, sive etiam redimibilis. ib. p. 92 sive realis, sive personalis. ibid.

CESSATIO LEGIS quot modis fiat. 1. T. 2. p. 24

CESSATIO A DIVINIS proprie dicta censura non est. 5. T. 39. p. 639 differt ab interdicto. ib. indicare potest, qui habet jurisdictionem in foro externo. ibid.

CHARITATIVUM SUBSIDIUM exigit Episcopus vi legis diocesane. 1. T. 31. p. 109 quid sit. 3. T. 39. p. 439 Monasteria ab hoc solvendo sunt exempta. ib. p. 440

CHRISMA quid sit. 1. Tit. 15. p. 74 de substantia baptismi chrismatica unctio non est. ib.

CITATIO quid sit & quotuplex. 2. T. 3. p. 175 Est simpliciter necessaria ad valorem iudicii. ibid. p. 176 In citatione reali, edictali, verbali, quid observandum. ib. citatio quomodo mandanda executioni. ib. p. 177

CLANDESTINITAS matrimonii quotuplex sit. Lib. 4. T. 3. p. 481 clandestinum matrimonium a Trid. irritatum est. 4. T. 3. p. 483

CLAUSURA Monialium quid operetur. 3. T. 35. p. 427

CLERICI non ligantur LL. civilibus. 1. T. 2. p. 15 aliquibus tamen tenentur. 1. T. 2. p. 21 Clerici peregrini non sunt admittendi ad Ordines altiores sine dimissionibus & literis formalitibus. 1. T. 22. p. 86. Clerici exempti sunt a jurisdictione seculari. 2. T. 2. p. 166 quo jure exempti sint. ib. Actor Clericus de jure scripto non potest coram iudice seculari reconveniri. 2. T. 4. p. 179 Clerici peregrinantes. 2. Tit. 29. p. 290 Clericorum honestas vitæ interna 3 T. 1. p. 295 honestas externa. ib. p. 296 habitus Clericorum. ib. p. 297 Clericorum cohabitatio cum mulieribus prohibita. 3. T. 2. p. 299 Clerici an matrimonium contrahere possint. 3. T. 3. p. 301 quid de Clericis conjugatis sentiendum. 3. T. 3. per tot. p. 301 & seq. Clerici non residentes, qualiter tamen ad residentiam teneantur. 3. T. 4. p. 304 Clericus ægrotans vel debilitatus an amittat beneficium vel ejus fructus. 3. T. 6. p. 326 Clericorum peculium quid & quotuplex. 3. T. 25. p. 387 Clerici quorum bonorum sint domini. ibid. & seq. Clericis venatio quæ sit

prohibita. 5. T. 14. p. 607 Clericis an & quomodo sit prohibitum laicos percutere. 5. T. 25. p. 607 & 608 Clericus censuratus ministrans, qua pœna afficiatur. 5. T. 27. p. 610 Clericus actum Ordinis exercens, quem non habet, quas pœnas incurrat. 5. T. 28. p. 611 Clericus per saltum promotus & Clericus furtive suscipiens Ordines, quas pœnas incurrat. 5. T. 29. & 30. p. 612.

COADJUTOR dandus est Clericis infirmis. 3. T. 6. p. 327 quis det Coadjutorem. ib. huius officium. ib.

COEMETERIUM solet plerumque penes Ecclesiam vel in aditu urbium constitui. 3. T. 28. p. 402 Coemeterium vel consecrari vel benedici debet. 3. Tit. 40. p. 443

COGNATIO LEGALIS ex qua adoptione oriatur & dirimat matrimonium. 4. T. 12. p. 503 cognationis legalis impedimentum ad quos se gradus extendat. ib. p. 504

COGNATIO SPIRITUALIS quid sit & quas personas afficiat. 4. T. 11. p. 499 an ex baptismo tam solemnem quam privato oriatur. ib. p. 500

COLLATERALES consanguinei an & quomodo succedant. 3. T. 27. p. 401

COLLATIO BENEFICIORUM quomodo fieri debeat. 3. T. 5. p. 313 quis jus habeant beneficia conferendi. ib. p. 315 per collationem beneficii quale jus collatoris acquiratur. ib. p. 316

COLLUSIO quid sit, in quibus causis & inter quos possit committi. 5. T. 22. p. 605 pœna collusionis. ib. p. 606

COMMODATUM quid, & ejus requisita. 3. Tit. 15. p. 350 commodare qui possint & quæ res commodari. ibid. p. 351 obligatio ex commodato nata. ib.

COMPROMISSUM in electione quomodo fiat. 1. T. 6. p. 49 Compromissum in arbitros quid sit, a quibus, in quos & quomodo fieri debeat. 1. T. 43. p. 149

CONCILIIUM Tridentinum. Quæst. P. p. 7 ad Concilium a Papæ sententia non licet appellare. 2. T. 28. p. 280

CONCLUSIO IN CAUSA quid sit. 2. T. 27. p. 268 est necessitatis in processu ordinario. ib. effectus conclusionis in causa. ib.

CONCORDATA GERMANIÆ a Nicolao V. & Frederico III. Imp. aliisque Principibus Germaniæ inita sunt. 3. T. 5. p. 321 reservationes beneficiorum in his contentæ. ib. an Pontifex possit derogare concordatis. 3. T. 5. p. 322 Alternativa in collatione beneficiorum per concordata introducta. ib. p. 325

CONCUBINARIUM Clerici quomodo puniantur. 3. T. 2. p. 299

CONDITIO quomodo a modo, causa, demonstratione differt. 4. T. 5. p. 488 conditio an sponsalibus aut matrimonio possit adici. ib. p. 489 conditio turpis matrimonio adjecta habetur pro non adjecta. ib. p. 490 non sic adjecta sponsalibus. ib. quando conficiatur Sacramentum a contrahentibus matrimonium sub conditione. 4. T. 5. ib.

CONDITIO SERVILIS an & quomodo annulet matrimonium. 4. T. 9. p. 496

CONDUCTORIS obligationes. 3. Tit. 18. pag. 363 circa

- conductionem famulorum quid observandum. *ibid.* pag. 364
- CONFESSIO**, prout servit ad iudicium, varie dividitur. 2. T. 18. p. 22. requisita ad confessionem iudicalem. *ib.* Effectus confessionis iudicialis. *ibid.* p. 223 confessio qualificata. *ib.* p. 224 per torturam, vel dolum & extorta. *ib.* Confessio in iudicio facta an possit revocari. *ib.* p. 226 Confessio extra iudicialis quomodo probet. *ib.*
- CONFESSIO SACRAMENTALIS** in foro externo confitenti non præjudicat. 2. T. 18. p. 226 Confessio peccatorum est juris divini. 5. T. 38. p. 630
- CONFIRMATIO** est Sacramentum N. L. 1. Tit. 15. p. 75 ejus materia & forma. *ib.* minister. *ib.*
- CONFIRMATIO ELECTIONIS** quando & qualiter petenda. 1. T. 6. pag. 50 a quo peti debeat. *ib.* p. 51 per confirmationem quid electus consequatur. *ib.*
- CONFIRMATIO UTILIS ET INUTILIS** quæ dicatur. 2. T. 30. p. 291. in dubio an censeatur confirmatio facta in forma communi vel speciali. *ib.* 292
- CONJUGIUM** quid & quoduplex. 4. T. 1. p. 471 Conjugium an cum leproso consistat. 4. T. 8. p. 495 conjugium inter servos an & quomodo esse possit. 4. T. 9. p. 496 conjuges ab intestato quomodo sibi succedant. 3. Tit. 27. p. 401 conjuges quando ab invicem separari possint. 4. T. 19. p. 528 Conjugicidium quando sit impedimentum dirimens. 4. T. 7. p. 494
- CONSANGUINITAS** quid sit. 4. T. 14. pag. 505 arbor consanguinitatis. *ib.* p. 506 pro gradibus consanguinitatis cognoscendis regulæ. *ib.* consanguinitas ad quos gradus sit impedimentum dirimens. *ib.* p. 508 & seq.
- CONSECRATIO ECCLESIAE** ab Episcopo fieri debet. 3. T. 40. p. 440 & 441. De consecratione altaris quid tenendum. *ib.* p. 241 consecratio calicis, patenæ, paramentorum a quo fiat. *ib.* p. 442
- CONSECRATIO ELECTI** intra 3. menses a facta confirmatione fieri debet. 1. T. 6. p. 51 quo die fieri debeat. *ib.* quid consequatur electus per consecrationem. *ib.*
- CONSENSUS** Principis qualis ad introducendam consuetudinem requiratur. 1. T. 4. p. 36 Consensum vel consilium debere requirere qualiter differant. 3. T. 10. pag. 336 consensus omnium Capitularium an ad validitatem actus Capitularis requiratur. 3. T. 11. p. 340 consensus qualis Capitularium ad alienationem rerum Ecclesiasticarum requiratur. 3. T. 13. p. 346 consensum an inferat taciturnitas. 4. T. 1. p. 466
- CONSUETUDO** differt a prescriptione. 1. T. 4. p. 32 conditiones ad introducendam consuetudinem requisite. *ib.* p. 33 & seqq. qui consuetudinem possint inducere. 1. T. 4. p. 36 effectus consuetudinis. *ib.* p. 37 abrogatio consuetudinis. *ib.* p. 38 reprobata in jure consuetudines. *ib.* pag. 39 consuetudo licitam facit usuram minus stricte dictam. 5. Tit. 19. p. 595
- CONTINENTIA** non est annexa Sacris Ordinibus ex præcepto naturali. 3. T. 3. p. 202 nec ex præcepto divino, sed humano. *ib.*
- CONTRACTUS** a quibus iniri possint. 1. Tit. 35. pag. 119 pupillus sine autoritate Tutoris contrahens nequidem naturaliter obligatur. *ibid.* Filiusfam. ratione mutui exceptione.

ptione S. C. Maced. utens tutus est in conscientia. ib. p. 120
quodnam objectum contractuum sit. ib. contractus alius est
nominatus, alius innominatus. ib. p. 121 substantialia, natu-
ralia, accidentalia contractuum. ib. p. 122 Contractus ex me-
tu initi an validi sint vel invalidi. 1. Tit. 40. p. 138 contra-
tractus quomodo per dolum vitientur. 2. T. 14 p. 210.

CONTUMACIA quid sit, & quot modis committatur.
2. T. 14 p. 211 quæ excusent a contumacia. ib. p. 212 quomo-
modo contra actorem contumacem procedendum. ibid. p. 89
& quomodo contra reum. ib. p. 213

CONVERGIO CONJUGATORUM quid sit. 3. T.
32. pag. 419

CONVERGIO UNIUS INFIDELIS ad fidem quid
operetur. 3. T. 32. p. 420 & seq.

CORPORE VITIATI prohibentur promoveri ad Or-
dines. 1. T. 20. p. 82 debilitati qui prohibeantur. ib. & seq.
qui deformes. ib. p. 83 qui mutilati. ib.

CORPUS JURIS CANONICI habet 6. partes. Q.
Proem p. 6. Confederatio Juris Canon. & Civilis. Q. P. p. 9

CRIMEN quod sit impedimentum dirimens matrimonii.
4. T. 7. p. 493 & seq.

CRIMEN FALSI quid sit & quotuplex. 5. T. 20. p. 601
quot modis committatur. ib. p. 602 pœnæ crimen falsi com-
mittentium ibid.

CULPA qualis in contractibus præstanda. 1. Tit. 35. p. 122
quam culpam præstet commodatarius. 3. Tit. 15. p. 352 quam
depositarius. 3. T. 16. p. 353 quam conductor. 3. T. 18. p. 363
ex Culpa jur dica non datur obligatio in conscientia ante
sententiam judicis. 5. T. 36 p. 625

CULTUS DISPARITAS quod ponat impedimentum
matrimonii. 4. T. 1 pag. 477

CUMULATIO exceptionum licet. 2. T. 25. p. 255

CURIA ROMANA quid sit. 3. Tit. 3. p. 319 Curialis
quis. ibid.

CUSTOS & ejus officium. 1. T. 27 p. 91. in Germania plu-
ra circa hoc immutavit consuetudo. ibid.

DAMNUM datum quomodo accipiatur. 5. T. 36. p. 624
Ad compensandum damnum quomodo quis teneatur. ib.

Damnum emergens est iustus titulus aliquid ultra fortē vac-
cipiendi. 5. T. 19. p. 595

DECANUS & ejus officium. 1. T. 24 p. 89

DECIMÆ quid sint & quotuplices. 3. T. 30. p. 407 decimæ
quo iure debeantur. ib. p. 408 Cuinam debeantur præsertim
decimæ Novalium. ib. p. 409 Cuinam possit competere jus
decimandi. ib. laici juris hujus spiritualis incapaces sunt.
ib. p. 410 obligatio ad solvendas decimas. ib. a solvendis dec-
imis an immunitas obtineri possit. ib. p. 411 Decimæ quo-
modo solvendæ. ib. p. 412 Judex in causis decimarum. ibid.

Quarta decimationum quid sit. 3. T. 39 p. 439

DECLARATIONES Cardinalium quam vim habeant.
Quæst. Proem. p. 8

DECRETALES earumque divisio. Quæst. Proem. p. 6

- DECRETUM** Gratiani qualem auctoritatem habeat. Q. Proem. ibid
- DEGRADATIO** quid & quotuplex. 5. T. 37. p. 628 merentur illam certa delicta graviora. ib. p. 629
- DELEGATUS** iudex quis sit. 1. T. 29. p. 95 quotuplex sit. ib. delegatus quis esse possit. ibid. p. 98 Causæ delegabiles. ib. Delegati officium. ib. Delegati potestas. ib. p. 99
- DELICTUM** facit forum competens. 2. T. 2. p. 165 Delicto in confiniis duorum territoriorum commissio quid juris. ib. quid & quotuplex sit delictum. 5. T. 1. p. 541
- DEMONSTRATIO** quid sit. 4. T. 5. p. 489 Demonstratio matrimonio adjecta an suspendat matrimonium. ib.
- DENUNTIATIO** criminis Evangelica. 5. T. 1. p. 544 Canonica. ib. p. 545 Civilis. ib.
- DENUNTIATIONES** ad matrimonium præmittendæ. 4. Tit. 3. p. 481 in denuntiationibus quinam possint dispensare. ibid. p. 482
- DEPOSITUM** qualis contractus sit. 3. T. 16. p. 353 deponi quæ res possint. ibid. deponens & depositarius ad quid teneantur. ib. p. 354
- DESPONSATIO** clandestina reddit matrimonium nullum. 4. T. 3. p. 483 Desponsationes parentum filiorum loco an valeant. 4. T. 2. p. 480
- DIFFAMATIO** fundat speciale forum. 2. T. 2. p. 170 locus illi est etiam contra Clericum. ib.
- DIGNITAS** Ecclesiastica quæ. 3. Tit. 5. p. 311
- DILATIO** quotuplex. 2. T. 8. p. 188 In tribus iudicii partibus intervenire possunt dilationes. ib. p. 189 effectus dilationis. ib. p. 190 dilationum concessarum tempus quomodo computandum. ibid.
- DIMINUTIO** beneficiorum an & per quem licita sit. 3. T. 5. p. 318 generalis Regula est, ut Ecclesiastica beneficia sine diminutione conferantur. 3. T. 12. p. 341
- DIMISSORIALES** debet habere, qui ordinatur ab alieno Episcopo. 1. T. 11. p. 66 quis dare possit dimissorias. ib. quid continere debeant. ib. p. 67
- DISPENSATIO** in Lege qualiter fiat. 1. Tit. 2. p. 24 Dispensatio cum illegitimis ad majores Ordines a quo concedatur. 1. T. 17. p. 79 Dispensatio ad plura beneficia an dari possit. 3. T. 5. p. 314 quis in impedimentis matrimonii dispense. 4. T. 16. p. 514 & 515 iustæ causæ dispensandi. ib. In irregularitate quis dispense. 1. T. 20. p. 83
- DISTRIBUTIONES** quotidianas absentes non lucrantur. 3. T. 4. pag. 308 & 309 causæ, ob quas aliqui etiam absentes distributiones percipiant, enumerantur. 3. T. 4. p. 309
- DIVINATIO** quid sit. 5. Tit. 21. p. 603 divinationes sunt omni jure prohibita. ib. p. 604
- DIVORTIUM** quoad vinculum. 4. T. 19. p. 524 & seq. quoad thorum subinde sit in perpetuum. ib. pag. 528 divortium quando non liceat facere. ib. p. 529 Divortium an liceat propria auctoritate. ib. p. 530 Aliæ causæ divortium faciendi. ibid. pag. 531
- DOLUS** bonus & malus definitur. 2. T. 14. p. 209 quomodo dolus

- EPISCOPUS** quomodo eligendus. 1. T. 6. p. 47 Episcopi confirmatio & consecratio. ib. p. 50. & 51 Episcopi translatio. 1. T. 7. p. 53 Episcopatum resignandi causa. 1. T. 9. p. 59 Episcopi negligentis jurisdictio ad quem devolvatur. 1. Tit. 10. p. 60 Episcopis solis consecratis competit potestas Ordinandi. 1. T. 11. p. 66 Episcoporum male Ordinantium poenitentia. ib. p. 67 Episcopus, qui renuntiavit Episcopatu, an Ordines valide & licite conferat. 1. T. 13. p. 70 quæ ætas in promovendo in Episcopum requiritur. 1. T. 14. p. 72 Episcopus qualiter sit delegatus juris. 1. T. 29. p. 96 Episcopi potestas & officium. 1. T. 31. p. 108 Episcopi in materia odiosa nomine Clericorum non veniunt. 3. T. 1. p. 295 Episcoporum residentia. 3. T. 4. p. 306 Episcopi habent fundatam intentionem in jure, beneficia suæ diœcesis conferendi. 3. T. 5. p. 315 Episcopus an unire possit beneficia. ib. p. 317 an dismembrare. ib. p. 318 Episcopus habet jus instituendi. 3. T. 7. p. 328 Episcopus an & quomodo pensionem possit beneficio imponere. 3. Tit. 12. p. 341 Episcopus an alienare possit res Ecclesiæ. 3. T. 13. p. 343 & seq. Episcopus commutat ultimas voluntates. 3. Tit. 26. p. 395 Episcopus an in votis dispensare possit. 3. T. 34. p. 425 Episcopo sunt subjectæ domus Religiosæ. 3. T. 36. p. 428 Episcopus quid circa census, exactiones & procuraciones possit. 3. T. 39. p. 438 Episcopus consecrat Ecclesias &c. 3. T. 40. p. 441 Episcopus in quibus impedimentis matrimonii dispense. 4. T. 16. p. 514 Episcopi qualiter absolvant ab hæresi. 5. T. 7. p. 566 Episcopi quomodo in irregularitate dispense. 5. T. 13. p. 578
- EREMITÆ** an veniant nomine Clericorum. Lib. 3. Tit. 1. pag. 295
- ERROR** quale impedimentum matrimonii ponat. 4. T. 1. p. 478 versans tantum circa qualitates non est impedimentum dirimens. ibid.
- EUCCHARISTIA** decenter asservanda. 3. T. 44. p. 449 Eucharistiæ Sacramento illata injuria vivicomburio expianda. 3. T. 17. p. 590
- EXAMEN** Ordinandorum. 1. T. 12. p. 68 prena sine examine ordinatorum. ib. p. 69 examen prævium ad institutionem requiritur. 3. T. 7. p. 329
- EXCEPTIO** quid sit & quoduplex. 2. T. 25. p. 254 & seqq. a quibus proponi debeant exceptiones. ib. p. 255 Dilatoriæ quando opponendæ. ib. & seq. peremptoriæ quando. ib. p. 256 effectus exceptionis. ib. 257
- EXCESSUS PRÆLATORUM** contra subditos qui sint. 5. T. 31. p. 613
- EXCOMMUNICATIO** major & minor. 5. T. 39. p. 634 excommunicationis effectus. ibid. p. 635 & seq. excommunicatio canonis. ib. p. 637
- EXCOMMUNICATUS** non est eligibilis. 1. T. 6. p. 45 non potest eligere. 1. T. 6. p. 44 non habet personam legitimam standi in judicio. 2. Tit. 1. pag. 157 exceptiones potest opponere. 2. T. 25. p. 255 excommunicati vitandi qui. 5. T. 39. pag. 635
- EXECUTIO** sententiæ regulariter fieri debet a iudice, qui sententiam

sententiam tulit. 2. T. 27. p. 273 quando & quomodo facienda. ib. pag. 274 Executores Testamenti qui & quomodo esse possint. 3. T. 26. p. 394. & seq.

EXEMPTIO Clericorum a foro seculari. 2. Tit. 2. pag. 166 Exemptio, quæ per concessionem privilegii fit. 5. T. 33. p. 616

EXHÆREDATIO filiorum. 3. T. 26. pag. 394 An possint exhæredari liberi propter nuptias sine consensu parentum contractas. 4. T. 2. p. 481

EXPOSITI habentur pro legitimis. 4. T. 17. p. 518 & 5. T. 11. pag. 572

FALCIDIA quid. 3. T. 26. p. 398

FALSI crimen quotupliciter accipitur. 5. T. 20. p. 602 quot modis committatur. ib. Falsariorum poenæ. ib.

FALSITAS Instrumentorum quomodo probanda. 2. T. 22. p. 243.

FAMA, prout ad probationem facit, quid sit. 2. T. 19. p. 230 quam probationem faciat. ibid. Ad tuendam famam an licitum sit duellum. 5. T. 14. p. 580

FATALIA appellationis. 2. T. 28. p. 283 & seq.

FERIÆ aliæ ordinariæ, aliæ extraordinariæ. 2. Tit. 9. p. 191 indicare ferias sacras potest Magistratus Ecclesiasticus. ib. Feriæ quando incipiant. ib. & seq. In feriis quæ jurisdictio exerceri possit. ib. p. 192

FEUDUM improprium varias habet species. 3. T. 20. p. 370

In feudum quæ res concedi possint. ib. Feuda qui constituerent, & qui recipere possint. ib. p. 371 Feuda quomodo acquirantur. ib. in feudis qualiter succedatur. ib. p. 372 Amissio feudi. ib. p. 373

FICTIO JURIS facit, ut lex in ea fundata procedat in conscientia. 1. T. 2. p. 19 Fictio juris differt a præsumptione. 2. T. 23. p. 245

FIDEJUSSIO super quibus causis cadat. 3. T. 22. p. 378 pro quibus personis possit interponi. ib. fidejussionis effectus. p. 379 & seq. fidejussores qui esse possint. ib. fidejussoribus quæ beneficia competant. ib. p. 380

FIDES CATHOLICA pro quo sumatur. 1. T. 1. p. 11. subinde jure divino, alias jure humano fidei professio necessaria est. ibid. pag. 12

FILII PRESBYTERORUM quinam a Sacris Ordinibus arceantur. 1. T. 17. p. 77 an etiam a beneficiis Ecclesiasticis. ibid. & seq.

FILIUS FAMILIAS consensum patris ad Ordines non habet necessarium. 1. T. 12. p. 80 Filiusfamil. impubes ne quidem consentiente patre valide contrahit. 1. T. 35. p. 119 Filiusfamil. mutuum accipiens tutus est in conscientia. ib. 120

FORNICATIO omni jure est prohibita. 5. T. 16. p. 587 fornicator cum ficta matrimonii promissione ad quid teneatur. 4. T. 1. p. 465

FORUM COMPETENS ex variis principiis deducitur. 2. T. 2. p. 161 Forum domicilii. ib. forum rei sitæ. ib. p. 163 forum contractus. ib. p. 164 forum delicti. ib. p. 165 forum Clericorum. ib. p. 166 Forum causarum spiritualium. ib. p. 168 fori extraordinarii species. ib. p. 170

FRIGIDI in ordine ad matrimonium qui dicantur. Lib. 4. T. 13. p. 511. & seq.

FRUCTUS, dum quis in integrum restituitur, quos iussus restituere debeat. 1. T. 41. p. 145. Fructus quos spoliator teneatur restituere. 2. T. 13. p. 208.

FUNERARIA quid. 3. T. 28. p. 404.

FURTUM quando censeatur committi. 5. T. 18. p. 591. Furtum Theologice & juridice magnum. ib. p. 592. ex furto quænam actiones competant. ib. pænæ in furtum statutz. ib. p. 593.

GRADUS ACADEMICI varii sunt. 5. T. 5. p. 559 & seq. An pro illorum collatione liceat aliquid amittere. ibid.

GRADUS CONSANGUINITATIS. 4. T. 14. p. 506 & seq. regulæ pro his gradibus cognoscendis. ib. gradus affinitatis. ib. p. 509 & 510.

HÆRES quis possit aut debeat institui. 3. Tit. 26. p. 393. Vel unus vel plures institui possunt. ib. p. 494.

HÆRESIS, hæreticus, Credentes hæreticorum. 5. Tit. 7. p. 564. cum hæreticis communicare qualiter sit prohibitum. ib. p. 565. hæreticorum libros legere est prohibitum. ibid. Judex in causâ hæresis. ibid. pag. 566. absolvere ab hæresi quis possit. ibid.

HOMICIDIUM voluntarium & casuale. 5. T. 13. p. 573. homicidii rei qui constituantur. ib. p. 574. quæ pænæ in homicidas statutz. ib. p. 575.

HONESTAS PUBLICA quid importet. 4. T. 1. p. 476. solo jure Ecclesiastico est introducta. ib. constituit impedimentum perpetuum. ib. non agit retro. ib. p. 447.

HORÆ CANONICÆ a quibus recitari debeant. 3. T. 41. p. 446. modus recitandi horas. ib. causæ excusantes. ibid.

HYPOTHECÆ differentia a pignore. 3. T. 21. p. 374.

JEJUNIUM in quo consistat. Lib. 3. T. 46. p. 450. ad jejunium qui teneantur. ib. p. 451.

IGNORANTIA qualis excuset a Legum transgressione. 1. T. 2. p. 22. ignorantia non excusat ab incurrendâ irregularitate. 5. T. 37. p. 628.

ILLEGITIMI non ordinantur licite. 1. T. 17. p. 78. illegitimi quorū modis habilitari possint ad Ordines. ib. p. 79. illegitimi in genere qui sint. 4. T. 17. p. 517.

IMMEMORIALITAS quid sit in præscriptione. 2. T. 26. p. 258. immemoriali tempore quæ præscribantur. ib. p. 267.

IMMISSIO in possessionem ex primo & secundo decreto. 2. T. 15. p. 214. quomodo ad immissionem in bona rei contumacis ex primo decreto procedatur. ib. quomodo differat immissio in bona in actione reali & personali. ib. & seq. immissio in quibus actionibus locum habeat. ib. p. 216.

IMMUNITAS Clericorum a Legibus secularibus. 1. T. 2. p. 21. immunitas Clericorum a foro seculari. 2. T. 2. p. 166. immunitas Ecclesiastica personalis. 3. T. 49. p. 454. immunitas Ecclesiastica realis. ib. p. 455. immunitas localis in quo consistat.

listat. ib. pag. 456 immunitas a solvendis decimis quomodo obtineri possit. 3. T. 30. p. 411

IMPEDIMENTA IMPEDIENTIA matrimonii. 4. T. 1. p. 475. & 4. T. 16. p. 513 & seq.

IMPEDIMENTA DIRIMENTIA matrimonii sunt error circa personam, de quo 4. T. 1. p. 478 conditio servilis. 4. T. 9. p. 496 votum. 4. T. 6. p. 491 & seq. cognatio spiritalis. 4. T. 11. p. 499 cognatio legalis. 4. T. 12. p. 502 cognatio carnalis. 4. T. 14. p. 505 crimen 4. T. 7. p. 493 Cultus disparitas. 4. T. 1. p. 477. Vis. 4. T. 1. p. 477 & 1. Tit. 40. pag. 138 Ordo. 4. T. 6. p. 492 ligamen. 4. T. 4. p. 486 Honestas publica. 4. T. 1. p. 476 Aetas. 4. T. 2. p. 480 Affinitas. 4. Tit. 14. p. 509 clandestinitas. 4. T. 3. p. 483 Raptus. 4. T. 1. p. 477

IMPERIUM merum & mixtum. 1. T. 31. p. 104 Etiam de jure Canonico merum Imperium datur. ib.

IMPOTENTIA, ut matrimonium dirimat, qualis esse debeat. 4. T. 15. p. 512 impotentes qui sint, ut matrimonium nequeant contrahere. ib. p. 512 & seq. in casu impotentiae an qualiter putatitii conjuges separandi. ibid.

IMPUBERES an ex pactis & contractibus obligentur. 1. T. 35. p. 119 impuberum sponsalia. 4. T. 2. p. 479 impuberum delicta quomodo puniantur. 5. T. 23. p. 606

INCENDIARIJ qui dicantur, & quæ eorum poenæ. 5. T. 17. p. 589. &c.

INCESTUOSUS. 4. T. 14. p. 511 incestus punitur gladio. 5. T. 16. p. 687

INDULGENTIÆ vel plenariæ vel partiales dantur a S. Pontifice. 5. T. 38. p. 631 Requiritur ad earum valorem justa causa. ibid.

INFANTES pacisci non possunt. 1. Tit. 35. p. 119 infantes expositi. 4. T. 11. p. 498

INFIDELIS ad fidem conversi. 3. Tit. 33. p. 420 & seq. ad infideles arma non sunt deferenda. 5. T. 6. p. 561

INJURIA varie dividitur. 5. Tit. 37. p. 623 inferre & pati injuriam qui possint. ib. contra injuriantem quæ in foro externo detur actio. ibid. injuriarum actio quot modis cesset. ib. pag. 624

INNOCENS non est condemnandus, etiam si judici nocens probatus sit, dummodo aliunde judici de innocentia constet. 1. T. 32. p. 112 innocentem occidere directe non licet. 1. Tit. 34. pag. 117

INQUISITIO generalis & specialis. 5. T. 1. p. 546 ad inquisitionem quando & quomodo procedendum. 5. T. 1. ib.

INSPIRATIO locum habet in electione facienda. 1. T. 6. p. 48

INSTITUTIO specificæ accepta. 3. T. 7. p. 328 qui possint institui. ib. jus instituendi cui competat. ib. institutio quomodo facienda. ib. p. 329 effectus institutionis. ib. institutio authorizabilis. ib. p. 330

INSTITUTIO HEREDIS quomodo fieri debeat. 3. T. 26. p. 393

INSTRUMENTUM quid & quotuplex. 2. T. 22. p. 239 ad instrumentum publicum quæ requirantur. ib. instrumenta publica quomodo probent. ib. p. 240 instrumenta privata non

- non autentica. ibid. Instrumentorum productio. ib. p. 242
 Instrumentorum fides quomodo enervetur. ib. p. 243
INTERDICTA possessoria. 2. Tit. 12. p. 202
INTERDICTUM Ecclesie in materia matrimoniali. 2.
 Tit. 16. pag. 513
INTERDICTUM pro censura acceptum differt ab ex-
 communicatione. 5. Tit. 39. p. 638 & seq. aliud locale, aliud
 personale, aliud mixtum. ibid. etiam communitates integræ
 possunt interdici. ibid.
INTERPRETATIO Legis quotuplex. 1. Tit. 2. p. 22 per
 interpretationem quomodo lex extendatur? ibid. p. 23
INTERPRETATIO quæ in privilegiis fieri possit. 5. T.
 33. p. 619
INTERSTITIA quid sint. 1. Tit. 11. p. 64
INVESTITURA fieri debet in beneficiis. 3. Tit. 3. p. 328
 laicis non potest competere jure proprio. ibid. p. 330 quo-
 modo fieri debeat. ibid. pag. 331
INVESTITURA in feudis. 2. Tit. 20. p. 371 & seq
IRREGULARES non sunt eligibiles. 1. Tit. 6. p. 46 Irre-
 gulari facta collatio beneficii est nulla. 1. Tit. 14. p. 73 Irre-
 regulares sunt omnes illegitimi. 1. Tit. 17. pag. 78 Irregulares
 sunt servi. 1. Tit. 18. p. 79 Irregulares sunt obligati ad ratio-
 cinia. 1. Tit. 19. p. 81 Irregulares sunt corpore vitiati. 1. Tit.
 20. pag. 82
IRREGULARITAS ex delicto a quibus contrahatur. 5.
 Tit. 12. p. 576 ex defectu lenitatis Christianæ a quibus. ib.
 p. 577 Fur quomodo incurrat irregularitatem. 5. Tit. 18. pag.
 594 Irregularitas a Clerico excommunicato vel suspensio, si
 ministret, incurritur. 5. Tit. 27. pag. 610 Irregularitas quid
 sit. 5. Tit. 37. pag. 627
IRRITATIO a Lege inducta. 1. Tit. 11. p. 18 Irritari quæ
 vota & a quibus possint. 3. Tit. 34. p. 423
JUBILÆUM est species indulgentiæ plenariæ. 5. T. 38. p. 632
JUDÆI an licite a Principibus Christianis recipiantur. 5.
 Tit. 6. p. 562 Quid commodi ex sui receptione consequantur.
 ibid. qualis communicatio cum Judæis sit prohibita. ib.
JUDEX quis dicatur & esse possit. 1. Tit. 32. pag. 110 offi-
 cium judicii. ibid. pag. 111. judicis obligatio. ibid. p. 112
 non datur casus pro amico. ibid. judex non potest damnare
 innocentem, licet probatus sit nocens. ibid. circa acceptio-
 nem munerum quid notandum. ibid.
JUDEX ORDINARIUS, & qui hoc nomine veniant.
 1. Tit. 31. pag. 105 Coram quo iudice causa in iudicium de-
 ducenda. 2. Tit. 1. pag. 158
JUDEX DELEGATUS. 1. Tit. 29. pag. 95 Varia divi-
 sio iudicum delegatorum. ibid. pag. 96 & seq. Delegatus Pa-
 pe etiam subdelegare potest. ibid. pag. 97 Judex delegatus
 quis esse possit. ibid. pag. 98 iudicis delegati officium. ib.
 potestas iudicis delegati. ibid. pag. 99 quomodo cesset offi-
 cium iudicis delegati. ibid. p. 100
JUDICIUM varie accipitur. 2. Tit. 1. pag. 154 iudicium
 constituunt iudex, actor, reus. ibid. p. 155 In iudicio qui-
 nam stare possint. ib. p. 156 forma & effectus iudicii. ibid.
 iudicium ex quibus causis reddatur nullum. ibid. p. 160

- JURAMENTUM** est honestum & laudabile. 2. T. 24. p. 247 juramentum assertorium differt a promissorio. ib. p. 248 Quotuplex requiratur veritas ad juramentum promissorium. ib. p. 249 juramenti promissorii qualis sit obligatio. ib. quomodo firmet contractus. ib. p. 250 Cessat obligatio juramenti vel hujus irratione vel relaxatione, vel remissione, vel commutatione. ib. p. 251
- JURAMENTUM CALUMNIÆ** quid continere debeat. 2. T. 7. p. 185 remitti tacite potest, non expresse. ib. p. 186 quinam præstare debeant. ib.
- JURAMENTUM JUDICIALE** in specie sumptum quis deferre possit. 2. T. 24. p. 252 An necessario præstandum. ib. & seq. effectus hujus juramenti. ib.
- JURAMENTUM NECESSARIUM** an & cui judex deferre debeat. ib. p. 253
- JURISDICTIO** in genere alia Ecclesiastica est, alia secularis. 1. T. 31. p. 104 jurisdictio quomodo acquiratur. ibid. quomodo amittatur. ib. & seq.
- JURISDICTIO** Confessorio ad validam Pœnitentiæ administrationem necessaria est. 5. T. 38. p. 630
- JURISDICTIO VICARII** Generalis est Ordinaria. 1. T. 28. p. 92 Ad omnes causas, quæ pertinent ad jurisdictionem Episcopi ordinariam, se extendit. ib. varie cessat. ib. p. 93
- JUS** varie sumitur. Q. Procem. p. 1. & seq. jus naturale. Q. P. p. 2. jus positivum. ib. p. 3. jus Gentium Q. P. ib. jus Civile. ib. jus Canonicum. Q. P. p. 5. juris Canonici partes. ib. p. 6. juris utriusque usus in utroque foro. ib. p. 9
- JUS PATRONATUS**. 3. T. 38 p. 431 jus Patronatus Ecclesiasticum & laicale. ib. p. 432 juris patronatus etiam laici capaces sunt. ib. modi acquirendi jus patronatus. ib. p. 433 jura patronis competentia. ib. p. 434 jus patronatus quomodo in alios transferatur. ib. p. 436 probatio juris patronatus. ib. amissio juris patronatus. ib. p. 437
- LÆSIO** qualis esse debeat, ut censeatur competere restitutio in integrum. 1. T. 41. p. 140
- LAICI** non possunt ferre Leges, vel personas Ecclesiasticas vel Ecclesiam concernentes. 1. T. 2. p. 15 Laici non sunt capaces juris eligendi. 1. T. 6. p. 45 Laico non potest beneficium conferri. 1. T. 14. p. 73 Laicus solus in causa spirituali arbitri esse nequit. 1. T. 43. p. 150 laicorum forum. 2. T. 2. p. 168 laicis Magistratus nequit ferias sacras indicere. 2. T. 9. p. 191 laici sunt incapaces juris decimandi. 3. Tit. 30. p. 410 laicale Jus patronatus. 3. T. 38. p. 431
- LAUDUM** ab arbitrio latum. 1. T. 43. p. 151
- LEGATUM** quid. 3. Tit. 26. p. 397 legari res etiam aliena potest. ib. quibus relinqui possint legata. ib. & seq.
- LEGATUS** alius est natus, alius missus. 1. T. 30. p. 101 Legatorum communis potestas quæ. ib. Legati a latere prerogativa. ib. p. 102 Legati missi potestas. ib. officium Legati quomodo finiatur. ib. p. 103
- LEGISLATOR** nec vi coactiva, nec directiva suis Legibus tenetur. 1. T. 2. pag. 20 Legislator humanus nequit ferre Leges contra jus divinum vel naturale. ib. p. 16

- LEGITIMA** quæ & quanta sit. 3 T. 26 p. 394
- LEGITIMATIO** quid sit. 4 T. 17. p. 519 quotupliciter fiat. ib. quomodo a dispensatione distinguatur. ib. effectus legitimisationis. 4 T. 17. p. 520 legitimatio per rescriptum. ib. p. 521
- LEGITIMUS** est non tantum natus ex matrimonio valido, sed etiam ex putativo. 4 T. 17. p. 517 ex uxore, de qua certum, eam esse adulteram. ibid. p. 518 expositi etiam pro legitimis habentur. ib. legitimati per subsequens matrimonium de jure non succedunt in feudis. ib. p. 519
- LEPRA** superveniens sponsalibus dat justam causam resiliendi. 4 T. 8. p. 495 Per lepram supervenientem non dissolvitur matrimonium quoad vinculum. ibid. p. 496 leproso an sanus teneatur reddere debitum. ib.
- LEX** quid sit. 1 T. 2. p. 12 forma Legis. ib. promulgatio legis Ecclesiasticæ sufficit, si Romæ sit facta. ib. p. 13 Ad legem acceptatio populi non requiritur. ib. materia legis. ib. p. 14 causa finalis legis. ib. Legum causa efficiens. ib. p. 15 penes quem sit potestas condendi leges civiles. ib. p. 16 Leges humanæ obligare possunt in conscientia. ib. p. 17. Lex pœnalis. ib. lex irritans. ib. p. 18. lex fundata in præsumptione. ib. p. 19. lex in fictione juris fundata. ib. legibus Ecclesiasticis qui obligentur. ib. p. 20. legibus civilibus qui. ib. p. 21 ab observatione Legis an metus excuset. ib. an ignorantia. ib. p. 22. Legis interpretatio. ib. cessatio legis. ib. p. 24
- LEX DIOECESANA** & Lex jurisdictionis respectu Episcopi quid sit. 1 T. 31. p. 109
- LIBELLUS** summarius & articulatus. 2 T. 3. p. 172 constat narratione facti, medio concludendi, & conclusionem. ib. & seq. Vitiæ libelli. ib. p. 173 libellus emendari potest etiam post litem contestatam, non mutari. ib. p. 174 effectus oblati libelli. ib. p. 175
- LIBERI** seu ingenui soli ordinandi. 1 T. 18. p. 79 Liberi seu ingenui qui dicantur. 4 T. 10. p. 498
- LIBRI** hæreticorum de Religione tractantes vel hæresin continentes legendi non sunt. 5 T. 7. p. 565
- LINEA** consanguinitatis quid. 4 T. 14. p. 506
- LITIS PENDENS** quando dicatur. 2. Tit. 16. p. 217 Effectus pendentiæ litis. ib. lite pendente possessio immutari non debet. ibid.
- LITERÆ DIMISSORIÆ** a quo & quomodo concedi possunt. 1 T. p. 66
- LITIGIOSA RES** vel res vitio litigii affecta. 2 T. 16. p. 217 Res litigiosa si alienetur, quibus pœnis subiaceant alienans & accipiens. ib. p. 218
- LITIS CONTESTATIO** quomodo fiat. 2 T. 5. p. 181 Est de substantia processus ordinarii. ib. p. 182 recensentur causæ, ubi litis contestatione opus non est. ib. litis contestatio per quos fieri possit. ib. lite non contestata procedi non debet ad testium receptionem vel ad sententiam definitivam. 2 T. 6. p. 183
- LOCA PIA** an & cui Episcopo sint subjecta. 3 T. 36. pag. 428 in loca Religiosa quid juris Episcopo competat. ib. p. 429 circa mutationem status locorum Religiosorum quid possit Episcopus. ib.

LOCARE quæ possint. 3. Tit. 18. pag. 361 quæ res possint locari. ibid. pag. 362 locatoris obligationes. ibid. & seq. locati actio. ibid. p. 364

LUCRUM CESSANS iustus est titulus, aliquid ultra sortem accipiendi. 5. Tit. 19. p. 595

LUXURIA, ejusque species. 5. Tit. 16. p. 587.

MAGIA quæ dicatur. 5. Tit. 21. pag. 604. poena Magiæ. ibid. pag. 605

MAGISTRORUM nomine qui veniant. 5. Tit. 5. p. 559

MAJORENNES an subinde restitui in integrum possint. 1. Tit. 41. pag. 142

MAJORITAS unde nascatur. 1. Tit. 33. p. 113 ratione dignitatis quæ majoritas. ibid. & seq.

MALEDICTUM quid & quotuplex. 5. Tit. 26. pag. 609. poena maledicorum. ibid. 610

MALEFICIATI. 4. Tit. 15. p. 511

MANDATO an & qualiter egeat Procurator. 1. Tit. 38. p. 132 Effectus mandati procuratorii. ibid. p. 133

MATRIMONIUM Clericis an & quo iure sit prohibitum. 3. Tit. 3. pag. 301 matrimonium contrahendo an & qualiter Clericus amittat beneficia. ibid. pag. 303 matrimonio nondum consummato sponsis de presenti licet Religionem ingredi. 3. Tit. 32. pag. 419 matrimonio consummato quomodo conjugibus Religionem ingredi liceat. ibid. & seq. matrimonium ratum dissolvitur per solemnem professionem. ibid. p. 420 matrimonium infidelium quomodo solvatur. 3. Tit. 33. pag. 421 Matrimonium ad morganaticam. 4. Tit. 1. pag. 471. requisita ad matrimonii valorem. ibid. p. 472 Matrimonium est verum Sacramentum. ibid. matrimonii consensus qualiter exprimi debeat. ibid. pag. 473 matrimonium invalidum quomodo restaurandum. ibid. pag. 474 Ad matrimonium quæ ætas requiratur. 4. Tit. 2. pag. 480. Matrimonium clandestinum, quid. 4. Tit. 3. pag. 481 matrimonium clandestinum an sit irritum. ibid. pag. 483 irratione matrimonii clandestini quinam afficiantur. ibid. pag. 484 Matrimonio an possint conditiones apponi. 4. Tit. 5. pag. 489. & seqq. Matrimonium an dirimat vel solum impediunt vota simplicia. 4. Tit. 6. pag. 492 Matrimonium leproforum. 4. Tit. 8. pag. 495 Matrimonium servorum. 4. Titul. 9. pag. 306 Matrimonium contra interdictum Ecclesiæ contractum. 4. Tit. 16. pag. 513 & seq. Matrimonium habet vim legitimandi proles. 4. Tit. 17. pag. 517 & seq. Matrimonii iudex. 4. Tit. 18. pag. 521 Matrimonium accusare qui possint. ibid. pag. 522 qui non. ibid. Matrimonium est indissolubile quoad vinculum. 4. Tit. 19. pag. 529 & seq.

MENDICANTES Religiosi an transire possint ad aliam Religionem. 3. Tit. 31. p. 418.

MENSES PAPALES in concordatis. 3. Tit. 5. pag. 325 Mensis Papalis quando finiatur. ibid. & seq.

MERUM & mixtum imperium. 1. Tit. 31. pag. 104

METU facta beneficii resignatio est irritanda. 1. Tit. 9. pag. 58 Metus quid sit & quotuplex. 1. Tit. 40. pag. 137 Metu gesti actus an sint validi vel invalidi. ibid. pag. 138. & 2. Tit. 24

- TIT. 24. p. 249** Metum passio quomodo subveniat. *ibid.* pag. 139 Metu initum Matrimonium. 4. Tit. 1. pag. 474
- MINOR** an possit esse iudex. 1. Tit. 32. p. 111. minor an possit compromittere in arbitrum. 1. T. 43. p. 149 an arbiter esse possit. *ib.* & seq. Minoribus an & quomodo competat beneficium restitutionis in integrum. 1. Tit. 31. p. 141
- MISSA** an sit sacrificium. 3. Tit. 41. p. 445 quæ sit obligatio sacrificandi. *ibid.*
- MISSIO IN POSSESSIONEM** ex primo & secundo decreto. 2. Tit. 15. p. 214
- MODUS** quid sit. 4. Tit. 5. p. 488 quomodo afficiat matrimonium. *ibid.* p. 491
- MOHATRÆ** contractus illicitus est. 5. Tit. 19. p. 599
- MONACHORUM** status. 3. Tit. 35. p. 426
- MONASTERIORUM** erectio quid requirat. 3. T. 36. p. 429 Monasteriis quid juris competat in parochiis sibi unitis. 3. T. 37. p. 430 Monasteria libera sunt a cathedratico solvendo. 3. Tit. 39. p. 439 Monasteriis ius asyli competit. 3. Tit. 49. p. 456
- MONIALES** in materia sibi adaptabili favoribus Clericatus gaudent. 3. T. 1. p. 295 Monialium clausura. 3. T. 5. pag. 427
- MONTES PIETATIS** immunes sunt ab usura. 5. T. 19. p. 600
- MORA** præstatur in commodato. 3. Tit. 15. pag. 352 mora in Emphyteusi Ecclesiastica per celerem satisfactionem purgari potest. 3. Tit. 18. pag. 367
- MORTUARIA** vel quarta funeralium Parocho competens. 3. Tit. 28. p. 404
- MUNERA** an possit iudex accipere. 1. Tit. 32. p. 112
- MUNUS** a manu, munus a lingua, munus ab obsequio quid sit. 5. Tit. 3. p. 553
- MUTILATI** qui sint prohibiti a sacris Ordinibus, consequenter irregulares. 1. T. 28. p. 83 & 5. T. 12. p. 577. & 578
- NATI** ex libero ventre. Lib. 4. Tit. 10. p. 498
- NEGATIVA FACTI** an & quomodo probari possit. 2. T. 19. p. 229 Negativa juris potest & debet probari. *ib.* p. 229
- NEGLIGENTIA PRÆLATORUM** qualiter suppleatur. 1. T. 10. p. 60 Negligentia Prælatorum in materia jurisdictionis per quem suppleatur *ib.* per quem in materia beneficii. *ib.* p. 61
- NEGOTIA SÆCULARIA** quæ prohibita sint Clericis. 3. Tit. 1. p. 298 & Tit. 50. p. 461 & seq. prænt in Clericos negotia secularia tractantes statuta. *ibid.* p. 463
- NEGOTIATIO** quæ Clericis & quomodo sit prohibita. 2. Tit. 50. pag. 461
- NOTARIUS** quis esse possit. 2. Tit. 22. p. 239 quid præterea in Notario requiratur. *ibid.* & seq.
- NOVALIA** proprie dicta sunt, dum terra ad culturam redigitur, de qua non extat memoria, nec sulcus, quod fuerit aliquando culta. 3. Tit. 30. pag. 409 Novalia Parocho debentur. *ibid.*
- NOVI OPERIS NUNTIATIO** quid & quotuplex. 5. Tit. 32. p. 614 Novi operis nuntiatio quibus competat. *ibid.* effectus nuntiationis novi operis. *ibid.* p. 615
- NOVITIATUS** præmitti debet professioni. 3. T. 31. p. 415
- NOVITIIS** quæ privilegia competant. 3. Tit. 31. pag. 415

NUNTIUS APOSTOLICUS quam habeat potestatem. 1. T. 30. p. 102 quid operetur clausula: **CUM POTESTATE LEGATI A LATERE** subinde addi solita. ibid.

NUPTIÆ secundæ, tertiæ, quartæ sunt licitæ. 4. T. 21. p. 535 Nubentibus secundo quæ pœnæ statutæ. ib. p. 596 an correctæ per Jus Canonicum. ib. p. 537 ad secundas nuptias ut liceat transire, quomodo de obitu conjugis constare debeat. ib. p. 638 nuptiarum benedictio quid, & non adhibenda secundis nuptiis. ibid. p. 539

O**BEDIENTIA** in quo consistat, & cui debeatur. 1. T. 33. p. 114 in obedientia superioribus præstanda quomodo procedendum. ib. p. 115 obedientia Religiosorum. 3. T. 35. p. 426

OBLATIONES facere nemo tenetur. 3. T. 30. pag. 413 ad quem spectent. ib.

OBLIGATI ad ratiocinia quinam ab Ordinibus sacris arceantur. 1. T. 19. p. 81

OBLIGATIO Legis an in conscientia locum habeat. 1. T. 2. p. 17

OFFICIUM DIVINUM qui recitare debeant. 3. T. 41. p. 446 quas pœnas non recitantes incurrant. ib. causæ a recitatione divini officii excusantes. ib.

ORDO est verum Sacramentum. 1. T. 11. p. 62 prima tonsura Ordo non est. ib. p. 63 tactus physicus materiæ non est necessarius. ib. tempora, interstitia in Ordinibus servanda. ib.

ORDINIS MINISTER est Episcopus. 1. T. 11. p. 65 ut licite conferat, præter alia debet esse proprius ordinandi. ib. pœnæ male ordinantium & ordinatorum. ib. p. 67

ORDINANDORUM QUALITATES enumerantur. 1. T. 11. p. 64 quid circa congruam ordinandi sustentationem requiratur. ibid. p. 65 ordini conferendo debet examen præmitti. 1. T. 12. p. 68 pœnæ ordinantium & ordinatorum absque examine. ib. p. 69 Ordinatus an valide sit & licite, qui accepit Ordines ab Episcopo, dum Episcopatu renuntiavit. 1. T. 13. p. 70 Ordinandi non sunt filii Presbyterorum. 1. T. 17. p. 77 non servi. 1. T. 18. p. 79 non obligati ad ratiocinia. 1. T. 10. p. 81 non corpore vitati. 1. T. 20. p. 82 non bigami. 1. T. 21. p. 84 Ordines male suscepti. 5. T. 29. p. 612

ORDO COGNITIONUM quid sit. 2. T. 10. p. 193 Regula circa Ordinem cognitionum observanda. ib.

P**ACTUM** differt a contractu proprie tali. 1. T. 35. p. 118 pacta nuda pariunt obligationem naturalem, civilem. ib. pacisci qui prohibeantur. ib. p. 119 & 120 de quibus rebus liceat inire pacta. ib. p. 120 Forma pactorum. ib. & seq. Pacta quæ possint contractui emptionis venditionis adjici. 3. T. 17. p. 359 quæ pacta possint contractui pignoratitio adjici. 3. T. 21. p. 376 pactum Simoniacum quando interveniat. 5. T. 3. p. 550 & quando non interveniat. ib. p. 551

PALLIUM ARCHI-EPISCOPALE quid sit. 1. T. 8. p. 55 Figura hujus pallii. ib. p. 56. antiquus usus pallii. ib. quinam utantur pallio. ib.

PAPA fert Leges Ecclesiasticas universales. 1. T. 2. p. 15 per se Papæ potestas legislativa in secularibus non extenditur extra

- extra territorium .D Petri** ibid. p. 16. Papa triplicem habet jurisdictionem. 1. T. 31. p. 105 Papatus est juris divini. ib. & seq. e cathedra loquens est infallibilis. ib. p. 106
- PARENTES** qualiter possint liberos despondere. 4. T. 2. p. 480 Parentum consensus ad matrimonium non est necessarius. 4. T. 1. p. 472 & 4. T. 2. p. 480
- PAROCHIA** quid, & quæ ad illam constituendam requirantur. 3. T. 29. p. 406 Parochiæ quæ jura competant. ib. p. 407
- PAROCHO** quid juris competat, si parochianus alibi sepeliatur. 3. T. 28. p. 404 Parochi officium. 3. T. 29. p. 407 Parochus proprius debet assistere matrimonio, ad hoc ut valeat. 4. T. 3. p. 483 quis nomine Parochi proprii veniat. ib. p. 484 quales qualitates in paracho proprio requirantur. ib. pag. 485
- PARRICIDA** quis. 5. T. 10. p. 570 pœna parricidii. ib.
- PATRIARCHÆ** majores alii, alii minores. 1. T. 31. p. 107
- PATRINUS** contrahit cum baptizato ejusque parentibus cognationem spiritualem. 4. T. 11. p. 449 patrini qui possint esse. ib. p. 501
- PATRONATUS** sive Juspatronatus multiplex est. 3. T. 38. p. 431 differentia inter jus patronatus Ecclesiasticum & laicale. ib. p. 432 juris patronatus quinam sint capaces. ib. modi jus patronatus acquirendi. ib. p. 433 jura patronorum. ib. p. 434 modi jus patronatus in alios transferendi. ib. pag. 436 quomodo jus patronatus probetur. ib. quomodo amittatur. ib. pag. 437
- PAUPERITAS** Religiosa ad quid Religiosum obliget. 3. T. 35. p. 425
- PAX** quid sit, & quid Tregua. 1. Tit. 34. p. 116 an Princeps subditos ad pacem possit cogere. ibid. potest Princeps pace inita remittere illata subditis tempore belli damna. ib.
- PECULIUM** Clericorum quid. 2. T. 25. p. 487 triplex Clerici peculium habent. ib. quomodo possint expendere. ibid. pag. 388.
- PENSIO** in beneficiis a quo possit imponi. 3. T. 12. p. 341
- PERCUSSIO** Clerici facit incurri excommunicationem. 5. T. 59. p. 617
- PERCUSSOR** Clericus. 5. T. 25. p. 608
- PEREGRINI** non tenentur Legibus patriæ, a qua absunt, nec locorum, quæ transeunt. 1. T. 2. p. 21 Clerici peregrini qui sint, & quid sit circa eos statutum. 1. T. 22. p. 86 Clerici peregrinantes, effectusque est peregrinationis Romanæ post litem motam appellatio. 2. T. 29. p. 290
- PERICULUM** rei venditæ statim transit ad emptorem. 3. T. 17. p. 356 periculum amittendæ fortis est iusta causa aliquid ultra sortem accipiendi. 5. T. 19. p. 595
- PERMUTATIO** quid sit. 3. T. 19. p. 368 effectus permutationis. ib. res, quæ permutari possint. ib. p. 369
- PIGNUS** quomodo differat ab hypotheca. 3. T. 21. pag. 374 pignus expressum & tacitum. ib. res, quæ pignori dari possunt. ib. p. 375 qui possunt constituere pignus. ib. effectus & jura constituti pignoris. ib. p. 376 pignoratitio contractui quæ pacta possint adjici. ib. & seq.
- PLUS PETITIO** fit 4. modis. 2. T. 11. p. 195 plus petenti

tium pœna. *ibid.* quomodo pœna plus petentium possit evitari. *ibid.* pag. 197

- P**OENA Legibus adjecta quando teneat. 1. Tit. 2. pag. 22 pœnæ scienter postulantium indignum. 1. Tit. 5. pag. 42. pœnæ male ordinantium & ordinatorum. 1. Tit. 11. pag. 67 pœnæ contra contumaces statutz. 2. Tit. 14. p. 213 pœnam an liceat sponsalibus adicere. 4. Tit. 1. p. 467 pœnæ binubentibus statutz. 4. T. 21. p. 536 quznam pœnæ in Simoniacos sint statutz. 5. T. 3. p. 556 pœnæ contra hæresin decretz. 5. Tit. 7. p. 565. pœnæ schismaticorum. 5. Tit. 8. p. 567 pœnæ parricidii. 5. T. 10. p. 570 exponentium liberos suos. 5. T. 11. p. 575 pœnæ contra homicidas statutz. 5. Tit. 12. pag. 575 pœnæ duellantium. 5. Tit. 14 p. 581 pœnæ adulterii. 5. Tit. 16. p. 585
- P**ER OMNES TITULOS HUIUS LIBRI IN MALEFACTORES PŒNÆ STATUTÆ SUNT: pœna in genere quid sit. 5. T. 37. p. 626 pœnam quis & qualem possit imponere. *ib.* pœnæ juris Canonici in specie. *ib.* p. 627
- P**ŒNITENTIA variæ sumitur. 5. T. 38. p. 629 Pœnitentiæ Sacramentum. *ib.* Pœnitentia quatenus est satisfactio. *ib.* p. 631
- P**OLYGAMIA quo jure prohibita. 4. Tit. 4. p. 487 Deus dispensavit in polygamia & potuit dispensare. *ib.*
- P**OSSESSIO alia naturalis, alia civilis. 2. Tit. 12. pag. 198 acquisitio possessionis. *ibid.* amissio possessionis. *ibid.* p. 199 commoda possessionis. *ibid.* p. 200 quznam possessio ad præscriptionem requiratur. 2. Tit. 26. p. 265
- P**OSSESSORIA remedia. 2. Tit. 12. p. 202 quomodo petitorium & possessorium cumulari possit. *ibid.* p. 204
- P**OSTULARE quid sit. 1. Tit. 37. p. 125 postulare vel advocare qui possint. *ibid.* & seq.
- P**OSTULATIO PRÆLATORUM differt ab electione. 1. Tit. 5. p. 40 & seq. postulari qui possint. *ibid.* pag. 41 forma postulationis. *ibid.* p. 42
- P**RÆBENDA quid sit. 3. Tit. 5. p. 24 præbenda tripliciter dicitur vacare. 3. Tit. 8. p. 331
- P**RÆCEDENTIA unde nascatur. 1. Tit. 33. p. 113 Judex controversiæ propter præcedentiam ortæ. *ibid.* pag. 114
- P**RÆDATIO quid sit. 5. Tit. 17. p. 588
- P**RÆLATI Episcopi inferiores quam potestatem habeant. 1. Tit. 31. pag. 109 quæ a Prælato fieri possint sine consensu Capituli. 3. Tit. 10. pag. 336 Prælatatus quomodo res Ecclesiæ alienare possit. 3. Tit. 13. pag. 342 ne Prælati vices suas vel Ecclesias sub annuo censu concedant. 5. Tit. 4. p. 557
- P**RÆSCRIPTIO & usucapio hodie pro eodem sumuntur. 2. Tit. 26. p. 257 varia est præscriptio. *ib.* unde orta sit præscriptio. *ib.* p. 258 effectus præscriptionis. *ibid.* p. 259 qui & contra quos præscribere possint. *ib.* requisita ad præscriptionem. *ib.* p. 260 impedimenta præscriptionis. *ib.* p. 267
- P**RÆSENTATIO quid sit. 3. T. 38. p. 435 præsentatus debet esse dignus. *ibid.* pluribus ab eodem patrono præsentatis dignior debet institui. *ib.* Tempus præsentandi. *ibid.* p. 432
- P**RÆSTATIONES ANNUÆ una 30. annorum præscriptione non extinguuntur. 2. Tit. 26. p. 261
- P**RÆSUMPTIO alia est hominis, alia juris. 2. Tit. 27. p. 244 differt a conjectura, indicio, fictione juris. *ib.* & seq. vim

vim qualem probandi præsumptio habeat. *ibid.* p. 245 Effectus præsumptionis. *ibid.* pag. 246

PRÆVARICARI quid sit, & quæ poenâ prævaricationis. 5. Tit. 2. pag. 549

PRÆVENTIO locum habet, si delictum in confinio duorum territoriorum patratum. 2. T. 2. p. 165 item in causis mixti fori. *ib.* p. 168 Forum præventionis quid sit. *ib.* pag. 171

PRECARIÆ ET PRECARIUM quomodo differant, & quid circa utrumque notandum. 3. Tit. 14. p. 349

PRECES PRIMÆ Imperatori non competunt vi Majestatis Imperatoriæ. 3. Tit. 5. p. 324

Presbyter ut ordinetur, requiritur, ut sit 25. annorum saltem inchoative. 1. Tit. 11. p. 64 Presbyter non baptizatus an valide conferat Sacramenta. 3. Tit. 43. p. 448

PRETIUM emptionis venditionis. 3. Tit. 17. p. 357 & seq. pretium Simoniacum. 5. Tit. 3. p. 553

PRIMATES qui sint. 1. Tit. 31. p. 107

PRIMICERIUS, ejusque officium. 1. Tit. 25. p. 90

PRIMITIÆ sunt primi fructus, qui Dei beneficio ex agris producuntur. 3. Tit. 30. p. 413 Semel tantum debentur. *ibid.* hodie præcepto tantum Ecclesiastico. *ibid.* pag. 413

PRINCEPS non potest cum præjudicio & diminutione subditorum sine justa causa aliquid statuere. 1. Tit. 2. pag. 17 Non tenetur legibus propriis. *ibid.* p. 20

PRIVILEGIUM fori competens personis Ecclesiasticis. 2. Tit. 2. p. 166 privilegia quæ competant Clericis conjugatis. 3. T. 3. p. 303 Privilegium quid & quotuplex. 5. T. 33. p. 616 qui & quibus possint privilegia concedere. *ibid.* p. 617 acquisitio privilegiorum. *ibid.* in usu privilegiorum quomodo se gerat privilegiatus. *ib.* p. 618 interpretatio & extensio privilegiorum. *ib.* p. 619 Cessatio & amissio privilegiorum. *ib.* p. 620

PROBATIO quid & quotuplex. 2. Tit. 16. p. 227 effectus probationis. *ib.* actori incumbit probatio. *ib.* p. 228 objectum probationis. *ib.* p. 229 species probationum. *ib.* p. 230

PROCURATIONUM nomine quid veniat. 3. T. 39. p. 440

PROCURATOR quis sit & quotuplex. 1. Tit. 38. p. 128 Procuratorem qui possit constituere. *ib.* p. 129 Procurator qui possit constitui. *ibid.* p. 130 in quibus causis possit constitui procurator. *ib.* p. 131 Procurator qualiter mandato egeat. *ib.* p. 132 Procuratoris officium quot modis finiatur. *ibid.* p. 133

PROFESSIO FIDEI a quibus debeat. L. Tit. 1. pag. 11 & 5. Tit. 7. p. 565

PROFESSIO RELIGIOSA quid sit. 3. Tit. 31. p. 417 effectus Professionis. *ib.* Professio an nunquam liceat a Religione recedere. *ibid.* p. 418

PROMISSIO beneficii nondum vacantis non valet. 3. Tit. 8. p. 333 promissio matrimonii qualis esse debeat, ut sit valida. 4. Tit. 1. pag. 465

PROPRIETAS quomodo differat a possessione. 2. Tit. 12. pag. 200 causa proprietatis quæ sit. *ibid.* pag. 202 causa proprietatis & possessionis coram eodem iudice tractanda. *ibid.* pag. 203 causa proprietatis & possessionis cumulari potest. *ibid.* pag. 204

PROROGATIO jurisdictionis quid sit. 2. Tit. 2. p. 171 quæ causæ

- causæ prorogari non possint ib. prohibiti prorogare jurisdictionem judicis non sui. ib. & seq
- PROTOCOLLUM** eandem vim probandi habet, quam instrumentum. 2. T. 22. p. 240
- PUBERES** an & quomodo a sponsalibus resilire possint. 4. T. 2. p. 479 pubertas legalis vel etiam naturalis ad matrimonium contrahendum sufficit. ib. pag. 480 pubertati proximi delinquentes pœnæ saltem extraordinariæ subiacent. 5. Tit. 23. pag. 606
- PUBLICATIO ATTESTATIONUM** quid sit & quomodo fiat. 2. T. 20 p. 237 effectus publicationis. ib. p. 238
- PUERI ET PUELLÆ** an obligentur Legibus. 1. T. 2. p. 20 puerorum delicta. 5. T. 23. p. 606
- PUPILLUS** nequit contrahere absque autoritate Tutoris, & si contraxerit nequidem naturaliter obligatur. 1. T. 35. p. 119
- PURGATIO VEL EST CANONICA VEL VULGARIS.** 5. T. 34 p. 621 quomodo olim, & quomodo hodie fiat purgatio Canonica. ib. effectus purgationis Canonice. ib. p. 622 de purgatione vulgari quid sentiendum. ib.
- PURIFICATIO POST PARTUM** adhuc hodie licite adhibetur. 3. T. 47. p. 453

- QUALITATES ORDINANDORUM** quæ sint. 1. T. 11. p. 64 qualitatibus promovendorum ad dignitates & beneficia. 1. T. 14. p. 72 & 3. T. 5. p. 312
- QUARTA** funeralium. 3. T. 28. p. 404 quarta decimarum. 3. T. 39. p. 479
- QUITANTIA** vel quietantia quomodo probet. 2. Tit. 22. pag. 241

- RAPINA** quæ sit. 5. T. 17. p. 588 pœnæ raptoribus statuta. ibid.
- RAPTUS** est impedimentum dirimens a Trid. introductum. 4. T. 1. p. 477 quomodo dirimat matrimonium. ib. raptus per sonarum quid sit, & quæ pœnæ raptoribus constitutæ. 5. T. 17. p. 588
- RATIOCINIIS OBLIGATI** qui censeantur, ut sint prohibiti ab Ordinibus. 1. T. 19 p. 81 ratiociniis obstrictus si defacto ordinatus fuerit quid juris. ib. p. 82
- RATIONUM LIBRI** an & quomodo probent. 2. T. 22. pag. 241
- REBAPTIZANTES** & rebaptizati quas pœnas incurrant. 5. T. 9. p. 569
- RECONCILIATIO** Ecclesiæ quomodo fiat. 3. T. 40. p. 443
- RECONVENTIO** est ab utroque jure approbata. 2. T. 4. p. 178 De jure Clericus non potest reconveniri coram iudice seculari. ib. p. 179 reconventio in quibus causis locum habeat. ib. effectus reconventionis. ib. p. 180
- RECUSATIO JURAMENTI** calumniæ non procedit. 2. T. 7. p. 187 Nec in totum juramentum judiciale voluntarium. 2. T. 24 p. 253 multo minus juramentum judiciale necessarium. ib.
- RECUSATIO** judicis quomodo differat ab appellatione. 2. T. 28. p. 287 iudex tam ordinarius quam delegatus de jure

- Canonico recusari potest. ib. causæ justæ recusandi quæ sint. ib. p. 288 effectus recusationis. ib.
- REGULÆ** Cancellariæ quid sint. Q. Proæm. p. 8. quæ beneficia per Regulæ Cancellariæ reserventur. 3. T. 5. p. 321
- REGULÆ JURIS** quotuplices sint. 5. T. 41. p. 641 unde sint natæ. ib. liberant ab onere probandi. ib.
- REGULARIS** in favorabilibus nomine Clericorum veniunt. 2. T. 1. p. 295 Regulares fieri qui possint & non possint. 3. T. 31. p. 415 circa Regulares utriusque sexus quid de jure communi statutum. ib. p. 427
- RELATIO** quid sit. 2. T. 28. p. 288 quomodo conveniat & quomodo differat ab appellatione. ibid. quomodo relatio ad Principem fieri debeat, ut sit legitima. ib. p. 289
- RELAXATIO** juramenti a quo fieri possit. 2. T. 24. p. 251 a quo voti relaxatio. 3. T. 34. p. 425
- RELIGIO** sive status Religiosus quid sit. 3. T. 31. p. 414 Requisita ad substantiam status Religiosi. ib. Religionem qui teneantur, & qui possint ingredi. ib. p. 415 & 3. T. 32. p. 419
- RELIGIOSUS** Professus an nunquam possit recedere a Religione. 3. T. 31. p. 418 Religiosus ad quid vi voti paupertatis obligetur. 3. T. 35. p. 425 ad quid obligetur vi voti castitatis. ib. p. 426 ad quid vi voti obedientiæ. ib. & seq.
- RELIQUIÆ** Sanctorum quæ dicantur. 3. T. 45. p. 450 quid circa illas statutum. ib.
- REMISSIONES** seu indulgentiæ concedi possunt a S. Pontifice. 5. T. 38. p. 631 causa specialis, ut rite concedantur, requiritur. ib.
- RENUNTIATIO** quid & quotuplex. 1. T. 9. p. 57 quibus beneficiis renunciari, vel quæ resignari possint. ib. Renuntiare sive resignare qui possint. ibid. ad renuntiationem vel resignationem beneficii quæ requirantur. ib. p. 58 Renuntiationis effectus. ib. p. 59
- REPUDIATIO** hereditatis & legati Ecclesiæ relicti an fieri possit a Prælato absque solemnitatibus. 3. T. 13. p. 343
- RES JUDICATA** quid sit. 2. T. 27. p. 272 quando in rem judicatam sententia transeat. ib. Rei judicatæ effectus. ibid. pag. 273
- RELSITÆ FORUM** quomodoloco habeat. 2. T. p. 163 an in loco rei sitæ necessario reus conveniendus. ib.
- RESCRIPTUM** quid & quotuplex. 1. T. 3. p. 25 quis rescriptum possit dare. ib. a quo impetrari possit rescriptum. ib. p. 26 forma rescripti. ibid. p. 27 narratio & conclusio rescripti. ib. in rescriptis justitiæ quæ exprimenda. ib. in beneficiis quæ debeant exprimi. id. rescripta quibus modis vitentur. ib. p. 29 Tempus rescriptorum præsentandum. ib. p. 30 interpretatio rescriptorum. ib. p. 31 executores rescriptorum. ib.
- RESERVATIO BENEFICIORUM** qualiter ab eorum affectione differat. 3. Tit. 5. p. 318 Reservationes beneficiorum in Corpore Juris clausæ. ib. p. 319 extra Corporis juris. ib. p. 320 Reservationes beneficiorum in concordatis. ib. p. 321 reservationes beneficiorum ex primis precibus resultantibus. ib. p. 324
- RESERVATIO CASUUM**. 5. T. 38. p. 631

RESIDENTIA in beneficiis curatis est juris divini & naturalis, in simplicibus juris positivi. 3. Tit. 4. p. 304 causæ a continua residentia excusantes. ib. p. 305 Residentia Episcoporum. ib. p. 306 Prelatorum Episcopo inferiorum. ibid. p. 307 residentia Canonicorum. ib. p. 308

RESTITUTIO IN INTEGRUM quid rei sit. 1. Tit. 41. p. 140 restitutio in integrum quibus competat. ib. p. 141 restitutionis beneficio qui præter minores gaudeant. ibid. p. 142 causæ specialiter in jure expressæ, in quibus competit restitutio in integrum. ibid. pag. 143 restitutio in integrum coram quo iudice petenda. ib. & seq. intra quod tempus. ib. p. 144 effectus restitutionis in integrum. ib. p. 145

RESTITUTIO SPOLIATORUM ante omnia fieri debet. 2. Tit. 13. p. 207 ut restitutionis locus sit, quid probandum. ibid. p. 208

RETROVENDITIO est ligata. 3. Tit. 17. p. 359

REVISIO est vicina supplicationi. 2. Tit. 28. p. 276 quomodo institui possit & debeat. ib. p. 277

REUS quis in iudicio esse possit. 2. Tit. 1. p. 156 Reus quando teneatur probare. 2. Tit. 19. p. 228

ROTA Romana. Quæst. Procem. p. 8

RUBRICA quam habeat auctoritatem. Quæst. procem. ib.

SACRAMENTA quæ & cur non debeant iterari. 1. Tit. 16. pag. 76 in administratione Sacramentorum siquid omissum, quid fieri oporteat, ib. p. 77 Sacramentalia quomodo asservanda. 3. Tit. 44. p. 449

SACRAMENTORUM ADMINISTRATIO quando involvat Simoniam. 5. Tit. 3. p. 554

SACRIFICIUM Missæ. 3. Tit. 41. pag. 445

SACRILEGI fures quid sint. 5. Tit. 17. p. 590

SACRISTÆ officium. 1. Tit. 25. p. 90

SAGITTARI qui dicantur, & quid circa illos jura stant. 5. Tit. 15. p. 582

SANCTI colendi sunt. 3. Tit. 45. p. 450

SARRACENI qui sint. 5. Tit. 6. p. 560 qualis communicatio cum Sarracenis prohibita. ib. pag. 562 & 563

SCHISMA quid & quotuplex. 5. Titul. 8. pag. 567 pœnæ schismaticorum. ibid. an ordinationes a schismaticis factæ valeant. ibid.

SCIENTIA juris alieni an obstat bonæ fidei in præscriptione. 2. Tit. 26. p. 263

SCRUTATORES in electione. 1. Tit. 6. p. 48

SCRUTINIUM quid in electione. 1. Tit. 6. ibid. forma scrutinii. ibid. scrutinium in ordinibus conferendis quotuplex. 1. Tit. 12. p. 68

SEDES DUM VACAT, nihil innovandum. 3. Tit. 9. p. 334 sede vacante quæ non possit Capitulum. ib. quæ Capitulum possit vacante sede. ibid. p. 335

SENATUS-CONSULTUS MACEDONIANUM reddit filium familias etiam in conscientia tutum. 1. Tit. 35. p. 120 non potest, etiam jurate huic renunciare. ib.

SENATUS-CONSULTUM VELLEJANUM mulieribus non semper prodest. 3. Tit. 22. p. 379

SEN-

- SENTENTIA JUDICIS** quid sit & quotuplex. 2. Tit. 27. p. 268 requisita ad sententiæ definitivæ valorem intrinsecum. ib. p. 369 requisita ad valorem extrinsecum. ib. sententia contra quem & intra quod tempus ferenda. ibid. q. 270 effectus sententiæ latæ. ib.
- SEPULTURA** quam varie sumatur. 3. Tit. 28. p. 402 In quo loco quis sepeliendus. ib. pag. 403 quid juris competat Parocho, si Parochianus alibi sepeliatur. ib. p. 404 quinam arceantur a sepultura Ecclesiastica. ib. pag. 405
- SEQUESTRUM** differt a deposito. 2. Tit. 17. p. 217 sequestratio alia voluntaria, alia necessaria. ib. sequester etiam iudex esse potest. ib. sequestratio quibus casibus sit permessa. ib. p. 220 effectus sequestrationis. ib. p. 221 quomodo tollatur sequestrum. ibid.
- SERVI** non sunt ordinandi. 1. Tit. 18 p. 79 servorum conjugia. 4. Tit. 9. p. 496 & seq.
- SIMONIA** unde dicatur. 5. Tit. 3. p. 549 divisio Simonia. ib. ad Simoniam constituendam requisita. ib. p. 550 & 551 pactum Simoniacum. ib. pretium Simoniacum. ib. pag. 552 materia Simoniacæ. ib. p. 553 Simonia circa beneficia. ibid. pag. 554 Simonia circa ingessum Religionis. ibid. pag. 555 poenæ Simoniacorum. ibid. p. 556
- SOLEMNITAS** in postulatione Prælatorum. 1. Tit. 5. p. 42 solemnitas in electione. 1. Tit. 6. p. 48 solemnitas alienationis rerum Ecclesiasticorum. 3. Tit. 13. p. 345 Solemnitates a Testamentum requisitæ. 3. Tit. 26. p. 389 & seq.
- SOLVITIO** late & stricte sumpta. 3. Tit. 23. p. 381 solvere qui rite possint. ibid. solvere qui teneantur. ib. & seq. quid solvendum. ib. p. 382 quibus & quomodo solvendum. ibid. pag. 383
- SORTES ET SORTILEGIA** quid. 5. Tit. 21. p. 603 quæ sortes permixtæ & quæ prohibite. ib. p. 604 poenæ sortilegorum. ib. pag. 605
- SPOLIATIVS** habet interdictum unde vi. 2. tit. 13. p. 205 spoliato etiam contra tertium succurritur. ibidem pag. 207 quis modus in restitutione spoliati observandus. ibid. spoliato quid probandum pro obtinenda restitutione. ib. p. 208
- SPONSALIA** qualiter ex parte promissionis esse debeant, ut valida sint. 4. tit. 1. p. 465 & seq. verba, quæ denotant sponsalia. ibid. p. 467 facta, per quæ sponsalia inferantur. ibid. effectus sponsalium. ibid. p. 468 dissolutio sponsalium quomodo fiat. ibid. & seq. ætas ad sponsalia requisita. 4. tit. 2. p. 479 an liceat a sponsalibus in impubertate contractis resilire. ibid. sponsalia a parentibus pro liberis contracta. ibid. p. 480 sponsa duorum. 4. tit. 4 p. 486 sponsalia conditionata. 4. tit. 5. p. 489.
- STATUTA** & Leges possunt Principes in Imperio suis subditis condere. 1. tit. 2. pag. 16 Statuta Legatorum. 1. tit. 30. pag. 101 Statuta Capituli sede vacante. 3. tit. 9. pagina 334 Statutum usuræ licitas facere potest. 5. tit. 19. pag. 595 & seq.
- STVDIOSI** habent forum privilegiatum. 2. tit. 2. p. 167 prorogare in se non possunt jurisdictionem iudicis non sui. ibid. pag. 171

STVPRVM quid & quotuplex. 5. T. 16. p. 586 poenæ stui-
pro statutæ ib.

SVBDITVS quomodo quis fiat. 2 T. 2. p. 161

SUCCESSIO in Emphyteusi quæ 3. T. 18 p. 366 successio
in feudis. 3. Tit 20 pag. 372 successio ab intestato. 3. T. 27
pag. 398

SUPPLICATIO quid sit, & quomodo ab appellatione
differat 2 T. 28. p. 276

SVPENSIO proprie dicta quid sit, & quid circa illam
statutum. 5. T. 39 p. 637

SYNDICVS quis & quomodo constitui possit. 1. T. 39. p.
135 Syndici officium & potestas. ib. Synodoticum quid. 3.
T. 39. p. 439

TEMPORA Ordinationum. 1. T. 11. p. 63

TEMPVS, intra quod electio facienda. 1. T. 6. p. 47
tempus, intra quod confirmatio petenda. ibid. tempus con-
suetudinem introducendi requisitum. 1. T. 4. p. 34 tempus
ad præscriptionem requisitum. 2. T. 26. p. 265 tempus solu-
tionis. 3. T. 23. p. 382 tempus feriatum, quo non licet so-
lemnitas nuptiarum. 4. T. 16. p. 513

TESTAMENTVM quid & quotuplex. 3. Tit. 26. p. 389
solemnitates testamenti. ib. quomodo solemnitates ad testa-
mentum requirantur. ib. p. 390 testamentum privilegiatum.
ib. p. 391 testamentum condere qui possint. ib. p. 392 testa-
menti executores. ibid. p. 394 quot modis infirmetur testa-
mentum. id. p. 395

TESTES qui possint esse. 2. Tit. 20 p. 232 testes inhabiles
non in omnibus causis repelluntur. ib. p. 233 testes produ-
cendi modus. ib. p. 234 testes recipiendi modus. ib. testes
examinandi modus. ib. p. 235 testium iterata productio su-
per iisdem articulis an liceat. idid. testes de quibus rebus
possint deponere. ib. & seq. probatio per testes. ib. p. 236
testium reprobatio. ib. & seq.

TITVLVS ad acquirendum dominium. 2. Tit. 12. p. 201
titulus ad præscriptionem requisitus qui. 2. T. 26. p. 263

TITVLVS MENSÆ quid. 1. T. 11. p. 65

TONSVRA PRIMA probabilius non est ordo proprie
dictus. 1 T. 11. p. 63

TORNEAMENTA quid & quotuplicia. 5. T. 13. p. 578
torneamenta sub quibus poenis sint prohibita. ib.

TRADITIO a consuetudine differat. 1. T. 4. p. 33

TRANSACTIO quid. 1. Tit 36 pag. 122 transigere qui
possint. ib. p. 123 de quibus rebus liceat transigere. ib. ef-
fectus transactionis. ib. p. 124 ex quibus causis rescindi pos-
sit transactio. ib.

TRANSLATIO Episcopi cujus auctoritate fiat. 1. Tit. 7.
p. 54 quomodo fiat. ib. ejus effectus. ib. p. 55

TREGVA alia legalis, alia conventionalis. 1. T. 34 p. 116

TRIDENTINVM. Quæst. Proæm. p. 7

TRINITAS SVMMA, & quid de ea credendum. 1. T.
1. pag. 10

- VACATIO** apud sedem vel in Curia quæ dicatur. 3. T. 5. p. 319
- VACATIO** beneficii quotupliciter contingere possit. 3. T. 8. p. 332 vacante sede quid possit, & quid non possit Capitulum. 3. T. 9. p. 334
- VAGI** ubi inveniuntur, ibi conveniri possunt. 2. Titul. 2. pag. 163
- VASSALLVS** qui esse possit. 3. T. 20 p. 371 Vassallus quomodo amittat feudum. ib. p. 373
- VENATIO** quid. 5. Tit. 24. p. 607 venatio quæ prohibita sit Clericis. ib.
- VENDITIO** quid. 3. Tit. 17. pag. 355 substantialia hujus contractus. ibid. pag. 356 vendi quæ possint. ib. p. 357 venalium rerum pretium. ibid. p. 358 Venditoris obligationes. ib. p. 359
- VENERATIO SANCTORVM** licet. 3. T. 45. p. 450
- VERBORVM SIGNIFICATIO** quid sit, & quæ de interpretatione verborum regulæ. 5. Tit. 40. pag. 640
- VETITVM ECCLESIAE** quomodo accipiatur in materia matrimoniali. 4. Tit. 16. p. 514
- VICARIVS** alius natus, alius datus. 1. Tit. 28. p. 93 Vicarium Generalem potest Episcopus constituere. ib. pag. 92 Vicarii Generalis jurisdictio. ib. Vicarius Capituli sede vacante. ib. p. 93 Vicarius in divinis. ib.
- VIDVA** inter annum luctus nubens quas poenas incurrat. 4. Tit. 21. p. 535
- VIOLATORES ECCLESIA RV M** qui sint, & quæ contra eos statuta poenæ. 5. T. 17. p. 590
- VIS** quomodo dividatur, & quis ejus effectus. 1. Tit. 40. pag. 136
- VITIATI CORPORE** ordinandi non sunt. 1. Tit. 20. pag. 82
- VITIUM LITIGII** affecta res. 2. T. 16. p. 217 vitium rei venditæ tenetur venditor emptori interroganti aperire. 3. T. 17. pag. 359
- VNCTIO SACRA.** 1. T. 15. 74 & 75.
- VNIO BENEFICIORVM** tripliciter fieri potest. 3. T. 5. p. 317. unire beneficia diocesis suæ potest Episcopus. ib. requisita ad validam unionem. ib.
- VNIVERSITAS HEIDELBERGENSIS** gaudet privilegio, ut Studiosi ejus etiam alibi delinquentes ad eam remittantur. 2. T. 2. p. 167
- VOTVM** quæ ad sui valorem requirat. 3. Tit. 34. pag. 421 voti obligatio. ibid. voti obligatio quomodo tollatur. ibid. p. 423. irritatio voti. ibid. commutatio votorum. ibid. pag. 424. dispensatio in votis. ib. p. 425. votum paupertatis. 3. Tit. 35. pag. 425. votum castitatis. ibid. pag. 426. votum obedientiæ. ib. votum simplex castitatis regulariter est tantum impedimentum impediens matrimonium. 4. Tit. 6. pag. 491. Votum simplex sponsalia post votum contrahenda reddit nulla. ibid. pag. 492. votum solemne est impedimentum dirimens. ibid.
- VOTVM**, vel vocem activam in electione qui habeant. 1. Tit. 6.

Tit. 6. pagina 44 votum vel vocem passivam qui, ibid. pagina 45

VSVCAPIO & præscriptio olim differebant. 2. Titul. 26. pag. 257

VSVRA quid & quotuplex. 5. Tit. 19. pag. 594 Vtura quo jure sit prohibita. ibid. pag. 595 tituli ab usura excusantes. ibid. usuras promissas an teneatur solvere debitor. ibid. pag. 596 usurarius an acquirat dominium rerum per usuram veram acceptarum. ibid. usurarius an & quomodo teneatur ad restitutionem. ibid. pag. 597 pœnz usurariorum. ibid. pag. 598 usura an in aliis contractibus præter mutuum committatur. ib. p. 598 & 599 in quibus pactis licet usura videatur committi, non tamen committatur. ib. & seq.

VXOR ADVLTERA an debeat dimitti a marito innocente. 4. Tit. 19. pag. 529 uxorem inter & virum qualiter donatio sit prohibita. 4. Tit. 20. pag. 532

O. A. M. D. G.

F I N I S.



